


Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.273



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.273



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINAQUL 2.3.273


2Q.3

2.3.273

XXXVIII

R. V. V. S.

AVG





VITÆ
D AURELII
AUGUSTINI
LIBRVS IV.


AUCTORE
R. PIOANNE RIVIO,
S. TH. Doctore,
Ordinis Eremitarum
S. AUGUSTINI
Per Inferiorem Germaniam
Priore Provinciali.

ET HAC

A. QUIL

ET ILLA





V I T Æ
DIVI AVRELII
AVGVSTINI
HIPPONENSIS EPISCOPI

E T
ECCLESIAE DOCTORIS EXIMII,
Ex Operibus eius concinnatæ, rerumque ab eo
gestarum & scriptarum

LIBRI QVATVOR.

*In quibus Historiæ Ecclesiasticæ Africanæ, Manichæorum item,
Donatistarum, Arianorum, Pelagianorum, aliarumq; hæreseon*

S Y N O P S I S:

Omnibus Augustini Libros legere & intelligere
volentibus necessaria.

Studio & Industriâ Reuerend. P. IOANNIS RIVII,
S. Theol. Doctoris & Professoris, Ord. Eremitarum
S. AVGVSTINI, per Germaniam Inferiorem
Prioris Prouincialis.

A N T V E R P I Æ;
Ex Officina HIERONYMI VERDVSSII 1646.

ILLVSTRISS. AC REVERENDISS^{mo}.

DOMINO,

D. IACOBO BOONEN,

ECCLESIAE METROPOLITANÆ

MECHLINIENSIS

ARCHIEPISCOPO,

Belgiæ Primate, Regiæ Majest. ibidem
à Consiliis Status, &c.

Illustrissime Domine.



Si D. AVGVSTINVS, tum pro-
pter excellentem vitæ sanctitatem,
tum doctrinæ ac Theologicæ præser-
tim eminentiam, omni sæculo &
etate apud omnes in ore & honore
uerit; hæc attamen tempestate non
puto esse vllum hominem, vel tam
tenuiter in sacra doctrina versatum, vel nouorum adeò
negligentem, vt non sæpius senserit Augustini nomi-
ne aures suas animumque pulsari. Hoc vbi primùm à
sexennio circiter, fieri cepisset; dolebam sanè (quam-
a 3 quam

D E D I C A T I O.

quam id sæpe deploraueram) non exstare conscriptam eius vitam , aliaque res gestas & scriptas , uti tanti viri nominisq; dignitas exigebat. Verum quidem erat hanc vitæ rerumque historiam contineri in Operibus ipsius , ab Auctore ubi occasio tulisset , posteritati commendatam ; sed quoniam vasta eadem sunt & ardua , lectoresque suos aliò rapiunt ; nemo observabat omnia , sed pauci pauca. Inter hos ego me fuisse profiteor : qui postquam huius Oceani profundum ingressus sum , extuli quædam quæ palàm omnibus supernatabant , alia , quæ sunt eruta altius. Neque sum idcirco tam temerarius , ut omnia me putem expiscatum esse : quin potius existimem , longè plura fugisse sollertiam meam , quæ repetitis fortasse laboribus , aut instituto spicilegio , in commune orbis vniuersi horreum conferemus. Sciebam ex discipulis Augustini fuisse Possidium , qui Magistri vitam edidisset : sed neque ignorabam id tum fuisse factum , cum recens Viri memoria & honor , omnium animis occurabat : ut non debuerit idcirco Possidius , plura quàm paucula complecti eo compendio vitæ Magistri , quod summâ fide conscriptum posteris reliquit. Cupidum enim plurimum Lectorem , ad libros & volumina Augustini remittit. Igitur hic Possidij riuulus accessit ad ipsum quem adiuvimus , Augustini fontem : hoc inquam simpulum , ad eius puteum. Ceteri qui post secuti

D E D I C A T I O.

secuti sunt, Vitæ D. Augustini Scriptores, ponderandi fuerunt auctoritate suâ & vetustate: ut nemo laturus sit ægrè, si fontem ipsū & puteum, post riuulum Possidij & simpulum adeamus potiùs, quàm in lamis & stagnis hominum recentiorum brachia lassando eruamus non tam gemmas, quàm sordes. De huius ergo Historiæ fide nemo in polterum, opinor, dubitabit. Nam quis rectiùs nouerit Augustinum, quàm Augustinus ipse? Quis eum fideliùs expresserit? Si enim rerum à se gestarum certissimus Auctor est Iulius Cæsar; quantò iustius est, se suæque narranti Augustino fidem adhibere? Huius perinde voluminibus omnibus lustratis, quod sparsim annotare licuit, in narrationis ordinem redeimus, adscripto sicuti potuimus Anni indicio, tamquam unicâ Historiæ & rerum præteritarum face.

Porro hic D. Augustinus, non tam meo, quàm suomet proprio ut dixi, penicillo depictus, nullius alterius pinacothecam spectabat quàm Tuam, Illustrissime Præsul. Nam sicuti olim in Ecclesia, Litterarum quas Formatas appellabant beneficio, inuicem communicare Episcopi solebant; & suæ quodammodò fidei testimonium in alterius animum transfundere: ita sanè non fidei dumtaxat suæ, sed doctrinæ etiam & sententiæ præsidio, pridem se penetra-

D E D I C A T I O.

netralibus animi Tui intulit Augustinus. Neque
formidamus, vt hanc possessionem pristinam ali-
quando amittat. Radices eius nimio opere veteres sunt :
& non approbas, scimus, eos, de quibus grauer
l. Di- Calsiodorus : Sunt nonnulli qui putant esse laudabile, si quid
uin. contra Antiquos sapiant, & aliquid noui, vnde perire videan-
Leff. tur inueniant.

Quàm enim id præfidenter hodie fiat, non est o-
pus scribendo aperire : quando eadem superbia, quæ
homines arbitrij sui laudatores facit & æstimatores ;
reddat Veterum Patrum contemtores : quorum perin-
de Theologicam scientiam habeant infra Peripateticas
suas & profanas quisquillas.

Iam & Episcopi res gestæ, tanti equidem quan-
tus Augustinus fuit, nemini quàm eiusdem Ordinis
Viro summo, inscribi debuerunt : vt cum Te tem-
porum nostrorum speculum Vitæ habemus ; habeas
ipse memoriam Ante-diu-cessorum. Etenim in do-
ctrinæ puritate (quod tralatitium est) Augusti-
num nobis aliquem repræsentas : in animi robo-
re, per hanc temporum difficultatem, Ambrosium :
in benignitate Martinum : vt quos dignitate &
ætate sequeris, porrò sequaris imitatione virtu-
tum.

Atque hæ causæ sunt, cur Patrocinium Tuum,
meus

DEDICATIO.

meus ecce Augustinus imploret : neque Episcopus pietate & doctrinâ præcipuus , voluerit alterius , quam utroque hoc titulo spectabilis Episcopi , tecta subire. Tu eum accipe Illustrissime Præsul, & tantum ex Africa hospitem , cordis tui beneuolo hospitio dignare.

Bruxellæ è Canobio Augustiniano, ipso die sancti Præsulis Augustini. 1645.

Illustrissima & Reuerendiss.

Gratiæ Tuæ humilis Seruus

F. IO. RIVIVS.

ãã

PRÆ.

PRÆFATIO
AD LECTOREM.



Multi sunt, fateor, qui in hoc vitæ D. Aurelij Augustini agro amplissimo, eruditionis & industriæ suæ sulcos duxerunt; sed haud tali existimo successu, ut eruerint omnia, & singula. Nam sicuti omnes non habuerunt easdem scribendi causas; ita in varios scopos abierunt, prout suam quisque controuersiam optabat esse decisam. Nos, horum nihil oculis præfiximus, sed vnā & solam Historiæ veritatem: quam ut assequi possimus tantò siue rectius, siue certiùs; non aliū ferè vitæ, rerumq; à se gestarum scriptarumq; testem citabimus, quàm ipsummet AVGVSTINVM: qui vti optimus; ita verissimus suiipsius ipse pictor est. Non tamen præteribimus quæ illius æui, atque etiam aliorum sequentium scriptores fide digni, de eo memoriæ prodiderunt, quantum propositi nostri ratio permittet. Ea verò ex ipsis fontibus, in quibus reperimus, educta publicamus: neque alienis oculis alicubi lectum huc transferimus magis, quàm scribimus alienâ manu. Vtrumque enim, quia errori atque deceptioni obnoxium, studiose vitauimus. Vale, ac fruire.

AD

AD AVCTOREM
HUIUS OPERIS.

AVdebône tuis secretum tradere conchis
Aurium, ab invidia quod procul esse iubet
Et candor meus, & comperta scientia, quam te
Hac in materie maximam habere scio?
Qui Vitam AVRELI mundo hæcenus AVGVSTINI,
Conscriptam variis exhibuere libris;
Rancida dumtaxat sæcli monumenta nouelli,
Somnia quæ possis dicere vana senum,
Iudicio procul, & procul omni mente dedisse,
Atque ipsos fontes præteriisse Operum:
E quibus illius certo ordine gesta decebat,
Et solis, vitam mordicùs eruere.
Hinc etenim turbata fides ætatis, & Anni
Confusi, & vitium repit in Historiam:
Dum quæ facta, infecta volunt: infectaque facta,
Quod pòst antiùs, quod priùs vltèrius.
Cæteraquæ in genere hoc quamplurima, quæ tuus arte
Mirificà in versum protulit ecce labor.
Cessabunt igitur lites: AVRELIVS ipse
Totius vitæ testis & auctor adest.

Ludebat God. vanden Mortelle. I. C.

AD EVNDEM.

DOctrinæ en phoenix ex se redit AVGVSTINVS:
Scribere vel scribi veriùs an potuit?

A L I V D.

ERivo pelagus doctrinæ exundat, ab orbe
Pelagij sordes diluat vt reliquas.

B. A. M. G. F.

C E N S V R A.

Publico Ecclesie bono & eruditorum desiderio consulit Reuerendus admodum ac eruditiss. Pater IOANNES RIVIVS S. Theol. Doctor, Patrum Augustinianorum in Belgio Prior Prouincialis, dum in hoc suo libro SANCTVM AVGVSTINVM rediuinum exhibet, non alienis coloribus sed propriis, & ipsis penè verbis Sanctissimi Doctoris depictum. Non potuit Alexander nisi Apellis penicillo depingi: non potuit magnus Augustinus nisi ab Augustino, aut magno Augustiniano viuis coloribus delineari. Ita censeo hac 21. Ian. 1645. Bruxellis.

HENRICVS CALENVS *Archidiaconus Metropolitana
Ecclesie Mechliniensis ac Illustrissimi Domini Archie-
piscopi Vicarius Generalis.*

SVMMA PRIVILEGII REGII.

PHILIPPVS Dei gratia Hispaniarum, Indiarum, &c. Rex Catholicus, Archidux Austriae, Dux Burgundiae, Brabantiae, &c. Serenissimus Belgarum Princeps, diplomate suo sanxit, ne quis Librum, cui titulus est, *Vita D. AVRELII AVGVSTINI Libri IV. auctore R. P. IOAVNE RIVIO S. Th. Doctore Ordinis Eremitarum S. AVGVSTINI per Inferiorem Germaniam Priore Prouinciali*, præter HIERONYMI VERDVSSII Typographi Antuerpiensis voluntatem vlllo modo imprimat, aut alibi impressum in Inferioris Germaniae ditiones importet intra nouennium. Qui secus faxit, confiscatione Librorum & alia graui penâ multabitur, vti latius patet in litteris datis Bruxellæ 28. Martij, Anno M. DC. XLV.

signat

STEENHVYSE.

DIVI

VITÆ
D. AVRELII
AVGVSTINI
LIBER PRIMVS.



Hoc primo Libro, qui propriè Augustinum tangit, breuiter ac succinctè vitam eius exhibebimus, quam tum ante tum post Baptismum duxit: illam liberam & per varios errores cespitantem; hanc Monachismo, Presbyterio, & denique Episcopatu, atque interea Libris conscriptis & editis, oppido memorabilem: vnàque cum natura dotibus, gratia diuina charismata. Qua deinde in Episcopatu siue pro Fidei Catholica contra varias Hæreses defensione, siue pro morum restitutione egit; tribus sequentibus Libris prolixiùs, ac plenius, ut ita dicam, velis persequemur.

CAPVT I.
AVGVSTINVS ANTE ET POST
BAPTISMVM, VSQVE AD PRESBYTERIVM.

S. I.

Nascitur Anno 354.

Avgustinus natus est Tagaste, in Prouincia Africana, Idibus Nouembris: parentibus honestis & Christianis. *Posid. c.1. Aug. l.de vit. beat. & l.4. Confess. c.7.* Tanta verò res tamque mirabilis, vila
A ci na-

ei natiuitas humana fuit aditusque in vitam, vt de suâ scribat: Quid volodocere Domine Deus meus, nisi quia nescio vnde venerim huc? in istam dico mortalem vitam, an mortem vitalem, nescio. Deus enim est qui per parentes carnales, ex carne & in carne nos format in tempore. &c. *l. 1. Conf. c. 6. & l. 9. c. 13.*

§. II.

Augustini Parentes.

Pater ei PATRICIVS fuit, de numero Curialium in municipio Tagastensi. *l. 9. Conf. c. 13. Possid. c. 1 l. 2. conf. c. 3.* Per id tempus Curiales & Decuriones in municipijs vocabantur, qui Romæ & in colonijs Senatores: ideo quia curiæ officium administrabant, & procurabant munia ciuilia. Erat vir animosus, sed opibus tenuis: sicuti beneuolentiâ præcipuus, ita irâ feruidus: infidelis primùm, post fidelis. *l. 2. conf. c. 3. l. 9. c. 9.*

Mater MONICA, orta Christianis parentibus, & educata pudicè ac sobriè: diligentiam potissimùm famulæ cuiusdam decrepitæ, quæ patrem eius infantem portauerat, sicut dorso grandiuscularum puellarum parvuli portari solent. *l. 9. conf. c. 8. 9. & 13.* Vbi plenis annis nubilus facta est; tradita viro, seruiuit veluti domino: atque ita tolerauit cubilis iniurias, vt nullas de hac re cum marito haberet vnquam simultates.

Nouerat enim non resistere viro irato, non facto tantùm, sed ne verbo quidem: refracto verò & quieto, cum opportunum videret, rationem facti sui reddebat, si fortè ille inconsideratiùs commotus fuerat. Hoc quoque illi munus grande Deus donauerat, quod inter dissidentes atque discordes quolibet animas, vbi poterat, tam se præbebat pacificam; vt quidquid inimicum vtrique audisset, neutri parti proderet, nisi quod ad eas reconciliandas valeret. *l. 9. conf. c. 9.*

Fuit viri vnus vxor: mutuam vicem parentibus reddidit: domum suam piè tractauit: in operibus bonis testimonium habuit: nutrit filios, toties eos parturiens, quoties à Deo deuiare cernebat. *ibid.* Quare cum videret mortem filij, ex fide & spiritu quem in Deum habebat

habebat; exaudiuit eam Dominus: exaudiuit eam, nec despexit lacrymas eius, cum profluentes rigarent terram sub oculis eius, in omni loco orationis eius. Hinc illud somnium, quo consolatus est eam, ut viuere secum crederet filium, & habere eandem mensam in domo. Et alterum præterea responsum, per sacerdotem Dei Episcopum quemdam, & exercitatum in libris diuinis, qui affirmabat Fieri non posse, ut filius istarum lacrymarum periret. *l. 3. conf. c. 11. & 12.*

Etenim his freta, & pietate fortis, terrâ marique filium secuta est, in periculis omnibus de Deo secura. Nam & per marina discrimina ipsos nautas consolabatur, à quibus rudes abyssi viatores, cum perturbantur, consolari solent, pollicens eis peruentionem cum salute, quia hoc ei Deus per visum pollicitas erat. *l. 6. conf. c. 1.*

Filium cum Mediolani reperisset, falsitati iam quidem ereptum, sed veritatem nondum adeptum; pectore pleno fiducia dicebat: credere se in Christum, quod prius quam de hac vita emigraret, visura eum esset fidelem Catholicum: cum neque interea cessaret Deo misericordiarum preces & lacrymas densiores fundere, ut acceleraret adiutorium suum, & illuminaret tenebras filij sui, & studiosius ad Ecclesiam curreret in Ambrosij ora suspendi. *ibid.*

Conuersationis enim erat religiosi timor: quâ in bonis operibus tam seruens frequentabat Ecclesiam, ut eam propterea Ambrosius diligere, & saepe, cum Augustinum videret, prorumperet in eius prædicationem. Vnde & ipsa, pro eo affectu quo in Ambrosium tenebatur, quem propter salutem filij maxime diligebat, pie & obedienter prohibitionem eius amplexa est, quâ vetuerat ad Memorias vel Oratoria sanctorum (sicut in Africa fieri solebat) pulles & panem & merum adferre: tum ne villa occasio se ingurgitandi daretur ebriosis; tum quod illa quasi parentalia, superstitioni gentilium essent simillima: *l. 6. conf. c. 2.* vel quali egressu de corporibus animæ carnales cibos requirerent. *serm. 15. de sanct.*

Cumque Iustina, Valentiniani Regis pueri mater, Ambrosium persequeretur, hæresis suæ Arrianæ causa; & ob id excubaret pia plebs in Ecclesia, ne fortasse sabita hæreticorum audacia occuparetur, mori parata cum Episcopo suo; atque ibidem ne incensoris tacito contabesceret, secundum morem Orientalium partium, cepisset hymnos & psalmos concinere; primas ibi partes tenens sollicitudinis & vigiliarum Monica, orationibus vivebat. *l. 9. conf. c. 7.* Vnde contigit post

disputationem De vita beata, vt, recognitis verbis, quæ memoriæ ipsius penitus inhæserant, quasi euigilans in fidem suam, versum illum Ambrosij, *Fove precantes Trinitas, læta effuderit. l. de vit. beat. in fin.*

Erat etiam serua seruorum Dei, id est, eorum qui ante dormitionem ipsius, perceptâ gratiâ Baptismi, in Deo consociati vnâ cum filio eius viuebant: ita curam gerens, quasi omnes genuisset; atque ita seruiens, quasi ab omnibus genita fuisset. *l. 9. conf. c. 9.*

Interfuit quoque disputationi non paruæ rei, quam Augustinus die suo Natali cum conuiuiis habuit, atque in libellum contulit: in quâ, licet antea ingenium ipsius atque in res diuinas inflammatum animum, convictu diuturno & diligenti consideratione perspectum habuisse dicat; tum verò tanta mens Monicæ apparuit, vt nihil aptius veræ Philosophiæ crederetur. Ob quam causam volebat, vt neque alijs colloquiis deesset. *l. 2. de Ord. c. 1.* Etenim cum de Vitâ Beatâ disputatum est; ipsam prorsus arcem Philosophiæ tenuit eius sententia: vt ei tantummodò verba defuerint, vt non sicuti Tullius sese tum panderet. *l. de vit. beat.* Quapropter recitante verba Tullij Augustino, sic Monica exclamauit, vt ij, qui aderant, obliti penitus sexus eius, magnum aliquem virum confidere secum crederent: Augustino quantum poterat intelligente, ex quo illa, & quàm diuino fonte manarent. *eod. lib.* Iam cum Philosophia sit amor sapientiæ, quam Augustinus à puero vehementer amauit; testatur matrem suam non minus eandem amasse: imò in eâ adeo profecisse; vt nec cuiusuis incommodi fortuiti, nec ipsius mortis (quod viris doctissimis difficillimum est) horrore deterreretur: vt ob id libenter se illi discipulum tradat. *l. 1. de Ord. c. 11.*

Quæ cognitione multis quidem ardua; Monicæ tamen (cuius ingenium quotidie nouum erat, cuiusque animum vel ætate, vel admirabili temperantiâ remotissimum ab omnibus nugis, & à magna labe corporis emergentem, in se multum surrexisse Augustinus cognouerat) tam erant facilia, quàm difficilia tardissimis, miserrimeque uiuentibus. Quapropter eius sermo, tametsi non careret fortasse locutionis & linguæ vitio; attamen contemptis istis vel puerilibus rebus vel non pertinentibus ad se, ita Grammaticæ pænè diuinam vim naturamque cognoscebat, vt eius animam tenuisse, corpus reliquisse, disertis videretur. *l. 2. de Ord. c. 17.*

Vt sua perinde suorumque vota (quibus non diuitias, vel honores, vel

vel eiusmodi res fluxas atque nutantes, & quouis resistente transeuntes, optabant) deuotissime impleantur; maximè iniungit negotium matri: curus precibus indubitanter credit atque confirmat, istam sibi mentem Deum dedisse, vt inueniendæ veritati nihil omnino præponat, nihil aliud velit, nihil cogitet, nihil amet. Ideoque nec desinebat credere, hoc tantum bonum, quod matre promerente concupierant, eadem petente adepturos. *l. 2. de Ord. c. 20.*

Ceterum religionis in Deum, eiusque timoris manifestum in Monicâ indicium fuit, quòd die quodam post cœnam, cum ad requisita naturæ foras Licentius exiisset, & ad aliquem cantilenæ modum quem nuper hauserat & amabat, vt sit, melos inusitatum isthic loci paullo clariùs cecinisset, *Deus virtutum conuerste nos, & ostende faciem tuam, & salui erimus*, quàm vt ipsa ferre posset; obiurgauerit illum religiosissima femina, quòd inconueniens locus cantico esset. *l. 1. de Ord. c. 8.*

In Africam rediens, cum apud Ostia Tiberina decubisset febribus, licet magnâ semper curâ astuasset de sepulchro quod sibi prouiderat & præparauerat iuxta corpus viri sui, volens, quia valde concorditer vixerant, adiungi ad illam felicitatem, & commemorari ab hominibus, concessum sibi esse post transmarinam peregrinationem, vt coniuncta terra ambos coniuges tegeret: illam tamen tum curam dimittens, Ponite, inquit, hoc corpus vbi cumque tantum illud vos rogo, vt ad Domini Altare memineritis mei, vbi fueritis. *l. 9. conf. cap. 11.*

Ergo imminente die resolutionis suæ, non cogitauit corpus suum sumptuose contegi, aut cendi aromatibus, aut monumentum electum conuenire, aut curauit sepulchrum patrum: sed tantummodo desiderauit memoriæ suæ ad Altare Dei fieri, cui nullius diei prætermessione seruierat; vnde sciret dispensari victimam sanctam, quâ deletam est idarographum quod erat contrarium nobis, & triumphatus est hostis, qui delicta nostra compatiens quærit quid obijciat, nihil inueniens in eo in quo vincimus. *l. 9. conf. c. 13.* Obijt nono ægritudinis suæ die, anno ætatis quinquagesimo sexto: *ibid. l. 1.* Corpus sepulture eo loci traditum: *ibid. c. 12.* postea Martino V. Summo Pontifice Romam translatum, in Ecclesia Sancti Augustini honorificè conditum est. *Martyrol. Rom. 9. April.*

§. III.

Consanguinei: Amici ac Discipuli.

FRATER Augustini fuit NAVIGIVS : *l. de vit. beat. & l. 1. de Ord. c. 2.* LASTIDIANVS & RVSTICVS consobrini, qui nullum vel Grammaticum passi sunt : *l. de vit. beat.* PATRICIVS subdiaconus, nepos: *serm. 50. de divers.* Fuit & illi germana soror, quæ vidua Deo seruient, multo tempore vsque in diem obitus, præposita ancillarum Dei vixit *Posid. c. 26. Aug. Epist. 109.* Neptes denique ex patruo & fratre, quæ pariter Deo seruiebant. *Posid. ibid.*

Filium habuit ex se natum carnaliter, nomine ADEODATVM : qui cum esset annorum quindecim, ingenio præueniebat multos graues & doctos viros : *l. 9. conf. c. 6.* & magnum quiddam pollicebatur : *l. de vit. beat.* tantis nimirum à Deo gratijs instructus, vt in eo præter peccatum, suum nihil ipse parens agnosceret. *l. 9. conf. c. 6.* Cum Augustino loquitur in libro De Magistro : suntque illius sensa omnia, quæ ibi ex persona collocutoris inferantur : & quia multa alia eius mirabilia expertus fuerat; horrore sibi fuisse illud ingenium ait *ibid.* Obijt baptizatus in adolescentia: securiorque ob id eius meminisse pater solebat, non timens quidquam pueritiæ, nec adolescentiæ, nec omnino homini illi. *ibid.*

Inter Auditores, primum Tagastæ, deinde Carthagine ALIPIVS fuit, ex eodem quo ipse ortus municipio, parentibus primatibus, minor eo natus: quem dilexit propter magnam virtutis indolem, quæ in non magna ætate satis eminebat : *l. 6. conf. c. 7.* Alioquin & corpore satis paruo fuisse ostendit, vbi ait: Quasi verò longum aliquid nos quæramus, præsertim aduersus Alipium: nam non mediocriter parua ista esse fortia & vtilia, satis ipse de suo corpore argumentaretur. *l. de vit. beat.* Quæ ob causam (dum contemptim de Alipio iam Episcopo loquitur) Vernulam peccatorum Augustini, Iulianus diminutiuo vocabulo post nuncupauit. *l. 1. op. imp. c. 8.* Mirum verò quàm huic Alipio conueniât, quæ habet Eunapius de alio quodam Alypio Alexandrino, quod corporis modum & ingenium vtriusque attinet, Eunapij verba sunt: Aetate Iamblichi vixit Alypius, in Dialecticis exercitissimus, corpusculo exiguo admodum paulloque quàm cubitali, aut pygmæi maio-

maiore, quod intuenti videri poterat anima, spiritusue esse: vsque adeo quod corruptioni obnoxium erat, nihil adolefcebat, sed in diuinam quamdam naturam consumebatur. Vt igitur magnus ille Plato, diuina corpora ait esse diuersa ab ijs quæ sunt animo circumfusa; ita dixerit non absurde aliquis, etiam illum in animam immigrasse, à quâ detineatur possideaturque velut à Deo. *ita Eunap.*

Hunc Augustinus Carthagine abduxit ab insaniâ Circensium, nè vanorum ludorum præcipiti studio tam bonum interimeret ingenium. *l. 6. conf. c. 7.* ibidemque ab æditis fori comprehensum, tamquam furem, narrat *cap. 9.* Augustino prius Romam profectus, ut Ius disceret; iterum amicorum artificio capitur insaniâ Ludorum gladiatoriorum, à quibus antea abhorruerat. *ibid. c. 9.* Et factus Assessor Comitum Italicarum, rigore Legum sustinuit fortiter: nullius potentiam aut minas vti veritus, ita clausus muneribus. *cod. l. c. 10.* Igitur Manichææ superstitionis cum esset, *ibid. c. 7.* Romæ reperiens, adhæsit Augustino fortissimo vinculo, vnâque Mediolanum profectus est, vbi & aliquid de Iure egit, & assedit ceteris mirabili continentia. *ibid. c. 10.* Nutabat cum Augustino in consilio, Quisnam esset tenendus vitæ modus? *ibid.* cumque esset per id tempus callissimus, & viueret continentissimè; prohibebat eum ab vxore ducendâ, tamquam certo inquirendæ Sapientiæ impedimento. *cod. l. c. 12.*

De Persona Christi, ante conuersionem (vbi & Augustinus ipse) perperam sentiebat. Hic enim Christum, non personâ Veritatis; sed magnâ quâdam naturâ humanâ excellentiâ, & perfectiore participatione sapientiæ præferri ceteris arbitrabatur: Alipius autem, Deum carne indutum ita putabat credi à Catholicis; ut, præter Deum & carnem, non esset in Christo anima mentemque hominis non existimaret in eo prædicari. de quo errore videri potest, *l. de Agone Christ. c. 27.* Quamobrem pigrius mouebatur ad Christianam fidem: cum videret ea quæ de Christo memoriæ mandata sunt, sine vitali & rationali creatura fieri non posse. Sed postea hæreticorum Appollinaristarum hunc errorem esse cognoscens, fidei Catholice contemperatus est. *l. 7. conf. c. 19.*

Reuersus in Africam, prius Augustino Episcopus creatus est patrie Ecclesiæ Tagastensis. Eam ob causam nominari antè solet, *Epist. 24. 36. 92. 95. 96. 145. 241.* Attamen nondum ad hanc dignitatem erat

assumptus, cum Hierosolymam profectus, ibidem Hieronymo innotuit, *Epist.* 8. (quem perinde Hieronymus amanter salutat, *Epist.* 18. & 26. apud *August.*) ac deinde in reditu Paullino Nolæ agenti: quem in Augustini amicitiam, virtutis commendatione intulit, *Epist.* 31. Doctrinâ, sanctitate, & legationibus obitis clarus, ad extremum Senex siue Primas Episcoporum Numidiæ fuit *Epist.* 67. & post mortem factis Ecclesiasticis adscriptus, 15. *Augusti.*

Sequitur NEBRIDIUS: qui relicta patriâ vicinâ Carthagini, atque ipsâ Carthagine ubi frequentissimuserat, relicto rure paterno optimo, relicta domo, & non secuturâ matre; nullum ob aliam causam Mediolanum venerat, nisi ut cum Augustino viueret in flagrantissimo studio veritatis atque sapientiæ. Vnde pariter suspirabat, pariterque fluctuabat, beatæ vitæ inquisitor ardens, & quæstionum difficilimarum (ut patet *Epist.* 268. alijsque) scrutator acerrimus. l. 6. conf. c. 10. Ideoque valde oderat de quæstione magnâ responsionem breuem: *Epist.* 23. tantoque erant ei gratiores, quanto loquaciores pagina. *Epist.* 72.

Cum his duobus vehementer anhelauit Augustinus ante conuersionem, ad virtutem & sapientiam: quam tum apprehendere non poterant; sed neque tamen in sæcularibus actibus suis reperire placidam quietem. Vnde repetebant cum gemitu: Quamdiu hæc? l. 6. conf. c. 10. Cum iisdem disputabat de Finibus bonorum & malorum: scribitque Epicurum accepturum fuisse palmam in animo suo, nisi credidisset post mortem restare animæ vitam, & tractus meritorum: quod Epicurus credere noluit, ipse verò semper credidit. l. 6. conf. c. 16.

Interea verò dum Mediolani omnes obhærent, Nebridius, ut subdoceret VERECUNDO (cui & grammatico Mediolanensi, omnium ipsorum familiarissimo, vehementer & desideranti & familiaritatis iure flagittanti ex eorum numero fidele adiutoriū, quo indigebat nimis) ut, inquam, huic subdoceret Nebridius, ceterorum amicitie cessit: cum petitionem omnium contēnere nollet, amicus dulcissimus & mitissimus. l. 8. conf. c. 6. Sed nondum erat Christianus, quando in foueam perniciosissimi erroris incidit, ut carnem Christi phantasma crederet. de quo vide l. de *Agon. Christ.* c. 22. Sed emerlit, & non multò post Augustini suamque conuersionem & regenerationem per Baptismum, iam fidelis Catholicus, castitate perfectâ atque continentiam Deo seruiens, in Africa apud suos (cum tota domus eius per eum Christiana-

na facta esset) carne solutus est. *l. 9. conf. c. 3.*

TRIGETIVS deinde, cuius etiam Tagastensis, *l. de vit. beat.* quem adolescentem, quasi ad detergendum fastidium disciplinarum, aliquantum sibi militia usurpavit; sed magnarum honestarumque artium ardentissimum edacissimumque restituit, *l. 1. cont. Acad. c. 1.* Quo postremo vocabulo, notat Trigeti edacitatem, qui alibi de se ipse quatit: Cur non pro edacitate sua creuerit? *l. de vit. beat.*

Denique LICENTIVS: qui, sicuti Trigetius, summo loco natus, *l. 1. de Ord. c. 11.* cuius item Tagastensis, *l. de vit. beat.* filius Romaniani, mercenatis Augustini, *l. 1. cont. Acad. c. 1. & 9. & l. 2. c. 3. & 7.* ad Philosophiam totus à iuuenilibus illecebris, voluptatibusque conuersus: ita ut cum non temerè audeat patri imitandam proponere. *l. 1. cont. Acad. c. 1.* Hosce enim duos, Trigetium Licentiumque, Hortensius, liber Ciceronis, iam magna ex parte conciliasse Philosophiæ videbatur. *Ibid.* Aliquid interim puerile vtriusque, vehementi obiurgatione castigat: neque aliam ab illis mercedem poscit, quàm ut boni sint. *l. 1. de Ord. c. 10.* Ceterùm Licentius (quem Poëtam penè perfectum esse, ait *l. 2. cont. Acad. c. 3.*) Poësi versibusque uti deditus erat; ita delectabatur: *l. 2. cont. Acad. c. 4. & l. 3. c. 2. & l. 1. de Ord. c. 3.* Exstat eius non inelegans poëma ad Augustinum *Epist. 39.* qua illum Romæ agentem, & sectantem mundi militiæque vana, hortatur Augustinus ad eorundem contentum.

Aliorum amicorum ipsius, pro re natâ meminimus: quorum tantus erat, amicitiaque estimator; ut sine amicis, visus sibi fuerit beatus esse non posse: etiam tum, cum in affluentia carnaliû voluptatum, beatitudinem falsò collocaret. Quos utique gratis diligebat: vicissimque ab eis se diligî gratis sentiebat: *l. 6. conf. c. 16.* magno Sanè bonæ mentis indicio.

Magistrum sibi fuisse Democratem (Carthagine opinor in Rhetoricis) ipse testatur, *lib. Rhetor. c. 8.*

§. IV.

Scholas puer frequentat.

AB ipsa pueritia, cum memoria ei vel ingenium, pro ætatu non decissent, scholam frequentare cogitur: tametsi litteras, eas præ-

B

ser tim

fertim, quas primi magistri tradere solent, non amaret: *l. 1. conf. c. 9. 12. & 13.* sed magis pilæ lusum, falsasque fabellas: eo fine, ut quas semel audierat, curiosius porro spectaret in Ludis. *eod. l. c. 10.* Atqui ad discendum urgebatur à parentibus: quorum vterque eum litteras nosse, nimis optabat. *eod. l. c. 10. & 12. & l. 2. c. 3.*

Eo tempore edoctus est, Deum esse magnum aliquem: qui posset etiam humanis sensibus non apparens, homines exaudire, ijsque subvenire. Vnde rogare Deum cœpit, etsi parvus, non paruo affectu, nè in scholâ vapularet. *l. 1. conf. c. 9.* Audierat & nonnulla de doctrinâ Christi: atque instructus erat à matre, signare se signo Crucis: adeo ut quodam die pressus stomachi dolore adhuc puer, cum repente æstualet penè moriturus; piè instanterque flagitauerit Baptismum: qui, cum recreatus mox esset, dilatus fuit: quod improbat *l. 1. conf. cap. 11.*

Atque hinc veram Religionem sibi à parentibus puerulo insitam fuisse, non semel ait *l. de vtil. cred. c. 1. & l. de duab. anim. c. 1.* Imò loco cit. Confessionum, ita loquitur: Ita iam credebam, & illa [mater] & omnis domus, nisi pater solus: qui tamen non euicit in me ius maternæ pietatis, quò minùs in Christum crederem, sicut ille nondum crediderat. *l. 1. conf. c. 11.*

Græcas litteras peculiari instinctu oderat: nec non eas, ubi legere & scribere & numerare discitur: sed Latinas, quas Grammatici docent (quibus tradebantur errores Æneæ, & mors Didonis, quæ se amoris impotentiâ occidit) adamauit. Talis quippe dementia, honestiores, & vberiores litteræ putabantur, quàm illæ, quibus legere & scribere didicit. Iam verò, Vnum & vnum, duo; Duo & duo, quatuor; odiosa illi cantio erat: & dulcissimum spectaculum vanitatis, Equus ligneus plenus armatis: & Troiæ incendium, atque ipsius umbra Creüsæ. *l. 1. conf. c. 13.*

Et quamuis eiusmodi fabellæ contineantur etiam Grammaticâ Græcâ; erat tamen ipsi puero amarus Homerus: fortè ideo, quòd nulla vocabula Græca nosset; & sæuis instaretur terroribus, ut nosset: Latinam verò didicisset, sine vllò cruciatu ac metu, inter blandimēta nutricum, & ioca arridentium, & lætitiis alludentium. *l. 1. conf. c. 14.*

In Litterarum studio vtiliter profecit: & quia lasciuias etiam fabulas de Ioue tonante & adulterante, &c. libenter addidicit, eisque delectabatur; ob hoc bonæ spei puer appellabatur. *eod. l. c. 15. & 16.* Quapropter præmio laudis & dedecoris, vel plagarum metu, iuebatur

batur solutâ oratione dicere Iunonem dolentem, quodd non posset Italia Teucrorum avertere Regem, sicut eam Poëta versibus cecinerat. In quo argumento, acclamatum ei fuit præ multis constantis & conlectoribus ipsius. *ibid.* c. 17.

Talibus ingenij exercitationibus, efficiebatur vanus: præsertim cum barbarissimus aut solœcismus magis offenderet; quàm propriæ libidinis, integris & ritè consequentibus verbis ornata recitatio. *cod.* l. c. 18. Deinde, etiam vitiosus: fallendo scilicet innumerabilibus mendacijs pædagogum, & magistros, & parentes, amore ludendi, studio spectandi nugatoria & imitandi, ludicra inquietudine. Adhæc furta faciendo de cellario parentum & mensâ: idque vel gulâ imperante; vel ut haberet quod daret pueris, ludum suum, quamvis eo pariter delectarentur, tamen vendentibus. In quibus ludis, cupiditate vanæ excellentiæ, aucupabatur fraudulentas victorias: nihil denique minus pati poterat, quàm faciebat ipse alijs. *cod.* l. c. 19.

In tantillâ ætate curâ habebat incolumitatem suam, veluti rem divinam: custodiebat integritatem sensuum suorum: inque ipsis parvis, parvarumque rerum cogitationibus, veritate delectabatur: falli nolebat: memoriâ vigeat: amicitia mulcebatur: fugiebat dolorem, abiectiõnem, ignorantiam. *ibid.* c. 20.

Non tantum in patriâ, sed & Madauris vrbe vicinâ, litteraturæ, præsertim Oratoriæ percipiendæ, operam dedit: unde Tagastam redactus est, sub annum decimum sextum ætatis. l. 2. *conf.* c. 3.

S. V.

Vacat Otio & vitijs.

TOto hoc anno studia intermisit, dum longinquioris apud Carthaginem peregrinationis sumtus præparabantur, animositate Anno. 370.
magis quàm opibus patris, municipis Tagastensis admodum tenuis. *ibid.* Ergo ex necessitate domestica, sceleratus ab omni schola, dum cum parentibus est, excesserunt caput eius vepres libidinum, & nulla erat eradicans manus. *cod.* l. c. 3. Non enim fuit cura parentum, ruentem illum excipere matrimonio: sed cura fuit tantum, ut disceret sermonem facere quàm optimum, & persuadere dictione. *ibid.* c. 2. metuebant

bant verò, ne impediretur spes eius compede vxoriâ. *cod. l. c. 3.* Itaque siluescebat varijs & vmbrosis amoribus; neque erat quod illum delectaret, nisi amare, & amari. *l. 2. conf. c. 1.* Quinimò vbi pater in balneis, eum pubescentem vidit, quasi iam ex hoc in nepotes gestiret, gaudens vxori indicauit. *cod. l. c. 3.* Nam licet tunc esset Catechumenus; tamen hoc recens erat: atque adeò de filio ad Deum dirigendo nihil propè cogitabat, sed inania tantummodò. Mater nihilominus voluit, secretòque monuit illum cum sollicitudine ingenti, ne fornicaretur, maximè ne adulteraret cuiusquam vxorem. Sed illi monitus ei muliebres videbantur, quibus obtemperare erubesceret. *lib. 2. conf. cap. 3.*

Eò siquidem iam deuenerat, & præceps ibat tantâ cœcitate, vt inter coætaneos puderet eum minoris dedecoris, quàm audiebat alios iactantes flagitia sua, & tantò gloriantes magis, quantò magis turpes erant: & ideò libebat facere, non solum libidine facti, verùm etiam laudis. Vnde, ne vituperaretur, vitiosior fiebat: & vbi non suberat, quo admissò æquaretur perditis; fingeat se fecisse quæ non fecerat: nè videretur abiectior, quò erat innocentior; & nè vilior haberetur, quò castior. *ibid.*

Et quoniam relaxabantur illi ad ludendum habentæ ultra temperamentum seueritatis, in dissolutionem affectionum variarum; *cod. l. c. 1.* & c. abductus malo consortio, *ibid. c. 8. & 9.* furtum commisit, excusâ pyro in viciniâ, idque nocte intempestâ, vnde abstulerunt onera ingentia: non ad epulas; sed vel proijcienda porcis, etiamsi inde aliquid comederint. *cod. l. c. 4.* Nam tametsi pulchra erant illa poma; non tamen ipsa concupiuit, quia meliorum copiam habebat: sed tantum decerpfit, vt furaretur. *cod. l. c. 6. & 8.*

S. VI.

Abit Carthaginem.

R Omaniano, quem familiarissimum semper habuit, homine diuite, *l. 1. cont. Acad. c. 1. l. 7. cont. c. 14.* cognato Alipij, *Epist. 32.* eius studia domo & sumptu promouente; *l. 2. cont. Acad. c. 2.* venit Carthaginem: *ibid. & l. 3. conf. c. 1.* Et circumstrepebat eum vndique sargo flagitiosorum amorum: peruenitque occultè ad vinculum fruendi. *l. 3. conf. c. 1.* Inde zelotypia. &c. *ibid.*

Cartha-

Carthagine spectacula Tragica frequentat, atque in theatris con-
gaudet amantibus, cum se fruebantur per flagitia: cum autem sese
amittebant; quasi misericors contristabatur: quamvis hæc imaginariè
gererentur in ludo spectaculi. *cod. l. c. 2.* Ausus etiam est in celebritate
sollemnitatem, intra parietes Ecclesiæ Christianæ, concupiscere, &
agere negotium procurandi fructus mortis. *ibid. c. 3.* Versatur ibidem
& inter caussidicos, cum studia ipsius intuerentur fora litigiosa, ut
excelleret in eis, hoc laudabilior, quò fraudulentior: tametsi abho-
reret ab eorum factis, hoc est ab eversionibus, quibus proteruè in-
stabantur ignotorum verecundiam, quam perturbabant gratis illu-
dendo, atque inde pascendo maleuolas læticias suas. *cod. l. c. 6.*

Iam agebat ætatis annum vndeagesimum, & erat defunctus Pater Anno:
eius ante biennium, *l. 3. conf. c. 4.* in extremâ vitâ temporali, ad Chri- 373.
stum vxoris operâ conuersus; *l. 9. conf. c. 9.* quando vlitato discendi or-
dine in studio Eloquentiæ, peruenit in librum quemdam Ciceronis,
qui exhortationem continet ad Philosophiam, & vocatur Hortensius:
cuius lectione viluit ei repente omnis vana spes, & immortalitatem
sapientiæ concupiscebat astu cordis incredibili. *l. 3. conf. c. 4. & l. de
vit. beat.*

Ab hoc tempore perinde desinit cupere diuitias, nec aliud quid-
quam in his, si quo casu offerrentur, præter necessarium victum, libe-
ralemque vsum, cogitauit. Hoc enim vnus ille Ciceronis liber facil-
limè persuasit, nullo modo appetendas esse diuitias: sed si prouene-
rint, sapientissimè atque cautissimè administrandas. *l. 1. soliloq. c. 10.*
Et licet huius libri lectione vehementer esset accensus, hoc tamen so-
lo tanta flagrantia refrigescerebat, quòd nomen Christi non erat ibi,
quod in ipso adhuc lacte Matris, tenerum cor eius præ liberat, & alte
retinebat: adeò ut quidquid esset sine hoc nomine, quamvis litera-
tum & expolitum & veridicum, non cum totum raperet. *l. 3. conf. c. 4.*

Igitur haud illi nebula defuerunt, quibus contunderetur cursus
ipsum: & Diu, inquit, fateor, quibus in errorem ducebar, labentia
in oceanum astra suspexi. *l. de vit. beat.* Ex ijs siquidem se fuisse existi-
mat, qui vel in primo adolescentiæ limine, vel iam diu multumque
iactati, tamen quardam signa respiciunt, & suæ dulcissimæ patriæ, in
ipsis quoque fluctibus recordantur: & aut recto cursu, in nullo saluè
& nihil morati, eam repetunt; aut plerumque vel inter nubila deuian-
tes, vel mergentia contuentes sidera, vel nonnullis illecebris capti,

bonæ navigationis tempora differentes, errant diutiùs, sæpe etiam periclitantur. &c. *eod. lib.*

S. VII.

Incidit in Manichæos, & seducitur.

Quamobrem ad sacras litteras, animum quidem cœpit applicare; sed propter styli simplicitatem fastidiebat: *l. 3. conf. c. 5.* quod alibi exponit his verbis: Nam & superstitio quædam puerilis, me ab ipsa inquisitione terrebat. *l. de vir. beat.* Verùm ubi factus erectior; illam caliginem dispulit, sibi que persuasit docentibus potiùs, quàm iubentibus esse credendum. *eod. l.* Cùmque esset cupidus veri, & nonnullorum in scholâ doctorum hominum disputationibus superbus & garrulus; *l. de vit. cred. c. 1.* incidit in homines superbè delirantes, & carnales nimis & loquaces (Manichæos) in quorum ore laquei diaboli, & viscus confectum commixtione syllabarum nominis Dei, & Domini Iesu Christi, & Paracleti consolatoris nostri Spiritus sancti: hæc enim omnia non recedebant de ore eorum, sed sono tenuis & strepitu linguæ: ceterùm cor inane veri. *l. 3. conf. c. 6.*

Quod autem Manichæorum deliria attinet; insigne omninò est, quod Solem (ad cuius gyrum orando conuertebantur) nauem quandam esse dicerent: ita non tantùm, ut dicitur, toto cælo errabant, sed & natabant. Deinde cùm omnium oculis Sol rotundus effulgeat; eaque illi figura pro sui ordinis positione, perfecta sit; Manichæi eum triangulum perhibebant, id est, per quandam triangulam cæli fenestram, lucem istam mundo terrisque radiare. Ita fiebat ut ad Solem, dorsum cervicemque curuarent; non autem ipsum tam clarâ rotunditate conspicuum, sed nescio quam nauim per foramen triangulum micantem, atque lucentem adorarent.

Verùm hæc tolerabiliùs fortasse vel ridebantur, vel ferebãtur in eis: illud erat intolerabiliter sceleratũ, quod de ipsâ naui puellas pulchras, & pueros proponi dicebant, quorũ formosissimis corporibus inardescerent Principes tenebrarum, ad feminas masculi, & ad masculos feminæ: ut in ipsa flagranti libidine & inhianti concupiscentiâ, tamquam de terris, sordidisque compedibus, Dei ipsorum membra soluantur.

tur, vide l. 2. cont. Felic. in fine. Atque his obscenissimis pannis conabantur assuere ineffabilem Trinitatem, dicentes Patrem in secreto quodam lumine habitare: Filij autem in Sole virtutem, in Luna sapientiam: Spiritum verò sanctum, in aëre. l. 20. cont. Faust. c. 5. & 6. Plura eiusdem farinae videri possunt, l. de morib. manich. c. 8. & seqq. l. de natura boni c. 43. & c.

Horum familiaritate, in primis quadam imagine bonitatis irrepente (tamquam sinuoso aliquo vinculo multipliciter collo inuoluto) dum vititur; l. de duab. animab. c. 9. præsertim quòd se dicerent seposita auctoritate, mirà & simplici ratione, eos, qui se audire vellent, introductores ad Deum, & errore omni liberaturos: neque vllum premere ad fidem, nisi prius discussa & enodata veritate: l. de vit. cred. c. 1. deinde, quòd quadam noxia victoria, penè semper illi in disputationibus proueniret, differenti cum Christianis imperitis, sed tamen fidem suam, ut quisque poterat, defendere molientibus; seductus est attritusque per admirabiles circuitus. Hoc enim successu creberrimo, gliscebant adolescentis animositas: & impetu suo in peruicacia magnum malum imprudenter vergebat. l. de duab. animab. c. 9.

Vnum præ ceteris fluctuantem illum acriter torquebat, quòd, unde malè faceremus, assequi cogitando haud posset. Hanc enim questionem cum sub Euodij nomine proponeret; Eam, inquit, questionem moues quæ me admodum adolescentem, vehementer exercuit, & fatigatum in hæreticos impulit atque deiecit. Quo casu ita sum afflictus, & tantis obrutus aceruis inanum fabularum; ut, nisi amor inueniendi veri, opem diuinam impetrauisset, emergere inde, atque in ipsam primam querendi libertatem respirare non possem. l. 1. de lib. arb. c. 2.

Cum verò duabus professionibus, Electorum scilicet & Auditorum, Ecclesiam suam Manichæi constare voluerunt: har. 46. Augustinus, dum inter eos versatur, non Electus; neque Presbyter, ut Petilianus falsò obiecit, l. 3. cont. Petil. c. 17. sed Auditor fuit, disp. 1. cont. Fortun. nouem annis, l. de mor. Eccl. Cath. c. 18. & l. cont. Epist. fund. c. 10. magnà curâ & diligentia; l. de mor. man. c. 19. ab vndeciesimo ætatis, vsque ad duodevigesimalum, seductus & seducens. l. 4. conf. c. 1. Nam simul atque auditis Manichæis, altercandi studium aggressus erat; quidquid suo vel qualicumque ingenio, vel alijs lectionibus poterat; solis illis libentissimè tribuebat. Sicque ex illorum sermonibus,

bus, ardor in certamina; ex certaminum prouentu, amor in illos quotidie mouebatur. Ex quo euenit, vt quidquid dicerent, miris quibusdam modis, non quia sciebat, sed quia optabat verum esse, pro vero approbaret. Ita factum est, vt quamuis pedetentim atque cautè; tamen diu sequeretur homines, nitidam stipulam, viuenti animæ præferentes. *l. de duab. anim. c. 9.*

Nam cum longè pluris facerent oculorum quàm mentis iudicium; nullam esse fulgentem pennam, quæ non ex Deo fulgeat: & esse viuentem animam, quæ non ex Deo viuat, prædicabant & credebant. *eod. l. c. 8.* At verò si sapere voluissent, contrarium longè verius iudicassent. Ea nempe quæ sensibus percipiuntur, inferiora esse ijs, quæ solo intellectu percipi queunt: ideoque Solem istum & Lunam, omnemque lucem (quæ, quia mortalibus oculis cernuntur, à Deo facta Manichæi docebant) inferiora esse quibuscumque viuentibus, quæ solâ animi sublimitate, mente scilicet atque intelligentiâ capiuntur, quæque idcirco Deo auctore priuanda & viduanda putabant. *eod. l. c. 11.*

§. VIII.

Ingenij ipsius præstantia & capacitas.

Anno.
374.

ANnos natus fermè viginti, Categorias Aristotelis, solus legit & intellexit: atque omnes Artium liberalium libros euoluit: & Artem differendi, Mathemata, Musicam, Arithmeticam, sine difficultate, nullo præceptore consecutus est. *l. 4. conf. c. 16.*

Res sanè inaudita monstrique similis; vt id ætatis adolescentulus, nullius hominis magisterio, at solo naturalis ingenij lumine, Aristotelis Categorias (in quas, cum eas Rhetor Carthagenensis magister ipsius buccistyphe crepantibus commemoraret, & alij qui docti habebantur; tamquam quid magnum & diuinum suspensus inhierat) legerit solus atque intellexerit. Nam & illis satis apertè videbantur loquentes, de Substantijs, sicuti est homo; & quæ in illis essent, sicuti est figura hominis, qualis sit, & statura quot pedum sit; & cognatio, cuius frater sit, aut vbi sit constitutus, aut quando natus, aut stet aut sedeat, aut calceatus vel armatus sit, aut aliquid faciat, aut patiatur,

tur aliquid: & quæcumque in his nouem generibus, vel in ipso Substantiæ genere, innumerabilia reperiuntur.

Quapropter cùm contulisset cum eis, qui se dicebant vix eas, magistris eruditissimis non loquentibus tantùm, sed multa in puluere depingentibus, intellexisse; nihil inde aliud ei dicere potuerunt, quàm quod solus apud semetipsum legens cognouerat. Iam, quantiæ sollertiæ est, quod omnes libros Artium, quas liberales vocant, quoscumque legere potuit, tunc per seipsum non legerit tantùm, sed etiam intellexerit, nullo hominum tradente? Puta quidquid de Arte loquendi & differendi: quidquid de dimensionibus figurarum, & de musicis, & de numeris fuit. Neque enim priùs sensit illas artes, quarum tot nodosissimos libros, nullo adminiculo humani magisterij, solà ingenij celeritate atque agilitate enodauerat, etiam à studiosis & ingeniosis difficillimè intelligi; nisi cùm eis easdem conabatur exponere: & esset ille excellentissimus in eis, qui exponentem non tardius sequeretur. *cod. l. 6. c. 6.* Atque hac consideratione, viuacitatem ingenij ipsius, Cassiodorus commendat, *l. Diu lect. c. 2. 2.* idemque accuratè ponderat Philippus Abbas Bonæ Spei: *vii. D. Aug. c. 5.*

Quo perinde nomine, palàm superbus erat: ob Manichæi verò dogmata, occultè superstitiosus: vbique vanus, ac popularis gloriæ inanitatem sectans, vsque ad theatricos plausus, & contentiosa certamina, & agonem coronarum, & spectaculorum nugas, & intemperantiam libidinum. *l. 4. conf. c. 1.*

S. IX.

Docet Tagasta.

IN patriam reuersus, docet Grammaticam. *Possid. cap. 1.* Vbi eum Romanianus fauore, familiaritate, communicatione domus, clarum penè primatemque fecit. *l. 2. cont. Acad. c. 2.* Mater enim eum nolle coeperat, detestans blasphemias erroris ipsius. *l. 3. conf. c. 11.* Ineptijs enim & sycophantijs Manichæorum, prorsus erat implicatus. *cod. l. c. 6. 7. & 10. & l. 4. c. 1.*

Vnde illa videns filij mortem, pro eo ad Deum plorabat ampliùs,
C
quàm

quàm flent matres corporea funera. Deus verò consolatus est eam somnio, quo vidit se stare in quadam regula lignea, & aduenientem ad se iuuenem splendidum, hilarem atque arridentem sibi, cum illa esset mœrens, & mœrore confecta. Qui cum causas quæssisset ab ea mœstitiæ, quotidianarumque lacrymarum, docendi, vt assolet, non discendi gratia; atque illa respondisset, perditionem filij se plangere: iussisse illum quò secura esset, atque admonuisse vt attenderet, & videret vbi esset illa, ibi esse & illum. Quod illa vbi attendit, vidit filium iuxta se in eadem regula stantem. *l. 3. conf. c. 11.* Hoc visum cum filio narrasset, & ipse ad se trahere conaretur, vt illa se potiùs non desperaret futuram quod ipse erat; continuò sine aliqua hæsitazione, Non, inquit, non enim mihi dictum est, vbi ille, ibi & tu; sed vbi tu, ibi & ille. Quo eius constante responso commotus plus, quàm ipso somnio fuit. *ead. l. & c.*

Sed cum interim non cessaret à fletu, & rogasset Episcopum quemdam Catholicum, vt dignaretur colloqui cum filio, & refellere errores ipsius: Episcopus verò negaret, eò quod inflatus nouitate hæresis, esset indocilis, vt qui nonnullis quæstiunculis iam multos imperitos exagitasset; sed consuleret sibi relinquendum, donec per se errorem deprehendisset: ipsa verò nollet acquiescere, sed instaret magis, deprecando & vbertim flendo, vt coràm cum filio dissereret; Episcopus sub stomachans tædio, Vade, inquit, à me, ita viuas: fieri non potest, vt filius istarum lacrymarum pereat. Quod ita accepit, ac si de cælo sonuisset. *l. 3. conf. c. 12.*

Inter hæc dum Tagastæ docet, comparauerat sibi amicū, societate studiorum nimis carū, quemque à verâ fide deflexerat in superstitiones & perniciosas fabellas, propter quas à matre plangebatur. Hunc contigit febribus laborare: cumque desperaretur, diu iacens in sudore lethali, baptizatus est nesciens. Id Augustinus ludibrio habebat: cumque putaret agrotantem, vbi foret recreatus, similiter trisurum; contrà accidit, ridentemque æger exhorruit vt inimicum: admonuitque mirabili & repentinâ libertate, vt, si amicus esse vellet, ridere desineret. *l. 4. conf. c. 4.* Is post paucos dies repetitus febribus, defungitur: cuius mortem adeo tulit impatienter, vt solum mutaue- rit tandem, atque à Tagastensi oppido venerit Carthaginem. *ead. l. 6. 4. 5. 6. & 7.*

§. X.

Carthaginem redit, docetq; Rhetoricam.

Huius itineris conscius duntaxat Romanianus fuit: qui tametsi initio obstarat, & abiturientem amore patriæ, ubi iam docebat, cunctaretur; postquam tamen euincere adolescentis cupiditatem, & ad ea quæ videbantur meliora tendentis, nequiuit; ex dehortatore in adiutorem tantâ benevolentia conuersus est, vt necessarijs omnibus iter ejus adminiculauerit. *l. 2. conf. Acad. c. 2.* Neque hoc solum; verumetiam Carthagine existentis, cunabula, & quasi nidum studiorum fouit, & iam volare audentis rudimenta sustentauit. *ibid.*

Carthagine paullo post Rhetoricam docuit, & sine dolo dolos, non quibus contra caput innocentis agerent discipuli, sed aliquando pro capite nocentis. *l. 4. conf. c. 2.* Quâ consideratione fatetur Deum de longinquo, lapsantem in lubrico & in multo fumo vidisse scintillantem fidem ipsius. Nam licet per id tempus haberet vnam, illegitimo coniugio cognitam; attamen ei thori fidem seruabat. *cod. l. 6. c.* Cumque ei semel placuisset inire certamen carminis Theatrici, & exquisiuisset Aruspex (necaturus scilicet in sacrificijs suis animantia, & illis honoribus inuitaturus alteri suffragatura dona) respondit, quid mercedis dare vellet vt vinceret? abominatus foeda illa sacramenta, respondit. Nec muscam pro victoriâ suâ necari permissurum, tametsi corona esset immortaliter aurea. *ibid.*

Nihilominus cum rerum curiosarum desiderio teneretur; Planetarios, quos Mathematicos vocant, impense consulebat: quodd nulum eis esset sacrificium, & nulla preces ad aliquem spiritum ob diuinationem dirigerentur. A quo studio tametsi quidam homo senex, nomine Vindicianus, arte medicus, *l. 7. conf. c. 6. & Epist. 5.* & Nebri- dius, cum dehortarentur, & irriderent; persuadere tamen non poterant, vt abiiceret. *4. conf. c. 3.*

Alipium, Carthagine agentem, à ludis Circensibus abducit: & inuolutum superstitione Manichæorum, adducit in suam disciplinam. *l. 6. conf. c. 7.* Discipulos alioquin apud Carthaginem inuenit licentio- sos, inurbanos, atque sine fronte, & ijs denique moribus, quibus ipse

C 2

dum

dum studeret, esse noluerat. *l. 5. conf. c. 8.*

Interea gaudet excolere amicos: cumque eis colloqui, & corrideri, & vicissim beneuolè obsequi: simul legere libros dulciloquos, simul nugari & simul honestari: dissentire interdum sine odio, tamquam ipse homo secum; atque ipsâ rarissimâ dissensione condire consensiones plurimas: docere aliquid inuicem, aut discere aliquid ab inuicem: desiderare absentes cum molestiâ, suscipere venientes cum lætitiâ. *l. 4. conf. c. 8.* Adhæc spem gerebat de pulchritudine vxoris, de pompa diuitiarum, de inanitate honorum, ceterisque noxijs & perniciosis voluptatibus. *l. de vit. cred. c. 1.*

§. XI.

Scribit de Pulchro & Apto.

SEd cum annorum iam viginti sex aut septem, pulchri, & pulchritudinis amator esset; ad eorum contemplationem, & causam, cur talia amentur, inuestigandam, animum appulit, scripsitque libros duos aut tres, de Pulchro & Apto. Et Pulchrum, quod per seipsum; Aptum autem, quod ad aliquid accommodatum, deceret; definiebat & distinguebat, & exemplis corporeis adstruebat. Hos libros, qui interciderunt, dedicauit Hierio, Romanæ vrbs oratori, homini Syro, Græcè & Latine facundissimo, & scientissimo rerum pertinentium ad studium Sapientiæ: quem iam tum amabat ex doctrinæ famâ, facie licet ignotum. *l. 5. conf. c. 13. 14. & 15.*

§. XII

Apud Manichæos dum proficit, deficit.

NOn omittebat figmenta, quæ Manichæos diurnâ consuetudine implicatos & constrictos tenent; & quærere curiosè, & attentè audire, & temerè credere, & instanter quibus poterat persuadere, & aduersus alios pertinaciter animoseque defendere. *l. cont. Epist. fund. c. 3.* Interfuit etiam Carthagine disputationi Heliidij contra Mani-

Manichæos, & nonnihil moueri cepit eo, quod videret eum talia ex Scripturis proferre, quibus resilli facillè non posset: & audiret Manichæos dicere. Scripturas noui Testamenti à nescio quibus, qui Iudæorum legem inferere Christianæ fidei voluerunt, fuisse falsatas, nec tamen ipsi incorrupta exemplaria vlla proferrent. *l. 5. conf. c. 11.* Quod Manichæorum effragium, inualidissimam vocem appellat, *l. de vit. cred. c. 3.* Videri quoque potest *l. de mor. Eccl. Cath. c. 9. & 29.*

Ipsè præterea, aliique, grauiter commoti, grauiterque questi sunt: vbi viderunt in quadriuiò Carthagini, in platea celeberrima, non vnum, sed plures quàm tres Electos simul, post transeuntes nescio quas feminas tam petulanti gestu adhinnire; vt omnium truiualium impudicitiam impudentiamque superarent. Quod de magna venire consuetudine, atque illos inter se ita viuere satis eminebat, quandoquidem nullus socij præsentiam veritus, omnes, aut certè penè omnes, eadè tenèrè pèste indicabat. Non enim erant hi ex vna domo, sed diuersè prorsus habitantes: ex eo loco vbi conuentus omnium factus erat, pariter sortè descenderant. *l. de mor. Manich. cap. 19.* Esto enim, magnam & prodigiosam sanctitatem Manichæi iactarent, vt ex Faustò patet *l. 5. cont. Faust. cap. 1. & 2.* attamen ipsa eorum vita neque respondebat tantæ iactantiæ, neque patriarchæ sui placita seruabant in omnibus. Aliud enim profitebantur, & viuebant aliter. Atque hinc Constantius, rigidus quondam Manichæus, at postea Catholicus Christianus, multos congregatorum suorum Romæ in domum suam congregauerat, propter implenda præcepta Manichæi, satis quidem vana & inepta, sed quæ ipsi existimabant magna. Quid sit & falsi sunt talibus præceptis cedere infirmitatem suam: & quia obaudire Constantio nolebant; factò schismate dispersi sunt quisque in viam suam. Perdurarunt quidè aliqui; sed hos, quia dormiebant in mattis, alij Mattarios appellarunt: à quorum stratis, longè dissimiles erant plumæ Faustis, & caprinæ lodices: quæ deliciarum affluentiâ non solum Mattarios fastidiebat; sed etiâ domum patris sui, hominis pauperis Mileuitani. Atque inde constat, magnam inter mores eorum & litteras diuersitatem fuisse, vt & inter linguam & vitam: neque sit pugnas primùm hominem cum gente tenebrarum; sicuti in Manichæis verba pugnant cum operibus. *l. 5. cont. Faust. c. 5.*

Cum deinde multa Philosophorum legisset, memoriæque mandata retineret; quædam ex eis comparabat Manichæorum longis fabu-

lis, & longè probabiliora reperit illis. *l. 5. conf. c. 3.* Nam cùm Philosophi multa ingeniosè & inuenerint & prænuntiauerint, puta defectus luminarium Solis & Lunæ, quo die, quâ horâ, quanta ex parte futuri essent, idque sine errore: adeò vt & regulas indagatas scripserint, quæ hodie leguntur; ex quibus prænuntiatur quo anno, & quo mense anni, & quo die mensis, & qua horâ diei, & quotâ parte luminis sui defectura sit Luna, vel Sol: additâ causâ per numeros & ordinem temporum, & visibiles attestationses siderum; quando hæc conferebat cum dictis Manichæi, qui de his rebus multa quòque scripserat, copiosissimè delirans; non utique occurrebat illi ratio nec solstitiorum & æquinoctiorum, nec defectuum luminarium, nec cuiusquam quod Philosophi tradiderant. Et nihilominus quod Manichæus dicebat, credere iuebatur, licet ad rationes Philosophorum, numeris & oculis eius exploratas, non quadraret: & à Philosophorum præterea dogmatibus, longè diuersum esset. *eod. l. 6. c.*

Ergo cùm subinde hæc quæstiones eum torquerent, alijque è vulgo Manichæi dissoluere non possent; promittebant illi venturum Faustum, cuius colloquio facillimè ei hæc, & si qua fortè maiora quæreret, enodatissimè expedirentur. *l. 5. conf. c. 6.* Cùm enim Manichæis lux ista quæ oculis cernitur, inter summa & diuina colenda videretur; non assentiebatur: sed putabat eos magnum aliquid tegere illis involucris, quod essent aliquando aperturi. *l. de vit. beat.*

Hunc Faustum fermè per nouem ipsos annos, quibus Manichæos audiuerat, nimis extento desiderio venturum expectabat: *l. 5. conf. c. 6.* cùm ecce anno ætatis eius vndetrigesimo, iam venit Carthaginem Faustus Manichæorum Episcopus, magnus laqueus Diaboli: *l. 5. conf. c. 3.* Illum audiebat: fama enim de illo prælocuta erat, quòd esset honestarum omnium doctrinarum peritissimus, & apprimè discipulis liberalibus imbutus. *ibid.* Expertus est itaque hominem gratum & iucundum verbis, & ea ipsa quæ alij solebant dicere, multò suauius garrientem. *eod. l. c. 6.* Vnde delectabatur, & cum multis, vel etiam præ multis, laudabat hominis facundiam: *ibid.* Tametsi verò laudabat; discernebat tamen à veritate rerum, quarum discendarum audis erat: nec quali vasculo sermonis, sed quid ei scientiæ commendum apponeret celebris ille Faustus, intuebatur. *eod. l. c. 3.* Iam enim didicerat, nec eò debere videri aliquid verum dici, quia eloquenter dicitur: nec eò falsum, quia incompolitè. *l. 5. conf. c. 6.*

Igitur

Igitur simul atque conferre familiariter cum eo potuit, & partiri quaestionum suarum curas; reperit eum expertem liberalium disciplinarum, & nonnisi Grammaticam tenere ylitato modo: quia verò aderat quotidiana sermocinandi exercitatio, inde suppetebat eloquium; quod fiebat acceptius, magisque seductorium, moderamine ingenij & quodam lepore naturali. *ibid.* Itaque desperabat Faustum sibi posse satisfacere: qui ipsemet fatebatur, non se audere ea quae continebantur in libris Manichaei de caelo & sideribus, & Sole, & Luna, explicare ad numerorum rationes, quas adducebant Philosophi, aut pares aliquas reddere. *cod. l. cap. 7.* Hoc iam homine cognito, omnis ipsius conatus quo proficere in illa secta statuerat, prorsus intercidit: tametsi Manichaeis adhereret tantisper, donec aliquid melius accepisset. *ibidem.*

S. XIII.

Romam proficiscitur.

Sub id tempus persuasus ab amicis (inter quos fuisse Martianum, qui profecturo Comicum illud occinuerit,

Nunc hic dies vitam aliam affert, alios mores postulat; apparet, Epist. 155.)

Romam proficisci statuit, ea potissimum de causa, quod audiret quietius ibi studere adolescentes, & ordinatiore disciplinae coercitione sedari. *l. 5. Conf. c. 8.* Profectum, Mater ad mare usque secuta est: à qua dum violenter teneretur, ut aut rediret, aut se una nauigare permetteret; tam praetextu deducendi ad nauem Amici, donec vento facto nauigaret, fefellit: & alicubi relicta, noctu clanculum discessit. Quod illa ubi manè facto didicit, miserabiliter plorauit. *ibid.* sed neque quidquam huius itineris indicauit Romaniano, quem alioquin celare nihil consueuerat. *l. 2. cons. Acad. c. 2.*

Romae corripitur febris, & periculosè laborat. *l. 5. Conf. c. 9.* Restitutus valetudini, sedulo coepit agere propter quod venerat, ut scilicet Artem Rethoricam Romae doceret: inque hunc finem domi prius aliquos congregauit, quibus, & per quos coepit innotescere. *cod. l. c. 12.* Interea versabatur cum Manichaeis promiscuè, tam Electis eorum, quam Auditoribus: verumtamen aliquantò remissiùs, negligentiusque doctrinam eorum vrgebat: tametsi decreuisset, si melius aliquid

aliquid non reperiret, eâ contentus esse; quod iudicaret, iuxta Academicorum opinionem, de omnibus esse dubitandum, neque aliquid veri ab homine comprehendi posse. *ead. l. c. 10.* Id alio loco exponit his verbis: Vbi discussis Manichæis euasi, maximè traiecto isto mari; diu gubernacula mea repugnantia omnibus ventis, in mediis fluctibus Academici tenuerunt. *l. de vir. beat.*

Et quoniam, cùm de Deo cogitare vellet, cogitare nisi moles corporum non nouerat: neque enim videbatur illi esse aliquid, quod corpus non erat; ea maxima, & propè sola causa erat ineuitabilis erroris ipsius. Nam ab hoc ceteri religati deducebantur. *l. 5. Conf. c. 10.* Quapropter Manichæos postea monebat: Dei naturam atque substantiam, incommutabilem omnino, omnino incorruptibilem cogitare vel credite: & Manichæi continuò non eritis, vt aliquando & Catholici esse possitis. *l. 33. cont. Faust. c. 9.*

S. XIV.

Venit Mediolanum.

Motus ingratitude discipulorum Romæ, cùm de abitione tantum non cogitare cœpisset; commodum accidit, Mediolano Romam mitti ad Præfectum Vrbi, vt illi Ciuitati Rethoricæ magister prouideretur. Quod munus cùm per Manichæos ambiret; dictione propositâ probatus à Symmacho, Mediolanum publico sumptu mittitur. *l. 5. Conf. c. 11. & 13.* Id factum sub Valentiniano minore, cuius tum Comitatus siue Curia Mediolani constituta erat. *Possid. c. 1.* Hic est Symmachus, Romanorum eâ tempestate disertissimus, Epistolarum auctor, & Apologiæ pro Vestalibus Virginibus: qui de Arâ Victoriæ instaurandâ cùm Valentinianum paulò antea interpellasset, Ambrosium Episcopum & Prudentium V. C. nactus est antagōnistas.

Augustinus ab Ambrosio paternè suscipitur; quem & ipse redamat, non vt veri Doctorem (quia desperabat in Ecclesia Catholica posse reperiri verum, vnde Manichæi illum auerterant) sed propter benignitatem. *l. 5. Conf. c. 10. & 13.*

Mediolani

Mediolani Kalendis Ianuariis, Imperatori & Bautoni Consuli, laudes pro sua tunc Rhetoricâ professione recitauit in maximo conuentu conspectuque hominum. *lib. 3. sent. Petil. cap. 25. lib. 6. Conf. cap. 6.* Hunc Imperatorem nonnulli Arcadium fuisse exillimant, qui ante biennium Augustus à Patre Theodosio appellatus, eodem cum Bautone anno, hic Occidentis, ille Orientis Consul designatus est; vt vnâ eâdemque oratione Consulem vtrumque laudaret. Ast quoniam Consulis in Oriente facti nomen haud equidem poterat tam citò in Occidentem deferri, vt Kalendis Ianuariis vterque Panegyrico extolleretur; non abs re fuerit hunc Imperatorem, Maximum existimare: qui licet per tyrannidem, occiso Gratiano, & Valentiniano pulso, Imperium occupasset; adeò tamen non erat ab eius laudibus temperandum, vt coniungere cum Bautone nefas esset.

Ad hoc agendum dum pergit; viso in plateis mendico, ex saturitate iocante, & latante, ingemuit: quòd id iam pauperculus esset adeptus, pauculis & emendicatis nummulis; quod ipse tam ærumnolis amfractibus & circuitibus frustra fortassis ambiebat, lætitiâ scilicet temporalis felicitatis. *lib. 6. Conf. cap. 6.* Ita enim cum Alipio & Nebridio loquebatur. *ead. l. c. 7.*

Ambrosium disputantem in populo audiebat perstudiosè, facundiam explorans, rerum incuriosus & contemptor. Et delectabatur suauitate sermonis, quamquam eruditioris, minùs tamen hilarescentis atque mulcentis, quàm Fausti, quod attinet ad dicendi modum. *lib. 5. Conf. cap. 13.* Quamuis autem res negligebat, tamen cum verbis, quorum captator erat, illæ simul in mentem incurrebant, sed gradatim. Vbi enim audierat solui vnum atque alterum ænigma eorum, quæ ex Scripturis Manichæi solebant Catholicis obicere, quod hætenus putauerat esse impossibile; vidit fidem Catholicam defendi posse. Sed ideò nondum efficitur Catholicus: quia, cùm Manichæismo iam esset occupatus, defensionis partes æquabantur. Hinc licet Academicorum more dubitaret de omnibus, atque inter omnia fluctuaret; comparans nihilominùs Philosophorum doctrinam de mundo rerumque naturâ, cum Manichæorum dogmatibus; iudicat illos probabiliora docuisse: & ideò decreuit, etiam de omnibus dubitans, Manichæos relinquere: & denique tamdiu esse Cathecumenus in Catholica Ecclesiâ, à parentibus sibi commendatâ, donec aliquid certi elucesceret, quò cursum dirigeret. *l. 5. Conf. c. 14.*

D

§. XV

§. XV.

*A Manichæis alienior accedit ad
Christianismum.*

T Alis cùm esset, venit ad eum Mater, terrâ marique infecuta: cui cùm indicasset, non esse se amplius Manichæum, sed neque Catholicum Christianum; exiliuit lætitiâ, & pectore pleno fiducia; respondit: Credere se in Christum, quod priusquam de hac vita emigraret, visura eum esset fidelem Catholicum. *l. 6. Conf. c. 1.*

Cæterùm ad quærendum intentus, & ad differendum inquietus animus ipsius cùm esset; neque facultas daretur conferendi cum Ambrosio quod volebat, sicut volebat, propter eius occupationes; audit illum omni die Dominico verbum veritatis tractantem: magisque confirmatur in hoc, quod omnes versutarum calumniarum nodi, quos Manichæi aduersus diuinos libros innectebant, possint dissolui. *lib. 6. Conf. cap. 3.* Signanter tamen ubi intellexit, ex eo quod homines facti sint ad imaginem Dei, non colligi, quod Deus habeat corpus: quamquam quomodo se haberet spiritualis substantia, comprehendere non posset; gaudens erubuit, se tot annos non aduersus Catholicam fidem, sed contra carnalium cogitationum figmenta latrasse. *eod. l. c. 3. & 4.* Gaudebat etiam, vetus Testamentum non proponi sibi legendum eo oculo, quo antea videbatur absurdum; sed quod assignaret pro regulâ Ambrosius: *Littera occidit, Spiritus autem viuificat.* nam ea quæ secundum litteram peruersa videri poterant, spiritualiter exposita, nihilum offenderent: licet eadem, quia non videbat vera esse, non crederet: volebat enim eorum quæ non videbat, ita fieri certior, uti certus erat quod septem & tria, decem sint, priusquam crederet aliquid. *lib. 6. Conf. cap. 4.*

Nihilominus iudicabat iam tum in Ecclesia Catholicâ longè modestius prudentiusque exigere fidem in rebus quæ non demonstrantur, quàm apud Manichæos: sicuti ostendit *lib. 11. contr. Faust. cap. 45. & lib. contr. Epist. fund. cap. 4.* qui veritatem temerè pollicentes, irrident Christianorum credulitatem, & postea tam multa fabulossima

sissima & absurdissima, quia demonstrari non possunt, credi impe-
 rant. *lib. 6. Conf. cap. 5.* Considerans præterea apud semetipsum, quàm
 innumerabilia crederet quæ non videret, neque cùm gererentur ad-
 fuisset: sicuti tam multa in historia gentium, tam multa de locis at-
 que urbibus, quæ non viderat: tam multa amicis, tam multa me-
 dicis, tam multa hominibus aliis atque aliis, uti exsequitur *l. de*
vit. cred. cap. 10. Epist. 112. in princ. quod nisi fieret, nihil omninò
 in hac vita ageremus: considerans denique quàm crederet firmi-
 ter, de quibus esset ortus parentibus, quod scire utique non pos-
 set, nisi audiendo credidisset; uti ponderat *l. de vit. cred. cap. 12.*
 his, inquam, rationibus persuasus fuit, debere se pariter credere,
 Scripturam sacram vnus veri & veracissimi Dei spiritu ac numine,
 esse humano generi ministratam: non ob aliud, quàm quod Deus
 rerum humanarum curam & providentiam gerat: quod punctum
 semper se credidisse ait, tametsi nunc robustius, nunc exilius. *lib. 6.*
Conf. cap. 5. Ergo quia per Scripturam sibi credi, perque ipsam se
 inquiri Deus voluit, quandoquidem homines suapte naturâ sint
 infirmi ad inueniendam liquidâ ratione veritatem: imò propterea
 sit eis necessaria sacrarum Litterarum auctoritas; hinc tantam eis
 per omnes mundi plagas vim, virtutemque tribuit, ut fides illicò
 ipsius adhibeatur, eò sanè dignius, quò Scriptura ipsa loquitur sim-
 pliciùs & humiliùs. *ibid.* Vide *de vit. cred. c. 13.*

Eodem tempore quo Mediolani agebat, accidit quod ipse alibi
 commemorat his verbis: Nobis apud Mediolanum constitutis, Car-
 thagini rhetor Eulogius, qui meus in eadem arte discipulus fuit,
 sicut mihi ipse, postea quàm in Africam remeauimus, retulit, cùm
 Rhetoricos Ciceronis libros discipulis suis traderet, recensens le-
 ctionem quam postridiè fuerat traditurus, quendam locum offendit
 obscurum. Quo non intellecto vix potuit dormire sollicitus: quâ
 nocte somnianti ego illi, quod non intelligebat, exposui: imò non
 ego, sed imago mea nesciente me, & tam longè trans mare aliquid
 aliud siue agente, siue somniante, & nihil de illius curis omninò
 curante. *lib. de cur. ger. pro mort. cap. 11.*

Interim inhiabat honoribus, lucris, coniugio, nec non vnâ cum Anno.
 Alipio & Nebridio nutabat in consilio: Quisnam esset tenendus vitæ 384.
 modus? *l. 6. Conf. cap. 6. & 10.* maxime verò mirabatur, recolens quàm
 longo tempore (ab anno scilicet vnde vigesimo, vsque ad tricena-

riam ætatem quam nunc gerebat) feruere cœpisset studio Sapientiæ, disponens, eâ inuentâ, relinquere omnes vanarum cupiditatum spes inanes, & insanias mendaces, dum se videt adhuc in eodem luto hæ-
rere, interea dum differt & differtur à Manichæis. *cod. l. c. 11.*

Inclinatur ad ducendam vxorem : dissuadet Alipius, cauens nullo modo eos posse securo otio simul in amore Sapientiæ viuere, si id fecisset. *l. Conf. cap. 11. & 12.* Sed ipse resistebat exemplis eorum, qui coniugati coluissent Sapienciam : adeò vt demum Alipio sit auctor desiderandi coniugium. *cod. c.* Igitur triginta annos natus, cogitat annitente matre de vxore ducendâ : & despondetur ei quæ biennio minor quàm nubilis erat : & quia illa placebat, expectabatur. *cod. l. c. 13.*

S. XVI.

Nondum baptizatus cogitat de vita communi.

DEliberationes cum Romaniano, Mæcenate suo (quem tunc graues æstus negotiorum, ad Comitatum siue Curiam Imperatoris attraxerant) & aliis circiter decem, de Vitâ communi eiusque modo, agit : sed posteaquam cœpit cogitari, utrùm hoc mulierculæ finerent, quas & alij habebant, & ipse habere volebat, periit id consilium abiectumque est. *l. 6. Conf. cap. 14.*

Siquidem cùm præsens præsenti Romaniano exposuisset interiores motus animi sui, vehementerque ac sapiùs assereret, nullam sibi videri prosperam fortunam, nisi quæ otium philosophandi daret; nullam beatam vitam, nisi quâ in philosophia viueretur : verumtamen se tanto suorum onere (quorum ex officio eius vita pendebat) multisque necessitatibus vel vani pudoris ipsius, vel ineptæ suorum miseriæ refrænari : tam magno elatus est gaudio Romanianus, tam sancto eiusmodi vitæ inflammatus ardore ; vt se diceret, si posset importunarum litium vinculis eximi, omnia Augustini vincula, etiam patrimonij sui cum eo participatione rupturum. *l. 2. cons. Acad. c. 2.*

Ab illo tempore nunquam cessauit inhians in Philosophiam, atque illam vitam, quæ inter eos placuerat atque conuenerat : & id constanter

stanter quidem, sed fortè minùs acriter egit, tametsi satis egisse se putet. *cod. l. & cap.*

Concubina ipsius, cùm intelligeret eum ad vxorem ducendam adiecisse animum, ab eo in Africam discedit, relicto ei filio suo: Deoque vouet alium se virum nescituram. At ipse aliam postea assumit. *l. 6. Conf. cap. 15.* Et metu mortis ac iudicii, reuocatum se à profundiore voluptatum carnalium gurgite fatetur: qui per varias quidem opiniones nunquam recessit de pectore ipsius. *cod. l. c. 16.*

§. XVII.

Æstus eius circa Dei naturam, & mali originem.

EX quo aliquid de Sapiencia audire cœperat, tametsi non cogitaret Deum in figurâ corporis humani, quæ totis medullis credebat incorruptibilem, & inuiolabilem, & incontaminabilem esse; quia tamen nihil ei esse videbatur, quod spatiis locorâ erat priuatum, idèd cogitabat eundem, licet sine corpore, nihilominùs esse aliquid corporeum, per spatia locorum vndequaq; intra & extra mundum diffusum: imò terram, cælum, mare, omniaque penetrans & peruiadens: eo modo quo lux Solis peruiadit corpus totius aëris, non dirumpendo aut concidendo, sed implendo eum totum. Quàm Dei representationem quia falsa est, damnat, *l. 7. Conf. c. 1.*

Inter alia verò docebant Manichæi, dum peccarent, non se peccare, sed Gentem tenebrarum, quæ bellum gessit cum Deo, à quo erant cum Gente tenebrarum commixti. Hoc enim dicebant: quod illa Gens tenebrarum rebellauerit aduersus Deum, antequam mundus fieret: & ille timens & cauens, ne regna eius illo adueniente hostili impetu vastarentur; misit huc membra sua, substantiam suam, hoc, quod ipse est: si aurum, aurum; si lux, lucem. Quidquid illud est, hoc misit, & miscuit visceribus Gentis tenebrarum, dicunt, & fabricauit inde mundum. Et nos animæ, inquiunt, de ipsis membris Dei sumus, sed premimur hîc visceribus Gentis tenebrarum: & quidquid peccare dicimur, illa Gens peccat. *Enarr. in psalm. 140. videri quoque*

potest *diff. cont. Fortun. l. de fide cont. Manich. & l. de Agon. Christ. c. 4.*

Huius dogmatis vanitatem & falsitatem deprehendit argumento Nebridij, quod iam diu ab usque Carthagine proposuerat: Deum nimirum incorruptibilem & inuiolabilem esse. de qua re vide loca citata, & *l. de mor. Manich. cap. 12.* & ideo cum nihil ei nocere potuerit Gens tenebrarum; nunquam alicuius pugnae causam adfuisse. *l. 7. Conf. cap. 2. vide l. cont. Secund. cap. 20.*

Cum itaque Deum incontaminabilem & inconuertibilem, & nulla ex parte mutabilem diceret: firmeque sentiret non tantummodò bonum, sed ipsum bonum, omnia omninò quæ creata sunt fecisse; causam mali inuestigat: & licet constanter nondum refundat in voluntatem, quam habere se tam clarè videbat, ac viuere; *l. de duab. Animab. cap. 10.* horret tamen Manichæorum dogma, quo Deum potiùs malè pati, quam hominem mala facere putabant. *l. 7. Conf. cap. 3. l. de vit. cred. cap. 18. l. de mor. Manich. cap. 11.* Nam cum sit incorruptibilis, & optimum bonum; malo, quod corruptio est, violari substantia eius nullo modo potest: *l. de duab. animab. cap. 12.* sed neque cogi inuitus ad aliquid, cum non minùs sit potens, quàm bonus. *l. 7. Conf. cap. 4.*

Ergò sollicitè & studiosè, iterum iterumque omnia perpendens, Deum considerabat, tamquam si mare esset, vbique & vndique per immensa spatia infinitum ac solum mare: & haberet intra se spongiam quamlibet magnam, sed finitam tamen: & plena esset vndique spongia illa, ex omni sua parte, ex immenso mari: sicque creaturam omnem finitam, Deo infinito plenam repræsentabat, dicebatque: Ecce Deus, & ecce quæ creauit Deus: & bonus est Deus, atque his longè præstantior; sed tamen bonus, bona creauit: & ecce quomodò ambit atque implet ea. Vbi ergo malum? Et vnde? Et quà huc irrepfit? Quæ radix, & quod semen eius? *l. 7. Conf. cap. 5.*

Mathematicorum diuinationes, quas pertinaciter etiam antea defenderat, iam prorsus reiecerat: comperitque omninò ex narratione Firmini, quod non secundum artem, sed sorte euenirent, quæ prænuntiarentur. *eod. l. c. 6.* Causam itaque mali pergit studiosè inquirere: eoque prouectus, vt firmiter crederet & esse Deum, & incommutabilem esse substantiam ipsius: & curam ei esse de hominibus: nec non in filio eius Christo Domino nostro, & auctoritate Scripturarum Ecclesiæ, viam à Deo positam salutis humanæ post mortem. *eod. l. cap. 7.*

§. XVIII.

Proficit lectione Platoniorum.

His ita habentibus, in libris Platoniorum, à Victorino Rhetore in Latinam translatis, l. 8. *Conf. cap. 2.* sibi que procuratis per quemdam hominem immanissimo typho turgidum, quædam reperit consentanea doctrinæ Christianæ. l. 7. *Conf. c. 9.* Qui libri, ut ait Celsinus, ubi bonas res Arabicas exhalarunt in eum; ubi quam habebat flammula instillarunt pretiosissimi vnguenti guttas paucissimas; incredibile est, quantum in eo concitarunt incendium: non enim tunc eum honor, non hominum pompa, non inanis fama cupiditas, nullum denique huius mortalis vitæ fomentum, atque retinaculum commovebat. Ita cursim redibat in se. Sed respexit quasi de itinere in illam religionem, quæ puero illi insita erat, & medullitus implicata. l. 2. *cons. Acad. cap. 2. & l. de vit. beat.*

Itaque tum cœperunt ei diuina, veluti si raptus fuisset in aliquam extasin, clariùs innotescere: cumque in eam claritatem altiùs prouchniteretur; radorum velut vehementiâ repressus est, visusque audire: Cibus sum grandium: cresce & manducabis me. l. 7. *Conf. c. 10.* Didicit quoque Deum à Creaturis ex diuersitate essendi distinguere: omnia verò quæ sunt, bona esse: i deoque malum non esse substantiam. Quamquam interim illa bona, quia quibusdam rerum creatarum partibus non conueniunt, mala putentur, neque tamen mala sint, quia conueniunt aliis: suntque in semetipsis bona. *ead. l. 7. c. 11. & 12.*

§. XIX.

Mali originem inuenit.

Eodem ergo tempore, vidit fontem & originem erroris sui, quo duas substantias veluti summas, ex scholâ Manichæorum constituebat, eò quòd nolebat esse Dei, quidquid animæ suæ displicebat, malumque esse iudicabat, & proinde non factum à Deo: quem solebat corporeum aliquid existimare, per infinita spatia locorū omnium diffusum. Sed iam consopita erat illa eius insania, viditque Deum infinitum aliter. *ead. l. c. 14.* Neque tantummodo infinitum; verum ab eo, & in eo esse

esse cuncta finita: non quasi in loco; sed quia manu, ut sic dicam, veritate, Deus omnitenens est, atque omnia vera sunt, in quantum sunt. Vidit præterea omnia locis suis & temporibus convenire, Deo solo, qui temporum auctor est, manente æterno. *l. 7. Conf. c. 15.*

Sensit quoque & expertus est, omnia bona esse, licet quibusdam non sint apta: sicut palato non sano pœna est panis, qui sano est suavis: & oculis agris odiosa est lux, quæ puris est amabilis. Inuenit denique quærendo, iniquitatem non esse substantiam, sed à summa Substantia, id est Deo, detortæ in infima voluntatis perversitatem, prolicientis intima sua, & tumescens foras. *ead. l. c. 16.* siue: Inclinationem ab eo quod maius est, ad id quod minus est. *l. c. 12. Secund. c. 12. Vide Leund. c. 15.*

Deo adhærens fruique desiderans, quem iam amabat, non pro illo phantasma; ab eo semper pondere suo, siue consuetudine carnali deripitur. Vnde licet inuisibilia Dei, per ea quæ facta sunt, intellecta gradatim tamen conspiceret, aciem nihilominus figere nondum valuit. *l. 7. Conf. c. 17.* Cumque viam quæreret comparandi roboris, quo fieret idoneus ad fruendum Deo; non inuenit tamen, donec amplexus esset mediatorem Dei & hominum, hominem Christum Iesum, vocantem & dicentem: Ego sum via, veritas & vita. Id verò tunc nondum fecerat: quia non tenebat Dominum Iesum Christum, humilis humilem: nec cuius rei magistra esset eius infirmitas, nouerat. *l. eod. c. 18.*

S. XX.

Error eius in persona Christi.

E Tenim per id tempus cùm tantummodò existimaret Christum fuisse excellentis sapientiæ virum, cui nullus posset æquari: præsertim quia mirabiliter natus ex Virgine, ad exemplum contemnendorum temporalium pro adipiscenda immortalitate, diuinâ pro nobis curâ tantam auctoritatem magisterij meruisse videbatur; idcirco quid haberet Sacramenti, Verbum caro factum est, nec suspicari quidem poterat. Videri hic error Photinianorum potest, *l. de Agone Christ. c. 20.* Nam cùm iam nosset incommutabilitatem Verbi diuini, neque omnino quidquam inde dubitaret; nosset præterea quæ de Christo scripta tradebantur, quòd nimirum manducauerit, biberit,

biberit, dormiuerit, ambulauerit, exhilaratus sit, contristatus sit, fermocinatus sit; colligebat carnem humanam non fuisse Verbo diuino coniunctam, sed tantummodò cum animâ & mente humanâ.

Etenim nunc mouere membra corporis per voluntatem, nunc non mouere: nunc aliquo affectu affici, nunc non affici: nunc proferre per signa sapientes sententias, nunc esse in silentio: propria sunt mutabilitatis animæ & mentis. Quæ omnia cum in Christo, vti proditur, reuera fuerint; totum hominem in eo agnoscebat, non corpus hominis tantum, aut cum corpore animum sine mente, sed ipsum hominem: non personâ quidem Veritatis siue diuinâ, sed magnâ quadam naturæ humanæ excellentiâ, & perfectiore participatione sapientiæ, ceteros omnes superantem. *l. 7. Conf. c. 19.*

S. XXI.

*A Platoniorum libris transit ad Scripturæ
sacra lectionem.*

LECTIS Platoniorum libris, & ex illis admonitus quærere incorpoream veritatem; inuisibilia quidem Dei, per ea quæ facta sunt, intellecta conspexit: edoctusque est Deum infinitum esse, nec tamen per locos finitos infinitosue diffusum, & plura eiusmodi, ob quæ videri iam cœperat sapiens: attamen ædificantem Charitatem à fundamento humilitatis, quod est Christus Iesus, ibi non repererat. *l. eod. c. 20.* Legerat quidem apud Platonios: Quia Deus Verbum, non ex carne, non ex sanguine, non ex voluntate viri, neque ex voluntate carnis, sed ex Deo natus est: sed quia Verbum caro factum est, & habitauit in nobis; ibi non legerat. *ibid. c. 9.*

Itaque auidissimè arripuit Litteras diuinas, & præ ceteris Apostolum Paulum: & perierunt illæ quæstiones, in quibus ei aliquando visus est aduersari sibi, & non congruere testimonijs Legis & Prophetarum, textus sermonis eius. *l. 7. Conf. c. 21.* Tum verò quantulocumque iam lumine asperso, maxima se illi Philosophiæ facies aperuit. *l. 2. cont. Acad. c. 2.* Gratiam enim Dei in omnibus commendari reperit, ut, qui verum videt, non sic gloriatur, quasi non acceperit non
E solùm

solùm id quod videt, sed etiam vt videat. Talia enim plura, quæ non habent Platoniorum libri, inuiscerabantur ei miris modis, cùm minimum Apostolorum Christi legeret : ita Paulum appellans. *l. 7. Conf. c. 21.*

Cùm igitur omnis dubitatio de incorruptibili substantiâ, quod ab illâ esset omnis substantia, ablata ei foret : nec de Deo certior, sed in illo stabilior esse cuperet : de suâ temporali vitâ dumtaxat nutabant omnia. Et placebat quidem via, ipse Saluator ; sed ire per eius angustias, adhuc pigebat. Hinc licet ei displiceret quod agebat in sæculo, non vltà nimirum inflammantibus ad tolerandam seruitutem tam grauem cupiditatibus honoris & pecuniæ ; adhuc tamen tenaciter colligabatur ex feminâ. Præsertim cùm neque Apostolus prohiberet coniugari ; quamvis exhortaretur ad meliùs, volens maximè omnes homines esse vt ipse erat : & Christus ipse, postquàm dixisset esse spadones qui seipsos absciderunt propter regnum cælorum, ad-diderit : Qui potest capere, capiat. *l. 8. conf. c. 1.*

S. XXII.

Adit Simplicianum.

OB hoc igitur æstuanti inspirauit Deus pergere ad Simplicianum, qui ei bonus apparebat seruus Dei. Talem quoque à iuuentute suâ fuisse audierat : & longâ ætate (iam enim senuerat, & in accipienda Dei gratia pater Episcopi Ambrosij fuerat) in studio viæ religiosæ sectandæ multa expertus, multaque edoctus erat. Hunc igitur accessit eo fine, vt, quomodo sic affecto, ambulandum esset in viâ Dei (in quâ sic alius, alius sic ibat) utique proferret. *l. 8. conf. c. 1.*

Vbi eum audiuit Simplicianus, gratulatus est in primis quod Platonicos legisset, in quorum libris insinuabatur Deus, & eius Verbum : neque incidisset in scripta aliorum Philosophorum, plena fallaciarum & deceptionum, secundum elementa huius mundi. *eod. l. c. 2.* Deinde exhortatus est eum ad humilitatem Christi, sapientibus absconditam, & reuelatam paruulis, exemplo maximè Victorini, Rhetoris

toris quondam vrbis Romæ: qui doctissimus senex, & omnium liberalium doctrinarum peritissimus: quique Philosophorum tam multa legerat, & dijudicauerat, & dilucidauerat, doctor tot nobilium Senatorum: qui etiam ob insigne præclari magisterij, quod ciues huius mundi eximium putant, Statuam in Romano foro (Traiani, vt scribit Hieronymus in Chron.) meruerat & acceperat: cum usque ad illam ætatem venerator Idolorum fuisset; non erubuerat esse puer Christi, & infans Baptismi, mirante Româ, gaudente Ecclesiâ. *ead. l. 8. c. 2.*

De Victorino vbi talia audiuit, exarsit illico ad imitandum. Et posteaquam addidit Simplicianus, quod Imperatoris Iuliani temporibus, lege datâ prohibiti essent Christiani docere litteraturam & Oratoriam: eamque legem Victorinus amplexus, loquacem scholam deferere maluisset, quàm verbum Dei; non fortior, quàm felicior, Augustino visus est: quia inuenerat occasionem vacandi Deo. Cui rei quamquam & ipse suspiraret; contrariâ tamen voluntate (quam ferream inolita consuetudo fecerat, quamque vetustate roboratam, noua Deum gratis colendi fruendique voluntas superare non poterat) retrahebatur. Illud placebat & vincebat, hoc lubebat & vinciebat. *lib. 8. conf. c. 5.*

Vt enim antea excusationem aliquam ab arctâ Dei seruitute habuisset, eo quod nondum percepisset veritatem: iam cum certam haberet, ob nihil aliud equidem Deo militare, contempto sæculo, recusabat, quàm quod adhuc terrâ obligatus, impedimentis omnibus sic timeret expediri, quemadmodum impediri timendum est. *ibid.* Etenim ne in Philosophiæ gremium celeriter aduolaret, vxoris honorisque se illecebrâ detentum fuisse, alibi fatetur: eâ tamen mente, vt, cum hæc esset consecutus, tum demum se, quod paucis felicissimis licuit, totis velis omnibusque remis in illum sinum raperet, ibique conquiesceret. *l. de Vit. Beat.*

§. XXIII.

Potitianum audit.

Ceterum vinculo desiderij vxoris atque concubitûs, quo arctissimo tenebatur, & sacularium negotiorum seruitute liberatus est potissimum operâ Potitiani, Afri, militis Palatini. Qui cum ad eum, Alipiumque quodam die venisset, attendissetque fortè super mensam lusoriam (tesseras enim honestas non respuit, l. 1. *cont. Acad. c. 1.*) Apostolum Paulum; gratulatoriè miratus est, cum esset fidelis Christianus, quòd eas, & solas præ oculis ipsius litteras comperisset. Hic verò Augustino asserente, illis se Scripturis maximam nunc operam impendere; ortus est sermo de Antonio Ægyptio Monacho, cuius vitam Potitianus ignorantibus (erat enim recens tum adhuc Antonij magni, Eremitæ vti sanctissimi, ita toto terrarum orbe famigerati exemplum, vt qui tantummodò ab annis circiter triginta, puta 358. ex humanis excefferat) recensuit. Cumque audientes obstupescerent, deuolutus est sermo ad Monasteriorum greges, & vbera deserta Eremitarum: quorum audientes adeò nihil sciebant, vt nè quidem accepissent aliquid de Monasterio quod Mediolani erat extra vrbis mœnia, plenum bonis fratribus, sub Ambrosio nutritore. Continuans igitur cœptum sermonem Potitianus, addidit de duobus qui apud Treueros in casâ monasticâ, lecto codice de Vita Antonij, rebus omnibus, & quidem sponis suis etiam neglectis, continuò id vitæ genus amplexi sint. l. 8. *Conf. c. 6.*

Anno
387.

Hic narrationibus adeo est inter audiendum commotus, vt per admirabilem luctam sibi ipsi displiceret: cum iam ab vndevigesimo anno ætatis eius, effluxissent fortè anni duodecim. *eod. l. cap. 7.*

Terminato autem sermone, & abeunte Potitiano, quis eius status fuerit, ita breuibus describit, Deum alloquens: Abiit ille. Et ego ad me, quæ non in me dixi? quibus sententiarum verberibus non flagellauim animam meam, vt sequeretur me conantem ire post te? Et renitebatur, recusabat, & non se excusabat. Consumpta erant & conuicta argumenta omnia, remanserat muta trepidatio. *ibid.* Quapropter

propter excitatâ tantâ intûs rixâ cum anima sua, vt non tantummodò mente, sed etiam vultu seie turbatio proderet; inuadit Alipium, & exclamat: Quid patimur? quid est hoc quod audisti? Surgunt indocti, & cælum rapiunt: & nos cum doctrinis nostris, ecce vbi volutamur in carne & sanguine. An quia præcesserunt, pudet sequi, & nec pudet saltem sequi? Et cum dicto abcessit in hortulum, qui domui hærebat, premente pede pedem Alipio. l. 8. Conf. c. 8.

§. XXIV.

*Sub ficu prostratus, voce è calo missâ
admonetur.*

Ibi fremebat spiritu, indignans turbulentissimâ indignatione, quòd non iret in placitum pactamque cum Deo, in quod eundum esse omnia eius ossa clamabant, & in cælum tollebant laudibus. *Ibid.* Eique displicebat, quòd facilius obtemperaret corpus tenuissimæ voluntati animæ, vt ad nutum mentis membra mouerentur; quàm ipsa sibi anima, ad voluptatem suam magnam in solâ voluntate perficiendam. *ead. l. & c.* Excruciabatur igitur, accusans semetipsum solito acerbius, volensque ac reuoluens in suo vinculo, donec totum abrumpetur: quo licet iam exiguo teneretur, tenebatur tamen: Deo intereà in eius animo ingeminante flagella timoris & pudoris, ne à conatu abrumpendi vinculi cessaret, donec esset continenter abruptum. l. 8. Conf. c. 11.

Ibi, quantum à sanctioris vitæ proposito deterrere eum conabantur nuge nugarum, & vanitates vanitatum, antiquæ amicæ ipsius; tantam attrahebat casta dignitas Continentiæ, extendens ad eum suscipiendum manus plenas gregibus bonorum exemplorum. Quasi diceret: Tu non poteris quod isti & istæ? An verò isti & istæ in semetipsis possant, ac non in Domino Deo suo? Dominus Deus eorum dedit me eis. Quid in te stas, & non stas? Projice te securus in eum: noli metuere, non se subtrahet vt cadas. Projice te securus: excipiet te, & sanabit te. Cumque adhuc talia suggerente Continentiâ, veterum suarum nugarum murmur audiret, quo veluti cun-

E 3

stabus

Et abundus pendebat; rursus illa quasi dixit: Obsurdesce aduersus immunda illa membra tua: narrant tibi delectationes, sed non sicut lex Dei tui. *l. 8. Conf. c. 11.*

Huius controuersiae non nisi de seipso aduersus seipsum, cum inusitato motu ederentur, exitum Alipius, qui iuxta assidebat, tacitus opperiebatur. *ibid.* Sed ubi alta consideratio contraxit & congeffit ante oculos cordis eius totam miseriam ipsius, siue exactam perditè ætatem; oborta est procella ingens, ferens ingentem imbrem lacrymarum: quem ut totum cum vocibus suis effunderet, quarum sonus iam fletu grauidus erat, surrexit, & ab Alipio secessit, seque strauit sub quadam fici arbore. Vbi laxatis lacrymarum habenis proruperunt flumina oculorum ipsius, intermixtis ferè eiusmodi vocibus: Et tu Domine usquequò? usquequò Domine irasceris in finem! Ne memor fueris iniquitatum nostrarum antiquarum, à quibus scilicet teneri se sentiebat. Præterea: Quamdiu, Quamdiu cras & cras? Quare non modò? quare non hac horâ finis turpitudinis meæ? *l. 8. Conf. c. 12.*

Hæc dicens, & amarissimâ cordis contritione plorans, audit de vicina domo vocem, cum cantu dicentis & crebrò repetentis, quasi pueri vel puellæ: Tolle lege: Tolle lege. *ibid.* Mutato vultu, intentissimus cogitare cœpit, utrūnam solerent pueri in aliquo genere ludendi cantare tale aliquid: neque occurrebat audiuisse se uspiam. Quare interpretabatur, quod erat, diuinitus sibi iuberi, ut aperiret codicem, & legeret quod primum caput inuenisset. Meminerat enim Antonij, quòd ex Euangelica lectione, cui fortè superuenerat, admonitus; Vade, vende omnia, &c. confestim fuisset ad Deum conuersus. *eod. l. & c.*

Represso igitur lacrymarum impetu, surrexit, concitusque redijt ad locum ubi sedebat Alipius, quia ibi codicem Apostoli reliquerat. Eum arripit, aperit, & legit in silentio capitulum, quòd primum coniecti sunt oculi: *Rom. 13.* *Non in commensationibus & ebrietatibus, non in cubilibus & impudicijs, non in contentione & emulatione; sed induite Dominum Iesum Christum, & carnis prouidentiam ne feceritis in concupiscentijs.* Ultrà non legit, neque opus erat: statim quippe cum fine huiusce sententiæ, quasi luce securitatis infusâ cordi ipsius, omnis dubitationis tenebræ diffugerunt. *l. 8. Conf. c. 12.*

Id ubi indicauit Alipio, isque lectionem Apostoli prosequens offendisset:

fendisset: *Infirmum autem in fide assumite*; ad se retulit: aded vt sine *Rom. 14.* cunctatione, placito propositoque bono, Augustino coniunctus sit: Matre, postquam ismet narrantibus rem intellexit, gaudio exultante. Deoque benedicente, quia amplius sibi de filio concessum vidit, quam petere solebat miserabilibus gemitibus. *l. 8. conf. c. 12.*

S. XXV.

Ad Deum conuertitur.

AD Deum igitur ita iam conuersus erat, vt neque vxorem quareret: *ibid.* neque honores: *l. 1. soliloq. c. 10.* neque aliquam spem seculi huius. *l. 8. conf. c. 12.* Et quidem vxorem quod attinet, quo vinculo omnium arctissimo tenebatur; quantumcumque pulchra & cumulata bonis omnibus foret, nihil tam fugiendum sibi, quam concubitum esse decreuit. Sentiebat enim nihil esse, quod magis ex arte deiciat animum virilem, quam blandimenta feminea, corporumque ille contactus, sine quo vxor haberi non potest. Itaque si ad officium pertinet Sapientis, dare operam liberis; quisquis rei tantum huius gratia concumbit, mirandus ei videri potest, nullo vero modo imitandus: nam tentare hoc periculosius est, quam posse felicius. Quamobrem satis iussit, vt credit, atque utiliter pro libertate animæ suæ, sibi imperauit non cupere, non querere, non ducere vxorem. *l. 1. soliloq. c. 10.*

Stabat ergo iam in ea regulâ fidei, in quâ futurum illum ante tot annos matri eius Deus reuelauerat: cuius proinde gaudium, sicuti erat multo vberius quam voluerat; ita quoque charius atque castius, quam de nepotibus carnis ipsius, requirebat. *l. 8. conf. c. 12.*

Vbi itaque hæc vincula dirupta sunt, & carere suauitatibus nugarum, factum ei subito suaue; eo quod pro eis intraret Deus, easque eiiceret: liberum habuit animum à curis mordacibus ambiendi & acquirendi, & volutandi atque scalpendi scabiem libidinum: tantumque restabat excutiendum onus lectionis publicæ. *lib. 9. conf. cap. 1. & 2.*

Id vero placuit non tumultuosè, sed leniter abrumpere: præfer-
tim

tim cū iam paucissimi dies (viginti circiter) superessent, vsque ad vindemiales ferias. Illos igitur, vt sollemniter abcederet, neque videretur captare inanem aliquam gloriam ex bono suo proposito, quod inter eos conuenerat ne passim effunderetur; tolerare adhuc statuit. Quamquam magisterij sarcinam penē iam necessitate, si non deponere, saltem intermittere cogebatur: eo quod æstate illā adeo pulmone doloribusque pectoris laborasset; vt is etiamnum & difficulter traheret suspiria, vocemque clariorem & productiorem recusaret. *l. 9. conf. c. 2.*

Elapsis totidem diebus, professionem frænauit maximā animi lætitiā, profectusque est cum suis omnibus (quorum hæc nomina sunt: Monica, Nauigius, Adeodatus, Alipius, Trigetius, Licentius, Laetidianus & Rusticus) in villam Cassiciacum: quam benignē Verecundus obtulit, hoc vnico summo opere tristis, quod ob coniugem quam habebat, huius esse pars societatis non posset. *ead. l. c. 3. & 4.*

S. XXVI.

In villa Cassiciaco, Catechumenus scribere incipit.

IBi iam Catechumenus, *prolog. ll. Retract. & l. 9. conf. c. 4.* ad scribendum animum applicuit: ac primū pauculis diebus transactis postquā in agro viuere cœperant, *l. 1. cont. Acad. c. 1.* inchoauit libros contra Academicos: vt eorum argumenta (quæ multis ingerunt veri inueniendi desperationem, & prohibent cuiquam rei assentiri, & omninō aliquid tamquam manifestum certumque sit, approbare sapientem; cū eis omnia videantur obscura & incerta) ab animo suo, quia & eum mouebant, quantis posset rationibus amoueret. *l. 1. Retract. c. 1.*

Hos libros (quibus finem imposuit, anno ætatis trigésimo tertio, *l. 3. cont. Acad. c. 20.* completo, vt apparet: adhibitoque Notario conscripti sunt, *l. 1. cont. Acad. c. 1.*) eloquentiā pariente, & obstertricante amœnitate, dedicauit Romaniano mœcenati suo admodum munifico: cui nimirum iam tum referebat acceptum, quidquid de

de otio suo gaudebat : quod à superfluarum cupiditatum vinculis euolauerit : quod depositis oneribus mortuarum curarum respiret, resipiscat, redeat ad se : quod quærat intentissimus veritatem, quod iam inuenire aggrediatur, quod se ad ipsum summum bonum peruenturum esse confidat. *l. 2. cont. Acad. c. 2.*

Ad eundem postea scripsit librum De vera Religione: *eiufd. l. c. 7.* denique nescire se, quod aliquid siue ad eorum qui extra Ecclesiam Dei sunt, siue ad aures fratrum scripserit, quod non habeat Romanianus, ait *Epist. 32.* Erat is, vti opibus affluens, ita generis nobilitate conspicuus, Ciuis Tagastensis : magni animi, neque minoris ingenij, sed Manichæis erroribus obnoxij : qui tantam vtiq; felicitatem per id tempus, iuxta cum pluribus alijs tricijs & litibus (quas indignis modis patiebatur, & plerumque diuitias sequi solent) obnubilabant: vt videre est *l. 1. cont. Acad. c. 1.* Emerfit nihilominus ope Dei, operaque Augustini Romanianus: in Italiâ subinde Paullino Nolano summâ amicitia, & litterarum commercio coniunctus. *Epist. 36. apud Aug.*

Adhæc ruri existens Augustinus internis gratiæ diuinæ stimulis vehementer perdomitus est, & complanati prorsus sunt cogitationum ipsius montes & colles. *l. 9. conf. c. 4.* Vnde tametsi penè quotidianis Deum fletibus rogaret, vt sanarentur quæ habebat animi vulnera; indigniorem tamen esse se, qui tam citò sanetur quàm vellet, sepe semetipsum conuincebat. *l. 1. de Ord. c. 10.*

Psalms David præterea (quos Cantica fidelia, & sonos pietatis excludentes turgidum spiritum, appellat) intermixtis vocibus ad Deum internis externisque, deuotissimè recitabat : exardens eosdem recitare si posset toto orbe terrarum, aduersus typhum generis humani. Quapropter indignabatur Manichæis, eosque rursus miserabatur, quod illa Sacramenta, illa medicamenta nescirent, & infani essent aduersus antidotum, quo sani esse potuissent. Peculiariter tamen commotus fuit meditatione Psalmi quarti, Cùm inuocarem &c. *l. 9. conf. c. 4.* Atque hâc Psalmorum commentatione, dum animi sui affectus pientissimè fouet & pascit, existimo eum orationem illam B. Monicæ concinnasse, quæ nuncupatur Psalterium (quod matri composuit, habeturque inter eius legitima & proba, sine Tomi IX.) deuotionis i&ibus calidissimè micans, & digna planè, quæ sit precum Christiani hominis quotidianum pensum.

F

§. XXVII.

§. XXVII.

Professione Rhetoricæ renuntiat. Quadam ab eo tum scripta.

PEractis interea vindemialibus ferijs; Mediolanensibus renuntiavit ut scholasticis suis alium magistrum prouiderent, eo quod seruire ipse Deo statuisset, & professioni pristinae, præ difficultate spirandi, ac dolore pectoris non sufficeret. *l. 9. conf. c. 5.*

Idibus porro Nouembris, die suo Natali, quo ætatis trigessimum tertium compleuit annum, cœpit disputare cum suis de Vita Beata: ubi tridui disputatione constitit, non esse beatam vitam, nisi perfectam cognitionem Dei. *l. 1. Ret. c. 2.* Hic liber, Manlio Theodoro inscriptus est: quem inter amicos Mediolani habuisse colligitur ex initio, ubi se aliquando in sermonibus ipsius animaduertisse ait, cum de Deo, deque anima cogitaretur, nihil omnino corporis esse cogitandum. *l. de Vit. Beat.* Fuit vir doctus, & religione Christianus: *l. 1. Ret. c. 2.* idem cum Manilio, cuius extat Astronomicum versibus conscriptum *Casp. Genartius ad Statij Sylu.* In Consulatu, quem Romæ gessit anno 399. panegyrico laudatus à Claudiano Poëta. *Miræus in Chron.* Ceterum occasione Natalitiorum suorum Augustinus exhibuit conuiuii prandium solitò lautius. *l. de Vit. Beat. disp. 1.*

Anno
388.

Paullò pòst, atque inter libros de Academicis, duos de Ordine scripsit: in quibus quæritur, utrùm omnia bona & mala, diuinæ prouidentia ordo contineat. *l. 1. Ret. c. 3.* Hos libros in autumno scribi cœpisse, patet ex causa quam assignat Licentius, cur alternaret sonus aquæ, ut nunc clariùs, nunc pressius streperet, silicibus irruens per meatum suum: *l. 1. de Ord. c. 3.* imò tantum non hieme. *l. 2. de Ord. c. 1.* Sunt verò ad Zenobium scripti, *l. 1. de Ord. c. 1.* quem etiam inter amicos Mediolani habuisse apparet *lib. 1. de Ord. cap. 7. & 9.*

Atque hanc scribendi fecunditatem minùs admirari debemus, quando amor inueniendi veri, iam in consuetudinem ei verterat: ut aut primam, si tales curæ inerant, aut certè vltimam, dimidiamque tamen

tamen ferè noctis partem peruigil quodcumque cogitaret. *l. 1. de Ord. c. 3. & 5.* Sed neque interea cessabat à gemitu, lacrymis & oratione. *ead. l. c. 5. 8. & 10.*

§. XXVIII.

A dentium dolore miraculosè sanatur.

PER id tempus tantus eum inuasit dentium dolor, ut nihil malus aliquando pertulerit. *l. 1. soliloq. c. 12.* Loqui enim præ dolore non poterat: *l. 9. conf. c. 4.* neque sinebatur animo voluere, nisi ea quæ iam fortè didicerat: à discendo autem penitus impediabatur, ad quod ei totà intentione animi opus erat. Videbatur ei nihilominus, si se mentibus ipsius quem desiderabat veritatis fulgor aperiret; aut se non sensurum fuisse illum dolorem, aut certè pro nihilo toleraturum. *c. 1. soliloq. c. 12.*

Huic dolori ut mederetur, ascendit in cor eius, admonere omnes suos qui aderant, ut deprecarentur pro se Deum. idque scripsit, loquelæ impos, in ceratis tabulis: deditque ut legeretur. Mox ut genua supplici affectu fixerunt; fugit dolor ille, eo sanè modo, quem se fatetur expauisse: nihil enim tale ab ineunte ætate expertus fuerat. *l. 9. conf. c. 4.*

§. XXIX.

Ambrosium consulit per litteras, &c.

INSINUAVIT subinde per litteras S. Ambrosio pristinos errores suos, & præsens suum votum: ut ab eo eliceret, quid potissimum de libris sanctis legendum iudicaret, quò percipiendæ Christianæ gratiæ paratior aptiorque fieret. Iussit Ambrosius Esaiam Prophetam: cuius primam periodum non intelligens, totumque talem arbitrans, distulit repetendum, ubi exercitatio esset in Dominico eloquio. *l. 9. conf. c. 5.*

F 2

Etenim

Etenim nullâ iam peste detinebatur, nihilque præter Sapientiam amabat: cetera verò, ut sunt amici, honores, vita ipsa; non nisi propter istam quærebat aut volebat. *l. 1. soliloq. c. 11. 13. & 14.* Porro à libidine adeò iam erat alienus, ut etiam cum horrore atque aspernatione, talia recordaretur. *eod. l. c. 10.* Neque tamen diffitetur, eius rei adhuc aliquid curandum remansisse. *eod. l. c. 14.* Quamobrem flere non durans: nihil promittit, nihil præsumit, &c. *ibid.*

Iam quod cibos attinet, ea quæ statuit non edere, nihil eum commovebant: ijs verò quæ nondum amputauerat, delectari se præsentibus fatebatur; ita tamen ut sine vlla permotione animi, vel visa, vel gustata subtrahantur. Cum autem non adsunt; prorsus non audet eius appetitio se inferere ad impedimentum cogitationibus ipsius. Summa: de cibo & potu & balneis, ceterâque corporis voluptate, tantum petit, quantum in valetudinis opem conferri potest. *l. 1. soliloq. c. 10.*

Inter hæc, scripsit duo volumina, secundum studium suum, & amorem rationis indagandæ veritatis: de his rebus, quas maximè scire cupiebat, semetipsum interrogans sibi que respondens, tamquam duo essent. Vnde hoc opus, Soliloquia nominavit: *l. 1. Ret. cap. 4.* nouo quidem & fortasse duro nomine; sed ad rem demonstrandam satis idoneo. *l. 2. soliloq. c. 7.* Hos libros videtur ipsemet scripsisse, non dictasse. *l. 1. soliloq. c. 13. coll. cum 1.* cum ageret annos triginta-quatuor: *eod. l. c. 10.* Imperfecti remanserunt. *l. 4. Ret. c. 4.* Denique ruri existens, quæ disputauerit cum absente Nebridio, testantur epistolæ: *l. 9. conf. c. 4.* quarum vna est, *Epist. 151.*

S. XXX.

Mediolanum reuersus, baptizatur.

INde ubi tempus aduenit, quo nomen eum dare oporteret, relicto rure cum suis Mediolanum remeavit. *l. 9. conf. c. 6.* Istic scripsit librum de Immortalitate Animæ: *l. 1. Ret. c. 5.* & conatus est libros disciplinarum scribere, sed è quibus solum de Grammatica absolueri potuit. De dialectica, de Rhetorica, de Geometria, de Arithme-

Arithmetica, de Philosophia, sola principia remanserunt. De Musica, libros sex: quamquam sextus, post Baptismum adhuc, in Africa conscriptus sit: *lib. 1. Ret. cap. 7. & 11.* cuius præ ceteris meminit, *Epist. 131.*

Cum in eadem Ciuitate Mater ei adesset, & sollicitudinem gereret (iplis adhuc Catechumenis parum ista curantibus) vtrum secundum morem suæ ciuitatis, sibi esset Sabbato ieiunandum, an Ecclesiæ Mediolanensis more prandendum? vt hæc tam cunctatione liberaret, consuluit Ambrosium. At ille: Quid possum, inquit, hinc docere amplius, quam ipse facio? Etenim Sabbato ipse prandebar. Quapropter adiecit: Quando hic sum, non ieiuno Sabbato: quando Romæ sum, ieiuno Sabbato: & ad quamcumque Ecclesiam veneritis, inquit, eius morem seruate, si pati scandalum non vultis, aut facere. Quod responsum retulit ad matrem, eique suffecit, nec dubitauit esse obediendum. Hoc etiam ipsi secuti sunt. *Epist. 86. & 118. & serm. 43. de Verb. Dom. c. 4.*

Propinquantibus igitur diebus sanctis Paschar, *Posid. c. 1.* Ambrosio Christi ministro lauacrum regenerationis accepit. *l. 1. cont. Iul. c. 3. l. 2. de nupt. & concup. c. 35. Epist. 112. cap. 23.* Placuit & Alipio renasci cum eo in Christo: adiunxitque etiam sibi puerum Adeodatum quindecennem: *l. 9. conf. c. 6.* denique multi alij fratres cum illo Baptizati sunt. *Enarr. in Ps. 36.*

S. XXXI.

Hymnus, Te Deum Laudamus.

Hic verò rei nihil par ab initio Ecclesiæ fuit, nil est secundum: quod baptizato videlicet Augustino, ad agendas Deo optimo maximoque gratias, incinuisse Ambrosium ferunt, Te Deum Laudamus: & respondisse Augustinum, Te Dominum confitemur: eorumque alternis vocibus, suauissimum hymnum ad finem vsque esse compositum: quem porro quotidiano iubilo frequentare Ecclesia vniuersa non cessat.

Datij Episcopi Mediolanensis (cuius præclarè meminit D. Gregorius

gorius l. 3. Dialog. c. 4.) citant plerique hæc verba Chronico l. 10. „ c. 1. Deo opitulante, à beato Ambrosio, cunctis fidelibus adstantibus, & videntibus, baptizatus & confirmatus est (Augustinus:) „ in quibus fontibus prout Spiritus sanctus dabat eloqui illis, Te Deum „ laudamus decantantes, cunctis qui aderant audientibus & videntibus, simulque mirantibus ediderunt, quod ab vniuersa Ecclesia Catholica vsque hodie tenetur, & religiosè decantatur. Hactenus Datus apud Crusen. p. 1. c. 5.

His ita peractis fugit ab eo sollicitudo vitæ præteritæ. Nec satiabatur illis diebus dulcedine mirabili, considerando altitudinem consilij diuini, super salute generis humani. Flebat verò in hymnis & canticis plurimum, suaue sonantis Ecclesiæ vocibus commotus acriter: quas dum auribus hauriebat, eliquabatur in cor eius veritas, & ex eâ æstuabat affectus pietatis, & currebant lacrymæ, & benè illi erat cum illis. l. 9. conf. c. 6.

S. XXXII.

Cum Baptismo Monachismum suscipit.

Vitæ communis desiderium, quod mente pridem agitauerat, aded non euauit; vt iam tum simul existentibus, simul habitantibus placito sancto, Euodius sese adiunxerit, ex Tagastensi municipio: qui Agens in rebus, relictâ sæculari illâ militiâ, ante eos conuersus & baptizatus fuerat. l. 9. conf. c. 8. Hic est Euodius, de cuius doctrina atque eruditione paullo post dicturi sumus, Hieronymo ob id minimè ignotus (vt quem salutans, Dominum suum vocat, Epist. 26.) Vsalensis demum Episcopus, hæreticorum hostis acerrimus, vt tum legationes eius indicant, tum plagæ & verbera, quæ ab hæreticis pertulit, sed citra mortem, vt dicemus infra.

Cùm verò sollicitè quærent, quisnam locus eos omnes vtilius haberet, seruientes Deo; pariter remeabant in Africam. l. 9. conf. c. 8. Etenim ex intimis cordis medullis spem omnem quam habebat in sæculo, Augustinus dereliquerat: non iam vxorem, non filios carnis, non diuitias, non honores sæculi quærens, sed soli Deo cum suis seruire:

seruire: in illo & ex illo pusillo grege esse studens, quem Dominus alloquitur, dicens: *Nolite timere pusillus grex, quoniam complacuit Patri vestro dare vobis regnum. Vendite qua possidetis, & date eleemosynam: facite vobis sacculos non veterascentes, thesaurum non deficientem in calis, &c.* Et illud, quod iterum dicit Dominus, idem vir sanctus facere cupiens: *Si vis esse perfectus, vende omnia qua habes, & da pauperibus, & habebis thesaurum in calis: & veni, sequere me:* Et super fidei fundamentum adificare desiderans, non ligna, fœnum, stipulam; sed aurum, argentum & lapides pretiosos. *Possid. c. 2.*

Quæ à se in præparatione animi antè facta, ac tum effectu completa affirmat, ubi ait: Ego qui hæc scribo, perfectionem de qua Dominus locutus est, quando ait diuiti adolescenti, *Vade, vende omnia qua habes, & da pauperibus, & habebis thesaurum in calo. & veni, sequere me.* vehementer adamaui, & non meis viribus, sed gratiâ ipsius adiuuante sic feci. Neque enim quia diues non fui, ideo minus mihi imputabitur. Nam neque ipsi Apostoli, qui priores hoc fecerunt, diuites fuerunt. Sed totum mundum dimittit, qui & illud quod habet, & quod optat habere, dimittit. Quantum autem in hac perfectionis viâ profecerim; magis quidem noui ego, quàm quisquam alius homo, sed magis Deus quàm ego. Et ad hoc propositum, quantis possum viribus, alios exhortor: & in nomine Domini habeo consortes, quibus hoc per meum ministerium persuasum est. *Epist. 89. in fine.* Id quàm verum fuerit, colligere est ex *Epist. 38. 39. & 70.* Eodemque facit, quòd eos homines quos tum diligebat, vel viuere, vel secum viuere, non ob aliud vtique cupiat; quàm vt animas suas, & Deum, simul concorditer queant inquirere. *l. 1. soliloq. c. 12.*

Quæ omnia considerans mater eius Monica, quinto die ante lethiferam ægritudinem suam, dicebat: Fili, quantum ad me attinet, nulla iam re delector in hac vitâ. Quid hic faciam adhuc, & cur hic sim, nescio, iam consumptâ spe sæculi huius. Vnum erat, propter quod in hac vita aliquantum immorari cupiebam, vt te Christianum Catholicum viderem, priusquam morerer. Cumulatiùs hoc mihi Deus meus prastitit, vt te etiam contemptâ felicitate terrenâ, seruum eius videam. Quid hic facio? *l. 9. conf. c. 19. & 11.* Sunt verò serui Dei, Monachi *Epist. 70.*

Neque sanè oportet vllum hominem hoc Augustini factum admirari, qui considerare voluerit non paucos eâ tempestate, sub ipsum Bapti-

Baptismum ad monasticam disciplinam festinasse. Nam & idem Paulinus fecit, arctissima demum amicitia Augustino coniunctus, simul atque anno ætatis suæ duodequadragesimo spiritum auræ vitalis, id est, baptismum hausisset. Solabant quippe nonnulli, ponderatâ legis Christianæ perfectione, contenti Catechumenorum ordine, reseruare Baptismum in tempus illud, quos magis idoneos ad eam præstandam arbitrabantur: indignissimum rati, obligatam Deo fidem fallere. Simul ergo vitalibus vndis renasci statuerant, & conseruatâ cælestis originis dignitate, opere præstare quod spondidissent; putâ, ut satanæ & mundo & pompis eorum renuntiarent, (quod in populari deprauatione perægrè fieri videbant posse) seueriorem disciplinam capessabant. Id verò Augustinum fecisse nemo negabit, qui vel perfunctoriè dumtaxat, plures eius Possidijque sententias legerit, quas antè retulimus.

§. XXXIII.

Romæ, post Baptismum pleraque conscribit.

Igitur cùm iam baptizatus Romam profectus esset, neque ferre tacitus posset Manichæorum iactantiam de falsa & fallaci continentia, vel abstinentia, quâ se ad imperitos decipiendos, veris Christianis, quibus comparandi non erant, insuper præferebant; scripsit duos libros: vnum De moribus Ecclesiæ Catholicæ: alterum De moribus Manichæorum. l. 1. Ret. c. 7. Horum posteriorem legat oportet, qui non tantummodò fabulas atque ineptias, sed & blasphemias sacrilegiaque Manichæorum nosse impressè desiderat: neque solùm in quantis tenebris, & in quanta falsitate versati fuerint; verumetiam quantæ sint vanitatis tria signacula, Oris, Manuum & Sinûs, quæ in suis moribus, magnâ laude ac prædicatione iactabant.

Anno
389.

Scripsit in eadem vrbe Dialogum, in quo de Anima multa quaeruntur ac disseruntur: nempe, Vnde sit: Qualis sit: Cur corpori fuerit data: Cùm ad corpus yenerit, qualis efficiatur; qualis, cùm abscesserit? Sed quoniam quanta sit, diligentissimè ac subtilissimè hîc disputatum est, ut eam si posset, ostenderet corporalis quanti-

quantitatis non esse, & tamen magnum aliquid esse: ex hac vna inquisitione, totus liber nomen accepit, vt appelletur De Animæ quantitate. *l. i. Ret. cap. 8.*

Denique cùm Romæ adhuc demoraretur, sub inquisitione vnde sit malum: cùm sufficienter ratione discussa constaret non aliunde, quàm ex libero voluntatis arbitrio exortum; libros tres conscribere cepit, quibus titulum fecit De Libero Arbitrio: quorum secundum & tertium in Africa Presbyter ordinatus absoluit. *ead. l. cap. 9.* In eis cum Euodio loquitur, præstantis ingenij & doctrinæ viro, vt apparet ex iis litteris quas vtrò citroque scripserunt ambo. Subtiles enim & arduæ plerumque quæstiones eisdem continentur; quarum audis sciendi Euodius, reconditæ doctrinæ secundissimum magistri sui pectus pulsabat. *Epist. 198. 246. 247. 259. 99. 100. 101. & 102.*

Vt leas autem in eiusmodi argumentis sapere Euodium didicisse, vnicum saltem specimen habes, dum Augustino scribens ait: Quia Epistolas Sanctitatis tuæ, vnâ ad illustrem Virum Volusianum, & alteram ad Italicam illustrem in Christo feminam, in manibus legentes habuimus; occurrit quod in Epistola, de Domini Iesu Christi Dei nostri carnali in Virgine Conceptione, & ex eâ natiuitate, posuisti: *Si ratio queritur, non eris mirabile: si exemplum poscitur, non eris singulare:* & visum est posse de omni natiuitate, vel hominis, vel cuiuslibet animantis, vel feminis, tale aliquid dici. Si ratio enim eius quærat, non indagabitur, & erit mirabile: & si exemplum poscatur, quia nihil tale sit in exemplis, erit singulare. Neque enim quis conuentus viri & feminæ, vel cuiuslibet conceptionis aliquando, quod in secreto formatur, ratione poterit exponi. At verò seminum ex terra nascentium, primitus putrescentium, postea fructificantium, nulla ratio inuenietur. Non enim & hoc mirabile non est, vermem vnum, sine villo parente, si ad singularitatem aliquid requiratur, intra pomum virgineo conceptu formatum, perfectum inueniri? Vnde ad exemplum arbitror dictum: Ego sum vermis & non homo. De conceptionibus siue coniunctorum, siue singularium, nescio quænam possit ratio exhiberi.

Non ergo de conceptione Virginis non tantum redditur; sed de nulla quidem arbitror conceptione posse persolui rationem. Sed exemplum poscitur. Ecce de vento dicuntur equæ; & de cinere, gallinæ; & de aqua, anates; & alia nonnulla animalia, sine virili semine,

G

fetus

fetus proprios edere. Certè si integræ non edunt, possunt tamen illibata concipere. Quomodo ergo ponitur, si exemplum poscitur non erit singulare, quando tot exempla præcedunt? Nasci enim in corporibus non solum femineis, verum etiam virorum (intrinsecus dico) quædam animalia, notum est omnibus: numquid & ibi semen facit conceptionem? Ecce exempla, ecce miracula, de quibus ratio nullatenus redditur.

Aut si ad hoc redditur, quia in Virgine homine, nihil tale vnquam contigit; tamen sunt exempla in aliis rerum naturis, quia nata, & sine feminibus concipiuntur, ex quibus penitus ratio reddi nequaquam potest. Tandem & in generatione, est aliquid tale inuenire, quod sic edat partus vt integritas naturæ non violetur. Soleo enim audire quod aranea, sine vllâ virili conceptione & partûs corruptione, illa omnia fila, ex quibus tentis hæere solet, secundum naturæ suæ modum proferat mirabiliter, & sibi tantum quasi singulare præstitum esse demonstrat. Ergo si & hoc quærat; non tantum mirabile est, sed & exempla talium rerum dari nullatenus possunt. Metuo enim ne ob hoc ipsa præcesserint in exemplis, vt qui non credidissent Virginem concipere posse, his exemplis conuincerentur, &c. *Epist.* 247.

Ex quibus, licet haud reperiam Augustinum per litteras, Euodij argutias dissoluisse; attamen satis eius acrimonia patescit, dum talibus quid respondendum sit percunctatur: Non enim certamina, inquit, femino; sed quemadmodum insidiosus respondeatur interrogatio. Ego tamen sic credo Virginis conceptionem & partum, quomodo semper credidi. *ead. Epist.*

Alibi quoque, dum nodus quem proposuerat Euodius, vindice dignus haberi posset; eundem ipsi Euodio si potuerit, proponit Augustinus soluendum: *Epist.* 99. adeo vt planè iudicauerit idoneum, quem faceret in tanto argumento (quale tum erat Liberum Arbitrium, & status hominis conditi à Deo) collocutorem.

Vt verò mirabile prorsus est, conuersum recenter Augustinum, ingenio suo sulcos in eum agrum ducere potuisse; ita haud minus est quòd paullò post Presbyter, operi antea inchoato coronidem imposuerit: cum interea nullo magistro vsus, solam sui studij incudem, sed opitulante gratiâ diuinâ, continenter fatigasset.

In his igitur libris plurima subtilitas, summo ingenio iudicioque prognata. Et quamquam eis agat contra Manichæos, qui negabant

cx

ex libero voluntatis arbitrio mali originem educi: contendebantque Deum creatorem omnium naturarum, culpandum esse: volentes nimirum immutabilem quandam, & Deo coeternam introducere mali naturam: atque idem de Gratia Dei (quæ suos Electos prædestinavit, vt eorum, qui in eis vtuntur libero arbitrio, ipse etiam præpararet voluntates;) idem, inquam, nihil ex proposito in his libris disputatum sit de Gratia; attamen vbi incidit eius commemorandæ locus, id transeuntur factum est, non quasi de ea, operosa ratiocinatione ageretur. Aliud enim est querere, Vnde sit malum: & aliud est querere, Vnde redeatur ad pristinum, vel ad maius perueniatur bonum.

Quapropter noui hæretici Pelagiani, qui liberum sic asserunt voluntatis arbitrium, vt Gratiæ Dei non relinquant locum, quandoquidem eam secundum merita nostra dari asserunt; non se extollant, quasi eorum, inquit, egerim causam: quia multa in his libris dixi pro libero arbitrio, quæ illius disputationis causa poscebat. *l. i. Retr. cap. 9.*

Et licet hæc ita habeant; attamen tam multa enumerat eis libris passim disputata aduersus Pelagianos, vt denique subiungat: Ecce quam longè antequàm Pelagiana hæres extitisset, sic disputauimus, veluti iam contra illos disputaremus. *ead. l. & c.* Ista quæ fuerint, Lector ibidem reperiet. Hos libros Paullino Nolam ordinatus Episcopus dono misit: *Epist. 34.* à quo mutuò sumendos, legendosque offert Secundino Manichæo, Romæ agenti, his verbis: Si quod autem de hac re copiosius explicatiusque delideras; lege tres libros nostros qui inscribuntur, De libero Arbitrio: quos in Campania Nola poteris inuenire, apud Paullinum, nobilem Dei famulum. *l. cont. Secund. cap. 11.*

S. XXXIV.

Venit ad Ostia Tiberina.

Post hæc in Africam cogitans peruenit ad Ostia Tiberina, vnâ cum Euodio, aliisque ciuibus & amicis suis, Deo pariter seruientibus. *l. 9. Confess. c. 8. Possid cap. 3.*

G 2

Illic

Illic remoti à turbis, post longi itineris laborem, instaurabant se nauigationi. Prouénit autem, vt ipse Augustinus cum Matre, soli starent incumbentes ad quandam fenestram, vnde hortus intra domum quæ eos habebat prospectabatur. Colloquebantur valde dulciter, & præterita obliuiscetes, in ea quæ antè sunt extenti, quærebant inter se, qualis futura esset vita æterna Sanctorum, quam nec oculus vidit, nec auris audiuit, nec in cor hominis ascendit.

Quibus sermonibus tantopere sunt affecti, vt carnalium sensuum delectatio, præ illius vitæ iucunditate, non comparatione, sed ne commemoratione quidem digna videretur: quinimò mundus iste eis inter verba vilesceret cum omnibus delectationibus suis, matre in primis clarè affirmante, nulla re iam se in hac vita delectari. *eod. l. c. 10.*

S. XXXV.

Monica infirmatur, & moritur.

CUm interea vix intra quinque dies, aut non multò ampliùs, Monica decubuit febribus, quarum nono die, religiosam & piam animam reddidit: postquam ipse tum Augustinus, ætatis annum trigessimum tertium compleuisset. *l. 9. Conf. cap. 11.*

Ingentem ei mœstitudinem ista mors attulit: non ob aliud vtique, quàm quòd ex consuetudine simul viuendi dulcissima & carissima, repentè disruptâ, animo vulnus accepisset. *eod. l. c. 12.* Nam quia dese- rebatur tam magno solatio; sauciabatur anima eius, & quasi dilania- batur vita, quæ vna facta fuerat, ex suâ & illius. Gaudebat quidem testimonio defunctæ, quòd in ea ipsa vltima ægritudine, obsequiis il- lius interblandiens, pium appellauerat; & commemorarat grandi di- lectionis affectu, Numquam se audiuisse ex ore ipsius, iaculatum in se durum & contumeliosum sermonem. verumtamen fatetur, nihil comparabile habuisse honorem à se delatum matri, & seruitutem à matre sibi. *eod. l. c. 12.*

Igitur cum efflasset animam, puerque Adeodatus exclamaue- rat in planctum; simul atque cohibitus est, arrepto Euodius Psalterio, inchoauit cantu Psalmum, *Misericordiam & indigium cantabo tibi Domine:*
cui

cui ab vniuersa domo respondebatur. Atque interea dum funeri necessaria curabantur, cum suis ipse in parte, vbi decenter poterat, quod erat tempori congruum disputabat, eoque fomento veritatis mitigabat cruciatum suum, quem coram aliis dissimulabat. *ead. l. & c.*

Vnde & cum corpus elatum est, iuit, rediuitque sine lachrymis. Imò neque in iis precibus, quas fudit dum pro defuncta offerretur Sacrificium pretij nostri, iam iuxta sepulchrum posito cadauere, priusquam terræ mandetur, quidquam fleuit: tametsi tota die grauius in occulto mœstus esset: quem mœrorem, ne balnea quidem petita pepulerunt, sed quadantenus somnus. *l. 9. Conf. c. 12.*

Reducens nihilominus paullo post in pristinum sensum conuersationem matris, piam in Deum & sanctam; in se suosque blandam atque morigeram, quâ subito destitutus erat: libuit flere de illa, & pro illa: de se, & pro se. Quamobrem dimisit lachrymas quas continebat, ut effluerent quantum vellent. *ead. l. & c.*

§. XXXVI.

Soluit in Africam.

IAm tum post Maximi tyranni mortem, Africam repetiuit. *lib. 3. cons. Petil. cap. 25.* Venientes de transmarinis Carthaginem, se, fratremque suum Alipium (nondum quidem Clericos, sed iam Deo seruientes) Innocentius ex Aduocato Vicariæ Præfecturæ, ut erat cum tota domo sua religiosissimus, suscepit: apud quem tantisper habitauit, ut miraculo curationis fistulæ ipsius Innocentij interfuerit, oculisque suis aspexerit, si non fuerit eius intercessione patratum. Id latè describit. *l. 22. de Ciuit. Dei, cap. 8.*

§. XXXVII.

Carthagine abit Tagastam.

Placuit inde ad propriam domum agrosque remeare. *Possid. cap. 2.* Ad quos veniens, & in quibus constitutus ferme triennio, (à se iam alienatis curis secularibus) cum iis qui eidem adhærebant, Deo vivebat: ieiuniis, orationibus, bonisque operibus, in lege Domini meditans die ac nocte. *Ibidem.*

Etenim in ipsius societate, ex nunc nemo proprium aliquid habebat, sed erant eis omnia communia, & distribuebatur unicuique sicut opus erat. *Poss. cap. 5.* de iis interim, quæ Deus illi cogitanti atque oranti, intellecta reuelabat, & præsentis & absentes, Sermonibus ac Libris docebat. *Poss. cap. 3.* Atque huc referri posse Sermones aliquot ex iis, quos tam rigidâ philosophâque sententiâ nonnulli proscribunt, quis protervè neget?

In Africa cõstitutus conscripsit duos libros De Genesi contra Manichæos, qui vehementi studio vesani erroris, veterem legem oppugnabant. *l. 1. Retr. cap. 10.* de his ita Cassiodorus: Nam & Pater Augustinus contra Manichæos duobus libris disputans, ita textum Genesis diligenter exposuit, ut penè nihil relinquere probaretur ambiguum. Vnde contigit ut nolens præstaret hæresis confutata, quatenus dum illa fortiter vincitur, Catholici diligentius instruantur. *l. 1. diu. lect. c. 1.* Quo etiam loco observatum est ab eodem Cassiodoro, Libris triginta tribus contra Faustum, pleraque de Genesi sollerter exposita esse: nec non iis quos Contra aduersarium legis & Prophetarum inscripsit: denique Confessionum posterioribus tribus voluminibus.

Et quoniam ab ipso primo tempore conversionis suæ, posteaquam in Africam venerat, interrogabatur à fratribus, de diuersis quæstionibus; iam tum cœpit initium liber Octoginta trium quæstionum. *l. 1. Retr. cap. 26.*

Per idem tempus scripsit Librum de Magistro, in quo cum Adco-dato filio disputatur & quæritur, & inuenitur, Magistrum non esse qui docet hominem scientiam, nisi Deum. *l. 1. Retr. cap. 12. & l. 9. Conf. cap. 6.*

Cum

Cum verò promississet ante paucos annos, scribere carissimo sibi Romano, quid de verâ religione sentiret; tempus nunc esse arbitratum est: postquam eius acerrimas interrogationes, sine vlllo certo fine fluctuare, eâ charitate, quâ erat illi obstrictus, diutius sustinere non poterat. *l. de ver. Rel. c. 7.* Ergo tunc De vera Religione librum scripsit: *l. 1. Rel. c. 13.* idque se fecisse, Romano per litteras significavit. *Epist. 113.*

Post hæc Hipponem Regium venit, propter videndum amicum, Anno quem putabat se lucrari posse Deo, ut secum esset in Monasterio. *Serm. 391. 49. de divers.* Is erat ex iis quos dicunt Agentes in rebus, benè Christianus, Deumque timens: qui audita bonâ Augustini famâ atque doctrinâ, desiderabat eum videre: promittens se posse mundi huius omnes contemnere cupiditates atque illecebras, si aliquando ex eius ore Dei verbû audire meruisset. *Possid. c. 3.* Quasi securus Hipponem peruenit, quia locus habebat Episcopum. Usque adeo enim timebat Episcopatum, ut, quoniam cœperat esse alicuius iam momenti inter Dei servos fama ipsius, in quo loco sciebat non esse Episcopum, ne illo accederet cauebat. *Serm. 49. de divers. Possid. cap. 4.* Porro visum hominem, allocutus frequentius atque exhortatus est, quantum Deus donabat, ut quod Deo vouerat, redderet: quod se ille facturum de die in diem pollicebatur, licet in eius tunc non impleuerit præsentia. *Possid. cap. 3.*

CAPVT II.

AVGVSTINVS PRESBYTER.

§. I.

Fit Presbyter.

Eodem tempore Valerius Hipponensis Episcopus, cum flagitante Ecclesiasticâ necessitate, de prouidendo & ordinando Presbytero ciuitati, plebem Dei alloqueretur & exhortaretur; iam cognito Augustini

gustini proposito & doctrinâ, manu iniectâ (quoniam & idem in populo securus & ignarus quid futurum esset, adstabat; *Possid. c. 4.*) apprehensus; *serm. 49. de diuers.* Episcopo ordinandus oblatus est: omnibus id vno consensu & desiderio fieri perficique petentibus, magnoque studio & clamore flagitantibus: vbertim eo flente. *Possid. cap. 4.* Existimabat enim merito peccatorum suorum vim sibi factam esse, vt secundus locus gubernaculorum ei traderetur, qui remum tenere non nouerat, &c. Atque hinc erant illæ lachrymæ, quas ab eo fundi in ciuitate, ordinationis suæ tempore, nonnulli fratres animaduertunt: & nescientes causas doloris ipsius, quibus potuerunt sermonibus, qui omnino ad vulnus ipsius non pertinerent; tamen bono animo consolati sunt. *Epist. 148.*

Id contigisse videtur initio Quadragesimæ: eò quòd ad munus suum ritè obeundum, paruum sibi tempus vel vsque ad Pascha concedi, humillimè per suas patrumque preces à Valerio cupiat. *ead. Epist.* Sunt qui scribant Cerei Paschalis præconium, quo siue in toto, siue in parte, adhuc vtitur Ecclesia Romana, ab Augustino per id tempus non compositum dumtaxat, sed decantatum publicè in Ecclesia fuisse. *Gress. lib. 2. de Benedict. & maledict. c. 31.*

S. II.

Monachismum continuat.

Quia disponebat ibi esse in Monasterio cum fratribus, cum non venisset nisi cum indumentis, quibus illo tempore vestiebatur; cognito instituto & voluntate eius, senex Valerius dedit illi hortum, in quo Monasterium ædificauit. *serm. 49. de diuers.* Spem quippè omnem sæculi reliquerat: & quod esse potuit, esse noluit: *ibid.* nihilque habebat propriū, ex quo de transmarinis ad sua remeasset. *Possid. c. 5.*

Cœpit & hic boni propositi fratres colligere, compares suos, nihil habentes, sicut ipse nihil habebat: & imitantes eum, vt quemadmodum tenuem paupertatulam suam vendidit, & pauperibus erogauit; sic facerent & illi, qui cum eo esse voluissent, vt de communi viuerent. Cōmune autem eis esset magnum & vberimum prædium, ipse Deus. *serm. 49. de diuers.*

Factus

Factus ergo Presbyter, Monasterium intra Ecclesiam instituit, & cum Dei seruis viuere cepit, secundum modum & regulam sub sanctis Apostolis constitutam: maxime, ut nemo quidquam proprium in illa societate haberet, sed essent eis omnia communia. *Post. d. cap. 5.*

§. III.

Possidium adsciscit.

Hic scholæ nomen dedisse oportet circa hoc tempus Possidium, qui se cum Augustino ferme quadraginta annis Dei dono, absque amara vlla dissensione, familiariter ac dulciter vixisse testatur, *cap. 31.* sic ut memorati anni complectantur vniuersim propositum ipsius, id est religionis statum, tam in vita laicorum, quam in officio Episcoporum, superlittere Augustino exactum. *Prolog. ad vit. August.* Eo etenim viuente, Ecclesiæ Calamensis Episcopus fuit, quam tum etiam occupabat Crispinus à Donatistis: quorum in Catholicos grassantium insidias & fraudum vix euasit, plagis licet & contumelijs affectus. *l. 3. cont. Crescon. c. 46.* quam rem latius dicturi infra sumus Libro Tertio.

Eum Augustinus collegam appellat, *loco cit.* & Coëpiscopum: *Epist. 3.* dicitque per suum ministerium, non litteris illis, quas variarum serui libidinum liberales vocant; sed Dominico pane nutritum, quantus ei potuit per suas angustias dispensari. *Epist. 131.*

Cœtus hic fratrum Augustino conuiuentium, ubi paulatim coalescere cepisset; neque Possidius tantum aliique, sed & cum eo Alipius Euodiusque vitam in commune agerent: Aurelius nuper Carthaginensis creatus Episcopus, Presbyterum Augustinum per litteras salutauit, dignitatem, ut apparet, suscepti ordinis gratulatus. Ei respondens Augustinus, hortatus in primis est, ut prauos neque facile tolerandos mores, qui in Ecclesiam Africanam irreplerant, exterminaret: tantam se de eo spem concepisse, ut dicat: Scias Domine beatissime, & plenissimâ charitate venerabilis, non desperare nos, imò sperare vehementer, quod Dominus & Deus noster, per auctoritatem

H

personæ

personæ quam geris, quam non carni, sed spiritui tuo impositam esse confidimus, multas carnales scelerates & ægritudines, quas Ecclesia in multis patitur, in paucis gemit, conciliorum gravitate, & tuâ possit sanare. *Epist. 64.*

S. IV.

Continuat Scripturarum studium.

Quamquam fateatur impressè alicubi, seriùs ac voluisset, animum applicuisse ad Sacras litteras; *Epist. 254.* attamen quia nulli dubium est gemino pondere nos impelli ad discendum, auctoritatis atque rationis; iam inde à conuersione certum ei fuit, nusquam prorsus à Christi auctoritate discedere: non enim reperiebat valentiorum. Quod autem subtilissimâ ratione persequendum est (ita enim iam tum affectus erat, ut, quid sit verum, non credendo solùm, sed etiam intelligendo apprehendere, impatienter desideraret) apud Platonicos se interim quod sacris Christianis non repugnet, reperturum esse confidit. *l. 3. cont. Acad. c. 20.*

Itaque Scripturarum studio totus incubuit: quarum tantam esse testatus est profunditatem, ut in eis quotidie proficeret, si eas solas ab ineunte pueritiâ, usque ad decrepitam senectutem maximo otio, summo studio, meliore ingenio conaretur addiscere. Non quòd ad ea quæ necessaria sunt salutis, tantâ in eis perueniatur difficultate: sed cum quisque ibi fidem tenuerit, sine quâ piè recteque non viuitur; tam multa, tamque multiplicibus mysteriorum umbraculis opaca, intelligenda proficientibus restant: tantaque non solùm in verbis, quibus ista dicta sunt, verum etiam in rebus quæ intelligendæ sunt, latet altitudo Sapientiæ; ut annosissimis, acutissimis, flagrantissimis cupiditate discendi hoc contingat, quod eadem Scriptura quodam loco habet: Cum consummauerit homo, tunc incipit. *Epist. 3.*

Quidquid præterea homo extrâ didicerit, si noxium est, ibi damnatur: si vtile est, ibi inuenitur. Et cum ibi quisque inuenit omnia, quæ vtiliter alibi didicit; multò abundantius ibi inueniet ea, quæ nusquam omninò alibi, sed in illarum tantummodò Scripturarum mirabili

mirabili altitudine, & mirabili humilitate discuntur. *l. 2. de doct. Christi. cap. 42.*

Iam Philosophi qui vocantur, si qua fortè vera, & fidei nostræ accommoda dixerunt, maximè Platonici; non solum formidanda non esse, sed ab eis etiam tamquam iniustis possessoribus, in vsum nostrum vindicanda pronuntiauit. *cod. l. c. 40.*

S. V.

*Sacrarium scientiarum in Augustino
encyclopaedia.*

Porro quia profanas litteras, ab ineunte ætate didicerat, *Epist. 254.* nihilum in eis ignorauit. Artium benè dicendi, Mathematicæ, Arithmetica, Musica, Physica, Astrologia, Dialectica peritissimus fuit, vt ex superioribus constat: nec non rei metricæ vbi ait: Non aliquo carminis genere l salum à se esse cõpositum, vt caussa Donatistarum ad ipsius humillimi vulgi, & omnino imperitorum atque idiotarum notitiam perueniret: nè metrica illum necessitas ad aliqua verba, quæ vulgo minùs sunt vsitata, compelleret. *l. 1. Rit. c. 20.*

Exstant eadem eius opinor incude procusi, numeri innumeri, ad imitationem Trochaici carminis tetrametri Catalectici, de Gloria Paradisi: *l. Medit. c. 26.* probi verò propriique ad Christum. *cod. lib. 14p. 18.* quos quia pauculi sunt subiungo:

*Spes mea, Christe Deus, hominum tu dulcis amator,
Lux, via, vita, salus, decor & decus omne tuorum,
Omnia pro quorum voluisti ferre salute;
Cernito vincla, Crucem, vulnus, mortem atque Sepulcrum.
Post tres inde dies deuicta morte resurgens,
Discipulis visus, nutantia corda reformans,
Luce quater dena calorurn summa petisti:
Viuu in aeternum nunc, & per secula regnans.*

vt scias non immerito interrogatum ab eo fuisse Audacem, cur contra prosodicam legē, hexametrum versum, heptametrum fecisset. *Epist. 149.*

Citat Ciceronem, Varronem, Sallustium, Senecam, Plinium,

H 2

Virgi-

Virgilium, Lucretium, Terentium, Persium, Iuvenalem, Lucanum, Claudianum, Ennium, Horatium, Cornelium Celsum, Soranum, eosque omnes sapius, atque alios.

Meminit Homeri, Hesiodi, Epicuri, Platonis, Porphyrij, Apulei, Apollonij Thyanæi: Aristotelis, Carneadis, Zenonis Archesilæ, Chrysippi, Antiochi Ascalonitæ, Metrodori: Terentiani Mauri, Cornuti, Asperi, Donati, & aliorum satis frequenter.

Liberalium disciplinarum, historiæ tum sacræ tum profanæ, morum rituumque populorum omnium, fabularum denique scientissimum fuisse, testantur *Libri de Ciuit. Dei, de Doct. Christ. de cons. Euang. &c.* Vnde nonnumquam Gentilium fabulas, ad rerum naturam & mores expositas, refert l. 20. *cont. Faust. c. 9.* aut earum prodit originem. Et quidem de Musis, deabus inter litteratores celeberrimis, hæc monet: Non enim audiendi sunt errores Gentilium superstitionum, qui nouem Musas, Iouis & memoriæ filias esse sinxerunt. Refellit eos Varro, quo nescio vtrum apud eos quisquam talium rerum doctior vel curiosior esse possit. Dicit enim ciuitatem nescio quam (non enim nomen recolo) locasse apud tres artifices, terna simulachra Musarum, quæ in Templo Apollinis dono poneret, vt quisquis artificum pulchriora formasset, ab illo potissimum electa emeret. itaque contigisse vt opera sua quique illi artifices æquè pulchra explicarent, & placuisse ciuitati omnes nouem, atque omnes emptas esse, vt in Apollinis Templo dedicarentur: quibus postea dicit Hesiodum Poëtam imposuisse vocabula. Non ergo Iuppiter nouem Musas genuit, sed tres fabri ternas creauerunt. Tres autem non propterea illa ciuitas locauerat, quia in somnis eas viderat, aut tot se cuiusquam illorum oculis demonstrauerant: sed quia facile erat animaduertere omnem sonum, qui materies cantilenarum est, triformem esse naturâ. Aut enim editur voce, sicut eorum est, qui faucibus siue organo canunt: aut flatu, sicut tubarum & tibarum: aut pulsu, sicut in citharis & tympanis, & quibuslibet alijs, quæ percutiendo canora sunt. l. 2. *de doct. Christ. c. 17.* Alia Gentilium Numina, tam beneuola, quam noxia, alijs libris conuellit: & præsertim de Ciuitate Dei, l. 6. & 7.

Historiam verò plurimum nos adiuuare ad Sanctos libros intelligendos, etiam si præter Ecclesiam puerili eruditione discatur, inquit l. 2. *de doct. Christ. c. 28.* Nam & per Olympiadas, & per Consulum nomina,

nomina, multa sæpe quaruntur à nobis: & ignorantia Consulatus quo natus est Dominus, & quo passus est, nonnullos coëgit errare, vt putarent quadraginta sex annorum ætate passum esse Dominum: quia per tot annos ædificatum esse templum, dictum est à Iudæis, quod imaginem dominici corporis habebat. *ibid.* Sed vtinam hos Consules, quos vtique non ignorauit Augustinus, in publicum protulisset! certiores epochas, temporumque characteres haberemus.

Citat Eusebium quem Ruffinus vertit: *Libro de cur. pro mort. c. 6. l. de heres. bar. 83. Africanum, quem tum primùm legerat, l. 2. Rel. c. 7.*

Penetrauit Philosophorum omnium adyta, vt sunt Stoici, Academici, Peripatetici, Epicurei, Cynici: eorumque dogmata passim erroresque confutat: vt & Paganismum subuertit cum deorum infinità multitudine, *ll. cont. Acad. de Ciuit. Dei: Tract. de Epicur. & Stoic.* Sibyllina etiam carmina recitat, *l. cont. Iud. c. 16. & l. 18. de Ciuit. Dei c. 23.*

Nec refert quòd hæc omnia profana sint. Quia, vt inquit ipse, sicut Ægyptij non solùm idola habebant & onera graui, quæ populus Israëliticus detestaretur & fugeret; sed etiam vasa atque ornamenta de auro & argento, & vestem, quæ ille populus exiens de Ægypto sibi potius, tamquam ad vsum meliorem, elanculò vindicauit, non auctoritate proprià, sed præcepto Dei, ipsis Ægyptijs nescienter commodantibus ea, quibus non bene utebantur: sic doctrinæ omnes Gentilium, non solùm simulachra & superstitiosa figmenta, grauesque sarcinas supernacanei laboris habent; quæ vnusquisque nostrum, duce Christo de societate Gentilium exiens, debet abominari atque deuitare; sed etiam liberales disciplinas, vsui veritatis aptiores, & quædam morum præcepta vtilissima continent: de quæ ipso vno Deo colendo nonnulla vera inueniuntur apud eos. Quod eorum tamquam aurum & argentum (quod non ipsi instituerunt, sed de quibusdam quasi metallis diuinæ Prouidentia, quæ vbique infusa est, eruerunt, & quo peruersè atque iniuriosè ad obsequia dæmonum abutuntur) cùm ab eorum miserà societate sese animo separat, debet ab eis auferre Christianus, ad vsum iustum prædicandi Euangelij. Vestem quoque illorum, id est hominum quidem instituta, sed tamen accommodata humanæ societati, quâ in hac vita carere non possumus; accipere atque habere licuerit, in vsum conuertenda Christianum. Nam quid aliud fecerunt multi boni fideles nostri? Non aspi-

cimus quanto auro & argento, & veste suffarcatâ exierit de Ægypto Cyprianus, doctor suauissimus & Martyr beatissimus? quanto Lactantius? quanto Victorinus, Optatus, Hilarius, vt de viuis taceam? l. 2. de doct. Christ. c. 40.

§. VI.

Verbum Dei prædicare incipit.

Valerius itaque ordinator eius, vt erat vir pius & Deum timens, exultabat Deoque gratias agebat, quod exauditas à Domino videret preces suas, quas se frequentissimè fudisse narrabat, vt sibi diuinitus homo concederetur talis, qui posset verbo & doctrinâ salubri, Ecclesiam Dei ædificare: cui se rei homo naturâ Græcus, minusque Latinâ linguâ & litteris instructus, parum utilem videbat. *Possid. c. 5.* Quapropter Augustino Presbytero potestatem dedit, coram se in Ecclesia Euangelium prædicandi ac frequentissimè tractandi: contra usum quidem & consuetudinem Africanarum Ecclesiarum, ob quod ei nonnulli Episcopi detrahebant; sed ex more Orientalium. Quem porro plures in Africa Episcopi amplexi sunt: exemplo Valerij, factâ Presbyteris potestate, coram Episcopis tractandi verbum Dei. *Ibid.* Et quidem nominatim Aurelius Carthaginensis Antistes: cui propterea gratulatus est Augustinus peculiari Epistolâ 77. Adeo vt hic mos tantopere inualuerit, vt Presbyteros in hoc genere cum Episcopis coniungat, vbi ait: Numquid non ascendit aliquando aut Presbyter aut Episcopus, & non dicit aliud de superiore loco, nisi nè rapiantur res alienæ? *serm. 49. de verb. Dom.* Idem deinde mos ad Gallos peruenit, apud quos Synodus Vasensis II. potestatem dat Presbyteris verbum faciendi.

In hoc munere, tamquam lucerna accensa & ardens, eleuata super candelabrum, luxit omnibus qui in domo erant: *Possid. c. 5.* tantumque ei tributum est, vt ex quo ad populum dicere cœpit, vbicumque illo præsentē loqui opus esset, rarissimè tacere ipse atque audire alios permetteretur, & esse velox ad audiendum, tardus autem ad loquendum. *Prolog. ad ll. Retract.* Ex assiduo enim verbi Dei prædicandi studio

studio, Tractatorem Pœnum, id est, Concionatorem, appellasse (tamen si per contemptum) Iulianus videtur, *l. 1. op. imperf. cap. 8.* Iam & Deus non vulgaribus illum donis ornauerat instruxeratque. Fuit in illo studium vberimum, cognitio sacrarum Scripturarum exactissima, iudicium acre & exterius, ingenium ad miraculum acutum. Fuit ipse sincerioris pietatis diligentissimus propugnator, moribus mansuetissimis, & ad charitatem Euangelicam effectis atque expressis, vitæque integritate sanctitateque insignis & adorandus, inquit *Io. Lud. Viuis Epist. ad Reg. Angliæ.*

§. VII.

Augustini memoria, & facundia Latina.

Memoriam habuit vastam & tenacem, ut patet ex Scripturarum partibus, quas vndecumque accersitas appositè admodum producit: facundiam deinde longo docendi dicendique usu exercitatum, Carthagine, Romæ, Mediolani: licet eum Itali in multis verborum sonis exagitaerint; & ab eo vicissim, quod ad ipsum sonum attinet, sint reprehensi. *l. 2. de Ord. c. 17.*

Quapropter (tamen si paullo post) Secundinus Manichæus, qui scripta quædam Augustini legerat, cum illa suspenso animo, agilique oculo, iterum iterumque repetisset; summum inuenisse ubique Oratorem, & Deum pœne totius Eloquentiæ affirmabat, *Epist. ad August. tom. 6.* At verò Darius Comes, non modò ter aut quater, ut est apud nescio quem; sed millies, & omni numero plus beatum se fore dicebat, si datum sibi esset præsentì intueri Augustini verè sidereos vultus, vocemque diuinam ac diuina canentem: & non solùm mentis fructus, sed etiam cum aurium iucunditate sumere & haurire licuisset. Putarem profectò me (verba sunt Darii) quasdam immortalitatis leges, non modò de cælo, sed in ipso constitutum cælo suscipere: & quasdam Dei voces, non longè de templo, sed prope ipsum Dei adstantem tribunal audire. *Epist. 263.* Ingens sanè, neque minoris affectus encomium.

§. VIII.

§. VIII.

Græca scientia, Hebraica & Punica.

Iam quod Græcam linguam attinet, testatur quidem non sibi tantum fuisse eius linguæ habitum, ut Græcis libris legendis & intelligendis vlllo modo reperiatur idoneus: *proæm. in l. 3. de Trin. & Græcæ linguæ perparum se affecutum ait, & propè nihil; l. 2. cont. Petil. c. 38.* Eodem tamen loco, & passim alibi Græca interpretatur, allegat, & confert cum Latinis, ut patet *ll. Locution. de scriptura sacra: deinde integras Chrysostomi sententias non infeliciter transtulit, l. 1. cont. Iul. c. 6.* imò Categorias Aristotelis è Græco Latine vertit, in gratiam filij sui Adeodati: *l. Categor. Arist. c. 22.* denique Græcos scripturæ Codices à se consultos refert, *l. 1. Ret. cap. 19. & d. 2. cap. 24. & Epist. 59.* Veteri porro linguæ Græcæ pronuntiationi fauet, quod ait: Beta vno eodemque sono, apud Græcos litteræ; apud Latinos, oleris nomen esse. *l. 2. de doct. Christ. c. 24.*

Hebraïcorum nominum significationem, sibi quidem fuisse sine interpretatione virorum peritorum eiusdem linguæ incognitam, insinuat *l. 2. de doct. Christ. c. 18.* quam linguam rotundè fatetur se ignorare: *Epist. 131.* adeò ut si Hebræâ voce Moyses ei loqueretur, frustra, inquit, pulsaret sensum meum, nec inde mentem meam quidquam tangeret: *l. 11. conf. c. 3.* vnde consuluit Hebræum quemdam in dictione Raca, *l. 1. de serm. Dom. in monte c. 9.* Nihilominus enarrans illud Apostoli: Misit Deus filium suum factum ex muliere: ait, hoc nomine, proprietate Hebraïcæ linguæ, omnem feminam nuncupari, siue viro intactam, siue iam mixtam. *Epist. 120. c. 3.*

Cumque Punicum appellet Secundinus, *Epist. ad August. disputatorem Pœnum Iulianus; l. 3. cont. Iul. c. 17.* non videtur Punicam ignorasse, cuius vocabula permulta, & penè omnia Hebraïcæ consona sunt, *l. 2. cont. Petil. c. 104.* quod istæ linguæ sibi significationis quadam vicinitate sociantur. *serm. 35. de verb. Dom.* Atque hinc de Messia annotat, Messe, Pœnis idem esse quod, Vnge: *Tract. 15. in Io. Mammon,* ut Hebræâ, ita Punicâ linguâ significare diuitias: *serm. 35. de verb.*

verb. Dom. Edom vtrisque sanguinem denotare. *in Ps. 132.* Videri denique potest *l. 1. Locut. in Gen.* vbi aliam quandam phrasin lingue vtrique communem annotavit, dum ait: Et extendit manum suam & accepit eam, & induxit eam ad se in arcam: locutio est quam propterea Hebræam puto, quia & Punicæ lingue familiarissima est, in qua multa inuenimus verbis Hebræis consonantia. Nam vtiq; sufficeret: *Et extendit manum*, etli non adderet, *suam*, &c.

S. IX.

Scribit contra Manichæos.

Augustinus apud Hipponem Regium Presbyter scripsit librum De Vtilitate credendi, ad amicum suum Honoratum: quem deceptum à Manichæis, adhuc eo errore nouerat detineri, & irridere in Catholicæ fidei disciplinâ, quod iuberentur homines credere, non autem quid esset verum certissimâ ratione docerentur. *l. 1. Ret. c. 14.* Nam priusquam vel Manichæos apud Honoratum refelleret, nugasque eorum inuaderet; vel magnum aliquid de fide Catholica aperiret; voluit primùm eruere illi falsam opinionem, de veris Christianis malitiosè aut imperitè ei insinuatam, hocque initio apud illum facto, contra Manichæos scribere, & Catholicam stabilire: atque ita eum erigere ad magna quedam & diuina discenda. Quomodo exponit quod in fine libri De Vtilitate credendi dixerat: nondum se Manichæos cœpisse refellere, &c. *ead. l. c. 1.*

Ceterùm quod voluit, effecit: vti patet ex quæstionibus quas ei post Honoratus quinque misit à Carthagine, & rogauit vt eas illi scribendo exponeret. *l. 2. Ret. c. 36.* Harum enim occasione, liber De Gratia noui Testamenti habuit initium, dum ad quinque quæstiones Honorati (quem tum fuisse Catechumenum apparet, *Epist. 120. c. 19.* imò effectum postea Presbyterum, ex Cassiodoro; *l. diu. lect. c. 16.*) sextam Augustinus adiecit: Quæ sit Gratia noui Testamenti? sub quâ respondet ad ceteras. *ead. Epist. c. 1.*

Post librum De Vtilitate credendi, scripsit contra Manichæos De duabus Animabus: quarum vnâ dicunt esse partem Dei, alteram

I

de

de gente tenebrarum, quam Deus non condiderit, & quæ sit Deo coæterna. Et has ambas animas, vnam bonam alteram malam, in vno homine esse delirant: malam quidem, dicentes propriam esse carnis; quam etiam carnem dicunt esse Gentis tenebrarum: bonam verò ex aduentitiâ Dei parte, quæ cum tenebrarum gente conflixerit, atque vtramque miscuerit: omnia denique bona hominis, illi bonæ Animæ; omnia verò mala, malæ Animæ tribuunt. *lib. 1. Retract. cap. 15.* Videtur eo fine conscriptus hic Liber, vt Amicos quosdam suos, Manichæismo adhuc detētos, Catholicæ fidei fisteret. *l. de duab. Animab. c. vlt.* Verum est, aliquam multa sensa eiusdem, ad errorum suorum patrocinium, Pelagianos detorquere voluisse: sed hoc eis prouidē incidit, neque vllatenus suffragari ostendit: tamen si longē ante Pelagianam hæresin opus prodiiisset. *l. 1. Retract. c. 15.* vide *l. 1. Oper. Imp. c. 45.* vbi Iulianus nonnullis hinc citatis, gloriosus exultat, & totius propē disputationis suæ fundamentum efficit.

S. X.

Disputat cum Fortunato.

Anno
392.

Q Via per id tempus in Ciuitate Hipponensi Fortunatus, Manichæorum Presbyter, diu commoratus, adeò multos quæ ciues quæ peregrinos infecerat seduxeratque, vt propter illos ibi eum delectaret habitare: rogatus non tantum à Catholicis, sed Donatistis etiam Augustinus, Fortunato disputandi certamen obtulit. Quod licet ille principio subire formidaret, equidem perspectum habens ingenium Augustini, quicum olim Carthagine vixerat, dum in Manichæo dogmate rabiosus adhuc & cæcus erraret; suorum tamen maximè instantiâ coactus, cominùs se venturum certamenque disputandi subiturum promisit. *l. 1. Res. c. 16. Poss. c. 6.*

Designatus locus in Vrbe Hipponensi, in Balneis Sossij: *disp. 4. cont. Fort.* concurrentibus quamplurimus viris studiosis, turbisque curiosis: & apertis Notariorum tabulis, disputatio est cœpta primo; & secundo die finita. *Possid. c. 6.* Hanc in librum memoriæ mandandam conferre curauit. Versatur ibi quæstio, Vnde sit malum? Augustino

gustino asserente, exortum fuisse hominis malum ex libero voluntatis arbitrio: Fortunato autem, naturam mali Deo coeternam persuadere moliente. Sed qui consequente tandem die confessus est, nihil se aduersus Catholicos inuenire, quod diceret: neque tamen Catholicus factus est: *l. 1. Ret. c. 16.* sed collaturum se cum maioribus suis dixit, quæ refellere non potuit: qui si satisfacere nequiverint, suæ se animæ consulturum. *Poss. c. 6.* Interim paullo post de ciuitate Hipponensi profectus, ad eandem ampliùs non remeauit, rubore & pudore prohibitus. *Poss. ibid.* Adeo est verum quod alibi Augustinus ait: Manichæi, dum nimis querunt, vnde sit malum; nihil reperiunt, nisi malum. *l. de vit. cred. c. 18.*

Quia constat disputationem hanc quinto Kal. Septembris habitam, Arcadio Augusto bis, & Ruffino Viris Clarissimis *Coll. int. disp. 1.* (qui incidunt in Annum Domini ccc. xcii.) sequitur ut contigerit Anno ætatis Augustini trigésimo octauo mox complendo.

S. X I.

Ecclesia Africana Augustini doctrinâ proficit.

ITa priuatim & publicè, in domo & Ecclesiâ, salutis verbum cum omni fiducia docente & prædicante Augustino, aduersus Africanas hæreses, tam libris confectis quàm repetitis sermonibus; Catholica fides caput extulit, quæ multo in Africâ tempore depressa iacuerat. Inde Christi bonus odor & doctrina, per eam orbis plagam latè diffusa: non mediocriter collatante Ecclesiâ transmarinâ. Libros enim siue Tractatus ipsius, omni rationum copiâ & auctoritate Scripturarum instructos, ipsi cum Catholicis hæretici confluentes non audiebant tantum; sed adhibitis Notarijs vtrique certatim excipiebant. *Possid. c. 7.* Hinc multa quæ dictata non sunt, tamen ab eo dicta, conscripta sunt. *proleg. ad II. Retract.*

Anno sequente, octauo Idus Octobris, Theodosio Imperatore III. Anno & Abundantio *Coll.* id est, Anno Christi ccc. xciii. coram Episcopis, qui plenarium totius Africæ Concilium Hippone regio agebant, ipsis iubentibus, de fide & symbolo disputauit: quam disputa-

Anno
393.

tionem amicis instantibus, in librum contulit. *lib. 1. Retract. cap. 17.*

Et quamquam de Genesi libros duos condidisset contra Manichæos: quia tamen fuerat in illis secutus expositionem Allegoricam, non ausus naturalium rerum tanta secreta ad litteram exponere; experiri iam voluit, quid in hoc difficillimo opere valeret. Cum ecce in Scripturis exponendis tyrocinium ipsius sub tanta sarcinæ mole succubuit: adeoque nondum vno libro perfecto, conquieuit. Sed qui nihilominus exstare permixtus est, ut index esset non inutilis rudimentorum ipsius, in enucleandis atque scrutandis diuinis eloquiis. Postea enim duodecim libros conscripsit, quorum est titulus, De Genesi ad litteram. *l. 1. Ret. c. 18.* Quapropter scribendo profecisse se fatetur: quod non obscure deprehendet, quisquis opera eius, ordine quo scripta sunt, legerit. *Prolog. ad II. Retract.*

Sermonem quoque Domini in monte secundum Matthæum, Presbyter adhuc duobus voluminibus explanauit: *l. 1. Retract. cap. 19.* quem sermonem, sicuti in Euangelio secundum Matthæum legimus, si quis piè sobrieque considerauerit; putat inuenturum in eo, quantum ad mores optimos pertinet, perfectum vitæ Christianæ modum. *l. 1. de serm. Dom. in monte c. 1.*

S. XII.

Donatistas oppugnat.

ET quoniam hoc tempore Donati pars, populi Christiani sacrilega rebaptizatrix, nullo opposito repagulo totam propè Africam inundabat: imperitam incautamque plebeculam, quæ errorum duces more bruti agminis sequebatur, miseratus; opem aliquam ferre statuit, ut explicat ipse his verbis: Volens causam Donatistarum ad ipsius humillimi vulgi, & omninò imperitorum atque idiotarum notitiam peruenire, & eorum, quantum fieri posset, per nos inhærere memoriæ; Psalmum, qui eis cantaretur, per Latinas litteras feci, sed vsque ad N. litteram; tales enim Abecedarios appellant. *l. 1. Ret. c. 20.* Complexus est hoc Psalmo, tametsi minimè prolixo, totius Schismatis originem: per quos nimirum, & quomodo cœptum: quâ audaciâ

ciâ quovè furore auctum & alitum : quâ denique pertinaciâ & sacri-
legio perseveret.

Nam ut, quod postea fecit, prorsus everteret; eodem quoque Pres-
byterij sui tēpore, librum scripsit Contra Epistolam Donati Cartha-
ginensis. de quo plura, sicuti & de Schismate infra tradentur. in qua
Epistola agit Donatus, ut non nisi in eius communione Baptisma
esse credatur : cui Catholici contradicunt. *l. 1. Ret. c. 21.* Hic liber
non existat, aut in alicuius adhuc Bibliothecæ otiosa custodia latet.
Emendat autem quod in eo dixerat, Ambrosium imitatus, in Petro
veluti in petrâ, fundatam esse Ecclesiam : cū in Christo, quem Pe-
trus confessus erat, sic amet dici fundatam, quia scriptum est, Petra
autem erat Christus; ut lectori, quæ harum sententiarum sit proba-
bilio, arbitrium relinquat. *eod. l. & c.* Priorem alioquin interpre-
tationem sequitur superiori Psalmo contra Donatistas *luc. 5.* & postea,
Cont. 2. in Psalm. 30. & serm. 39. de sanct. & aliis.

§. XIII.

Alia contra Manichæos.

CUmque eodem tempore venissent in manus eius, quedam dispu-
tationes Adimanti (qui proprio nomine Addas dictus est: *l. 2. contra Adu. leg. & prophet. c. 12.* fueratque Manichæi discipulus, quem-
que magnum doctorem sectæ illius fuisse commemorabant, *l. cont. Adim. c. 12. l. 1. cont. Faust. c. 2.*) quas conscripsit aduersus Legem &
Prophetas, veluti contraria eis Euangelica & Apostolica scripta, de-
monstrare conatus : ad easdem respondit Augustinus, & nihilum in-
ter se contrariari ostendit. *l. 1. Ret. c. 22.*

Ideo autem Adimantum appellauit Manichæi discipulum, quod
docentem illum audiuerit, sicuti affirmat *l. 2. cont. Aduersarium legis
& prophet. c. 12.* quandoquidem Manichæa hæresis, uti & ipsius au-
ctor, Persa natione (ut eius propterea hæresin, fabulam Persicam
appellet Augustinus *l. cont. Secund. c. 2. & 4.* & Manichæos, Persas,
cap. 9.) qui vocabatur Manes, & antè Urbicus, *l. de hæres. har. 46.*
recens tum fuerit : quia constat non solum post Tertullianum, ve-

rumetiam post Cyprianum, hanc hæresin exortam. *l. 13. cont. Faust. c. 4.* Passus est autem Cyprianus sub Valeriano Imper. Anno Domini CC. LIX. decimo octavo Kal. Octobris : Manichæus autem hæresin suam aperire cœpit (uti ait Epiphanius *lib. de pond. & mens.*) sub annum nonum Gallieni, qui incidit in Annum Domini CC. LXIII.

Eusebius verò *lib. 7. c. 25. & 26.* ait Romæ innotuisse sub Diocletiani tempora, Pontificatu Felicis : quamquam inter illius Imperium, & Pontificatum huius, anni intersint circiter decem. Imperator enim ille factus est anno CC. LXXXIV. Kalendis Maij : Felix Martyrio coronatus CC. LXXV. Leo Magnus innotuisse scribit, impleto post Resurrectionem Domini ducentesimo & sexagesimo anno, Probo Imperatore Paulinoque Consule, cum octava iam in Christianos persecutio ebulliret. *serm. 2. de Pentecost.*

Ceterum ex pluribus hisce operibus, quibus Manichæorum errores, non felicius quam fortius confutauerat ; quinque omnino Alipius, factus Episcopus, ad Paullinum misit, Nolanæ Ecclesiæ postea præfulem. De quibus Augustino adhuc Presbytero, Paullinus scribens, inquit inter alia : Hos nunc libros lectioni habeo, in his me oblecto, de his cibum capio, non illum qui perit, sed qui operatur vitæ æternæ substantiam, per fidem nostram quâ adcorporamur in Christo Iesu Domino nostro : cum fides nostra, quæ visibilibus negligens inuisibilibus inhiat, per charitatē omnia secundum veritatem omnipotentis Dei credentem, litteris & exemplis fidelium roboretur. O ! verè sal terræ, quo præcordia nostra, ne possint sæculi vaneſcere errore, condiuntur. O ! lucerna dignè supra candelabrum Ecclesiæ posita, quæ latè Catholicis vrbibus, de septiformi lychno, pastum oleo lætitiæ lumen effundens, densas licet hæreticorum caligines discutis, & lumen veritatis à confusione tenebrarum, splendore clarifici sermonis enubilas. *Epist. 31. apud August.*

Eandem hæresin scriptis oppugnarunt, ex Græcis quidem Serapion, Tmucos Ægypti vrbis Episcopus, cui Scholastici cognomen inditum, charus Antonio Monacho, ut testatur Hieronymus *l. de viris illust.* Didymus Alexandrinus : Titus Bostronus Episcopus, quatuor libris, quos fortes Hieronymus ibidem appellat : & Zacharias Episcopus Mitylenes : ex Latinis verò Victorinus Afer, cuius Augustinus meminit *libro. 8. Conf. cap. 2.* ut suprâ vidimus. Hic à Sirmondo

Sirmondo editus inter opuscula dogmatica veterum quinque Scrip-
torum: alij ab Henrico Canisio tom. 5. lect. Antiq.

§. XIV.

Scholam Theologicam tenet.

DVm adhuc Presbyter exiit, atque suos inter Carthagine lege-
retur Epistola Pauli ad Romanos, & quardam interrogaretur à
fratribus; maluerunt illi ipsi responsiones ipsius scribi potius, quàm
fundi sine litteris. Quod fecit libro vno. l. 1. *Ret. c. 23.* Quo li-
cuit eruditissimo viro saltem huic vni succumbere culpæ, quam tam
acriter postmodum in Pelagianis, & Semipelagianis insectatus est,
tamque validè expugnauit: vt pòst demonstrabimus.

Inquirens enim, quomodo nondum natos, priusquam aliquid bo-
ni vel mali egissent, elegerit Deus reieceritque; & ideo sit dictum,
Maior seruiet minori, iuxta hoc quod scriptum est, Iacob dilexi,
Esau autem odio habui: eò labitur, vt, quoniam Spiritus sanctus
non datur nisi credentibus, non quidem Deus elegerit opera, que
ipse largitur, cum dat Spiritum sanctum, vt per charitatem bona
operemur; sed tamen, inquit, elegit fidem. Quapropter nisi quis
credat in eum, & in accipiendi voluntate permaneat; non accipit do-
num Dei, id est Spiritum sanctum, per quem infusa charitate, bo-
num possit operari. Non ergo elegit Deus opera cuiusquam in præ-
scientiâ, quæ ipse daturus est; sed fidem elegit in præscientiâ: vt quem
sibi crediturum esse præsciuit, ipsum elegerit, cui Spiritum sanctum
daret, vt bona operando, etiam vitam æternam conlequeretur. Dicit
enim idem Apostolus: *Idem Deus, qui operatur omnia in omnibus*: nus-
quam autem dictum est: *Deus credit omnia in omnibus*. Quod ergo cre-
dimus, nostrum est: quod autem bonum operamur, illius est qui cre-
dentibus in se dat Spiritum sanctum. *Expos. in Epist. ad Rom. c. 60.*

Quapropter per id tempus, nondum quæsiuerat diligentius, nec
adhuc inuenerat, qualis sit electio gratiæ, de qua idem dicit Aposto-
lus: *Reliquie per electionem gratiæ, salua facta sunt*: quæ utique non est
gratia, si eam merita vlla præcedant: nè iam quod datur, non secun-
dum

dùm gratiam, sed secundùm debitum reddatur potiùs meritis, quàm donetur. Proinde quod continuò dixi: Dicit enim Apostolus, Idem Deus qui operatur omnia in omnibus: ac deinde subiunxi; Quod ergò credimus, nostrum est; quod autem bonum operamur, illius est qui credentibus dat Spiritum sanctum: profectò non dicerem, inquit, si iam scirem etiam ipsam fidem inter Dei munera reperiri, quæ dantur in eodem Spiritu, &c. *l. 1. Retra. c. 23.* Fidei etenim incrementum non tantummodò esse donum Dei, sed etiam ipsius initium; toto postea libro ostendit, quem scripsit de Prædestinatione Sanctorum ad Prosperum & Hilarium, contra Semipelagianos tum exorientes. Videri quoque potest *lib. de Grat. Christi contr. Pelag. & Calest. c. 7. & seqq.*

Ergo electionē non præcedentium in bonis operibus meritorum, sed electionem gratiæ demonstrans Apostolus, sic inquit: Et in hoc tempore reliquiæ per electionem gratiæ, salutæ factæ sunt. Si autem gratia; iam non ex operibus: alioquin gratia non est gratia. Hæc est electio gratiæ, id est, electio quâ per Dei gratiam homines eliguntur. Hæc est inquam electio gratiæ, quâ omnia bona merita præueniuntur humana. Si enim vllis bonis meritis datur; iam non gratis donatur, sed debita redditur: ac per hoc non vero nomine Gratia nuncupatur, vbi merces, sicut idem dicit Apostolus, non imputatur secundùm gratiam, sed secundùm debitum. Si autem vera sit gratia, id est, gratuita; nihil inuenit in homine cui meritò debeat: quod bene intelligitur & in eo quod dictum est: *Pro nihilo saluos facies eos*: profectò ipsa dat merita, non meritis datur. Præuenit ergo etiam fidem, ex quâ omnia bona opera incipiunt: Iustus enim, sicut scriptum est, ex fide viuit. *l. de Patient. c. 20. tom. 4.*

Post expositionem Epistolæ ad Romanos, exposuit eiusdem Apostoli Epistolam ad Galatas, non carptim, id est aliqua prætermittens, sed continenter & totam: quam expositionem vno volumine comprehendit. *l. 1. Ret. c. 24.*

Ad eundem modum decreuerat exponere Epistolam ad Romanos: sed cuius operis quoniam plures libri futuri erant, si perficeretur, quandoquidem vnum in sola disputatione Salutationis absoluerat; totius magnitudine ac labore deterritus, substitit, vnico illo edito, cui titulus est: Epistolæ ad Romanos inchoata expositio. *l. eod. c. 25.*

Mathema-

Mathematicos, quos olim impensè coluerat, verumtamen ante conuersionem deseruit, etiam nunc confutauit, vt constat Quæstione 45. inter octoginta tres. videri potest contra eosdem l. 2. de doct. Christ. c. 21. & Epist. 243.

De Mendacio denique librum scripsit: qui etsi cum aliquo labore intelligatur, habet tamen non inutilem ingenij & mentis exercitationem, magisque moribus ad veriloquium diligendum proficit. *libr. 1. Ret. cap. 27.*

S. XV.

Hieronymo innotescit.

CONtrouersia quoque, quam super Legalibus & mendacio ha- Anno
buit cum Hieronymo, Augustino adhuc Presbytero cepit ini- 394.
tium: in quâ illum, licet in quibusdam articulis serè totâ Græcorum
vniuersitate stipatum, expugnauit, & manus dare compulit. *Epist. 8. 9.*
15. & 19. Nam qui volunt Petrum ab errore, atque ab illa in quam
inciderat viâ prauitate defendere; ipsam religionis viam, in qua salus
est omnibus, confractâ & communitâ Scripturarum auctoritate, co-
nantur euertere. In quo non vident, non solum mendacij crimen, sed
etiam periurij se obicere Apollolo in ipsâ doctrina pietatis, hoc est, in
Epistola, in qua prædicat Euangelium. Ibi quippè ait, priusquam ista
narraret: Quæ autem scribo vobis, ecce coram Deo, quia non men-
tior. *l. de mendac. c. vlt.*

Quæ dici aduersus Hieronymum palàm est. de quo perinde testa-
tur Augustinus: in opere tum recentissimo, quod Hieronymus sub
nomine Critobuli aduersus Pelagium postea ediderat, eandem de ista
re gestâ, dictisque Apostolicis sententiam tenuisse; quam beatissimi Cy-
priani, etiam nos, inquit, secuti sumus. *Epist. 260.*

Primas suas ad Hieronymum litteras, postquam ab eo rediit Ali-
pius, per Profuturum discipulum suum, quem illi profectum com-
mendabat, Presbyter Augustinus direxerat: *Epist. 8.* quas cum Hiero-
nymus recepisse se dicat, & interim Profuturum retractum de itinere,
& Episcopum constitutum, veloci morte subtrahctum testetur, *Epist.*

K

14.

14. vt & Augustinus *Epist. II. cap. I.* cuius proinde antea ad eandem dignitatem euecti meminerat quoque Paullinus ad Romanianum; *Epist. 36. apud Augustin.* existimant nonnulli eundem esse, qui non in Africa, sed in Hispania Braccarenfis Episcopus fuit: de quo Iulianus in Chronico, Anno CCC. XCIII. Profuturus Presbyter Africæ venit in Hispaniam, & ob egregias virtutes, ac mentis sanctitatem, succedit Paterno in Sede Braccarenfi, *ita Iulian.* Quod si habet, alius ab hoc Profuturus videtur, ad quem exstat Epistola 149. Augustino dictus, Alter ego. Mihi videtur fuisse Cirtensis Episcopus, ante Fortunatum. *l. de vn. bapt. cap. 16.*

§. XVI.

Augustini in alienis refutandis moderatio.

IN refutandis vbique aduersariis, siue etiam forent hæretici, acerbis numquam aut mordax fuit, vt tum ex libris patet, tum testimonio ipsius, vbi ait: Ego quando cuique vel dicendo, vel scribendo respondeo, etiam contumeliosis criminationibus laceffit; quantum mihi Dominus donat, frænatis atque coërcitis vanæ indignationis aculeis, auditori lectoriue consulens, non ago vt efficiar homini conuitiando superior, sed errorem conuincendo salubrior. *l. 3. cont. Petil. cap. 1.* Petilianus alioquin cum rationibus non posset, falsissimis criminationibus enormiter eum prosciderat, vt inferius ostendemus.

Sed interim Cresconius valde in eo reprehendit aliquando, vitioque vertit, zelum & feruorem quem habebat in disseminandâ atque defendenda veritate, etiam tùm, cum fructum aliquem vix speraret. Vnde Dialecticam ei pro crimine obiciebat, quod & Petilianus fecerat, quasi Christianæ non congrueret veritati: ideoque eum Donatistæ, veluti hominem Dialecticum meritò fugiendum potius & cauendum, quàm refellendum reuincendumque censuerunt. *l. 1. cont. Cresc. c. 13. aliq. præced. & seqq.* Quæ omnia validissimè refellit *locis citatis, & l. 2. c. 1. & seqq.*

§. XVII.

S. XVII.

Rerum magis, quàm verborum studiosus.

IAm de vocabulis, quibus res sacras aptè perspicueque exponeret, non fuit admodum, aut sollicitè curiosus: vtpotè cuius non in expositione sermonis, sed in demonstratione veritatis maior erat intentio: *l. 2. cont. Cresc. c. 1.* In quo Ciceronem fortasse secutus est, qui & ipse monet, re intellectâ, nos in vsu verborum faciles esse debere. Quod confirmat exemplo Demosthenis: cui cum Æschines nonnullam locutionis insolentiam obieciisset; negavit ille, positas in eo esse fortunas Græciæ, illonè an illo verbo vsus fuerit, & an huc an illuc manum porrexerit. *ibid.* Sicuti enim nostri auctores, Diuinarum scilicet Litterarum, de rebus maximè cogitauerunt, sic mundanorum auctorum propè omnis cura de verbis est. *l. cont. Adam. c. 11.*

Quapropter non timendas ferulas Grammaticorum, dum ad veritatem solidam, & certiore perueniamus, inquit, *Tract. 2. in Ioann. ad vocem Sanguinibus*: quam maluit ille qui interpretabatur sic ponere, & quasi minus Latine loqui secundum Grammaticos; & tamen explicare veritatem, secundum auditum infirmorum. *ibid.* videri quoque potest *serm. 45. de diuers. c. 10.* Vnde quodam loco exponens illud *Psalmi, Non est absconditum os meum à te*: ait: Habeo in abscondito quoddam ossum, sic enim potius loquamur: nam quod vulgò dicitur ossum, Latine os dicitur. Melius est vt reprehendant nos Grammatici, quàm non intelligant populi. *Enarr. in Ps. 138.* Vide *l. 3. de doct. Christ. c. 3.* Cuius simile est, quod, cum dixisset, *Toto die miseretur & senerat*; adiungat: Quid ad nos quid Grammatici velint? Melius enim in barbarismo nostro vos intelligitis; quàm in nostra disertitudine, vos deserti eritis. *Enarr. in Psalm. 36.* Denique ipsa Scriptura, verbis nostris loquens, etiam per hæc verba demonstrat, nihil digne de Deo dici posse. Nam de illa Maiestate quidquid dictum fuerit, indignè dicitur; quia omnes opes linguarum omnium, ineffabili sublimitate præcedit. *l. cont. Adamant. c. 7.*

CAPVT III.

AVGVSTINVS EPISCOPVS.

S. I.

Fit Episcopus.

Anno. 395. **E**iuscemodi rerum gratiâ, cum præsertim innotescere publicè cœ-
pisset ob eam disputationem, quam in Synodo Hipponensi habi-
tam ad amicorum preces vulgauerat; beatus senex Valerius, ceteris
ampliùs exultans Deoque benedicens, metuere cœpit (vt est huma-
nus animus sæpenumerò anxius) ne ab Ecclesiâ aliquâ Antistite de-
stitutâ, ad Episcopatum quæreretur, atque hoc pacto Hipponensibus
subduceretur. Istud etenim reuera contigisset, nisi horum præcius
Valerius Augustinum tantisper aliò commigrare iussisset. *Possid. cap. 3.*
Quapropter animaduertens timorem suum non esse vanum; se verò
grandævum iam corporeque infirmum; secretis litteris egit apud Pri-
matem Episcoporum Carthaginensem, vt Hipponensi Ecclesiæ or-
dinaretur Augustinus Episcopus: sibi que non tam succederet, quam
confacerdos accederet. *ibid.*

Quod petiit Valerius, Rescripto impetrauit: adeoque paullò post
visitanti Ecclesiam Hipponensem Megalio Calamensi Episcopo,
Primate Numidiæ, aliisque Episcopis qui tum fortè aderant, totique
Hipponensi Clero, postulationem suam aperuit. Quam cum quisque
magnâ adgratulatione ratam haberet, & facto compleri summope-
rè optaret; *Possid. cap. 8.* Diabolus indubiè totum quidquid hoc erat,
subvertere conabatur. Megalius enim Augustinum ordinare noluit:
allegans amatorium mulieri cuidam, marito non solùm conscio, ve-
rumetiam fauente, ab illo datum: quod & aliis Episcopis per litte-
ras significauit. *l. 3. cont. Petil. cap. 16.* Verumtamen facti pœnitens Me-
galus, in Episcoporum postea Concilio hac de causâ coacto, ve-
niam petiit: quòd innocentem de tam turpi crimine infamasset. *ibid.*
Quod

Quod ubi factum fuit; solus iam Augustinus Episcopatum suscipere contra morem Ecclesiæ, suo adhuc viuentis Episcopo, Presbyter recusabat. Sed vicit presentium auctoritas, suffulta apud eiusce religionum non Africanis tantum, sed transmarinis etiam exemplis. *Possid. cap. 8.*

Ergo quia tantâ Valerij charitate, tantoque populi studio Dominum id velle credidit, nonnullis praesertim iam exemplis praecedentibus, quibus omnis ei excusatio claudebatur; vehementer timuit excusare. *Epist. 34.* Sicque compulsus coactusque succubuit. *Possid. cap. 8.* ordinatusque est à Megalio, qui tunc erat Episcoporum Ecclesiæ Catholicae in Numidiâ Primas. *Collat. 3. cap. 7.*

Atqui Concilio Nicæno vetitum id fuisse, ut ordinaretur, sederetque cum Valerio; neque ipse Valeriusque sciebant. *E. 67. 110.* Et ideo quod fieri non debuit, factum esse doluit, neque in aliis fieri deinceps voluit: procurans ut ederentur in Synodo, quaecumque ab Ordinatoribus sciri iuxta Oecumenica Concilia, & ab Ordinandis atque Ordinatis deberent. *Possid. c. 8.* Istud enim paullo post opere praestitit in Concilio Carthaginensi tertio, cui interfuit, ut testatur in Tomis Conciliorum nominis eius subscriptio, cuiusque decretum ita habet: Placuit ut in Ordinandis Episcopis vel Clericis, prius ab Ordinatoribus suis decreta Conciliorum auribus eorum inculcentur, nè se quid contra statuta Concilij fecisse poeniteat. *Concil. Carthag. 111. anno 397.*

Vbi verò Afrorum litteris significatum Paullino fuit, Augustinum ordinatum Episcopum: cum solus gaudium suum continere domi non posset; ad Romanianum scribens, Non tantum dicebat esse gratulandum, quod Episcopatum Augustinus acceperit; sed quod hanc Dei curam meruerint Africanæ Ecclesiæ, ut verba caelestia Augustini ore perciperent, &c. *Epist. 36.*

Contigerunt hæc Olybrio & Probino Coss. *Prosp. & Casiod. in Chron.* inciduntque in Annum Christi ccc. xcv. *Onaphr. in Chron.* & quia in Aduentu gesta sunt, ut patet ex Sermone secundo quem habuit die Anniversario Episcopalis Ordinationis suæ, ubi ait: Natalis Domini imminet: pascendos compauperes nostros habemus, & cum eis communicanda est humanitas: *Homil. 25. inter 50.* consequitur, ut Ætatis anno quadragesimo primo, paullo antè completo, Episcopus creatus sit.

§. 11.

In Episcopatu, qualis in Deum fuerit.

IN ea dignitate, sicuti illi creuerat auctoritas; ita neque vitæ pietas, neque verbi Dei vbique prædicandi feruor, tam foris scilicet quàm domi, defecit: paratus semper poscentibus reddere rationem de fide & spe quæ in Deum est. *Possid. c. 9.*

Licet verò scripta ipsius vniuersa passim exhibeant pietatis, deuotionis, charitatis Dei luculentas flammæ; Meditationum tamen & Confessionum libri, vnicus, isque perpetuus ignis sunt. Vnde clamat ad Deum: Quid tibi sum ipse, vt amari te iubeas à me, & nisi faciam irascaris mihi, & mineris ingentes misérias? Paruanè ipsa est, si non amem Te? *l. 1. Conf. cap. 5.* Non dubiâ, sed certâ conscientiâ, Domine amo Te. Percussisti cor meum verbo tuo, & amaui te. Sed & cælum & terra, & omnia quæ in eis sunt, ecce vndique mihi dicunt vt te amem, nec cessant dicere omnibus, vt sint inexcusabiles. *libr. 10. Conf. cap. 6.*

Quid autem amo cum Te amo? non speciem corporis, nec decus temporis, nec candorem lucis ecce istis amicum oculis: non dulces melodias suauium cantilenarum omnimodarû, non florum & vnguentorum & aromatum suaueolentiam: non manna & mella, non membra acceptabilia carnis amplexibus: non hæc amo, cum amo Deum meum. Et tamen amo quandam lucem, & quandam vocem, & quandam odorem, & quandam cibum, & quandam amplexum, cum amo Deum meum: lucem, vocem, odorem, cibum, amplexum interioris hominis mei: vbi fulget animæ meæ, quod non capit locus: & vbi sonat, quod non rapit tempus: & vbi olet, quod non spargit flatus: & vbi sapit, quod non minuit edacitas: & vbi hæret, quod non diuellit satietas: hoc est quod amo, cum Deum meum amo. Et quid est hoc? &c. *ibid.*

Et si nondum merui tantum, quantum debitor sum, amare; vtique saltem desidero te amare, quantum debeo. *l. Medit. cap. 41.* Si bonum est Domine quod inspiras, imò quia bonum est vt te velim amare; da

De quod me facis velle, da, vt quantum iubes, tantum te merear amare. *ibid.* Spes cordis mei, virtus animæ meæ, compleat tua potentissima dignitas, quod conatur mea tepidissima imbecillitas: vita mea, tu finis intentionis meæ, *ead. l. 6. c.*

Etenim propter Deum erat, quidquid agebat. Vnde sunt illæ voces: Ecce tu Domine rex meus & Deus meus, tibi seruiat, quidquid vtile puer didici: tibi seruiat, quod loquor & scribo, & lego, & numero: quoniam cum vana discerem, tu disciplinam dabas mihi, & in eis vanis, peccata delectationum mearum dimisisti mihi. *l. 1. Conf. cap. 15.* Domine Deus meus intende orationi meæ, & misericordia tua exaudiat desiderium meum: quoniam non mihi soli æstuat, sed vsui vult esse fraternæ charitati: & vides in corde meo, quia sic est, vt sacrificem tibi famulatum cogitationis & linguæ meæ, & da quod offeram tibi. Inops enim & pauper sum: tu diues in omnes inuocantes te, qui securus curam nostri geris. *l. 11. Conf. c. 2.*

Iam, quia Deum serò amauerat, *l. 10. Conf. c. 27.* nunc ei totus desiderabat inhaerere: quod quia fieri omnimodis in hac vita non potest, quæ nihil est nisi tentatio super terram; *ead. l. cap. 28.* tota spes eius posita erat in misericordiâ Dei magnâ valde.

S. III.

Qualis in se fuerit.

ET quoniam per Continentiam colligimur & redigimur in vnum, à quo in multa defluximus: minùs enim Deum amat, quicum illo aliquid amat, quod non propter Deum amat: ideoque voluerit Deus, præceptam unicuique esse Continentiam; Da quod iubes, inquit, & iube quod vis: quia nemo potest esse continens, nisi Deus det. *l. 10. Conf. cap. 29.* Quæ verba Augustino familiaria, ve id semel annotem, cum à quodam eius Cœpiscopo, Romæ coram Pelagio quondam commemorata fuissent; Pelagius ea ferre non potuit: & contradicens aliquantò vehementiùs, penè cum eo, qui ea commemorauerat, litigauit: & tamen iam tum ab Augustino proferebantur, cum nondum Pelagianæ hæresis existeret. *l. de dono perseu. cap. 20.*

Cum-

Cumque propterea iubeat Deus vnumquemque continere à concupiscentiâ carnis, & concupiscentiâ oculorum, & ambitione sæculi: imò monuerit aliquid melius, quàm concessit de ipso coniugio; ipsumque melius iam Augustino dedisset; ita factum est: continuittque à concubitu iam pridem, antequam dispensator Sacramenti Dei fieret. Licet nunc adhuc viuerent in memoriâ ipsius talium rerum imagines, quas ibi consuetudo fixit, occursarentque vigilanti, carentes quidem viribus; sed in somnis non solum vsque ad delectationem, sed etiam vsque ad consensionem, factumque simillimum. Verumtamen confidit per Dei omnipotentis gratiam ista omnia aliquando sopitum iri, qui valet facere suprà quàm petimus & intelligimus. *l. 10. Conf. c. 30.* De agendâ ergò ista temporali vitâ, eo modo, per quem veniendum est ad æternam; norat concupiscentias carnales esse frænandas: tantumque remittendum in delectationes sensuum, quantum sustentandæ huiusmodi agendæque vitæ satis est: omnesque molestias temporales pro veritate Dei, & salute æterna nostrâ & proximi, patienter fortiterque tolerandas. *Epist. 250.* Iam verò propter carnis corpus, quod spiritale nondum est, erit autem in resurrectione mortuorum: & propter ipsam carnis concupiscentiam, cum quâ configunt sancti, non ei consentientes ad malum: eiusmodi motibus, ita resistunt; vt non careant in hac vitâ: non eos autem habebunt in illâ, vbi absorbebitur mors in victoriam. *lib. 1. Retract. cap. 23.* de qua re videri etiam potest, *lib. 1. de peccat. mer. cap. 39. & l. 2. cap. 4. & l. 4. cont. Iul. cap. 2.*

Est & alia, vt ipse loquitur, malitia diei, quæ vtinam sufficiat ei. Reficimus enim quotidianas ruinas corporis edendo & bibendo, prius quàm escas & ventrem Deus destruat, & corruptibile hoc inducit in corruptione sempiternâ. Aduersus illam necessitatem, quia suavis erat, ne caperetur pugnabat, & quotidianum bellum gerebat in ieiuniis, sæpius in seruitutē redigens corpus suum. Hoc enim (Deum alloquitur) me docuisti, vt quemadmodum medicamenta, sic alimenta sumpturus accedam. Sed dum ad quietem satietatis, ex indigentia molestia transeo; in ipso transitu mihi insidiatur laqueus concupiscentiæ. ipse enim transitus voluptas est, & non est alius quàm transeat, quàm quò transire cogit necessitas. Et cum salus sit causa edendi & bibendi; adiungit se tamquam pedissequa, periculosa iucunditas, & plerumque præire conatur, vt eius causâ fiat, quod salutis causâ
me

me facere vel dico vel volo, nec idem modus vtriusque est, &c. l. 10. *conf. c. 31.*

His tentationibus, ait, quotidie cogor resistere, & inuoco dexteram tuam, ad salutem meam, & ad te refero æstus meos, quia consilium mihi hæc de re nondum stat. *ibid.* Et quamuis ebrietas longè semper ab eo fuerit, (non enim vñquam ebriosus fuit) crapulam tamen sibi nonnumquam subrepere, candidè fatetur. *ead. l. c. 6.* In summa: quidquid alicubi Scriptura siue præcipiebat quoad cibum potumque, siue præscribebat; memoriâ tenens cupiebat opere complere, his vtens verbis: Da quod iubes, & iube quod vis. *ibid.*

S. IV.

Quantus in mortificandis sensibus.

NOuerat sanè frænos gutturis, temperatâ relaxatione & constrictione tenendos esse. Sed, Quis est, Domine, qui non rapiatur aliquantulum extra metas necessitatis? Quisquis est, magnus est, magnificet nomen Dei: ego autem non sum, inquit, quia peccator homo sum. l. 10. *conf. c. 31.*

De illecebrâ odorum non satagebat nimis. Cùm abessent, non requirebat: cùm adessent, non respuebat: paratus etiam semper eis carere. *ead. l. c. 32.*

Voluptates aurium tenaciùs illum implicauerant & subiugauerant: sed Deus resoluit & liberauit eum. Quamquam nunc in sonis, quos animant eloquia sacra, cùm suauis & artificiosa voce cantantur, fateatur aliquantulum acquiescere se: non quidem vt hæreat, sed vt surgat cùm voluerit. Vnde tametsi approbaret nonnumquam factum Athanasij, qui tam modico flexu vocis faciebat sonare Lectorem Psalmi, vt pronuntianti vicinior esset, quàm canenti: attamen cùm reminiscitur lacrymas suas, quas fudit ad cantus Ecclesiæ in primordiis recuperatæ fidei sue; & nunc ipso commouetur, non tam cantu, quàm rebus quæ cantantur, cùm liquidâ voce & conuenientissimâ modulatione cantantur. Adeoque magnam instituti huius vtilitatem agnoscit. Quamobrem magis propendet, vt approbet

L

can-

cantandi consuetudinem in Ecclesiâ : vt per oblectamenta aurium, infirmior animus in affectum pietatis assurgat. Interim cùm accideret, vt ampliùs cantu, quàm re quæ canitur moueretur; pœnaliter se peccare confitetur : & tunc maluisset non audire cantantem. *lib. 10. conf. c. 33.* Quomodo verò in Templis Catholici, quomodo Donatistæ soliti eâ tempestate psallere, quæ vtriusque cantus differentia; videri potest *Epist. 119. c. 18.*

Iam quod attinet voluptatem oculorum; amant illi pulchras formas & varias, nitidos & amœnos colores. Non teneant hæc, inquit, animam meam, teneat eam Deus, qui hæc fecit, bona quidem valde, sed ipse est bonum meum, non hæc. Et quamquam delectatus sum moperè fuerit luce, vt si repente subtraheretur, cum desiderio requireret; & si diu abesset, animo contristaretur : lucem tamen spiritua-lem longè præfert corporali, quæ illecebrosâ ac periculosâ dulcedine condit vitam sæculi cæcis amatoribus. Resistebat igitur seductionibus oculorum, nè implicarentur pedes ipsius: erigebatque ad Deum oculos inuisibiles, &c. *ead. l. c. 34.*

S. V.

Curiosa non sectatur.

ET licet curiositatem, siue aliquid noscendi experiendique libidinem (quam dicit esse siluam immensam, plenam insidiarum & periculorum) plurimùm à suo corde dispulerit, sicuti nimirum Deus donauit: non tamen audet dicere, cùm circumquaque quotidianam vitam nostram tam multa huius generis rerum circumstrepant, nullâ re tali se intentum fieri ad spectandum, & vanâ curâ capiendum. Verum quidem est quod iam eum theatra non rapiant, neque curet nosse transitus siderum: imò neque vmquam quæsiuerit anima ipsius, detestans omnia sacrilega sacramenta, responsa Vmbrarum: sed tamen suggestionum machinationibus agebat inimicus, vt signum aliquod peteret: quod sicuti ab eo longè erat vt faceret; ita rogabat Deum, vt semper fieret longiùs. *l. 10. conf. c. 35.* Atque huc facere videtur, quod alibi dicit: Multa ago in cogitationibus meis,

meis, pugnans aduersus malas suggestiones meas, & habens conflictationem diuturnam, & propè continuam vim cum tentationibus inimici, subuertere me volentis. *Enarr. in Ps. 36. cons. 3.*

In multis interim minutissimis & contemptibilibus rebus, fatetur quotidie curiositatem nostram tentari, neque posse enumerari quàm saepe labamur. Multoties enim narrantes inania, primò quasi toleramus, ne offendamus infirmos, deinde paullatim libenter aduertimus. *l. 10. cons. c. 35.* Talium enim delectatio subrepat & nobis, inquit, vt saepe etiam loqui vana delectet, auremque præbere loquentibus, nec arridere tantum, sed etiam risu vinci ac solui. Ita pulueris quibusdam, vel etiam luteis affectibus, nostras animas aggrauantes, laboriosius & pigrius leuamus ad Deum, vt viuamus Euangelicam vitam, moriendo Euangelicam mortem. *Epist. 150.*

Canem currentem post leporem, quod in Circo fit, non iam quidem spectat, vt ipse de sese refert; at verò in agro si casu transeat, auertit fortassis, & ab aliqua magna cogitatione ad se conuertit illa venatio, non deuiare cogens corpore iumentum, sed cordis inclinatione. Imò domi sedentem, stellio muscas captans, vel aranea retibus suis irruentes implicans, saepe intentum facit. A quibus nisi citò admoneatur, aut ex eiusmodi visione per aliquam considerationem in Deum assurgere, vel sanè totum contemnere; fatetur se vanum hebescere, vt neque inde incipiat esse intentus, licet pergat ad laudandum Deum, creatorem mirificum, atque ordinatorem rerum omnium. Aliud enim est citò surgere, aliud non cadere. Et talibus, inquit, vita mea plena est, & vna spes mea in magnà valdè misericordia tua. *l. 10. cons. cap. 35.*

Atque hinc quàm fuerit alienus iam Episcopus à vanis omnibus, deliciosis & curiosis quæstionibus; patet ex Epistola ad Dioscorum: quâ vehementer hominem, vt apparet, Paganum obiurgat, quòd non sit veritus Episcopum Ecclesiasticis curis circumstrepentibus districtum atque distentum, repente quasi obsurdescentem, auocare ab his omnibus, vt dialogorum Tullianorum quæstiunculas vni scholastico exponeret. *Epist. 56.*

S. VI.

Neque vindicta, neque laudari cupidus.

ET quoniam mutare cœperat eum Deus; fatetur non ex minimâ parte se mutatum, quia sanatus est à libidine vindicandi se: futurumque eapropter existimat, ut sanentur quoque alij languores ipsius, & denique sanetur in bonis desiderium, quia compressit Deus timore suo, superbiam ipsius. *l. 10. conf. cap. 36.* Alioquin hâc in re fuisse nonnumquam ancipitem patet ubi ait: Quid dicam de vindicando, vel non vindicando, quandoquidem hoc totum ad eorum salutem proficere volumus, in quos vindicandum aut non vindicandum esse arbitramur? Quis etiam sit vindicandi modus, non solum pro qualitate vel quantitate culpârû, verumetiam pro quibusdam viribus animorum, quid quisque sufferat, quid recuset; ne non solum non proficiat, sed etiam deficiat; quàm profundum & latebrosus est? Impendentem quoque vindictâ metuentes, quæ ab hominibus metuitur, nescio utrûm plures correcti sunt, quàm in deterius abierunt. Cùm sæpe accidat, ut si quemquam vindicaveris, ipse pereat: si inultum reliqueris, alter pereat. Ego in his quotidie peccare me fateor, & ignorare quando, quove modo custodiam id quod scriptum est: Peccantes coram omnibus argue. & quod scriptum est: Corripe eum inter te, & ipsum solum. *Epist. 250.*

Tam quia ignorabat, utrûm adhuc aliud tentationis genus à se omninò cessasset, aut cessare posset in hac vita, timeri nimirum & amari velle ab hominibus, non propter aliud, sed ut inde sit gaudium, quod non est gaudium: ideo dicebat, Gloria mea tu esto: propter te amemur, & verbum tuum timeatur in nobis. Qui enim laudari vult ab hominibus, vituperante te; non defenditur ab hominibus, iudicante te, nec eripitur damnante te. *l. 10. conf. c. 36.* Quare cum propter quædam humanæ societatis officia, amari & timeri ab hominibus necessarium sit; instat aduersarius veræ beatitudinis nostræ, ubique spargens in laqueis *Euge Euge*, ut dum avidè colligimus, incautè capiamur, &c. *ibid.* Etenim quotidiana fornax nostra, est
humana

humana lingua: imperas nobis & in hoc genere Continentiana. Da quod iubes, & iube quod vis. *l. 10. conf. c. 37.*

Quia enim non colligebat facile, quàm sit ab ista peste mundation; confiteretur idcirco, quod hoc genus tentationis attinet, delectari se laudibus, sed amplius ipsâ veritate quàm laudibus. Deinde, quod gaudium cuiuslibet boni ipsius, augeat suffragatio oris alieni; ipsumque minuat vituperatio. Verùm cum nesciat, vnde id præcisè oriatur: vtrum scilicet propter se, an propter vtilitatem proximi moueatur laudibus; Deum obsecrat, vt sibi se indicet. *ead. l. & c.* Magnum enim est, de honoribus & laudibus hominum non lætari, sed & omnem pompam inanem præcidere: & si quid inde necessarium retinetur, id totum ad vtilitatem honorantium salutemque conferre. *Epist. 64.*

Huius hostis vires non sentit, nisi qui ei bellum indixerit. Quia etsi cuiquam facile est laude carere dum denegatur; difficile est eâ non delectari, cum offertur. Et tamen tanta mentis in Deum debet esse suspensio; vt, si non meritò laudemur, corrigamus eos quos possumus: ne arbitremur aut in nobis esse, quod non est, aut nostrum esse quod Dei est: aut ea laudent, quæ quamuis non desint nobis, aut etiam supersint; nequaquam tamen sunt laudabilia, velut sunt bona omnia, quæ vel cum pecoribus habemus communia, vel cum impijs hominibus. Si autem meritò laudamur; propter Deum gratulemur eis, quibus placet verum bonum, non tamen nobis, quia placemus hominibus, sed si coram Deo tales sumus, quales nos esse credunt, & non tribuitur nobis, sed Deo: cuius dona sunt omnia, quæ verè meritoque laudantur. *Epist. 64.*

Hæc, inquit, mihi ipse cano quotidie, vel potius ille cuius salutaria præcepta sunt, quæcumque siue in diuinis lectionibus inueniuntur, siue quæ intrinsecùs animo suggeruntur: & tamen vehementer cum aduersario dimicans, sæpè ab eo vulnera capio, cum delectationem oblatae laudis, mihi auferre non possum. *ibid.* Etenim sermo ore procedens, & facta quæ innotescunt, habent tentationem periculosissimam ab amore laudis, qui ad priuatam quandam excellentiam contrahere emendicata suffragia tentat: adeò vt contingat etiam aliquando, ipso laudis contemptu hominem gloriari. *lib. 10. conf. cap. 38.*

Iamverò ex hoc genere tentationis nascitur aliud malum, quo

L 3

inanef-

inaneſcunt qui placent ſibi de ſe, quamuis alijs nec placeant, nec diſpliceant, nec placere affectent. Sed ſibi interim placentes, multum Deo diſplicant, non vnā ob cauſam. *l. 10. conf. c. 39.* In his omnibus, inquit, atque huiusmodi periculis & laboribus, vides Domine, tremorem cordis mei: & vulnera mea magis ſubinde à te ſanari, quàm mihi non infligi ſentio. *ibid.* Deum enim fatetur vbi-que ſecum fuiſſe: cuiusque gratiā effectum, quod plurima inueſtigando deprehenderit, neque tamen inuenerit: vllibi tutum animæ ſuæ locum, præterquàm in Deo. *eod. l. c. 40.*

S. VII.

*Eius in Deo fiducia, & in ſacras
Litteras amor.*

Quamobrem conſiderans languores peccatorum ſuorum in concupiſcentia triplici, diuinam ſe dexteram inuocāſſe ait ad ſalutem ſuam: fateturque, quoniam voluerat aliquando. ſimul cum veritate, quæ Deus eſt, poſſidere mendacium; ipſam ſe veritatem, quia non dignatur cum mendacio poſſideri, amiſſiſſe. *l. 10. conf. c. 41.*

Cui nihilominus dum ſtudet reconciliari; non adiuit vllā prece aut ſacramentis Angelos: quod nonnulli, cum per ſeipſos non valerent, tentantes, inciderunt in deſiderium curioſarum viſionum, & digni habiti ſunt illuſionibus: fallacem enim implorabant mediatorē: *eod. l. c. 42.* ſed adiuit mediatorē verum Dei & hominum, hominem Chriſtum Ieſum: quem ſecreta Dei miſericordia demonſtrauit humilibus, miſitque vt eius exemplo diſcerent humilitatem: qui non rapinam arbitratus eſt, æqualis eſſe Deo, & tamen factus eſt ſubditus vſque ad mortem Crucis: qui pro hominibus factus eſt Deo Sacerdos & Sacrificium, victor & victima, & ideo victor quia victima, ideo Sacerdos, quia Sacrificium; in illo inquam, ſpes ei meritò vālida fuit, quod ſanaret omnes languores ſuos, alioquin deſperaturus.

Nam licet multi, & magni ſint iidem languores; maior tamen & amplior eſt medicina Dei. Quamquam ergo conterritus peccatis ſuis,

suis, & mole miseriae suae, agitauerit in corde, meditatusque fuerit, iam nimirum Episcopus, fugam siue reditum in solitudinem; *cod. l. 6. 43.* quaelibet enim pusillanimitas tempestasque deserti, minus ei videbatur molesta, quam ea pericula quae vel patiebatur vel timebat in turbis; *Epist. 250.* tamen prohibuit Deus, & confirmavit illum, dicens: Ideo pro omnibus Christus mortuus est, ut qui viuunt, iam non sibi viuant, sed ei qui pro ipsis mortuus est. *l. 10. conf. c. 43.*

Curam proinde suam iactauit in Dominum ut viueret, & consideraret mirabilia de lege Dei; *ibid.* adeoque ingressus Scripturarum sanctarum amena prata, viridissimas sententiarum herbas exarando carpebat, legendo comedebat, frequentando ruminabat, atque congregando tandem in alta memoriae sede reponebat: ut tali modo Dei dulcedine gustata, minus illius miserrimae amaritudinis sentiret. *l. Medit. c. 22.* Et ideo nolebat in aliud horas defluere, quas inueniebat liberas a necessitatibus reficiendi corporis, & intentionis animi, & seruitutis quam debemus hominibus, & quam non debemus, & tamen reddimus. *l. 11. conf. c. 2.*

Orat ergo: Largire spatium meditationibus nostris in abdita legis tuae, neque aduersus pulsantes claudas eam. Neque enim frustra scribi voluit: tot paginarum opaca secreta. *ibid.* Pergit: Domine misere mei, & exaudi desiderium meum. Puto enim quod non sit de terra, non de auro & argento, aut de lapidibus & decoris vestibus, aut honoribus & potestatibus, aut voluptatibus carnis, neque de necessariis corpori, & huic vitae peregrinationis nostrae: quae omnia nobis apponuntur, querentibus regnum & iustitiam tuam. Vide Domine Deus meus, unde sit desiderium meum. *cod. l. 6. c.*

Ut verò inter haec rectum teneat: Circumcide, inquit, ab omni temeritate, ab omni mendacio, interiora & exteriora labia mea. Sint castae deliciae meae, Scripturae tuae, nec fallar in eis, nec fallam ex eis. *l. 11. conf. c. 2.* Neque hoc frustra: Quia mira, inquit, profunditas eloquiorum tuorum, quorum ecce ante nos superficies blandiens paruulis; sed mira profunditas, Deus meus, mira profunditas. Horror est intendere in eam: horror honoris, & tremor amoris. *l. 12. conf. c. 14.* Et ideo non oportet unquam de tam sublimi auctoritate iudicare, neque de ipso libro, etiamsi quid ibi non lucescit: quoniam submittimus ei nostrum intellectum, certumque habemus etiam quod clausum est aspectibus nostris, rectè veraciterque dictum esse. *l. 13. conf. c. 23.*

§. VIII.

S. VIII.

*Qualis erga proximum, populumq;
cui praeerat.*

IN Concionibus & Homilijs recitandis ad populum, quotidianus erat, vt patet ex Enarrationibus in Psalmos: vt neque in infirmitate cessauerit: *serm. 45. de diuers. c. 1.* imò nonnumquam bis in die dixit: *conc. 2. in Psal. 88.* deuotissimus semper, & salutis animarum ardentissimus. Vnde vobis dico, inquit, siue praesentibus siue absentibus, quibus inimicus efficior verum praedicans: quibus consulendo videor onerosus: quorum requirens vtilitatem, cogor offendere voluntatem: nolite esse sicut equus & mulus, non habentes intellectum. Nam & haec iumenta eos maximè calce morsuque appetunt, à quibus curantur: vt curentur, eorum vulnera contrectantur. Non parcis? non parco: aduersaris? aduersor: resistis? resisto. Lucta nos comparat, sed caussa separat. Tu inimicus es medico, ego morbo: tu diligentiae meae, ego pestilentiae tuae. *homil. 24. c. 2. inter 50.*

Non est dubium interea, quin eam in dicendo rhetoricam semper secutus fuerit, quam praescripsit omnibus, *l. 4. de doct. Christi. toto.* Ad haec clausa vbique referans, abscondita reuelans, mysteria pandens, obscura dilucidans, dubia definiens, vitia detestans, virtutes extollens, supplicio comminans, praemia promittens, pusillanimes confortans, praesumentes deterrens, perseverantes coronans. *Auct. praefat. in Psalm.*

Quamobrem ad Christum plurimos adduxisse certum est: signanter Mathematicum quemdam, qui e mentibus à se mendacium, nummos sapius abstulerat. Seductus enim ab inimico, cum esset fidelis, diu Mathematicus fuerat: seductus seducens, deceptus decipiens, illexit, fefellit, multa mendacia locutus est contra Deum, qui dedit hominibus potestatem faciendi quod bonum est, & non faciendi quod malum est. Ille dicebat, quia adulterium non faciebat voluntas propria, sed Venus: & homicidium non faciebat voluntas propria, sed Mars: & iustum non faciebat Deus, sed Iouis, & alia multa sacrilega

crilega non parua. Tum verò horrens mendacium & multorum hominum interitum, cùm sentiret se à diabolo fuisse illectum; conuertebatur ad Deum pœnitens. *Enarr. in Psal. 61. in fine.* Videri contra eiusmodi gentis hominum potest *l. 2. de doct. Christ. c. 21.*

Conuertit etiam negotiatorem quemdam, Firmum nomine, sectâ Manichæum: cùm prædicans in aliud atque proposuerat, contra suam consuetudinem fuisset digressus: atque ita, non conclusâ vel explicatâ quæstione de quâ dicere decreuerat, in Manichæorum errores inuectus. Etenim vno alteroque, postquam hoc contigerat, die, accedens Firmus, & ad pedes ipsius prouolutus; cum lacrymis quod euenerat confessus est. *Possid. c. 15.*

Catechumenos quàm salutaribus semper monitis erudierit, vt adeptam semel in Baptismo sanctitatem custodirent; patet libris quatuor diuersis ad Catechumenos.

Superstitiones omnes, spectacula theatra, adulteria, fornicationes, omnia denique vitia quæ præceptis Decalogi aduersantur, quomodo in omnibus detestatus sit, patet libro De decem Chordis. Iam tum enim tanta erat peruersitas generis humani, vt aliquando metuendum esset, ne castus erubesceret inter impudicos. Ideo non cessabat tangere istam quintam chordam, propter ipsam peruersam consuetudinem & labem totius generis, vt dicebat, humani. *lib. de dec. chord. cap. 9.*

Neque tantemmodò detestatus graua & mortifera; verum etiam leuiora & quotidiana. Noli, inquit, illa contemnere, quia minora sunt: sed time, quia plura sunt. Non est bestia quasi leo, vt vno morsu guttur frangat: sed bestie plerumque minutæ multæ necant. Si proicitur quisquam in locum pulicibus plenum, numquid non morietur ibi? Non sunt quidem maiores, sed infirma est natura humana, quæ etiam minutissimis bestiis interimi potest. Sic & modica peccata attendite, quia modica sunt: & caute quia plura sunt. Quàm minutissima sunt grana arenæ! si arenæ amplius in naui mittatur, mergit illam vt pereat. Quàm minutæ sunt guttæ pluuiæ! nonne flumina implent, & domos deiiciunt? Ergo ista nolite contemnere, &c. quamquam doceat remedijs eleëmofynarum, ieiuniorum, orationum expurgari. *l. de dec. chord. c. 11.* Eodem facit quod ait: Non contemnantur vel minora. Per angustas rimulas nauis insudat aqua, impletur sentina, mergitur naus. Sed non cessatur à nautis, ambulant

M

manus,

manus, ambulant, vt quotidie sentinæ exhauriantur: sic & tuæ manus ambulent, vt quotidie sentines. *homil. 42. c. 9. inter. 50.* Quo in loco repetit idem Eleëmofynæ aduersus minora peccata antidotum: sed & videri potest *l. 2. cont. Parm. c. 10. Tract. 12. in 10. in fine. serm. 244. de temp. & l. de Cant. nouo c. 11.*

S. IX.

Ebriosos castigat.

7. *Epist.*
64.

Sicuti ebrietatem acerrimè insectabatur, cui vitio Afrierant deditissimi; ita ebriosos pariter arguebat. Quorum mores tum vigentes, nequedum nostro hoc sæculo abolutos, graphicè depingit arguitque his sequentibus: Cùm enim, inquit, ebrietatis malum sit graue vitium, & Deo odibile; ita per vniuersum mundum à pluribus in consuetudinem missum est, vt ab illis qui Dei præcepta cognoscere nolunt, iam nec putetur, nec credatur esse peccatum: in tantum vt in conuiujs suis irrideant eos qui minus bibere possunt, & per inimicam amicitiam adiurare homines non erubescant, vt potum amplius accipiant quàm oportet. Qui enim alterum cogit, vt se plusquàm opus est bibendo inebriet; minus malum ei erat, si carnem eius vulneraret gladio, quàm animum eius per ebrietatem necaret. Et quia corpora nostra terrena sunt; quomodo si pluuia nimis grandis & diuturna fuerit, terra infunditur & in lutum resoluitur, vt nulla in eâ cultura possit fieri: sic & caro nostra, quando abundantiori potu fuerit inebriata, nec spiritalem culturam accipere, nec fructus animæ necessarios poterit exhibere. Et ideo quomodo omnes homines, sufficientem pluuiam in agris suis accipere desiderant, vt & culturam valeant exercere, & de fructuum vbertate gaudere: ita & in agro corporis, hoc tantum deberent bibere quod oportet, ne per nimiam ebrietatem ipsa corporis terra, velut in paludem conuersa, magis vermes & serpentes vitiorum generare, quàm fructus bonorum operum possit adferre.

Quid enim in paludibus nascatur, non ignorat charitas vestra. Totum quod ibi nascitur, nullum fructum habere cognoscitur. Nascuntur

cuntur ibi serpentes, sanguisugæ, nascuntur ibi ranæ & diversa genera vermium, quæ magis possunt horrorem generare, quàm aliquid quod ad victum proficiat exhibere. Istæ enim herbæ vel arbores, quæ aut in ipsis paludibus, aut circa ripas earum nasci solent, nihil utilitatis habere videntur: in tantum ut in singulis annis incendio concrementur. Videte: quod de ebrietate nascitur, igni preparatur.

Tales enim sunt, sicut iam dixi, omnes ebriosi: quorum prandia ducuntur usque ad noctem: quorum carnas lucifer videt: qui stare non possunt, etiam cum videntur esse ieiuni: quorum sensus tardi, graves, obtusi, & quodammodo iam sepulti. Denique in ipsa frequenter ebrietate, nec seipsos, nec alios recognoscunt: nec ambulare valent, nec stare; dicere aliquid vel audire, quod ad rationem pertineat, omnino non possunt: frequenter etiam usque ad vomitum ingurgitare se non erubescunt, & ad mensuras sine mensurâ bibere. Maiora enim pocula prouidentur: certâ bibendi lege contenditur: qui potuit vincere, laudem meretur ex crimine. Inde lites & rixæ nascuntur, &c. *serm. 231. de temp.*

Illud verò quale est, quod ipsi infelices ebriosi, quando se nimio vino ingurgitant, ridet & vituperant eos, qui rationaliter hoc tantum quod sufficit bibere volunt, dicentes eis: Erubescite & vercundia sit vobis, quare non potestis bibere quantum nos? dicunt enim eos non esse viros. Et videte miseriam ebriosorum. Se dicunt esse viros, qui in ebrietatis cloaca iacent: & illos dicunt non esse viros, qui honestè & sobrie stant, &c. *serm. 232. de Temp.*

Et illud quale est, quod iam transactò conuiuio expletâ siti, cum amplius bibere non possunt nec debeant; tunc quasi nouelli, quasi & qui ipsâ horâ superuenerint, diuersis nominibus incipiunt bibere, non solum viuorum hominum, sed etiam Angelorum, & reliquorum antiquorum Sanctorum: astimantes quod maximum illis honorem impendant, si se in illorum nominibus, nimia ebrietate sepe-
liant: ignorantes quod nullus tam grauem iniuriam sanctis Ange-
lis, vel sanctis hominibus agnoscitur irrogare; quàm illi, qui in eo-
rum nominibus bibendo, per ebrietatem suas animas probantur oc-
cidere. Sunt enim aliqui qui hac sola ex causâ, aliqua falsa cibaria
sibi ordinant fieri, ut per ipsam falsedinem nimia se possint ebrieta-
te obruere. *cod. serm.*

v. *Epist.*
c. 64.

M 2

Solent

Solent verò ebriosi ita se excusare, vt dicant, Persona pot ens me coëgit vt amplius bibam, & in conuiuio Regis non potui aliud facere. Ad excusandas excusationes in peccatis ista prætendimus: & quod implere nolumus, non potuisse nos dicimus. Nolle, in culpa est nostra, & non posse prætenditur. Etiam si ad hoc veniretur vt tibi diceretur, Aut bibas, aut morieris; melius erat vt caro tua sobria occideretur, quàm per ebrietatem anima moreretur. Sed excusatio illa falsò obiicitur. Ipsi enim reges & quicumque sunt alij potentes, quia Deo propitio & Christiani sunt, & prudentes & sobrij, & toto corde Deum timentes; si te viderent definisse, vt eis non acquiescas pro timore Dei inebriari, si tibi sub morâ videantur irasci, postea verò in grandi admiratione suscipiunt, dicentes: Quantum cum illo egimus, quantis eum minis & terroribus fatigauimus, & tamen nunquam eum à sobrietate separare potuimus. Nam & Deus qui te videt per eius amorem inebriari non velle, ipse tibi gratiam etiam illorum dabit, qui te vt amplius biberes videbantur hortari & cogere. *ibid.*

Alij etiam miserabiliter se excusare conantur, dicentes: Ingratum habeo amicum meum, si quoties illum ad conuiuium vocauero, potum ei quantum voluerit ipse, non dederò. Sed non fit tibi amicus, qui te Deo vult facere inimicum, qui & tuus & suus est inimicus. Si & te & alium inebriaueris, habebis hominem amicum, habebis Deum inimicum. Et ideo sapienter considera, si iustum sit, vt te à Deo separes, dum te ebrioso coniungis. Ad extremum tu eum noli adiutare, noli cogere: sed in potestate illius dimitte, vt quantum sibi placuerit bibat: & si se inebriare voluit, vel solus pereat, & non ambo pereatis. *serm. 231. de temp.*

Et illud quàm lugendum & erubescendum est, quod dicuntur aliqui rustici, quando aut vinum habuerint, aut alia sibi pocula fecerint, quasi ad nuptiale conuiuium, ita ad bibendum vicinos vel proximos suos inuitare; vt eos per quatuor vel quinque dies teneant & nimiam ebrietate sepeliant, & tam diu ad domos suas de illa lugenda potatione non redeant, donec omnem potum, quem ille qui eos inuitauerat habuit, perexpendat: & vnde se vel per duos aut tres menses, cum omni familia sua rationabiliter reficere potuit, quatuor aut quinque diebus, dolendâ & erubescendâ bibitione consumat. *serm. 232. de temp.*

Hæc

Hæc non solum laïcis, sed etiam Clericis dicimus : quia quod peius est, multi sunt etiam maioris ordinis Clerici, qui cum aliis sobrietatis bonum deberent iugiter prædicare, non solum hoc non faciunt, sed etiam & se aliosq; inebriare non erubescunt, nec metuunt. Sed agnoscant & doleant, quicumque tales sunt : quia si se noluerint emendare; & pro se, & pro aliis necesse est eos æterna supplicia sustinere. *serm. eod.*

Sed qui se de hoc malo desiderat liberare; quomodo sibi interuallo dierum potum addendo, ad ebrietatis tenebras peruenit; ita paulatim subtrahendo, ad sobrietatis lucem redeat. Qui si semel totum quod amplius accipiebat, subtraxerit; ubi nimia siti cæperit exardescere, cum grandi amaritudine clamat & dicit, malle se mori, quam sibi bibendi vel inebriandi consuetudinem tollere. Nec attendit quod tolerabilius erat illi in carne mori; quam in anima per ebrietatem interfici. Et ideo ut nec ardorem nimium patiatur, & de tam graui malo quod patitur, liberetur; sicut iam dictum est, per interualla dierum sibi aliquid de nimietate bibendi subtrahat, quousque ad rationabilem bibendi consuetudinem redeat. Qui hoc ut diximus, per partes subducere voluerit; & de ebrietate liberabitur, & intolerabilem poenam non patietur.

Ergo fratres Charissimi dum hæc suggero, me absoluo apud Deum. Quicumque me audire contemserit, & ad bibendum pronus fuerit, vel in conuiuium suo alios adiurare vel cogere voluerit; & pro se & pro illis, in die iudicii reus erit, &c. *serm. 231. de temp.*

I. X.

Ieiunium commendat : Quadragesimale præfertim.

ET quoniam non ebrietatis tantummodò, sed carnis, & appetitus ipsius remedium est Ieiunium, Charitatis autem & vnionis mater; Tractatum addidit, De Utilitate Ieiunij. Cumque inter omnia Ieiunia celeberrimum sit Quadragesimale : habet enim Quadragesima ieiuniorum auctoritatem, & in veteribus libris ex ieiunio

M 3

Moyli

Moyſi & Eliæ, & ex Euangelio, quia totidem diebus Dominus ieiunauit, demonſtrans Euangelium non diſſentire à lege & Prophetis; *Epist. 119. c. 15.* ideo habuit tantopere illud commendatum, vt de Quadrageſima ante Paſcha, Tractatus quinque ediderit, vt teſtatur *Poſſid. in Indic. c. 10.*

Inter plurima itaque dicebat: Ecce fratres chariſſimi, Deo propitio tempus Quadrageſimæ venit: & ideo rogo vt dies iſtos corporibus ſalubres & Animæ medicinales, ita cum Dei adiutorio ſanctè ac ſpiritualiter celebremus, vt obſeruatio ſanctæ Quadrageſimæ non nobis iudicium pariat, ſed profectum. Si enim negligenter agimus, ſi nos nimis occupationibus implicamus, ſi caſtitem ſeruare nolumus, ſi ieiuniis & vigiliis & orationibus non inſiſtimus: ſi Scripturas diuinas, aut ipſi non legimus, aut legentes alios non libenter audimus; ipſa nobis medicamenta conuertuntur in vulnera: & inde habebimus iudicium, vnde potuimus habere remedium, &c. *ſerm. 55. de temp.*

Et ideo fratres Chariſſimi, in iſtis quadraginta diebus, quaſi totius anni cibaria animæ noſtræ ieiunando, legendo, vel orando, prouidere debemus. Nam licet per totum annum Deo propitio, lectiones diuinas frequenter & fideliter audiatis; in iſtis tamen diebus, de pelago & fluctibus mundi huius, quaſi ad portum Quadrageſimæ fugientes, debemus requieſcere, & lectiones diuinas in exceptorio cordis noſtri, cum ſilentio & pace ſuſcipere: vt Deo propitio pro amore vitæ æternæ vacantes, quidquid in nauiculâ animæ noſtræ per totum annum multis tempeſtatibus, id eſt, peccatorum fluctibus, aut fractum aut diſſolutum, aut corruptum aut perditum eſt, omni ſollicitudine in iſtis diebus reparare ſtudeamus atque componere, &c. *eod. ſerm.*

Sicut enim tempore meſſis vel vindemiarum, vnde caro noſtra poſſit ſuſtentari colligitur: ita in diebus Quadrageſimæ, quaſi in ſpiritali vindemiarum vel meſſium tempore, vnde anima noſtra in æternum poſſit viuere, congregetur. Quia ſicut negligens quiſque, ſi opportuno tempore nihil collegerit, per totum anni ſpatium fame torquebitur: ita qui hoc tempore ſpiritalitè triticum, & cæleſte muſtum ieiunando, legendo, orando in horreis animæ ſuæ prouidere & congregare neglexerit; in æternum duriffimam ſitim, & crudelem inopiam ſuſtinebit. *ſerm. 56. de temp.*

Et

Et ideo vel istis paucis diebus, recedant impedimenta mundi, recedat carnis lætitia, recedant venenis plena mundi huius blandimenta. Carnis gaudium minuatur, ut animæ lucra spiritualia præparentur. Tempus, quod nobis furiosus tabulæ ludus solebat auferre, lætatio diuina incipiat occupare: otiosis fabulis & mordacibus iocis, & detractionibus venenatis, colloquia de Scripturis sancta succedant. Horarum spatiis in quibus solebamus sine ullo lucro animæ detineri, visitentur infirmi, requirantur in carcere constituti, peregrini suscipiantur, & discordes ad concordiam reuocentur. *ead. serm.*

Per alios dies, non grauentur corda vestra crapula & ebrietate: per hos autem etiam ieiunate. Per alios dies adulteria, fornicationes, omnesque illicitas corruptelas nolite contingere: per hos etiam à coniugibus abstinete. Quod vobis demitis ieiunando, eleemosynis addite prærogando. Tempus quod reddendo coniugali debito occupabatur, supplicationibus impendatur. Corpus quod carnalibus soluebatur affectibus, puris precibus prosternatur. Manus quæ amplexibus implicabantur, orationibus extendantur. Vos autem qui etiam per alios dies ieiunatis, per hos augete quod facitis. Qui per alios dies perpetuam continentiam crucifigitis corpus; per hos Deo vestro crebrioribus & intensioribus inhærete orationibus, &c. *serm. 68. de diuers.*

Sed si volumus bene ieiunare à cibis, ante omnia ieiunemus & à vitiis. Quid enim prodest vacuare corpus ab eis, & animam replere peccatis? Quid enim prodest pallidum esse ieiuniis, si odio & inuidiam liuefcas? Quid enim prodest vinum non bibere, & iracundiam veneno inebriari? Quid prodest abstinere à carnibus ad edendum creatis, & malignis obreftationibus fratrum membra lacerare? Quid prodest si abstineamus ab his quæ aliquando licent, & faciamus quæ numquam licent? Deus enim illos honorat & diligit, qui illicita fugiunt. Sic ergo ieiunemus à cibis, ut multo magis ieiunemus à vitiis. *serm. 64. de temp.*

Denique ieiunia nostra, ut plena sint & suffarcinata, misericordie pinguedine saginentur: demus esurientibus prandium nostrum. Nec putes ieiunia sola sufficere, ad sananda vulnera peccatorum; ni medicamento eleemosynæ recreentur. Ieiunium ergo tuum te castiget, & lætificet alterum, &c. *serm. 65. de temp.*

§. XI.

Coniugatos monet.

IAm quid Coniugatos admonuerit videamus. Quoties, inquit, ad Ecclesiam in quadam solemnitate venitis, & Sacramenta Christi percipere volueritis; ante dies plures castitatem seruate, vt cum securâ conscientia ad Altare Dei possitis accedere. Quam rem, etiam per totam Quadragesimam, & vsque ad clausulam Paschæ, fideliter custodite, vt vos solemnitas Paschalis castos & puros inueniat. Qui enim bonus Christianus est, non solum ante dies plures quàm communicet, castitatem seruat; sed & vxorem suam excepto desiderio filiorum, non agnoscit: quia vxor non propter libidinem, sed propter filiorum procreationem accipitur. Denique & ipsæ tabulæ Matrimoniales hoc continent: Liberorum, inquit, procreandorum causâ. Videre quia non dixit, libidinis causâ, sed liberorum procreandorum, &c. *serm. 244. de temp.* videri quoque potest *serm. 53. de diuers. c. 13. & seqq.*

Sed dicet aliquis: Homo iuuenis sum: continere non possum. Vide ne fortè ideo te non contines, quia plus manducas quàm expedit, & plus vinum accipis, quàm oportet. Fortè etiam turpibus cogitationibus occupas mentem tuam, & luxuriosa verba non solum libenter, sed etiam frequenter aut ipse dicere, aut aliis dicentibus audire nec metuis, nec erubescis. Incipe cum Dei adiutorio gulæ concupiscentias refrænare: castis cogitationibus & honestis sermonibus mentem vel linguam tuam iugiter occupare: & videbis quia Deo auxiliante, castitatem poteris custodire. Nec te pigeat, si corporis infirmitas non prohibet, frequentius ieiunare, ad Ecclesiam maturius surgere, vt possis tuam animam à libidinosis maculis nitidam custodire, &c. Sed dicis: Peccatum quidem est, sed tamen paruum est. Nec nos dicimus quia capitale peccatum est: sed tamen si frequentius exerceatur, & ieiuniis vel eleëmofynis non redimatur, nimis immundam animam facit. *serm. 244. de temp.* vide etiam *l. de bono Coniug. c. 6. l. 1. cont. duas Epist. Pelag. c. 16.*

Monet etiam, vt dum fluxum sanguinis mulieres patiuntur, viri ab

ab eis abstineant: nè, qui tunc concepti fuerint, aut leprosi aut epileptici, aut etiam fortè dæmoniâci nascantur: quandoquidem eiusmodi, non de sapientibus hominibus, qui & in aliis diebus & in festiuitatibus castitatem custodiunt; sed de rusticis maximè, qui se continere non sapiunt, nasci soleant.

Concludit denique: Rogo vos fratres vt mihi indulgeatis, quia pro salute animæ vestræ cum grandi timore & cum verecundia de talibus rebus vos admonere videor: quia & hoc mihi expedit dicere, & vos oportet audire. Et ideo omnia quæ à nobis audistis, vbicumque fueritis inuicem vobis dicite, & cum charitate vos admonete. *cod. serm. 244. de Temp.*

Specialiter autem mulieres attinet, quod ait: Nulla mulier potationes ad abortum accipiat, nec filios aut conceptos aut iam natos occidat: quia quæcumque fecerit hoc, ante Christi tribunal sciat se eorum causam, quos occiderit, esse daturam. Sed nec alias diabolicas potationes mulieres debent accipere. Mulier autem quæcumque fecerit hoc, per quod iam non possit concipere; quantoscumque parere poterat, tantorum homicidiorum se ream esse cognoscat. *cod. serm.*

Adulteria porrò insectanter arguebat, dicens: Illi qui dicunt quod castitatem seruare non possint; respondeant nobis, vtrum vxores habeant, an non? Si habent; quare non attendunt ad illud, quod Veritas in Euangelio ait: Omnia quæcumque vultis vt faciant vobis homines, & vos facite illis similiter. Et quare non seruant fidem vxoribus suis, quam sibi ab eis seruari desiderant? Cùm enim vir à virtute nomen acceperit, & mulier à mollitie, id est, fragilitate; quare contra crudelissimam bestiam libidinem, vult vnusquisque vxorem suam victricem esse, cùm ipse ad primum libidinis ictum victus cadat? &c. *serm. 243. de temp. serm. 49. inter 50. 6. 2.*

§. XII.

*Calibes hortatur. In concubenarios
inuehitur.*

Hoc fortè loco, qui adhuc vxoribus non sunt coniuncti, dicunt se excusari posse, quia coniugia non habent quibus fidem seruare debeant, & propterea continere non possint. Istis qui istam falsam & miserabilem excusationem conantur prætere, iustissimè responderi & potest & debet: quia nullus magis illicita vitare debet, quàm qui respuit quæ licebant. Cùm vxorem accipere liceat, & contra omnium Scripturarum auctoritatem adulterium committere numquam liceat; quare cum Dei gratiâ non accipis quod licet, & cum Dei offensâ præsumis quod non licet? &c. *serm. 243. de temp.* Ne quis enim se existimet, ideo se excusari, quia simplici fornicatione peccat;

Noli, inquit, dicere tibi, quando fortè aliquid luxurianter vis agere; Vxorem non habeo, facio quod volo, non enim post vxorem meam pecco. Iam nosti pretium tuum, iam nosti quò accedis, quid manduces, quid bibas. Abstinere à fornicationibus. Ne fortè mihi dicas, Ad fornicem vado, ad meretricem pergo, ad prostitutam eo: nec illud præceptum violo quo dictum est, non Mœchaberis, quia vxorem nondum habeo, nec post illam aliquid facio. Nec illud præceptum violo, vbi dictum est, non concupisces vxorem proximi tui. Qui ad publicam vado, in quod præceptum incurro? Non inuenimus chordam quam tangamus, non inuenimus chordam? Quo neruo ligemus fugitiuum iustum? Non fugiat, habet vnde ligetur: sed amet se, & non erit ligamentum, sed ornamentum. Non enim ligamentum sed ornamentum in ipsis decem chordis inuenimus. Decem enim præcepta ad duo illa referuntur, vt diligamus Deum & proximum: & duo illa ad vnum illud. Vnum est autem: Quod tibi fieri non vis, alij ne feceris. Ibi continentur decem, ibi continentur duo. Sed dicis: Furtum si facio, id facio quod pati nolo. Si occidam, id facio quod ab altero pati nolo. Si parentibus meis honorem non

non deferam, quando volo vt deferatur mihi à filijs meis; id facio quod pati nolo. Si sum mœchus, & aliquid tale molior; id facio quod pati nolo. Nam si quis interrogetur, dicit, Nolo vt vxor mea tale aliquid faciat. Si concupisco vxorem proximi mei, nolo quisquam concupiscat meam: id facio, quod pati nolo. Si concupisco rem proximi mei, nolo vt auferatur mea, id facio quod pati nolo. Cùm verò ad meretricem eo, cui facio quod pati nolo? Quod grauius est, ipsi Deo. Intelligat sanctitas vestra, &c. exponit enim quomodo hoc fiat: quia nimirum violat imaginem Dei. *libro de decem. chord. cap. 10.*

Quapropter Cornelium quemdam, iam tum senem & viduum, sed quo cum iuuenis iuvene in errore Manichæorum versatus fuerat, clatâ coniuge Cyprianâ feminâ honestissimâ, contra amorem & memoriam defunctæ debitam, inter plebem mulierum & pellicum numerum, sedissimâ voluptate disfluentem; grauissimè aliquando per literas corripuit: loco consolationis quam Cornelius petiuerat, quòd plurimum morte vxoris moueretur, dignam Episcopo correptionem transmittens. Adiri illa potest, *Epist. 125.*

Verùm non publicò tantummodò, quod iam diximus, sed priuatim etiam corripuisse adulteros significat his verbis: Sunt homines adulteri in domibus suis: in secreto peccant aliquando. Nobis produntur ab vxoribus suis, plerumque zelantibus, aliquando maritorum salutem quærentibus. Nos non prodimus in palàm, sed in secreto arguimus: vbi contigit malum, ibi moriatur malum, &c. *serm. 16. de verb. Dom. 28.*

Iam & illud quale est, quod multi virorum, ante nuptias, concubinas sibi assumere non erubescunt, quas post aliquot annos dimittant, & sic postea legitimas vxores accipiant. Tractant enim apud se, vt prius de multis calumnijs & rapinis iniustas diuitias & iniqua lucra conquirant, vt postea contra rationem, plùs nobiles quàm ipsi sunt, vel ditiores vxores accipiant. Ecce quantis malis se obligant, qui non solùm luxuriæ, sed etiam avaritiæ vel cupiditati infelicitè seruire desiderant. Vnde coram Deo & Angelis contestor atque denuntio, ista mala & semper prohibuisse, & numquam ei placita fuisse: quia præcipuè temporibus Christianis concubinas habere numquam licuit, numquam licebit. Pro qua re iterum atque iterum voce libera clamo, quia qui ante legitimas nuptias concubinam sibi adhi-

bere præsumit, peius peccatum facit, quàm qui adulterum committit: quia qui adulterat, adhuc tam graue malum secretè vult agere, in publico autem aut metuit aut erubescit committere: ille verò qui publicè concubinam habere voluit, fronte impudentissimà rem execrabilem, toto populo videnter, licenter se putat admittere. *serm. 243. de temp.*

§. XIII.

Remedia contra incontinentiam præscribit.

Ceterùm præsentissimum remedium suggerit aduersus libidinem & incontinentiam: Primò, fugere eandem. Quod Apostolus Paulus euidenter ostendit, qui cùm omnibus vitiis prædicauerit resistendum, dum contra libidinem loqueretur, non dixit, Resistite, sed, Fugite fornicationem. Ac sic contra reliqua vitia Deo auxiliante, debemus in præsentì resistere, libidinem verò fugiendo superare. Sic & alibi in Scripturis diuinis legimus: Noli in faciem virginis intendere, ne te scandalizet vultus eius. Et beatus Ioseph vt impudicam Dominam posset euadere, pallium, quo apprehensus fuerat, reliquit, & fugit. Ergo contra libidinis impetum, apprehende fugam, si vis obtinere victoriam. Nec tibi verecundum sit fugere, si Castitatis palmam desideras obtinere. Vnde, fratres charissimi, ab omnibus Christianis, præcipuè tamen Clericis siue Monachis, indigna & inhonesta familiaritas fugienda est: quia sine vlla dubitatione, qui familiaritatem non vult vitare suspectam, citò delabitur in ruinam. *serm. 250. de temp. c. 1. & seqq.*

Secundò: si libidini contradicatur, resistatur, repugnetur. Quod sanè cum Dei adiutorio fieri potest iuxta illud: Si secundum carnem vixeritis, moriemini: si autem spiritu facta carnis mortificaueritis, viuētis. Vbi per Spiritum, non hominis spiritum intelligi, sed Spiritum sanctum & Spiritum Dei, ostendit ex eodem Apostolo, *serm. 43. de verb. Dom. cap. 6. 7. & 8.* Faciendum idcirco monet quod Apostolus ait ibidem, *Non regnet peccatum in vestro mortali corpore, ad obediendum desideriis eius.* Subditque: Ecce quod nolo, mala desideria surgunt: sed noli obedire. Arma te, sume
instru-

instrumenta bellorum. Præcepta Dei, arma tua sunt. Si bene me audis, ex eo quod loquor armaris. Non, inquit, regnet peccatum, in vestro mortali corpore. Quamdiu enim portatis mortale corpus, pugnet contra vos peccatum: sed non regnet. Quid est non regnet? Id est ad obediendum desideriis eius. Si coeperitis obedire, regnat. Et quid est obedire, nisi ut exhibeatis membra vestra arma iniquitatis peccato? Nihil hoc doctore præclarius. Quid vis iam ut exponam tibi? fac quod audisti: Non exhibeas membra tua, arma iniquitatis peccato. Dedit tibi Deus potestatem per Spiritum suum, ut membra tua teneas. Surgit libido? Tene tu membra. Quid factura est, quæ surrexit? Noli exhibere membra tua, arma iniquitatis peccato: noli armare aduersarium tuum contra te. Tene pedes, ne eant ad illicita. Libido surrexit? Tu tene membra tua. Tene manus ab omni scelere. Tene oculos, ne malè attendant: tene aures, ne verba libidinis libenter audiant; tene totum corpus, tene latera, tene summa, tene ima. Quid facit libido? Surgere nouit, vincere non nouit: surgendo assidue sine causâ, discit & non surgere. *eod. serm. c. 10.*

Etenim, volumus nolimus, habemus concupiscentias: velimus nolimus titillant, blandiuntur, stimulant, infestant, surgere volunt. Premuntur, nondum extinguuntur, quamdiu caro concupiscit aduersus spiritum, & spiritus aduersus carnem. Quamdiu hic uiuitur, fratres, sic est: sic & nos qui senuimus, in ista malitia minores quidem hostes habemus, sed tamen habemus. Fatigati sunt quodâmodo hostes nostri, iam etiam per ætatem: sed etiam fatigati per ætatem, qualibuscumque motibus non cessant infestare senectutis quietem. Acrior pugna iuuenum est: nouimuseam, transiuimus per eam. *eod. serm. c. 9.*

Verumtamen nemo dicat, à fornicatione se custodire non posse. Fidelis enim est Deus, dicit Apostolus, qui non permittit nos tentari, supra id quod portare possumus, sed faciet etiam cum tentatione prouentum. Talis unicuique homini tentatio datur, siue in carnis desiderio, siue in ambitione sæculi, veletiam in quacumque tentationis molestia, qualem aut cum laude vincere, aut cum opprobrio succumbere poterit. *serm. 249. de temp. Videndi plures eiusdem argumenti sermones, signanter 18. de verb. Apost. fragm. 3. tom. 10. &c.*

S. XIV.

Ætatem omnem & sexum admonet.

Porrò cū tempus omne, atque omnis ætas, quā corruptibilis caro illa portatur, vacare à tentationibus non possit; omnem etiam ætatem & sexum admonebat. Ac primò quidem

IUVENES. Vos, inquit, ô Iuvenes maximè monemus & hortamur, ut veræ virtutis pulchritudine capiamini. Nulla species terrena vel cælestis, nullus fulgor metallorum, nulla nemorum amœnitas, nulla florum purpuræ, nullus vel naturalis vel adhibitus carnis ornatus, nullus quarumlibet chordarum atque tiliarum sonus, nulla odororum iucunditas, nulla saporum suauitas, nulli amplexus, pulchritudini, inspirationi, dulcedini, fomentis Sapientiæ conferantur. Ab his enim quæ turpiter amantur, non ab ipso amore prohibemur. Amare vultis? amate Sapientiam: ambite, ut perueniatis ad eam: ut vos non exhorreat eius aspectus in homine, vos in timore componite, &c. *serm. 246. de temp. post paucula.*

Si amatores estis, hanc amate: si formosi estis, Deo placete: si iuvenes estis, diabolum vincite. Daniel ab Angelo, Vir desideriorum appellatus est. Quæ illa erant eius desideria, nisi quibus in Sapientiæ pulchritudinem ardentè inhiabat? Quia in iuuenili ætate calcavit lætitiā, & Regum superbiam pressit captibus, & ora leonum clausit inclusus. *eod. serm.*

II. FEMINAS. Nec vos, inquit, feminæ adolescentulæ, alienum à vobis arbitremini hunc esse sermonem. Ad vos enim, non tamen ut confundam vos hæc dico, sed ut filias meas charissimas moneo. Iuuenilia desideria fugite. Nuptæ Susannam, viduæ Annam, Virgines Mariam cogitate. Nec in publicum propterea procedatis, ut florem fœni vestri oculis hominum ostentare cupientes, in domo vitæ mortem queratis. Omnis enim caro fœnum, & claritas hominis ut flos fœni. Quid ergo facietis, cū fœnum aruerit, flos deciderit? Verbum autem Domini quod manet in æternum, cineres vestros non faciliè inuenturos putetis, quod nunc superbâ ætatis viriditate

Strictè

Stricte iterum dico atque confessor, iuvenilia desideria fugite. Si auditis hoc, si obtemperatis, si tamquam Dei verbum cum honore & timore suscipitis, non solum pulchri ante oculos Dei, sed & sani eritis. Si autem de hac admonitione nostra, etiam iocos fortasse amatorios vobis faciatis; de ipsis sementibus Medici, mortifera vobis vulnera infligitis. *serm. 246. de temp.*

III. SENES. Cum enim ostendisset, ne puerilem quidem aetatem peccato carere, ut senes etiam admoneat, ait: An forte senectus excepta est, & in carne iam vicina cadaveri, sanguis ac membra illicitae concupiscentiae frigerunt: & a seculo ac propè mortuo iam corpore materies tentationis emarcuit? Imò verò tantus est in malis senibus plerumque gurgis auditatis, & insatiabilis vorago ventris & gutturis, ut quanta boni senes prudentia serenantur, tantà vinolentia sepeliantur: quasi ad hoc in eis arida viscera & succo exhausta curventur, ut ad vigorem pristinum reparandum ebrietatis inundatione riganda sint.

Quid avaritia, quae radix est omnium malorum? Nonne in frigidis senibus tantò ad acquirendum feruentius inardescit, quantò citius relictura est quod acquirit? mirabili sanè dementia. Graviores enim sumptibus se onerare festinat, cum iam peruenit quod tendebat. *serm. cit.*

S. XV.

Omnes ad diuinum cultum excitat.

UT autem diuino cultui, statis temporibus quilibet diligenter incumbere: Sciendum, inquit, est Fratres charissimi, quod ideo à sanctis Patribus nostris constitutum est Christianis & mandatum, ut in solemnitatibus Sanctorum, & maxime in Dominicis diebus otium haberent, & à terreno negotio vacarent; ut paratiores & promptiores essent ad diuinum cultum, cum non haberent, quod eos inde retardaret incommodum, relinquerentque pro eo tempore terrenam sollicitudinem, quo facilius possent Dei intendere voluntatem. *serm. 251. de temp.*

Idcirco non sit vobis molestum, fratres, in Dominicis diebus, &
in

in natalitiis Sanctorum, diuino studere cultui. *ibid.* A vespérâ diei Sabbati, vsque ad vespérâ diei Dominici, sequestrati à rurali opere & ab omni negotio, soli diuino cultui vacemus. Veniat ergo, cuiusque possibile sit, ad vespertinam atque nocturnam celebrationem, & oret ibi in conuentu Ecclesiæ pro peccatis suis Deum. Qui verò hoc non possit; saltem in domo sua oret, & non negligat Deo soluere votum, ac reddere pensum seruitutis.

In die verò nullus se à sacrâ Missarum celebratione separet, neque otiosus quis domi remaneat, ceteris ad Ecclesiam pergentibus. Neque in venatione se occupet, & diabolico mancipetur officio, circumuagando campos & siluas, clamorem & cachinnum ore exaltans, non gemitum nec orationis verba ex intimo corde ad Deum profrens, &c. *eod. serm.*

Adhuc quoque quod valde dolendum est, conqueri vobiscum volo: quia sunt aliqui, & maximè potentes istius mundi, qui cùm veniunt ad Ecclesiam, non sunt deuoti ad laudes Dei celebrandas, sed cogunt Presbyterum vt abbreviet Missam, & ad eorum libitum cantet. Nec ei licet morem Ecclesiasticum sequi, propter illorum gulam & auaritiam, quatenus vnus punctus diei, ad Dei officium, & reliquum diurnum spatium cum nocte, simul ad eorum deputetur voluptates. Nolite fratres mei dilectissimi hæc facere, nolite hæc facientibus consentire: quia non solùm qui hæc faciunt, sed etiam qui consentiunt facientibus, pereunt. *serm. 251. de temp.*

S. XVI.

Symbolum & Oratio Dominica ab eo sapius exposita.

Quantopere fuerit nutriendæ fidelium deuotioni addictus, patet vel inde, quòd Orationem Dominicam non minùs octies, diuersis lucubrationibus exposuerit: l. 2. *de serm. Dom. in monte cap. 4. Epist. 121. hom. 42. inter 50. serm. 126. & 135. & 182. de temp. & serm. 9. & 48. de diuers. Symbolum verò Apostolorum, septies. l. 1. 2. 3. & 4. ad Catechum. & l. de fid. & Symb. & serm. 131. de temp. & 75. de*

de diuers. Quamobrem laudari à Cassiodoro meruit, dum ait: Symbolum quoque nostræ fidei, testimonium recti cordis, promissionis insolubile Sacramentum, frequenti expositione patefecit, vt profundius intelligentes illa, quæ credere nos profitemur, cautissimè promissa seruemus. *l. de diuin. lect. cap. 22.*

Et quidem de Oratione Dominica dicebat Catechumenis; Oratio vobis quotidie dicenda est, cùm baptizati fueritis. In Ecclesià enim ad Altare Dei, quotidie dicitur ista Oratio Dominica, & audiunt illam fideles. Non ergo timemus, ne minùs illam teneatis diligenter: quia et si quis vestrum non poterit tenere perfectè, audiendo quotidie tenebit. *hamil. 42. c. 10. inter 50.*

De Symbolo verò iisdem: Die Sabbati, quando vigilaturi sumus, in Dei misericordia reddituri estis non Orationem sed Symbolum. Modò enim nisi teneatis Symbolum in Ecclesià, in populo Symbolum quotidie non auditis. Cùm autem tenueritis, vt non obliuiscamini, quotidie dicite quando surgitis, quando vos collocatis ad somnum. Reddite Symbolum vestrum, reddite Domino: commemorate volipfos, non pigeat repetere: bona est repetitio, ne subrepat obliuio, &c. Numquid non quando surgis, te vestis? Sic & commemorando Symbolum tuum, vesti animam tuam, ne fortè eam nudet obliuio, &c. *eād. hom. cap. 11.*

Quapropter Diolcorum Archiatrum narrat, quòd, dum Sacramentum Baptismi, Symbolum ignorans, recepisset; omnibus penè membris, atque etiam linguà, paralyticus sit effectus. Cumque per scripturam confessus esset, id sibi dictum esse accidisse, quòd Symbolum non reddidisset; post hanc confessionem reddita sunt ei membrorum officia, præterquam linguæ: sed quam etiam recepit, vbi se didicisse Symbolum, & memoria tenere litteris fassus est. *Epist. 67.* Symbolum autem solebant quotoctiduo reddere Catechumeni. *serm. 135. de Temp.*

Atqui Oratio quotidiana quam docuit ipse Dominus, vnde & Dominica nuncupatur, delet quidem quotidiana peccata, cùm quotidie dicitur, Dimitte nobis debita nostra: atque id quod sequitur non solum dicitur, sed etiam fit: Sicut & nos dimittimus debitoribus nostris. *l. 21. de Ciuit. Dei cap. 27.*

Septem petitiones apud Matthæum continere videtur: quarum in tribus æterna poscuntur, in reliquis quatuor, temporalia; quæ ta-

O

men

men propter æterna consequenda, sunt necessaria. *l. Enchirid. c. 125. vide serm. 182. de Temp.* Imò vt ostendat perseverantiam vsque in finem, esse Dei donum, adeoque continuis precibus impetrandum: Ipsâ, inquit, Oratione quæ Dominica nuncupatur, quia eandem Dominus docuit, quando oratur à sanctis, nihil penè aliud quàm perseverantia posci intelligitur. Legite aliquantò intentiùs eius expositionem in beati Cypriani Martyris libro, quem de hac re edidit, cuius est titulus De Dominica Oratione: & videte ante quot annos, contra ea quæ futura erant Pelagianorum venena, quale sit antidotum præparatum. *l. de dono persever. cap. 2.*

§. XVII.

Eleemosynam in pauperes commendat.

IAm, quod & hodie consuevit, auditoribus suis pro concione commendabat pauperes Eleemosynam poscentes. Date pauperibus, inquit, rogo, moneo, præcipio. Quidquid vultis, date pauperibus. Non enim occultabo charitati vestræ, quare hunc sermonem necesse habui vobis promere. Ex quo hîc sumus euntes ad Ecclesiam & redeuntes, pauperes interpellant nos, & dicunt vt dicamus vobis, vt aliquid accipiant à vobis. Nos monuerunt loqui vobis: & cùm se vident non accipere à vobis, inaniter arbitrantur nos laborare in vobis. Exspectant aliquid & à nobis. damus quantum habemus, damus sicut possumus. Nunquid tamen ad eorum necessitatem implendam idonei sumus? Quia ergo ad eorum necessitatem implendam idonei non sumus, vel ad vos legati ipsorum sumus. *serm. 5. de verb. Domini cap. 12.*

Quapropter quod iam tum obtinebat in Ecclesia Orientali, vt ad templorum vestibula pauperes more Iudaico Actor. 3. mendicarent; idem videtur habuisse Occidentalis in Africâ. Et de Orientali quidem exstat insigne Ioannis Chrysostomi testimonium, vbi ait: Quemadmodum solemne est, vt fontes præstò sint in atriis templorum, vt qui preces fusuri sunt ad Deum, manus priùs lotas inter precandum attollant; ita pauperes fontium vice ante fores collocauerunt maiores

res nostri; vt non aliter ac manus abluimus aquâ, priùs per beneficentiam abstersâ animâ, tum demum preces nostras offeramus. *Chrys. ferm. 25. de verb. Apost. de fontibus verò, non tantùm præ foribus templorum Ethnicorum, quæ inde Delubra appellari consueverunt, à diluendo, Isidor. l. 15. cap. 4. sed Christianorum etiam collocari solitis, vide Euseb. l. 10. Hist. cap. 4.*

§. XVIII.

Omnes ad continentiam hortatur.

Omnibus denique in vniuersum Christianis hominibus commendabat Continentiam. Continentia verò & sobrietas non in sola integritate carnis consistit. Debet enim vnusquisque continens esse ab omnibus illicitis. His autem quæ licita sunt, debet cum modestia & sobrietate vtî. Non enim decet Christianum sæculi lucris inhære, cui promissum est regnum cælestè; sed suo Domino per continentiam condignè viuere, vt possit cum eo in perpetuum gaudere. Castitatem debet amare, & fornicationem fugere: non auaritiæ studere, sed victu & vestitu contentus esse: non superbire, neque sperare in incerto diuitiarum, sed humiliter sentire, & mundi pompam contemnere. Non debet esse vaniloquax & arrogans, non mordax neque iniuriolosus, neque bilinguis, non susurro, neque detractor, sed veritatem debet ex ore & corde proferre: linguam suam à multiloquio temperare, quia scriptum est, In multiloquio non effugies peccatum. Oculos contra vanitatem claudere: auditum à scurrilitate & falsitate, imò ab omni eloquio malo auertere: risum excelsum & excussum non amare: guttur & nasum ad illecebram dulcium ciborum, & suauium odorem, non libenter adhibere, sed magis bonum & suauem odorem virtutum appetere. Manus & pedes, & omnia membra corporis sollicitè custodire, ne fiant arma iniquitatis peccato, sed magis potentie arma Deo, ad destruendum spirituales inimicum. Cor quoque debet miles Christi ante omnia sollicitè custodia seruare, ne fortè illud iactantia extollat, ira inflammet, inuidia perforet, auaritia infestet, libido exurat, tristitia grauet, torpor & ignauia ener-

uet: & ne illud, quod cunctis grauius est, per nouitatum præsumptiones, hæresis scindat. *serm. 248. de Temp.*

§. XIX.

Ad Bonam item & Christianam vitam.

Vnicus illi scopus & finis erat in dicendo, vt, qui audiebant, benè viuerent. Hæc est erogatio mea, inquit, qui malus fuit heri, bonus sit hodie. Quare dici hesterno hodiernum vult addere malum? longam vitam vis habere, bonam non vis? Quis longum ferat malumve prandium? Vsq̃ue adeò cæcitas mentis occalluit, vsq̃ue adeò surdus est homo interior, vt omnia bona velit habere præter seipsum? Vis habere villam? Nego te habere velle malam villam. Vxorem vis habere? Non vis nisi bonam. Domum non vis nisi bonam. Quid curram per singula? Caligam non vis habere malam, & vis habere vitam malam? Quasi plus tibi noceat mala caliga, quam vita mala, &c. *hom. 25. cap. 5. inter 50. serm. 16. cap. 11. de Verb. Dom.* quo postremo loco seriò monet, emendationem nullatenus esse procrastinandam.

§. XX.

Quanta illius in adhortationibus publicis lenitas & mansuetudo.

Qvàm verò suauiter & paternè hunc finem suum intenderit, in omnibus sermonibus, nimis quàm manifestum est: duobus præfertim, quos habuit die Anniuersario Episcopalis ordinationis suæ, 24. & 25. *inter 50.* Vnde propter eos, qui pedibus dolent, aut aliquâ corporis inæqualitate laborant, paternâ pietate sollicitus consilium dedit, & quodammodò supplicauit, vt quando aut Passiones prolixæ, aut certè aliquæ Lectiones longiores legerentur, qui stare non possent, humiliter & cum silentio sedentes, attentis auribus audirent quæ leguntur: *hom. 26. inter 50.* exemplo nimirum Ecclesiarum transmarinarum, vt patet *l. de catech. rud. cap. 13.* alioquin auditores in

Africâ

Africâ stare solitos, tametsi Episcopus sedens diceret, videre est *serm.*
49. *de diuers. cap. 1.*

Quam in rem dum abusus aliquis irrepsisset, humanissimè admonet, feminas præsertim, vt quando aut lectiones leguntur, aut verbum Dei prædicatur, nulla se in terram proiciat, nisi fortè quam nimium grauis infirmitas cogit: sic tamen non iaceat, sed magis sedeat, & attentis auribus, quæ prædicantur auido corde suscipiat. *homil. 26. inter 50.*

Quapropter tametsi compellebatur nonnumquam, non licentiosâ libertate, sed necessariâ seruitute abesse ab Hipponensibus suis; *Epist. 138.* ægrè tamen iidem istud patiebantur: *Epist. 64. in fine.* Sicut autem dicens libentissimè audiebatur; *Enarr. in psalm. 61.* non domi tantum, sed etiam foris: (Carthagine enim in Basilica Restituta, sermonem frequenter habuit, vt sunt 14. *de verb. Apost. & sermo 2. 3. 12. & 102. de diuers.* In Ecclesia Leontiana, à Leontio conditore, *sermo 11. & 13. de diuers. & Enarratio in psalm. 38.* in Basilica Fausti, à Fausto conditore: 12. & 122. *de diuers.* in Basilica Celerinæ, 96. *de Temp.* in Basilica Nouarum, 110. *de temp.* in Basilica Petri regionis tertiæ, 251. *de temp.* in Basilica Pauli regionis sextæ, 24. *de diuers.* quæ loca omnia Carthagine fuerunt) ita alios auidè audiuisse, patet *Enarr. in Psal. 131.*

Pro more verò habuit, singulos sermones hac Oratione concludere: Conuersi ad Dominum Deum Patrem omnipotentem, puro corde ei, quantum potest paruitas nostra, maximas atque veras gratias agamus: precantes toto animo singularem mansuetudinem eius, vt preces nostras in beneplacito suo exaudire dignetur: inimicum quoque à nostris actibus & cogitationibus suâ virtute expellat: nobis fidem multiplicet, mentem gubernet, spiritales cogitationes concedat, & ad beatitudinem suam perducatur, per Iesum Christum filium suum Dominum nostrum, qui cum eo viuit & regnat in vnitæte Spiritus sancti Deus, per omnia sæcula sæculorum, Amen. *Tom. 8. in fine, & serm. 30. de verb. Dom.* Aut certè paullò breuiori: Conuersi ad Dominum, ipsum deprecemur pro nobis, & pro omni plebe sua adstante nobiscum, in atriis domus suæ: quam custodire protegereque dignetur, per Iesum Christum filium suum Dominum nostrum, qui cum eo viuit & regnat in sæcula sæculorum. Amen. *serm. 121. de diuers.*

Alias porro sanctissimi Præfulis virtutes, dignissimas planè quæ non Prælati solum in Ecclesiâ, sed omnibus omnino Christianis in

exemplum proponantur, sparsim infrà per totum Opus, vbi commodum erit, commemorabimus.

§. XXI.

*Virtutum adipiscendarum medium, sola
Dei gratia est.*

Sed aduertamus animum nonnihil, quænam docuerit acquirendarum virtutum, operum bonorum & meritorum, efficacia media esse, vir tantus. Quando enim euoluens Apostolum Paulum, inuenit quiddam in illo verum legerat, cum commendatione Gratiae diuinæ dici: vt qui videt, non sic gloriatur, quasi non acceperit, non solum id quod videt, sed etiam vt videat; equidem repente cognouit, aliud esse de siluestri cacumine (vt tum aliquando fuerant Platoniorum libri) videre patriam pacis, & iter ad eam non inuenire; & frustra conari per inuia, circum obsidentibus & insidiantibus fugitiuis desertoribus, cum principe suo leone & dracone: & aliud, tenere viam illuc ducentem, curâ cælestis Imperatoris munitam, vbi non latrocinantur qui cælestem militiam deseruerunt: vitant enim eam sicut supplicium. *l. 7. Confess. c. 21.*

Quapropter diuinis libris mansuefactus, didicit discernere atque distinguere, quid intersit inter præsumptionem & confessionem: inter videntes quò eundum sit, nec videntes quâ: & viam ducentem ad beatificam patriam, non tantum cernendam, sed & inhabitandam. *eod. l. c. 20.* Etenim mysteria eiusmodi, sacræ Litteræ dumtaxat habent: fiduciam in propriis viribus solæ docent profanæ. Atque idcirco Deum humiliter alloquens, imò & Auditores sublimiter docens, ait, ad illum versum psalm. 70. *Domine memorabor iustitie tue solius.* O! solius. Quid addidit solius, rogo vos? Sufficeret, memorabor iustitiæ tuæ. Solius, inquit, prorsus: vbi meam non cogito. Quid enim habes, quod non accepisti? Si autem accepisti, quid gloriaris, quasi non acceperis? Iustitia tua sola liberat me: mea sola non sunt nisi peccata. *Enarr. in 1. part. psalm. 70. in fine.* Et alibi: Vita nostra tamquam nostra, id est de voluntate propria nostra, non erit nisi mala, peccatrix, iniqua:

iniqua : vita verò bona , de Deo in nobis est , non à nobis. *Tract. 22. in 10.* Etenim , homo si vult esse aliquid boni , non sit de suo proprio. Si enim de suo esse voluerit , mendax erit : si verax esse voluerit , de Dei , non de suo erit , inquit *serm. 31. de verb. Dom. cap. 2.* Deinde : Tunc ea quæ dicimus , & nobis & vobis vtilia sunt , si ab ipso sunt. Quæ autem ab homine sunt , mendacia sunt , sicut ipse dixit Dominus noster Iesus Christus : Qui loquitur mendacium de suo loquitur. Nemo habet de suo , nisi mendacium & peccatum. Si quid autem homo habet veritatis atque iustitiæ ; ab illo fonte est , quem debemus sitire in hac eremo : ut ex eo , quasi guttis quibusdam irrorati , & in hac peregrinatione iterum consolati , ne deficiamus in via , venire ad eius requiem sarietatemque possimus. *Tract. 5. in 10.* Quo in loco , quod de eremo dicit , allusione ad psalmum 62. dicit : *Situit in te anima mea in terra deserta*, &c. id est, Eremita. Iam peccata quæ hic nominat ; certum est intelligere ea , quæ mala sunt : præsertim cum super eiusmodi Apostolum Paulum alloquens , dicat : Da veniam Apostole , propria tua non novi , nisi mala. Da veniam Apostole , dicimus quia tu docuisti. Audio confitentem , non inuenio ingratum ; Prorsus tua à te tibi parva , non nouimus nisi mala. *homil. 14. cap. 5.*

Sumusne igitur boni , tam impotes atque inopes homulli , ut nihil omnino facere possimus ? Sumus , absque Dei gratia & misericordia. Nemo enim bene libero Arbitrio uti potest , nisi per gratiam : quæ non secundum debitum redditur , sed Deo gratis miserante donatur. *l. 1. cont. duas Epist. Pelag. cap. vii.* Nec potest homo boni aliquid velle , nisi adiuuetur ab eo , qui malum non potest velle : hoc est gratia Dei per Iesum Christum Dominum nostrum. *sed. 1. cap. 3.* Vnde merita nostra quæ coronabit Deus , dona ipsius sunt. Alioquin si tibi à te ipso , non ab illo sunt merita tua ; mala sunt : quæ mala sunt , non coronat Deus. Si autem bona sunt , Dei dona sunt : quia dicit Apostolus Iacobus : Omne datum optimum , & omne donum perfectum de sursum est , descendens à Patre luminum. *1. de grat. & libr. arbit. cap. 6.* Cui consonat , quod Deum obsecrans pro defuncta matre sua , ait : Quisquis tibi enumerat vera merita sua , quid tibi enumerat nisi munera tua ? O si cognoscant te omnes homines : & qui gloriantur , in Domino glorientur ! *1. 9. Conf. c. 13.* Et post pauca : Dimitte Domine , dimitte obsecro : ne intres cum eâ , in iudicium. Superexaltet misericordia iudicium , quoniam eloquia tua vera sunt , & promisisti misericordiam

mise-

miseri cordibus. Quòd vt essent; tu dedisti eis: qui misereberis cui misertus eris, & misericordiam præstabis, cui misericors fueris. *cod. l. & cap.*

Ex quibus perinde patet, Deum esse principale agens, meritorum humanorum, per gratiam suam siue spiritum, quem diffundit in cordibus nostris: eum porro dare pro beneplacito suo, iuxta diuitias bonitatis, sapientiæ & scientiæ suæ. Quid enim potestis facere boni, de corde non bono? Vt autem habeatis cor bonum, Dabo, inquit, vobis cor nouum, & spiritum meum dabo vobis. *l. 4. cont. duas Epist. Pelagianor. cap. 6.*

Ne quis verò existimet, eiusmodi per auxilin & exaggerationem dici, more concionatorum: quibus sæpè mos est ad terrendos mortales improprie loqui, & latè sumere malum atque peccatum, pro eo opere quod sterile est, atque inutile ad felicitatem æternam; facit, quod id exprèsse à Iuliano obiectum, strenuo Pelagij discipulo, (vt infra videbimus) Augustinus luculentè diluit, dum ait: Quapropter dici non potest, quantum te ista fallat opinio, quâ dixisti, omnes virtutes, affectus esse, per quos aut fructuose, aut steriliter boni sumus. Fieri enim non potest, vt steriliter boni simus. Arbor enim bona, bonos fructus facit. Absit autem vt Deus bonus, à quo securis paratur arboribus non facientibus fructum bonum, excidat, & in ignem mittat arbores bonas. Nullo modo igitur homines sunt steriliter boni: sed qui boni non sunt, possunt esse alij minùs, alij magis mali. *l. 4. cont. Iulian. cap. 3.*

Quid igitur? Si Gentilis nudum operuerit, numquid quia non ex fide, peccatum est? interrogat Iulianus. Et respondet Augustinus: Prorsus in quantum non est ex fide, peccatum est; non quia per se ipsum factum, quod est nudum operire, peccatum est; sed de tali opere non in Domino gloriari, solus impius negat esse peccatum. *l. 4. cont. Iul. c. 3.* Id verò facit, qui non amore iustitiæ, sed laudis propriæ, aut sine cuiuslibet alterius cupiditatis facit. Quam perinde rem, pauculis interiectis, vberius explicat, & compellat Iulianum Augustinus: Responde, vt hoc sine dubitatione perspicias, vtrum bonam misericordiam, existimes infidelem? Porro si vitium est malè misereri; proculdubio vitium est infideliter misereri. Quod si & ipsa, per se ipsam, naturali compassione, opus est bonum; etiam isto modo malè vtitur, qui infideliter vtitur: & hoc bonum malè facit, qui infideliter,

deliter facit: qui autem malè facit aliquid, profectò peccat. Ex quo colligitur, etiam ipsa bona opera quæ faciunt infideles; non ipsorum esse, sed illius qui benè utitur malis. Ipsorum autem esse peccata, quibus & bona, malè faciunt: quia eà non fideli sed infideli, hoc est stultà & noxià faciunt voluntate. *cod. l. 4. cont. Iulian. c. 3.*

Auctore igitur Augustino patet, principium & radicem bonorum omnium, meritum atque virtutum, fidem esse, sine qua est impossibile placere Deo: eam autem absque gratia haberi non posse. Vbi verò hæc defunt; deesse & voluntatem bonam siue rectam: adesse malam siue pravam. Bona enim esse non potest absque amore creatoris: in quem perinde referenda sunt, tamquam in finem, quæcumque benè fieri debent. Vbi enim deficit hic finis; non charitas, sed cupiditas imperat, quæ amor est creaturæ, siue rei quam quis potest inuitus amittere: quæque non videntem adiuuat, sed corrumpit fruientem. A Deo Patre igitur non esse, clarum est. Et quid restat, nisi ut sit à diabolo aut mundo?

C A P V T I V.

COMMVNIS AVGVSTINI IN EPISCOPATV VITA.

§. I.

Clericos assumit.

Avgustinus Episcopus effectus, cùm vidisset necesse habere Episcopum, exhibere humanitatem assiduam quibuscumque venientibus siue transeuntibus: quod si non fecisset, Episcopus inhumanus diceretur: si autem consuetudo ista in Monasterio permissa esset, indecens esset: ideo voluit habere in domo Episcopi secum Monasterium Clericorum. *serm. 49. de diuers. c. 1.* In recipiendis enim
P
hospi-

hospitibus dicere solebat, Multò esse melius malum hominem perpeti, quàm forsitan per ignorantiam excludi bonum. *Epist. 149.*

Horum Clericorum nulli licebat in hâc societate habere aliquid proprium : ideoque pauperes cum eo erant ; simul expectantes misericordiam Dei, à quo pascebâtur per Ecclesiam ipsius, eam vitæ communis formam voto edito professi : *serm. 49. de diuers. c. 2. & 4.* Bona interim quæ habebant, Ecclesiæ conferre solebant, vt inde alerentur qui erant in proposito sanctitatis, quousque in hac vitâ degerent : *serm. 50. de diuers.* tametsi etiam reciperentur, qui nihil habebant, nemoque eos distingueret ab eis qui aliquid attulissent. *eod. serm.*

Porro hi cùm sufficienter in sacrâ doctrina profecissent, doctore & formatore ipso Augustino ; ordinari cœperunt : *Possid. c. 11.* erant enim inter eos partim Presbyteri, partim Diaconi & Subdiaconi : *sermon. 50. de diuers.* imò decem ferme sanctos ac venerabiles viros continentes & doctissimos, Augustinus diuersis Ecclesiis, inter quas nonnullæ eminentiores erant, rogatus Episcopos dedit. *Possid. c. 11.* Si qui verò ex his de proposito sui præuaricatione siue proprietate, conuicti, vel temerè essent suspecti, eos ipsemet publicè aut reprehendit, aut defendit. *serm. 49. & 50. de diuers.* Nolebat enim secum habitare, quibus non sufficebat Deus & Ecclesia sua, sed proprium aliquid clam retentum vindicabant. *serm. 50. cit.*

Quod cùm foret illicitum, & nihilominus fieret ; reprehendere poterat iis verbis, quibus alijs generis peccati materiam, in Clerico pariter suo, quodam tempore castigauit : Quantumlibet vigilet disciplina domus meæ, homo sum, & inter homines viuo : nec mihi arrogare audeo, vt domus mea melior sit, quàm arca Noë, vbi tamen inter octo homines reprobos vnus inuentus est : aut melior quàm sit domus Abrahæ, vbi dictum est Eiice, ancillam & filium eius : aut melior sit quàm domus Isaac, cui de duobus geminis dictum est, Iacob dilexi, Esau autem odio habui : aut melior sit quàm domus ipsius Iacob, vbi lectum patris filius incestauit : aut melior sit quàm domus ipsius David, cuius filius cum sorore concubuit, alter filius contra Patris tam sanctam mansuetudinem rebellauit : aut melior quàm cohabitatio Pauli Apostoli, qui tamen si inter omnes bonos habitaret, non diceret, Foris pugne, intus timores ; nec diceret cùm de sanctitate & fide Timothei loqueretur ; Neminem habeo qui germanè de vobis sollicitus sit, omnes enim sua quærunt, non quæ Iesu

Iesu Christi: aut melior quàm cohabitatio ipsius Domini Christi, in qua vndecim boni, perfidum & furem Iudam tolerauerunt: aut melior sit postremo quàm calum, vnde Angeli ceciderunt, &c. *Epist. 137.*

Quamobrem fatebatur simpliciter coram Domino Deo, quomodo difficile est expertus meliores, quàm qui in monasteriis profecerunt; ita non est expertus peiores, quàm qui in monasteriis ceciderunt: Ideoque, inquit, si contristamur de aliquibus purgamentis; consolamur tamen etiam de pluribus ornamentis. *eād. Epist.* Etenim si falli non vultis, & vultis amare fratres; scitote, inquit, omnem professionem in Ecclesià habere fictos. Non dixi omnem hominem esse fictum, sed omnem professionem habere fictas personas. Sunt Christiani mali, sunt & boni. Inuenis sanctimoniales indisciplinatas, numquid ideo sanctimonium reprehendendum est? *Enarr. in Ps. 99.* Nam vt ibidem docet, Impossibile est malos excludi à conuentu bonorum: sicut fieri non potest, vt cor nostrum ita probè munitum habeamus, vt non intret in illud vel suggestio mala. Nam vt cognoscatur malus, intrà probandus est. Quomodo ergo excludis intraturum, qui postea probandus est, & probari nisi intrauerit non potest? Repelles omnes malos? dicis enim, & nosti inspicere. Omnes nudis cordibus ad te veniunt, qui intraturi sunt? Ipsi se non nouerunt, quantò minus tu? Multi enim sibi promiserunt, quòd impleturi essent illam vitam sanctam, in commune habentem omnia, vbi nemo dicit aliquid suum, quibus est anima vna & cor vnum in Deum: missi sunt in fornacem, & crepuerunt. Quomodo ergo cognosces eum, qui sibi adhuc ignotus est? &c. *Enarr. cit.*

Et quamquam hæc ita habeant; erant tamen apud omnes hi Clerici in magno æstimo: neque enim vllus serè scribebat ad Augustinum huius vitæ gnarus, quin eos honorifico compellans elogio saluere iuberet, eorumque se precibus commendaret. *Epist. 31. 33. 37. 256. &c.* Nam propter amurcam, quâ oculi hominum offendi consueverunt, non detestabantur torcularia, vnde apothecæ Dominicæ fructu olei luminosioris implentur. *Epist. 137.* Quare qui vel cum Augustino, vel ex monasterio ipsius ad Episcopatus assumpti sunt; in Ecclesiis suis Monasteria similiter instituere cœperunt: & crescente studio ædificationis verbi Dei, ceteris Ecclesiis promotos fratres, ad suscipiendum Sacerdotium præstiterunt. *Posid. c. 11.*

Tales fuere, Fortunatus, *Epist.* 230. Benenatus, *Epist.* 232. & 237. Nouatus, *Epist.* 242. Seuerus in Ecclesiâ Mileuitanâ, *serm.* 50. de diuers. & *Epist.* 240. inter primos Augustini amicos: *Epist.* 242. cui vel idcirco iudicium alicuius rei libens permittit, quia certum sibi esse dicit, quod habiter in eius corde Christus: *Epist.* 240. domesticus olim eius & contubernalis: *Epist.* 37. eruditionis haud sanè contemnendæ, vt ex citata Epistola, eiusque stylo patet: de cuius nepte, sanctimoniale insigni, videri potest *Epist.* 122. morte; *Epist.* 110. Talis & Alipius, *Epist.* 35. & 239. Euodius; *Epist.* 100. Possidius, *Epist.* 73. sed hi quatuor, diu ante Episcopatum Augustini, Monasticum eius institutum amplexi fuerant. l. 8. *conf. c.* 12. & l. 22. de Ciuit. Dei, c. 8. & l. 9. *conf. cap.* 8. & *Possid. cap.* 31. & *Epist.* 37. vt & alij præcedentes fortasse.

S. 11.

Clericis Augustinianis, Monachi tempore priores.

DE Monachis à se institutis agit Augustinus hisce verbis: Deinde perrexit (Petilianus) in vituperationem Monasteriorum, & Monachorum, arguens etiam me, quòd hoc genus vitæ à me fuerit institutum. Quod genus vitæ omninò quale sit nescit, vel potius toto orbe notissimum nescire se fingit; l. 3. *cont. Petil. c.* 40. Hoc verò institutum, illo Clericorum prius esse, constat ex eis quæ suprâ: & colligitur *Epist.* 35. 64. 77. 203. 225. & c. & *Enarr. in Ps.* 132. & denique vbi dicit: Eiuscemodi vitæ ipsum experimentum, intellectum sibi dedisse. *Enarr. in Ps.* 103. *conc.* 3.

Quapropter huius Monastici instituti fuisse viderur Sebastianus cum suis: *Epist.* 145. Renatus Cæsariensis ad quem scripsit librum primum de origine Animæ, l. 2. *Res. c.* 56. hominem quidem laicum, sed pro sua fide & eorum quos diligit, prudenter religioseque sollicitum. l. 2. de orig. An. c. 1. Etenim Vincentij Victoris libros duos, vt hoc obiter dicam, quos ad Petrum Presbyterum Hispanum scripserat, Augustinus direxit. l. 2. *Retract. c.* 56. Monachi item Adru-

metini,

metini. *Epist.* 47. ad quos cū librum scripsisset de Gratia & libero Arbitrio, propter eos, qui, dum gratia Dei defenditur, negari putant liberum Arbitrium: dumque defenditur liberum Arbitrium, negari existimant Dei gratiam, asserentes eam secundū merita nostra dari: *l. 2. Retr. c. 66.* egit ei gratias Valentinus, Adrumetinus vt apparet Monasteriarcha. *Epist.* 256. ad quem duas Epistolas eiusdem argumenti cum praterito libro, ob dissensiones eadem de causā exortas Augustinus dedit, vt pōst dicemus. *Epist.* 46. & 47. Hosce Monachos per id tempus solitos fuisse emittere votum Castitatis, clarē insinuat, *l. de Grat. & lib. arb. c. 4.* vt iam nihil dicam de voto Paupertatis, quod ex superioribus est manifestum. Ad eosdem rursus Monachos alterum librum scripsit De corrept. & gratia, cū nuntiatum ei esset quemdam inter eos dixisse, Neminem corripiendum si praecepta Dei non facit, sed tantummodō vt faciat orandum. *libro 2. Retract. c. 67.*

Homīnum eiusdem instituti gratiā, librum scripsit De Opere Monachorum, quōd nonnulli inter eos manibus operari, nonnulli Ecclesiosynis mallent viuere: quāmobrem euenerat, vt tantum-non fierent inter quosdam tumultuosa certamina. *l. 2. Retract. c. 21.* Quo in libro, inquit: Tametsi multi sint, sub habitu Monachorum hypocritae, circumeuntes prouincias, nusquam missi, nusquā fixi, nusquam stantes, nusquam sedentes, &c. qui sub generali nomine Monachorum, Monasticum propositum blasphemant; nihilominus tam bonum, tam sanctum, in Christi nomine sicut per alias terras, sic per totam Africam vt pullulet, se optare. *l. de Oper. Monach. c. 28.* Quapropter bonos excitat, vt aliorum mala opera bonis operibus persequantur. *ibid.*

Et quia hic liber, iubente Aurelio Carthaginense Episcopo, ceperat auspiciū; respondet illi, sed alio loco, non videri sibi recipiendos in numerum Clericorum, qui suā sponte Monasteria deseruerunt. Hoc enim modo & Monachis facilis lapsus, & ordini Clericorum fieret indignissima iniuria, si desertores Monasteriorum ad militiam Clericatus eligerentur: cū ex his qui in Monasteriis permanent, non nisi probatiores atque meliores in Clerum assumi soleant. Nisi fortē sicut vulgares dicunt: Malus choraula, bonus symphoniacus est; ita iidem ipsi vulgares iocari permittantur in Clericos, dicentes, Malus Monachus, bonus Clericus est, &c. *Epist.* 76.

Quod cū diceret, iam à Monachismo Augustinus ad Clericatum transierat: *ibid.* & ideo nihil mirum, si Byrrho fortassis vsus aliquando fuerit: *serm. 50. de diuers.* tametsi Byrrhum, non Ecclesiasticum aliquod, sed sæculare gestamen videri possit: *serm. 18. de verb. Apost. c. 10.* vel saltem vtrisque commune.

§. III.

Etiam in Europâ.

ET quoniam iam tum ipsius tempore, Insula Capraria incolebatur à Monachis, qui diuisis cellulis Ægyptios Patres Italiæ intulerant; eorundem Abbati Eudoxio, talia aliquando scripsit, qualia pōst in Africæ suæ Monachis vehementer optauit. Id contigisse videtur Anno circiter CCC. XCVIII.

Nam postquam eorum se Orationibus pari deuotione atque humilitate commendasset; Vos, inquit, fratres exhortamur in Domino, vt propositum vestrum custodiatis, & vsque in finem perseueretis: ac si quam operam vestram mater Ecclesia desiderauerit; nec elatione auidâ suscipiatis, nec blandiente desidiâ respuatis: sed miti corde obtemperetis Deo, cum mansuetudine portantes eum, qui vos regit, qui dirigit mites in iudicio, qui docet mansuetos vias suas. Nec vestrum otium necessitatibus Ecclesiæ præponatis, cui parturienti si nulli boni ministrare vellent; quomodo nasceremini non inueniretis.

Sicut autem inter ignem & aquam tenenda est via, vt nec exuratur homo, nec demergatur; sic inter apicem superbiæ, & voraginem desidiæ, iter nostrum temperare debemus, sicut scriptum est: Non declinantes neque ad dexteram, neque ad sinistram. Sunt enim qui dum nimis timent, ne quasi in dexteram rapti extollantur; in sinistram lapsi demerguntur. Et sunt rursus qui dum nimis se auferunt à sinistra, ne torpidâ vocationis mollitie sorbeantur; ex altera parte iactantiæ fastu corrupti atque consumti, in fauillam fumumque vaneſcunt.

Sic ergo dilectissimi diligite otium, vt vos ab omni terrena delectatio-

lectione refrænetis : & memineritis nullum locum esse , vbi non
 possit laqueos tendere , qui timet ne reuolemus ad Deum : & inimi-
 cum omnium bonorum , cuius captiui fuimus , vindicemus : nullam-
 quæ nobis esse perfectam requiem cogitemus , donec transeat iniqui-
 tas , & in iudicium iustitia conuertatur. *Epist. 81.* Postquam deinde
 docuisset omnia quæ agunt , ad Dei gloriam facere , qui operatur om-
 nia in omnibus ; ita concludit : Nec me importunum existimet cha-
 ritas vestra. Non enim hoc vos monui , quod vos non arbitror face-
 re ; sed credidi me non parum commendari Deo à vobis , si ea , quæ
 munere illius facitis , cum allocutionis nostræ memoriâ faciatis. Nam
 & antè iam fama , & nunc fratres qui venerunt à vobis , Eustathius &
 Andreas bonum Christi odorem de vestrà sanctâ conuersatione ad
 nos attulerunt. Quorum Eustathius in eam requiem præcessit , quæ
 nullis fructibus sicut insula tunditur ; nec Caprariam desiderat , quia
 nec cilicio iam quærit indui. *ibid.*

S. IV.

Vox Deo Gratias , Augustino & Augu- stinianis familiaris.

CVM verò Augustinus , Diui Pauli exemplo , vocem Deo Gratias , *1. ad Co-*
 frequens vsurparet , *diff. 2. cont. Fortun. in fine. l. 2. cont. Petil. c. 54. rinth. 15.*
& c. 92. l. 3. cont. Crescon. c. 34. & c. auctor fuit vt eadem vox , apud *& 2. ad*
 omnes passim frequentaretur , tum potissimum apud suos. Nam quid *Corinth.*
 melius , inquit , & animo geramus , & ore promamus , & calamo ex-
 primamus , quàm Deo gratias ? Hoc nec dici breuius , nec audiri la-
 tius , nec intelligi grandius , nec agi fructuosius potest. *Epist. 77.* Suâ
 igitur celebritate in nomen viri proprium tranlit : nam ad Deo gra-
 tias Carthaginensem diaconum librum scripsit De Catechizandis
 rudibus : *eiusd. l. c. 1.* & ad eundem iam forte Presbyterum , aut a-
 lium , Epistolam 49.

Interim cùm eam vocem Donatistæ reprehenderent , atque eius lo-
 co substitui mallent , quasi magis fortè Latinam , Deo laudes ; cùm ta-
 men alterâ etiam vli essent Traditores in Circensi Concilio , sub
 Secundo

Secundo Tigilitano; *l. 3. cont. Crescon. c. 37.* Hi, ait, Circumcelliones, etiam insultare nobis audent, quia fratres cum vident homines, Deo Gratias dicunt. Quid est, inquiunt, Deo Gratias? Itane surdus es ut nescias quid sit, Deo gratias? Qui dicit Deo gratias, gratias agit Deo. Vide si non debet frater Deo gratias agere, quando videt fratrem suum. Num enim non est locus gratulationis, quando se inuicem vident, qui habitant in Christo? Et tamen vos Deo Gratias nostrum ridetis, Deo laudes vestrum plorant homines. *Enarr. in Ps. 132.* Quod ideo dici existimo, quia inter furendum, per verbera & mortes Catholicorum, pronuntiare identidem solebant Circumcelliones, Deo laudes. Vide *l. 2. cont. Petil. c. 84.*

S. V.

Augustini Episcopi in omnibus modus & modestia.

IAm licet Episcopus Augustinus, eadem cum suis Clericis mensa utebatur: *Posid. c. 15. & 25.* quæ licet frugalis esset & parca; inter olera tamen & legumina, carnes aliquando habebat propter hospites, semper autem vinum. *Idem c. 22.*

Adhæc vestis eius, & calceamenta, & lectualia, ex moderato & competente habitu erant, nec nitida nimium, nec abiecta plurimum: *idem eod. c.* Obseruandum dumtaxat, vestes ipsius extimas è lanâ fuisse, propter eos qui lineam aliquam gestasse volunt: intimas verò lineas. Patet his verbis: Quæritur à nobis quid sit lana, quid sit linum? Lanam carnale aliquid puto, linum spiritale. Hoc conicere audeo ex ordine vestimentorum nostrorum: interiora sunt enim linea vestimenta, lanea exteriora. *serm. 45. de diuers.*

De hisce loquebatur, ubi ait: Fateor vobis, de pretiosâ veste erubesco, quia non decet hanc professionem, hanc admonitionem, hæc membra, hos canos. *serm. 50. de diuers.* Quapropter, quod paullò antè dixerat: Nolo talia offerat sanctitas vestra, quibus quasi ego solus decentius vtar. Offeratur mihi verbi gratiâ byrrhum pretiosum: fortè decet Episcopum, quamuis non deceat Augustinum, id est, hominem paupere-

pauperem, de pauperibus natum. Modò dicturi sunt homines, quia inueni pretiosas vestes, quas non potuissim habere vel in domo patris mei, vel in illa seculari professione mea. Non decet. Talem debeo habere, qualem possum. Si non habuerit, fratri meo dare. Qualem potest habere Presbyter, qualem potest habere decenter Diaconus & Subdiaconus; talem volo accipere, quia in commune accipio. Si quis meliorem dederit, vendo: quod & facere soleo: ut quando non potest vestis esse communis, pretium vestis sit commune. Vendo, & erogo pauperibus. Si hoc eum delectat ut ego habeam; talem det, vnde non erubescam. *serm. eod. de diuers.*

Porro de calceamentis agens: De his calceamentis, inquit, quibus calceati ambulamus, consolatur me Dominus meus. Si enim ipse calceatus non esset, non de illo Ioannes diceret: Non sum dignus soluere corrigiam calceamentorum. Sit ergo obediens, non surrepat superba duritia. *serm. 42. de sancta. 6.* Robur alioquin zelumque Alipii non dubius extulit, quod sui corporis fortissimus domitor, cum ad Baptismum à Cassiciaco rure Mediolanum properaret, Italicum solum glaciale nudo pede obtriuert, insolito aul. *l. 9. Conf. 6.*

Cochlearibus tantum argenteis vtens, cetera vasa, quibus mensæ cibi inserebantur, vel tellica, vel lignea, vel marmorea erant: non tam necessitatis inopia, quam proposito voluntatis. *Posid. cap. 22.* Prouentus etenim Ecclesiæ Hipponensis (quos nonnulli computant ad quadraginta aureorum millia) non fuisse ita tenues, colligi potest ex *Epist. 225.*

Sed neque tamen idcirco ad opes, quas ante reliquerat, rediisse dici potest. Nam ut inquit Proſper: Paullinus ingentia prædia quæ fuerunt sua, vendita pauperibus erogauit: sed cum postea factus esset Episcopus, non contemnit Ecclesiæ facultates, sed fidelissime dispensauit. Quo facto satis ostendit, & propria debere propter perfectionem contemni, & sine impedimento perfectionis, posse quæ sunt communia Ecclesiæ, possideri. Quid sanctus Hilarius? Nonne & ipse omnia bona sua, aut parentibus reliquit, aut vendita pauperibus erogauit? Is tamen cum merito perfectionis suæ, fieret Ecclesiæ Arelatensis Episcopus; quod illa tunc habebat Ecclesia, non solum possedit, sed & iam acceptis fidelium numerosis hereditatibus ampliavit. *l. 2. de vit. Contempt. c. 9.* Quod ipsum fecisse quoque Augustinum, constabit è dicendis inferius.

Q

Inter

Inter edendum, Lectionem magis vel disputationem, quàm epulationem potationemque diligebat. Summoperè autem detractiones oderat, quas ut longissimè arceret, adscribi in triclinio iusserat:

Quisquis amat dictis absentum rodere vitam,

Hanc mensam indignam nouerit esse sibi.

quod quidem religiosè adeò obseruauit, ut nec toleraret in eis, qui dignitate pares assidebant: quinimò se subduceret, si cohibere non posset. Id enim experienciâ se didicisse, horum oculatus testis Possidius scribit. cap. 22.

S. VI.

Sanctimonialium Auctor.

Sicuti viris, ita & feminis normam & regulam vitæ tradidit: *Epist.* 109. quarum instituto principium se dedisse insinuat his verbis: Non sic plantauimus & rigauimus hortum Dominicum in vobis, ut spinas metamus istas ex vobis. *eâd. Epist.* Studio enim mutandi Præpositam (quam tùm existimo Felicitatem fuisse, cui scribit *Epistolam* 87.) fuerant tumultuatæ. *ibid.* anno, ut nonnulli tradunt, Episcopatus ipsius circiter decimo sexto. Sed quæcumque illa fuerit; germanæ eius sorori (quæ, teste Possidio, vidua Deo seruiens multo tempore vsque in diem obitus sui Præposita ancillarum Dei vixit) successisse colligitur ex citata eius *Epistola* 109. vbi sic ait: Perseuerate in bono proposito, & non desiderabitis mutare Præpositam, quâ in Monasterio illo per tam multos annos perseuerante & numero & ætate creuistis: quæ vos mater non vtero, sed animo suscepit. Omnes enim quæ illuc venistis, ibi eam aut sanctæ Præpositæ sorori meæ seruientem, placentem; aut etiam ipsam Præpositam, quæ vos suscepit, inuenistis: sub illâ estis eruditæ, sub illa velatæ, sub illa multiplicatæ.

Absque eo tumultu quem diximus: Soleo, inquit, gaudere de vobis, & inter tanta scandala, quibus vbique abundat hic mundus, aliquando consolari, cogitans copiosam congregationem, & castam dilectionem, & sanctam conuersationem vestram, & largiorem gratiam Dei

Dei quæ data est vobis, vt non solum carnales nuptias contemnere-
tis, verumetiam eligeretis in domo societatem vnanimes habitandi,
vt sit vobis anima vna & cor vnum in Deum. Hæc in vobis bona, hæc
Dei dona considerans, inter multas tempestates, quibus ex aliis ma-
lis quatitur cor meum, solet vteunque requiescere. *ead. Epist.*

Vnde liquet quæ, qualisvè fuerit earumdem conuersatio: & nihilo-
minus seminarum Monasteria, non nisi vrgentibus necessitatibus,
ipse visitabat. *Posid. cap. 27.* Iam verò nulla, quantalibet ei consanguini-
tate propinqua, intra domum eius vnumquam versata est: ita erat
scandali omnis auertendi, & famæ exstimationisquæ suæ custodien-
dæ sollicitus. Ob quas causas dicebat, Numquam debere feminas
cum seruis Dei etiam castissimis, in vna manere domo. *Posid. cap. 26.*
Hanc in rem videri potest sermo 205. *de Temp.* Vnde si fortè rogatus
feminas aut viseret, aut salutaturas admitteret; aditabant Clerici
omnium arbitri, tametsi arcanum aliquid diceretur. *Posid. 27.*

§. VII.

Aliarum seminarum pius Doctor.

INterea & curam plurium aliarum in Christo gessit, quæ velatæ
non erant, vt neque per litteras instruere grauaretur.

Sic ANICIAE FALTONIAE PROBAE, coniugi quondam Pro-
bi, viri Consularis & Galliarum Præfecti, nobilissimæ opulentissi-
mæque viduæ, Poëtria elegantissimæ, & Virgilio-Centonom au-
ctori, præscribit, quomodo fructuosè Deus orandus sit. *Epist. 121.* de
quâ femina Hieronymus: Proba illa, omnium dignitatum, & cunctæ
nobilitatis in orbe Romano nomen illustrius: cuius sanctitas, & in
vniuersos effusa bonitas, etiam apud barbaros venerabilis fuit: quam
trium liberorum Probi, Olybrij & Probi, non fatigarunt ordina-
rij consulatus. *Hieron. Epist. 8.* plura Claudianus in Panegyrico Probi-
ni & Olybrij.

Sic ANICIAM IVLIANAM iam dictæ Probae filiam, viduam
Clodij Hermogeniani Olybrij, matrem Demetriadis virginis san-
ctimoniam professæ (de quâ proculdubio agit Epistola 179. ad Pro-
bam

bam & Iulianam conscriptâ) seriò monet: Nè patiat^{ur} eam cuiusdam fallaci, licet elegante Epistolâ, duci in fraudem, perperamque sentire de bonis spiritualibus, tamquam ex se, suâque voluntate ea haberet. *Epist.* 143. ipsam autem Iulianam matrem docet, bonum esse si vidua permanferit secundum Apostoli consilium. *l. de bono viduit.*

Sic FLORENTINAM, puellam pietatis veræque sapientiæ amore flagrantem, monet, vt si quid doceri cupiat, interroget. Id enim si sciuerit, non negabit: vel si ita nesciuerit, vt nullo fidei salutisque detrimento nesciat; faciet eam de hoc quoque redditâ ratione securam: aut si nesciat, & tamen sciendum sit; vel impetrabit à Domino, quia sæpè officium impertiendi, est meritum impetrandi: vel ita respondebit, vt ipsa nouerit pro hac re quam pariter nesciunt, ad quem pullare debeant. *Epist.* 132.

Sic ITALICAM, (quam feminam illustrem Euodius appellat, *Epist.* 247.) consolatur super morte mariti, & refellit eos, qui Deum oculis corporeis videri docebant: *Epist.* 6. cuius argumenti gratiâ, scripsit iterum ad *Paulinum*. *Epist.* 112.

Sic SELEVCIANAM instruit super Petri baptismo & pœnitentiâ, vt Nouatianum aliquem lucrari possit Ecclesiæ. *Epist.* 108.

Sic consolatur MAXIMAM, feminam studiosam, super afflictione Barbarorum & Donatistarum. *Epist.* 141.

Sic ECDICIAM grauit^{er} reprehendit, quod dum pari cum marito consensu Continentiam ambo vouissent; ipsa resiliendi marito occasionem dederit: eo quod absque eius scitu & veniâ, omnia vel penè omnia quæ habebat, duobus transeuntibus Monachis, tamquam pauperibus eroganda dedisset. Quapropter monet eam, vt à marito veniam petat, &c. *Epist.* 199. Ex qua Epistolâ patet, nigellis vestibus vti deuotas consueuisse.

Sic FELICIAM virginem, quæ malâ quorundam Pastorum Ecclesiæ vitâ, non leuiter offendebatur, hortatur nè propterea vnitatem Ecclesiæ deferat. *Epist.* 209.

Sic denique SAPIDAM, Deo deuotam virginem, pari efficaciâ & suauitate consolatur super morte Timothei, fratris sui, Diaconi Carthaginensis: cui cum tunicam suis manibus Sapida contexuisset; eo mortuo donauit Augustino, qui tum illam vestire cœperat, quando suis litteris mœstam virginem consolabatur: *Epist.* 248. vt videas non minori paupertatis, quàm benignitatis studio, virum facillimum, omnibus-

nibusque factum omnia, incubuisse.

Quapropter sicuti horum trium Ecclesiæ membrorum, puta Populi, Cleri, & Sanctimonialium, ut nunc demonstratum est, curam impense gessit; ita pro eisdem Deiparam interpellans, Ora pro populo, interueni pro Clero, intercede pro deuoto femineo sexu, inquit, *serm. 18. de Sanct.*

Videri potest, ad omnes generaliter feminas spectare, quod de fucis & pigmentis faciei recitat ex Cypriano & Ambrosio, huiusce corruptelæ grauilimis castigatibus, *l. 4. de doct. Christ. c. 21.* Etenim fucari pigmentis, quò vel rubicundior vel candidior femina appareat, adulterina fallacia est: quã ne mariti quidem decipi volunt, quibus solis permittendæ sunt feminae ornari secundum veniam, non secundum imperium. Nam verus ornatus, maximè Christianorum & Christianarum, non tantum nullus fucus mendax, verum ne auri quidem vestisque pompa, sed mores boni sunt. *Epist. 73.* Vbi etiam ait; Capillos nudare, nec maritatus decet. Monet tamen Possidium Episcopum, ut de ornamentis auri vel vestis præproperam non habeat in prohibendo sententiam, nisi in eos, qui neque coniugati, neque coniugari cupientes, cogitare debent quomodo placeant Deo. *ead. Epist.*

C A P V T V.

SCRIBIT EPISCOPVS.

§. I.

Scribit ad Simplicianum.

Episcopus igitur Augustinus, cuius ingenium pristina conuersatione Simplicianus Ecclesiæ Mediolanensis Antistes, qui beatissimo successit Ambrosio, exploratum habebat; interrogatus ab eo, in quibusdam Apostoli Pauli, aliisque librorum Regum difficultatibus, duos ad Simplicianum libros edidit: quorum primo expediuit, quæ-
Anno 327.

Q 3

stiones

ationes ex Epistolâ ad Romanos: secundo, quæstiones ceteras, quæ ex libro quem dixi, propositæ erant. *l. 2. Retract. cap. 1.*

Sicuti verò primi fuerunt hi libri, quos Episcopus elucubrauit; ita correxit iisdem errorem, quem Presbyter hauserat in expositione Epistolæ ad Romanos, de quâ suprâ; existimans initium fidei in nobis, ex nobis esse. *lib. 1. Retract. cap. 2 2.* Neque enim fidem putabat Dei gratiâ præueniri, ut per illam nobis daretur quod posceremus utiliter; nisi quia credere non possemus, si non præcederet præconium veritatis. Ut autem prædicato nobis Euangelio consentiremus, nostrum esse proprium, & nobis ex nobis esse arbitrabatur. *l. de Prædest. Sanct. cap. 3.*

Quamquam ergo de fide & operibus ita sensisset olim, laborans de commendanda Dei gratiâ, ut nonnulla opuscula ipsius satis indicant, ante Episcopatum conscripta: nihilominus quæstionem hanc, secundum veritatem diuinarum Scripturarum, in primo libro duorum, quos ad Simplicianum scripsit, solutam exhibuit. *eod. l. cap. 4.* In cuius solutione elaboratum est quidem pro libero Arbitrio, sed vicit Dei Gratia. *l. 2. Retract. cap. 1.*

Quanti autem Simplicianum, magistrum suum, fecerit Augustinus; coniici non obscure potest ex litteris, quas ad illas Simpliciani reposuit, dum ait: Vnde autem tantâ exorta est felicitas litterario labori nostro, quo in Librorum quorundam conscriptione sudauimus; ut à tuâ dignatione legerentur? nisi quia Dominus, cui subdita est anima mea, consolari voluit curas meas, & à timore recreare, quo me in talibus operibus necesse est esse sollicitum, necubi fortè indolentior vel incautior, quamuis in planissimo campo veritatis, offendam? Cum enim tibi placet, quod scribo; noui cui placeat, quoniam quis te inhabitet noui. Idem quippè omnium munerum spiritualium distributor atque largitor, per tuam sententiam confirmabit obedientiam meam. Quidquid enim habent illa scripta, delectatione tuâ dignum; in meo ministerio dixit Deus, Fiat, & factum est: in tuâ verò approbatione, Vidit Deus quia bonum est. *Epistol. prælim. ad ll. ad Simplician.*

Tam tum igitur, non solum per omnes Africanas partes, verum etiam in Transmarinis, & per libros editos, atque in Græcum sermonem translatos, ab vno Augustino, atque per illum multis, fauente Dæo, multa innotescere meruerunt, vidente & inuidente, sed frustra, Hæresi.

Hæresi. *Posid. cap. 11.* Nam quemadmodum ab initio Presbyterij fui aduersus Africanas hæreses atque errores, maximè contra Manichæos & Donatistas, prædicare & scribere strenuissimè cœperat; *Posid. cap. 7.* ita facere Episcopus perrexit.

§. 11.

Contra Epistolam Fundamenti.

ERat Epistola Manichæi, quam vocant Fundamenti, vbi totum penè quod Manichæi credunt continetur: *l. cont. Epist. Fund. cap. 5.* siue, vbi doctrinæ Manichæorum initium, medium, & finis continetur. *l. 2. de Act. cum Felice cap. 1.* Hanc vno libro confutans, adeoque Manichæismi Fundamentum subuertens (quod ruinosum vocat; *lib. cont. Secund. c. 3. & l. de Nat. Boni cap. 42.*) Catholicismi vnicum firmissimumque iacit, *l. 2. Ret. c. 2.*

Vt enim nihil de sapientiâ dicat, quæ sincerissima in Ecclesiâ Catholica traditur, tamen hoc non credant Manichæi; multa fatetur esse alia, quæ in Catholicæ gremio iustissimè eum teneant. Tenet, inquit, consensio populorum atque gentium, tenet auctoritas miraculis inchoata, spe nutrita, charitate aucta, vetustate firmata: tenet ab ipsâ Sede Petri Apostoli, cui pascendas oues suas post Resurrectionem Dominus commendauit, vsque ad præsentem Episcopatum successio: tenet postremò ipsum Catholicæ nomen, quod non sine causâ inter tam multas hæreses sic ista Ecclesia sola obtinuit, vt cum hæretici se Catholicos dici velint, quærenti tamen peregrino alicui, vbi ad Catholicam veniatur, nullus hæreticorum vel Basilicam suam, vel domum audeat ostendere. Ista ergo tot & tanta Christiani hominis clarissima vincula, rectè hominem tenent credentem in Catholica Ecclesia, etiam si propter nostræ intelligentiæ tarditatem, vel vitæ meritum, nondum se apertissimè ostendat. *l. cont. Epist. fund. cap. 4.* Horum verò omnium, sicuti nihil apud Manichæos tum fuisse testatur; *cod. l. & cap.* ita neque est apud vltos hodie hæreticos.

Quod autem successionem Sacerdotum attinet, à Petro vsque ad Episcopatum, qui tenebatur tempore Augustini; illam recenset Epistola

Stolâ 165. quo in loco, vsus est eodem argumento veritatis Ecclesiæ contra Donatistas, sicuti & nonnumquam alibi. *l. 3. cont. Cresc. cap. 18.* contra Manichæos verò, præterquam loco citato, etiam *l. 1. cont. Aduers. leg. & Prophet. cap. 20. in princ. & l. de vitil. cred. cap. 17.* vbi dicit: Ecclesiæ eiusmodi fundamentis fultæ, nolle primas dare; vel summæ profectò impietatis est, vel præcipitis arrogantia.

S. III.

Scribit de Agone Christiano.

Sequitur Liber, quem scripsit fratribus in eloquio Latino ineditis, humili sermone: continetque fidei regulam, & præcepta viuendi: cui titulum fecit, De Agone Christiano, *l. 2. Retract. cap. 3.*

In hoc Libro postquàm monuisset, debere nos primùm cognoscere quis sit ille aduersarius, quem si legitimè certantes vicerimus, coronabimur; docuissetque ex Apostoli verbis, Non esse nobis colluctationem aduersus carnem & sanguinem, sed aduersus rectores tenebrarum harum, aduersus spiritalia nequitia in cælestibus: delabatur ad Manichæorum errores, quos opera pretium est ex illo cognoscere.

Non ergo arbitremur, inquit, in summo cælo habitare diabolum cum angelis suis, vnde lapsum esse credimus. Sic enim errauerunt Manichæi, qui dicunt ante mundi constitutionem fuisse gentem tenebrarum, quæ contra Deum rebellauerit. In quo bello credunt miseri, omnipotentem Deum, non sibi aliter potuisse succurrere; nisi partem suam, contra eam gentem mitteret. Cuius gentis principes, sicut illi dicunt, deuorauerunt partem Dei, & temperati sunt, vt posset mundus de illis fabricari. Sic dicunt Deum peruenisse ad victoriam, cum magnis calamitatibus & cruciatibus & miseriis membrorum suorum: quæ membra dicunt esse commixta tenebrosis visceribus Principum illorum, vt eos temperarent, & à furore compescerent. Et non intelligunt tam sacrilegam esse suam sectam, vt credant omnipotentem Deum, non per creaturam quam fecerit; sed per ipsam naturam suam bellasse cùm tenebris: quod nefas est credere. Neque hoc solum, sed etiam illos qui victi sunt, factos

Aos esse meliores, quia furor eorum compressus est : Dei autem naturam qui vicit, factam esse miserrimam.

Dicunt etiam eam, per ipsam commixtionem perdidisse intellectum & beatitudinem suam, & magnis erroribus & cladibus esse implicatam. Quam si aliquando vel totam purgari dicerent, magnam tamen impietatem contra omnipotentem Deum affirmarent, cuius partem crederent tanto tempore, in erroribus & pœnis esse iactatam, sine aliquo peccati crimine. Nunc verò infelices audent adhuc dicere, nec totam posse purgari : & ipsam partem quæ purgari non potuerit, proficere ad vinculum, vt inde inuoluatur & illigetur malitiæ sepulchro : & sic ibi semper sit pars ipsa Dei misera, quæ nihil peccauit, & affligatur in æternum carcere tenebrarum.

Hoc illi dicunt, vt simplices animas fallant. Sed quis tam simplex est, vt ista non sentiat esse sacrilega, quibus affirmant omnipotentem Deum, necessitate oppressum esse, vt partem suam bonam & innocentem, tantis cladibus obruendam, & tantâ immunditiâ inquinandam daret, & non totam liberare posset : & quod liberare non poterat, æternis vinculis colligaret ? Quis ergo ista non execretur ? Quis non intelligat impia esse, & nefanda ?

Sed illi quando capiunt homines, non ista priùs dicunt : quæ si dicerent, riderentur, aut fugerentur ab omnibus. Sed eligunt capitula de Scripturis, quæ simplices homines non intelligunt, & per illa decipiunt animas imperitas, quærendo vnde sit malum ? Sicut in isto Capitulo faciunt, quo ab Apostolo dictum est : Rectores harum tenebrarum, & spiritualia nequitie in cælestibus. Quærunt enim deceptores illi, & interrogant hominem Scripturas diuinas non intelligentem, Vnde sint in cælo rectores tenebrarum ? Vt cum respondere non potuerit, traducatur ab eis per curiositatem : quia omnis anima indocta curiosa est. Qui autem fidem Catholicam bene didicit, & bonis moribus & verâ pietate munitus est ; quamuis eorum hæresim nesciat, respondet eis tamen. Nec enim decipi potest, qui iam nouit quid pertineat ad Christianam fidem, quæ Catholica dicitur, per orbem terrarum sparsam : & contra omnes impios & peccatores, negligentes autem sui, Domino gubernante securam.

l. de Agon. Christ. c. 2. & 4.

R

§. IV.

§. IV.

Contra Manicheos pluria.

Videri & de eorumdem doctrinâ potest *Epist. 74.* quâ Deuterio significat,prehendisse se Mallianensem quemdam Subdiacōnum Victorianū, ætate iam senem, sectâ Manichæum: qui sub nomine Clerici Hippone latitans, intolerabiles blasphemias, quas ibi enumerat, quasi Catholicus non solū credebat, sed quibus viribus poterat, edocebat. Quapropter coërcitum illum, cū pellendum de ciuitate curasset, Deuterio duxit intimidandum, vt à Clericorum gradu congruè Ecclesiasticâ seueritate deiectus, cauendus omnibus innotescat: petenti autem pœnitentiæ locum, tunc credatur, si & alios quos illic nouit esse, manifestauerit, non solū in Mallianâ, sed in ipsâ totâ omninò prouinciâ. *hec ibi.* Moris enim fuisse, vt ad extirpandam funditus Manichæorum perniciem, eiusdem erroris noxi proderentur; patet ex additamento, quod reperitur in quidusdam codicibus, ad calcem libri De hæresibus: quo Felix, de quo infrâ, post Manichæum anathematizatum, plures nominat vtriusque sexus, huius hærescos pestilentia infectos. Vide Leonem Magn. *Epist. 2.*

Ad similem modum Presbyterum quemdam eiusdem sectæ, qui deuicto antea Fortunato successerat, sine causâ tergiuersantem, cū longè appareret qualis esset, adeoque seducentem Catholicos Hippone detexit. Qui cū pestilentem doctrinam suam, ratiunculis quibusdam firmare velle videretur, hoc aliquando responsum accepit: Denuntio tibi in nomine Christi, vt si paratus es, solue questionem in qua defecit præcessor tuus Fortunatus, & ita hinc ierat vt non rediret, nisi cum suis disputatione collatâ inueniret, quid contra respondere posset, disputans cum fratribus. Si autem ad hoc non es paratus; discède hinc, & noli peruertere vias Domini, & illaqueare & venenis inficere animas infirmas: ne adiuuante dextera Domini nostri, quomodo non putaueris, erubescas. *Epist. 244.* Consuli potest *l. de hæresib. har. 46. l. 19. cont. Faust. c. 22.*

§. V.

S. V.

Faustum refellit.

INter eosdem Manichæos Faustus fuit, gente Afer, ciuitate Mileuitanus, eloquio suavis, ingenio callidus, sectâ Manichæus, ac per hoc nefando errore peruersus. Nouerat Augustinus hominem, quem admodum commemorauit in libris Confessionum suarum. Hic, quoddam volumen edidit aduersus rectam Christianamque fidem, & Catholicam veritatem: *l. 1. cont. Faust. c. 1.* in quo blasphemabat legem & Prophetas, & eorum Deum, & incarnationem Christi: Scripturas autem Noui Testamenti, quibus conuincebatur, falsas esse dicebat. *l. 2. Retr. c. 7.* Quod cum venisset in manus ipsius, lectumque esset à fratribus; desiderauerunt, & iure charitatis, per quam eis seruiebat, flagitauerunt, vt ei responderet. *l. 1. cont. Faust. c. 1.*

Fecit: scripsitque grande opus, verbis Fausti propositis reddens responsiones suas. Triginta & tres disputationes sunt, siue etiam libri: nam etsi sunt in eis aliqui perbreues, tamen libri sunt: *l. 2. Retr. c. 7.* vt omnes qui hæc legent intelligant, quàm nihil sit acutum ingenium & lingua expolita, nisi à Domino gressus hominis dirigantur. Quod multis etiam tardioribus & inuolidioribus, occulta æquitate diuinæ misericordiæ præstitam est, cum multi acerrimi & facundissimi, deserti adiutorio Dei, ad hoc velociter & pertinaciter currebant, vt à veritatis via longius aberrarent. *l. 1. cont. Faust. c. 1.*

Quàm fortiter, quàmque suauiter; quantâ elegantia, quantoque nitore; quanto acumine & sale, totidem hisce libris Fausto respondeat, Manichæorum deliramenta subuertat, Scripturam sacram, & purissimam Christi fidem asserat & roboret; nullis verbis explicari potest: vt dici non immerito queat, in aliis operibus demonstrasse cum eruditione ingenium suum; in refutandis hæreticis, seipsum superasse.

Ceterum Faustus aliquando conuictus vel confessus, quod Manichæus esset, cum aliis nonnullis secum ad iudicium Proconsulare perductis (eis ipsis Christianis, à quibus perducti erant intercedenti-

R. 2

bus)

bus) leuissimâ penâ (si tamen illa pœna dicenda est) in Insulam relegatus est: quod suâ sponte, quotidie serui Dei faciunt, se à turbulento strepitu populorum remouere cupientes: & vnde publica terrenorum Principum vota solent relaxare damnatos. Non enim multò post, inde omnes eâdem sollemni sorte dimissi sunt. l. 5. *cont. Faust. c. 8.*

Vt verò deprimat arrogantiam Fausti, quâ gloriabatur se persecutionem propter iustitiam passum; monet eum, vt discerneret quid sit persecutiones pati pro blasphemiâ, & persecutionem pati pro iustitiâ. *ibid.*

Quoad alias porrò vanitates, quibus intumescibat; ait se nolle inuehi in Fausti delicias, notas omnibus Auditoribus Manichæorum, eis maximè qui Romæ erant. *cod. l. c. 7.* vt videas fuisse hominem de patricio hæreticorum & hypocritarum ordine.

S. VI.

Alia contra Manichæos acta & scripta.

Anno
399.

Vetita deinde sunt Manichæorum contubernia, lege Honorij Imperatoris, latâ Conf. Manlio Theodoro, Mediolani 17. Kal. Iunij, l. 35. *de hæret. Cod. Theod.* quòd essent ob flagitia & sacrilegia, publicè infamia, vt patet ex iis quæ refert Augustinus, l. *de nat. boni c. 44. & seqq.* neque solâ theoriâ tradebantur, sed erant in calidâ praxi, non tantùm in Paphlagoniâ, sed etiam in Galliâ, sicuti à quodam Romæ Christiano Catholico audiuerat. *lib. de nat. boni cap. 47.*

Cùm itaque Carthagine, tametsi pauculis post hæc annis, vt annotabimus inferiùs, per quemdam domus Regiæ Procuratorem, nomine Vrsum, fidei Catholicæ hominem, Manichæorum nonnulli, quos Electos vel Electas dicunt, comprehensi forent; ad Ecclesiam ab eodem perducti sunt, & ab Episcopis ad tabulas auditi. Aderat inter eos Augustinus, qui præ ceteris illam execrabilem sectam nouerat: cumque damnabiles illorum blasphemias, ex libris ipsorum Manichæorum prodidisset; ad confessionem earumdem blasphemiarum

rum comprehensos perduxit. Vnde contigit vt Gestis Ecclesiasticis innotescerent, quæ inter se illi, malo more suo, indigna & turpia facere consueuerant: præsertim confessione seminarum, quæ dicebantur Electæ. *Possid. c. 16.* Ista quæ in specie fuerint sordida & impia, refert Augustinus ipse *l. de hæres. har. 46.* vbi Vrsus tribunum, vocat domus Regiæ præfectum, seminarumque nomina edit, Margaritæ & Eusebiæ. Videri quoque potest *Liber de nat. boni locis cit.* hoc circiter tempore conscriptus.

Nam cum inter Manichæorum crassos errores, hic esset de patrio genere, Deum violabilem, mutabilem, & corruptibilem esse; vt illum destrueret, scripsit aduersus eisdem librum De Natura Boni: vbi distenditur naturam incommutabilem Deum esse, ac summum bonum, atque ab illo esse ceteras naturas, siue spirituales siue corporales, atque omnes in quantum naturæ sunt, bonas esse: & quid vel unde sit malum: & quanta mala Manichæi ponant in naturâ boni, & quanta bona in naturâ mali, quas naturas finxit error ipsorum. *lib. 2. Retract. c. 9.*

At verò Secundinus quidam, non ex eis quos Manichæi Electos, sed ex eis quos Auditores vocant, quem nec facie quidem nouerat. (Romanus enim Romæ agebat, vt ex Epistola eiusdem ad Augustinum patet) scripsit ad Augustinum veluti amicus honorificè obiurgans, quòd illam hæresin litteris oppugnaret: admonens ne faceret, atque ad eam potius sectandam exhortans, cum eius defectione & fidei Catholicæ reprehensione. Huic vno volumine respondit, cui titulus est: Contra Secundinum Manichæum: quod ipsum omnibus, quæ aduersus illam pestem scribere potuit, facillè præponit. *libro 2. Retract. cap. 10.*

Alia complura quæ contra eosdem elucubrauit, enumerat *Possid. Indic. c. 1.* vt non immeritò in Cresconio, qui Manichæismum ei obiecerat, respondeat Donatistis omnibus, hisce verbis: Cum contra Manichæos, qui me adolescentulum aliquando deceperant, mea tanta scripta, qui voluerit legere possit, non vsque adeò desipit, vt de me credat potius vestris verbis, quàm oculis & sensibus suis. *l. 3. cons. Crescon. c. 79.* Quibus iisdem verbis, Iuliano Pelagiano, idem oblianti, pridem antè satisfecisse videri potest.

Post Librum contra Secundinum, sequitur contra Hilarium Tribunium, hominem profanum & irreligiosum: sed qui non exstat. *l. 2. Retract. c. 11.*

R 3

§. VII.

§. VII.

*Scribit de doctrina Christiana: & Libros
Confessionum.*

Sed neque interea scribere omisit, quorum ad omnes indiscretè
utilitas dimanaret: ideoque succedunt Libri De doctrina Chri-
stiana, quos Presbyter inchoavit, & demum Episcopus absolvit, cum
sub operum omnium Retractationem imperfectos reperisset. *lib. 2.*
Retract. 4.

His adiecit tredecim Confessionum suarum: qui de malis & de
bonis eius, Deum laudant iustum & bonum, atque in eum excitant
humanum intellectum & affectum. Hoc epim in se egisse cum scri-
berentur, & agere cum leguntur, testatur: nihil sollicitus, quid de
illis alij sentiant. *l. 2. Retract. c. 6.* Quid enim meorum, inquit, opu-
sculorum frequentius & delectabilius innotescere potuit, quam libri
Confessionum mearum? *l. de don. persec. cap. 20.* Quapropter dicebat
in iisdem: Tu medice meus intime, quo fructu ista faciam, aliqua
mihi. Nam Confessiones præteritorum malorum meorum, quæ re-
misisti & texisti, ut beares me in te, mutans animam meam fide &
sacramento tuo; cum leguntur & audiuntur, excitant cor ne dormiat
in desperatione, & dicat, Non possum: sed euigilet in amore miseri-
cordiæ tuæ, & dulcedine gratiæ tuæ, quâ potens est omnis infirmus,
qui sibi per ipsam sit conscius infirmitatis suæ. Et delectat bonos,
audire præterita mala eorum, qui iam carent eis. Nec ideo delectat
quia mala sunt; sed quia fuerunt, & non sunt, &c. *libro 10.*
Conf. cap. 3.

Rursus: Numquid Domine, cum tua sit æternitas, ignoras quæ
tibi dico? aut ad tempus vides, quod sit in tempore? Cur ergo tibi
tot rerum narrationes digero? Non utique, ut per me noueris ea: sed
affectum meum excito in te, & eorum qui hæc legunt; ut dicamus
omnes, Magnus Dominus, & laudabilis valde. Iam dixi, & dicam,
Amore amoris tui facio istud. *l. 11. conf. c. 1.*

§. VIII.

S. VIII.

*Quaestiones, Annotationes, in Matthaeum,
Lucam, Iob.*

HOsce deinde Libros secuta sunt quaedam Expositiones quorundam locorum ex Euangelio secundum Matthaeum, & alia similiter secundum Lucam: in vnum librum illarum, in alterum istae redactae. l. 2. Ret. c. 12. Nam quo ordine interrogabat, qui, quod in Euangelistis legebatur, non intelligebat; eodem expositum est. Ideo & multa, & forte obscuriora praetermissa sunt, cum iam ante ea sciret. *Prolog. ad qq. Euang.*

Annotationes in Iob, utrum opus suum, an aliorum esse velit, qui eas redegerunt in vnum corpus; non facile dixerit. Nam praeterquam quod videri possit imperfectum; in codicibus quos habebat, erat admodum mendosum. l. 2. Ret. c. 13.

Sed non ob id, quod humiliter ipse, modesteque sensit de hisce Annotationibus; praetereunda est eloquentia ipsius, quam in tanti Prophetae commendanda patientia aliquando explicuit. Nam posteaquam ostendisset, aliud esse per extremum hostem & corporalem; aliud per intimum & spiritalem, hoc est diabolum exerceri, siue per afflictas eiusdem etiam extrinsecus: Talem, inquit, illum Iob sanctus expertus est, utraque tentatione vexatus, sed in utraque stabili patientiae robore, & armis pietatis inuictas. Nam prius illa fo corpore, cuncta quae habebat amisit; ut animus ante suae carnis cruciatum, subtractis rebus quas magni pendere homines assolent, frangeretur: & aduersus Deum loqueretur aliquid his amissis, propter quae illam colere putabatur.

Percussus etiam omnium subita orbitate filiorum, ut quos sigillatim susceperat, simul perderet: tamquam eorum numerolitas, non unde felicitas oriretur, existerit; sed unde calamitas augeretur. Vbi autem ista percellis in Deo suo mansit immobilis; eius affixus est voluntati, quem non posset amittere nisi propria voluntate: & pro his quae perdidit, eam qui abstulit tenuit, in quo incederet

niret quod numquam periret. Neque enim ille abstulerat, qui nocendi habuit voluntatem, sed ille qui dederat potestatem.

^{Aderat} ~~Ad~~ eius erat inimicus & corpus: nec ea quæ homini extrinsecus inerant, sed ipsum iam hominem, in quâ potuit parte, percussit. A capite usque ad pedes ardebant dolores, scatebant vermes, fames defluebat: manebat in putrido corpore animus integer, horrendosque cruciatus carnis contabescentis, inuiolatâ pietate, & incorruptâ patientiâ perferebat. Aderat vxor, nec ferebat opem aliquam viro, sed in Deum blasphemiam suggerebat. Etenim eam diabolus, cum etiam filios abstulisset, tamquam nocendi peritus, reliquerat; quæ quantum esset necessaria tentatori, iam in Euâ didicerat: sed modò alterum Adam, quem per mulierem caperet, non inuenerat. Cautior fuit iste in doloribus, quàm ille in nemonibus: ille victus est in deliciis, iste vicit in pœnis: consensit ille in oblectamentis, non cessit iste in tormentis.

Aderant & amici: non vt in malis consolarentur, sed vt mala suspicarentur. Neque enim eum qui tanta patiebatur, innocentem esse credebant: nec tacebat eorum lingua, quod illius conscientia non habebat: vt inter immanes cruciatus corporis, etiam falsis animus caderetur opprobriis. At ille sustinens in carne dolores suos, in corde errores alienos; coniugis corripiebat insipientiam, amicos docebat sapientiam, seruabat vbique patientiam. *l. de patient. c. 11. & 12. vide de Mor. Eccl. Cath. c. 23.*

S. IX.

Libri de Trinitate inchoati: de Consensu Evangelistarum conscripti, &c.

Sequitur Liber de Catechizandis rudibus; *l. 2. Retract. c. 14.* ac quindecim de Trinitate, sed quos scripsit per aliquot annos: mirabili profunditate, vt inquit Cassiodorus. Sub eis enim elucubrauit quatuor de Consensu Evangelistarum continuo labore, alios interrupto: & nihilominus quos de Trinitate inchoarat, cum eorum duodecimum nondum perfecisset, subtracti sunt ei minùs emen-

emendati, quàm esse deberent ac possent, vt ederentur: idque ab eis, qui vehementer illos habere cupiebant: *l. 2. Retract. cap. 15. & 16.* de quo postea latius.

Addam hic dumtaxat iudicium præstantissimi Cassiodori, de Consensu Euangelistarum: Ioannem, inquit, beatus Augustinus, copiosa & insigni expositione lucidauit: qui etiam de Concordia Euangelistarum, quatuor Libros, subtilissimam nimis, & necessariam disputatione complexus est. *l. de diuin. lect. cap. 7.*

Porro cetera ab eo in Episcopatu conscripta, tam Didactica quàm Polemica; sequentibus Libris, quibus & scribendi occasio ab ipsis plerumque fontibus arcessitur, enarrabimus.



S

LIBER

VITÆ D. AVRELII.
 AVGVSTINI
 LIBER SECVNDVS.



*S*cribens ad Augustinum Hieronymus, dicebat: Maacte virtute, in orbe celebraris. Catholici te conditorem antiqua rursus fidei venerantur atque suspiciunt: & quod signum maioris glorie est, omnes heretici detestantur. Epist. 25. Quod licet de Donatistis precipue intellexisse, quorum validus perpetuusque malleus fuit, aliquorum ferat opinio; attamen & de Pelagianis, suo loco ostendemus esse manifestum.

His antiquiores Donatistae, siue, quod magis placebat Cresconio, Donatiani; primum propter Cacilianum, contra suam voluntatem ordinatum Ecclesia Carthaginiensis Episcopum, schisma fecerunt: quod deinde firmata dissensione, verterunt in haeresin. August. Hær. 69. Sed non fuit ab initio unica & simplex schismatis inchoati siue causa, siue persona; ast varia, & multiplex.

Quia verò Augustini sollertia videri penitus haud potest, neque libri ipsius plurimi intelligi; nisi res Donatistica cognoscantur: statui-
 mus earum historiam ab origine repetere, neque tamen longè errare ab Augustino: ut qui iuxta cum Optato Milevitano Episcopo, imò (cum Optatum plerumque explicet atque illustret) uberius eas posteris reliquit.

CAPVT

CAPVT I.

ORIGO SCHISMATIS
DONATISTICI.

S. I.

*Diocletiani & Maximiani persecutio in
Christianos.*

ANno Christi circiter trecentesimo tertio, Diocletianus & Ma- Anno
ximianus Augusti, postquam antea duos Caesares Constan- 303.
tium & Galerium adsciuissent, persecutionem suam orsi sunt. Id non
vno loco obseruatum ab Augustino est, quando plusquam quadragin-
ta annos, inter Cypriani passionem & diuinorum Codicum exustio-
nem, fuisse ait, l. 5. de Bapt. cap. 1. & l. 7. c. 2. Sed hoc memorabile, quod
scribit Eusebius, non alia de causa Deum, hanc persecutionem
Christianis infligi passum, quam quod ipsi post longam temporum
tranquillitatem, cum apud omnes haberentur in pretio, nimia licen-
tia prolapsi sint in molliem delicatam, & dissolutam segnitiam: cœ-
perintque alijs alijs inuidere, maledictis insectari, & petulantibus in-
uicem linguis, tamquam mutuis armis, oppugnare: ipsi præfides Ec-
clesiarum, alter alterius vires infringere: & populus in populum se-
ditionem concitare: omnium denique animos hæc & adumbrata
sanctitatis species inficere. Euseb. l. 8. cap. 1.

Anno igitur decimonono imperij Diocletiani, mense Martio, cum
salutaris Passionis Dominicæ solum præ foribus esset; omnibus in
locis palam edictum fuit, vt Ecclesiæ deturbarentur: sacri Codices
absumerentur igni: Episcopi, Sacerdotes, aliique, de gradu depone-
rentur: privati denique si perstarent in Christiana professione, liberta-
te multarentur. Euseb. l. 8. c. 3. Hoc erat primi Edicti carmen.

S 2

Secutum

Secutum mox secundum : quo iussi sunt omnes Ecclesiarum Principes vbique in carceres compingi, adhibitisque omnibus machinis, victimas Idolis immolare. Contra vniuersam fidelium multitudinem effusi denique Tyranni, quotquot eiurato Christo, diis immolare nollent; indiscretè quà viros quà feminas cuiuslibet ætatis, necari præcipiunt.

In hoc studium iucumbentibus Præfectis, Iudicibusque omnibus, imò Imperatoribus ipsis : in Oriente Diocletiano cùm genero suo Galerio, huius mali præcipuè architecto; in Occidente Maximiano: decima post Neronem excitata persecutio est, omnibus ferè præteritis diuturnior. *Oros. l. 7. cap. 25.* Per decem enim annos acta est : neque regio fuit, aut ciuitas penè vlla, quam non peruaserit : vnicâ Galliâ cum vicinis aliquot Prouinciis, exceptâ : quæ quia Constantio, viro & mitissimi ingenij, & nostrarum partium ac religionis, parebat; sola, freudentibus licet Augustis, abiit immunis.

Alibi Paschalibus diebus æquabantur Ecclesiæ solo : profanis publicisque ignibus dabantur Codices sacri, vasa & ornamenta. Quos Christiana constantia & pietas, ea premere iubebat; rapiebantur in carceres : qui pleni vbique erant Episcopis, Presbyteris, Diaconis, eruditione & virtute clarissimis : nobilibus & honoratis, tum viris, tum feminis & pueris. Dixisses in latronum & parricidarum conditionem & supplicia, innocentiam ac religionem successisse. Tantus quippè numerus erat talium; vt vnico interdum mense, septemdecim octodecimve millia, morte crudelissimâ sublata sint. *Damasce. in vita Marcellini, Ado in Chron. Vsuard. 26. April.*

S. II.

Eadem persecutio Africam peruadit.

ERat Africa aliarum orbis partium comparatione minor : in quâ nihilominus, præter plura Christianorum millia, quæ tum in ædificio publico Carthagine laborabant; tantam Martyrum multitudinem fuisse testatur Eusebius, vt dinumerari à nemine possit. *l. 8. c. 7.* In Prouinciâ enim Proconsulari sæuebat Anulinus : *Opt. l. 3. Curator*

tor erat Magnilianus : *Sur. 24. Octob. in gest. Felicis Mart.* in Numidiâ Florus, Paulus, Valentianus, Felix, partim Iudices, partim Curatores : *Aug. l. 3. cont. Cresc. cap. 27. & 29.* in Mauritaniâ Agricolaus, teste Vsuardo.

Malebant videlicet Christiani extrema pati, quàm aut sacros Codices, vasa & ornamenta tradere: aut Christo abiurato, idolis immolare. Et quidem Carthagine, tanta per id tempus, eorum alacritas extitit; ut ne in temeritatem degeneraret, coercenda videretur; neque tam stimulis opus esse, quàm freno.

Refert perinde Mensurius Episcopus, tantam, tamque inconsultam fuisse inter suos multorum audaciam, ut Procontuli ceterisque officariis, ultro sese offerrent: habere se Scripturas sacras, sed quas negabant tradituros: eorum hoc pacto iram furoremque suscitantes. Quare à se increpitos fuisse, eà cautione adhibitâ, ut se posthac in periculum nemo mitteret; aut eiusmodi, vitæ suæ prodigos potius, quàm Martyres honoraret: Cypriani videlicet exemplo, qui monuerat ne quis ultro se Gentilibus offerret; sed apprehensus & traditus loqueretur: siquidem in nobis Dominus positus, illâ horâ loquatur, qui nos confiteri magis voluit, quàm profiteri. *Cyprian. Epist. 83.*

§. III.

Complures à Christo auellis.

QUOT animas ea tum crudelitas dimiserit in calum, uti libro 8. testatur Eusebius; ita neque diffitetur, innumeros formidine percussos & attonitos, prorsus succubuisse. *cod. l. 6. 3.* Idem perinde in Africâ euēnit. Eiuscemodi verò, infami in Ecclesia nomine, Thurificati ac Sacrificati, & nouo tunc vocabulo Traditores dicti sunt: *l. 7. de Bapt. cap. 2.* erantque eos inter non tantummodò de media plebe aut populo; sed quamplures etiam ex sacro Cleri ordine: Diaconi, Presbyteri, Episcopi, ut mox dicemus.

Nam & Secundus Tigisitanus, primæ Cathedræ in Numidia Episcopus, haud omnino mundus extitit à crimine traditionis. Licet enim iis litteris, quibus ad superiores Mensurij respondit, post com-

S 3

mendatam

mendam suę gentis in persecutione constantiam, fortitudinem quoque suam magnificè prædicet: ut qui missis ad se à Curatore & Ordine, ac diuinos Codices exurendos postulantibus Centurioni & Beneficiario, Christianum se atque Episcopum, non Traditorem esse, liberè & confidenter dixerit; adeoque sacras Scripturas non solum non tradiderit, sed neque alios vlllos, aut libros, aut eorum, etsi profanorum fragmenta: Eleazari videlicet illius exemplo, qui suillam comedisse, ne fingere quidem voluerit; *Coll. 3. cap. 13. & 5. & l. 1. cont. Gaud. cap. 37.* attamen id glorię cupiditate magis, ad exemplum Cypriani, quàm studio eliminandę veritatis scriptum fuisse, ex iisdem litteris deprehendi non obscurè potest.

In iis quippè, cùm multos commemoraret Martyres, & non quoslibet infimos, sed patresfamilias etiam, ob negatos constanter libros, crudelissimis suppliciis dicat affectos; quí factum credi potest, ut ipse detentus & conuictus, tradere quod petebatur recusans, impunè auferret, ac demum sine damno & noxā liber euaderet? *Collat. 3. cap. 15.* Sic enim missi qui fuerant, exitium sibi acciuisent iumento suo: ideoque hoc ab aliis Episcopis fuisse deinde Secundo obiectum, paullo post audiemus.

Neque enim Mensurius ipse Carthagenensis Episcopus, traditionis omnem suspensionem euasit: quando in suis illis ad Secundum litteris scribit, se sacros Codices à Basilicā sustulisse & occultasse: eorum autem loco, hæreticorum scripta reposuisse: his verò persecutores inuentis, nihil vltra postulasse. Cumque super hęc fraude admonitus à nonnullis Proconsul esset; induci tamen non potuisse, ut in exigendis quos Episcopus absconderat, sacris libris, eiusque excutientia domo in quā latitabant, tametsi antea fuisset illusus, assensum præberet. *Collat. 3. cap. 13.*

Quod si ita habet; oportuit sanè Proconsulem, virum & benignum fuisse, & minimè immitem persecutorem. Sed quia id Donatistę non facillè admisissent, Mensurio postea in Collatione Carthagiueni mendacium obiicere, & traditionis arguere non dubitarunt: *Col. 3. cap. 13.* quod etiam antè Petilianus fecerat, ut patet *l. 2. cont. eum cap. 92.*

§. IV.

Diocletianus & Maximianus Imperio deposito persecutionem relaxant.

Alter iam ab inchoatâ persecutione agebatur annus, cum Dio- Anno
cletianus, inducto in eandem rem Maximiano collega, vndeci- 304.
mo Kalendas Maij, hic Mediolani, Nicomedie ille, Imperium abdi-
cauit. Sunt qui scribunt, desperatione extinguendæ Christianæ reli-
gionis, Diocletianum istud acitasse. *Oros. l. 7. cap. 25.*

Sucesserunt Constantius & Galerius, Romanum orbem inter se
partiti: ut Galliam, Hispaniam, Africam, Italiam Constantius; Illy-
ricum, Ægyptum, Asiam, Orientem Galerius obtineret. Verum
Constantius, Augusti honore tituloque contentus, Italiae atque A-
fricæ administratione cessit. Quamobrem Galerius, duos Caesares
adsciscit ex sorore nepotes, Iouium Maximum, & Galerium Se-
uerum: atque huic Italia & Africa; illi Asia, Ægypto & Oriente tra-
ditis; Illyricum solus ipse, mediusque tenuit.

Iam verò Imperatores abdicaturi, persecutionem catenus relaxa-
uerant; ut eos qui capti detinebantur, publico edicto liberari iube-
rent. Id ubique obtinuit Illyrico excepto, cui Galerius imperabat,
homo trux, & Christiani sanguinis sitientissimus.

§. V.

Synodus Cirtensis.

PAcatâ sic nonnihil Africâ, moritur Paulus Cirtensis in Numidiâ
Episcopus. Secundus verò Tigistanus, eius Prouinciæ Primas,
tranquillitatis tantillâ occasione vlus, vicinos aliquot antislites Cir-
tam euocat, ut viduatæ Sedi Antislitem donet. Eorum hæc fuere no-
mina:

mina : Donatus Masculitanus , Marinus ab Aquis Tibilitanis , Donatus Calamensis , Victor Ruficadiensis , Purpurius Limatenfis , Felix Rotarianus , Victor Garbientis , & Secundus superioris Secundi ex fratre nepos , & alij nonnulli , vndecim numero : quorum Menalus quidam , ne thurificasse à ciuibus suis probaretur , oculorum dolorem fingens , ad confessum ceterorum procedere timuit. *Optatus l. i.*

Stato die vt adfuere , in priuatas ædes (quòd Basilicæ nuper omnes euerfæ , necdum essent restauratæ) congregati sunt. Vetus autem Ecclesiæ consuetudo fuit , vt quemadmodum ad Episcopatum suscipiendum ; ita ad ceterorum ordinationem , nisi insigniter probatus , & ab omni criminis infamiâ liber , nemo admitteretur. Itaque Secundus Concilij præses , accepto de collegis qui conuenerant , parum honesto rumore ; vbi ad confessum ventum est , inquirere in eorum mores vitamque cœpit. Sed iuuabit hanc rem totam ex ipsis Concilij Actis , vt ab Augustino referuntur aperire , vel ob memoriam vetustatis. Sic autem habent :

- „ Cùm Secundus Tigisitanus Episcopus primæ Cathedræ , confesset in domo Urbani Donati , idem dixit : Probemus nos primò , & sic poterimus hîc ordinare Episcopum.
- „ Secundus Donato Masculitano dixit : Dicitur te tradidisse. Donatus respondit : Scis quantum me quæsiuit Florus vt thurificarem , & non tradidit me Deus in manus eius , frater : sed quia Deus mihi dimisit , ergo & tu serua me Deo. Secundus dixit : Quid ergo facturi sumus de Martyribus ? Quia non tradiderunt , ideò & coronati sunt.
- „ Donatus dixit : Mitte me ad Deum , ibi reddam rationem. Secundus dixit : Accede vnâ parte.
- „ Secundus Marino ab Aquis Tibilitanis dixit : Dicitur & te tradidisse. Marinus respondit : Dedi Pollo (Paullo) chartulas , nam codices mei salui sunt. Secundus dixit : transi vnâ parte.
- „ Secundus Donato Calamensi dixit : dicitur te tradidisse. Donatus respondit : Dedi codices medicinales. Secundus dixit : transi vnâ parte.
- „ Secundus Victori à Ruficade dixit : Dicitur te tradidisse quatuor Euangelia. Victor respondit : Valentianus Curator fuit , ipse me cœgit vt mitterem illa in ignem : sciebam illa deletitia fuisse : hoc delictum indulge mihi , & indulgebit mihi Deus. Secundus dixit : transi vnâ parte.

Secundus

Secundus Purpurio à Limata dixit : Dicitur te necasse filios sororis tuæ duos Milei. Purpurius respondit : Putas me terreri à te, sicut & alteri? Tu quid egisti, qui tentus es à Curatore & Ordine ut Scripturas dares? Quomodo te liberaſti ab ipsis, nisi quia dedisti, aut iussisti dare quodcumque? Nam non te dimittebant passim. Nam ego occidi & occido eos, qui contra me faciunt. Ideo noli me prouocare ut plus dicam. Scis me de nemine tractare. Secundus minor patruo suo Secundo dixit : Audis quæ dicat in te? Paratus est recedere, & schisma facere, non tantum ipse, sed & omnes quos arguis. Quos scio quia dimittere te habent, & remanebis solus hæreticus.

Secundus Felici à Rotaria Centurionis, & Victori à Garbe dixit : Quid vobis videtur? Responderunt : habent Deum cui reddent rationem. Secundus dixit : Vos scitis, & Deus. Sedete. Et omnes responderunt : Deo gratias. *l. 3. cons. Cresc. c. 27.* Hactenus Concilij illius verba.

Atque ita Secundus, seu pacis causa, seu, ut magis apparet, criminis eiusdem conscientia perterritus, turpissima inuicem donata indulgentia in confesſum recepit, quos prius stare iussos inde submouerat : *Epist. 162.* ac deinde ad Cirtensis Ecclesie prouisionem transiens, Syluanum quemdam eius loci Presbyterum, ex communi sententia, Episcopum ordinauit : qui & ipse cum præcessore suo Paulo, aliisque compluribus illic Ecclesiastici Ordinis viris, in persecutione lapsus fuisse, & sacra Ecclesie vasa atque instrumenta tradidisse, detectus postea conuictusque est. *l. 1. cons. Peril. c. 21. & l. 3. c. 58. & l. 3. cons. Cresc. c. 29.* Syluanus ordinationis suæ indices litteras, ad ceteros ibidem Episcopos misit. *Epist. 165.*

S. VI.

Constantinus patri Constantio succedit.

Biennio post, octauo Kalendas Augusti, moritur in Britannia Anno Constantius Augustus, Constantino ex Helenâ filio, Imperij 306. relicto herede.

Hunc ubi Romæ constitit pronuntiatum ab exercitu Augustum;

T

Præto-

Prætoriani ibidem milites, excitato tumultu, Maxentium Maximini Herculij filium, in Imperium extulerunt. Quod cum sibi Maxentius, fugato primum Severo, post etiam consternato Licinio, satis confirmasse videretur; ut protenus etiam stabiliret, nihil prius habuit, quam subditorum animos (neque tantummodò Gentilium, sed & Christianorum) quomodolibet deuincire. His itaque restitui iubet Ecclesias, & quæcumque fuerant ablata: demum & frænari persecutionem.

§. VII.

Mensurius Episcopus Carthaginensis, Romam euocatus, in reditu moritur.

Sed priusquam hæc edicta ederentur, Carthagine Diaconus quidam, Felix nomine, famosum libellum de tyranno Imperatore conscribit. Deprehensus, Proconsuli ut se sistat, appellatur. Felix periculum metuens, in latebras se abdit. Fama erat, apud Mensurium Episcopum latitare. Is Diaconum producere iussus, publicè denegat. Proconsul vim non ausus inferre, rem ad Maxentium defert. Rescribit Maxentius, ut nisi Felicem diaconum Mensurius prodatur, ad se sub idoneâ custodiâ mittatur.

Hic Mensurius consilij inops, de quæ Ecclesiæ thesauro, quem apud se reconditum habebat anxius, (constabat partim opinor aureâ, partim argenteâ suppellectile) cum neque asportare secum posset, neque ob temporis angustiam humi defodere; tandem Senioribus quibusdam, quos probos maximè fidosque habebat, sub acceptilatione committere, optimum ratus est. Id chirographum Matronæ cuidam, ætate & moribus graui commendat: addens ut si quid ei accideret humanitùs, aut aliud quod reditum prohiberet; tum suo in Cathedrâ successorì traderet.

Nauigat Mensurius: dictâque causâ redire iussus vnde venerat, in itinere moritur. Mors eius, Edictaque Maxentij, quibus Christianis pax & libertas dabatur, simul appellant.

§. VIII.

§. VIII.

Mensurio succedit Cacilianus.

Tantum gaudium quia sola Antistitis mors nubilabat; Carthaginensis populus alium poposcit. Ibi tum Botrus & Celestius, haud postremi Ecclesiae illius Presbyteri, in spem Episcopatus erigi: operam dare ut praeteritis Numidis, qui longius aberant, vicini tantummodò Praefules vocarentur.

Præsentibus Episcopis; totius populi Carthaginensis suffragium, in Cæcilianum, tum Archidiaconum iuit: isque operante potissimum Felice Aptungitano, ordinatur Ecclesiae Carthaginensis Episcopus: Botro & Celestio, spe utroque suâ frustratis. *Optat. l. 1.*

§. IX.

Conspiratio aduersus Cæcilianum: perniciosi Schismatis origo.

Nihil tum neque in Cæcilianum, neque praesentes Antistites, & praesertim Felicem Aptungitanum, habuit vel inuidia quod carperet. *Optat. ibid.* Sed cum Matriona, quam acceperat à Mensurio syngrapham, siue Ecclesiastici thesauri libellum, Cæciliano attulisset: ipseque depositum reposcit, quod inter se partiti auariter senes erant; ibi repente complentes omnia tumultu, non paucos improbè subuersos aut subornatos, à Cæcilianiani communione abduxerunt.

Horum se partibus mox adiungere Botrus & Celestius, dignitatis Episcopalis ambitores: & ne quis sexus decisset; accedit etiam Lucilla femina Hispana, nobilis, praepotens, opulenta, sed non minùs factiosa. *l. 1. cont. Parm. c. 3. l. 3. cont. Cresc. c. 28. Epist. 152. l. de vnus. Essl. 6. 3. & l. 2. cont. Pet. c. ult.*

Solebat hæc Eucharistiam sumtura, mortui cuiusdam os hominis

T 2

(Marty-

(Martyris fortasse, sed nondum vindicati, uti Optatus loquitur) libare & osculari. Cuius rei causâ, cum à Cæciliano Archidiacono semel esset correpta; pudore & indignatione frendens, discessit, at verò ne disciplinam subiret, superueniens mox persecutionis tempestas impediuit.

Quare eius ignominia iniuriæque memor, occasionem adesse existimauit, quâ se posset vlcisci. Conspirat cum ceteris in Cæcilianum, suosque omnes sacrilego schismate, ab eius communione auellit. *Optat. l. 1.*

Ita tribus personis, totidemque causis (putà Seniorum avaritiâ; Botri & Celestij ambitu; Mulieris iracundiâ & odio) obstinati schismatis iacta primùm fundamenta sunt: *l. 1. cont. Parm. c. 3.* & ne secessisse ob nihilum viderentur; comminisci causas extemplo cœperunt, quibus Cæciliani ordinatio videri haud legitima posset.

S. X.

Secundus inuocatus aduersus Cæcilianum cogit Synodum.

Legatos igitur cum litteris ad Secundum Numidia Primate, & reliquos illic Episcopos mittunt: qui aduersus Cæcilianum concitatos, Carthaginem euocent. Contrahit propè septuaginta eius regionis Antistites Secundus: inter hos, quibus in nupero Cirtensi Concilio confessis traditoribus crimen ignouerat.

Carthaginem appulsi, ab ambitiosis, ab iratis, & iuratis Cæciliani hostibus, atque in primis à Lucillâ, pecuniosissima factiosissimaque feminâ, hospitio suscipiuntur. *Optat. l. 1. Aug. l. 1. cont. Parm. c. 3.* Ut autem Cæcilianum iam in cathedra inuenere firmatum, ac plebis propè totius fauore atque consensione tutum; quin & celebriorum per Africam Ecclesiarum, imò & transmarinarum, adeoque totius iam orbis communione munitum: visa res ardua, quidquam aduersus eum moliri. *Epist. 162.*

Reditum itaque cogitantibus plerisque, instare Cæciliani aduersarij, obtestari, atque vrgeri; neque prius desistere, quàm compulso

(*l. 1. cont.*

(*l. 1. cont. Gaud. c. 37.*) in suam sententiam traxissent. Quā in re insignem operam Lucilla nauauit, quæ irā femineā, ceu cestro percita, odinque furialibus aduersus Cæcilianum incitata, *l. 3. cont. Cresc. c. 28. & Epist. 162.* nihil omisit, quod ad expugnandos præsentium Episcoporum animos faceret: neque prius quieuit, quā promissio magno auri pondere, non tantummodò Cæciliani depositionem, sed & Maiorini Lectoris, domestici sui, surrogationem obtinuisset.

Quamquam nec deērant inter Episcopos; qui à Cæciliani damnatione non admodum abborrerent: gnari, quā odiosè traditionis suæ crimen publica fama ventilaret: sperantesque sub umbraculo reatus alieni, falsi licet, vulgò si non innocentes, at saltem purgati apparere. *Optat. l. 1. August. Epist. 162. Ps. cont. Donatist. lit. B.* Non erat quidem frequens horum numerus, neque magna, nisi Secundi societate (qui territus eis pepercerat) auctoritas; sed qui suapte proni, facili sunt seducti: *Epist. 162.* incitante potissimum Donato, Cassis nigris in Numidia Episcopo, homine inquieto, & in simpulo fluctus excitare valido: quique Cæciliano adhuc diacono, schisma Carthagine suscitaret, quā de causā incertum. *bar. 69. Collat. 3. c. 12. l. de Pastor. c. 15.*

Inerat etiam quibusdam animi dolor nonnullus, de superbiæ typho descendens, quoddam noui Episcopi, atque totius Africæ primi ordinationem vocati non fuissent: *Epist. 162.* tametsi neque illi, depositionis Cæciliani consilia, opinor, umquam agitassent; nisi auaritia cæcatos, Lucillæ munificentia subuertisset.

Ergo & hosce cum ceteris, non in Ecclesiā aliquā, sed in diuersorio Secundus adesse iubet. *Opt. l. 1.* Quod ubi populus sensit, & Praefulis sui exauertationem tentari; cum Clero certatim conuolat ad Ecclesiā: quæ deinde, ut post dicemus, Restitutæ nomen accepit. Vbi dum vnā cum Cæciliano rei euentum opperitur; Secundus communi nomine missis aliquot suorum Episcopis, euocat Cæcilianum: seque ut Concilio sistat, pro imperio mandat.

Cæcilianus contrā, ut in Ecclesiā ipsi veniant. ibi proferant, si quid habuerint: *Optat. l. 1.* paratum se ad obiecta respondere: nolle desertā Ecclesiā in priuatam ire domum, aut se hostium iudicio committere. *Conc. 2. in Ps. 36.* Imò ut velit; obstare plebem, quæ frequentissima tum in templum conuenerat. *Epist. 162.*

Legatis vltro citroque sapius commeantibus, neque auferentibus

aliud responsum; cū forte de ordinationis vitio, verbulo attigissent; irridens Cæcilianus, renuntiare iubet, vt, si Felicem nihil in se contulisse putarent; venirent ipsi, & tamquam adhuc diaconum, de integro ordinarent. *Opt. l. 1. Aug. Coll. 3. c. 16.*

Quod vbi auditum in Concilio fuit; parricida Purpurius Limantensis, solito furore succensus, quasi & Cæcilianus, sororis eius filius esset; Exeat huc, inquit, & quasi imponatur illi manus in Episcopatu, quassetur illi caput de pœnitentia. *Optat. l. 1. Concilium vbi ad se Cæcilianum exire nolle vidit, veluti in contumacem agere statuit.*

S. XI.

Damnatus Cæcilianus, Episcopatu deiicitur.

ITaque Secundus, propositâ accusatione, quam aduersarij suggererant, irritam videri Cæciliani ordinationem ait: quodd Episcopi qui eum ordinassent, traditores in persecutione fuissent: publicis id gestis doceri posse: adeoque secundum Ecclesiæ suæ Canones siue consuetudinem, non licuisse talibus Episcopalia munia exercere. *Collat. 3. c. 14.*

Hos inter nominatim accusati sunt Nouellus Tyzicensis, & Faustinus Tuburbitanus, Proconsularis prouinciæ Episcopi: *Collat. 3. c. 14. l. post Coll. c. 22.* maximè verò Felix Aptungitanus, ita vt fons malorum omnium diceretur: *Coll. 3. c. 14. l. de vn. bapt. c. 16. Epist. 68. l. 3. cont. Cresc. c. 61.* Cæcilianum his communicantem, & benedictionem, manusque impositionem ab eiusmodi accipientem, tacitâ vtique consensione, tanti criminis factum esse participem: *l. 1. cont. Parm. c. 3.* qui tamen cū esset Diaconus sub Mensurio, victum asferri Martyribus in custodiâ constitutis, disertè prohibuisset: istaque perinde omnia, intolerabili fastu & arrogantia cumulari, dum tot ipretis Præsulibus, ad eorum prodire confessum, sæpius licet euocatus, obstinatè contempsit. *Collat. 3. c. 14.* Quare non solum ob illegitimam ordinationem, Episcopum non esse; sed eo Ordine videri indignum: dignum verò qui excommunicatione percussus, ab Ecclesiâ veluti anathema expellatur.

Hæc

Hæc vbi nullâ documentorum, aut testium fide munita, imò neque adstante accusatore, *Psal. cont. Donat. litt. F.* perorauit Secundus; propis omnium auribus & animis excepta sunt, assentientium & Cathedrali, & Ecclesiæ communioni Cæcilianum excidisse. *Coll. 3. c. 14.*

Itum porro ad singulorum sententias, duce Secundo: quas vbi ad extremum conspirasse vidit; cum, vnaque Felicem Aptungitanum, Nouellum Tyzicensem & Faustinum Tuburbitanum, ceterosque Cæciliani collegas & ordinatores, Ecclesiasticâ communioni, & Episcopali dignitate priuatos declarat: ab omnibus idcirco vitandos, & ad humillimum pœnitentiæ locum redigendos.

Et quidem ad perpetuam rei memoriam fuere huius Concilij Acta, iam tum litteris mandata: atque à Donatistis exhibita in Romano sub Melchiade Concilio; & Augustini tempore in Collatione Carthaginensi; sed quæ deinde haud immeritò perierint. Recitauit ex eis Cresconius Grammaticus, Syluani Cirtensis in Cæcilianum sententiam; quam tamen Augustinus præteruit, Cresconij argumentum ex eâ refellere contentus: *l. 3. cont. Cresc. c. 27.* exstatque adhuc Martiani cuiusdam, his verbis expressa: In Euangelio suo Dominus ait, Ego sum vitis vera, & pater meus agricola: omnem palmitem in me non afferentem fructum, excidet & proiciet: & omnem manentem in me & fructum ferentem, purgat illum. Sicut ergo palmites infructuosi, amputati proiciuntur; ita thurificati, traditores, & qui in schismate à traditoribus ordinantur, manere in Ecclesia Dei non possunt, nisi cognito vlulatu suo, per pœnitentiam reconcilientur. Vnde Cæciliano in schismate à Traditoribus ordinato, non communicare oportet. *l. cont. Fulgent. c. 26.*

§. XII.

Synodi præterita vitia.

EVadit autem ex hisce manifestum, quàm non pacis siue vnitatis studio, sed criminis eiusdem conscientia territus, præsentibus confessisque traditoribus, in Cirtensi Concilio Secundus ignouerit; quando hic, vbi maius erat dissensionis & schismatis periculum, tam nullâ

nullâ pacis habitâ ratione, absentes, inauditos (tantum abest vt con-
uictos) adeoque innocentes, maximâ temeritate damnauit. Quod
perinde amplificat Augustinus, *Epist. 162. attingit, libro 3. cont.*
Crescon. c. 28.

Si quidem aduersus incognita sibi crimina, nec discussa neque con-
uicta, nullâ denique iudicij formâ seruâtâ processerunt : quod Ego
vobis, inquit Augustinus, ostendam: Attendite causam Felicis Ap-
tungitani, & primò legite quàm vehementiores in eum fuerunt. Sic
ergo & ceterorum causam nouerant, sicut huius, qui postea innocen-
tissimus, diligenti & terribili inquisitione probatus est. Quantò ita-
que iustiùs, & tutiùs, & citiùs innocentes eos existimare debemus;
quorum crimina ab istis leuiùs accusata sunt, & parciore reprehen-
sione damnata : quando ille inuentus est innocens, in quem multò
immaniùs sæuierunt? *Epist. 162.*

S. XIII.

*Caciliano Maiorinus sufficitur : sicq³ Altare
contra Altare erigitur.*

Vbi totius Concilij decreto damnatus, & Episcopatu deiectus
Cæcilianus est, instante & urgente largitionibus Lucillâ; Maio-
rinus domesticus eius, vnus è Lectorum ibi numero sufficitur, &
imponente potissimum manus Secundo, ordinatur Carthaginensis
Episcopus. *Opt. l. 1. Aug. l. de vnir. Eccl. c. 18. l. 3. cont. Crescon. cap. 29.*
Atque ita tum homines improbi, ac veri nominis traditores, dum
præcipitato iudicio, innocentes atque inauditos condemnant; sacri-
legâ secessione Christi corpus lacerarunt: dissiscissâque Ecclesiæ vni-
tate, erexerunt Altare contra Altare, Cathedram contra Cathedram,
Episcopum contra Episcopum: *Opt. l. 1. Aug. Epist. 162.*

Subiret equidem mirari haud mediocriter tantam impudentiam,
,, nisi Optatus impressè prohiberet, dum ait: Frequenter solet eru-
,, besce de crimine, sed illo tempore non fuit cui erubesceretur: quia
,, præter paucos Catholicos, peccauerant vniuersi, & quòd imago fue-
,, rat innocentiae, inter multos nefas admissum. Paruum erat traditio-
nis

nis facinus, quod per Donatum Mafculitanum, & ceteros supradictos constabat admissum; etiam ingens flagitium schismatis, traditioni iunxerunt. *Optat. lib. 1.*

§. XIV.

Schisma inchoatum propagatur.

Soluto Concilio, adhuc Carthagine positi, praeceperunt se epistolis suis, quas Synodales vulgò vocant, ad omnes Africae Ecclesias liuore dictante conscriptas: quibus indubiè, vniuersa quae gesta fuerant complexi; criminibus, quorum ipsi erant rei, Cæcilianum sociosque decolorarunt: eo fine, ut & infamiam suam in silentium mitterent, & alios exauertorali videri iustissimè possent. *Opt. l. 1. Aug. l. de unit. Eccl. c. 25. Epist. 162.*

Episcopi, Ecclesiaeque procul posita, fidem litteris extemplò commodantes, ratam Cæciliani damnationem, & Maiorini surrogationem habuerunt. Saluà enim conscientia, litteris Concilij crediderant: neque enim ab hominibus, de aliis hominibus, aliquid incredibile dicebatur. Sed posteaquam illi furiosam pertinaciam, usque ad dissensionem sacrilegam contra totum orbem Christianum contentione obstinatissima perduxerunt; atque innotuit bonis fidelibus, quos à Cæciliano alienauerat falsa criminatio; viderunt se, si in illa communione persisterent, non iam de quodam homine, vel de quibusdam hominibus, sed de Ecclesia toto terrarum orbe diffusà, prauum habere iudicium: adeoque maluerunt Christi Euangelio, quàm Collegarum Concilio credere.

Itaque illis relictis, mox ad Catholicam pacem multi & Episcopi, & Clerici, & populi redierunt. Nonnulli etiam bonae voluntatis, per carnalem caliginem, etiam post confirmatum contra Ecclesiam Dei malignorum furorem, in illa dissensione diutius errauerunt. Quidam quoque & apertissimae veritati, malo studio contradixerunt. *l. de unit. Eccl. c. 25.*

Quare hi, Carthaginense exemplum secuti, dum ad Cæciliani communionem Episcopi redeunt, alios, qui Maiorini partes sectarentur,

rentur, in suis urbibus Episcopos elegerunt, & multò maximè schisma ptopagarunt. Iam enim hâc animorum dissensione factum est ut in omnibus propè ciuitatibus Episcopi geminarentur: quorum alij Maioristæ, siue, pars Maiorini; alij Cæcilianistæ dicebantur. Sed hi, partis nuncupationem abhorrentes; non aliud, quàm Catholici dici, & esse voluerunt: ut eis idcirco hoc nomen peculiare propriumque manserit.

Denique ut nihil ad summam secessionis deesset, nouas etiam Basilicas exstruere cœperunt, & separatis conuenticulis orare. *Optat. l. 3.* In hoc Carthagenenses præiuere ceteris. Nam cùm Cæcilianum totius plebis, ut diximus, studio communitum, Basilicâ suâ exturbare posse desperarent; procurantibus Numidis, maximèque Donato Casensi, impensas autem (ut simile vero est) suppeditante Lucillâ; amplam sibi Basilicam erexerunt: quod ceteri mox alibi secuti.

Atque hic seditiosi turbulenti que apud Carthaginem Concilij (uti Augustinus appellat, *l. de unit. Eccl. c. 25.*) finis exitusque fuit.

§. XV.

Contra Schismaticos Cæcilianus se tuetur.

Sed neque interea rebus suis Cæcilianus indormit. Quapropter & sipse ad Africanas plerasque Ecclesias, quas aduersus eiusmodi calumnias, robustiores norat, litteras mittit, *l. 1. cont. Parm. c. 3.* quibus hostium suorum impudentiam aperit: oratque ne suam prius communionem deserant, quàm sint redditi omnium certiores: paratum enim se, ad ea quæ obiecta sunt respondere.

Eodem argumento scribit ad Romanum Pontificem: ad vicinas Hispanias, ac præsertim Hosium Cordubensem Episcopum, celeberrimum famâ virum. His ij litteris moti, in Cæciliani communione permanserunt: eiusque rei testes, reciprocè ad illum, non ad Maiorinum miserunt. *Epist. 162.*

§. XVI.

§. XVI.

Schismatici, cum Pontificem Romanum seducere non possunt, quemdam ibi è suis Prasulem statuunt.

Porrò aduersarij hoc Cæcilianum facturum subodorati, anteuertere statuerant: atque in primis Romanum Pontificem suarum partium facere, antequam Concilium dissoluerent. Sed quia cornicum oculos Cæcilianus confixerat, eorumque fraudem suâ iam solertia præuenerat; quoscumque illi studere comperissent, Cathedris suis excutere decreuerunt, æmulasque erigere, ut iam Carthagine fecerant.

Ac primùm in Lucillæ possessiones, quas in Hispania obtinebat amplissimas, missus ex Africâ quispiam est, qui colonis illic eius mancipiisque Episcopus præisset. *l. 2. cont. Pet. c. vlt. l. de vnit. Eccl. c. 3.* Iussique omnes, Maiorini, quem ignorabant, communionem amplecti. Cui deinde mortuo, alium post alium, multis annis successorem dedere.

Romam verò missis initio furtim interuentoribus quibusdam, *l. de vn. bapt. c. 16.* qui Afris ibi paucissimis (quos circumuentos, suos fecerant) patrocinaurentur; tandem Episcopum etiam petentibus submisere Victorem Garbientem: *Opt. l. 2.* qui Cirtensi Concilio nuper, & Carthaginensi iam interfuerat, non postremus aut segnis schismatis adiutor. Visa enim bella idoneaque res, in vrbe totius orbis principe, partis suæ Cathedram habere: quâ nimirum viderentur Romanæ Apostolicæque Sedi communicare. Maximi id esse momenti, & phalararum instar ad populum.

Garbientis ergo in Urbem ut venit; præter paucissimos, ut dixi, Afros, atque adhuc erraticos, nec gregem ibi, neque caulam habuit. Optati verba sunt: Erat ibi filius sine patre, tyro sine principe, discipulus sine magistro, sequens sine antecedente, inquilinus sine domo, hospes sine hospitio, pastor sine grege, Episcopus sine populo. Neque

V 2

enim

enim grex aut populus appellandi fuerant pauci, qui inter quadraginta & quod excurrit Basilicas, locum Romæ ubi colligerent non habebant. *Opt. l. 2.*

Quare cum intra mœnia templum nouo Episcopo nullum esset; necessarium habuit, speluncam quandam in monte extra urbem, septo communire, ibique conuenticula agere. Hinc dicti Montenses: *Opt. l. 2.* Quo nomine Romæ notiores, quàm partis Maiorini, aut, quod postea sunt appellati, Donatistæ, Augustinus ait, *har. 69.* Nonnulli eos, simili ad campum allusione, Campatæ & Campenses dixerunt: *Hieron. cont. Lucifer. alij à Rupe, Rupitas siue Rupitanos. Epist. 165. l. de vnit. Eccl. c. 3.*

Ad hunc modum habere Donatistarum præfules Roma cœpit, sed pauculos, neque nisi ex Africâ missos. Defuncto Victori, datus successor Bonifacius Ballitanus: hinc Encolpius: deinde Macrobius, cuius Gennadius meminit *l. de Script. Eccl. c. 5.* post hunc Lucianus: sextus denique Claudianus. Tot enim ad sua tempora Optatus enumerat, *l. 2.* Augustinus contra Petilianum scribens, ait eum libro suo De vnico baptismo, quem sibi refellendum sumit, Interuentorum ad id vsque tempus, catalogum perduxisse; *l. de vn. bapt. c. 16.* sed qui, quotque fuerint, haud repetit.

Sanè horum Antistitum postremum fuisse Felicem, ex Actis Collationis Carthagenensis docet Franc. Balduinus: qui Romanæ Urbis cladem fugiens, Collationi superuenit, cui se ambitiosè ingerere conatus est. Atque hic Donatistarum Romæ finis: neque dissimilis in Hispaniâ, ubi cessisse irruentibus Vandalis, & in Africam rediisse, certò crediderim. Verùm hæc postea euenerunt.

Vt verbo absoluam, rebus omnibus ex animi sententia confectis, probeque instituto schismate; Numidæ Carthagine discedunt, multo auro graues, quod in omnium bulgas Lucilla liberaliter confuderat.

§. XVII.

*Donatus à Casis nigris, exsculptum schisma
polit & perficit.*

DOmi positi, totâ cogitatione vigilarunt, ut sponsam quam foras eduxerant, speciosissimam facerent. Incubuit in hoc præ ceteris Donatus Casensis, schismatis totius princeps atque architectus.

Et primò, ut videri illegitima Cæciliani ordinatio posset; legem, siue habito Concilio fecerunt, siue imperante consuetudine esse dixerunt, ut Africanarum regionum principes Episcopi, ab aliis eiusdem gentis principibus ordinarentur. *Collat. 3. c. 16.* In hanc perinde Cæcilianum impigisse.

Porro autem ut Felicem Aptungitanum, qui Cæciliani ordinationi præfuerat, traditionis reum peragerent; Acta quædam publica, Ingentio cuiusdam loci scribâ corrupto, qui ad epistolam Cæciliani, (alicuius ibi de Magistratu) non pauca adiecerat, adulterarunt: quæ postea falsitas in iudicio deprehensa est, ut dicemus infra.

Iam verò ut ne vacillarent quæ Cæcilianus ipse patrasse debuerat, putà siue negasse, siue exhiberi vetuisse Martyribus in custodia cibum; diligenter asseruandas putarunt quasdam Mensurij litteras ad Secundum Tigisitanum, quibus id confici non obscure existimabant. Quod ut tanto probabilius euaderet, Cæcilianum Mensuriumque Traditores esse dixerunt, infectis hoc sine Martyrum gestis, Saturnini, Dativi, Felicis, Ampelij & aliorum, qui sub Anulino Proconsule Carthagine passi fuerant: in quibus Traditores ambo fuisse memorantur, induciturque Cæcilianus, Mensurij iussu carceris obsidere fores, & impedire ne quod humanitatis officium derentis Martyribus inferretur. Exstant hæc Acta cum Optato nouissimè edita.

Quin etiam fingere aliquando non dubitarunt, se Carthagine existentes, cum cogitarent culpam Cæciliani, ne schisma fieret, quoquo modo velle sopire; dedisse quemdam Interuentorem populo suæ communionis apud Carthaginem constituto, antequam Maiorinus aduersus Cæcilianum ordinaretur: hunc verò Interuentorem ab eis

qui Cæciliano fauebant, in suo conuenticulo occisum: *Epist.* 163. Cupientes nimirum non plebem tantummodò, sed etiam Cæcilianum, violentiæ & effusi sanguinis infamiâ aspergere, atque ita omnem à se inchoati schismatis inuidiam amoliri.

Has fabulas vt populo placere vidit Donatus Casensis; hæresin repentè schismati coniunxit. Gerebat animo errorem, quem fundarat Agrippinus, firmauerat Cyprianus: iterari ea Sacramenta debere, quæ tum hæretici, tum schismatici contulissent. Quare cùm Cæcilianum, eiûque communione coniunctos, ab Ecclesiâ submouisset; haud difficulter obtinuit, vt quodcumque Sacramentum dedissent, irritum haberetur & inane. Hinc quotquot à Catholicis abducere potuit, & suos facere; denuò baptizabat, Chrismate ungebat, Ordinabat. Vtrùm ex communi suorum, an priuatâ solummodò opinione, incertum. Satis constat vniuersam Maiorini partem non id statim ab initio amplexam, imò corrigere voluisse.

§. XVIII.

Alterum Schismaticorum Concilium frequentissimum.

Anno
308.

ETenim firmatis iam vtcumque rebus, alterum Carthagine Concilium egit, longè frequentissimum: in quo fuerunt (vt ex Commentariis Tichonij Donatistæ Augustinus refert) ducenti septuaginta Episcopi: habitumque ait quadragesimo anno ante tempora Macariana, id est anno Christi CCC. VIII. *Epist.* 48. Nam quid in eo sit gestum, subdit ex eodem Tichonio: Videlicet per septuaginta & quinque dies, postpositis omnibus præteritis, limatam esse sententiam, atque decretum, vt Traditoribus immensi criminis reis, si baptizari nollent, pro integris communicaretur. Deuterium etiam Macrinensem Episcopum Communionis vestræ, dicit Traditorum plebem congregatam Ecclesiæ miscuisse: & secundùm statuta illius Concilij à ducentis & septuaginta Episcopis vestris facti, fecisse cum Traditoribus vnitatem: eiûque Deuterio post hoc factum, iugiter communicasse Donatum: Nec solùm huic Deuterio; sed etiam vniuersis

CAUSA DONATI ET CÆCILIANI. 159

uniuersis Maurorum Episcopis, per quadraginta Annos : quos dieit
usque ad persecutionem pet Macarium factam, Traditoribus sine
baptismo communicasse. *Ita August. ix Tichon. Epist. 48.*

Quidquid sit, non inhaerunt hisce decretis posteriores Donati-
stæ : sed Sacramenta à Catholicis collata strenuè obstinateque ite-
rarunt, priusquam eis miscerentur : ut hinc factum videatur, quod
huius Concilij tametsi celeberrimi, numquam vel leuiter mentionem
iniecerint, quin potius voluerint penitus esse sepultum ; vbi contrà,
primum illud à se Carthagine habitum, sæpenumero produxerunt,
tamquam aliquod suæ sectæ Palladium.

C A P V T I I.

CONSTANTINVS IMPERATOR CAVSAM CÆCILIANI ET DONATI COGNOSCIT.

§. I.

Maxentij cades.

INterea Romani, Maxentij tyrannidem ac flagitia pertæsi (qui & Annis
toti Africæ adeo grauis incubuerat infinitis oneribus exactioni- 311. &
busque, ut eam funditus perdere ac delere voluisse, non frustra sit 312.
dictus; *Nazæar. in Panegy. Constant.*) occultis nuntiis ad liberandam
republicam, Constantinum, in Galliis quintum Imperi sui annum
agentem, inuitant.

Is hanc in rem per se pridem intentus, bellum contra Maxentium
libens suscipit: & Crucis Christi caritatis ostensæ præsidio, terna ip-
sius per Italiam castra, biennij spatio vbi profligarat; eum Româ pro-
gressum, fundit tandem fugatque.

Igitur Maxentius dum se in urbem, veluti in tutissimam arcem
recipere cogitat, victorisque manus euadere; in calles incidit, quos
hosti

hosti tetenderat. Ponte siquidem, quem ex iunctis lintribus paullo supra Miluium fecerat, soluto, lapsu equi in gurgitem demersus, cumque thoracis pondere grauaretur, limo & vligine haustus est. Cadaver agrè repertum.

Constantinus Romam triumphans ingreditur, recisumque Maxentij caput, ac pilo impositum, per urbem circumfertur. Quod deinde Imperatoris iussu in Africam, ad eam permulcendam, transmissum est: vt, quam maximè viuis affligeret, laceratus expleret. *Nazar. in Panegy.*

§. II.

Pax & libertas data Christianis.

Constantinus mox ad Rempublicam componendam, & afflictissimam Christianorum causam erigendam conuersus, tum suam Licinij auctoritate (quem datâ sorore in vxorem, affinitate sibi iungere cœperat) legem pro Christianis edit: quâ, rescissis priorum aduersus eos Imperatorum edictis, plenam exercendæ suæ religionis libertatem, ac quæcumque siue priuatim siue publicè erepta hoc nomine fuerant, restitui iubet.

Ad hæc litteras ad Maximinum, barbarâ crudelitate per Orientem in Christianos grassantem scribit, quibus extinctum Christi ope Maxentium, & quæ deinde secuta sunt, significat: in primis autem beneuolum, quem gerat erga Christianos animum: hunc vt sequatur, vehementer se optare.

Certè Maximinus haud obloqui ausus, persecutionem sistit. At verò his minimè contentus Imperator, euerfas passim Basilicas, propriis etiam sumptibus instaurat: eò mox prouectus, vt Sacrorum ministris totique Clero, æternâ lege immunitatem sanciret.

§. III.

§. III.

*Constantini litteræ, & liberalitas erga
Cæcilianum.*

V Erùm, cùm non sufficeret piissimo Imperatori solis eiusmodi edictis benevolentiam testari: magnam insuper pecuniæ vim in varias Ecclesiæ pauperumque necessitates distribuendam, Episcopis direxit.

Neque sanè Africam prætereundam putavit, quam, ob res illic antea perturbatissimas, singulari studio procurasse, colligi haud obscuris argumentis potest. Quapropter scribit ad Anulinum Proconsulem, lataque à se leges mittit, iubetque servari: item ad Cæcilianum, cui magnum auri pondus, ad usu Ecclesiæ destinat. Hoc si nondum sufficiat, mandat, ut à possessionum suarum procuratore, quantumlibet voluerit ultra exposcat: simulque admonet, ut si quis ab Ecclesiâ populum eius auertere conetur; ad Proconsulem & Vicarium Præfectorum deferat, quibus præsentibus iniunxerit, ut eiusmodi homines cohibeant compescantque.

Quibus Donatistas haud dubiè perstringit: de quorum factione audisse iam aliquid ab Osio poterat, quem cum nonnullis aliis Episcopis adedò habebat præsentem, ut absque illius consilio, in Ecclesiasticis præsertim causis, nihil agitaret.

Et licet alias complures Constantini litteras, Christianorum res spectantes, recitet Eusebius; tum verò vnam alteramque hic exhibere volumus, lucem non exiguam toti historiæ allaturas.

Constantinus Augustus, Anulino Proconsuli Africae.

Salve Anuline, nobis cum primis observande. QVONIAM multis argumentis constat Religionem, in quâ sumus, & perfectus cultus sacrosanctæ & cælesti Dei potentia debitus omninò consistit, neglectam & contemptam, magna pericula attulisse: eandemque sanctè augustèque observatam, tum maximam Romano nomini ac splendori prosperitatem, tum eximiam omnibus hominum rebus felicitatem,

X

divinâ

„ diuinâ beneficentiâ illud largiente, apportasse: Visum est, vt illi ho-
 „ mines, qui debitâ cum sanctimoniâ, & assiduâ legis diuinæ obserua-
 „ tione, sua ministeria huic diuinæ religioni excolendæ impertiant,
 „ Anuline honoratissime, prolaboribus suis digna præmia reportent.
 „ Quare eos qui in Prouinciâ tuæ fidei concreditâ, in Ecclesia Ca-
 „ tholica, cui Cæcilianus præest, huic sanctæ religioni sedulò inser-
 „ uiunt (quos Clericos nominare solent) ab omnibus omninò com-
 „ munibus & ciuilibus rerum publicarum ministeriis immunes & so-
 „ lutos volo: vt nullo modo per errorem, vel per sacrilegam & pro-
 „ fanam prolapsionem, quæ in eiusmodi negotiis accidere solent, à
 „ cultu Diuinæ Maiestati debito abstrahantur, sed absque vlla mole-
 „ stiâ, propriæ legi obsequium præstent. Qui quidem cùm sacrum
 „ Numen summo honore & veneratione prosequantur; incredibile
 „ est quantum reipublicæ adiumenti videantur allaturi. Vale Anuli-
 „ ne venerande. *Euseb. l. 10. Hist. c. 7.*

*Constantinus Augustus, Cæciliano Episcopo Cartha-
 ginesi, salutem.*

„ QVONIAM visum est nobis, per omnes Prouincias Africæ, Numidiæ
 „ & Mauritanie, certis quibusdam legitimæ & sanctissimæ Religionis
 „ Catholicæ ministris, in sumtus communes aliquid suppeditare; litte-
 „ ras ad Vrsū virum Nobilissimum, Quæstorem nostrum in Africâ
 „ dedi, & ei significauī vt tria millia *φάσεις*, tuæ grauitati numeranda
 „ curaret. Tu igitur quando prædictam pecuniæ summam recipien-
 „ dam curaueris; omnibus qui in schedâ ad te ab Osiro missâ antè scri-
 „ pti sunt, has pecunias dispertiri iubeto Quod si aliquid ad istud meum
 „ in hac re erga omnes hos institutum cumulatè explendum deesse a-
 „ nimaduertas; ab Heraclidâ nostrarum possessionum procuratore, au-
 „ dacter & absque hæsitacione, quod necessarium fore putaueris, postu-
 „ les velim. Nam illi coram imperaui, vt si quid pecuniæ tua Graui-
 „ tas ab eo peteret; absque dubitatione vlla tibi numerandum
 „ curaret.

„ Et quoniam accepi quosdam homines, non animo satis rectè com-
 „ posito & constituto, populum à sanctissima & Catholica Ecclesia,
 „ malâ & perniciosâ corruptelâ velle auertere; scias velim me Anulino
 „ Proconsuli, quin etiam Patritio Præfectorum Vicario, cùm præstò
 „ apud

apud me essent, talia mandata dedisse, ut, cum in reliquis omnibus, cum in hoc maxime curam diligentem ponerent, & rem eiusmodi si forte acciderit, nullo modo negligenter. Quapropter si quos homines in eo furore & amentia inhaerere perspicias, abiecta omni cunctatione, Iudices quos dixi, adito, & hoc idem illis referto, ut illi in hos, sicut coram mandavi, animadvertant. Dei Optimi Maximi numen te in multos annos conseruet. *Euseb. l. 10. c. 6.*

Est autem *folius* vel follis, cuius Constantinus meminit, certe pecunie mensura & modus, quemadmodum Talentum, Libra, Marca, ut videre est apud Suidam, Epiphanium & alios. Ex quibus præterea apparet, triplicis generis fuisse *Folies*, aureos, argenteos, æreos. Ut verò hoc loco intelligantur aurei, à Constantino donati Cæciliano, nec non à Lucilla in Carthaginensi Synodo, Episcopis; ita argentei esse videntur, de quibus *l. 11. Cod. Theodos. de Summis*, quæ porcinæ pretium in singulas libras, senis follibus definit: ut hi planè coincidere videantur cum stufferis siue assibus nostratibus: ærei denique, de quibus Augustinus *l. 22. de Civit. Dei c. 8.* ubi pauper quidam ad memoriam viginti Martyrum pro veste deprecatus, piscem, quem fors pelagus eiecerat, vendidit trecentis follibus: quo, annuli que in pisce reperti pretio, lanam futuræ vesti comparavit. Alij sollem, pro sacculo accipiunt, certam pecunie summam continente: ut singuli nimirum folles, singuli sint sacculi: horum verò singuli, certas designatasque summas in numerato habeant. Quomodo fortasse intelligendi sunt auctores, qui sollem, pecunie mensuram & modum esse dicunt.

S. IV.

Erumpunt Schismaticorum odia.

Constantinus rebus per Italiam & Africam compositis, acceptoque Germanici tumultus ad Rhenum nuntio; eodem quo venerat impetu in Barbaros movit: prolaturus Imperium, ut ait Panegyrista, à Tusco Albulà, ad Germanicum Albim.

Anulinus interim visis Constantini litteris, quod in mandatis habebat, Anno

X 2

bebat, 313.

hebat, exsequitur, & suas Cæciliano porrigit. Simul atque eliminatum est earum argumentum; Cæciliano, uti par est credere, Imperatoris pietatem ac munificentiam, eiusque erga se studium & fauorem deprædicante, grauitè exarsere aduersarij: dolentes Cæcilianum sibi præferri, eiusque potiùs, quàm suorum communionem, à Constantino honorari. Quare cum frenderent non obscurè, de Cæciliano accusando consilium capiunt: sperantes videlicet falsis rumoribus, temporum iam diuturnitate firmatis, famæ sibi vetustatem patrocinatorum, illi præiudicaturam. *Epist. 162.*

S. V.

Schismatici Proconsulem implorant.

A Diunctâ sibi non exiguâ plebis suæ, atque honoratorum aliquantulâ turbâ, Proconsulem adeunt: Cæcilianum in multis accusant, ob quæ nuper in Carthagenensi Concilio, Episcopatu sit deiectus, quamquam eum per vim tenere pergat: pacem idcirco cum eo habere non posse.

Offerunt binos libellos. Quorum alter, qui crimina Cæciliani continebat, in alutâ, subscriptus ita: Libellus Ecclesiæ Catholicæ criminum Cæciliani, traditus à parte Maiorini. Alius sine sigillo, cohærens eidem alutæ, datus die decimoseptimo Kalendas Maias, Constantino Aug. III. Cos. *Epist. 68.* quo Imperatoris super hæc re iudicium postulant.

Posterioris supersunt hæc, quæ Optatus recitat, extrema verba:
 „ Rogamus te, ô Constantine, optime Imperator, quoniam de genere
 „ iusto es, cuius Pater inter ceteros Imperatores persecutionem non
 „ exercuit, & ab hoc facinore immunis est Gallia: (nam in Africâ inter nos & ceteros Episcopos, contentiones sunt.) Petimus, ut de
 „ Galliâ nobis indices dari præcipiat Pietas tua. Datæ à Luciano,
 „ Digno, Nallutio, Capitone, Fidentio, & ceteris Episcopis partis Donati. *Optat. l. 1.*

Anulinus Donatistis fortasse, quàm Catholicis æquior, Ethnicus quippe & Christianorum illis paullo antè acerrimus persecutor, Libellos

CAVSSA DONATI ET CÆCILIANI. 165

bellos suscepit, cumque litteris suis Imperatori transmisit, deferentibus, ut apparet, memoratis Donatistarum Episcopis. *l. 1. cont. Parm. 6. 9.* Relationis huius exemplar exstat apud Augustinum, quod quia plurimum lucis rebus presentibus allaturum est, operæ pretium fuerit exhibere.

Annulus Proconsul Africae.

SCRIPTA cælestia Maiestatis vestrae, accepta atque adorata, Cæcilia-
no & his qui sub eo agunt, quique Clerici appellantur, deuotio par-
uitatis meae insinulare curauit: eosdemque hortata est, ut Vnitatem
consensu omnium facta, cum omni omnino munere indulgentia
Maiestatis vestrae, liberati esse videantur Catholici; custodita san-
ctitate legis, debita reuerentia diuinis rebus inseruiant. Verum post
paucos dies, exstiterunt quidam adunata secum populi multitudine,
qui Cæciliano contradicendum putarent, quique fasciculum in alu-
ta signatum, & libellum sine signo obtulerunt dicationi meae, atque
impensio postularunt, ut ad sacrum & venerabilem Comitatum no-
minis vestri dirigerem: quæ manente Cæciliano in statu suo, subie-
ctis eorundem actis, quod cuncta Maiestas vestra possit dignoscere,
paruitas mea dirigere curauit. *Epist. 68.*

S. VI.

Constantinus Melchiadi Papa causam Caciliani committit.

Legati in castra venientes, ut primum ad Imperatoris conspectum
admissi sunt, legationis suae causam exposuerunt, litteris Pro-
consulis, una cum libellis supplicibus, porrectis. Quos ubi perlegit
Imperator, Christianissima voce, ad legatos ait: Petitis à me in sa-
culo iudicium, cum ego ipse Christi iudicium exspectem. *Op-
tat. lib. 1.*

Quamobrem non ausus ipse iudicare; Episcopale negotium Epi-
scopis, ut competentibus legitimisque Iudicibus, committendum ex-
istimauit. Et quamquam Gallicanos illi petissent; attamen videtur

iam tum intellexisse Constantinus, ad cuius maximè tribunal materia pertineret: quam perinde ad Melchiadem, Romanæ Ecclesiæ eâ tempestate Pontificem, per litteras transmissit: iubens vt partes inter ipse cognoscat & iudicet, litemque componat. *Epist. 166.*

Nè nihil autem Schismaticis concessisse videretur; tres illius ætatis celeberrimos euocat è Galliâ viros, Maternum Agrippinensem, Rheticium Augustodunensem, & Marinum Arelatensem Episcopos, vt Melchiadi hac in causâ cognituro & iudicaturò adsideant. *Opt. l. 1.*

Hæc dum aguntur, nouæ ab Anulino Proconsule litteræ superueniunt, quibus significat dissidia magis indies gliscere: adeoque opus esse formâ legitimi iudicij, quâ præsentés sint & actor & reus, omni quidem morâ postpositâ: sicut & necessitas Ecclesiæ exigebat.

Litteras itaque Constantinus ad Anulinum in Africâ scribit, vt Cæcilianum & accusatores eius, Romam transire iubeat, adscitis vtrunque, quos vtraque pars oportunos sibi putauerit denis Episcopis, aliisque ad causam necessariis: addens, vt statò die, coram eius Urbis Episcopo, controuersia quæ inter ipsos est, & audiatur & finiatur.

Eos Anulinus conuentos (cùm datos Iudices recusare Donatistæ nulli auderent) quod iusserat, Imperatori, facturos respondit. *Col. lat. 3. c. 12.* Sed præter Cæciliani & Donati Casensis, nomina ceterorum ignorantur. Constantini Epistola ad Melchiadem sic habet.

Constantinus Augustus Melchiadi Episcopo Romano, Salutem.

„ QVONIAM eiusmodi litteræ complures, ab Anulino clarissimo
 „ Africæ Proconsule ad me missæ sunt, in quibus constat Cæcilianum
 „ Episcopum ciuitatis Carthaginensium à quibusdam collegis suis in
 „ Africâ ordinatis Episcopis, multis de rebus in crimen vocari: & illud
 „ mihi permolestum videtur, vt in his prouinciis, quas diuina prouidentia
 „ vltro ac sua sponte sub meum subiunxerit Imperium, & in
 „ illis locis in quibus crebra hominum frequentia versatur, non modò
 „ multitudo ad deteriora deflectat & distrahatur dissidiis, sed Episcopi
 „ etiam discordiam inter se ipsi exercent; Visum est mihi, vt idem Cæcilianus,

cilianus, cum decem Episcopis, qui illum reum facere videantur, & decem aliis quos ipse suæ litis diiudicationi necessarios existimauerit, Romam nauigio traiciat: vt ibi coràm vobis, & Rheticio etiam, & Materno & Marino collegis vestris, quos eà de causa Romam maturare iusserim, possit audiri, sicut sanctissima Dei lex, vt nollis, postulat. Atque vt de omnibus hisce plenissimam, accuratissimamque notitiam possitis habere; exemplaria litterarum ad me ab Anulino missarum, litteris meis subscripta, aduersus prædictos collegas misi: quas cum vestra Granitas perlegerit, exquisitè ponderabit quo modo, quauè ratione lis illa, quam suprà diximus, diligentissimè rectissimeque dirimatur, & ex iuris præscripto tandem aliquando absoluitur: quandoquidem illud vestrum studium minimè latet, me tantam reuerentiam sanctæ & Catholicæ Ecclesiæ tribuere; vt velim eos nullum generare schisma, nullam discordiam vllò in loco omnino relinquere. Summa magni Dei Maiestas, vos, honoratissimi viri, multos annos conferuet. *Euseb. l. 10. c. 5.*

§. VII.

Melchιάdes Cæcilianum absoluit.

Melchιάdes acceptis Imperatoris litteris, alios præterea Episcopos ex vniuersa Italiâ, quindecim numero, futuros assessores adiecit. Erant hi Merocles Mediolanensis, Florianus Casenensis, Zoticus Quintinensis, Stemnius Ariminensis, Felix Florentinus, Gaudentius Pisanus, Constantius Faentinus, Proterius Capuanus, Theophilus Beneuentanus, Sauinus Terracinenensis, Secundus Prænestinus, Felix à Tribus tabernis, Maximus Ostiensis, Euandrus ab Vrsino, Donatianus à Foro Claudij. *Optat. l. 1.* Iam & Gallicani Episcopi, præstituto die aderant: Cæcilianus item, & donatus Casensis, ambo numero suorum stipati.

Itaque Constantino III. Licinioque Coss. sexto Nonas Octobris, qui dies in feriam sextam incidebat, Concilium agitari coeptum, in domo Faustæ in Laterano. Vbi confidente Melchιάde, ceterisque octodecim, causa Donati & Cæciliani in medium missa est, *Opt. l. 1.*

Et

Et ante omnia in personas accusatorum, de more inquisitum, forrentne habiles ad id, & legitimæ. Hic enim constitit, diacono adhuc Cæciliano, Donatum, qui nunc schismatis Carthaginensis auctor est, aliud ibidem schisma fecisse: rebaptizasse præterea nonnullos: & lapsis quibusdam, sacræ ordinationis manus iteratò imposuisse: Donato ne hæc quidem negare auso, tametsi pœnam grauissimam mererentur, vetarentque in alium dicere.

Verumtamen ne tam causæ diffidentiâ actorem reiicere, quàm siue iure, siue lege, Cæcilianus videretur; iubet proferre quæ parauerat. Congerit crimina non pauca: atque illud inprimis fere septuaginta Episcoporum Carthagine Concilium, cuius sententiâ damnatus, & Episcopatu suo deiectus sit Cæcilianus. Respondet is, inficiando crimina: absentem inauditumque se ab æmulis atque coniuratis condemnatum: quod ut ne sibi fraudi nocumentoque sit; omnia iura clamare.

De criminibus igitur Donatus docere iussus, deficit. Adstabant in Concilio decem Episcopi, quos Imperatore præcipiente Donatus adduxerat, tamquam futuros adiutores suos: qui interrogati, quid sentirent; ingenuè fatebantur, nihil se certum exploratumque nosse, quod officere Cæciliano queat: *Optat. l. 1. Aug. Coll. 3. c. 12.* Maiorini partem, multa confusè criminari, quæ nec determinatam personam, nec liquidum testimonium habeant. Testes interim qualescumque ex Africa venisse; verum operâ Donati, à iudicio esse subtrahitos. *Epist. 162.*

Quare producere eos iussus, primò facturum se recepit: cumque moras neçteret, iussus iterum iterumque, non testes solummodò, sed & semetipsum, veritus damnationem, subducere Concilio cœpit. *Epist. cit. & Coll. 3. c. 12.* Ita ipso facto docuit, Casis Nigris Antistitem se esse: quando neque visus postea in Concilio est, neque ausus accedere.

Cum ergo restare nihil præterea videretur, quàm ut pro Cæciliano ferretur sententia: Donatus nonnullos subornat, qui denuntiationis libellum, contra Cæcilianum offerant. Eam ob rem noua de integro cœpta cognitio agitari: cumque multa quidem essent obiecta, nihil probatum; causam Melchiades terminandam duxit, collectisque assessorum opinionibus, omnium consensu sententiam pronuntiauit.

I. Et

I. Et primò, criminatione omni Cæcilianus absolvitur: atque integro statu, in Ecclesiasticà communione retinendus firmandusque decernitur. *Opus. L. 1. Aug. Epist. 162.*

II. Concilium septuaginta Episcoporum Carthagine ab inimicis ipsius nuper habitum, rescinditur & aboletur. *Coll. 1. cap. 17.*

III. Donatus à Calis nigris in Numidià Episcopus, tum quia schismatis totius auctor, tum quia sacrilegà temeritate Baptismi Ordinisque Sacramenta repetere ausus esset, damnatur, & Episcopatu suo deicitur. *Opus. L. 1. Aug. Coll. 3. c. 1. Epist. 162.*

IV. Ceteris eiusdem accusationis & dissensionis consortibus, si resipiscere vellent, proposita venia: quin & integer status permissus iis, qui à Maiorino in schismate ordinati essent: ea lege, ut quibuscumque in locis duo reperirentur Episcopi, quos dissensio geminasset; is confirmaretur, qui prior esset ordinatus: alteri autem eorum, plebs alia regenda prouideretur. *Epist. 162.*

Sententia profectò quâ nulla æquior, innocentior, integrior, magisque provida & pacifica cogitari fingiue posset. Quare lubet hic cum Augustino in Melchiadis laudem exclamare: O virum optimum! ô filium Christianæ pacis, & patrem Christianæ plebis! Conferre nunc istam paucitatem cum illâ multitudine Episcoporum: neque numerum numero, sed pondus ponderi comparate: hinc modestiam, inde temeritatem: hinc vigilantiam, inde cecitatem. Hic nec mansuetudo integritatem corrumpit, nec integritas mansuetudini repugnavit: ibi autem & furore timor tegebatur, & timore furor incitabatur. *Epist. 162.*

§. VIII.

Non acquieuere Schismatici.

Quamquàm post tam pacificum moderamen Episcopalis iudicii, omnis contentionis pertinacia debuisset extinguì; *Epist. 68.* non potuit tamen improbitas ratione placari. Quare Schismatici non iam Cæcilianum modò, sed & Romanos iudices accusare & criminari cœperunt. Quomodo enim potest malus litigator laudare Iudices, quibus

Y

quibus litigantibus victus est? *Epist. 166.*

Et coram Imperatore quidem quemadmodum eis detrahere conati sint, mox audiemus: in vulgus autem non sunt veriti spargere, corruptos à Cæciliano fuisse. *l. 3. cont. Crescon. c. 61.* Melchiadem porrò, eorum posteri plurimis calumniis prosciderunt, traditionis diuinorum Codicum & Thurificationis crimine aspergere ausi: *l. 1. cont. Parm. cap. 5.* ideoque iudicem in eâ causâ legitimum non fuisse. Quod in Collatione Carthaginensi cum obiecissent; probare iussi, minimè potuerunt: inanisimas licet vanissimasque nebulas, ex quibus nescio gestis, in pariete depingerent. *Collat. 3. c. 18. & l. post Collat. c. 12. & 13.*

Nam si verum id crimen norant, cur sibi præiudicarunt ut apud talem Iudicem causam agere inciperent? Cur non potiùs ante cognitionem, hanc aduersus eum exceptionem opposuere? Aut cur non saltem postea quàm causâ ceciderant, victi, iratique obiiciendum hoc ei apud Imperatorem putarunt?

Neque enim vnum insimulasse Melchiadem contenti, alios præter eam complures eiusdem ordinis Pontifices, simili Traditionis ac Thurificationis labe macularunt, quos omnes generaliter incredibilibus, ut inquit Augustinus, calumniis sunt infectati: *l. de vn. bapt. cap. 16. & l. 2. cont. Petil. c. 92.* tamque infensum infestumque aduersus Apostolicam Sedem animum induerunt, ut eam, pestilentia Cathedram, eodem Augustino teste, appellare non dubitarint. *l. 2. cont. Petil. cap. 51.*

Ita admissum semel odium, animi lucernam extinguit. Verùm quia hæc postea acciderunt; Romano Concilio terminato, Melchides de exitu eiusdem, missa ad Imperatorem relatione, eum certiorum omnium fecit.

S. IX.

Melchiadis iudicium accusant.

Anno
314.

Sed Donatistæ minimè cessandum rati, ad Constantinum profiscuntur. Grauius ibi de Iudicibus queri, totamque causæ actionem eleuare, & reprehendere. In primis Episcoporum, qui cognitioni præ-

ni præfuerant, minorem fuisse numerum, quàm negotij totius gravitas postulabat. Præcipitasse deinde iudicium, re non satis cognitâ atque perspectâ. Nonnullos etiam inter eos fuisse, qui, quod sentirent, liberè eloqui non sint ausi. Denique non omnia se dicere permisos: atque inter cetera, quod Felix Aptungitanus Episcopus, manifestus Traditor esset: à quo cùm Cæcilianus foret ordinatus, nullo modo Episcopum esse posse. Orare igitur se, ut alios, pluresque iudices statuât, qui cognitam denuo controuersiam terminent. *Epist. 162. & 166. l. de vn. Bapt. c. 16. Epist. Constant. ad Cresc. Syracus.*

S. X.

Cavssa Felicis Aptungitani.

Constantinus, quamquam de Episcoporum integritate iudicioque minimè dubitaret, adeoque novâ cognitione nihil opus esset: attamen cùm Donatistæ nullum interpellandi finem facerent, Felicis traditionem invidiosissimè exagitantes; ut seditiosorum hominum quomodolibet ingenia placaret, cessit tandem eorum improbitati, facere pollicitus quod postulassent.

Verumtamen primum omnium ad Ælium Africæ Proconsulem scribit, hancque ei Felicis cavssam, remotis omnibus necessitatibus aliis, publicè examinandam committit. Ælianus diligentissimâ severissimâque cognitione habitâ, Felicem Episcopum innocentem, atque ab omni obiectæ Traditionis crimine alienum deprehendit: tum verò Ingentij, scribæ illic publici, pessimam fraudem: qui à Donatistis, ut simile vero est, emptus, ad Alhij Cæciliani, Magistratûs Aptungensis, epistolam pluribus additis, eam corruerat. Quamobrem veritatis exprimendæ causâ, quæstioni subiectus Ingentius, vngulis cæperat vexari: tortusque fuisset; ni properè Ziquensium civitatis Decurionem se proclamans, in carcerem esset receptus, donec consultus Imperator super eo respondisset. *Epist. 162.*

Exstat Proconsularis sententiæ, quâ purgatus atque absolutus est Felix, quædam apud Optatum pars, sed plenior apud Augustinum, his verbis: Ex professione Cæciliani (erat is Magistratus civitatis

„ Aprungitanæ) qui Acta falsa esse dicit, & epistolæ plurima addita;
 „ manifestum est, quâ voluntate hæc gesserit Ingentius : & ideo reci-
 „ pictur in carcerem : est enim arctiori interrogationi necessarius. Feli-
 „ cem autem religiosum Episcopum, liberum esse ab exustione instru-
 „ mentorum Deificorum, manifestum est, cum nemo in eum aliquid
 „ probare potuerit, quod religiosas Scripturas tradiderit vel exusserit.
 „ Omnium enim interrogatio subscripta, manifesta est, nullas Scriptu-
 „ ras Deificas vel inuentas, vel corruptas, vel incensas fuisse. Hoc Actis
 „ continetur, quod Felix Episcopus religiosus, illis temporibus nec
 „ præsens fuerit, neque conscientiam commodauerit, neque tale aliquid
 „ fieri iusserit. *l. 3. cont. Cresc. 6. 70.* Contineturque Actis purgationis Cæ-
 „ ciliani & Felicis, quæ integra in lucem produxit Pithæus, cum Opta-
 „ to editis.

Gesta hæc sunt Volusiano & Aniano Coss. decimo quinto Kalen-
 das Martij, proximo post Romanum iudicium anno. *l. post. Collat.*
cap. 33.

S. XI.

Causa Ingentij decurionis, falsarij.

Imperator, post acceptam de Felicis innocentia Æliani Proconsu-
 lis relationem, ad Probianum successorem ipsius mox scribit, iu-
 betque ad se Ingentium transmitti : ut Donatistarum improbitas, à
 quibus indies lacescebatur, illo præsentem ac coram posito, comprimere
 coërceri que posset. Exstat huiusce rescripti exemplar, non vno loco
 apud Augustinum, estque tale :

*Imperatores Cæsares, Flavius Constantinus Maximus, & Va-
 lerius Licinianus Licinius, ad Probianum
 Proconsulem Africa.*

„ ÆLIANVS prædecessor tuus, meritò, dum vir perfectissimus Verus
 „ Vicarius Præfectorum tunc per Africam nostram, incommodâ vale-
 „ tudine vteretur, eiusdem partibus functus, inter cætera etiam id nego-
 „ tium

tium vel inuidiam quæ de Cæciliano Episcopo & Ecclesiâ Catholicâ videtur esse commota, ad examen suum atque iussionem, credidit esse reuocandam. Etenim cum Superium Saturnianum, & Cæcilianum, Magistratum Aptungitanorum, & Saturninum Excuratorem, & Callidium iuniorem eiusdem ciuitatis Curatorem, atque Solonem seruum publicum superscriptæ ciuitatis, præsentem esse fecisset, audientiam præbuit competentem: adeo ut cum Cæciliano fuisset obiectum, quod à Felice eidem Episcopatus videretur esse delatus, cui cum diuinarum Scripturarum proditio atque exustio videretur obiecta; innocentem de eo Felicem fuisse constiterit. Denique cum Maximus Ingentium decurionem Ziquensium ciuitatis, Epistolam Cæciliani ex duumiris falsasse contenderet; eundem ipsum Ingentium suspensum, actis quæ suberant peruidimus, & ideo minimè tortum, quod se decurionem Ziquensium ciuitatis esse asseuerauerit: unde volumus eundem ipsum Ingentium, sub idonea prosecutione ad Comitatum meum Constantini Augusti mittas, ut illis qui in præsentiarum agunt, atque diuturnis diebus interpellare non desinunt, audientibus, & coram assistentibus apparere & intimari possit, frustra eos Cæciliano Episcopo inuidiam comparare, atque aduersus eum violenter insurgere voluisse. Ita enim fiet ut omissis, sicuti oportet, eiusmodi contentionibus, populus sine dissensione aliquâ, religioni propriæ cum debita veneratione deferuiat. *l. 3. cont. Cresc. c. 70. & Epist. 68.*

§. XII.

Schismaticorum peruicacia.

HAc tam euidenti Ordinatoris Cæciliani purgatione, cum ora Donatistis penitus clauderentur; à solitis calumniis expetiere præsidium, dicentes Iudicem gratiâ fuisse corruptum: ubi nihilominus constabat Felicem fuisse absentem. Quapropter id ipsum in Collatione Carthaginensi repetendum existimarunt: primum addentes, suppositas fuisse personas: ac deinde Felicem absentem non rectè fuisse absolutum. *Collat. 3 ca. 24.* non cogitantes aliâ de causâ Felicem potuisse absentem esse: imò magis ad declarandam Felicis innocentiam

tiam profuisse, quod absens fuerit absolutus, quia gratiæ suspicio, si præsens esset, potius oriretur. *Collat. 3. cap. 24.*

Sed aliam interim, eamque duplicem, contra iudicium hoc, sibi aliquando in priuatâ collatione obiectam reprehensionem, meminit Augustinus: quod nimirum haud debuerit Episcopus Proconsulari, sed Episcopali iudicio purgari. Quasi verò Proconsul Ælianus hanc sibi cognitionem arripuerit, ac non potius ab Imperatore impositam sit executus. Quamquam & Donatistæ ipsi, causæ huius Imperatoris iudicem poposcerint, imò ad eum, uti post audiemus, ab Episcopis prouocauerint.

Altera criminatio erat: nimis seueram ac terribilem in materiâ Ecclesiastica quæstionem habitam fuisse: cò quòd Ingentius in equuleo suspensus, propè fuerit ungulis vexatus. Sed numquid absenti Felici id imputari debuit, aut præsens etiam contradicere potuit, ne tantâ diligentiam vel seueritate quæreretur, cum eius causam inueniendam Cognitor agiteret? Quid enim aliud fuisset, nolle sic quæri, quàm de crimine confiteri? *Epist. 162.*

Ad extremum summæ erat impudentiæ, quod, cum hæc Acta obliuione sepulta Donatistæ existimarent, ausi sint aliquando comminisci, Felicem in hoc Proconsulari iudicio, à Vincentio nescio quo, de Traditione fuisse conuictum: quod Cresconius Augustino obiecit. *l. 3. cont. Crescon. c. 69.* Contrarium enim patet ex Actis, quæ etiamnum legi, antè diximus.

S. XIII.

Synodus Arelatensis in causâ Cæciliani à Constantino indicitur.

His ita gestis in Africâ, Imperator ad proximas Kalendas Augusti, cum alias Ecclesiasticas ab causis, tum verò ad Cæciliani & Donatistarum discutiendam controuersiam, Arelate conuentum indicit, euocatis quamplurimis Italiæ, Hispaniæ, Galliæque Episcopis: *l. 1. cont. Parm. cap. 5.* inter eos & Chresto Syracusano in Sicilia, hisce litteris:

Constan-

*Constantinus Augustus Chresto Syracusano Episcopo
Salutem.*

IAM DV DV M cū nonnulli improbo & peruerso animo, à sancta
religione, & cælesti Euangelij doctrinā ac potentiā, & à Catholica
Ecclesiæ opinione desciscere cœperint; cupiens equidem eiusmodi li-
tes ac controuersias inter vos ortas dissoluere, ita scripsi, vt missis à
Galliā quibusdam Episcopis, quin etiam ex Africa aliis aduersarum
partium accersitis, qui inter se maximā cum pertinaciā & animorum
contentione digladiantur, & Episcopo Romano etiam coram, hoc
dissensionis quidquid videatur, possit illis præsentibus accuratā diu-
dicatione in rectam viam deduci. Verū quoniam (sicut vsu venit)
quidam tum salutis suæ, tum veri cultus, qui sanctissimæ Christi re-
ligioni debetur, penitus obliti, adhuc priuatas inimicitias exercere, &
graues similitates gerere non desinunt, dum nolunt aut Concilij iudi-
cio iam factō acquiescere, dumque definitē affirmant, paucos admo-
dum fuisse qui suas ipsorum sententias palām in Concilio profere-
bant: itque ipsi cū non omnia quæ antè quæri debuerant, accuratē
quæsitā essent, ad iudicium dandum properē & valde celeriter festi-
nabant, atque ex his omnibus ea fieri contigit, vt tum illi ipsi quos
fraternum & concordem animorum consensum inter ipsos retinere
oportuerat, turpi, imō nefariā & impiā dissensione discordent; tum
aliis hominibus, qui mentes à sanctissima religione alienas habent, an-
sam ludibrij & irrisionis præstent. Idcirco mihi sedulō prouidendum
erat, vt illud, quod post iudicium antea pronuntiatum, suā sponte
componi & tranquillari debuerat, etiam iam tandem multis præsen-
tibus Episcopis, exitum & finem consequatur.

Proinde quoniam plurimos Episcopos, ex locis diuersis & propē
infinitis, in urbem Arelatensem ad Kalendas Augusti conuenire
mandauimus; Tibi etiam per litteras significandum putauimus, vt
acceptā rhedā publicā à Clarissimo viro Latroniano Siciliæ condu-
ctore, duobus item aliis Episcopis ex sede secundā, quos tu ipse tibi
maximē diligendos iudicaueris, tibi in societatem adscitis: quin et-
iam tribus famulis, qui vobis inter vias ministrent assumptis, ad eum
diem in loco præscripto, aliis occurras: quō per tuam Grauitatem, &
consentientem sententiam reliquorum qui eō comitant, hoc dissi-
dium quod hactenus improbē ob turpes & scelestas concertationes
continua-

„continuarum fuit, simulatque ea, quæ ab utraque factione Episcopo-
 „rum (quos similiter adesse mandauimus) audita fuerint, possint, licet
 „serò, ad debitam religionem, fidem & fraternam concordiam, ali-
 „quando reuocari. Deus omnipotens in multos annos te nobis seruet
 „incolumem. *Euseb. l. 10. cap. 5.*

Litteras eiusdem tenoris ad reliquos Metropolitanos Episcopos,
 quorum arbitrio duo alij eiusdem prouinciæ deligerentur, Constan-
 tinum dedisse, existimandum est: quos omnes ad Concilij locum ad-
 duci voluit, datis Prouinciarum Præsidibus Tractorijs, pro sumpti-
 bus itineris è publico. Exstat enim aliarum exemplar litterarum,
 quas Imperator ad Ablaium dedit, vt Africanos Episcopos eodem
 adduci procuraret, concessis etiam schismatis auctoribus, non aliter at-
 que Catholicis, Tractorijs, vt tum appellabant: quæ diplomata
 erant, quibus euocati à Principe cursu publico utebantur, adscrip-
 tis statibus, id est diuersorijs & mansionibus vbi reciperentur. Litteras
 ad Ablaium, Lector reperiet inter eas quas Pithæus edidit, &
 Optato adhærent, vnà cum alijs, quibus ad se primum missos ex
 Africâ Schismaticorum Legatos, Lucianum, Capitonem, Eidentium,
 Nassutium &c. sumptu suo Constantinus in Africam remisit.

S. XIV.

*Synodus Cæcilianum denuò absoluit, Donatum
 denuò condemnat.*

EX diuersis igitur Prouincijs Arelatem conueniunt ducenti Episcopi,
 quemadmodum post Augustinum *l. 1. const. Parm. cap. 5.* testatur
 impressè Isidorus: vt adeò deprauatum videri possit. Adonis
 Chronicon, quod sexcentos perhibet adfuisse. Nec desunt argumenta,
 quibus Concilio præfuisse existimari Silvester Papa possit, qui de-
 sancto Melchiadi successerat. Quod nihilominus alij sic explicant, vt
 per Legatos absens ipse præfederit, vt ex Actis Concilij apparet.

In Synodo tam celebri, tamque numerosâ, tota rursus Africana
 causa diligentissime discutitur: Cæcilianus innocens declaratur,
 Donatus

CAVSSA DONATI ET CÆCILIANI. 177

Donatus non impudens tantum, sed multorum etiam magnorum-
que criminum reus peractus, totius Concilij sententiâ damnatur.
Epist. 162.

Absoluto itaque Cæciliano, ut tam effræni calumniandi audaciæ
obuiam iretur; seuerissima illicò Patribus conscripta lex est, hisce
verbis: De his qui falsò accusant fratres suos, placuit eos usque ad
exitum non communicare: sed falsum testem, iuxta Scripturam, im-
punitum non licere esse. *Conc. Arelat. can. 14.*

Ad vindicandam porrò Ecclesiæ disciplinam, alij nonnulli Cano-
nes confecti: qui quoniam schismatis origini sunt affines, haud de-
bent præteriri. De his, inquiunt, qui Scripturas sanctas tradidisse di-
cuntur, vel vasa Dominica, vel nomina fratrum suorum; placuit no-
bis, ut quicumque eorum ex Actis publicis fuerit detectus, non au-
tem ex suspitione famæ, vel verbis solis, ab ordine Cleri amouea-
tur. *can. 13.* Iam, si iidem aliquos ordinasse fuerint deprehensi: &
si in his quos ordinauerunt, ratio subsistit; non illis oblit ordinatio.
ibid. Et: Quoniam multi sunt, qui contra Ecclesiæ regulam pugna-
re videntur, & per testes redemptos putant se ad accusationem ad-
mitti debere; non admittantur, nisi Actis publicis docuerint omni-
se suspitione carere. *ead. can.*

De Afris, qui propriâ suâ lege vtuntur ut rebaptizent; placuit ut
si ex hac hæresi aliqui ad Ecclesiam venerint, interrogent eos no-
stræ fidei Sacerdos Symbolum: & si peruiderint in Patre & Filio &
Spiritu sancto eos baptizatos, manus tantum eis imponant, ut acci-
piant Spiritum sanctum. Quod si interrogati, non responderint hanc
Trinitatem, baptizentur. *can. 8.*

Et hæc quidem ad Donatistarum partim schisma, partim hæ-
resin pertinent: postque tam euidentem veritatis manifestatio-
nem non pauci Episcopi, errorem atque delictum suum agno-
scentes, ad Cæciliani communionem transierunt. *Epist. 68. &
Collat. 3. cap. 19.*

S. XV.

Donatus cum suis à Synodo ad Constantinum appellat.

VEruntamen Donatus Casensis, cum aliis nonnullis, in priore peruiacia & improbitate persistens, à Concilij sententiâ ad Imperatorem ausus est prouocare. *Epist. 46. 162. 165. 166. 167. 171. & l. 2. cont. Petil. c. 92.*

Ipse verò Papa Siluester euadere non potuit, quin communem cum Melchiade Traditionis & Thurificationis, apud horum posteros, calumniam subiret. *l. de vn. bapt. c. 16.*

Quod interim Rheticius Augustodunensis, Maternus Agrippinensis, & Marinus Arelatensis, qui Romæ Concilio interfuerant, huic iterum assederunt; non sic intelligas velim, vt eandem rursus causam iudicarint: sed aut instructionis suggerendæ gratiâ, aut rerum aliarum, quæ tum Ecclesiæ totius bono sancitæ sunt. Ob hoc enim Cæciliani quoque nomen Actis synodalibus subscriptum legitur.

Constantinus vbi Donatistas à Concilij sententiâ ad se prouocasse cognouit; grauissimè exarsit, eosque detestatus in hæc verba prorupit: O rabida furoris audacia! sicut in causis Gentilium fieri solet, appellationem interposuere. *Epist. 162. Opt. l. 1.*

Non eo quidem inficias, hæc prout nunc apud Optatum leguntur, post iudicium Romanum dicta à Constantino videri. Sed quoniam Donatistæ non tam eo tempore appellarunt, quàm minorem iudicum numerum, iudicii que præcipationem causati sunt; (vt ex literis Constantini patet, quas suprâ ad Chrestum exhibuimus hoc fine, viderique idem potest in aliis ad Ablauium; in quibus placidè, & absque exclamatione vlla causas quas diximus recensens, aliud iudicium Arelate decernit:) Optatus verò, præterquam quod à Donatistis miserè sit interpolatus, multis siue expunctis, siue transpositis, (vt illustrator eius sollertissimus Franc. Balduinus obseruauit) haud meminerit iudicij Arelatensis, neque Constantini postea; verisimilius

CAVSSA DONATI ET CÆCILIANI. 179

lius est exclamasse nunc Constantinum, quando mirâ peruicaciâ turbulentos Donatistas, hoc Arelatenſi iudicio minimè contentos vidit, vt colligitur *Epist.* 162. & apertè testatur Augustinus, qui iudicium Romanum, accusasse Donatistas ait, & ab Arelatenſi appellasse. *l. 2. cont. Petil. c. 92.*

Quapropter huc referendæ sunt Constantini litteræ, inter Pithæanas, ad Episcopos Catholicos, vt ad suas Prouincias finito concilio reuertantur: in quibus Schismaticorum proteruiam, iisdem verbis quæ nunc retulimus ex Optato, castigat: & incipiunt: *Æterna & religiosa, &c.* Et alia datæ ad Catholicos in Africa, hoc modo: *Quod fides debuit, &c.*

§. XVI.

Constantinus ipse causſam cognoscit, & Cæcilianum absoluit.

ET quamquam Constantinus importunam appellandi libidinem Anno non tantum reiicere, sed pecuniariâ etiam multâ castigare potuisset; (vt Valentinianus postea latâ lege decreuit, in Chronopio Episcopo, qui septuaginta Episcoporum iudicio damnatus appellauerat Præfectum Vrbi; *l. 19. Cod. Theod. quor. appell. non recipiend.*) nihilominus passus est sibi persuaderi, vt actum ageret, & ipse cognosceret: Veniam, vt inquit Augustinus, à sanctis Antistitibus postea petiturus. *Epist.* 162.

Romam igitur partes accersit: ibi se causſam auditurum, cuius rei testis est Epistola, quæ sequitur.

Constantinus Augustus Episcopis.

ANTE paucos quidem dies, iuxta postulatum vestrum, hoc mihi placuerat, vt ad Africam reuerteremini, vt illic omnis causſa, quæ vobis aduersus Cæcilianum competere videtur, ab amicis meis quos elegissem, cognosceretur, atque finem debitum reciperet. Verùm diu mihi cogitanti, & in animo meo non immeritò voluenti, id potissimum visum est, vt quoniam scio quosdam ex vestris turbulentos

Z 2

fatis

„fatis & obstinato animo, rectum iudicium & integræ veritatis ratio-
 „nem minimè respicere, ac per hoc venire forsitan, vt si ibidem cogno-
 „scatur, non vt concedet & veritatis ratio expostulat, res finem acci-
 „piat: atque aliquid tale eueniat nimia vestrâ obstinatione, quod &
 „diuinitati cælesti displiceat, & existimationi meæ, quam semper illi-
 „batam cupio perseuerare, plurimum impediat; placuit mihi, sicut
 „dixi, vt Cæcilianus iuxta prius tractatum, huc potius veniat, quem
 „credo iuxta litteras meas mox adfuturum. Polliceor autem vobis,
 „quod si præsentem ipso, de vno tantum crimine vel facinore per vos
 „metipsum aliquid probaueritis, id apud me sit, ac si vniuersa quæ ei
 „intenditis, probata esse videantur. Deus omnipotens perpetuam tri-
 „buat securitatem. *ita Constantinus.*

Verumtamen cum Cæcilianus istuc, quâ de causâ incertum, non
 occurrisset; interpellatus à Donatistis Constantinus, Mediolanum
 vt sequantur, præcepit. Ibi tum eorum se nonnulli subtrahere cœpe-
 runt, indignati fortasse, quod non eos imitatus, præcipiti sententiâ
 absentem damnaret. Quod vbi prouidus Imperator cognouit; reli-
 quos ab Officialibus custoditos, Mediolanum fecit peruenire.

Quod cum & Cæcilianus venisset; Constantinus mirabili diligentia,
 cautela, & prouisione, cognita causâ, Cæcilianum innocentissimum,
 Donatistas improbißimos iudicauit. *Epist. 162.* Acta hæc fuisse vt ap-
 paret, Sabino & Ruffino Coll. Eodem enim anno, quarto Idus
 Nouembris, Constantinus totius iudicij exitum sententiam-
 que ad Eumalium, Vicarium Præfectorum in Africam perscri-
 bit, vt eius operâ in omnium illic notitiam perferatur: *l. post Coll.*
c. 33. asserens inter partes remotis arbitris omnibus se cognouisse, &
 innocentem Cæcilianum, illos calumniolosissimos comperisse. *Coll. 3.*
cap. 19. Commemorans etiam, in Arelatenfi Oppido pro Cæciliano
 factum Episcopale iudicium: cui iudicio licet iam plurimi ex dissen-
 sione consensissent; reliquis tamen adhuc resilientibus & discordan-
 tibus, iniectâ nimirum appellatione, coactum se inter partes de re to-
 tâ iudicare. *ibid.* Subdens denique: In quo iudicio peruidi, inquit,
 Cæcilianum virum omni innocentia præditum, ac debita religionis
 suæ officia seruientem, eique ita vt oportuit seruientem: nec vllum in
 eo crimen reperiri potuisse ibidem apparuit, sicut absenti fuerat ad-
 uersariorum suorum simulatione compositum. *l. 3. cont. Cresc. c. 71.*

§. XVII.

*Cæci pertinaciâ & odio Donatista ad
calumnias confugiunt.*

ITa triplici iudicio purgatus est & absolutus Cæcilianus: totidem-
que sententiis damnati percussique Donatistæ, odio nihilominus
malitiæque cæci, in pristina improbitate & dissensione obstinati per-
mansere; eandemque in posteros, veluti iure hereditario transfude-
runt: adeo ut supinam hanc pertinaciam non vereatur Augustinus
non tantum cum diabolo comparare; sed etiam superiorem facere,
dum ait: Puto quod ipse diabolus, si auctoritate iudicis, quem
ultro elegerat, toties vinceretur, non esset tam impudens ut in eâ
causâ perfilteret. *Epist. 167.*

Consumtis igitur iam tribunalibus omnibus, cum Donatistæ ne-
minem haberent quem appellare possent; quod unicum restabat, ad
calumniarum præsidium conuersi, Imperatorem quem sibi iudicem
antea poposcerant, criminari ceperunt, prauis suggestionibus au-
res eius inflatas. *Coll. 3. c. 19.* quin & gratiâ corruptum fuisse iacti-
tantes. *l. 1. cont. Parm. c. 6. l. 3. cont. Cris. c. 6.*

De Osio porro Cordubensi Episcopo, cui totum imputabant,
pessima, plurimæque indigna contrebant. Questus enim de eodem
Parmentianus aliquando fuit, quod Cæciliano auxilium præstitisset,
ut ad eius communionem, sanctorum & illibatorum numerus (ita
suos appellans) cogeretur: sed huic impietati fidem seruorum Dei
integram restitisse. *l. 1. cont. Parm. c. 5.* neque id sanè mirum, aut ab
Osij moribus ingenioque videri debere alienum; ut qui deinde ob
crimina flagitiæque sua fuerit à propriis collegis in Hispaniâ dam-
natus: tamen posteriore iudicio ab Episcopis Galliæ, sed Osij frau-
dibus circumuentis, sit absolutus. *cod. l. c. 4.*

At verò in Collatione Carthagenensi, dum Constantini iudi-
cium frustra facere conantur; asseruerunt eum audito postea Ingen-
tio, quem ad se paullo antè transmitti iusserat, latam prius sententiam
retractasse. *Collat. 3. cap. 23. & 24. Epist. 152. l. post Collat. cap. 31. 32.*

¶ 33. Sed eam calumniam facillimum erat conuellere.

Nam quo pacto, misso ad se Ingentio, sententiam resorbuit Imperator, quam tantò post latam esse constat, quàm de Ingentio mittendo ad Probianum Proconsulem scriberet: putà annis duobus, atque octo penè mensibus? *l. post Coll. c. 33.* Quamquam & causam, cur præsentem Constantinus habere vellet Ingentium, satis ipsæ litteræ loquuntur. Vnde dubium non est, quin & Arelare auditus sit Ingentius, & exhibita Felicis Aptungitani purgatio.

Atqui impudentiâ maiore scribere deinceps gloriarique non sunt veriti, quod Cæcilianum Donatus Carthaginensis (quem Ecclesiæ illius ornamentum, & Martyrialis gloriæ virum appellarunt, vt post dicemus) apud Imperatoris cognitionem, reum fecerit conuiceritque, imò damnatum in exilium trudi procurarit. *l. post Coll. cap. 16. Epist. 50.* Ita nimirum calumniam calumniâ, ne perplueret, pars Donati pertexit.

CAPVT III.

FVRORIS DONATISTARVM INITIA.

§. I.

Donatistæ Catholicos Basilicâ suâ exuunt.

INterea in Africam reuersis iis, qui se Imperatoris iudicio subduxerant, Basilicam quam in Constantina ciuitate Numidiæ, Constantinus erigendam curauerat, depulsis Catholicis occupauerunt. Catholici, Christianâ patientiâ superantes iniuriam, omnemque tumultuandi occasionem exosi; id solum ab Imperatore expetierunt, vt in loco fiscali, aliam Basilicam ædificari permitteret. Collaudatâ eorum modestiâ Constantinus, voti compotes effecit: vt patet his litteris.

Constantin-

*Constantinus Victor, Maximus ac triumphator semper Augu-
stus: Zenzio, Gallico, Victorino, Sperantio, Ianuario,
Felici, Crescentio, Pontio, Victori, Babbutio,
Donato Episcopis.*

Cum summi Dei, qui huius mundi auctor & pater est, cuius be-
neficio vitam carpinus, celum suspicimus, humanam etiam societate
gaudemus, hanc voluntatem esse constet, ut omne humanum genus
in commune consentiat, & quodam societatis affectu quasi mutuis
affectibus glutinetur; non dubium est hæreses & schismata à diabo-
lo, qui caput est malitiæ, processisse, &c. Deinde post aliquamulra,
Accepta igitur Epistola sapientiæ & grauitatis vestræ, comperi
hæreticos siue schismaticos, eam Basilicam Ecclesiæ Catholicæ,
quam in Constantinâ ciuitate iusseram fabricari, solitâ improbitate
inuadendam putasse, & frequenter tam à nobis, quàm à iudici-
bus ex nostra iussione commonitos, & reddere quod suum non
erat noluisse: vos autem imitatores patientiæ Dei summi, eorum
malitiæ placidâ mente, ea quæ vestra sunt relinquentes, & potius
locum vobis inuicem alium fiscalem scilicet, poscere.

Quam petitionem more instituti mei libenter amplexus sum,
& statim ad Rationalem competentes dedi, ut domum bono-
rum nostrorum transgredi faciat, cum omni iure suo ad domum
Ecclesiæ Catholicæ, quam promptâ liberalitate donauit, ac vobis
tradi protenus iussi: in quo tamen loco sumtu fiscali Basilicam
erigi præcepi. Ad Consulare quoque scribi mandauit Numidiæ,
ut ipse in eiusdem Ecclesiæ fabricatione, in omnibus sancti-
moniam vestram iuuaret. Lectores etiam Ecclesiæ Catholicæ,
&c.

S. II.

*Schismaticos Constantinus pœnis
coercere statuit.*

Ceterum Imperator, tantâ Donatistarum improbitate tot eui-
dentibus indiciis notâ, vbi nihilominus in dissensione animo
obstinato perdurare sensit; æquissimo zelo succensus, quos vincere
longanimitate non poterat, seueritate aggredi statuit. Legem itaque
condit, quâ primùm Basilicas eis omnes adimit: conuentus inire
prohibet: Episcopos resipiscere nolentes in exilium eiicit: atque
vniuersim facultates conuictorum omnium, & vnitati pertinaciter
resistentium, fisco vindicat. *Epist. 48. 68. 166. libro 1. cont. Pe-
til. cap. 92.*

Neque his contentus, eos, qui Cæcilianum tam calumniosè ac
procaciter accusarant, in primis autem Donatum Casensem, totius
schismatis architectum, capitis damnat. Quod dum Parmenianus,
Osio Cordubensi Episcopo suggerente factum fuisse ausus est ali-
quando criminari; hoc ab Augustino responsum accepit: Quin et-
iam audet conqueri (Parmenianus) quod eos Constantinus ad cam-
pum, id est ad supplicium duci iussit, qui victi apud Ecclesiasticos
Iudices, nec apud ipsum quæ dicebant probare potuerunt, & adhuc
in sanctæ Ecclesiæ præcisione sacrilego furore ferebantur: & hoc
eum tamquam immaniter iussisse Hispano Osio suggerente crimina-
tur, suspicionibus videlicet suis semper damnando inauditos. Quasi
verò non humaniùs ac probabiliùs alius crediderit, Osio tamquam
Episcopo suggerente potius factum, vt in leuiorem coërcitionem,
quamuis immaniissimi sceleris, id est sacrilegi schismatis, sententiam
flecteret Imperator. *l. 1. cont. Parm. c. 7.*

Ex quibus perinde constat, capitalem quidem sententiam in Cæ-
ciliani accusatores latam; sed ne executioni mandaretur, Osum in-
tercessisse: non quod foret iniqua; sed mansuetudini Ecclesiasticæ, in
tali causâ personisque, leuior aliqua censura conueniret. Quàm enim
Legem illam non damnarit Augustinus, intelligi ex sequentibus po-
test,

test, dum ait: Quid enim non isti iuste patiuntur, cum ex altissimo Dei præsidentis, & ad cauendum ignem æternum flagellis talibus admonentis iudicio patiuntur, & merito criminum, & ordine potestatum? Prius enim probent se non esse hæreticos vel schismaticos: tum demum de indignis pœnis suis, liuidam emittant vocem, tum demum se audeant, cum mali aliquid patiuntur, veritatis Martyres dicere. *l. 1. cont. Parm. cap. 8.*

§. III.

Eius exemplum Imperatores postea secuti.

Quare hoc Constantini iudicium ac legem cum filij eius, tum qui deinde secuti sunt Imperatores Catholici, quoties contra Donatistas erat agendum, in oculis habendam, imitandamque duxerunt: *Epist. 48.* vt non ob aliud de Constantino Donatus grauissimè questus sit, totamque facti inuidiam in Cæcilianum protruserit: posterique ipsius omnem sæculi principatum despexerint contemserintque, magno fastu occinentes: Quid Christianis, cum Regibus sæculi? Quid Ecclesiæ cum Imperatore? Quid Episcopis cum palatio? *l. 2. cont. Petil. cap. 92.*

Atqui meminisse debuerant; priores se Cæcilianum ad Imperatorem detulisse, eiusque tribunal implorasse. Nunc si quod exitium innocentis fuerant machinati, id iuste Dei iudicio recidit in caput ipsorum; eaque fouea sorbentur, quam alteri fecerant; quis obsecro querimoniam eorum audiat, quis doleat vicem? Eadem nimirum ratione, qui Prophetam olim Daniele inimici damnauerant, criminari eundem possent, quod leonum rabiem in se conciuissent, cui innoxium conabantur obicere. *l. post Coll. cap. 31.*

Nam si Donatistis accusantibus atque superantibus, contra communionem Cæciliani Imperator tale aliquid decreuisset; prouisores Ecclesiæ, defensores pacis & vnitatis nominari vellent. Cum verò in eos, qui vltro accusantes nihil probare potuerunt, nec oblato sibi gremio pacis, quo correcti exciperentur, consentire voluerunt; ab Imperatoribus talia decernuntur; indignum facinus clamitatur: ne-

A a

minem,

minem ad vnitatem esse cogendum: malum pro malo reddendum nemini esse contenditur. Quid hoc est aliud, quàm quod de Donatistis Donatista ipse Tichonius scripsit: Quod volumus, sanctum est? *Epist.* 48. & 167. Ad alios itaque motus, qui tum in Africâ excitati sunt, transeamus.

S. IV.

Donatista Imperatoriis Edictis peiores, & in se crudeles redditi.

NAm cùm de Imperialis iudicij exitu intellectum in Africâ est, imò edicta legesque contra Donatistas non promulgari tantummodò, sed in executionem mitti cœperunt; ibi tum insanire ac furere, clamantes conscientis suis vim inferri: inuitos se ad Cæcilianî & Traditorum communionem, quos probare nemo bonus posset, compelli: alienis peccatis violenter inuolui, hocque pacto innocentiam suam maculari ac pollui: in summâ, dum ad sacrilegiâ per vim cogantur, nouam à Christiano Principe, & inauditam hactenus persecutionem instaurari. Eapropter Deum hominesque palàm obtestari, vitam sibi potius, quàm tantæ impietatis consensum, eripi passuros.

Nec stetit intra verba ferocitas, sed, veluti indictâ persecutione, ad Martyrium se quisque præparare, alterumque hortari: Iudicibus carnicibusque se offerre: votis omnibus mortis supplicium adire. Attonitis omnibus quorsum euaderet repentina vafania, præsertim cùm nullus ad mortem Donatistis persecutor instaret; nouum ecce & inauditum hactenus facinus aggrediuntur.

Quo loco sciebant à Paganis agi frequentissimos Sacrificiorum conuentus, eò inermes agminatim conuolant: non vt idola euertant, sed ab Idolorum cultoribus interficiantur. Nam si acceptâ legitimâ potestate, prius illud facere voluissêt; si quid eis accidisset, possent qualemcumque nominis Martyrum habere vmbrâ: sed ad hoc solum veniebant, vt integris Idolis ipsi perimerentur. Itaque dum tanto numero, veluti sacra eorum turbaturi, accedere conspiciuntur; facile infidelium

fideliū in se manus & arma vertētes adeoque propē nullo consilij sui dato signo irruentes, in oppositos se gladios & venabula ingerunt, & configantur.

Dum autem sēpius hęc agunt; ingens patrata cædes & laniena fuit: tam frequens & vñtata; vt non in ludum aut iocum, sed in religionem iam quoque verteretur. Etenim singuli quique valentissimi iuuenes, Idolorum cultores, quis quot occideret, ipsis Idolis tamquam hostias quasdam vouere consueuerant. *Epist. 50. & libr. 1. cont. Gaud. cap. 28.*

Quidam etiam se trucidandos armatis viatoribus ingerebant: percussuros eos se, nisi ab eis perimerentur, terribiliter comminantes. Nonnumquam & à Iudicibus transeuntibus extorquebant violenter, vt à carnificibus vel ab officio ferirentur. Vnde & quidam illos sic illulisse perhibetur, vt eos tamquam percutiendos ligari & dimitti iuberet, atque ita eorum impetum incruentus & illatus euaderet. *Epist. 50.* Nec defuere qui percussores pecuniā conducerent, teste Optato *libr. 3.*

Sed vbi qui ferire eos vellent, deesse cœperunt; stultissimā Martyrialis gloriæ cupiditate dementati, rabidas in se manus conuerrere ausi, triplex potissimū mortis genus elegerunt, quo perirent: dum se alij per abrupta montium deiicere; alij in aquas puteosque delilire; alij denique flammis se dare sunt aggressi. Hic enim mori volentibus quotidianus erat inter eos ludus: *l. 1. cont. Gaud. c. 37.* à laqueo interim sollicitè abstinentes, quod Traditor Iudas eo periisset; ipsi verò omnem cum Traditoribus societatem, vsque ad ipsum supplicij genus, auersarentur. *eod. l. & c.*

Quare tam insignem cærimoniam posteri eorum religiosè seruauerunt. Hinc illud est Petiliani improprium: Laqueo Traditor perit: *l. 2. cont. Pet. cap. 8.* Laqueum talibus dereliquit, *l. 2. cont. eund. c. 49.* Quasi nimirum qui Iudam ad laqueum impulit, non idem sit & Christo præcipitium persuadere conatus: non idem Gerasenorum porcos, in mare suffocandos egerit: non idem puerum lunaticum frequenter & in aquas, & in ignem miserit. *Epist. 50. & l. 1. cont. Gaud. cap. 37.*

Satanæ fraus hæc omnis consiliumque fuit: cui cū se sacrilego schismate, & vñsano Ecclesiæ Catholicæ odio obstrinxissent; totos adhuc à Christi corpore atque vñitate præcisos, in eius potestatem contradidissent; quid mirum, si, quod facere ad extremum solet, in

furorem eos, propriumque exitium fœdissimè egerit; ceteros verò proripuit ad imitandum, dum crudelissimos sui homicidas, Martyrum honore coli procurauit?

§. V.

Constantinus in Africam cogitat.

INterea fanaticorum hominum eiusmodi solemnes intemperias ubi Constantinus accepit, in Africam proficisci ipse statuit: vt qui Gentilium in Christianos persecutionem sustulerat, non tantummodo nouam non videretur datâ occasione adoriri, sed ab inuicem dissidentes conciliaret. Apparet id manifestè satis ex litteris, quas eodem adhuc anno ad Celsum Vicarium misit, tametsi videantur principio mutilæ.

„ Celsò Vicario Africæ. Perseuerare † Menalium eum quem iam
 „ dudum susceperat infania, ceteros qui à veritate Dei digressi, errori
 „ se prauissimo dederunt, proxima etiam tuæ grauitatis scripta testata
 „ sunt: quibus inhærentem te iussioni nostræ, de merito seditionis ip-
 „ sorum, eoque tumultu quod apparabant, inhibitu esse memorasti,
 „ frater Carissime. Vnde quoniam ex eo patuit ipsos nefarias res cogi-
 „ tasse; quod enim cùm statuissem inter ipsos & Cæcilianum, plenissi-
 „ mè super allegationibus diuersis requirere, præsentia meâ susceptam
 „ fugam, subtrahere laborauerunt; hoc ipso turpissimo facto confessi,
 „ ad ea redire properare, quæ & antea fecerant, & nunc agere perseue-
 „ rant. At cùm constet, minimè vnumquemque propria penitus delicta
 „ lucrari, etiamsi paullisper eorum fuerit coërcitio dilata; mandandum
 „ Grauitati tuæ duxi, vt interim quidem eosdem omittas, & dissimu-
 „ landum super ipsos esse cognoscas: verum lectâ hâc Epistolâ, tam
 „ Cæciliano quàm iisdem palam facias, quod cùm fauente pietate diui-
 „ nâ Africam venero, plenissimè vniuersis tam Cæciliano, quam iis qui
 „ contra eum agere videntur, lecto dilucido iudicio demonstraturus
 „ sum, quæ & qualis summæ diuinitati sit adhibenda veneratio, & cu-
 „ iusmodi cultu delectari videatur. Adhibito etiam diligenti examine,
 „ ea quæ nunc aliqui exinde illecebris mentis ignorantiaque occultare
 sc

se putant; plenissimè sum reperturus, atque in lucem facturus venire
eandem personas, quæ res istiusmodi concitant, faciuntque vt non
cum ea quæ oportet veneratione summus Deus colatur, perdam at-
que discutiam.

Cumque satis clareat, neminem posse beatitudines Martyris eo
genere cõquirere, quod alienum à veritate religionis & incongruum
esse videatur; eos quos contra fas & religionem ipsam recognouero,
reosque violentis competentis venerationis deprehendero, sine vlla
dubitatione infani & obstinationisquæ temerariæ faciam merita exitia
persolvere. Scire itaque pro certoque habere debeant, ad plenissimam
fidem, salutem etiam teste inuocata, quod tam super plebe, quàm super
Clericis his qui primi sunt, sum diligentissimè quæsiturus, idque iudi-
caturus quod verissimum & religiosissimum esse manifestum sit: de-
monstraturus etiam iisdem, qui & qualis diuinitati cultus adhibendus
sit. Nam nequaquam me aliter maximum reatum effugere posse cre-
do, quàm vt hoc quod improbe sit, minimè existimem dissimulan-
dum: cum nil potius à me agi, pro instituto meo ipsiusque Principis
munere oporteat, quàm vt disculis erroribus, omnibusque temerita-
tibus amputatis, veram religionem vniuersis, concordemque sim-
plicitatem, atque meritam omnipotenti Deo culturam præsentare
perficiam.

Hactenus Constantinus ad Celsum: sed cuius in Africam iter, oc-
currentibus aliis rerum causis, hacque fortasse quam adducturi su-
mus, impeditum est.

S. VI.

Donati Casensis repetita audacia.

Donatus liquidem, etsi res suas in arcto positas, atque tantum non
desperatas vidit; attamen vno adhuc & extremo audaciæ im-
pudentiæque impetu erigere conatus est. Libellum cum suo, tum
collegarum nomine conficit, Imperatori porrigendum. In eo à que-
rimoniâ exorsus, grauem quam ab Imperatore persecutionem susti-
neant, vehementer exaggerat: *Epist. 152.* sed quantumcumque magna

Anno
317.

A a 3

& into-

& intolerabilis foret; nunquam tamen se istuc adducendos, vt animo fracti, Antistiti ipsius nebuloni (Cæcilianum, quem nominare dedignabatur, significans) communicent: tam fixam hanc sibi sententiam esse, vt extrema potius omnia sint passuri, quàm eius se societate pollui sustineant. *Coll. 3. cap. 21. l. post Coll. cap. 31.* Orare se, vt latam nuper Legem Imperator rescindat, faciatque potestatem ad suos in Africam reuertendi. *Opus. l. 1.*

Constantinus perlecto libello, admiratus hominis impudentiam; preces reiicit, neque responso dignatur. Aderat ei tum fortè Philumenus quidam, Donati suffragator, quemque pecuniâ, vt credi par est, corruperat. Qui vbi constantiorem Imperatoris animum vidit, quàm vt in Donatum posset inflectere; suggerit, vt bono pacis Cæcilianus quoque detineatur: nè, cùm fuerit ad sedem suam reuersus, maior ibi dissensionum flamma suscitetur. Consilium in speciem bonum atque utile, sed fraudulentum & perniciosum: vt hoc pacto Cæcilianus videri posset non secus atque alij relegatus: quemadmodum postea in Collatione Carthagenensi Donatistæ obiciendum putarunt. *Collat. 3. c. 20. l. post Coll. c. 31.*

Constantinus doli ignarus, approbato Philumeni consilio, Cæcilianum accersit: expositâque Donati, & collegarum ipsius proteruiâ, ac deinde motibus qui tum erant in Africâ exorti; quodque hinc non sibi dumtaxat, sed toti Ecclesiæ queat procreari periculum; auctor est vt cedat tantisper, seque in Italiâ, Brixia signanter (vbi hæc verisimiliter agebantur) contineat, donec viderit quorsum animorum excitati fluctus euadant. Operam se daturum, vt existimationis & dignitatis ipsius ratio istic habeatur: simul etiam litteras ea de re Carthaginem missurum, nè quis hoc factum, secus atque habeat, interpretetur: denique id curaturum, vt si fieri possit, omnis discordia sopiatur.

Cæcilianus Imperatoris sollicitudini ac prouidentia gratias agens, Brixia, vti iussus erat, obhæret.

S. VII.

*Eunomium & Olympium Imperator legatos
in Africam mittit.*

INterea Constantinus de Donatistarum per Africam furore aliquanto certius per Proconsulem edoctus; ubi regionem eam, quam tot modis nuper afflictam recreare nonnihil statuerat, tantâ rursus calamitate, contra quàm sperarat, videt inuolui; agro animo esse, multaue secum agitare, quâ potissimum ratione possit succurrere. Adhibitoque in eam rem Episcoporum, ut aſolet, consilio, optimum censuit, si amoto Donato, ipsoque Cæciliano ad aliam translato sedem, tertius Carthagine statuatur Antistes. Fore, ut sopitis hoc pacto discordiis, iterum pars illic ytraque coalescat, & ad unitatem reuertatur.

Vt hoc autem in transitu dicam, existimant hinc nonnulli Maiorino pridem defuncto Donatum Casensem Carthagine successisse, tamen neque Optatus neque Augustinus istud expreſſerint. *Albaſpin. obseruat. 3. in Optat.* Sed id alij statuunt: neque enim necesse est, nos pergamus.

Imperator hiſce conſiliis fretus, duos magni nominis Hispanos Episcopos, Eunomium & Olympium, cum litteris in Africam ablegat, negotium ut optime potuerint confecturos. Pontificis Romani conſenſum acceſſiſſe, planiſſime credo.

Appulſi, in id gnauiter incubuerunt, ut Donatiſtas ad meliorem mentem, & Catholicam unitatem reducerent, ſepoſitis omnium diſſidiorum veteribus cauſis: polliciti alium in Cæcilianum locum ſurgare, ſi animoſitate valefacta pacem amplecti in commune vellent.

Verùm Donatiſta tumultu ac ſeditione omnia complentes, nihil pacifice agitari ſunt paſſi. Fremebant Catholicæ Eccleſiæ nomen (quod poſſidere ipſi volebant) hæſſere apud plebem Cæcilianum. Negabant deinde ullam, niſi reſtituto ſibi Donato ſuo, concordie ſpem ſuperſeſſe.

Episcopi ubi & fruſtrâ ſe laborare, & nihilo vtilius Cæcilianum amoueri

amoueri vident; rebus omnibus suo statu relictis, post multam contentionem pronuntiant: Ecclesiam esse Catholicam, quæ sit toto terrarum orbe diffusa: ei Cæcilianum communionis vinculo, cum suis esse sociatum, atque ab illa vicissim pro tali agnosci & suscipi: eam esse Romani & Arelatenfis Concilij sententiam, ipsius Imperatoris iudicio denique firmatam: ideoque siue dissolui, siue in dubium vocari, haud posse.

Igitur Eunomius & Olympius, postquam Cæciliani Clero palàm communicassent, re infectà vnde venerant redierunt. *Optat. l. 1. Euseb. l. 2. de vit. Const. cap. 64.*

§. VIII.

Nundinarius Diaconus, Siluani Cirtensis Episcopi, & Schismaticorum causam prodit.

Eodem ferè tempore casus quispiam incidit, quo res Donatistarum, arcanis quibusdam criminibus mutuà contentione patefactis, vehementer afflictæ sunt. Siluano, quem Cirtensem nuper Antistitem factum diximus, erat Diaconus Nundinarius nomine; quem ille (quo merito eius, incertum) dignitate spoliatus excommunicarat. Nundinarius non ferens contumeliam, vicinis Episcopis queritur, restitui postulat: quod nisi assequatur, minatur palàm facere complura, quæ altissimo silentio inuolui, Siluani interfit. *l. 3. cont. Cresc. cap. 28. l. de vnit. Eccl. cap. 18. Epist. 162. & 163. l. de gest. cum Emer.*

Tentatur per litteras (quarum aliquæ integræ, aliarum frustra exstant in Actis) ab Episcopis reconciliatio: sed cum eam Nundinarius, terribiliter magis quàm suppliciter exposceret; frustra id fuit. *l. 3. cont. Cresc. cap. 28.* Quamobrem non se purgare contentus, porrecto Episcopis libello, Siluanum de Traditione, sacrilegio, schismate & Simonia accusat. Profert in publicum Carthaginensis conciliabuli, Lucillianæ nundinationis, atque initæ contra Cæcilianum conspirationis occultum mysterium: prodit etiam Cirtensis Synodi arcanum, in qua confessum Traditionis crimen mutuà fuerat Episcoporum indulgentiâ sepultum: denique totum ferè Cirtensis Ecclesiæ clerum, Traditionis

ditionis infamiâ perfundit. Atque vt erat præ ceteris Siluano infen-
sor, ita publico illum iudicio traducere statuit: cui perinde coram
Zenophilo Consulari Numidiæ ad Idus Decembris (Constantino
Aug. VI. & Constantino iuniore Coll.) diem dedit.

Ad tribunal vbi ventum fuit, non testibus tantum idoneis, sed &
Actis publicis, è Curatoris Cirtensis archiuo productis, reum Tra-
ditionis Siluanum Nundinarius peragit. Recitat eorum partem
haud exiguum Augustinus, l. 3. *cont. Cresc.* c. 29. sed exstant integra
post Optatum, eruta opinor editaque primùm à Pithæo. Nō ea post
Augustinum repetemus.

Respondit Nundinarius: Legantur Acta. Zenophilus Consularis
dixit: legantur. Et legit Nundinius exceptor: Diocletiano VIII. &
Maximiano VII. Coll. quartodecimo Kalendas Iunij, ex Actis Mu-
natij Felicis, Flaminis perpetui, Curatoris Colonix Cirtensis. Cùm
ventum esset ad domum, in qua Christiani conueniebant, Felix Fla-
men perpetuus Curator, Paulo Episcopo dixit: Proferre Scripturas
legis, & si quid aliud hic habetis, vt & præcepto & iustioni parere
possitis. Paullus Episcopus dixit: Scripturas Lectores habent, sed
nos quod hic habemus damus. Felix Flamen perpetuus Curator dixit
Paullo: Ostende Lectores, aut mitte ad illos. Paullus Episcopus dixit:
Omnes cognoscitis. Felix Flamen perpetuus Curator dixit: Non
eos nouimus. Paullus Episcopus dixit: Nouit Officium publicum,
id est Edelius & Iunius Exceptores. Felix Flamen perpetuus Cura-
tor dixit: Manente ratione de Lectoribus, quos demonstrabit Offi-
cium, vos quod hic habetis, date. Sedente Paulo Episcopo, Mon-
tano & Victore, Deusatelio & Memorio Presbyteris, adstante Marte
cum Helio Diacono, Marcilio, Catullino, Siluano & Cariso Sub-
diaconis: Ianuario, Meraclo, Fructuoso, Miggene, Saturnino, Vi-
ctore, Sanfurico & ceteris fessoribus, contrascribente Victore Au-
fidij in Breui, sic: Calices duo aurei. Item calices sex argentei: vr-
ceola sex argentea, &c.

Et alia loco. Posteaquam peruentum est in Bibliothecam, inuen-
ta sunt armaria inania. Ibi protulit Siluanus, Capitulatam argen-
team, & lucernas argenteas, quod diceret se post arcam inuenisse eas.
Victor Aufidij Siluano dixit: mortuus fueras, si non illas inuenisses.
Felix Flamen perpetuus Curator Reip. Siluano dixit: Inquire dili-
gentius ne quid hic remanserit. Siluanus dixit: nihil remansit, totum
hoc eiecimus, &c.

B b

Vbi

Vbi de Traditionis crimine constitit; conspiracy eum deinde aduersus Cæcilianum initæ, & acceptæ ab Lucillâ pecuniæ reum fecit; Lucillam enim, vt de Cæciliano vindictam ultionemque sumeret, Numidas Episcopos Carthaginem euocasse, & sub magno auri pondere, putâ quadringentis follibus, vt amoto Cæciliano Maiorinus ordinaretur, impetrasse ostendit: atque huius largitionis participem fuisse Siluanum. Demum etiam labe Simoniacâ infectum prodit, quod Victorem quemdam Fullonem, acceptis ab eo viginti follibus, Presbyterum creasset, vt patet ex Actis quæ Augustinus, frustatim citat, his verbis: Testis est Christus & Angeli eius, quoniam traditoribus communicatis: id est, Siluanus à Cirtâ Traditor est, & fur rerum pauperum: quod omnes vos Episcopi, Presbyteri, Diaconi & Seniores scitis, de quadringentis follibus Lucillæ clarissimæ feminae, pro quo vobis coniurastis vt fieret Maiorinus Episcopus, & inde factum est Schisma. Nam & Victor Fullo, vestri præsentia & populi dedit folles viginti, vt factus esset Presbyter: Quod scit Christus & Angeli eius. *l. 3. cont. Crest. c. 29.*

Porro autem conscius horum omnium Nundinarius cum esset; exosum iam dudum se Episcopo suo fuisse; à quo perinde nuper, arreptâ è medio causâ, innocens degradatus sit atque excommunicatus; quâ de re tametsi cum vicinis Episcopis egisset, auxilium ab eis exposcens; tentatis nihilominus omnibus, placari hominem non potuisse: Eâdem operâ exhibet porrecti Episcopis libelli exemplar, quo Cirtensis Concilij Acta continebantur, quibus confessum Traditionis crimen inuicem sibi ignouerant.

§. IX.

Zenophilus Consularis Siluanum condemnat.

Igitur Zenophilus Consularis causâ cognitâ, hisque omnibus ponderatis, contra Siluanum pronuntians, dixit: *Et Actis & litteris quæ recitata sunt, traditorem constat esse Siluanum.* Item alio loco: *Zenophilus Consularis dixit: Quid administrabat tunc Siluanus in Clero? Victor respondit Sub Paulo Episcopo orta persecutio est, & Siluanus Subdiaconus fuit. eod. l. & c.*
Cura

Cùm constaret adhuc, eundem Silvanum Donatistice factionis esse, eoque obnoxium Imperatoris Legibus nuper latis, quarum tenore dignitatibus suis atque Basilicis Præsules privati in exilium trudebantur; cum Silvano verò non iam Zenophilus tantum, sed Vrsatius etiam egisset (is fortè cuius meminit Petilianus l. 2. cont. Paul. c. 92.) vt ad vnitatem rediret: & is qui iam traditor erat, permanere etiam hæreticus vellet, vt falsum honorem in ipsa parte Donati haberet, qui habere in Catholica nullum posset, tam manifestis traditionis suæ gestis publico iudicio referatis; actus in exilium est. l. 3. cont. Cresc. c. 30.

Atque ita Dei providentiâ factum, vt non modò transmarinis, sed & Africanis, Proconsulari altero, altero Consulari Numidiæ iudiciis, aduersariorum operâ procuratis, Cæcilianî innocentia magis illustraretur, magis detegeretur Donatistarum improbitas.

S. X.

Obstinos Donatistas Imperator demum arbitrio suomet permittit.

Sed priusquàm hæc agerentur, reuersis ex Africâ Eunomio & Olympio Episcopis, vbi intractabilem Donatistarum malitiam Imperator intellexit; vehementer iratus, grauius aliquid in eos decreturus videbatur. Sed quoniam in proprium exitium, tamquam mente captos aut à Satana possessos, præcipites ferri considerabat, vt iam tum pœnas iustissimas à semetipsis exigerent; aliud inuit consilium. Cùm enim perpenderet, tantam vrsatiani non nisi permitte Deo, hominum malè feriatarum animos occupasse; ad mitiorem sententiam conuersus ipse, infelices sibi relinquere statuit, si fortè indulgentiâ sanari possent: sin autem; pergeret in eos Deus vindicare.

Itaque post quartum & ampliùs à iudicio Mediolanensi annum, Anno Donatistarum exilium relaxans, in sua cuique redeundi potestatem facit. Verumtamen ne sibi ob hanc indulgentiam, malo more homines pessimi plauderent, quasi iniquam contra se latam nuper sen-

Bb 2

tentiam

tentiam, melioribus iam consiliis vsus rescinderet Imperator; litteras eâ de re ad Verinum siue Valerium, Præfectorum in Africâ Vicarium, mittit: quibus Donatistas, tamquam pessimos & Christianæ pacis inimicos grauitè detestatus, eorum se scribit exilium soluisse: ideoque libero suo arbitrio & furori dimittendos, maximè, quia iam Deus cœperat in eos vindicare. *Coll. 3. cap. 22. & 24. l. post Coll. c. 31. Epist. 152.*

S. XI.

*Notatio temporis rerum hætenus
narratarum.*

ATque hoc postremum esse videtur, quod in Donatistarum causa Constantinus egit, post nonum fermè annum quàm fuerat per Anulinum ab iis interpellatus. Hoc enim contigit non multò post cæsum Maxentium, Constantino III. & Licinio iterum *Coll. xvii. Kalendas Maias*. Melchiades autem Romæ de Cæciliano iudicauit eodem anno, iisdemque *Coll. Nonis Octobris*.

Anno deinde proximo, Volusiano & Anniano *Coll. causa Felicis Carthagine audita est, x v. Kalendas Martias*, post menses ferme quatuor.

Arelatense Concilium coit iisdem *Coll. Kalendis Augusti*, post mensem propè sextum.

Imperator verò cum Mediolani partes inter cognouisset, scripsit ad Eumalium de Cæciliani purgatione Sabino & Ruffino *Coll. iv. Idus Nouembris*, post biennium & menses tres.

Postremò, de soluto Donatistarum exilio ad Verinum siue Valerium litteras dedit, Crispo & Constantino iterum *Coll. post annum quartum & mensem fere sextum. l. post. Coll. c. 33.*

Quod vniuersum tempus in vnum collectum, annos propè nouem complectitur, quot Imperatorem Constantinum Donatistarum causa tenuit occupatum. Hic autem temporum ordo per Consules obseruatus, cum ad historiæ totius fidem & lucem, tum verò ad refellendas Donatistarum calumnias ac fraudes, quibus postea in Carthaginiensi

ginensi Collatione Imperatoris iudicium eludere conati sunt, plurimum conducit.

§. XII.

Improbatur Constantini erga Donatistas indulgentia.

Ceterum hanc Constantini indulgentiam licet deformius cogitari nihil queat; attamen Donatistæ exilij huius relaxati litteras ad Verinum datas, mirâ post cæcitatem in Collatione Carthaginensi proferendas existimarunt, dum liberum sibi permittendum arbitrium esse, earumdem auctoritate atque exemplo asserere conabantur. Sed Cognitor aliud sibi ab illius temporis Imperatore Honorio iniunctum respondit. *Coll. 3. c. 22. et 24.*

Memuisse verò huiusce indulgentiæ videtur Eusebius, l. i. de vita Constant. c. 38. dum ait: Quosdam suâ sponte acerbè incitados, toleranter ac moderatè tulit, placido & mansueto sermone hortatus, ut modeste se gerere, ac nequiquam seditionem concitare studerent. Ex quibus alij eius adhortationes cum reuerentia amplexati discesserunt: alios, quorum animi ad modestiam videbantur propè insanabiles, Deo curandos permisit, ac nihil omnino contra quemquam mente concepit acerbitalis. Inde, ut est verisimile, seditiosi in Africa eò audaciæ fortè proruperunt & crudelitatis, ut facinora nefaria molirentur, Damone ut videbatur affluentiam præsentium bonorum Christianis inuidente: virosque ad absurdos & importunos conatus instigante, quo Imperatoris animum contra eos commoueret.

Verum inuido illi res parum successit ex sententia: quandoquidem Imperator ea quæ gesta erant, pro ridiculis petauit, inquiens se perditum demonis impulsione facile intellexisse. Nam facinora illa non modestorum & sobriorum hominum esse; sed eorum qui vel mente penitus excidissent, vel essent improbi & impij demonis tamquam æstro perciti: quos miserari oportere potius, quàm supplicio affici asseruit. Ut enim, inquit, summæ clementiæ est eorum vicem dolere; sic hominibus cum mente capti sunt, pœnas infligere, extremæ dementiæ est & inscitia.

Bb 3

Et

Et hæc quidem Eusebius, Constantini clementiam mansuetudinemque commendans: cuius perinde animum, quod nihil reliquerit intentatum ad obstinatos Donatistas emolliendos, quilibet oppidò laudarit; sed non æquè hoc factum: ut quod nihilum profuit, sed obfuit plurimum. Nam & in se, & in Catholicos Donatistæ sœuire post hanc indulgentiam minimè desierunt: furorque iste, veluti lex facta est, inquit Augustinus, *l. 1. cont. Gaudent. c. 29.*

Quapropter incredibilibus malis Africam, quàm lata est, implentes, non antè quieverunt, quàm irreparabili exitio totam denique hausissent. Sed excusandus interim Constantinus, schismatici tantum & hæretici furoris ignarus, quantum indulgentiam omnem & agendi libertatem ad eiusmodi excitanda incendia valere, rerum postea probavit frequens euentus.

§. XIII.

Redeunt in Africam Donatus & Cæcilianus.

Igitur soluto exilio Donatus occyssimè aduolat cum suis in Africam, ceterique omnes pristinis sedibus se repentè donant. Id ubi Cæcilianus vidit, ad gregem & Cathedram suam & ipse contendit. Hoc modo iterum renouellatæ sunt partes, inquit Optatus *l. 1.* dum vetus contentio nouis partium studiis inflammata recrudit.

Et Donatistæ quidem acceptâ nunc erroris licentiâ, longè violentius & acerbius agere aggressi, odia cum dissensionibus auxerunt, nouis quotidie calumniis Cæcilianum incessentes: transmarinas Ecclesias, Imperatorem, omnes denique Catholicæ communionis fœdè traduentes: in id vnum intenti, ut schisma suum firmarent extendereque, non errorum tantum, sed etiam populorum acceffione. Maiora itaque indies incrementa adepti, per Africam, Numidiam & Mauritaniam, longè se lateque diffuderunt, soli iam Christi Ecclesia videri cupidi. Nam quod in omni penè schismate accidere solet, Donatistis euénit: ut impium nempe schisma obstinatâ deinceps

ceps hæresi, quod ex eorum erroribus infra patebit, strenuè cumularent.

Quapropter huc referenda videntur, quæ suprà ex occasione retulimus, ut quò existimari possent siue communicare Romano Episcopo, siue Catholicis haud esse posteriores, ordinatum à se Episcopum Romam mitterent: aut Episcopos è suo grege, qui quem libuisset, ibi pauculis Donatistis præfuturum, ordinarent. *har. 69.*

CAPUT IV.

DONATISTÆ SE IUNGUNT
ARIANIS.

§. I.

Hæresis Ariana origo.

Vix è Donatistarum turbis Imperator euascerat, cum ab Arianis, qui tum insolenter grassabantur, nouas & grauiores moueri sensit. Etenim ante decem terè annos Arius, Presbyter Alexandrinus in Baucalide Ecclesiâ sic appellatâ; eoque nomine litterarum sacrarum interpres ad populum; videns Alexandrum sibi in Episcopatu prælatum, cum animum suum inuidiæ facibus accensum, suppressere haud posset, vindictam meditatus est: & quia Alexandri mores non poterat, doctrinam arrosit.

Vti enim Alexander sacrarum litterarum disciplinæ obsecutus, Filium Patri honore parem, eandemque habere cum eo substantiam docuit; sic Arius palam veritatem oppugnans, eum creatum & factum affirmavit. Quin etiam adiecit, tempus aliquando fuisse, cum non erat: teste Theodoretò, *l. 3. Hist. c. 2. & 3.* siue, ut ipsemet Alexander epistolâ quadam prodidit, quam Socrates profert *l. 1. c. 3.* Deum non semper Patrem fuisse, sed tempus aliquando extitisse, cum
Deus

Deus non esset Pater. Non ab æterno Verbum Dei fuisse, sed ex nihilo ortum esse. Nam Deum qui est, eum, cum non erat, ex eo quod non est procreasse: & propterea tempus fuisse aliquando cum non esset. Creatum enim & factum esse Filium, neque essentiâ Patri similem, neque naturâ verum Patris Verbum, neque veram eius Sapientiam esse; sed per abusionem Verbum, & Sapientiam dici. Ipsum factum esse proprio Dei Verbo, & Sapientiâ quæ in Deo est, per quam tum cetera omnia, tum illum ipsum fecit Deus: & ob eam causam, posse naturâ suâ conuerti & mutari, sicuti animantia omnia ratione vtentia, &c.

§. II.

Concilium Nicanum.

Anno
325.

TAm nobiles blasphemix cum magnis animis viribusque tradentur & exciperentur; ipseque tum Arius, innumeris iisque non è vulgo defensoribus stipatus, latè per Orientem superbiam circumferret; Constantinus Imperator, solus iam rerum summâ potitus, ad religionem Christianam instaurandam animum conferens indignum iudicauit, violentæ & cruentæ persecutionis vice fraudulentam grassari, atque externis Tyrannis diabolum latenter subrepsisse.

Ariani igitur incendij obruendi causâ, Synodum apud Nicæam ex toto orbe contrahit: vbi trecentis & duodeuiginti Episcopis congregatis, Fides plena conscribitur, hæresis Ariana damnatur. Et quamquam Ariani nihil contra sanam doctrinam retractare ausi, Episcopale decretum visi fuerint complecti; manente nihilominus in eorum pectoribus veneno & odio in Catholicos viros, cum se Ecclesiis miscuissent, magnam deinde stragem, Reges & Imperatores suæ hæresi addictos nacti, dederunt.

§. III.

§. III.

Nicaea non tantum Ariani, sed & Donatistæ damnati.

EX Africanis interim, euocatus opinor ab Imperatore, solus interfuit Synodo Cæcilianus; in quâ tametsi maioris omnino momenti visa sit Ariana pestis; nihilominus haud præteriti Donatistæ sunt. Fateor inter Acta & Canones Concilij nihil hodie exstare: sed quoniam contra Carthaginensem Synodum Cypriani (quâ repeti iubebatur Baptismus ab hæreticis collatus: quod iam dogma in hæreses suas Donatistæ transfulerant, & obstinatè tuebantur) expenimèr Augustinus opponit, contra Provinciale inquam, Concilium ut vocat plenarium totius Orbis, & vniuersæ Ecclesiæ, & omnium Gentium: (quod quidem post Cypriani passionem, antequam ipse Augustinus natus esset, conuenisse scribit *l. 2. de Bapt. c. 9.*) non est de alio vilo, quàm de Nicæno accipiendum.

Igitur si Concilium Cypriani attenditur; huic est vniuersæ Ecclesiæ Concilium posterius præponendum. Nam & Concilia posteriora, prioribus, apud posteros præponuntur: & vniuersum, partibus semper iure optimo antecellit. *cod. l. 6. c. 1.* Taceo & Arianos, teste Ambrosio, solitos fuisse rebaptizare: *Læ Basil. trad.* ut in his adeò consecrarij eorum Donatistæ, meritò quoque damnati debeant haberi.

Atque hinc licet exclamare cum Vincentio Lirinensi: O rerum mira conuersio! Auctores eiusdem opinionis Catholici, consecratores verò iudicantur hæretici: absoluantur Magistri, condemnantur discipuli: conscriprores librorum regni filij erunt, assertores verò gehenna suscipiet. Nam quis illud sanctorum omnium, & Episcoporum & Martyrum lumen beatissimum Cyprianum, cum ceteris collegis suis, in æternum dubitet regnaturum esse cum Christo? aut quis contrà tam sacrilegus, qui Donatistas & ceteras pestes, qui illius auctoritate Concilij rebaptizare se iactitant, in sempiternum neget aëthiopes esse cum diabolo? *l. aduers. hæres.*

§. IV.

Quo tempore Arianis Donatistæ iuncti?

Nonnulli interim Donatistæ, siue per id tempus, siue paullo post, Catholicorum odio sese Arianis iunxerunt: testaturque de Donato Carthagenensi Augustinus in scriptis suis de sanctissimâ Trinitate, haud Catholicam habuisse sententiam: sed, quamuis eiusdem substantiæ; minorem tamen Patre Filium, & minorem Filio putasse Spiritum sanctum. *har. 69.* Quod neque Hieronymus ignorauit, dum ait: Exstant eius multa, ad suam hæresim pertinentia, & de Spiritu sancto Liber Ariano dogmati congruens. *l. de Script. Eccl. c.*

Iam quia è Philippensi postea Conciliabulo (quod Arianis Episcopi Sardicâ, ubi plenarium Ecclesiæ Catholicæ Concilium agebatur, fugâ dilapsi, Sardicense falsò appellarunt; *Baron. anno 347.*) Litteras synodales aliquando acceperant, præsertim Donatus Carthagenensis; probare nitebantur se cum Orientalibus communione fuisse coniunctos: quos uidelicet Traditorum facinus detestatos, iactabant se ab eorum communione retraxisse, & Donatistis sociasse. *l. 3. cont. Cresc. c. 34. & Epist. 163.*

Sed cuius rei vanam gloriam retundit Augustinus, dicens Sardicense Concilium, quod Donatistæ iactitabant, Arianorum fuisse; contractum maximè contra Athanasium Episcopum Alexandrinum Catholicum, qui eorum errorem ex ipsa ciuitate ortum, præ ceteris acriter arguebat & refellebat. Non igitur mirum, si illi hæretici Donatum sibi adsciscere tentauerunt, quos per totum orbem Catholicâ damnabat Ecclesia. *l. 3. cont. Cresc. cap. 34.*

Nam cum vero & legitimo Sardicensi Concilio, Gratus Carthagenensis Episcopus, cum aliis triginta sex Africanis, præsens subscripsisset; adeoque de captandis in Africâ Catholicis Arianis desperarent; ad Donatistas, Catholicorum secum aduersarios, conuersi, quæcumque contra Sardicenses Patres decreuerant, scripserunt: non iam tantummodò in Deum blasphemari; sed tituli Sardicensis Concilij, quod reuera Philippoli habuerant, mendacissimi fures. Similes
amant

amant labra labruscas. Satis erat Donatistis & Arianis, si mutuum possent scabere, ubi prurigo & lubido fuisset.

Nisi fortè Concilij istius litteras Donatistar, vt erant impudentes corruerint: cumque in eis Donati alicuius nomen non in Africâ Episcopi legerent, addidisse, Carthagini: nam Episcopos in aliis earumdem litterarum exemplaribus haberi sine nominibus ciuitatum, Augustinus testis est, l. 3. cont. Crescon. cap. 34. Qui & ibidem interrogatos Donatistas; Si in eorum communione Orientales aliquando fuerint; quomodo postea sunt separati? respondere solitos auctore fortasse Cresconio, affirmat: Quia Catholicos in suam communionem recipere ceperunt, atque per id, damnata semel causa non seruaerint constantiam. *ead. l. & c. & l. 4. cap. 44.*

CAPVT V.

DONATISMI PROGRESSVS
ET FACINORA.

§. I.

Donatus Magnus siue Carthaginensis.

MAiorino Carthagine in Episcopatu Donatus (alius à Casensi) Anno successit: qui eloquentiâ suâ sic confirmavit hanc hæresim, vt 331. multi existiment, propter ipsum potiùs eos Donatistas vocari. Ita impressè Augustinus, *har. 69.* etsi nullo temporis addito indicio, sed quod erui quadamtenus potest ex Hieronymo in Chronico, qui ad Annum trecentesium trigesium primum: Donatus, inquit, agnoscitur, à quo per Africam Donatiani. Vt præterpropter hoc tempus, in Maiorini locum oporteat esse assumtum, si ceperit agnosci.

§. 11.

Donati huius mores & ingenium.

Satis ex iis Augustini & Hieronymi colligere licet, quantum res suorum Donatus iste promouerit. Nam præterquam annis plurimis Cathedram insedit; fastu & audaciâ veluti nouus aliquis Hannibal, vniuersos percelluit. Atque hinc rariùs à populo appellatus Episcopus est, sed dicebatur Donatus Carthaginis: *Optat. l. 3.* cuius & se Principem nominari gaudebat. Contemnebat Imperatores Romanos, tantoque supercilio Præfectos eorum spreuit, vt non dubitaret ad Gregorium aliquando scribere, viuo adhuc Constantino: *Gregori, macula Senatûs, dedecus Præfectorum, & cetera talia.* cui tamen Præfectus patientiâ Episcopali respondit. *Opt. ibid.*

Extulit cor suum, vt nullum hominem sibi comparandum arbitraretur, ratus se cunctis altiozem, imò terrenum aliquem Deum, formidabilem omnibus & adorandum. Nam & homines iurare per se passus est: *Opt. ibid.* imò per canos suos, & compages: *Aug. l. 3. cont. Parm. cap. vii. Tract. 10. in 10.* Cumque hætenus de Christi nomine appellari Christiani consueuissent; populum cum Deo diuidere ausus, consecratos suos Donatistas appellauit: adeò vt si quando ad eum peregrè nonnulli venissent, non quæreret (quod humana semper exigit consuetudo) de pluuiis, de pace, de prouentu anni; sed aduenientes singulos compellaret his verbis: *Quid apud vos agitur de parte mea?* Quasi populum nimirum iam cum Deo diuississet, vt intrepidè partem suam diceret. A temporibus etenim ipsius, vsque ad ea quibus Optatus scribebat, si quando de rebus Ecclesiasticis, in iudiciis publicis aliqua celebrata est actio; interrogati singuli, sic apud acta locuti sunt, vt se dicerent de parte esse Donati, de Christo tacerent. *Optat. l. 3.*

Quò facit quod Augustinus inquit: Donatum Donatistæ pro Christo habent. Si audiunt aliquem Paganorum detrahentem Christo, forsitan magis patienter ferant, quam si audiant detrahentem Donato. *fragm. serm. de Kal. Ian.* Intolerabili blasphemîâ ei tribuebant, quod soli Christo Fides, maculæ peccati fuisse expertem. *l. 2. cont. Parm. c. 7.*
Amplissi-

Amplissimis quousq; vocibus concinebat in eius laudem, cara quædam & sonora carmina: *Euge Euge, Dix bone & preclare, Enarr. in Ps. 67.*

Porro ipse Donatus, callides impostor, qui suos tacetopere auersabatur, ut non tantum oblationes Eulogiarum respueret facere cum eis; sed etiam participare dedignaretur: solus ipse nescio quid secreto domi peragens, & postea ceteris perfunctorie communicans; *Optat. l. 3.* ut nihilominus pretium sibi apud illos faceret, fidemque compararet; locutum sibi de celo Deum finxit: quod perinde tamquam rem mirabilem Donatiste ambitiosè iactabant. *Aug. Tract. 13. in 1o.* sicuti & Angelum apparuisse, qui eius sectam commendaret. *Epist. 165.*

Sed omnibus prope hæreticis, communis ambitio & arrogantia fuit: omnes enim tument, inquit Tertull. de præscript. Quapropter Manichæos per nomen Manichæi, Augustinus *l. 19. cont. Faust. c. 22.* & Priscillianistas, per nomē sui Priscilliani iurasse, narrat Sulpitius Seuerus: & Paulo Samosateno, homini impuro Donatique simillimo, cantica recitari solita, quibus palam laudibus efferebatur apud populum; *Eusebius. l. 7. histor. cap. 24.*

Itaque Augustinus aliquando contra Petilianum agens: Omittis, inquit, istis morarum tendiculis, ostendat Ecclesiam, vel in sola Africā perditis tot gentibus retinendam; vel ex Africā, in omni- bus gentibus reparandam atque adimplendam: & sic ostendat, ut non dicat, Verum est, quia hoc ego dico, aut quia hoc dixit ille collega meus, aut illi collega mei, aut illi Episcopi vel Clerici vel Laici nostri: aut, Ideo verum est, quia illa & illa mirabilia fecit Donatus, vel Pontius, vel quilibet alius: aut, quia homines ad memorias mortuorum nostrorum orant, & exaudiuntur: aut, quia illa & illa ibi contingunt: aut quia ille frater noster, aut illa soror nostra, tale visum vigilans vidit, vel tale visum dormiens somniauit. Remoucantur ista vel figmenta mendacium hominum, vel portenta fallacium spirituum. Aut enim non sunt vera quæ dicuntur; aut, si hæreticorum aliqua mira facta sunt, magis cauere debemus: quoniam cum dixisset Dominus, quosdam futuros esse fallaces, qui nonnulla signa faciendo etiam electos si fieri posset, fallerent; adiecit vehementer commendans & ait: *Ecce prædixi vobis.* Vnde & Apostolus admonens, Spiritus, inquit, manifestè dicit, quia in nouissimis temporibus recedent quidam à fide, intendentes spiritibus seductoribus, & doctrinis demoniorum, &c. *1. de vnus. Eccles. cap. 19.*

§. III.

Donatismi progressus.

Ceterum hic tantus Donati fastus, & per multos annos quidlibet audendi securitas, Donatistarum vires in immensum prouexit: quando totius Ecclesiæ in Arianos intenta sollicitudo, maioribus extinguendis incendiis per Orientem & Occidentem laborabat. Nemo enim fuerat hactenus Catholicorum, qui calamum in eos strinxisset: ipsi verò iuxta eum Donato, non audaciâ tantum, sed & libris editis Ecclesiam oppugnabant.

Sanè Gennadius in Catalogo, meminit paullò post Vitellij cuiusdam, qui Donatianorum schisma defendens, scripsit, De eo quod odio sint mundo Serui Dei; in quo Catholicos, Persecutorum nomine traducit. & opus alterum contra Gentes: vbi eosdem velut Traditores in persecutione diuinarum scripturarum incessit. *Catal. cap. 4.* Donati quidem Epistolam quamdam refutauit Augustinus, *l. 1 Retract. cap. 21.* Sed nemo, quod sciam, Vitellium. Quare nihil mirum, si tum oblata occasione, tum indulgentiâ Imperatoris vsi, secessionem suam & hæresim vehementer auxerunt.

§. IV.

Mortuo Constantino Liberi succedunt.

Anno
337.

HÆc dum aguntur, Constantinus Imperator expeditionem moliens aduersus Parthos, qui se in Mesopotamiam effuderant, in ægritudinem incidit: Nicomediamque ad calidas aquas profectus, in itinere decedit, rure Nicomediæ proximo, quod Achyronam vocabant. Incidit mors eius in vndecimum Kal. Iunij, Feliciano & Ticiano Coss. Imperij trigesimo primo, ætatis sexagesimo quinto.

Amplissimum Imperium filiis ex Faustâ Maximiani Herculij filiâ,

liâ, & Delmatio, ex fratre Anabaliano Nepoti, quem adoptauerat, quosque antè Cæsares crearat, testamento reliquit tripartitò distributum. Constantino natu maximo Galliam, Hispaniam, & Britanniam tradidit. Constantio & Delmatio Orientem: Constanti Italiam, Illyricum & Africam.

Regionibus quisque suis, ante Patris obitum præfuere. Eo defuncto Augusti facti, eiusque pietatem imitati, pro gratiarum actione & felici rerum successu, regia Ecclesiis donaria atque ornamenta, & in pauperum solatium magnam pecuniæ vim contulere. Et quidem Constantius, cum alibi, tum Antiochiæ, multa & pretiosa donauit, quæ post Iulianus Apostata, ei que cognominis auunculus Orientis Præfectus, diripuerunt, indignum esse dicentes, talibus vasis Mariæ filio ministrari: *Theod. l. 3. cap. 12.* sed iusta vindicta sacrilegos secuta est. Cumque donariis eiusdem plenas per id tempus Ecclesias fuisse, testatum alicubi reliquerit Athanasius; *Apol. ad Constant.* non fuit minor Constantis per Italiam & Illyricum liberalitas, vt neque Africa exierit immunis.

Huc enim magno cum auri pondere, plurimâque veste pretiosâ, duos quosdam viros egregios destinauit, Paulum & Macarium, Donatistarum factione nobilitatos. *Optat. l. 3.* Ita nimirum iam tum implebatur, quod Prophetæ tantò antè prædixerant, Gentium Reges dona Ecclesiæ missuros. *Aug. Psalm. cont. Donatist. in fin.*

S. V.

Munera Constantis per Paulum & Macarium allata, Donatus superbè reiicit.

Carthaginensem Ecclesiam eâ tempestate, Gratus Episcopus Catholicus, Rufi post Cæcilianum successor, gubernabat: rebus Donatistarum præerat in eadem vt dixi Ecclesiâ Donatus, Maiorini successor. Paulus & Macarius in Africam aduenientes, cum Grato Imperatoria munera donassent; vnitatis fariendæ causâ, ad quam omnes adhortabantur, nec Donatum prætereundum putarunt. Obtulerunt ergo & illi, quæ Ecclesiæ pauperibusque, pro salute Imperatoris elargiretur.

Ipse,

Ipse, ut erat superbus & elatus, admirabili furore conuitia Constanti, quanta potuit, dixit, his inter alia verbis: Quid Imperatori cum Ecclesia? *Optat. l. 3.* Hi verò admirati hominis ferociam, placidè se excusarunt. Ire enim se per singulas Prouincias: munera apportare: ea offerre Episcopis omnibus, ne quis se prateritum queri possit: eapropter acciperent qui vellent, mitterent qui nollent: nulli se vim facere, aut cogere ad accipiendum. Respondit Donatus, neque se suscepturum ab Imperatore quidquam, neque permissurum, ut suorum quicquam vel accipiat tantillum.

Ingrato itaque ac malefano hoc capite relicto, cum ad alia loca, pro suo munere transirent; Donatus eos suis litteris anteuertens, ad omnes ubique communionis suæ Episcopos scribit, præcipitque, ne quis Legatos istos admittat, aut vel minimum ab eis accipiat vel quidquam in locis suis dari pauperibus patiatur.

Præmoniti Episcopi, rumorem spargunt, aduenire Romanorum quosdam, qui Laureatas noui Imperatoris imagines (ex in Prouincias mitti solebāt, ad quas Imperator ipse præsens venire non poterat) adorare cogant: Altaribus imponant: in earum conspectu sacrificium offerri iubeant. *Optat. l. 3.* Neque his contenti, nuntios quaquaversum dimittunt, qui Circumcelliones eorum inuitent, ut venturis Paulo & Macario vias siue claudant, siue infestas reddant: imò si possint, spolient, perimantque.

Huius rei auctor præcipuus erat alius quidam Donatus, Bagaitanus Donatistarum Episcopus: qui collectis multis furentium millibus, præparauerat competentem annonam, Basilicā quādam velut horreo publico ad eam recondendam, profanum in modum abusus.

Paulus & Macarius cum non procul à ciuitate Bagaiensi abessent, de insidiis edocti, militem à Siluestro Africæ Comite, tutelæ causā postularunt. Præmissi ergo mensores, qui venturis militibus hospitia designarent, ad Bagaiensem ciuitatem ut venēre; à Marculo & Donato, Circumcellionum illic ducibus, præoccupati, contumeliosè accepti pulsatiq̃ue, vix celeri fugā elabentes, ad suos reuertuntur. Hanc iniuriam miles non ferendam ratus, mox sublati signis, obstitentibus nequidquam & renitentibus Præfectis, concito cursu ad designatum locum properat: inque multitudinem Circumcellionum, quæ istuc conuenerat, inopinatò irruens; totam fundit, dissipat ac prosternit. Obtriti multi, sauciati plurimi, neque pauci

pauci occisi : atque inter ceteros Marculus & Donatus Bagaiensis, furentium ductores. *Optat. l. 3.*

S. VI.

Macariani agnominis origo, & vanitas.

FActum hoc magnam Catholicis apud Donatistas inuidiam peperit : qui non tantummodò per id tempus, sed & postea, odiosè admodum clamitarunt, Catholicam Ecclesiam esse sanguinariam : neque enim Ecclesia dici potest, quæ cruentis moribus pascitur, & Sanctorum sanguine & carnibus opimatur : *Optat. l. 2.* imò iam non Ecclesiam Catholicam, sed MACARIANAM vocabant *Aug. Epist. 161.* Hinc temporibus Augustini solebant adhuc Catholicos, Macarianos appellare : & quemadmodum Donatistæ à nostris, Pars Donati ; ita nostri ab illis, Pars Macarij dicebantur, *Epist. 164. l. 2. cont. Petil. c. 39. & 92.*

Sic suaues illi, cùm crudelitatem suam plusquàm belluinam explere non possent ; latrabant contra legitimam & ordinatam potestatem severitatem. Verumtamen non erat iusta causa, infamis appellationis. Nam Donatum, ipsi caput sibi constituerant : eiusque errores amplexi, sacrilego schismate à toto Ecclesie corpore, & uniuersi orbis communionem, se præciderant. Ipsi à nobis exierant, minime omnium nos ab eis. Macarius verò quod ab ipsis coactus, siue fecit, siue fieri permisit ; Catholicæ Ecclesie, quæ neque id iussit, neque approbavit, quin potiùs damnauit, imputari nullatenus potest. Et licet hic eiusdem nobiscum communionis fuerit, iuste tamen non potuit idcirco nomenclationem dare.

Atque hoc est, quod tum Optatus, tum Augustinus, causam Macarij seu bonam seu malam, quia personalis erat, ab Ecclesie causa separandam, sedulò inculcant. *Optat. l. 3. Aug. Epist. 203.* Quo interim sensu, de parte Macarij dici possint Catholici, declarat Augustinus, dum ait : Vos per Sacramentum quod in vobis est, sicut Caiphas Domini persecutor, nescientes prophetatis. Quod enim græcè *μαρδης*, latinè Beatus est. Ita planè de parte Macarij sumus.

D d

Quid

Quid enim est Christo beatius, cuius sumus? ad quem commemorantur & conuertuntur vniuersi fines terræ, & in cuius conspectu adorant vniuersæ patriæ gentium? *l. 2. cont. Petil. c. 39.*

S. VII.

Donatistarum Protomartyres.

Verùm qui tunc aut cæsi fuere aut perempti, in primis Marculum & Donatum (quos Prophetas appellabat Petilianus, *l. 2. cont. Petil. c. 14.*) Martyrum loco habuerunt, & coluerunt: ad Altare nomina eorum inter Martyres recitantes, iurantesque per eadem, tamquam per vnicam religionem. *Optat. l. 3.*

Quin etiam mentiti sunt, Marculum & Donatum, à Macario præcipitados fuisse: sed quod nullo colore probabile reddere potuerunt: cùm genus hoc mortis, Romanis legibus nimis fuerit insolitum. *Aug. Tract. 11. in Io. l. 3. cont. Cresc. c. 49.* Verisimilius est, vel cæsos cum aliis in fugâ fuisse, vel suapte sponte in hoc mortis genus se dedisse: Marculum quidem præcipitij de petrâ; Donatum missionis sui in puteum: *Tract. 11. in Io.* Quod eis quàm familiare fuerit, dicturi iterum paullò post sumus.

Sanè tantâ apud Donatistas celebritate, vtriusque horum Martyrium decantatum est; vt aliquando inter Catholicorum Martyrologia, per errorem irrepsent: Donatus quidem in Romanum, Kalendis Martij; Marculus in Bedæ, 26. Nouembris: at nunc meritò expuncti.

Petilianus interim grauitè in Macarium, tamquam persecutorem, inuectus, infeliciter periisse Deo vindicante commemorat: sed vbi, quando, per quem, quo mortis genere extinctus sit, quia dicere non potuit; rectè Augustinus figmentum ipsius esse coarguit. *l. 2. cont. Petil. cap. 92.*

S. VIII.

§. VIII.

Circumcelliones, qui? quales? eorum arma.

CIRCUMCELLIONES, quorum iam saepe meminimus, ab eis originem ducunt, qui latis in Africam Constantini aduersus Donatistas legibus, in hæresi & schismate obstinati, quæ supra retulimus designare ceperunt. Hi, quia Episcoporum suorum sermonibus accensi, & impatientiâ rabidi, in spontaneas mortes, numquam hæcenus auditâ vrsania, irruebant; quas veluti instanti persecutione illatas, ex hæresi suâ disciplinâ, vt infra dicemus, volebant esse pro Christiano nomine suscepta Martyria; Sancti, ab initio vocati sunt, eorumque principes, Duces Sanctorum. *Optat. l. 3.*

Primi eius generis & nominis fuerunt, Maxido & Taser: quos deinde exceperunt Marculus, & Donatus. Agebant turmatim in agris, in iis territantes, & ab iis vacantes; vt aded agreste hominum genus nuncupet Augustinus: *bar. 69.* in horrendis facinoribus inquietum, ab vtilibus operibus otiosum, crudelissimum in mortibus alienis, vilissimum in suis: Victus sui causâ cellas circumiens rusticanas, vnde & Circumcellionum nomen accepit: vniuerso mundo penè famosissimum Africani erroris opprobrium. *l. 1. cont. Gaud. c. 28.* Vocatos etiam Circelliones eadem de causâ, alibi commemorat: *in Ps. 132.* Circuitores appellat Philaster: *bar. 86.* sed ipsi Donatistæ honestiori nomine, ab agone, Agonisticos dixerunt: *Optat. lib. 3. August. in Ps. 132.* opinor, quod vitæ suæ prodigi, nullos quamquam crudelissimos agones, defendendæ sectæ, & ambiendæ mortis gratiâ recusarent: tanto repente numero aucti, vt nominarentur Exercitus Donatistarum. *Aug. l. de gest. cum Emer.*

Non alia eis ab initio arma, quàm fustes: *lib. 2. cont. Petil. cap. 96.* quos (vt ad eos fortè baculos alluderent, qui solebant ab Israëlitis Phasæ comedentibus, manibus teneri) vocabant Fustes Israëlitis: ferro vel ideo religiosè abstinentes, quod Christus defendi contra hostes suos nolens, præceperit Petro gladium recondere. *Ps. cont. Donat. litt. M.* Nisi quis fortasse malit, vetustissimum morem Afrorum suorum

D d 2 rum

rum reuocare voluisse, qui cum Ægyptiis, solis fustibus armati, bellum gessere, teste Plinio l. 8. c. 56.

Verumtamen significat non obscure Augustinus, crudelitatis consilio fustibus potissimum vsos: dum percussos non occidere subito, sed grauitur conquassare intendunt, vt diutius cruciati tandem & languidi moriantur: quia dum misericorditer agere volebant, occidebant vtique vno fustis ictu. *Ps. cont. Donat. litt. M.* Quidquid sit, ferro etiam postea armare se coeperunt. Cumque ista fustium vetus eorum disciplina esset; adeo mox profecerunt, vt non solum fustes tornare, sed etiam ferrum vibrare, & fundas circumagere didicerint: *lib. 1. cont. Parm. c. 11. l. 2. cont. Petil. c. 88. & 96.* terribilia denique omnis generis arma telaque fabricarint, quibus promptius duriusque sauirent: quamuis saepenumero fustibus tusos, ferroque concisos, semiuuos abiicerent, ad immaniore lanienam. *l. 3. cont. Cresc. c. 42.*

S. IX.

Circumcellionum audacia.

Eiusmodi Donatistarum emissarij, nihil non audebant. Etiam ante Macarij tempora, dum rerum Constantinus potiretur, & hunc sacrilegum Sanctorum gregem Maxido & Faser ducerent; Nulli licuit, vt inquit Optatus, securum esse in possessionibus suis: debitorum chirographa amiserant vires: nullus creditor illo tempore exigendi habuit libertatem. Terrebantur omnes litteris eorum, qui se Sanctorum duces esse iactabant: & si in obtemperando eorum iussionibus tardaretur; aduolabat subito multitudo insana, & praecedente terrore, creditores periculis vallabantur. Et qui pro praestitis suis rogari meruerant, humiles impellebantur in preces. Festinabat vnusquisque debita etiam maxima perdere: & lucrum computabatur, euasisse ab eorum iniuriis. Etiam itinera non poterant esse tutissima. Quot Domini de vehiculis suis excussi, ante mancipia sua, dominorum locis sedentia, seruiliter cucurrerunt? Illorum iudicio & imperio, inter dominos & seruos conditio mutabatur. *Optat. lib. 3.*

Similia

Similia narrat Augustinus, dum ait: Quis nō Dominus servum suum timere compulsus est, si ad Donatistarum patrociniū servus confugisset? Quis quemlibet poterat exigere debitorem, auxilium eorum defensionemque poscentem? Pessimorum servorum, ut liberi abeederent, tabulae frangebantur: extorta debitoribus chirographa reddebantur. Quicumque dura illorum verba contemserant, durioribus verberibus, quod iubebant, facere cogebantur. Innocentium qui eos offenderant domus, aut deponebantur ad solum, aut ignibus cremabantur. Quidam Patresfamilias honesto loco nati, & generoso cultu educati, vix viui post eorum caedes ablati sunt: vel vincti ad molam, & eam in gyrum ducere, tamquam iumenta contemtibilia, verberare adacti sunt. *Epist. 50.*

S. X.

Circumcelliones frustra compressi. Feminae permixtae.

Dixisses solā spe, & libertate latrocinandi, allectos in schisma. Nam cum Donatistarum Episcopi, tanti suorum furoris invidiam sustinerent; Taurino tunc Comiti scripsisse dicuntur, huiusmodi homines poenis Ecclesiasticis corrigi non posse. Rogare se idcirco, ut oportunis ipse remediis succurreret, & fanaticos cohiberet.

Nihil erat promptius, quā si vi armata obviam iretur. Quod dum facit Taurinus, militemque per Nundinas, ubi Circumcellionum furor vagari consueverat, ire iubet; plurimos occidit, plurimosque sauciavit. Horum mox corpora, tamquam Christi Martyrum, in aras sublata, nonnulli quidem veneratione cultuque prosecuti sunt: quamvis Episcopus quidam Donatista, ne sepeliri quidem in Ecclesia permittit, quod nihilominus Presbyter Clarus, facere in loco Subulensi iam cœperat. *Optat. l. 3.*

Neque enim omnibus etiam Donatistis, tanta moriendi cædendique vāsanā placebat: ubi contrā Circumcelliones, iras animosque sumere, vel ab ipso ferro. Quippe cum deessent à quibus percuterentur; per varias mortes, sed maximè præcipitiorum ex altorum mon-

D d 3 tium

tium cacuminibus, & aquarum & ignium, necare seipfos consueverant: *Optat. eod. l. & in istum furorem, alios quos poterant utriusque sexus seducere. Aug. har. 69.* Ut iam non ludus tantum, sed lex esset, eiusmodi crudelitas: *Epist. 50. l. 1. cont. Gaud. c. 29.* quam conferebant, ut dixi, passionibus Martyrum: ut eis propterea poenarum suarum Natalitia celebrarentur, magno conuentu hominum furiosorum. *l. 3. cont. Parm. c. 6.* Et quidem ut antè diximus, præcipitio Marculus, Donatus aquis periit: alios testabatur Gaudentius fugisse ad compendia caminorum. *lib. 1. cap. 31. & 36. lib. 2. cont. Petil. cap. 71. & 89.*

Iam & cum feminis viros non habentibus, (quæ contra ordinem rerum diuinarum & humanarum, inter illos tamquam Bacchæ bacchantes vagabantur) iocabantur, bibebant diebus noctibusque: tantaque feruebat ebrietas, ut inde insaniam quotidianam non solum alios infectandi, sed etiam seipfos præcipitandi conciperent. *l. 2. cont. Parm. c. 3. l. 2. cont. Petil. c. 88.*

Neque deërat feminis virorum audacia. Quædam enim eorum Sanctimoniales grauidæ, per saxa se miserunt: & dissilientibus uteris, homicidiorum scelere, & stuprorum scelera prodiderunt. *libro 1. cont. Gaud. cap. 36.*

S. XI.

Donatistarum facinora Donatistum penè subuertunt.

Quoniam omne contra eos auxilium à legibus & armis defecerat, nullæ potestates ciuiles, nullus officarius reprimere valebat: vnica extinctorum vindicta erat, quod propria de illis poenas posceret infamia. Nam cum talia quæ diximus, plurimi in ipsâ superstitione hæreticâ constituti horrerent, & suæ innocentie sufficere arbitrantur, quod sibi talia displicerent; dicebatur eis à Catholicis: Si innocentiam vestram mala ista non polluant; quomodo dicitis orbem Christianum vel falsis, vel certè ignotis Cæciliani peccatis esse pollutum? Quomodo vos nefario scelere ab Vnitate Catholica, tamquam

tamquam ab arêâ Dominicâ separatis, quæ usque ad tempus ventilationis, necesse est ut habeat & frumentum in horreo recondendum, & paleam ignibus consumendam?

Atque ita quibusdam ratio reddebatur, ut aliqui ad Unitatem Catholicam, etiam inimicitias perditorum parati sustinere, transirent. Sed plures, quamvis id vellent, eos tamen homines quibus tanta fuerat licentia fruendi, inimicos facere non audebant. Nonnulli quippe illos, cum ad Catholicos transissent, crudelissimos passi sunt. *Epist. 50.*

Hinc quantum nonnullis displicebant, qui Conciliis etiam habitis hoc se prohibuisse & damnasse iactabant, quâ fide nescio; *l. 3. cont. Cresc. c. 49.* tantum ab aliis animabantur: qui profectò non habuissent per quos regnarent, si collatis viribus, Circumcellionica factio planè fuisset extincta. *Pf. cont. Donat. list. L.*

S. XII.

Durant nihilominus. Aliquot eorum specimina.

DVrauit idcirco non tantum perditorum in se aliosque Catholicos dementissima crudelitas; sed annorum etiam auctu non minimum incrementum sumsit, ut ex innumeris Augustini locis patet, qui plura & atrociora eorum scelera vidit, quam Optatus. Verba eius sunt: Omnia quæ vel anteriorum litteris didici, vel ipse cognovi sæua facta vestrorum, qui ab initio divisionis, usque ad hoc tempus, Ecclesiam Catholicam persecuti sunt, si velim retexere; quæ lingua, quis stylus, quantum tempus otiumque sufficiat? *libro 3. contract. Crescon. cap. 44.*

Mutilare alios, alios probè contritos semineces relinquere, occidere sæpius, quotidiana exercitatio erat. Horrendis siquidem armati cuiusque generis telis terribiliter vagando, non Ecclesiasticam solum, sed ipsam humanam quietem pacemque turbabant. Nocturnis aggressionibus Clericorum Catholicorum domos ad eò expilabant, ut nudas atque inanes relinquerent, fructus aridos dissipava-

disparent, humidos effunderent. Neque sufficiebat aliquando hos fustibus tusos, ferroque concisos, semivivos abiecisse: insuper nouo & inaudito sceleris genere, oculis eorum calcem aceto permixto infundentes & infertientes, quos euellere compendio poterant, excruciare amplius eligebant, quam citius excæcare. Nam primò tantum calce ad hoc facinus utebantur; sed posteaquam illos, quibus hoc fecerant, citò salutem recuperasse didicerunt, acetum addiderunt. *l. 3. cont. Crescon. cap. 42.* Denique quo loco regnabant, panem Catholicis coqui prohibebant. *l. 2. cont. Petil. c. 83.*

Vnicus illis finis, ad iterandum Baptismum Catholicos cogere: quem per eiusmodi terrores, non semel extorserunt.

§. XIII.

Circumcelliones Constans Imperator compescit, & Donatistas proscribit.

Anno
347.

ET quamquam propè infinita sint eiusmodi facinora, Augustini postea æuo patrata, sicuti & antè; attamen Constans Imperator, scelere audaciaque Donatistarum, quam modò in Paullum Macariumque exercuerant, grauitè commotus: & Grati, opinor, Carthaginensis Episcopi, aliorumque Africanorum, qui post annos aliquot ad Concilium Sardicense profecti sunt, relatione, super eiusmodi excessibus certior factus; Patris sui Legem, contra eos aliquando latam, sed post abolitam, recudi iussit: quâ Episcopos omnes & Clericos Donatisticæ factionis, exilio multat, Basilicas aufert, nè quidem concessis iis, quas separati & in Schismate suo constituti, erexerant. *l. 1. cont. Parm. c. 11.* Atque hinc illa verba Primiani, apud Carthaginis Magistratum, postea expressa, Quod parentes eorum, Maiores Catholicorum variis exiliis vexauissent. *l. post. Coll. c. 16.*

Nam & hoc modo Donatus ipse, Carthagine pulsus est: quem ob id posteri, Ecclesiæ Carthaginensis ornamētum, & Martyrialis gloriæ virum appellarunt: *cod. l. 6. c.* Atque ita Africa, annis circiter quatuordecim, ab eorum atrocitate immunis fuit, donec assumpto ad Imperium Iuliano Apostatâ, idem è claustris & caueis hæreses laxauit, qui dæmonia in orbem postliminiò reduxerat.

§. XIV.

§. XIV.

Leontius & Vrsatius.

Sed quoniam Legum meminimus, quibus hoc tempore compressi sunt; de personis saltem id dicamus (tamen non liquet quo iubente) fuisse Leontium & Vrsatium: à quibus præter Taurinum, Paulum, & Macarium, querebantur Donatistæ iniuriatos esse quàm plurimos: *Opus. l. 3.* quos perinde more suo pessimè oderint, neque criminari unquam destiterint.

Etenim hinc Petilianus, Cerberus olim forensis, linguæ calamiq; sui virus vehemèter postmodum in eos exserens, Dei omnes vindictâ pariter periisse; & Vrsatium quidem barbaricâ pugna prostratum, sævis alitum unguibus, canumq; morsibus discerptum prodidit. At verò quia nihilum ultra probavit, deq; ceteris tacuit; nugæ Augustinus haud immeritò esse respondit. *l. 2. cons. Petil. cap. 92.*

CAPUT VI.

DONATISTÆ SVB IVLIANO

APOSTATA.

§. I.

Iulianus ad Imperium evehitur.

Proscriptis interim fugatisq; Donatistis, Gratus Episcopus Anno Sardica redux cum suis, Synodum Carthagine egit, quæ prima 348. Carthaginensis appellatur: in qua propter recentem Donatistarum superstitionem, Canone secundo vetitum: *Insaniâ præcipitatos, Martyrum nomine appellare.*

E c

Et

Anno 350. Et quamvis biennio post à Magnentio tyranno Constans Imperator, propè Pyrenæos in castro cui Helenæ nomen, annos natus triginta, oppressus sit; nihilominus induciæ tantisper, donec Constantio Augusto ex humanis sublato, annò Imperij vigesimo quarto, tertio Nonas Octobris, Tauro & Florentio Coss. patruelis eius Iulianus (quem à sexennio circiter adoptarat, Cæsaremque crearat) Imperium non solum sine sanguine adeptus est, sed etiam ex voluntate Constantij ante mortem, si qua fides Ammiano. Constantius alioquin Anno 361. Iuliano grauitè succensuerat, quòd post victoriam de Barbaris apud Argentoratum, capto eorum Rege, salutari Imperator ab exercitu tolerasset.

Voti nunc compos Iulianus, impietatem quam puer à Libanio Sophista & Maximo Philosopho, paganis ambobus, Nicomediæ hauserat, intusque in corde occultarat, aperire mox cœpit; proiectaque Christi religione, Idololatriam amplecti: clausa Deorum templa referare: Idolorum sacrificia instaurare: Christianos callidè atque insidiosè persequi, dum litteras docere ac discere vetuit: palàm id se facturum minitans, vbi confecto bello Parthico rediisset.

§. 11.

Legatio Donatistarum ad Iulianum.

Hanc occasionem nacti Donatistæ, Episcopos & Clericos non paucos ad Iulianum mittunt, qui communi nomine Basilicas, relaxatoque exilio, pristinam libertatem restitui peterent. Inter hos nominatim recensentur Rogatianus, Pontius, & Cassianus. *Optat. l. 2. Aug. l. 2. cont. Petil. c. 83. 92. & 97.* Et quidem Pontius tantus olim vir fuit, vt iactantibus Donatistis, miraculum fecerit. *Tract. 13. in 10. & l. de vniv. Eccl. ca. 19.*

Est autem memorabile, quòd in libello suo supplice, homini Apostatæ adulatione sacrilegâ blandientes, *Solam apud eum iustitiam, locum habere dixerunt: l. 2. cont. Petil. cap. 92.* nimirum apostasiam & idololatriam, iustitiam appellantes, & Christianam sanctitatem non esse iustitiam, quæ apud illum nullum haberet locum. *l. 1. cont. Parm. c. 12. Epist. 48. & 166.*

Eorum

Eorum petitioni Iulianus libenter annuit. non quia vel Donatistis, Christi religionem professis, admodum faueret; sed quia hoc modo putaret Christianum nomen posse perire de terris, si vnitatem Ecclesie, de qua lapsus fuerat, inuideret: & sacrilegas dissensiones, liberas esse permetteret. *Opul. l. 2. Aug. Epist. 166.*

Eadem sunt quæ recitat Ammianus Marcellinus, rerum Iuliani accuratus scriptor, his verbis: Vbi verò abolitis quæ verebatur, adesse libi liberum tempus faciendi quæ vellet, aduertit, pectoris patefecit arcana: & planè absolutis decretis aperiri templa, arisque hostias admoueri, & reparari Deorum statuit cultum. Vtque dispositorum roboraret effectum, dissidentes Christianorum Antistites, cum plebe difficillè in palatium intromissos monebat, vt civilibus discordiis consopitis, quisque nullo vetante suæ religioni seruiret intrepidus. Quod agebat idèò obstinatè, vt dissensiones augente licentiâ, non timeret vnanimantem postea plebem. *Ita Ammian l. 22.*

§. III.

Iulianus fauet Donatistis.

Edictum ergo condit, quo abolitis omnibus quæ contra Donatistas lata erant, redditæque omni libertate in integrum eos restituit: in quo & preces eorum, & supplicantium nomina inseruit, recitatque illius aliquam partem Augustinus: Hoc quoque, inquit, supplicantibus Rogatiano, Pontio, Cassiano, & ceteris Episcopis, sed & Clericis, accedit ad cumulum, vt abolitis quæ aduersas eos sine re-scripto perperam gesta sunt, in antiquum statum cuncta reuocentur. *l. 2. cont. Petil. cap. 97.*

Ita eodem tempore soluuntur de exilio Donatistæ, quo carceribus suis Diabolus relaxatur: eodem tempore Donatistis Basilicæ restituantur, quo templa dæmoniis: eodem tempore Schismati Donatistarum libertas permissa est, quo & Idololatriæ Paganorum. *Opul. l. 2. Aug. Epist. 166. & lib. 2. cons. Petil. cap. 83.*

§. IV.

Redeunt in Africam furibundi.

T Alibus litteris armati mox aduolant in Africam : conductâ-
que perditorum hominum, siue Circumcellionum, non exiguâ
manu, Ecclesias passim inuadunt : Episcopos & Sacerdotes extur-
bant : resistentes crudeliter obtruncant, nec plebi etiam Catholicæ
parcentes. De quorum numero quidam Felix Diabensis, & Ianuarius
Flumenpiscensis, totâ celeritate ad castrum Lemellense, qui Numi-
diæ locus est, properant : cuius Basilicam cum clausam aduersus vio-
lentiam suam reperissent ; comitibus imperant culmina conscendere,
tectâ nudare, tegulas desuper iacere. Qui extemplo iussâ complen-
tes, non paucis Diaconis, qui altare defendebant, grauissimè saucia-
tis, duos ex eis interimunt, Primum Ianuarij, & Donatum Nini fi-
lios. *Opt. libr. 2. August. cont. Petil. cap. 83.*

Neque verò hoc se incendium intra Numidiâ continuit, sed lon-
gè latèque diffusum, ipsam quoque Proconsularem prouinciam corri-
puit : cuius inter ceteras Carporum est ciuitas, in qua crudelissimas
cædes exercuere.

Sed omnem superant immanitatem, quæ per totam Mauritaniâ
perpetrarunt, in primis ciuitate Thipasensi : ad quam Vrbanus For-
mensis, & Felix Idicrensis, Donatistarum in Numidiâ Episcopi, fa-
cularum in morem accurrêtes, cum illic Præfectos & Officiales furori
suo accommodos, ac Iuliani fortasse impietati suffragâtes inuenissent;
Athenio præside cum signis præsentē & adiuuante, totam multitudi-
nem Catholicam non de Basilicis tantum, sed de sedibus etiam suis
exturbarunt. In quo tumultu & cæde, magna vis hominum oppressa
& extincta est: viri permulti à furentibus discepti : matronæ violen-
ter tractæ : infantes necati: fatus in vteris matrum extincti.

Et postquam in viua Dei templa furorem suum effudere ; ad Basi-
licas & sacrosancta illic mysteria, in odium Catholicorum profanan-
da, conuertuntur. Sacratissimam Eucharistiam canibus obiciunt, sed
non absque Dei præsentē vindictâ. Canes enim in rabiem conuersi,
dominos suos tamquam ignotos, inimicos, & latrones, dentibus suis
laniarunt.

laniarunt. Sacri etiam chrismatis ampullam, per fenestram eiecerunt: sed non defuit Angelica manus, quæ vasculum inuisibili subuectione illæsum inter saxa deponeret. *Optat. l. 2.*

Inde reuersi tot patratissceleribus & sacrilegiis, ne libido impudicitiaque deesset, sacrarum Virginum Monasteria aggressi sunt, & plurimas stupro fadarunt. Inter hos Felix prædictas puellam, cui nuper velum ipse impoluerat, quæque ob id patrem eum appellarat, sacrilego incestu violare non est veritus. *Optat. l. 2.*

Omitto, ne sim prolixior, exorcismos & ablutiones parietum Ecclesiarum Catholicarum: Altarium rasuras & contrafractiones: Calicum Christi sanguinis portatorum, colliquationes & profanas venditiones: spoliationes Episcopatum & Sacerdotium honorum: ablationes sacrorum Codicum, pallarum, & velorum: Cæmeteriorum occupationes, ut non permitterent sepeliri cadauera Catholicorum; & infinita alia, quæ recenset Optatus, *l. 2. & 6.* candidèque profitetur, omnia quæ ab eis gesta sunt, ex toto narrari non posse. *l. 6.*

S. V.

Publica contra eos querimonia.

ADuersus intolerabiles hosce furores, cum publicus clamor crebesceret; nec Donatistarum primores, Thebestæ in Concilio congregati, Catholicorum querelas audire vellent, certè dissimularent; tandem aliquando ad publica iudicia pertrahuntur: ubi neque puduit eos, Iuliani pro se constitutionem gestis allegare, suamque impietatem prodere. Quæ res compulit eorum temporum iudices, relationem ad Imperatorem mittere, quæ certior de Donatistarum furore & immanitate redderetur. *Opt. l. 2. Aug. l. 2. cont. Paul. cap. 92. & 97. & l. 1. cont. Parm. c. 7.*

Sed nullum erat benignum responsum ab impio illo expectandum, imò verò nouum crudelius, de publica videlicet persecutione suscipienda: nisi eam Prouidentia diuina, sublato tempelluè Christiani nominis hoste, præuertisset. Etenim expeditione contra Parthos susceptâ, cum inermis, & tamquam victoriæ securus, ex equo

depugnaret; telo, incertum vnde misso, grauiter faucibus, inter blasphemias voces, sanguinem manu exceptum contra cælum iaciens, paullo post sacrilegam animam reddidit, VI. Kal. Iulij, ætatis trigésimo primo, Imperij primo, & septimo mense diebusque aliquot.

Huius Iuliani Edicti pro Donatistis meminit postea Honorius Imperator, vt infra dicemus.

CAPUT VII.

PARMENIANVS ET TICHONIVS
DONATISTÆ.

§. I.

Parmenianus Catholicos oppugnat. Eum Optatus Mileuitanus confutat.

Anno
368.

Donato Carthaginensi mortuo, Parmenianus successit, tertius Donatistarum Carthagine Episcopus. Quod conditionem eius attinet, particulare aliquid prodere voluisse videtur Optatus, dum eum peregrinum fuisse ait: & ideo quædam contra suos per ignorantiam scripsisse, aut falsò audiuisse narrari. l. 1. & 3. Existimo id dicere, quòd nouus homo fuerit, neque Schismatis mysteriis penitus imbutus, cuiusmodi solent peregrini appellari. Huc enim aduocare, quæ de peregrina communione veteribus quibusdam Conciliis continentur, & variis commentationibus obnoxia sunt; superuacaneum puto.

Certum est, Donati prædecessoris sui vestigiis insistentem Parmenianum, nouis libellis hæresim suam armasse: & ne ventosè ac nudè vt ceteri loqueretur, quidquid sentire potuit, non solùm dixit; sed etiam in scripturâ digessit. Vnicus illi scopus Ecclesiam Catholicam (quam apud se solos remansisse Donatistæ volebant, in omnibus aliis defecisse) tractatibus suis pulsare. *Optat. l. 1.*

Verum

Verum ne diutius minus astuti ac simplices, fucatis Parmeniani ac Anno sociorum eius sermonibus seducerentur, Optatus Milevitanus in Numidia Episcopus (cuius meminit Augustinus, *l. 1. cont. Parm. c. 3. & l. 2. de Doct. Christ. cap. 39.*) obuiam iuit: testatus se illi rescribere & respondere, ut sit inter absentes quædam veluti collatio. Ac multos quidem desiderasse, ut ad eruendam veritatem, partium conflictus haberetur; sed Donatistas & accessum prohibuisse, & aditus interclusisse, & consensum vitasse, & colloquium denegasse. Itaque non nisi per litteras cum iis agi potuisse, *Optat. l. 1.*

Porro tempus quo Optatus scripsit, est Damasi Pontificatus initium circiter: cuius ipse meminit in Catalogo Romanorum Pontificum, quem edit idcirco, ut ostendat Donatistarum Ecclesiam, Catholicam non esse: quia nimirum haud communicet cum Romanâ. *coll. l. 1.* Nam quod in eo Catalogo, Siricius post Damasum ponitur, existimat Baronius post Balduinum, à librario qui Optatum postea descripsit, adiectum: quia sedes Siricij, non incidit in Valentiniâni & Valentis Imperium, quo scripsisse Optatum testatur Hieronymus *l. de Script. Eccl. cap. 110.*

Scripsit autem primum Libros sex, ut patet ex singulorum argumento, quod libro primo proponit: sed post addidit septimum. Ut nihil sit mirum, si Hieronymus supra septimum non edisserat. Sanè quemadmodum Optatus, vitâ & morte sanctè obitis, id meruit, ut fastis Ecclesiasticis adscriberetur die xv. Iunij; ita hoc opus ipsius non apud Catholicos solum, sed etiam Donatistas, habitum est in fide & æstimo: ut qui postea probare ex eo conati sunt, Cæcilianum à Constantino fuisse damnatum, cuius rei tamen nullibi meminisse Optatum patet ex Augustino *Coll. 3. cap. 20.*

Atque hæc causâ fuit, cur Optatum, simul atque editus exitit, Donatistæ, ut erant impudentes, corruperint ac propè discerperint: collocantes quod prius erat, posterius, & contrâ: donec tandem plurium operâ, ac præsertim Franc. Balduini restitutus, emendatior correctiorque legeretur.

§. II.

Parmeniani plures errores.

Ceterum à Donati fastu & vanitate non omnino se fuisse alienum & degenerem filium, vt Parmenianus ostenderet; protestatus est aliquando cum fiducia, Maledictionibus suis ad mortem se homines compulisse: *Optat. l. 3.* &, vt eiusdem præcessoris sui errores sequeretur; Christi Carnem malè tractauit: dicens illam peccatricem; & Iordanis demersam diluuiò, ab vniuersis sordibus esse mundatam, &c. *Opt. l. 1.*

§. III.

Tichonius Donatista ἀποκατάξει, siue, seipsum condemnans.

Post Optatum Tichonius Donatista, homo & acri ingenio præditus, & vberi eloquētiā, totius Schismatis fundamenta vehementer concussit. Etenim omnium Sanctarum paginarum vocibus (vt loquitur Augustinus) circumtus, euigilauerat: videbatque Ecclesiam Dei iam toto orbe diffusam, sicut de illā tanto antè per corda & ora Sanctorum præuisum atque prædictum erat.

Hoc percepto, suscepit aduersus suos demonstrare, nullius hominis quamuis sceleratum & immane peccatum, præscribere promissis Dei: nec id agere quorumlibet intra Ecclesiam constitutorum quamlibet impietatem, vt fides Dei de Ecclesiā futurā, & diffundendā vsque ad terminos orbis terræ (quæ in promissis Patrum retenta, & tunc exhibita erat) euacuaretur.

Quod dum vehementer copioseque dissereret, & ora contradicentium multis ac manifestis sanctarum Scripturarum testimoniis oppilaret; obseruauit repente Parmenianus, quod Tichonium præterierat, conse-

consequens hinc esse, eos in Africâ Christianos, à quibus se Donatistæ separauerant, pertinere ad Ecclesiam toto orbe diffusam, cui communione iungebantur: se verò solos extra eandem errare, à quâ sponte exissent. *Aug. l. 1. cont. Parm. cap. 1.*

Neque verò solius Scripturæ sententiis hoc suum dogma Tichonius asserbat: sed, cum esset, teste Gennadio, in Ecclesiasticis negotiis studiosè exercitatus; etiam ex ipsius Donatismi rudimentis, & habitis sub initium Synodis. Deuterium enim Macrinensem Episcopum, Traditorum plebem Ecclesiæ miscuisse: ipsumque Donatum post hoc factum, iugiter Deuterio communicasse. *Epist. 48.* Quod tamen factum pugnabat ex diametro cum dogmate Donatistarum, qui rebaptizari volebant eos qui à Catholicis ad se transibant, priusquam sibi miscerentur.

Quapropter Tichonius pluribus inter Donatistas schismatibus, quæ paullo post suscitata sunt, videtur aut occasionem dedisse, aut claustra laxasse: quando nimirum præfidentiam ipsius imitati alij, licet essent ratione inferiores, audaciâ nihilominus pares esse voluerunt. Et quamvis Tichonius, ut diximus, contra Donatistas ipse Donatista inuectissimè scripserit; illic tamen inuentus est absurdissimi cordis, ubi eos non omni ex parte relinquere voluit. *lib. 3. de Doct. Christ. cap. 30.*

Fecit & Tichonius librum, quem Regularum vocauit, quia in eo quasdam septem regulas executus est, quibus quasi clauibus diuinarum Scripturarum aperirentur occulta. Recenset illas atque examinat Augustinus loco citato, eiusque libri principium ponit, quod sic habet: *Necessarium duxi ante omnia quæ mihi videntur, libellum regularum scribere, & secretorū Legu veluti clauēs & luminaria fabricare, &c.* qui totus etiamnum exstare dicitur, tom. 15. Bibliothecæ Patrum: eiusdemque meminerunt Cassiodorus præfat. in Psalmos, & Isidorus de summo bono. Et quamquam fateatur eas regulas, sicuti à Tichonio traduntur, non parum adiuuare ad penetranda, quæ tecta sunt diuinorum eloquiorum; ut propterea id opus elaboratum atque vtile appellet: iudicat tamen non omnia quæ ita scripta sunt, ut non facile intelligantur; posse his regulis inueniri, sed aliis modis pluribus: quos numero regularum suarum septenario adeo non est complexus Tichonius, ut ipsemet multa exponat obscura, in quibus suarum regularum adhibet nullam, sicuti ibidem Augustinus ostendit. *l. 3. de doct. Christ. c. 30.*

I-f

Qua-

Quapropter dum Tichonius dixit de Regulis suis: *Sunt quedam Regula mystica, quæ vniuersa Legis recessus obtinent, & veritatis thesauros aliquibus inuisibiles faciunt. Quarum si ratio Regularum, sine inuidiâ, ut communicamus accepta fuerit, clausa quæq; patefient, & obscura dilucidabuntur &c.* Si dixisset, inquit Augustinus: Sunt quedam regulæ mysticæ, quæ nonnullos legis recessus obtinent; aut certè, quæ legis magnos recessus obtinent, non autem quod ait, *vniuersa legis recessus*; neque dixisset, *clausa quæq; patefient*, sed, *clausa multa patefient*; verum dixisset, neque in spem falsam Lectorem misisset, &c. Quod ideo dicendum, inquit, putavi, ut liber ipse & legatur à studiosis, quia plurimum adiuuat ad Scripturas intelligendas; & non de illo speretur tantum, quantum non habet: cautè sanè legendus est, non solum propter quedam, in quibus ut homo errauit; sed maximè propter illa, quæ sicut Donatista hæreticus loquitur. *cod. l. & cap.*

Ceterum Tichonius, dum in explicandâ suâ regulâ Tertiâ laborabat, in eam opinionem incidit, quam postea Semipelagiani partem suarum hæreseon fecerunt. Disputans enim de Fide & Operibus, Opera nobis dixit à Deo dari merito fidei: ipsam verò Fidem sic esse à nobis, ut nobis non sit à Deo. Nec attendit Apostolum dicentem: Pax fratribus, & charitas cum fide, à Deo Patre & Domino nostro Iesu Christo. Sed non erat expertus hanc hæresin, quæ nostro tempore, inquit Augustinus, exorta; multum nos, ut gratiam Dei quæ per Dominum nostrum Iesum Christum est, aduersus eam defenderemus, exercuit: & secundum id quod ait Apostolus: *Oportet & hæreses esse, ut probati, manifesti fiant in vobis*; multò vigilantiores diligentioresque reddidit, ut aduerteremus in Scripturis sanctis, quod istum Tichonium minùs attentum, minùsq; sine hoste sollicitum fugit, etiam ipsam scilicet Fidem, donum illius esse, qui eius mensuram unicuique partitur, &c. *l. 3. de doct. Christ. cap. 33.* Ex quo patet, quàm longè fuerit progressus in libris de Doctrina Christiana, tum, cum ad omnium Retractationem peruenisset: quandoquidem eos cum reperisset imperfectos, tunc se perfecisse dicat. *l. 2. Retract. cap. 4.* quod hic in transitu annotare volui: & ipsemet aperit ibidem.

Alia plura Tichonij enumerat Gennadius in Catalogo *cap. 18.* meminist'que eiusdem Primasius, prologo in Apocalypsin: quam dum Tichonius exponere conatur, quedam respuenda subiunxit, quedam verò venenosi dogmatis sui sæculenta permiscuit, inquit Cassiodorus
l. diu.

l. diu. l. 8. cap. 9. Sed neque Augustinus omisit meminisse operis Tichonij in Apocalypsin, *l. 3. de doct. Christ. cap. 30.* quod tamen Nicolaus Zengerus esse putet, quod continetur Appendice Tomi IX. sub titulo Expositionis in Apocalypsin; eatenus tamen haud videtur, quatenus non reperiuntur ibi, quæ ex Tichonij libro refert Augustinus *l. cit. de doct. Christ.*

S. IV.

Tichonium litteris Parmenianus monet.

Vllo Tichonij errore, Parmenianus sectæ suæ satagens, malensque cum ceteris Donatistis sumere obstinatissimum animum aduersus apertissimam Tichonij veritatem, quàm eā concessā superari ab Africanis Ecclesiis, quæ illius vnitatis, quam Tichonius assererat, communione gauderent, vnde se ipse separasset: primò eum per epistolam velut corrigendum putauit. Reprehendit autem, quòd Ecclesiam prædicaret toto orbe diffusam, admonetque ne id facere audeat. Deinde hortatur in fine epistolæ, vt in parte Donati permaneat, & persecutiones perferat, dicens *non se debere voluntate coniungi eu. quibus persecutione cogente, non iuncti sunt*; adhibens etiam testimonium Scripturæ dicentis: *Va hi qui perdidit sustinentiam, & disceperunt in vias prauas*: more suo cuncta de diuinis litteris aduersus seipsum proponentes. Postea verò ex Concilio eorum Tichonium perhibet damnatum, *l. 1. cont. Parm. cap. 1. & l. 3. cap. 6.*

S. V.

Litteras Parmeniani Augustinus resc. l. t.

Hanc Parmeniani Epistolam, quoniam in manus ipsius inciderrat, Augustinus postea petentibus, imò iubentibus fratribus, confutandam sumpsit: eā potissimùm de causâ, quòd quædam maxi-

FF 2

mè

mè de Scripturis testimonia, non sicut accipienda sunt, Parmenianus accepisset. Præstitit autem Tribus libris: in quibus quæstio magna versatur & soluitur, Vtrum in vnitæte & eorundem communione Sacramentorum, mali contaminent bonos? &, quemadmodum non contaminent, disputatur: propter Ecclesiam toto orbe diffusam, cui calumniando schisma Donatistæ fecerant. *l. 1. cont. Parm. cap. 1. & l. 2. Ret. cap. 17.*

Cùm verò Optatus, quod contra Parmenianum refellendum sumferat, Tractatus illius vocet, vt suprà vidimus: hoc autem Augustinus Epistolam; patet vtique vnus & alterius diuersum argumentum fuisse.

CAPVT VIII.

DONATISTÆ INTER SE

D I V I S I

S. I.

Donatistarum inter se schismata Donatistum labefactant.

Sicut Donatus Christum diuidere conatus est; sic Donatum à suis quotidianâ concisione diuidi, præclare ab Augustino dicitur. *l. de Agon. Christ. cap. 29.* Etenim hoc tempore circiter, adeo inter se committi cœperunt; vt nouo schismate suum schisma distraherent, alteraque pars alteram veluti discerperet. Ita nimirum in Donato complebatur, quod est apud Euangelistam, In qua mensurâ mensi fueritis, in eâ remetietur vobis; &, Qui gladio percusserit, gladio morietur. *l. de agon. Christ. cap. 29.*

Separauerat se à totius orbis communione, eodemque cœtum suum Schismaticus induxerat; cùm ecce de ipsius præcisione, vt Augustinus

gustinus ait, alij præcisi: *Epist.* 64. (frustum de frusto : *l. 1. cont. Parm. cap. 4.* pars de parte : *Epist.* 48. schisma de schismate) minutatim secti conficisque, cum coherere non possent, disperire cœperunt, qui tumorem animositatis suæ, Catholicæ pacis sanctissimo vinculo prætulerant.

Vt autem plurimas omnino partes Donatistarum fuisse, sed non vulgo notas, significat *Epist.* 48. ita frequentius meminit ROGATISTARVM & MAXIMIANISTARVM. Rariùs enim VRBANISTAS nominat, qui erant in quadam Numidiæ particulâ : *lib. 4. cont. Cresc. cap. 60.* & à Claudio quodam CLAUDIANISTAS, quorum meminit *Cont. 2. in psalm. 36. & l. 4. cont. Cresc. cap. 9.* licet inter se omnes pugnacissimi, tamquam Cadmei fratres, mutuis se vulneribus conficerent. Quilibet autem sicut Ecclesiam & Baptismum sibi vindicabat; ita alteri ibat ereptum: contendebatque, quanto pauciores erant, tantò sinceriores se Donatistas esse. *l. 1. de bapt. cap. 6.*

Fatendum interim est, præter eas quas nunc diximus partes, grandiore vnam, veluti ceterarum fontem remansisse: quæ tamen multitudinis suæ nullum aut exiguum sensit detrimentum; *her. 69.* attamen PRIMIANISTARVM nomine postea innotuit. Cum igitur & Satanæ in seipsum esset diuisus, regni sui mox ruituri indicium dedit.

S. II.

Schisma primum Rogati.

PRIMI Rogatistæ, cum omnes adhuc vno simul Donatistarum consortio tenerentur, *l. 1. cont. Parm. cap. 10.* secessionem fecerunt. Auctor eorum Rogatus Maurus: atque ob id per Mauritaniam Cæsariensem sparsi: numero tam exigui, vt breuissimum frustum, de frusto maiori præcisum nuncupet Augustinus: *Epist.* 48. Causa secessionis incerta: quamque nullo loco, quod sciam, Augustinus prodidit. Episcopus aut Presbyter Cartennensis fuisse videtur: quandoquidem ibidem Vincentius sederit, Rogati in eodẽ schismate successor: cui tum decem circiter qui remanserant, adhærebant. *ead. Epist.*

F f 3

Roga-

Rogatistæ autem quamquam Donatistis ceteris mitiores videntur, quia cum Circumcellionum immanissimis gregibus non sæuiebant, imò ne velle quidem sæuire se dicebant; attamen Augustinus arbitrabatur non potuisse. Sæuire, inquit, vos nolle dicitis, ego non posse arbitror: ita enim numero estis exigui, vt mouere vos contra aduersarias vobis multitudines non audeatis, etsi cupiatis. *Epist. 48.*

Nam quod Rogati, horum coryphæi, indolem ingeniumque attinebat; peruiaciâ non cessisse ceteris, inde colligit: quod contra Evangelicam sententiam: *Si quis tibi voluerit tunicam tollere, & iudicio tecum contendere, dimitte illi & pallium;* de nescio quibus rebus suorum, acerrimâ perseuerantiâ, etiam forense disputatione, conflixerit. *ibid.*

Deinde, Quod hæreticis omnibus in more positum est, reliquis videri meliores voluerunt: adeo vt dicerent, In se solis reperturum Filium hominis fidem, cum venerit: neque enim in terrâ se, sed in cælis esse deputandos: *ead. Epist.* vt idcirco non frustra fortasse à posteris Cælicolæ appellati sint.

Nam si Donatistarum aliorum grex non audiebatur, quia nullum pro Ecclesiâ apud se Scripturæ sacræ locum citabant; quantò minùs audiendi erant Rogatistæ, qui ne illud quidem pro se interpretari poterant, quod scriptum est: *Vbi pascis, vbi cubas in meridie?* Si enim per meridiem, intelligatur in parte Donati Africa, quæ sub cælo feruentiori plaga est; non eam occupabant Rogatistæ. Ipsa verò Mauritania Cæsariensis (quæ erat adeo Occidentali, quam Meridianæ parti vicinior, vt ne quidem Africa appellari vellet) nullatenus poterat de meridie gloriari.

Quod si autem solâ suâ auctoritate, & absque vlllo sacræ Scripturæ luculento testimonio, separare se, tamquam aliis meliores, à toto Ecclesiæ corpore volebant; vnde obsecro sciebant, nullos ante se alios exstare, in tanta mundi Christiani vastitate, qui se iustâ de causâ (quamquam id fieri non possit) priùs à toto Ecclesiæ corpore separassent? &c. *Epist. 48.*

§. III.

Rogatistas reliqui Donatistæ persequuntur.

Reliquum igitur Donatistarum corpus, cum Rogati factionem ægerrimè ferrèt, in officio eos cōtinere, seculari auctoritate decreuerunt. Per id tempus Valentiniano & Valente Imperantibus, Firmus Maurus, Nubelis Mauritanix Regis filius, fratre Zammā latenter interemto, cum ob id Comitem Africa, Romanum nomine, cui Zamma fueret acceptus, infestum haberet; metuens ne tamquam perniciosus & contumax damnatus occideretur, ubi aduertit defensionis sibi aditum à Romano præcludi; ab Imperij ditione desciuit, & Mauritanix regnum tyrannus occupavit. Historiam describit *Ammianus Marcellinus* l. 29. *Orosius* l. 7. c. 33. & *Paul. Diaconus* l. 12.

Hæc occasione vsi Donatistæ, per barbarum Regem, Rogatum eiusq; affeclas in Mauritania Cæsariensi sæuissimè & acerbissimè persecuti sunt: l. i. *const. Parm.* cap. 10. & 11. (adeo vt vocarentur à Rogatistis Firmiani, sicuti Catholicos appellare Macarianos ipsi consueverant: *Epist.* 164.) nihil non agentes, vt eos ad gremium suum redire compellerent, aut sæuitiam vindictæ saturarent. Durauit ea persecutio tantisper, donec Theodosius senior, contra Firmum à Valentiniano in Africam cum exercitu missus, perduellem Imperij pluribus præliis fractum, ad vitam laqueo finiendam compulit: Rogato, qui Firmo superstes, in schismate permanente.

Per id tempus qui Rogatistarum Cæsariensis Episcopus erat, cum Firmo tyranno suorum incolumitatem pactus, portas ei aperuit: atque in vastationem non Catholicos tantum, sed vniuersam ciuitatem dedit. *Epist.* 164. Quanto autem tum incendio Cæsarea sædata sit, loquitur *Ammianus*, lib. citato, & *Orosius* l. 7. cap. 33.

Quapropter hoc Donatistarum factum, non desierunt eis Catholici obicere, quoties ipsi criminari Catholicos solebant, & accusare persecutionis, cum ad coërcendas eorum insolentias, & Circumcellionum sæuitiam, Imperatorum auctoritatem implorabant. Certè enim neque ipsi, quod nihilominus iactabant, sola portare Euangelia consue-

confueuerant : *Conc. 2. in psalm. 36.* Nisi fortè existimarent partem Euangelij esse, aut Idololatriam Iuliani, aut Firmi tyrannidem, aut eius qui deinde post secutus est, Gildonis : per quem persequi Rogatum, minimè destiterunt. *l. 2. cont. Petil. cap. 83.*

§. IV.

Vincentius Rogati in schismate successor.

Rogato mortuo, Vincentius in schismate successit. Is olim adolescentem Augustinum Carthagine nouerat, dum adhuc Rogatus inter mortales ageret. Cumque videret, eò esse deuentum temporis lapsu, vt passim Imperatoriis legibus Donatistæ punirentur, ac debitis legitimisque pœnis ad Vnitatem Catholicam adducerentur; expositulandum sibi duxit super hac re cum Augustino, per litteras: quem antea nouerat quietis auidum & appetentem, suppliciorum ac pœnarum inimicum.

Verumtamen Vincentio eleganter respondens Augustinus, docet aliquando eius se animi sententiæque fuisse, vt arbitraretur cum hæreticis nullâ vi, sed solo Dei verbo agendum: verum aliorum opinionibus, & exemplis superatum, mutasse sententiam: iamque arbitrari, Leges Principum rectè implorari aduersus hostes fidei; modò id fiat, non vindicandi, sed corrigendi studio.

Alia sunt, quæ contra Vincentium egregiè pertractat. Idque in primis vanissimum esse ostendit, quod Ecclesiam suam Vincentius Catholicam diceret: Catholicæ nomen non ex totius orbis communionē, sed ex obseruatione præceptorum omnium diuinorum, atque omnium Sacramentorum, interpretatus. Quasi nimirum, si fortè hinc sit appellata Catholica, quòd totum veraciter teneat, (cuius nonnullæ particulæ, etiam in diuersis inueniuntur hæresibus) Catholici huius nominis testimonio nitantur, ad demonstrandam Ecclesiam in omnibus gentibus; & non promissis Dei tam multis, tamque manifestis oraculis ipsius veritatis. *Epist. 48.*

Et quamquam hæc Augustini responsio, abundè sufficiat ad euerendam confutandamque Vincentij rationem, quâ suo, tametsi exiguo

quo cœtui, Ecclesiæ Catholicæ nomen vindicabat, ut patet ex lib. de Vnit. Ecclesiæ, in quo responsionem suam contra Petilianum latius exsequitur: attamen Vincentius Lirinensis eo libro quem conscripsit aduersus profanas hærescon nouitates, præter vniuersitatem præceptorum Diuinorum, & Sacramentorum omnium, longè aliud requiri, ut Ecclesiæ Catholica sit, ostendit: putà, ut teneamus quod ubique, quod semper, quod ab omnibus creditum est.

Hoc est enim, inquit, verè proprièque Catholicum, quod ipsa vis nominis ratioque declarat, quæ omnia verè vniuersaliter comprehendit: atque ita demùm sit, si sequamur vniuersitatem, antiquitatem, consensionem. Sequemur autem vniuersitatem, hoc modo: si hanc vnâ fidem veram esse fateamur, quam tota per orbem terrarum confitetur Ecclesiæ. Antiquitatem verò ita, si ab his sensibus nullatenus recedamus, quos sanctos maiores ac Patres nostros celebrasse, manifestum est. Consensionem quoque itidem, si in ipsâ vetustate, omnium, vel certè penè omnium Sacerdotum pariter & Magistrorum definitiones sententiasque sectemur. *na Vinc. Lirinens.* Fuisse verò hæc apud nullos Donatistas, nimis quàm manifestum est.

§. V.

Vincentius Victor, itidem Rogatista.

EX eâdem Rogatistarum sectâ fuit Vincentius Victor: tanto Vincentium iam dictum Rogati successorem, affectu prosecutus; ut eius nomen suum voluerit esse cognomen. Hic licet ad vnitatem Catholicam, relicto schismate aliquando rediisset; non tamen adeo deposuerat Vincentij pristinam venerationem, quin eum sibi, nescio quâ visione apparuisse iactaret, atque ita adiuuasse duos illos libros, quos contra Augustinum edidit, De Anima & eius origine, conficere; ut, quantum ad ea quæ scribenda forent, res ipsas rationesque ipse dictaret. Quibus perinde viribus imaginationis Vincentij Victoris inductus Augustinus; dubitat, veròne an fictè ad Catholicos sit conuersus. Videri potest l. 3. de Anima & eius Orig. c. 2. & l. 1. c. 1. & 3.

§. VI.

Imperatoria leges contra Donatistas.

- Anno 373. **V**Ti autem hæc postea euenerunt ; ita sub id tempus , quo debellatus est Firmus, Valentinianus Imperator Legem eam tulisse videtur , quæ sic habet : Antistitem qui sanctitatem Baptismi, illicitâ usurpatione geminauerit, sacerdotio indignum censemus. Dat. Treuer. Kal. Martij, Valentiniano & Valente I v. Augg. Coss. l. 1. *ne sanct. bapt. iter. Cod. Theod.* Quæ lex cum data sit ad Iulianum Africæ Proconsulem, non alios equidem, quàm Donatistas incescit.
- Anno 377. Idem quadriennio post Gratianus fecit, sanctione ad Flavianum Africæ Vicarium, quæ exstat l. 2. *ne sanct. bapt. iter. Cod. Theod.* Coss. Gratiano Augusto I v. & Merobaude. xv i. Kalend. Nouemb. locaque Catholicorum, tempore Firmianæ tyrannidis à Donatistis occupata, restitui mandauit.
- Anno 392. Gratianum imitatus Theodosius Imperator, non tantum in extirpandis Paganis, sed & hæreticis, quem habebat zelum Catholicæ religionis, ostendit. Cuius exstat inter alia Rescriptum illud celebre, Dat. xvii. Kalend. Iulij, Constantinopoli Arcadio Aug. ii. & Rufino Coss. cuius toties meminit Augustinus, & præsertim *Epist. 50.* dum ait : Quod eo modo fieri aliquatenus posse arbitramur, si Legem piissimæ memoriæ Theodosij, quam generaliter in omnes hæreticos promulgauit, ut quisquis eorum Episcopus vel Clericus vbilibet esset inuentus, decem libris auri multaretur ; expressius in Donatistas ita confirmarent, &c. nec non *Epist. 68. & l. 3. cons. Cresc. c. 47.* Exstatque l. 21. *de hæret. Cod. Theod.*

CAPVT

CAPVT IX.

PRIMIANVS ET MAXIMIANVS.

§. I.

• *Novi Donatistarum inter se Schismatis origo.*

P Armeniano, de quo suprâ, successit Primianus, quartus Donatistarum Carthagine Episcopus: sub quo schisma pullulauit multò maximum, quod ab eius Diacono Maximiano, Maximianistarum nomen habuit. Cœpit Presbytero adhuc Augustino, pauculis annis priusquam ad Episcopatum assumeretur, viuentē iam tū Imperatore Theodosio; plurimosque secum Donatistice factionis Episcopos traxit.

Primam autem illam Donati factionem vti sub initium Lucilla conflauit, (de qua Hieronymus, dum & aliarum hæresum feminas obstetrices enumerat: Donatus per Africam, inquit, vt infelices quosque fetentibus pollueret aquis (alludens ad Baptismum, quem iterabat) Lucillæ opibus adiutus est; *ad Ctesiph.*) ita & eam de qua hic agimus, à seminâ nescio quâ conflatam esse, testatur Augustinus, *Epist.* 162.

Iam verò Maximianus, perhibebatur Donati fuisse propinquus: *ead. Epist.* vt mirari possimus, partem eius non esse veritum distrahere. Possimus etiam non mirari; si quod sanguine maiores fecerunt, imitati posterī sequantur. Propterea quippe, veriores se Donatistas dicebant Maximiniani, quia maiorum suorum vestigia reapse secuti sunt. *Conc.* 2. in *Psalm.* 36. Neque enim stare diu certo loco sententiæque hæresis potest. Quantis per idem tempus Ariani, post Donatistas exorti, secessionibus partium & opinionibus scissi fuerint, nemo ignorat. Adeò certum est quod ante diximus, Catholicæ Ec-

Gg 2

clesiæ

clesiæ nomen, non tam doctrinæ, quàm temporis & consensûs, vniuersitatem complecti.

Maximianistarum Schismatis initium sic habet. Maximinianus Diaconus Carthaginensis in parte Donati, merito superbiæ suæ, vti Primianus putabat, adeò grauius offenderat; vt eum duxerit excommunicandum. Excommunicatus ipse à Primiano perrexit ad Episcopos vicinos: quibus cùm integritatem suam exposuisset; concitauit inuidiam Primiano, atque eum deinde apud illos accusauit. *l. de Gest. cum Emer.*

§. II.

Maximianus Primianum accusat.

Accusationis multa erant & magna capita: vt patebit ex Epistolâ, quam congregata Episcoporum contra Primianum Synodus scripsit. Eæ tum Epistolæ Afris *Tractoria* vocabantur, quas Synodicas alij, siue Encyclicas, aut publicas appellauere.

Conuenerunt igitur Cauernis Sufis (loco vt apparet adeò vicino Carthagini, vt Carthagine conuenisse sapiculè Augustinus narret) quinquaginta tres Episcopi. Totidem enim *Tractoria* signauerunt: adeoque mendum est, aut memoriæ lapsus, vbi tantummodò referuntur quadraginta tres. *libro 4. cont. Crescon. cap. 6. & 7.*

Hi vbi audito Maximiano confederunt, qui se innocentem, & Primianum iniquissimum esse contestabatur: *l. 3. cont. Cresc. c. 40.* ne quid temerè aut calidè facerent, partem alteram audire decreuerunt. Mittunt ad Primianum legatos, eumque euocant ad Synodum. Contemnit Primianus. Mittunt iterum ac tertio: vt si ad eos ipse venire nolit; ipsos ad se venire permetteret. Recusat vtrumque: ac contumaciæ superbiæ iungens, eos qui missi fuerant, iniuriosâ repulsione facessere à se iubet.

Quare congregati Antistites, necessarium quidem iudicarunt, in personis suis Ecclesiasticam auctoritatem & disciplinam tueri. Attamen nondum audentes vltimum præcipitare iudicium; quodam præiudicio

iudicio, consulere Primiano voluerunt: vt, si causæ suæ fideret, sequente celebriori Concilio, respondendi seseque purgandi locum haberet. l. 4. cont. Crescon. c. 7. Concesso igitur ad resipiscendum termino, has è Synodo litteras ediderunt.

§. III.

*Primianus è Synodo Carthaginensi
damnatur.*

SAnctissimis Fratribus atque Collegis, per vniuersam Africam, hoc est per Prouinciam Proconsularem, Numidiam, Mauritaniam, Byzacenam & Tripolin constitutis, sed & Presbyteris, Diaconis, & vniuersis plebibus, in veritate Euangelij nobiscum militantibus, Victorinus, Fortunatus, & Victorianus, Migginus, Saturninus, Constantius, Candorius, Innocentius, Cresconius, Florentinus, Saluius, alius Saluius, Donatus, Geminus, Prætextatus, Maximianus, Theodorus, Anastasius, Donatianus, Donatus, alter Donatus, Pomponius, Pancratius, Ianuarius, Secundinus, Paphnagius, Cresconius, Rogatianus, alius Maximianus, Benenatus, Gaius, Victorinus, Guntasius, Quintasius, Felicianus, Saluius, Migginus, Proculus, Latinus, & ceteri qui in Concilio apud Cauernas Sulis in Domino æternam salutem.

Nemo est qui nesciat, Fratres dilectissimi, de Sacerdotibus Domini, non propriæ voluntatis, sed diuinæ legis impulsu, tam in reos sententiam dicere, quàm innocentibus infligam, iure ab eis ac meritò debere submouere. Non leui enim periculo subiacebit, quisquis aut reo pepercerit, aut innocentem consutare pertentarit: maximè cùm scriptum sit: *Innocentem & iustum non occides: &: purgatione non purgabis eum.*

Hoc igitur edicto legis admoniti, necesse nos fuerat Primiani causam, quem plebs sancta Carthaginensis Ecclesiæ Episcopum fuerat in ouile Dei sortita, seniorum litteris eiusdem Ecclesiæ postulantis, audire atque discutere sub eo, vt explanatis omnibus aut innocentem, quod optabile fuerat purgaremus, aut nocentem certè ostenderemus.

„deremus suis meritis esse damnatum. Optatissimum enim nobis fuit,
 „vt plebs sancta Carthaginensis Ecclesiæ, eo se lætetur Episcopo sub-
 „limatam, qui in omnia sanctus, & in nullo reprehensibilis haberetur.
 „Propterea vtique talem esse oportet Domini Sacerdotem, vt quod
 „populus pro se apud Deum non valuerit, ipse pro populo mereatur
 „quod poposcerit impetrare: quia scriptum est, si peccauerit populus,
 „orabit pro eo Sacerdos: si autem Sacerdos peccauerit, quis ora-
 „bit pro eo?

„Scandala igitur Primiani, & ipsius nequitia singularis, sic in se cæ-
 „leste iudicium prouocauit, vt horum criminum auctorem necesse
 „esset penitus amputari: qui recens ordinatus, Presbyteros supra-
 „dictæ plebis ad coniurationem impiæ conspirationis impellens, hoc
 „ab eis velut precario iure postulauit, vt ad damnandos quatuor Dia-
 „conos, viros egregios, ac singularibus meritis approbatos, Maximia-
 „num scilicet, Rogatianum, Donatum, itemque Salgamum, consen-
 „trent, & incunctanter ei promitterent accommodare consensum.

„Cuius illi malâ præsumptione stupefacti cum rem silentio refellif-
 „sent, per se cogitatum scelus non dubitauit implere, vsqueadè vt
 „in Maximianum Diaconum, virum sicut omnibus notum est inno-
 „centem, sine causa, sine accusatore, sine teste, absentem ac lecto cu-
 „bantem, sententiam putaret esse promendam: quia iam pridem Cle-
 „ricos non dissimili furore damnarat.

„Nam cum incestos, contra legem decretaque omnium Sacerdo-
 „tum, communioni sanctæ adiungeret: cumque obliuente maximâ
 „parte plebis, etiam seniorum nobilissimorum litteris conueniretur, vt
 „per se corrigeret quod admiserat; suâ temeritate possessus, emendare
 „contempsit. His itaque permoti seniores Ecclesiæ supradictæ, ad vni-
 „uersum chorum litteras legatosque miserunt, quibus non sine lacry-
 „mis deprecati sunt, vt ad se feruentius veniremus: quo perpenso li-
 „bramine intentionibus exploratis, existimatio Ecclesiæ purgaretur.

„Ad hanc proinde, cum secundum memoratorum litteras venire-
 „mus; notâ suâ ille ratione feruescens, aduentum nostrum penitus
 „declinauit. Qui vsquequaque rebeli animo recalcitrans in malo
 „permanfit, vt, conductâ multitudine perditorum, atque impetratis
 „officialibus, Basilicarum ianuas obsedissent, qui ingrediendi nobis
 „atque agendi sollemnia intetdicerent facultatem. Hæc si Episcopum
 „conuenit facere, si Christianis licet admittere, si hoc Euangelia pro-
 testantur;

testantur; prober aut iudicet, quisquis amator aut assertor est veritatis. Hoc enim nobis inflixit frater aliquando proprius, quod numquam faceret alienus.

Decreuimus omnes Sacerdotes Dei, presente Spiritu sancto, hunc eundem Primianum (Primò quia super viuos Episcopos, alios subrogauit: quòd incestos cum sanctorum communione miscuerit: quòd Presbyteros ad coniurationem in eadem constringere pertentari: quòd Fortunatum Presbyterum in cloacam fecerit mitti, cum agrotantibus baptismo succurrisset: quòd communionem Demetrio denegauit, vt cogeret filium abdicare: quòd idem Presbyter obiurgatus sit, quòd Episcopos hospitio suscepisset: quòd supradictus Primianus multitudinem miserit, quæ Christianorum domos euerteret: quòd obsessi sunt Episcopi simul & Clerici, & postea ab eius satellitibus lapidati sunt: quòd in Basilica cæsi sunt seniores, quòd indignè ferrent Claudianistas ad communionem admitti: quòd innocentes Clericos pertauerit esse condemnandos: quòd se nobis audiendum noluerit exhibere, cum Basilicarum fores ne ingredere-mur, multitudine & officialibus intercluserit: quòd legatos à nobis ad se missos iniuriosè reiecerit: quòd loca multa vi primò, dehinc auctoritate iudiciaria vsurpauit: præter alia illicita eius admissa, quæ pro honestate itili nostri siluimus) à Sacerdotali choro perpetuò esse damnatum: ne eo palpatò, Dei Ecclesia aut contagione, aut aliquo crimine maculetur. Quod ipsum Paulus Apollolus exhortatur & admonet, Præcipimus autem vobis, fratres, in nomine Domini nostri Iesu Christi, vt discedatis ab omni fratre, inordinate ambulante: atque adeò non immemores puritatis Ecclesiæ, conducibile existimauimus, omnes sanctos confacerdotes & omnes Clericos, & omnes populos qui se Christianos meminerunt, hac nostra Tractoria commonere, vt omnes eius communionem, vtpote damnati, diligenti cura horreant. Ipse enim de suo interitu rationem reddet, qui hoc nostrum decretum non audiendo tentauerit violare.

Placuit sanè nobis & Spiritui sancto, quòd tempus tardis ad conuertendum reseruetur sub eo, vt quicumque confacerdotum vel Clericorum suæ salutis immemores, à die damnationis supradicti Primiani, id est à die Kalendarum Iuliarum, vsque ad diem octauum Kalendarum Ianuariarum, minùs à Primiani damnati communione recesserint, tali sententià constringantur: Laici quoque nisi se à supradicto

» pradieto die damnationis illius, intra diem Paschæ futuræ, ab eius
 » consortio separauerint, non posse quemquam nisi per poenitentiam,
 » siquidem meminerint, Ecclesiæ reformari.
 » Victorinus Munacianensis Episcopus subscripsi. Fortunatus Diony-
 » sianensis Episcopus subscripsi. Victorianus Carbanienensis Episcopus
 » subscripsi. Florentius ab Adrumeto Episcopus subscripsi. Migginus
 » Olepzantariæ Episcopus subscripsi. Innocentius Thebaltensis Epi-
 » scopus subscripsi, &c. omnes numero quinquaginta tres. *Enarr. 2.*
 » in *Psal. 36.* Hactenus Epistola Synodalis, quâ prædamnatus est
 Primianus, nisi resipisceret.

§. IV.

*Primianus plenius damnatus Cebarsufsi, depo-
 nitur, ei que Maximianus surrogatur.*

SImul atque terminus Primiano ad resipiscendum concessus ela-
 psus fuit; aliud Concilium Cebarsufsi indixerunt, priore cele-
 brius frequentiusque: utpote centum vel amplius Episcoporum. Ad
 quod, ut ad alterum prius, Primianum euocarunt: qui, cum eorum
 factionem cognoscens, venire nolisset; iam necessario putauerunt
 eum esse damnandum, sine ulla suspensione sententiæ. *l. 4. cont. Cresc.*
c. 7. Collat. 3. c. 16.

Plenius ergo perfectiusque damnatus, absens & inauditus Episco-
 patu suo deiicitur, ei que Maximianus surrogatur: *l. 3. cont. Crescon.*
c. 13. & l. 4. c. 6. qui sollemniter deinde, præsentibus atque manus
 imponentibus hisce duodecim: Victoriano Carcabianense, Martia-
 no Sullectino, Beiano Baianensi, Saluio Ausphenfi, Theodoro Vfu-
 lensi, Donato Sabratenfi, Miggene Olepzantariense, Prætextato Af-
 furitano, Saluio Membresitano, Valerio Melzitano, Feliciano Multi-
 ratio & Martiali Pertusensi; inauguratus est. *hier. 69. lib. 3. cont. Cres-*
con. cap. 53.

Atque ita rursus leuatum altare contra altare: & ordinatus Epi-
 scopus contra eum Episcopum, qui, tametsi Schismaticus, ita nihi-
 lominus in Cathedrâ vbi fuerat ordinatus, sedebat; ut neque à suo
 populo

populo defereretur, neque aliorum plurium Episcoporum amitteret communionem. Quapropter Maximianistæ inceperunt repente, veluti si hoc vnicum schismatis mysterium atque indicium esset, baptizatos rebaptizare: *l. 1. contr. Pess. cap. 12.* aliaque opinor omnia iterare.

§. V.

*Damnatus Primianus cogit Bagaiensem
Synodum.*

ATqui perpetrato nouo hoc schismate, grauissimè licet indigna- Anno
tus Primianus, nullam tamen prouocationis vocem ad tertium 394.
iudicium iniecit: *l. 4. contr. Cresc. cap. 7.* Sed cùm Prouinciæ Proconsu-
laris, Byzacenæ, & Tripolitanæ plures Episcopos, Maximiani schisma
sequi vidisset; *l. de Vnit. Ecd. cap. 3.* optimum existimauit à Numidis &
Mauris auxilium petere.

Hi Concilium contrahunt in Ciuitate & Ecclesiâ Bagaitanâ, Epi-
scoporum omnium aut propè omnium sectæ suæ, ex omnibus Afri-
cæ prouinciis, trecentorum & decem. *l. 3. contra Cresc. cap. 43.* eorum
videlicet, quos nondum Maximianus præoccupauerat. Factum id
Coss. Arcadio III. & Honorio iterùm.

Apud hos, quos sibi iudices Primianus priuatâ auctoritate adierat
& constituerat, *Enarr. 2. in psalm. 36.* (Maximiano per nullos Legatos,
ad iudicium citato, quemadmodum à Maximiani parte pluries ipse
citatus fuerat: *l. 4. contr. Cresc. cap. 7.* multoquæ minùs audito) cùm se
purgasset; inter iudices assumptus, sedit: tantumquæ effecit, vt Conci-
lium in absentes diceret sententiam: ipseque antè damnatus, contra
omnem iuris ordinem alios cum ceteris damnaret. *Enarr. 2. in psalm. 36.*

Sententiam, quæ in damnatos, Maximianum aliosque, magno ani-
mi verborumque fastu lata est, nullibi quidem totam simul recitat
Augustinus; sed diuersis locis diuersas eius pro re nata partes: quas
in vnum compingemus, vniuersamque exhibebimus.

§. VI.

Sententia Concilij Bagaiensis, contra Maximianum & socios.

» **C** Vm omnipotentis Dei, & Christi eius Saluatoris nostri voluntate, ex vniuersis Prouinciis Africae venientes, in Ecclesia sancta Bagaiensi Concilium gereremus, Gamalius, Primianus, Pontius, Secundianus, Ianuarius, Saturninus, Felix, Pegasius, Rufinus, Fortunius, Crispinus, Florentius, Optatus, Donatus, Donatianus & ceteri numero trecenti & decem; Placuit Spiritui sancto, qui in nobis est, pacem firmare perpetuam, & schismata refecare sacrilega. *lib. 4. cont. Crescon, cap. 10.*

» Licet enim viperei seminis noxios partus, venenati vteri alueus diu texerit: & concepti sceleris vda coagula, in aspidum membra tar- do se calore vaporauerint; tamen conceptum virus, euanescente vmbaculo, clari non potuit. nam etsi sero, publicum tamen facinus & parricidium suum, foeta scelerum vota pepererunt. Quod antea praedictum est: *Parturit iniustitiam, concepit dolorem, & peperit iniquitatem.* Sed quoniam serenum iam fulget è nubilo nec est confusa criminum silua, cum ad poenam designata sunt nomina. Indulgentiae enim antehac fuerat: dum clementiae dimittimus lineam, inuenit causa quos puniat. *Lib. de Gest. cum Emer.*

» Optata quidem pacis & concordiae est iuncta germanitas, sicut scriptum est: *Iustitia & pax osculatae sunt inuicem:* sed veridica vnda in asperos scopulos nonnullorum naufraga proiecta sunt membra, Aegyptiorum admodum exemplo, pereuntium funeribus plena sunt lit- tora: quibus in ipsa morte maior est poena; quod post extortam aquis vlticibus animam, nec ipsam inueniant sepulturam. *lib. 4. cont. Cresc. cap. 16.*

» Loquamur, Charissimi fratres, schismatis causas: quia iam non possumus tacere personas. MAXIMIANVM fidei æmulum, veritatis adulterum, Ecclesiae Matris inimicum, Dathan, Chore & Abiron ministrum, de pacis gremio sententiae fulmen excussit: & quod adhuc
eum

eum dehiscens terra non absorbit, ad maius iudicium superis refer-
uauit. Raptus enim poenam sui compendio lucrauerat funeris, vltimas
nunc grauioris colligit sceleris, cum mortuus interest viuus. *l. de Gest. cum Emer.*

Nec solum hunc sceleris sui mors iusta condemnat. Trahit etiam
ad consortium plurimos catena sacrilegij, de quibus scriptum est: *Ve-*
nenum aspidum sub labiu eorum, quorum es maledictione & amaritudine ple-
num est, veloces pedes eorum ad effundendum sanguinem: contritio & infelici-
tas in riu eorum, & viam pacis non cognouerunt: non est timor Dei ante oculos
eorum. Nollemus quidem tamquam proprii corporis secare iuncturam;
sed et oniam tabescentis vulneris putredo pestifera plus habet in al-
scissione solaminis, quam in remissione medicaminis; inuenta est caus-
sa salubrior, ne per cuncta membra pestilens irrepit virus, vt com-
pendioso dolore natum decidat vulnus. *cod. l.*

Famosi ergo criminis reos, Victorianum Carcabanensem, Mar-
tianum Sullectinum, Beianum Baianensem, Salatum Ausphensem,
Theodorum Vsulensem, Donatum Sabratensem, Miggenem Ele-
phantariensem, Prætextatum Assuritanum, Saluium Membresita-
num, Valerium Melzitanum, Felicianum Mustitanum, & Martialem
Pertulensem, qui funesto opere, perditionis vas sordidum collecta fa-
culentiâ glutinarunt: *l. 3. cont. Cres. cap. 53.* sed & Clericos aliquando
Ecclesiæ Carthaginis, qui dum facinori intersunt illicito, incestui
præbuerunt lenocinium, Dei præsentis arbitrio, vniuersalis Con-
cilij ore veridico, damnatos esse cognoscite. Eos autem quos sacrile-
gi furculi non polluerent plantaria, hoc est, qui à Maximiani capite,
propriam manus verecundo fidei pudore retraxerunt, ad matrem Ec-
clesiam redire permisimus. *l. de Gest. cum Emer.*

Placuit tamen decreto Concilij, dilationem temporis dari, intra
quod si quis corrigi voluisset, innocens haberetur. *l. 4. cont. Cres. cap. 34.*
Quantum enim de reorum morte purgamur; tantum de innocentium
reditu gratulamur. *cod. l. 6. 35.*

Ac ne angustum redeuntibus tempus, spem salutis arctatæ dici
pressura subducatur; agnoscantibus quibuscumque longè manentibus, præ-
cedentibus statutis vniuersis, vsque ad diem octauam Kalendarum
Ianuarij proximè futurarum, agnitionis pandimus ianuam, vt inte-
gri honoris ac fidei, regressi habeant fundamenta; quam si quisquam
ingredi nequiverit pigra segnitie; sciat sibi ad omnes veniales aditus,

H h 2

suâ

„suâ voluntate viam esse subductam. Manebit enim circa eos dicta sententia, & post præstitutum diem redeuntibus fixa pœnitentia. *l. 4. cont. Cresc. cap. 4.*

„Coss. Arcadio III. & Honorio iterum Augustis, octauo Kalendas Maij, post Consulatum Theodosij Augusti III. *l. 3. cont. Cresc. cap. 56.*

S. VII.

Primianistarum contra Maximianistas hostilitas.

A Vctor siue dictator huius sententiæ Emeritus fuit, Episcopus Cæsariensis: *l. de gest. cum Emer.* Quæ cum in Concilio decernenda recitata est; ore lætissimo omnes acclamauerunt: partim gauisi, quod tam esset diserta; partim quod in ea schismaticis suis tam insigniter insultassent. *l. 1. cont. Petil. cap. 10. & l. 4. cont. Cresc. cap. 41.* Postquam verò consensu omnium publicata est; magnis illicò animis damnatos persequi cœperunt.

Ante omnia misso aliquo Legato Episcopo Carthaginem, Primianum restituerunt in suam sedem, vnde fuerat deiectus. *l. 4. cont. Cresc. cap. 47.* Ac deinde ad Basilicam Maximiani conuersi, quam non Basilicam, sed speluncam vocabant; concitato grege suorum, euertendam curarunt. *l. 3. cont. Cresc. cap. 59. & l. 4. cap. 46.* Neque his contentus Primianus, Maximianum propriis ædibus, mandatâ procuratione vt in Exorcisterium Ecclesiasticum conuerterentur, extruxit: *l. 4. cont. Cresc. cap. 47.* Frustrà Maximiano gesta duorum Conciliorum pro se allegante. *Enarr. 2. spal. 36.*

Talibus initiis plures è Maximianistis territi, intra diem dilationis pristinis se sociis Ecclesiæque Donati reddiderunt, ideoque recepti sunt ab iis, tamquam purgati atque innocentes: *l. 4. cont. Cresc. cap. 30.* alij animum obstinarunt, neque, vt ad Primianum redirent, induci potuerunt. Itum idcirco ad Proconsules: qui licet à Christianis Imperatoribus constituti, erant nihilominus Pagani. *l. 2. cont. Petil. cap. 58.* Apud hos non tantum inductum Concilium Bagaiense, in quo fuerant

rant à trecentis & decem Episcopis damnati; *l. 1. cont. Parm. cap. 11. verumetiam, cum se Catholicos esse Primianiste mentirentur, Enarr. in psal. 57. allegatæ sunt leges aduersus hæreticos, quibus iubebantur Basilicis sui expelli: lib. 2. cont. Petil. cap. 58 mox impetratæ iussiones: eisdemque iussionibus exsequendis, officiorum & ciuitatum auxilia; ut illi qui fuerant damnati, locis & Basilicis quas hætenus cum populis sibi coherentibus perpetuâ possessione retinuerant, proturbarentur. l. 4. cont. Crete. cap. 47.*

Hisce molestiis quidam facile cesserunt, neque multa passi sunt: qui autem resistere tentauerunt, grauissime sunt afflicti. *l. 1. cont. Parm. c. 11.* Nonnulli enim, populi sibi fauentis praesidio, expugnari haud facile poterant: alij cum defendere se non possent, victi sunt. In eorum locum qui victi sunt & expulsi, alij ordinati sunt. *l. de Gest. cum Emer.*

§. VIII.

Saluium Membresitanum Maximiani assecclam persequuntur Primianista.

Saluius Membresitanus vir aetate grauis, cui Primianus Restitu- Anno
tum surrogarat, cum eiusmodi persecutionis exagitationibus per- 395.
suaderi non posset, ut ad Primiani à se damnati consortium rediret:
sciret autem aduersarios suos, legibus contra hæreticos promulgatis uti non posse apud Iudicem, nisi etiam seipsum pariter eis irriterent; maluit se committere examini, & persecutoribus suis Proconsulari iudicio respondere.

Res acta est apud Seranum Proconsulem, & causa utrimque discussa: prosequente contra Saluium pro Restituto, Nummasio aduocato, ut Primiani communioni Membresitana Ecclesia traderetur. Allegabat Nummasius, Saluium è Maximiani ordinatibus vnum, Bagaientis plenarij Concilij decreto esse damnatum: adeoque hæreticum cedere debere loca omnia, quæ tamquam Episcopus tenebat, Restituto: aut certè ad Primianum redire.

Nihil Saluio profuit, quodcumque contra induxit. Apud Seranum

Hh 3

Pro-

Proconsulem plus aut gratia Primiani valuit, aut Bagaiensis vnus Concilij auctoritas; quàm duorum quæ Maximianistæ prius egerant. Quam ob rem interlocutione quâdam, iussit Saluium aut ad Primiani communionem redire, iuxta Nummasij postulationem; aut quodcumque tenebat, Restituto cedere; his vsus verbis: *Lū Episcoporum secundum legem ab Episcopis audienda est. Episcopi iudicauerunt. Quare non aut sub satisfactione ad chorum reuerteris vetustatis: aut vt habes scriptum, terga persecutoribus prodas?* Ita Seranus ad Saluium: præbens vtique consilium de Euangelio, Si vos persecuti fuerint, fugite. *l. 4. cont. Cresc. cap. 4. & 48. Epist. 255.*

Condemnatus Saluius, cum penè ab omnibus Membresitanis diligeretur; turbæ sibi fauentis fiduciâ, pro defendendis ex quantacumque parte sedibus suis, Proconsulis iudicato obistere est ausus, neque extemplo parere. Quapropter aduersarij ipsius, cum Abitinensibus (quæ ciuitas Membresæ vicina est in Prouincia Proconsulari) latam contra Saluium sententiam allegassent; ita demum egerunt, vt eam ipsi exquerentur.

Comprehensus ab Abitinensibus Saluius, non iam solùm de Ecclesiâ suâ pulsus est; sed miserabili pompâ ludibrio habitus. Capto enim seni mortuos canes alligauerunt in collo, & sic cum illo ad turpes voces cantionesque, quantùm libuit, saltauerunt. O singularem insolentiam, cum & senex Saluius esset, & haberetur Episcopus: imò inhumanum factum, quodque magis exsuperat id Tuscorum Regum, qui viuis hominibus cadauera humana iungebant, quantò mortui canes, mortuis hominibus fœdiores sunt. Adeò vt si Saluius de duobus suppliciis vnum fuisset eligendum; longè potiùs elegisset hære cum cadaueribus humanis, quàm saltare cum caninis. *l. 4. cont. Cresc. cap. 49. & l. 3. cont. Parm. cap. 6.*

Priuari interea Ecclesiâ sedibusque suis, & pati hæc omnia potuit Saluius, neque tamen ad Primiani communionem redire. Ita enim egit cum suis: ita iustitiam extulit, pro qua talia perpeti meruit: ita se sanctum persuasit, quia passus est: ita aduersarios iniquissimos, quia fecerunt; vt alteram ei Basilicam miseri fabricarint. *l. 3. cont. Parm. c. 6.* In qua dum sedet, nouis ab antagonista Restituto molestiis affectus est. Is quippè propter cellulas & agellos, veteres opinor, cum Saluium præsentem tolerare non posset; forenli cum eo strepitu controuersiaque iterùm confligit. *l. 4. cont. Cresc. cap. 66.* vt videas cardinales Donatistas,

natistas, quales Primianiste appellari meruerunt, *l. 1. de bapt. cap. 6.* non tam persecutionem pati, quam facere aliis consuevit.

S. IX.

*Item Prætextatum Assuritanum & Felicianum
Mustitanum.*

QVæ Nummatus aduocatus contra Saluium, apud Proconsulem induxerat, eadem Titianus apud eundem allegauit contra Prætextatum Assuritanum, & Felicianum Mustitanum, duos adhuc Maximiani ordinatores: adeo ut eos Proconsul cedere pariter, latâ sententiâ iusserit. *l. 4. contr. Cresc. cap. 4. Epist. 255.* Verum & illi ciuium suorum fauore freti, cum Basilicas suas strenue defenderent, pelli minimè potuerunt. Quapropter noua apud Herodem Proconsulem, qui & Seranus appellabatur, à Titiano aduocato, nomine Peregrini Presbyteri & Seniorum Ecclesiæ Mustitanæ, facta postulatio est: cuius partem ex gestis Proconsularibus & municipalibus recitat Augustinus, his verbis.

Post consulatum Dominorum Arcadij III. & Honorij iterum Augustorum, sexto Nonas Martias, Carthagine in Secretario Prætorij Titianus dixit: Peregrinus Presbyter & Seniores Ecclesiæ Mustitanæ regionis, tale desiderium prosequuntur. Cum Ecclesiæ Catholice sanctitatem vir memoriæ venerabilis ab errore perfidiæ Donatus assereret; in eius nomen & cultum, mundi penè totius obseruantia nutrita coaluit. Sed cum eius religionis laudandum mirandumque propositum, Maximiani cuiusdam venena pollueret; multorum cætus Antistitum in vnum Deo conspirante collectus, hominem vel potius pestem, quæ supernæ displicuit Maiestati, etiam puræ mentis propriâ coercitione damnauit.

Eos quoque, quos alienæ præsumptionis error attraxerat, portu primò proposito pœnitendi, si reuerti cuperent intra tempus ad religionis tramitem præstitutum, pari vigoris admonitione compescuit.

Sed

„Sed suis institutis iniquitas delectatur, & semetipsam non deserit, cum
 „semel præcipitata corruerit. Idem namque Maximianus coeptam nu-
 „trit audaciam, & alios sibi met confociat ad furorem.

„Inter quos etiam Felicianus quidam, qui primò recta sectatus,
 „deprauationis huius attaminatione fuscatus, in Multitana positus ci-
 „uitate, Deo omnipotenti parietes consecratos, & Ecclesiam veneran-
 „dam quasi quadam obsidione credidit retinendam.

„Hunc etiam Prætextatus, in Assuritanis partibus imitatur. Sed
 „cum æquitatis tuæ innotesceret potestati consortium Sacerdotum;
 „iussisti, ut gesta testantur, exploso omni contradictionis effectu, sacra-
 „tissimis Sacerdotibus, à profanis mentibus Ecclesias vindicatas, opor-
 „tere restitui. *l. 3. cont. Cresc. 56.*

Et ita quidem Titianus instabat, sed casso effectu. Durauit enim
 conflictus iste, persistentibus in suis Basilicis Prætextato & Felicia-
 no, usque ad Theodorum Proconsulem, hoc est usque ad anni alte-
 rius diem undecimum Kalendas Ianuarij. *libr. 3. cont. Cresc. cap. 56.*
 Atque ita à partibus Primiani aduersus Maximianum, & eos qui
 cum illo Bagaiensi Concilio damnati fuerant, apud quatuor vel
 amplius Proconsules, in foro per aduocatos litigatum est: ubi ta-
 men numquam, vel antè vel post, voluerunt veritatis & vnita-
 tis causâ cum Catholicis pacificè conferre. *libr. 4. contr. Cres-
 con. cap. 3.*

Vt hoc verò non præteream, Prætextato in Ecclesia Assuritana
 substitutus est Rogatus; cui postea ad Catholicam conuerso, Dona-
 tistarum exercitus, id est, agmen Circumcellionum, linguam & ma-
 num præcidit. *l. de gest. cum Emer.*

CAPVT

C A P V T X.

OPTATVS GILDONIANVS
DONATISTA.

S. I.

Africa tyrannidem Gildo occupat.

Mortuo Imperatore Theodosio, decimo septimo Kalendas Fe- *Ann.*
bruarii eiusdem anni; Gildo Africæ Comes, tyrannidem ibi. *Marc.*
dem occupavit. Erat is firmi Mauritanæ tyranni, de quo ante, fra- *l. 29.*
ter, quem Theodosius Imperator (forte quia Romanas partes sub
Theodosio seniore contra Firmum secutus, strenuè fideliterque se
gesserat) Comitem, & utriusque militiæ in Africa Magistrum crea-
rat. Sic enim appellatur in Rescripto, quod ad eam Theodosius
Imperator dedit, tertio suo Consulatu, exstatque *l. 9. ad l. lul. de*
Adult. cod. Theod.

Erat tum Comes, titulus aulici officij (non dynastiæ, sicuti hodie
passim per Europam) à comitatu Principis dictus: ut propè tot essent
Comites, quot erant in Aula siue Comitatu munia. Atque hinc
Sacrarum largitionum Comes: Domesticorum equitum Comes: Ca-
strensis & Sacri Palatii Comes: &c. imò & Comes portus, Comes ri-
parum, & alvei Tiberis, cloacarum, &c. Videndas Panciroli ad No-
titiam Imperij. Quapropter iurisdictionem in populos nullam Co-
mites habebant.

Verùm Gildonianæ perduellionis historiam, quia multiplicibus
euentis memorabilis est, non grauabor Orosij, qui tunc vixit, ver-
bis dare.

Interea, inquit, Gildo Comes, qui in initio regni eorum (Arcadij
& Honorij) Africæ præerat, simul ut defunctum Theodosium com-
perit

perit, siue ut quidam ferunt, quâdam permotus inuidiâ, Africam Orientalis Imperij partibus iungere molitus est: siue, ut alia tradit opinio, minimam in paruulis spem fore arbitratus (præsertim cum absque his, non facile antea quisquam pupillus in Imperio relictus, ad maturitatem virilis ætatis euaserit; isti que propemodum soli inueniantur, quos ob egregiam Patris & suam fidem, & diuisos & destitutos Christi tutela prouexerit) Africam excerptam à societate Reipublicæ, sibi usurpare ausus est, gentili magis licentiâ contentus, quàm ambitu regiæ affectationis inflatus.

Huic Mascezil frater fuit, qui nouarum rerum molitiones in fratre perhorrescens, relictis apud Africanam militiam duobus filiis adolescentibus, in Italiam rediit. Gildo & absentiam fratris, & præsentiam filiorum eius suspectam habens, adolescentes dolo circumuentos interfecit. Ad hunc, iam ut hostem bello insequendum, Mascezil frater missus est: quem idoneum procurandæ Reipublicæ fore, propriæ orbitatis recens dolor pollicebatur.

Igitur Mascezil, iam inde à Theodosio sciens, quantum in rebus desperatissimis oratio hominis per fidem Christi, à clementia Dei impetraret; Caprariam insulam adiit: unde secum sanctos seruos Dei aliquot permotos precibus suis sumsit: cum his, orationibus, ieiuniis, psalmis dies & noctes continuans, sine bello victoriam meruit, ac sine cæde vindictam.

Ardalio fluminis nomen est, quod fluit inter Thebestam & Metrideram ciuitates: ubi cum parua manu, hoc est cum quinque milibus, ut aiunt, militum, contra septuaginta millia hostium, castrametatus: cum interiectâ morâ excedere loco, oppositasque præiacentis vallis angustias transgredi vellet; intercurrente nocte beatum Ambrosium Episcopum Mediolani, paullo antè defunctum, per somnium sibi videre visus est, significantem manu, & impacto ad humum ter baculo, dicentem: Hic, hic, hic. Quod ille prudenti coniecturâ intellexit, merito annuntiantis fidem victoriæ, verbo locum, numero diem significari.

Anno
398.

Subsistit: ac tertio demum die, post noctem orationibus hymnisque peruigilem, ab ipsis cælestium Sacramentorum mysteriis in hostem circumfusus processit. Et cum ad eos qui primi occurrerant, pia pacis verba iactaret; signiferum quemdam insolenter obstitentem, & iam iamque pugnam excitantem, gladio percussit in brachio: eumque

que manu debilem, ipso vulnere coëgit prouum inclinare vexillum. Quo viso reliquæ cohortes, deditiōem iam fieri priorum exultantes; certatim se ad Mascezilem signis tradidēre conuersis. Barbari, quorum magnam multitudinem Gildo ad bellum deduxerat, defectu militum destituti, in diuersa fugerunt. Gildo & ipse fugam molitus, arreptā naui in altum prouectus, ac deinde reuocatus in Africam, post aliquot dies strangulatus interiit. *Oros. l. 7. c. 36.* Ex quo historiam eandem, sed contractius retulit Paull. Diac. l. 13. in princ. Bellum descripsit Claudianus Poëta.

Gildonis bona in Principis ararium relata: quæ cū ampla essent, atque in plures regiones dispersa; proprius eis datus est Procurator, Gildonis appellatus, imò Comes Gildoniani patrimonij. *Notus. Imper. Occid. cap. 42.*

§. II.

*Optatus Thamugadensis, dictus
Gildonianus.*

Gildoni huic, homini & barbaro & pagano, inter alios Donatistas, Optatus Thamugadensis Episcopus in Numidia, pridem inhaeserat: aded pressè ac gnauiter; ut & Optatus Gildonianus, & Satelles Gildonianus, siue De satellitio Gildonis sit dictus, quod ei agnomen perpetuò mansit. *libro 2. cons. Petil. cap. 103. l. 2. cons. Parm. cap. 4. l. 3. cons. Crescon. cap. 13. & l. 3. cons. Petil. cap. 40.* Tolerabile erat, si aut amicus aut cliens Gildonis fuisset appellatus; sed satellitem, inde apparet infame fuisse, quod decennio post Gildonem extinctum, prosecutio vindictæ in eius satellites durarit; ut patet ex Imperatorum Rescripto ad Donatum Africam regentem, quod sic habet: Satellites Gildonis, custodiis mancipentur, & proscriptione damnentur. *Dat. 111. Idus Nouemb. Basso & Philippo Coss. l. 19. de pen. Cod. Theod.* quā perinde poenā, antequam terretur, Optatus extinctus est. *l. 3. cons. Cresc. c. 13.*

§. III.

Mores Optati ac facinora.

CEterùm Optatus, homo ferus & facinorosus, non Catholicis tantummodò in Africa, sed & Iudæis, Paganis & Christianis omnibus grauis incubuit: l. 2. cont. Petil. c. 103. & 83. solitus non quia quemquam timebat, sed vt ab omnibus timeretur; agmine militari comitatus incedere. l. 2. cont. Petil. c. 23. Quâ fretus audaciâ viduas oppressit, pupillos euertit, aliena patrimonia prodidit, aliena matrimonia separauit: res vendendas innocentium procurauit, venditarum pretium cum Dominis plangentibus diuisit: l. 2. cont. Petil. c. 23. Tractat. 5. in Ioann. ante finem. quem proinde Donatistæ etiam ipsi, furem, raptorem, proditorem, oppressorem, separatorem, & dicere non verebantur & habere. l. 2. cont. Petil. c. 103.

Planè domini sui strenuus erat imitator, de quo Claudianus de bello Gildon.

*Instat terribilis viuis, morientibus heres,
Virginibus raptor, thalamis obscenus adulter.
Nulla quies oritur: prædâ cessante, libido;
Diuitibusq; dies; & nox metuenda maritis.
Quisquis vel locuples, pulchrâ vel coniuge notus,
Crimine pulsatur falso: si crimina desunt,
Accitus coniua perit: mors nulla refugit Artificem.*

Nam cùm se eousque scelerum eius licentia attolleret, vt medium modumque omnem excedere videretur; schismaticisque sociis displiceret; tum quidam opportunè acutus & garrulus (Primianus opinor Carthaginensis Episcopus) vrbane & facetè Optati tyrannidè taxans, cultumque oppidò nimium, quo Gildoni Comiti tamquam Deo inhærebat, Haud equidem affirmabat esse mirum, talia audere illum atque explere: *Quandoquidem Comitem haberet Deum.* Quod falsè & eleganter dictum, ipsi Donatistæ iactare cum elogio solebant: non intelligentes exitu Goliæ superbissimi, suo sibi gladio caput auferri. l. 1. cont. Pet. c. 9. l. 2. c. 23. 33. 35. & 103.

Interim talis Optatus cùm esset, vt eum, decennalem Africæ gemitum,

mitum (adeò & homines ciuitatesque vexabat, tyrannicà & plusquam Circumcellionicà dominatione) nuncupet Augustinus; *l. 1. cont. Pet. c. 24.* attamen quia Donatista; tanto à suis in pretio habebatur, vt eum non tantummodò auli fueriat vñquam damnare; *l. 1. cont. Petil. c. 9.* sed ne monere quidem, inter tantos Africa gemitus: imò pacis osculum inter Sacramenta cum eo copulauerint; in eius manibus Eucharistiam, vt tum modus sumendi habebat, posuerint: eique vicissim danti, manus porrexerint; *l. 2. cont. Pet. c. 23.* collatum ab eo Baptismum ratum habuerint: imò ipso Ioanne Baptistâ maiorem crediderint: *l. 2. cont. Pet. c. 37.* ac demùm, quod omnem modestiam superat, extincti in carcere Optati, quia de Gildonis satellitio fuerat; *l. 2. cont. Pet. c. 92.* natalitia quotannis tamquam Martyris, magnâ celebritate frequentauerint. *l. 2. cont. Pet. c. 23. Epist. 171.*

Quidquid videlicet mali Optatus patrabat, negabant ad se pertinere: excutientes id à se, quemadmodum Circumcellionum scelera flagitiaque dissimulabant: dicentes à nemine vñquam ad vindicandum fuisse prelatum: *l. 3. cont. Cresc. c. 45.* aut nescio quo Donatiano vel Numidico priuilegio, de suo se ignorare Collega, quidquid tota Africa conclamabat. *l. 4. cont. Cresc. c. 25.* Vñque adeò enim istud agebant, vt de ipso Optato dicrent: Quid fecit? Quis eam accusauit? quis conuicit? Ego nescio: non vidi: non audiui. *l. 1. cont. Petil. c. 24.*

§. IV.

Hiscè sceleribus Donatismus euersus.

Hiscè interim tot ac tantis Optati sceleribus, quem sic damnare noluerunt, vt tamen non auderent absoluere; *l. 3. cont. Crescon. c. 13.* viderint ipsi quomodo haud sint rei: qui volebant totum mundum, quia se à Cæcilianò non separasset, cuius attamen nunquam probata sunt crimina, esse pollutum, & Ecclesiam defecisse. Viderint quomodo non fures euaserint, qui cum fure Optato Sacramenta communicauerunt; præsertim iuxta suammet ipsorum regulam: *Quales fuerint cum quibus fueris communicatum; tales diuini fieri omnes, & vniuersam massam. Enarr. 2. in Ps. 36.*

. II 3

Quod

Quod si non eos inquinauit Optatus, quia crimina ipsius dicunt ad se non pertinere; neque sanè pertinet ad alios, minùs autem ad vniuersum terrarum orbem, quidquid Cæcilianus tradendo, quidquid Macarius occidendo deliquit. Nam si eis displicent crimina Optati; etiam aliis displicent Cæciliani & Macarij: hominum ita pridem mortuorum, vt nemo cum eis vixerit, nouerit, viderit: Optatum autem illi habuerint in oculis, in cultu atque æstimo. Quæ est autem tanta iniquitas aut peruersitas, velle Catholicis imponere sarcinas ignotorum, cum Donatistæ portare nolint amicorum? Quantò rectius dicitur, portaturum vnumquemque onus suum, vltimumque ventilabrum, paleam à tritico separaturum.

Iam si dicant, tam Optati, quàm etiam suorum Circumcellionum, insolentias, cum reprimere non possint, se pro pace tolerare; iudicio suo semet euidenter condemnant: cum profectò vnitatem Ecclesiæ non rumperent, si, quod iactitant, pacem amarent. Porro si Baptismus conferri non potest, nisi à iusto, aut iniusto latente; quomodo baptizauit Optatus, cuius tot erant crimina publica, vt ne latenter quidem fuerit iniustus? Nam cum talia de illo dicerentur & crederentur; nec ipse erat bonus, nec famam habebat bonam. Vnde quicumque per eum baptizati sunt; nec conscientia eius, secundum Petilianum: nec fama eius secundum Cresconium, ablui potuerunt.

Quæ omnia latè exsequitur Augustinus locis propè innumeris, ac potissimum *ll. cont. Parmen. Petil. & Cresconium*.

S. V.

*Ab Optato Gildoniano compulsi Maximiniani-
sta ad Primianum redire.*

CUm igitur Primianistæ Schismaticos suos diu persecuti, ad se compellere non possent: iamque triennio ferè contra Prætextatum & Felicianum, nullo fructu publicè in foro litigassent; occasione Gildonianæ tyrannidis, Optati eius satellitis violentâ auctoritate vsi sunt.

Ciues Mustitani & Assuritani, vt diximus, pro Episcopis suis Feliciano

ciano & Prætextato, omnibus Primianistarum conatibus tam se validè opponebant, ut expugnari non possent. Quapropter gravissima eis exitia comminatus est Optatus, nisi relictâ suorum Antistitum defensione, ad Primiani eos communionem redire cogerent. Ciues, militem Optati formidantes, paruerunt: adeoque tam liquidò constitit Episcopos coactos fuisse, ut & earum urbium ciues id faterentur, & ipsi Episcopi negare non auderent.

Memorabile tamen est, Primianistas, qui tantâ Maximianistas acerbitate damnauerant, tantâ bile & pertinaciâ fuerant persecuti; eò adduci se passos ab Optato, si non & ipsi coacti sunt, ut contra sententiâ suâ formulam damnatos, in honoribus suis susceperint, sibi-que socios atque Collegas adiunxerint; ac præsertim hos duos de quibus nunc egimus, Felicianum vnum, alterum Prætextatum. Imò non eos tantùm: sed quotquot ab eis, toto illo quo Schismatici fuerant tempore, & ob id foris extra Ecclesiam constituti, baptizati erant: sic ut nec nouâ fuerit ordinatione opus in Episcopis, neque vllâ baptismi iteratione in laicis. *l. 3. cont. Cresc. c. 60. & l. 4. c. 25. & l. de Gest. cum Emer.*

Quamobrem cum Schismaticis suis ita Primianistæ insultassent, ut in sententiâ eorum condemnatoria, eos mortuos & insepultos vocarent; optare potius debuerant, ut sepelirentur: ne de multitudine iacentium in littore cadaverum insepultorum, Gildonianus Optatus incedens cum agmine militari, tamquam rapidus fluctus ultrâ profiliens, Felicianum & Prætextatum intorsus postea resorberet. *l. 1. cont. Petil. c. 10.* Hoc enim, ut vidimus, præstitit Optatus: eademque operâ Donatistæ, omnium calumniarum suarum, tamquam malarum mercium nauem siegerunt. *l. de Gest. cum Emer.* Sed non diffiteor, compositæ pacis, non nisi post Optati mortem, factam executionem esse: quando nimirum frequentissimâ numerositate eius natalicia celebrabantur, ut testatur Augustinus *Epist. 255.*

Quidquid interim iam ab Schismatis initio, siue pro eo palliando, siue pro firmando, Catholicis obicere solebant; ex hac vna Maximianistarum causâ refellitur: tantâ similitudine, ut mirâ prouidentia Deus videatur voluisse per Donatistas fieri, quod in Catholicis culpabant: sicque facies eorum apertissimè ignominia implere, ne omnino dissimularent, & quâ effugiant non inuenirent: imò potius discerent nomen Domini querere: à quo, dum pro eo no-

men

men suum extollunt, erant perniciosissimè auersi. *Enarr. 2. in Psalm. 36. & l. 1. cont. Petil. cap. 29.*

S. VI.

In Maximianistis, semetipsos Donatistæ peremerunt.

ATque in primis, sicuti absentem Cæcilianum, & coram se sistere nolentem, maiores eorum damnarunt, atque è cathedra sua deiecto, Maiorinum procurante Lucillâ surrogarunt; ita Maximianistæ, Donati è radice soboles, contracto concilio absentem, & comparere detrectantem Primianum quoque damnarunt: eiûque in Cathedra substituerunt Maximianum, agente nescio qua feminâ.

Porro sicuti damnatus Primianus adiit ad Numidas, quorum operâ contracto Bagaiensi Concilio declaratus innocens, hostes suos damnari fecit: ita Cæcilianus, non quidem adhuc suâ sponte, sed à parte Donati pertractus ad iudicium Episcoporum transmarinum, percusso sententiâ Donato absolutus est non semel, sed iterum & iterum: tantoque à maiore iudicum numero; quantò frequentior est orbis terrarum, qui in Cæciliani communione permansit, Concilio Bagaiensi è sola Africa collecto.

Quare sicuti se credidit Primianus innocentem, quia non exiens ad factiosos, alibi sic ostendit innocentiam suam, ut illi, qui eum damnauerant, damnationem mererentur; ita Cæcilianus qui noluit exire ad maiores Schismaticorum, sic seruauit causam suam orbi terrarum, ut si illum reddiderit innocentem Sedes Bagaitana; longè potius hunc, Sedes Apostolica.

Iam quod persecutiones attinet, quas se ideo pati à Catholicis dicebant, quia toties victi, toties superati, latis per Imperatores legibus, nisi ad unitatem redirent, Basilicis suis privati, proscriptionibus multabantur: cuius pœnæ tolerantiam, tametsi iustissimâ, persecutionem ipsi appellabant, quam volebant esse certissimum Ecclesiæ iustitiæque signum; quod has, inquam, attinet, in Maximianistas acerbissimè mouerunt, dirutâ Carthagine Maximiani Basilicâ, publicis

catis propriis ipsius adibus, iudicialiis prosecutionibus, & totâ acrimoniâ potestatum contra Saluum Membresitanum, Prætextatum, Alfaritanum, & Felicianum Multitanum, concitatâ.

Quapropter si iustiores sunt, qui patiuntur persecutionem, quàm illi qui faciunt; Maximianistæ profectò iustiores sunt: quorum & Basilica funditus euerfa est, & militari Optati comitatu grauiter agitati sunt, & iussiones Proconsulis ad omnes eos de Basilicis excludendos, à Primianistis impetratæ sunt.

Quod si verò Imperatoribus eorum communionem detestantibus, ad persequendos Maximianistas tanta sunt ausi; quid obsecro fecissent, si per Regum communionem, aliquid eis efficere licuisset? Si dicant, ut prauos corrigerent, se talia fecisse; profectò mirari non debent, si Catholici Imperatores, maiore potestate vrgendos corrigendosque decernant; qui totum orbem Christianum rebaptizare conantur: tam nullâ habitâ eius faciendi causâ; ut etiam Schismaticos suos Maximianistas, intra gremium suum, vnde aliquot per annos aberrarant, absque vllâ Baptismi in eis, aut per eos collati repetitione susceperint.

Nemo enim rum dixit, Non habes Baptismum, quia foris es baptizatus: & nihilominus rebaptizabatur apud eos, qui veniebat de Epheso, de Smyrna, de Tessalonica, de ceteris Ecclesiis, quas suo labore Apostoli plantauerunt, & ad quas legimus missas Apostolorum epistolas, quas audimus in Ecclesia recitari.

Quare si non tantummodò Felicianum & Prætextatum, absque vlla lustratione, intra suum consortium receperunt; sed etiam pro pace Donati ratum habuerunt eorum Baptismum, non solùm per ægritudinum pericula, sed etiam per sollemnitates Paschales, in Ecclesiis suis collatum; cur non cedunt omnibus gentibus, in admittendo Cæciliano, & collato ab eis Baptismo, qui communionem ipsius sequebantur pro pace Christi? Neque enim exterarum gentium fideles (qui quid ante tot annos in Africa gestum sit, & tunc nescierunt, & modò nesciunt) crimina contaminare potuerunt, quæ à Donati parte Afris obiecta sunt, etiam si essent vera; si Maximianistarum coniunctio Primianistas non maculat: qui tamen palàm ab his separati atque diuisi, Primianum damnauerunt: alium Episcopum contra Primianum ordinauerunt: extra Primianum baptizauerunt, post Primianum rebaptizauerunt: cumque suis foris à se baptizatis & intus à nullo rebaptizatis, ad Primianum redierunt.

K k

Si pro

Si pro unitate partis Donati, in nefario schismate baptizatos nemo rebaptizat & rei tanti sceleris, ut eos in Concilio suo; antiquis illis auctoribus schismatis, quos viuos terrâ absorbit compararent, aut separati non puniuntur, aut damnati in integrum restituuntur; cur non pro unitate Christi, quæ toto terrarum orbe diffusa est, pro ista, inquam, unitate vera & plenaria, omnes gentes in nomine Trinitatis per Baptismum adunatæ admittuntur: cum teneamus in sacris Litteris commune promissum, Dabo tibi gentes hereditatem tuam, & possessionem tuam terminos terræ?

Quamquam igitur multis modis Donatistarum error superetur, utpotè nullâ ratione, sed sola impudentiâ veritati resistendi fundatus; hoc tamen vnum Maximianistarum factum, sufficit ad comprimendas eorum dolosas linguas. Itaque tricipitem bestiam, eorum calumniam, hoc tamquam tridenti telo trucidate, inquit Augustinus. Traditionem obiciunt: persecutionem obiciunt: falsum Baptisma obiciunt. De solis Maximianistis, ad omnia respondete. Nam licet studiosè conentur maiorum suorum traditionem occultare; nequeunt tamen occultare, quod sacrilegio schismatis inquinatos in suis honoribus receperint. Tametsi occultas esse arbitrentur violentissimas persecutiones, quas quibuscumque ubi potuerint, faciunt: Maximianistas, quos ipsi persecuti sunt, in suis honoribus receperunt; hoc occultare non possunt. Postremò Baptismi quæstionem, quâ miseros fallunt, occultam esse arbitrantur: sed cum dicant Baptismum non habere, quotquot præter communionem vnius Ecclesiæ baptizantur: Maximianistas autem, cum eis quos extra suam communionem in schismate baptizarunt, in honoribus suis receperint, quomodo cupiunt occultare?

An dicendo fortasse, pro pace? Ita ergò tota contra eos causa concluditur. Quia si ad tolerandos in schismate malos, nomen pacis assumitur; cum horrendo scelere, & sine ullâ defensione, per orbem terrarum vera pax violatur. *l. 1. cont. Petil. cap. 27. & seqq.* Videri quoque potest, *l. de unit. Eccl. cap. 18. l. 1. cont. Petil. c. 10. & seqq. l. 4. cont. Crescon. toto. Coll. 3. cap. 16. Cont. 2. in p. 36.* quibus locis ostendit factum Maximianistarum, totam Donatismi causam euertere: unde superiora deduximus.

S. VII.

Catholicis ex facto Maximianistarum demonstrantibus schisma esse finitum, Donatistæ indignantur.

HOc Donatistarum circa Maximianistas factum, cum longè lateque à Catholicis in sermonibus & disputationibus, ad sanandos à schismate hominum animos, spargeretur; monstraturque eos pro pace Donati & damnatos in honorem suum integrum suscepisse, & Baptismum, quem foris ab Ecclesiâ eorum dederant, non ausos fuisse rescindere: orbi verò terrarum contra patrem Christum, obicere contaminationem nescio quorum peccatorum: imò & euacuare Baptismum in illis quoque Ecclesiis datum, unde in Africam venit ipsum Euangelium; plurimi eorum confundebantur, & ad manifestam veritatem erubescerent; corrigebantur: & quidem solito crebrius multoque magis, ubicumque ab eorum sauitiâ respirabat aliquanta libertas.

Alij verò, hæc suorum defectione, & Catholicorum quos diximus sermonibus acen exarserunt, & tantis odiorum stimulis sunt incitati, ut contra eorum insidias atque violentias, imò apertissima latrocinia, vix ullæ Catholicorum Ecclesiæ possent esse securæ; vix vlla via tuta, quâ iter agerent, quicumque aduersus eorum ratiem, pacem Catholicam prædicarent, eorumque dementiam perspicua veritate conuincerent. Usque adeo non solum laicis, vel qui vllibet Clericis; sed ipsis quoque Episcopis Catholicis, proponebatur quodammodo dura conditio: Aut enim tacenda erat veritas, aut eorum immanitas perferenda, &c. *Epist. 50.*

Hoc igitur tempore circiter existimo Circumcelliones, qui solis hætenus fustibus armari consueverant, omnis generis armis ac telis non solum uti cœpisse, sed etiam terribilia magis quàm vmquam iussisse fabricari: tum extinguendis fidelium oculis, acetum calci addidisse, quod nulla antehac tyrannorum crudelitas excogitauerat. Su-

K k 2

perua-

peruacaneum puto ad fidem hſce faciendam, Auguſtini verba proferre, cū pleni ſint huiusmodi ſuppliciorum armorumque exemplis Libri contra Petilianum, Parmenianum, Creſconium aliosque, quos poſt initam inter Primianiſtas & Maximianiſtas pacem (ſed quæ neque vniuerſa, neque firma fuit) conſcripſit.

Non grauabor tamen adſcribere vnum alterumvè, ſed veriſſimum Donatiſtarum elogium, è quibus liquidiffimè deprehendas, quales fuerint omni tempore. Iſti, ait Auguſtinus, ſimul habere volunt & ſacrilegorum vitam, & innocentium famam: & in ſcleratis factis nullam pœnam, & in pœnis iuſtis Martyrum gloriam. *l. 2. de Bapt. cap. 10.* Et alibi: Viuunt, inquit, vt latrones; moriuntur vt Circumcelliones, honorantur vt Martyres. *Epist. 68.* Quod repetit: Cū viuatis vt latrones, mori vos iactatis vt Martyres. *l. 2. conſ. Petil. cap. 83.* viderique poteſt. *l. 1. conſ. Gaudent. cap. 36.*

CAPVT XI.

DONATISTAS AVGVSTINVS
EXAGITAT.

§. I.

Primò Sermonibus & litteris.

HÆc dum aguntur, erat ad Epiſcopatûs honorem aſſumptus Auguſtinus: & quia Presbyter adhuc non verbo tantum pro ſuggeſtu, ſed ſcriptis etiam libris & litteris, cum Donatiſtis, & ſignanter Maximino Epiſcopo (qui Diaconum Orthodoxum Eccleſiæ Mutigenſis rebaptizaffe dicebatur) experiri iam, & prouocare ſiue ad diſputationis, ſiue litterarum commercium cœperat; *Epist. 203.* aſſidue porrò atque inſtantiffimè perrexit. Vtrumque memoriæ prodictum à Poſſidio eſt.

Scribit enim, dum ſchiſma eorum atque hæreſin, in Eccleſiâ perorans,

orans, frequenter exagitaret; qui intererant Donatistas, ad suos Episcopos deferre solitos ex ore prædicantis excepta. Quæ cum illi audissent, & fortè aliquid opponerent aut refellerent; eadem responsa referebantur ad Augustinum: qui properè, quàm nihil illi refellere valuerint aut voluerint, quàmque sit verum & manifestum, quod Ecclesiæ Dei fides tenet ac docet, ostendens; patienter ac leniter, sine ut scriptum est, *cum timore ac tremore* salutem omnium operabatur, eiusdemodi studiis diu noctuque intentus.

Iam & Epistolas priuatas, eodem Possidio teste ad quoscumque huius erroris Episcopos, & eminentes laicos, dedit, (vt videre est, *l. 1. cont. Petil. cap. 1.*) reddita ratione admonens atque exhortans, vt vel ab illa se prauitate corrigerent, vel certè ad disputationes venirent. At verò illi, causæ diffidentia, ne quidem vnquam rescribere voluerunt: sed ira furoreque perciti, seductorem deceptoremque animarum Augustinum esse, priuatim ac publicè clamitabant: obque id tamquam lupum, pro gregis sui conseruatione mactandum: omnia peccata indubiè dimissum iri illis, qui efficere istud potuissent. *Possid. c. 9.*

Atque in primis quod Litteras attinet, laicos omnes Donatistas sub personâ Ecclesiæ Catholicæ aliquando cohortatus est, propositâ totius Schismatis breuiter historiâ, vt ad Ecclesiam redirent. *Epist. 171.* Con sanguineum deinde suum SEVERINVM, à quo fuerat per litteras salutatus, hominem laicum, sed prudentem, eiusdem argumenti breuiculâ repetitione, eodem studuit adducere. *Epist. 170.*

EMERITVM quoque Cæsariensem Episcopum, quem bono ingenio præditum doctrinisque liberalibus eruditum, ab Ecclesiâ Catholicâ discerptum dolebat atque seclusum; Donatismi imagine elegantissimè ob oculos positâ (imò intimis eius excussis visceribus, ac præsertim, Neminem posse ignotis alterius criminibus maculari; imò neque cognitis, modò haud consentiat) saltem eò conatur adducere, vt respondeat, causamque aperiat, Cur schisma sit factum? hæc enim inuentâ, mox euident futurum, Vbinam Ecclesiâ sit, num apud Donatistas, num apud Catholicos? *Epist. 164.*

HONORATO, partis item Donati Episcopo, qui placere sibi significauerat, vt litteris in quibus nullus tumultus disputationem turbare possit, quæ cum tota animi pace atque lenitate suscipienda est, inter se agant; hanc quæstionem proponit, obsecratque vt respondeat: Quomodo Ecclesiâ, quam Scriptura sacra clamat vbique esse Catho-

licam, siue toto terrarum orbe diffusam, talis esse desierit, & subito in solis Afris, neque ipsis omnibus, remanserit? *Epist.* 161.

MACROBIUM Episcopum iuuenem quidem, sed bonæ indolis, dehortatus fuerat à rebaptizando Subdiacono, qui se ad eum receperat. *Epist.* 265. Verum frustra, ut apparet. Cum enim respondisset Macrobius Augustini litteras adferentibus, Non se aliud posse facere, quam venientes suscipere, & eis fidem, quam postulauerint, dare. Ipsi autem cum regerent, Cur hic potius rebaptizari debuisset, quam rebaptizati sint quos Felicianus, aliique in Schismate Maximiani positi baptizauerant? replicaretque Macrobius, Nuper se ordinatum, factorum patris sui (Primiani opinor) iudicem esse non posse, sed in eo quod à Prioribus suis accepisset permanere; doluit vehementer Augustinus necessitatem Macrobij, prolixisque litteris ostendit, nihil aliud illum ad hanc responsionem coëgisse, quam malæ causæ fundamentum.

Quapropter ex solâ Maximiani causâ ostendit, Donatistas fateri debere, etiam extra suam communionem baptismum validè conferri: tantâ fiduciâ, ut etiam periculo Episcopatus sui, paratus sit quod loquitur probare. Igitur finita est, inquit, causâ frater Macrobi: Deus hoc egit, Deus hoc voluit: occultæ illius providentiæ fuit, ut in causâ Maximiani, speculum vobis correctionis proponeretur, ut omnis aduersum nos, imò aduersus Christi Ecclesiam toto orbe crescentem, non dico vestra, ne in te videar contumeliosus, sed certè vestrorum criminosa calumnia finiretur. *Epist.* 255.

CRISPINO, de quo sæpenumerò nobis agendum euit, Donatistarum Calamenli Episcopo, obque id sibi vicino (quandoquidem commoda adesset occasio, ambobus tum in Numidiâ existentibus) per litteras vtrò citroque agendi, de Quæstione quæ Catholicos & Donatistas ab inuicem dirimebat, potestatem facit • &, quoniam id ipse nonnumquam Crispinus fieri optasse dicebatur; premit, & urget ut fiat: rogans ut ad paucula quæ proponit argumenta respondeat, Quomodo nimirum & quantum in Concilio suo Bagaienti exaggerauerint sacrilegium schismatis, & tamen ipsi se separant à toto orbe terrarum? quomodo se pati persecutionem à Catholicis dicant; cum per iudiciarias potestates tantopere sint persecuti Maximianistas? quomodo denique totius orbis terrarum baptismum exsufflent; qui baptismum schismaticorum suorum receperunt, quos ante damnauerant? *Epist.* 172.

Scio

Scio quidem has litteras omnes, præsertim eas ad Emeritum, non hoc tempore præcisè esse conscriptas, sed cùm Honorij Imperatoris implorata est à Catholicis auctoritas, & impetratæ Leges: verùm quia propter alias poterat hoc loco commodè earum fieri mentio, nolimus præterire.

§. II.

Deinde Libris contra Petilianum.

O Præto uti diximus extincto, Donatistæ vsi sunt PETILIANO, Anno acerrimo suæ sectæ patrono, nisi in Augustinum incidisset. Is ex 398. causidico (quo in munere dum potentiam suam iactat, Paracleti sibi nomen impoluerat, atque ab hoc se cognominalem Spiritus sancti, non esse, sed fuisse delirabat: l. 3. cont. Petil. cap. 16.) adhuc Catholicæ Ecclesiæ Cathecumeno, à Donatistis abreptus ad Donati partem, mortiferi in eâ honoris (Episcopatus ut apparet) vinculo ligatus est. l. 2. cont. Petil. cap. 104.

Cirta Iulia, Numidiæ ciuitas est, hodie *Algera*, nobilissima olim & potentissima, quondam (ut ait Mela) domus Regum Iubæ & Syphacis: postea Colonia Romanorum, quam Plinius ait vocatam esse, Siteranorum: caput etiam regni Masculorum, ut scribit Livius l. 30. teste Franc. Balduino. Huius ciuitatis Siluanus Episcopus fuit, ordinatus ut diximus, à Traditoribus: eidemque Petilianum mox præfecerunt Donatistæ, ut eum ideo Augustinus, & Siluani quibusdam interpolitis successorem, & consocium, imò concathedraneum appellet. l. 3. cont. Petil. cap. 57.

Eadem & Constantina dicta, in honorem, ut aiunt, Constantini Imperatoris: atque hinc Siluanus Constantinensis Episcopus dicitur. Epist. 165. uti & Petilianus lib. 2. Retr. c. 34. Ut nemo existimet aut duos fuisse Petilianos, cum Baronio Anno 398. aut vnum eundemque à Cirtensi Cathedrâ ad Constantinensem vel contrâ, transiisse. Videri potest Henr. Grauius, in Annot. ad Tom. 7. l. 1. c. 1. cont. Gregor.

Hâc dignitate mactus apud Donatistas Petilianus, nihil prius habuit, quàm iuxta suorum supercilium sapere (qui cùm magni, excelsi, cælestes,

cælestes, diuini, imò non iam homines sed Angeli sibi viderentur; nolebant pro se plebem orare, pro quâ nimirum ipsi orabant: *libr. 3. cont. Petil. c. 105.*) adeoque se sanctum, & omnis peccati expertem existimare. Deinde cum feruidum ingenium, & linguam pro more gentis satis disertam, à foro ad Ecclesiam transtulisset; zelum erga eam sum, & sollertiam ostendere voluit, ne quam de se alijs spem conceperant, frustraretur.

Epistolam igitur ad suos Presbyteros scripsit aduersus Catholicam Ecclesiam: quæ cum Augustino Constantinæ existenti, Absentio præfente, & Fortunato ibidem Episcopo Catholico, fuisset exhibita; ita miratus est, quòd eius Auctor primis suis verbis totam partis suæ communionem radicitus amputasset, vt nollet credere Petiliani esse litteras: quem solebat fama prædicare, quòd inter Donatistas doctrinâ atque facundiâ maximè præcelleret. Sed quia legente eo aderant, qui sermonis eius cultum ornatumque nossent; persuadere Augustino cœperunt, omninò illud esse Petiliani eloquium. Qui perinde, cuiuslibet esset, refellendum putauit, ne quisquis ea scripsisset, aliquid sibi apud imperitos aduersus Catholicam scripsisse videretur. *libr. 1. cont. Petil. cap. 1.*

Sepositis ergò tantisper Libris de Trinitate, deque Genesi ad litteram, nuper à se inchoatis, vt primo Libro narrauimus; scripsit aduersus Petilianum tria Volumina: quorum primo, primæ parti Epistolæ ipsius (quia non tota in manus eius venerat, sed prior parua eius pars) quantâ potuit celeritate & veritate respondit. Postea quippe inuenit totam: ei que tantâ diligentia respondit, quantâ vt ipse testatur, Fausto Manichæo: verba scilicet Petiliani, sub ipsius nomine prius ponens particulatim; & sub suo, per singula responsionem suam: tamquam cum agerent, à Notariis excepta sint: *l. 2. Retract. cap. 6. l. 2. cont. Petil. cap. 1.*

Quod prius interim scripserat Augustinus antequam totam Petiliani Epistolam repererat; peruenit ad ipsum Petilianum: qui iratus respondere conatus est: in Augustinum potius dicens quidquid ei libuit, in causâ verò omninò deficiens. Quod cum posset collatis vtriusque ipsorum scriptis, facillimè aduerti; tamen propter tardiores hoc ipsum Augustinus demonstrare curauit: sicque est additus eidem operi Liber tertius. *l. 2. Retract. cap. 25.*

§. III.

§. III.

Petilianus Vitiligator.

Ceterum quia per loca singula, quando verba Petiliani inferebantur, positum erat; *Petilianus dixit* : & quando verba Augustini ; *Augustinus respondit* : calumniatus est ei Petilianus, tamquam fuisset mentitus, dicens, quod numquam cum illo communis disputasset. Quasi propterea non dixerit quod scripsit, quia hoc non in verbis eius audiuisset, sed in litteris legisset : aut ipse Augustinus ideo non respondisset, quia non eo praesente locutus est, sed scriptis eius vicissim scribendo respondit.

Quam caillationem ubi Augustinus retulit, subiungit : Quid faciamus hominibus, qui tale cor habent ; aut eos, quibus scripta sua innotescere cupiunt, tale cor habere opinantur ? *libro 1. cont. Gaud. cap. 1.* Atqui Petilianus, nondum omnes suas forenses sycophantias valesceerat, in quibus paullo plus sapiebat, quam in Scriptura sacra, ut videre est *libro 1. cont. Petil. cap. 16. l. 2. cap. 18. 61. & 62. & l. 3. c. 33.*

Hos libros Augustinus scripsit, sedente in Petri Cathedra Roma, Anastasio in Iacobi Hierosolymae, Ioanne : *libro 2. cont. Petil. cap. 51.* cum nulla adhuc esset in haereticos, quantum recolit, lata Lex capitalis : *libro 2. cont. Petil. cap. 20.* sed quae paullo post, ipsoque hoc anno prodit, vi. Kalendas Maij, Honorio Aug. i v. & Eutychiano IIII. Coll. contra eos impressae, qui Catholicis Ecclesiis, Sacerdotibus & ministris, vel cultoribus ipsis, vel cultui ipsi, locoque, aliquid importauerit iniuriae. *l. 31. de Episc. & Cler. Cod. Theod.*

S. IV.

Crispinum, Calamensem Donatistarum Episcopum, Augustinus ad disputationem prouocat.

Est Calama, Numidiæ ciuitas, inter Constantinam siue Cirtam, & Hipponem sita, sed Hipponi vicinior: *l. 2. cont. Petil. cap. 99.* Augustino eatenus subiecta, quod ad ipsius visitationem Ecclesia in eâ Catholica, cui Possidius præerat, spectaret. *Possid. c. 12.*

In hac Donatistarum Episcopum CRISPINVS agebat, habitus inter eos uti senex, ita doctissimus: *l. 3. cont. Crescon. c. 46.* diuitias verò non tam cum Petiliano formidans, ut eas etiam amaret: adeoque aduersus Petilianum multo copiosius earum laudes recitare posset, quam eas ille deprimere. *l. 2. cont. Petil. c. 99.*

Is igitur Crispinus, iuxta Hipponensem ciuitatem, *l. 2. cont. Petil. cap. 99.* in fundo Catholicorum Imperatorum (quorum legibus, si earum fuisset usus, ne quidem permittebantur esse Donatistæ in ciuitatibus: *eod. l. c. 38.*) loco, ut apparet, Mapalia dicto, *Epist. 173.* emerat possessionem Emphyteuticam: cuius titulo, coactos vno terroris impetu octoginta ferme colonos suos, miserabili gemitu mustitantes, non dubitauit, paullo ante hoc tempus, rebaptizando submergere: *l. 2. cont. Petil. c. 83.* verè dictus Augustino, emisse fundum, ubi mergeret homines in profundum. *eod. l. c. 99.* Ideoque cum eo super hac re grauiter expostulat, & interrogantis Christi prosopopœia terret, hoc modo:

Crispine, carum fuit pretium tuum ad emendum timorem Mapaliensium, & vilis mors mea, ad emendum amorem omnium gentium? Plus valuit rebaptizandis colonis tuis, quod numeratum est de sacculo tuo; quam baptizandis populis meis, quod manauit delatere meo? &c. Postremò prouocat eum ad disputationem, certâ lege, ut & antea, propositâ: adiuratque per Christum, ut ad ista respondeat. *Epist. 173.* Fecit? inquires. Ut congerrones ipsius solebant: ne γὰρ quidem. Sed plura de Crispino pòst: qui egregiè imitatus est Petilianum symmystam suum, de quo Augustinus ita testatur: Pars Donati quan-

ti quando praeualebat Constantinae; laicum nostrum Catechumenum, natum de parentibus Catholicis, Petilianus tenuit, vim fecit nolenti, scrutatus est fugientem, inuenit latentem, extraxit pauentem, baptizauit trementem, ordinauit nolentem; *Conc. ad Casariens.*

S. V.

Libri Augustini contra Parmenianum; & De Baptismo: horumque occasio.

PRæterpropter hoc tempus, cum Parmeniani litteras, de quibus supra, refelleret, quia promiserat de quaestione Baptismi latius aliquid Domino adiuuante tractare, ubi de omnibus testimoniis sanctarum Scripturarum, quae obiecerat Parmenianus respondisset; *l. 2. cont. Parm. c. 14. & l. 1. de bapt. c. 1.* conscripsit contra eosdem Donatistas, auctoritate beatissimi Cypriani Episcopi & Martyris se defendere molientes, septem Libros de Baptismo: in quibus docuit, nihil sic valere ad refellendos Donatistas, & ad eorum prorsus ora claudenda, ne aduersus Ecclesiam Catholicam suum schisma defendant; quomodo litteras factumque Cypriani. *l. 2. Retr. c. 18.*

Ea res sic habet. Antequam plenarii Concilij Nicæni sententiâ, quid in Baptismo ab hæreticis collato sequendum esset, totius Ecclesiæ consensus confirmasset; visum est Cypriano, cum ferme octoginta coëpiscopis suis Africanarum Ecclesiarum, omnem hominem qui extra Ecclesiæ Catholice communionem baptizatus fuisset, oportere ad Ecclesiam venientem, denuò baptizari.

Quod non rectè fieri, tanto viro nimirum Dominus non aperuit: ut eius pia & humilitas, & charitas in custodiendâ salubriter Ecclesiæ pace patefceret: & non solum illius temporis Christianis, sed etiam posteris, ad medicinalem ut ita dicam notitiam signaretur. Cum enim tanti meriti, tantæ ecclesiæ, tanti pectoris, tanti oris, tantæ virtutis Episcopus, aliud de Baptismo arbitraretur, quàm erat inquisita diligentius veritas firmatura: multique eius Collegæ, quamuis liquidè nondùm manifestatum, id tamen tenerent, quod & præterita Ecclesiæ consuetudo & postea totus Ca-

Ll 2

tholicus

tholicus orbis amplexus est; non se ille tamen à ceteris diuersa sentientibus, separatâ communione disiunxit: & hæc etiam ceteris persuadere non destitit, vt sufferrent inuicem in dilectione, studentes seruare vnitatem spiritûs in vinculo pacis.

Ita enim corporis manente compage, si quid in quibusdam membris infirmabatur; ex eorum sanitate conualesceret potius, quàm præcisione mortificatum, diligentiam nullius curationis admitteret. Et si ille se separasset; quàm multi sequerentur? Quantum sibi nomen inter homines faceret? quàm latius Cyprianistæ, quàm Donatistæ vocarentur? Sed non erat filius perditionis, de qualibus dictum est: *Deiecisti eos dum extollerentur*: sed erat filius pacis Ecclesiæ, qui tantâ cordis illuminatione præditus, propterea non vidit aliquid, vt per eum aliud supereminens videretur. Et adhuc, inquit Apostolus, supereminentiorem viam vobis demonstro. Si linguis hominum loquar & Angelorum, charitatem autem non habeam; factus sum velut ærumentum sonans, aut cymbalum tinniens.

Minus ergo ille penetrauit, vt cerneret secretum abditum Sacramenti. Sed si sciret omnia Sacramenta, charitatem autem non haberet; nihil esset. Cùm autem minus ille perspiciens, hanc tamen humiliter, fideliter, fortiter custodiuit; ad Martyrij coronam meruit peruenire: vt si qua in eius lucidam mentem, ex humanâ conditione nebula irreperat, gloriosâ serenitate fulgentis sanguinis fugaretur, &c. libro I. de Bapt. cap. I.

S. VI.

S. Cyprianus ab Augustino purgatus.

ET licet hæc ita habeant, ac Cyprianus aliter senserit de Baptismo, quàm forma & consuetudo habeat Ecclesiæ, vt in ipsius Cypriani & Concilij litteris inuenitur; non incongruè tamen, inquit Augustinus, de tali viro existimandum est, quòd correxerit, & fortasse suppressum sit ab eis, qui hoc errore nimium delectati sunt, & tanto velut patrono carere noluerunt.

Quamquam non desint, qui hoc Cyprianum prorsus non sensisse contem-

contendant : sed sub eius nomine à præsumentibus atque mendacibus fuisse confectam. Neque enim sic potuit integritas, atque notitia litterarum vnius, quamlibet illustris Episcopi, custodiri, quemadmodum Scriptura canonica, tot linguarum litteris, & ordine & successionem celebrationis Ecclesiasticæ custoditur : contra quam non defuerunt, qui sub nominibus Apostolorum multa confingerent, &c. Pergit deinde Augustinus : Nos tamen duas ob res, non negamus illud sensisse Cyprianum : quod & stylus eius habet quamdam propriam faciem, quâ possit agnosci ; & quod ibi magis contra vos nostra causa monstratur inuictior, &c. *Epist. 48. ad Vincentium Rogatissim.*

Quapropter sicuti Cyprianus (ut apparet ex eius Epistola ad Iubaian. scripta) non damnabat eos, qui ab hæresi antè ad Ecclesiam non rebaptizati venerant, tametsi ipse aliter sentiret ; (*eo quod potens sit, inquit, Dominus misericordiâ suâ indulgentiam dare ; & eos qui ad Ecclesiam simpliciter admissi, in Ecclesia dormierunt, ab Ecclesia sue muneribus non separare ;*) propter Vnitatis verò custodiam ignoscebat iis, quos alioquin in Baptismo non iterando errare putabat : sic Cypriano reuera erranti in Baptismo iterando, planè tum ignoscebatur, estque ignoscendum propter eandem vnitatis, in qua nihilominus mansit, charitatem.

Verumtamen veluti olim Nouatiani secus fecerant, dum, quia Ecclesiam ut pollutam accusabant, baptizatos in eâ rebaptizabant : ita hosiimitati Donatistæ, nullibi nisi apud se, dicebant legitimum conferri Baptismum, uti latius in sequentibus ostendemus.

S. VII.

Liber, contra quod attulit Centurius.

CVM per id tempus, aduersus partem Donati multa crebris disputationibus ageret ; attulit ad Ecclesiam quidam laicus tunc eorum, nonnulla contra ipsum dictata vel scripta, in paucis veluti testimoniis, quæ suæ causæ suffragari putabant. Quibus brevissimè respondit : ac libello (qui interit) titulum fecit : Contra quod attulit Centurius à Donatistis. *l. 1. Retract. c. 19.*

LI 3

VITÆ

V I T Æ
 DIVI AVRELII
 A V G V S T I N I
 LIBER TERTIVS.



Vandoquidem hucusque continuatâ serie res Donatistarum in medium adduximus, ut contemporaneum eis Augustinum habeamus perpetuum eorum Antagonistam; dum huius vitam gesta-
 que prosequimur, aliorum quæ pro temporum ratione occurrerint, deinceps prosequemur.

C A P V T I.
 AVGVSTINI DIDACTICA
 QVÆDAM.

§. I.

Libri duo Ad inquisitiones Ianuarij.

Memorato libro, quem intercidisse diximus, successerunt duo, ad Inquisitiones Ianuarij: quorum vterque sicut Epistolæ formam,

nam, & primus præsertim, ita locum inter eas & numerum habent, *Epist.* 118. & 119. Scripti sunt in mediis aceruis, ut ait, (coniicique facile potest ex iis quæ diximus dicturique sumus) occupationum ipsius: & multa de Sacramentis continent disputata, siue quæ vniuersaliter, siue quæ particulariter, id est, non peræquè in omnibus locis, obseruat Ecclesia: nec tamen commemorari omnia potuerunt. *l. 2. Retr. cap. 20. & Epist. 119. c. 1. & 21.*

Duobus interim hisce libris magna pars eorum iugulatur, quæ de Eucharistiæ Sacramento eiusque susceptione, aliisque eodem pertinentibus Ecclesiæ moribus & ritibus, à Nouatoribus in controuersiam vocari consueverunt.

S. II.

Liber De Opere Monachorum.

Ecclēsiā Carthaginensem eā tempestate Aurelius Episcopus gubernabat. Cumque propagatus huc esset, quem Augustinus Africa intulerat, Monachorum cœtus: quorum alij otiosam vitam, alij laboribus exercitam ducere volebant: hancque ab rem capillitium alij scinderent, alij nutrent: atque hæc disceptationes utrimque, partibus libi partes conciliantibus, seruescerent; rogante Aurelio, de Opere Monachorum (animorum Carthagine, non alibi, motus excitatos compositurus) librum conscripsit: quo quidem manuum laborem isti hominum generi commendat; haud tamen ad eam vniuersam, ut excipiat nobiles & delicatos à sæculo, tum in religione infirmos, & aliis occupationibus, ut est verbi Dei præconium, intentos, &c. *l. de op. Monach. c. 16. 21. & 25.*

Etenim Paullum & Barnabam solos, superasse ceteros Apostolos, qui de Euangelio vivebant, ostendit *c. 7.* adeoque maximam eorum partem, fidelium laboribus ac liberalitate usam: quod quamquam non fecerit, potuisse nihilominus à se fieri Paullus gloriatur. *cod. l. c. 4. & 11.* De qua re videndus etiam *l. de Pastorib. c. 2.*

Ex quo patet nullum hoc in libro præsidium reperire, qui Monasticam hodie exosi, non verentur eorum otium, desidiam appellare: ut

re: vt iam nihil dicam de iis, qui existimant nomine Monachorum, Clericos omnes Africæ designari, de quibus nuperum Carthaginense Concilium, cui interfuit Augustinus, iubet, *vt, quantumlibet verbo sint eruditi, artificio victum querant. Ac rursum: Victum & vestimentum sibi, artificio vel agriculturâ, absque officij sui dumtaxat detrimento præparent. Denique: Omnes Clerici, qui ad operandum validi sunt, & artificiola & litteras discant. Ita Conc. Carth. V. can. 51. 52. & 53. nimirum ad extirpandos Euchaitas & Massalianos hæreticos, quorum in Africa tum furculi pullulabant. Baron. Anno 398.*

§. III.

Liber De bono Coniugali.

Augustini ætate, dum adhuc esset iuuenis, puta Anno Christi 382. erat excitata à Iouiniano (Monacho quondam eius Monasterij, cuius meminit his verbis: Erat Monasterium Mediolani, plenum bonis fratribus, extra vrbis mœnia, sub Ambrosio nutritore, l. 8. Conf. c. 6.) hæresis Iouianistarum. Quæ sacrarum Virginum meritum adæquando pudicitie coniugali, tantum valuit in Vrbe Româ; vt nonnullas etiam sanctimoniales, de quarum pudicitia suspicio nulla præcesserat, deiecisse in nuptias diceretur: hoc maxime argumento cum eas vrgeret, dicens: Tu ergo melior quàm Sara, melior quàm Susanna, quàm Anna? Et ceteras commemorando testimonio sacre Scripturæ commendatissimas feminas, quibus se illæ meliores, vel etiam pares cogitare non possent. Hoc modo etiam virorum sanctorum sanctum cælibatum, commemoratione Patrum coniugatorum, & prædicatione frangebatur.

Huic monstro sancta Ecclesia, quæ ibi est, fidelissimè ac fortissimè obstiterat: sed remanserant istæ disputationes Iouiniani in quorundam sermunculis ac susurris, quos palàm suadere nullus audebat. Vnde cum venenum occultè reperet, occurrendum fuit: maxime cum iactaretur, Iouiniano responderi non posse cum laude, sed cum vituperio nuptiarum. Propter hoc librum edidit, cuius inscriptio est, de Bono Coniugali. l. 2. *Retract. c. 22. l. 3. de pec. mer. & remiss. c. 7.*

§. IV.

S. IV.

Liber de sancta Virginitate.

QVod posteaquam fecisset, expectabatur ut scriberet de sancta Virginitate. Nec distulit. Atque hoc Dei munus & quam magnum, & quantam humilitate custodiendum esset, vno sicut potuit volumine ostendit. l. 2. *Retract. cap. 23.*

Ait ibi inter cetera: Cedat huic omnis fecunditas carnis, omnis pudicitia coniugalis. illa non est in potestate, illa non est in eternitate. Fecunditatem carnalem non habet liberum arbitrium: pudicitiam coniugalem non habet eam. Profecto habebunt magnum aliquid præter ceteros in illa communi immortalitate; qui nacent aliquid iam non carnis in carne.

Vnde mirabiliter desipiunt, qui putant huius continentie bonum non esse necessarium propter regnum calorum, sed propter præsens sæculum: quod scilicet coniugia terrenis curis pluribus atque arctioribus distenduntur, quam molestia virgines & continentes carent: quasi ob hoc tantum melius sit non coniugari, ut huius temporis relaxentur angustiae, non quod in futurum sæculum aliquid prosit. l. de sancta. *Virg. cap. 13.*

CAPVT II.

AVGVSTINVS PAGANISMVM
OPPVGNAT.

S. I.

Christianorum de tempore nouissimo vana coniectura. Item de Aduentu Antichristi.

QVemadmodum consummationis sæculi tēpus, Christiani tunc nihilum profuturo studio indagabant; ita horum & multi Pagani,
M m cūm

cùm procurentem tãto impetu Christi religionem, nullis conatibus, ac Romæ præsertim, vbi Cathedram Primas Apostolorum Petrus fundauerat, sistere possent; futilium oraculorum fide, exitum ipsius exitiumque adstruere voluerunt.

Et quidem fuerant inter Christianos nonnulli, qui cùm nollent plures quàm decem Christianorum persecutiones eatenus fuisse (quarum primam computabant, quæ à Nerone facta est: secundam quæ à Domitiano: tertiam à Traiano: quartam ab Antonino: quintam à Seuero: sextam à Maximino: septimam à Decio: octauam à Valeriano: nonam ab Aureliano: decimam à Diocletiano & Maximiano: adeo vt plagas Ægyptiorum, quoniam decem fuerunt antequam inde exire inciperet populus Dei, putarent ad hunc intellectum esse referendas) persecutionem nouissimam Antichristi, similem fore dicerent vndecimæ plagæ: quâ dum Ægyptij hostiliter persequuntur Hebræos, in mari rubro, populo Dei per siccum transeunte, perierint.

l. 18. de Ciuit. Dei cap. 52.

Huius sanè opinionis Orosius fuit, *l. 7. cap. 27.* vt obseruauit Prosper, *l. de Promiss. & prædict. p. 3. cap. 34.* licet eam exquisitè inuentam haud probet Augustinus: arbitratus neque plagis Ægypti, propheticè significatas esse iam dictas persecutiones; neque ad eum numerum, quem vtique excesserunt, præcisè definiendas. *l. 18. de Ciuit. Dei cap. 52.*

Fuerant & alij, qui præteritâ opinione subnixi, siue non nixi, quærere cœperunt, Quandonam futura esset nouissima persecutio Antichristi, quam præsentia suâ ipse extinguet Iesus? vel, quod eodem euadit, Quot anni huic sæculo remanerent, ab Ascensione Domini vsque ad eius vltimum aduentum?

Hos enim alij quadringentis, alij quingentis, alij mille compleri posse dixerunt: multis quidem verbis adstruentes opinionem suam, sed quæ præter coniecturas humanas, nihil certum præferant de Scripturæ Canonice auctoritate. Omnium enim de hac re calculantium digitos resoluit, & quiescere iubet ille, qui discipulis desuper quærentibus respondit: Non est vestrum scire tempora, quæ Pater posuit in sua potestate. *l. 18. de Ciuit. Dei cap. 33.*

Nam si Apostolis dictum est, *Non est vestrum scire*; quantò magis quilibet homo, qualis ego sum, debet agnoscere, ne plùs sapiat, quàm oportet sapere. *Epist. 80.*

§. II.

*Paganorum vanitas, de tempore duratura
Christi religionis.*

VT verò hæc Evangelica sententia est, non quidem ore Christi in Evangelio, sed in Actis Apostolorum probata; ita mirum non est, non eâ fuisse repressos Paganos (quam utique ignorabant) ne commentari aut comminisci potius præsumerent, nescio quæ dæmonum responsa, quos tamquam Deos colebant: quibus definiri, non quanto tempore mundus; sed quanto tempore mansura esset Christiana religio, affirmabant.

Cum enim viderent, nec tot tantisque persecutionibus eam potuisse consumi, sed his potius mira incrementa sumplisse; excogitauerunt nescio quos versus Græcos, tamquam consulenti cuidam diuino oraculo effusos: ubi Christum quidem ab huius tamquam sacrilegij crimine faciunt innocentem, Petrum autem maleficia fecisse subiungunt, ut coleretur Christi nomen per trecentos sexaginta quinque annos; deinde completo memorato numero annorum, line morâ sumeret finem. l. 18. de Ciuit. Dei cap. 53.

§. III.

Pagani proprium exitium prænuntiarunt.

Siquidem hoc ipsum vaticinium Paganismo exitiale fuit: quando Anno quidem impletis totidem annis à descensu Spiritus sancti in discipulos (quo nominis Christiani cultus, prædicantibus Apostolis, Spiritus sancti virtute, non, ut putauit aut finxit impia vanitas, Magicis artibus Petri exorsus est) usque ad Consulatum Honorij & Eutychiani; anno sequente, Consule Manlio Theodoro in Ciuitate nouissimâ & eminentissimâ Carthagine, (quid per alias terrarum partes forsitan factum sit non fuit necesse perquirere) Gaudentius & Iouius Comites

M m 2

Impe-

Imperatoris Honorij, quartodecimo Kalēdas Aprilis, falsorum Deorum templa euerterint, & simulachra fregerint. *eod. l. cap. 54.* Idem contigit in Serapio Alexandria, & Marnæ templo Gazæ: quæ ambo in Ecclesias surrexerunt.

Constat autem nūquam postillā fuisse restaurata, & immane quantum creuisse cultum nominis Christi: præsertim posteaquam multi eorum Christiani facti sunt, qui tamquam verā illā diuinatione reuocabantur à Fide, eamque completo eodem annorum numero, inanem irridendamque viderunt.

S. IV.

Inserta narratio de templo Cælestis Carthagine, planè memorabilis.

Memorabile verò est, quod de clauso pridem, sed hoc anno mundato templo Cælestis apud Carthaginem, refert Prosper, qui interfuit; nosque in gratiam Aurelij, eā vt diximus tempestate Carthaginensis Episcopi, viri & summā virtute præditi, & maximā amicitia Augustino coniuncti; totidem verbis recitabimus.

” Apud Africam, inquit, Carthagini, Cælestis inesse ferebant templum, nimis amplum, omnium Deorum suorum ædibus vallatum: cuius platea lithostrata, pavemento ac pretiosis columnis & mœnibus decorata, procul in duobus ferè millibus passuum protendebatur.

” Cū diutius clausum, incuriā, spinosa virgulta circumseptum obruerent, velletque populus Christianus vsui veræ religionis vindicare; dracones aspidesque illic esse ob custodiam templi, Gentilis populus clamitabat.

” Quò magis Christiani feruore succensi, eā facilitate omnia amouerunt illesi, quā templum suo vero Cælesti regi & Domino consecraverunt. Nam cū sancta Paschæ sollemnis ageretur festiuitas; collecta illic, & omni vndique curiositate etiam adueniens multitudo Sacerdotum multorum, Pater & dignæ memoriæ nominandus Antistes Aurelius, cælestis iam patriæ ciuis, Cathedram illic loco Cælestis & habuit & sedit.

Ipse

Ipse tunc aderam cum sociis & amicis, atque (vt se adolescentium "
 ætas impatiens circumquaq; vertebat) dum curiosi singula quæq; pro "
 magnitudine inspicimus; mirum quoddam & incredibile nostro se in- "
 gessit aspectui, titulus æneis grandioribusque litteris in frontispicio "
 templi conscriptus: AVRELIVS PONTIFEX DEDICAVIT. Hunc legen- "
 tes populi, mirabantur præfago tunc spiritu acta, quæ præsejus Dei "
 ordo certo isto fine concluderat. *Prosp. l. 3. de promiss. & prædict. p. 3. ca. 38.*
 Quale fuerit idolum Cælestis, consule Baron. hoc Anno.

S. V.

*Floralia Calama celebrata. Impetus factus in
 Christianos & eorum Ecclesias.*

E Verfis Gentilium templis, exceptis iis quæ ad urbem ornatum,
 sed vetitis ibidem sacrificiis, sub id tempus superesse Honorius
 iusserat; Calama, vbi Possidius Episcopum agebat, effusi Gentiles, im-
 pudicissima omnium sacra, in opprobriū promulgatarum legum, agi-
 tare ausi sunt. Referente Augustino, facinus est tale: Contra recentis-
 simas leges, Kalendis Iunii, Festo Paganorum, sacrilega sollemnitas
 agitata est (Floralia, vt patet eadem Epistola: de quibus vide *l. 1. de cons.*
Euang. c. 33. originem l. 6. de Ciuit. Dei c. 7.) nemine prohibente: tam inso-
 lenti ausu; vt quod nec Iuliani temporibus factum erat, petulantissima
 turba saltantium, in eodem prorsus vico ante fores transiret Ecclesiæ.

Quam rem illicitissimam atque indignissimam, Clericis prohibere
 tentantibus, Ecclesia lapidata est. Deinde post dies ferme octo, cum
 leges notissimas Episcopus replicasset, & dum ea quæ iusta sunt, velut
 implere disponunt: iterum Ecclesia lapidata est. Postmodum Clericis, ad
 imponendum perditis metum, apud Acta dicere volentibus, publica
 iura negata sunt. Eodæque ipso die, vt vel diuinitus terrerentur, grâdo
 lapidantibus reddita est: quæ transacta, cōtinuò tertiam lapidationem,
 & postremò ignes Ecclesiasticis tectis, atque hominibus intulerunt.

Vnum seruorum Dei, qui aberrans occurrere potuit, occiderunt:
 ceteris partim vbi poterant latitantibus, partim quò potuerant fu-
 gientibus: cum interea contritus, atque coarctatus quodam loco se

occultaret Episcopus, ubi se ad mortem quærentium voces audiebat; sibi que increpantium, quod eo non inuento, gratis tantum perpetrassent scelus. Gesta sunt hæc ab hora ferè decima usque ad noctis partem non minimam, &c. *Epist. 202.*

§. VI.

Augustinus Calamam proficiscitur.

HÆc ut facta sunt, neque vllius, cuius ibi potestas paullo plus poterat, auctoritate prohibita; Augustinus, cui erat Ecclesiæ Calamensis inspectio commissa, ut antè diximus, eò aduenit, ut præsentiam suam vel consolaretur afflictos Christianos, vel sedaret incensos Paganos. Atque cum his quidem quid illic egerit, narrat ipse his verbis:

Deinde ipsos Paganos, mali tantum caput & causam, petentes ut ab eis videremur, admisimus: ut hac occasione admoneremus eos quid facere deberent, si scirent; non tantum pro remouenda præsentis sollicitudine, verum etiam pro inquirenda salute perpetua. Multa à nobis audierunt; multum etiam ipsi rogauerunt: sed absit ut tales simus, quos ab eis rogari delectet, à quibus noster Dominus non rogatur. *Eadem Epist.*

§. VII.

Nectarius Calamensis, Augustino pro ciuibus suis supplicat per litteras: quibus Augustinus respondet.

Postquam Calamæ Augustinus discesserat, cum ob admissum facinus Calamenses Cæsaris iram formidarent; Nectarius, aut Dynastiæ loci, ut apparet, aut ætatis iam prouectæ auctoritate fretus, ad Augustinum litteras dedit, quibus eum rogat, ut intercedat ne (si exigeretur totius aui vindicta) innocentes cum nocentibus plecterentur. Epistola, paucis recisis, ita habet: *Quanta si charitas patria, quoniam nostri prætereo. Gaudeo primum, quod apud instructum disciplinis omnibus virum mihi*

mibi hic est sermo institutus. In Calamensi Colonia multa sunt quae merito diligamus, &c. Hæc ergo non leui populi sui errato prolapsa est: quod quidem si iuribus publicis rigore metiamur, debet peccati seueriori censura. Sed Episcopum fas non est, nisi salutem hominibus impertiri, & pro statu meliore causis adesse, & apud omnipotentem Deum veniam aliorum mereri delictis. Quamobrem quantâ possum supplicatione deprecor, ut si defendenda res est, innoxius defendatur, ab innocentibus molestia separatur. De damno facili potest haberi taxatio, tantum suppellectile deprecamur. Exstat Epistola inter Augustini, numero 201.

Respondit Augustinus inter alia, quibus optimè Nectarium instruxerat, his verbis: Nobis cordi est neque Christianam omittere mæfuetudinem, neque perniciosum ceteris imitationis exemplum, in illa ciuitate relinquere. Quomodo id agamus adierit Deus, si eis non ita grauiter indignetur. Alioquin & mansuetudo quam seruare cupimus, & disciplina, quâ uti moderatè nitimur, impediri potest, si Deo aliud in occulto placet, siue iudicanti hoc tantum malum, flagello acriore plectendum: siue etiam vehementius irascenti, si non correctis, nec ad se conuersis, ad tempus esse voluerit impunitum. *Epist. 202.*

In summa, quia in ciuitate illa non erat innocentes à nocentibus, sed minùs nocentes à nocentioribus discernere: erant enim scelerati omnes, quibus etsi non facientibus neque immitentibus, tamen volentibus, fuerant ista commissa: censebat Augustinus aliquâ disciplinâ coercendos ne maneret impunitum furoris tam inmanis exemplum. In quo, Non præterita, inquit, vindicâdo, iram nostram pascere studeamus, sed misericorditer in futurum consulendo satagimus. *Eâ tem Epist.* quam sic denique, vltimis Nectarii verbis respōdens, concludit: Damna quæ illata sunt, vel tolerantur à Christianis, vel resarciuntur per Christianos. Animarum verò lucra, quibus acquirendis cum periculo etiam sanguinis inhiamus, & in loco illo quæstuosius prouenire, & aliis locis illo exemplo non impediri, desideramus.

S. VIII.

*Posidius Calamensis Episc. ad Imp. proficiscitur.
Nectarius iterum scribit Augustino.*

Possidius ergo Calamensis Episcopus Catholicus, exponēdæ indignitatis rei gratiâ, implorandiq; contra Paganorum furorem siue auxilij

auxilij, siue vindictæ, ad Imperatorem Honorium Rauennam nauigat. Quod ubi Nectarius accepit, veritus exactum iri mandato Honorij iustissimas ab reis pœnas; ad Augustinum alterâ vice litteras dedit, quibus & iam memoratis Augustini respondet, & Calamensium suorum negotium agit, ita exorsus: *Sumptis literis Eximietatis tuæ, quibus idolorum cultum & templorum carimonias destruxisti, audire mihi visus sum Philosophi vocem, &c.* His itidem Augustinus respondit: hominemque Gentilem terrestris patriæ amore deuinctum, & cæcutientium Philosophorum auctoritate subnixum partim corripiens, partim instruens; nunc blandis, nunc aculeatis sententiis percelluit. *Epist. 254.*

§. IX.

Paganorum in Coloniâ Suffectanâ insania, ab Augustino increpatur.

Suffectani deinde in Prouinciâ Byzacenâ, sollennia quoque insanientes, postposito legum & iudiciorum timore, sexaginta Christianos occiderât. *Martyrol. Rom. 10. Aug.* Totidem numero cæsos refert Augustinus Epistolâ 267. atque immanitatis famosissimum scelus & inopinatam crudelitatem appellat, increpatque: effusi deinde sanguinis causam exquirat his verbis.

„ Si Herculem vestrum dixeritis, inquit, porrò, reddemus. Adsūt metalla, saxa nō desunt, accedunt marmorū genera, suppeditat artificum copia. Ceterum Deus vester, cum diligentia sculpitur, tornatur, & ornatur. Addimus & rubricā quæ pingit ruborem, quo possint vota vestra sacra sonare. Nam si vestrum Herculem dixeritis; collatis singulis nummis, ab artifice vestro vobis emimus Deum: reddite igitur animas, quas manus vestra contorsit. Et sicuti à nobis vester Hercules redhibetur; sic etiam à vobis tantorum animæ reddantur.

Quo increpandi genere, vt scilicet restituto sibi Hercule, trucidatos à se homines vitæ Suffectani repræsentent; cum possibile istud non esset, satis arguit Paganorum temerariam immanitatem: quâ vnus idoli facile reparabile damnum, tot hominum cædibus compensare voluerunt.

Verum

Verum vt sciamus, non hîc tantummodò, sed alibi etiam, Herculem in cultu fuisse; adeundus est Sermo sextus inter nouissimos Quadraginta, qui Parisiis prodierunt: vbi suggestum à Christianis Proconsuli Carthagine fuit, vt Herculi illudere liceret.

§. X.

An licitum, Paganis idola tollere?

FAs non esse Christianis, pro libitu, sua Paganis idola tollere, clare docuit Augustinus, priusquam hæc fortassis agerentur, dum ait: Hoc dicimus Charitati vestræ, ne faciatis ista: quando in potestate vestra non est vt faciatis. Illud prauorum hominum est, turiorum Circumcellionum: & vbi potestatem non habent sauire, & velle mori properant sine causâ.

Audistis quæ vobis legimus, omnes, qui nuper in Mapalibus adfuiſtis: *Cùm data vobis fuerit terra in potestatem.* Prius ait, *in potestatem:* & *Deut. 7.* sic dixit, quæ facienda sunt. *Aras eorum, inquit, destruetis, lucos eorum comminuetis, & omnes titulos eorum confringetis.* Cùm acceperitis potestatem, hoc facite. Vbi nobis non est data potestas, non facimus: vbi data est, non præmittimus. Multi Pagani habent istas abominationes in fundis suis: numquid accedimus & confringimus? Prius enim agimus, vt idola in eorum cordibus confringamus. Quando Christiani & ipsi facti fuerint; aut inuitant nos ad tam bonum opus, aut præueniunt nos: Modò orandum est pro illis, non irascendum illis. *serm. 6. de verb. Dom. c. 11. vide & c. 12.*

Iam, cùm templa, idola, luci & si quid eiusmodi, datâ potestate (quod nunc equidem euenerat) euertuntur, quamuis manifestum est cùm id agimus non ea nos honorare, sed potius detestari; ideo tamen in vsus nostros priuatos dumtaxat & proprios non debemus inde aliquid vsurpare: vt appareat, nos pietate ista destruere, non avaritiâ. Cùm verò in vsus communes, non proprios ac priuatos, vel in honorem Dei veri conuertuntur; hoc de illis fit, quod de ipsis hominibus, cùm ex sacrilegis & impiis in veram religionem mutantur. *Epist. 154.*

N n

§. XI.

§. XI.

Augustinus studet Madaurenſes à Paganismo conuertere.

HAc circiter tempeſtate ciues Madaurenſes (quos fratres ſuos & parentes appellat, ſed Paganismo adhuc immerſos) cùm Auguſtino negotia ſua curanda impoſuiſſent, quæ quidem Florentinum concernebant ; luculentis admodum rationibus ab Idololatriâ ad Chriſti fidem ſuſcipiendam (quod iam Orbis terrarum maximis incrementis fecerat) conatus eſt adducere.

Videtis certè (inquit inter alia) ſimulachrorum templa partim ſine reparatione collapſa, partim diruta, partim clauſa, partim in uſus alios commutata. Ipſaſque ſimulachra vel confringi, vel incendi, vel includi, vel deſtrui: atque ipſas huius ſæculi poteſtates, quæ aliquando pro ſimulachris populum Chriſtianum perſequebantur, victas & domitas, non à repugnantibus, ſed à morientibus Chriſtianis: & contra eadem ſimulachra, pro quibus Chriſtianos occidebant, impetus ſuos, legesque vertiſſe: & Imperij nobiliſſimi eminentiſſimum culmen, ad ſepulchrum Piſcatoris Petri ſubmiſſo diademate ſupplificare. Hæc omnia Scripturæ diuinæ, quæ in omnium manus iam venerunt, ante longiſſima tempora, futura eſſe teſtatæ ſunt, &c. *Epist. 42.*

Occaſionem hiſce, aliisque ſermonibus Madaurenſes alloquendi dederat, quòd in litterarum ſuarum limine Madaurenſes ſcripſiſſent: *Patri Auguſtino in Domino ſalutem: & denique ſubieciſſent: Optamus te, Domine in Deo & Chriſto eius, per multos annos ſemper in Clero tuo gaudere.* Ex quibus arbitrabatur, quandoquidem à toto Madaurenſium Ordine ſiue Magiſtratu Epistoſta veniſſet; aut ad ipſam Dominum & ad ipſam æternam ſalutem iam eſſe conuerſos; aut per ipſius miniſterium deſiderare conuerſi.

Nam ſi non ita eſt, inquit, quaſo vos, quid læſi, quid offendi beneuolentiam veſtram, vt me titulo Epistoſtæ veſtræ irridendum potiùs, quàm honorandum eſſe putaretis? *ead. Epist.* Sederit mox iterum de Paganis dicendi occaſio.

CAPVT

C A P V T I I I.

AVGVSTINI ET EPISCOPORVM
AFRICANORVM ERGA DONATISTAS STVDIVM.

§. I.

Scribit de Vnitate Ecclesiæ.

Nondum Petilianus, duobus libris confutatus, responderat, cum Anno
Augustinus fratribus, ad suæ dispensationis curam pertinenti- 400.
bus, Epistolam direxit: in qua quia de Vnitate Ecclesiæ, quam sibi
Donatistæ vindicabant, disseruit, eodem titulo nuncupauit. Illud
colligitur eiusdem Epistolæ initio, vbi Petilianum ad respondendum
prouocat. his verbis: Defendat verba epistolæ suæ, & si potest osten-
dat responsionibus meis non ea fuisse refutata atque conuicta. Aut si
hoc non vult; faciat & huic epistolæ mex, quod ego illi ipsius, cui
iam respondi. Illam quippe scripsit ad suos, sicut ego hanc ad vos:
cui si velit, etiam ipse respondeat. *l. de Vnit. Eccl. cap. 1.*

Quia autem cum Donatistis quaestio Catholicis erat non de Capi-
te, sed de Corpore, id est, non de ipso Salvatore Iesu Christo, sed de
eius Ecclesiâ; Id ipsum caput, inquit, de quo consentimus, ostendat
nobis corpus suum, de quo dissentimus: vt per eius verba iam dissen-
tire desinamus. Ille est autem Vnigenitus filius, & Verbum Dei.
Et ideo nec Prophetæ sancti vera loqui potuissent, nisi ab ipsâ Ve-
ritate, quod est Verbum Dei, manifestaretur eis quod dicerent, & iu-
beretur vt dicerent. Proinde prioribus temporibus, per Prophetas so-
nuit Verbum Dei, deinde per seipsum, cum Verbum Caro factum
est, & habitauit in nobis: deinde per Apostolos, quos misit ad præ-
dicandum, vt esset salus vsque ad fines terræ. In his igitur omnibus,
querenda est Ecclesiâ. *l. de Vnit. Eccl. c. 4.*

Quamobrem docet in hac Epistolâ, veram Christi Ecclesiâ, Ca-
tholicam

N n 2

tholicam esse debere: quo vocabulo eam maiores nominarunt, vt ex ipso nomine ostenderent, quia per totum est: secundum totum enim καθόλου Græcè dicitur. *cod. l. c. 2.* Docet, inquam, primum ex Lege: *ibid. c. 6.* ex Prophetis: *c. 7.* ex Psalmis: *c. 8.* ex Euangelio, *c. 10.* ex Actis Apostolorum: *c. 11.* denique refellit argumenta, imò deliramenta Donatistarum, quibus paucitatem suam commendare, & superbè stabilire conabantur, dicentes: Orbem terrarum apostatasse, solamque remansisse Donati communionem. *cod. l. c. 13. & seqq.* Idem argumentum alibi pro re natâ pertractat, *l. 2. cont. Petil. c. 38. l. 2. cont. Gaud. c. 2. & seqq. Epist. 48. § 161. 171. &c.* Etenim in omni, ait, loco, dixit Paullus bonum odorem esse omnes fideles; & contradicitur: & dicitur, Africa sola bene olet, totus mûdus putet. *Enarr. in Ps. 21.*

§. II.

Epistola Augustini ad Generosum.

PRæterpropter hoc tempus contigisse videtur, vt Cirtensis siue Constantinienſis Ecclesiæ Presbyter quidam litteras ad Generosum daret: quibus vt ad Donatistas eum alliceret, scribebat, Angelum sibi iussisse, ordinem Christianitatis ciuitatis istius insinuare.

Respondit suo, aliorumque nomine Augustinus, ad quem Presbyteri Donatistæ litteras Generosus transmiserat: Quod licet scribenti Presbytero Angelus adstitisset (quem sibi ille propter Generosum adstituisse, quantum erat arbitrari, astutâ vanitate confinxerat) & hæc ipsa dixisset, quæ Presbyter mandato illius, Generoso se insinuare dixerat; oportuisse illum Apostolicæ sententiæ memorem fieri, quâ ait: *Licet nos, aut Angelus de celo, vobis Euangelizauerit, præter id quod Euangelizauimus vobis, Anathema sit.*

Nam cum Euangelizatum sit per vocem ipsius Domini Iesu Christi, quod omnibus gentibus annuntiabitur Euangelium eius, & tunc erit finis: has promissiones tenenti si Angelus de celo diceret, Dimitte Christianitatem orbis terræ, & tene partes Donati, cuius ordo tibi exponitur in Epistola Episcopi tuæ ciuitatis; Anathema esse deberet: quia te à toto præcidere, & in partem contrudere conaretur, &

& alienare à promissis Dei. Si enim ordo successionis considerandus est, certius ab ipso Petro numeratur: vti ipse ibi enumerat Augustinus, vsque ad Anastasium qui tum præsidebat, in quo nullus Donatista Episcopus inuenitur. *Epist. 165.*

§. III.

Honorij contra Donatistas Edictum.

Quia verò Catholicorum Imperatorum, pro Vnitate Ecclesiæ, curam & zelum taxans Petilianus, satis in eos impudenter inuectus fuerat, dum ait: *Quid autem vobis est cum Regibus sæculi, quos nunquam Christianitas nisi inuidos sensit, &c. l. 2. cont. Petil. c. 92.* re cognita Honorius, referente fortassis Episcopo Calamense Possidio, paullo antè vt diximus, ad Comitatum profecto; huius Anni mense Februario præcipite, ad retundendam Donatistarum perfidiam, ita edixit:

Rescriptum, quod Donatistæ à Iuliano, tunc Principe, impetrasse dicuntur; proposito programme celeberrimis in locis volumus anteferri, & gesta, quibus est eiusmodi allegatio inserta, subnecti: quod omnibus innotescat, & Catholicæ confidentiæ stabilita constantia, & Donatistarum desperatio fucata perfidia. Dat. V. Kalend. Martij, Rauennæ, Stilicone & Aureliano Coss. l. 37. *de hæret. Cod. Theod.*

Ita demum in Donatistarum dedecus, populique ludibrium abiit, quod ab vno Apostatâ pro se impetrauerant.

§. IV.

Carthaginense Concilium ad tollendum Donatistarum schisma: cuius magna pars Augustinus.

Anno sequente, cum Episcoporum Prouinciæ Carthagenensis Anno desiderio Anastasius Papa satisfaceret, vtique mittendo quod
N n 3 postula-

postulauerant, supplemento Clericorum; tum in primis hortatus est atque mandauit, vt extinguendo schismati, & Vnitati faciendæ cum Donatistis, gnauiter incumberent.

Quàm verò Patres, ac præsertim Aurelius Carthaginensis Episcopus, non insuper habuerint Anastasij voluntatem, vel inde liquidò patet; quòd ad Idus Septembris eiusdem anni, generale totius Africæ Concilium Carthagine indixerit: quòd tum perinde habitum est, Vincentio & Flauito vv. CL. Coss. in Secretario Basilicæ Restitutæ: serioque deliberatum, quo potissimum pacto res tanta tamque difficilis ageretur. Verum quidem erat, sectos inter se Donatistas, neque vnâ tantum ab inuicem secessione diuisos, nihil stabile aut diuturnum polliceri: attamen magna eorum, maiorque numero obstinatio, nullam aut exiguam spem præbebat. Præsertim, cùm persecutionum importunitate superati Maximinianistæ, in pristinum vnde exierant gremium, magnâ ex parte se dedissent.

Synodo Augustinus intererat. Qui tametsi omnem hætenus diligentiam & facundiam, reducendis iis hominibus impendisset; ac sæpenumerò monstrasset, Codicum sacrorum traditione (cuius occasione Ecclesiæ vnitatem Donatistæ ruperant) longè maius esse sacrilegium schismatis; (dum ait: Si traditio Codicum scelerata est, quam Deus in Rege qui Hieremiæ librum incendit, morte publicâ vindicauit; quanto sceleratius est sacrilegium Schismatis, cuius auctores, quibus Maximianistas comparastis, aperta terra viuos absorbit? *Epist.* 171. Et alibi frequenter) tantæ nihilominus operæ pretium haud retulerat.

Eo interim tum auctore, visum est congregatis Patribus rem solâ lenitate tentandam: verbo esse agendum, disputatione pugnandum, ratione vincendum. Atque in hunc finem censuerunt, petenda à Præfectis & Iudicibus vbique Acta publica cardinalium Donatistarum contra Maximianistas: è quibus conuincerentur eadem patrasse, quæ in Catholicis damnabant, vt antea ostendimus. Supplicandum deinde Anastasio, vt, quoniam ad conuersionem plurimùm momenti continuata dignitas, resque temporales habent; exemplo Melchiadis permetteret, vt qui redire ad Ecclesiam persuasi vellent, nullâ honoris imminutione recipi possent: quod tum erat illicitum, atque in Ecclesiâ vetitum, vt videre est *Epist.* 50. Consulendus Cyprianus *Epist.* 68. & 72.

§. V.

§. V.

*Decretum Concilij de Legatis mittendis ad
Donatistas.*

ATque his impetratis decreuerunt Patres Legatos ad Donatistas
mitti oportere : ostenfuros, quàm nihil habeant, quo Schisma
suum fundent : imò quod habuerant hæcenus, in Maximianistis cla-
re perdidisse : receptos à se quos antè damnauerant, nullo rerum aut
honoris, aut etiam collati susceptique Baptismi detrimento. Atque
hæc non dici tantùm, sed euidenter demonstrari : neque oculis
cæcutientium offundi, sed probari Actis publicis, quorum partes ipsi
faciant. Itaque non Catholicos, sed eos ipsos, controuersiam, quæ so-
lari ratione non poterat, terminasse : animum dumtaxat aduerte-
re velint, idque facere pro pace Christi, quod fecerunt pro pace
Donati.

Nam si Maximianistarum communione, non se pollui Donatistæ
arbitrati sunt; frustra obiici, Cæciliani, siue veris siue fictis crimini-
bus orbem terrarum esse pollutum, &c.

§. VI.

*Afrorum Patrum petitioni suffragatur
Anastasius Papa.*

CEterùm Patres Africanos, apud Anastasium Papam, desiderij sui
compotes effectos; quandoquidem ipsius Anastasij litteræ perie-
rint, constare ex Augustino potest, ubi ait : Et de Episcopis quidem
vel Clericis recipiendis, alia quæstio est. Quamuis enim cum apud
vos ordinantur, non super eos inuocetur nomen Donati, sed Dei; ta-
men ita suscipiuntur, ut videtur paci & Vnitati Ecclesiæ conuenire.
Neque

Neque enim Episcopi propter nos sumus; sed propter eos quibus verbum & Sacramentum Dominicum ministramus: ac per hoc, ut eorum sine scandalo gubernandorum sese necessitas tulerit, ita vel esse vel non esse debemus, quod non propter nos, sed propter alios sumus. *l. 2. cont. Crescon. c. 11.* Et paullo post: Proinde vestri Episcopi, seu quilibet Clerici, quantum ad ipsa Ecclesiastica officia pertinet, sic in Catholicam suscepti sunt unitatem, quemadmodum expedire videbatur iis, quorum saluti per eorum consulebatur officium, vel exercendum vel omittendum. *eod. l. c. 12.*

Vti enim antè vidimus Maximianistarum plures Episcopos à suis plebibus contra persecutores suos fuisse defensores; ita interdum aliæ integræ plebes relicto schismate, ad Ecclesiam erant rediturae: sed non nisi recepto aut retento Episcopo suo. Quo perinde casu Canonum rigorem seruare voluisse, summæ fuerat & imprudentiæ & inhumanitatis. Laxatam enim seueritatem satis compensabat Ecclesiæ utilitas, & pacis unitatisque profectus.

Quapropter inter eos, qui, cum apud Donatistas Episcopali munere functi essent, in eodem apud Catholicos conuersi permanserunt, & probatâ vitâ ad honorabilis senilis ætatis meritum perueniunt; reperiuntur Candidus Villaregiensis, & Donatus Macomadiensis: quod cum aliquando Cresconius, tamquam magnum aliquid obiecisset, retulit hoc ab Augustino responsum: Sacramenta & inuocatio nominis Dei, quæ sit apud vos, non est nobis inimica: cum & in eis qui extra Ecclesiam sunt, non sit omnino nisi Ecclesiæ. *l. 2. cont. Crescon. c. 10.*

Igitur, cum quidquid Patres Carthaginensis Concilij, siue statuisent siue petisissent; id ratum habuisse vel concessisse Anastasium, per Legatos constitit: conueniendos Donatistas esse decretum est, ut dicturi mox sumus. Neque enim superstite Anastasio id factum, sed Ecclesiam moderante Innocentio, qui Petri Cathedram ascendit x v. Kalend. Iunij, Anno cccc. ii.

§. VII.

Concilium Mileuitanum.

HOc nihilominus Anno, Mileum Numidiæ ciuitatem, Aurelius totius Africæ Patres euocauit, mense Augusto: habitâque Synodo in Secretario Basilicæ, Arcadio & Honorio Augustus v. Coll. In eâ Synodo, præter Acta, diuerforum Episcoporum causæ in medium allatæ sunt: quas eatenus referemus, quatenus ab Augustino proditæ in Epistolis ipsius exstant: cetera silentio præteribimus.

A Donatistis ad Catholicos conuersus Maximianus, Ecclesiam Vagiensem Episcopus gubernabat. Eam ob rem ingratus, ut apparet, apud suos, à quibus pacifice non recipiebatur; bono pacis consulens, Sedi suæ renuntiare decreuit, atque ipso opere complere, quod ait Augustinus: Nonnulli sanctâ humilitate præditi viri, propter quædam in se offendicula, quibus piè religioseque mouebantur, Episcopatus officium non solum sine culpa, verumetiam cum laude posuerunt. *l. 2. cont. Crescon. c. 11.* Itaque cedere paratus, litteras ad Synodum miserat, quibus illa voluit annuisse: ea tamen prudentissima moderatione, ut quod Maximianus deserebat, in eius fratrem Castorium (qui nullâ tali necessitate à suscipiendo Episcopatu impediebatur, cum esset ingenio, prudentiâ, eloquentiâ, grauitate, sobrietate, hoc est moribus dignis Episcopo præditus) transferret.

Ob id enim ad Castorium, tum suo, tum Alipij nomine, litteras Augustinus dedit: quibus & Maximiani cessionem commendat, Castoriumque obsecrat per Christi diuinitatem & humanitatem, per pacem cælestis illius ciuitatis, vnde peregrinantes labore temporali æternam requiem comparamus; ut in Episcopatu Vagiensis Ecclesiæ, fratri suo non ignominiosè cadenti, sed gloriosè cedenti succedat. *Epist. 238.*

Longè quippe gloriosius est (verba sunt Augustini ad Castorium) Episcopatus sarcinam, propter Ecclesiæ vitanda pericula, deposuisse; quàm propter regenda gubernacula, suscepisse. Ille quippe se honorem, si pacis ratio pateretur, dignè accipere potuisse demonstrat; qui

O o

acceptum

acceptum non defendit indignè. Voluit ergò Deus etiam per fratrem tuum, filium nostrum Maximianum, ostendere inimicis Ecclesiæ, esse in visceribus Christi eius, qui non sua quærant, sed quæ Iesu Christi. Neque enim illud ministerium dispensationis mysteriorum Dei, victus aliqua sæculari cupiditate deseruit, sed pacificâ permotus pietate deposuit: ne propter eius honorem fæda & periculosa, aut fortasse etiam perniciofa, in membris Christi dissensio nasceretur. Quid enim esset cæcius & omni excæcatione dignius, quàm propter Ecclesiæ Catholicæ pacem schisma deferere, & ipsam pacem Catholicam honoris sui quæstione turbare? &c. *eād. Epist.*

S. VIII.

Concilio Mileuitano quadam perperam videri tributa. Proculianum Augustinus prouocat.

PLura alia sunt, quæ ab Augustino diuersis locis relata, ad hanc Synodum pertinere existimat Baronius; sed de quibus Academicum illud potiùs dicendum, Non liquet.

In primis enim, quòd ea verba, quæ habentur Epistolâ 168. *Nam illud quod rursus eum (Proculianum) dixisse nonnulli ad me pertulerunt, cur non ierim Constantinam, quando ibi plures ipsi erant: vel me debere ire Mileum, quòd illic, sicut perhibent, Concilium proximè habituri sunt:* quòd ea, inquam verba, hanc quæ Mileui habita est Synodum respiciant, non crediderim citiùs, quàm aliquam Donatistarum, quæ tum nuper Constantinæ, tum proximè Mileui, celebranda erat. Totius causæ seriem vel ideo hîc adiiciemus, vt pateat quanta scelerum fuerit apud Donatianos impunitas, quàmque apud eos potiùs Romuli pro facinorosis asyllum extiterit, quàm apud Catholicos: quòd tamen his obiecerat Cresconius idèò, quia nullo altero Baptismo redeuntes lustrabantur. Est autem talis:

Corripitur ab Episcopo suo iuuenis, crebris cædibus matris infans, & impias manus nec illis diebus, cùm etiam seueritas legum sceleratissimis parcit, à visceribus vnde natus est, reuocans. Minatur eidem matri, se in partem Donati transiturum: & eam, quam incredibili

dibili furore solet cadere, perempturum. Minatur ei: transit ad partem Donati: rebaptizatur furens, & in maternum sanguinem fremens albis vestibus candidatur: constituitur intra cancellos eminens atque conspicuus, & omnium gementium oculis matricidij meditator, tamquam renovatus opponitur. *Aug. Epist. 168.* Et post pauca:

Quid aliud exspectamus, nisi vt in miseram mulierem senectute decrepitam, viduitate destitutam, à cuius cœdibus in Catholicâ prohibebatur, iam Donatista securus armetur? Quid enim aliud furibundo corde concepit, cùm diceret matri: Transferam me in partem Donati & bibam sanguinem tuum? Ecce iam conscientia cruentus, veste dealbatus, perfecit partem pollicitationis suæ: restat pars altera, vt matris sanguinem bibat. *ead. Epist.*

Sanè ex toto Epistolæ contextu videtur hic iuuenis Hipponensis fuisse: & Augustinus is Episcopus, à quo correptus fuit. Cumque more perditorum, vnguem in vicere suo ferre laud posset; transisse ad Donatistas, quorum Hippone Proculianus Episcopum agebat. Magno igitur animi dolore percussus Augustinus, quid faceret nisi saltem loqueretur? Sed quia Proculianus, sicut erat expertus, litteras eius nolebat accipere; consultum existimauit tam grauem causam per Eusebium agere, virum & clarissimâ dignitate præditum, & considerantissimâ voluntate tranquillum, quique Proculianum diligebat: vt, quandoquidem ei displiceret, quod mater à filio cæsa sit, diceretque, si nosset hoc idem Proculianus, tam nefarium iuuenem à sua communione prohibiturum; id porro faceret. *Epist. 169.*

Interim tam sacrilegum nefas publicis gestis hæere voluit Augustinus, ne quisquam eum, præsertim in aliis ciuitatibus ista deplorantem, fingere aliquid arbitraretur: quando iam eò impudentiæ Donatistæ peruenerant, vt etiam negarent Hippone Proculianum dixisse, quod publicum tamen officium renuntiauerat, nempe, Paratum se esse cum Augustino, sine tumultu populari, denis ex utrâque parte, grauib; & honestis viris adstantibus, secundum Scripturas, quid in vero sit perquirere. Quod ab Augustino acceptatum cùm Proculianus intellexisset, iam quod ante proposuerat defugiens, interrogari iussit, Cur si disputare velit, non ierit Constantinam, quando ibi plures ipsi (Donatistæ) erant: vel non potius eat Mileum, quod illic, sicut aiebat, Concilium proximè habituri sint?

Cui proinde respondit Augustinus; Ridiculum esse istud dicere:

Oo 2

quali

quasi ad se pertineat cura propria, nisi Hipponensis Ecclesiæ. In quâ nimirum transfugio percussoris istius, tantum erat scandalum impunè commissum. Nam cum plura dixisset de futura hac disputatione, quibus præoccupabat Proculiani tergiuersationes, ad extremum subdit: Nulla ergo causa est, cur ad alios nescio quos deferat, ne inter nos, quod ad nos pertinet, peragamus. Nec tamen ut dixi, etiam illos defugio, si eorum ipse poscit auxilium. *Epist. 168.* Puta qui vel Constantinæ conuenerant: vel Mileui erant congregandi.

§. IX.

Præterita Historia continuatio.

CEterùm Eusebius, ut totam hanc historiam quæ contigit tyro-
ne adhuc in Episcopatu Augustino, adeoque ante hunc annum
(qui præfulatûs ipsius septimus circiter erat, ut iam tyro dici haud
posset) eâdem operâ conficiamus: Eusebius, inquam, friuola quæ-
dam causatus, atque id in primis, quod inter Episcopos subire iudi-
cium nollet; (qui nihilominus satis ostendi valeret non solùm id se
posse, sed etiam non auditis partibus, iam nunc protulisse sententiam)
recusauit exequi quod petiuerat Augustinus: signanter, ut quæ-
reret à Proculiano, Vtrum hoc ipse dixisset Victori Presbytero suo,
quod ab eo sibi dictum, publicum officium renuntiauerat? an fortè
qui missi fuerant, non quod à Victore audierant, sed falsum gestis
prosecuti sint: quod cum essent communionis Donatisticæ, temera-
rium erat existimare: quidque illi perinde de disputatione inter eos
constituendâ videretur? denique transfugæ istius & matricidij medi-
tatoris vindictam procurare. *Epist. 169.*

Verumtamen iteratis litteris pressus est ab Augustino Eusebius:
quibus impressè profitetur, tantummodò se velle, ut ista in notitiam
Proculiani deferantur: neque petere se, ut quid de hisce rebus sen-
tiant, aperiat; multò minùs arbitretur, iudicis illi munus à se imponi;
sed id solùm, ut, quid Donatistæ respondeant, dignetur rescribere.
Istum se modum seruare consueuisse, ut quisquis apud Donatistas
propter disciplinam degradatus, ad Catholicam transire voluerit,
in

in humiliatione pœnitentiæ recipiatur : quò & ipsi eum forsitan co-
gerent, si apud eos manere voluisset.

Quapropter ne quam ignorantiam, in castigandis facinorosis Apo-
statis, Proculianus prætexat; rogat, vt & alius quidam ad eum defe-
ratur, qui iam eius iurisdictioni subesse cœperat. Is erat Primus,
quondam Spanianensis Ecclesiæ Subdiaconus: qui, cùm accessu in-
disciplinato Sanctimonialium prohiberetur, atque ordinata & sana
præcepta contemneret, à Clericatu remotus est: seque ad Donatistas,
irritatus aduersus disciplinam Dei transtulit, & rebaptizatus est. Duas
præterea Sanctimoniales concolonas suas, de fundo Catholicorum
Christianorum, idem siue seduxit, siue illum secutæ, etiam ipsæ ta-
men rebaptizatae sunt. Et nunc, inquit Augustinus, cum gregibus
Circumcellionum, inter vagabundos greges seminarum, quæ pro-
pterea maritos habere noluerunt, ne habeant disciplinam, in dete-
stabilis violentiæ bacchationibus superbus exultat: gaudens latissi-
mam sibi apertam esse licentiam malæ conuersationis, vnde in Ca-
tholicâ prohibebatur. Hoc enim fortasse Proculianus ignorat.
Epist. 169.

Quid tandem euenerit, haud scio: quamquam existimem Donati-
stas, tam fuisse tepidos criminorum vindices, quàm erant capitales
Catholicorum hostes, vt in eodem Proculiano postea patuit, & vide-
re licet *l. 3. cont. Cresc. c. 48.*

Vt hoc autem in transitu dicam, longè sanctiùs integriusque cum
ad se conuersis Donatistis Catholici agebant. Cùm enim ad nos ve-
niunt, inquit Augustinus, ex parte Donati; mala illorum non susci-
pimus (quod Catholicos facere Donatistæ calumniabantur) id est
dissensionem & errorem, sed ipsa tolluntur de medio, tamquam im-
pedimenta concordiae: & amplectimur fratres, stantes cum eis sicut
dicit Apostolus, in vnitæte Spiritus, & vinculo pacis. Et agnoscetes
in eis dona Dei, siue sanctum Baptismum, siue benedictionem Ordina-
tionis, siue continentiae professionem, siue consignationem virgi-
nitatis, siue fidem Trinitatis, & si qua alia sunt: quæ omnia etiam si
erant, nihil tamen proderant, quando charitas non erat. Quis autem
verè dicit se habere Christi charitatem, quando eius non complecti-
tur vnitatem? Cùm ergo ad Catholicam veniant; non hic accipiunt,
quod habebant: sed vt prodesse illis incipiat quod habebant,
accipiunt hoc quod non habebant. *Epist. 223.* Videri quoque

O o 3

potest.

potest. libro de Vnit. Eccl. cap. 21. & 22. & libro 2. cont. Petil. c. 107. libro 2. contra Crescon. cap. 12. & 13.

S. X.

*Neque Abundantijs presbyteri causam spectare
ad Synodum Mileuitanam.*

Aliud præterea ad hanc Synodum Mileuitanam pertinere Baronius existimat, causam nimirum Abundantijs Presbyteri, quem officio sui presbyterij Augustinus priuauerat: ob malam in primis quam gerebat famam, ac deinde malæ conuersationis certa indicia. Causa, narrante Augustino, sic habet.

Primò comperi eum pecuniam cuiusdam rusticani, diuino apud se commendato interuertisse: ita ut nullam inde posset probabilem reddere rationem. Deinde conuictus atque confessus est, die ieiunij Natalis Domini, quo etiam Gippitana Ecclesia, sicut ceteræ ieiunabant; cum tamquam perrecturus ad Ecclesiam suam, valescisset Collegæ suo Presbytero Gippitano, horâ fere quintâ; & cum secum nullum clericum haberet; in eodem fundo restitisse, & apud quamdam malæ famæ mulierem & prandisse & cœnasse, & in vna domo mansisse. In huius autem hospitio iam quidam Clericus noster Hipponensis, remotus erat: & hoc quia iste optimè nouerat, negare non potuit. *Epist. 236.*

Verum quidem est, hæc Xantippo Seni, siue Primati, Augustinum indicare, ne aliqua illi fallacia subreperet. Adicere deinde, si fortè iudicibus Ecclesiasticis aliud videatur, quàm sibi visum fuerit in hac causâ; quia sex Episcopis eam terminare Concilio statutum erat: nihilominus timere se, talibus quamlibet plebem committere: præsertim quos nulla bona fama defendit. Hæc, inquam, fateor narrare Augustinum: sed quoniam dicit se Presbyteri causam audiuisse, cum centum dies essent ad Dominicum Paschæ, qui futurus erat octauo Idus Aprilis: tum quia rogat Xantippum, ut, si Presbyter Abundantius intra annum causam suam, si fortè aliquid sibi agendum putet, agere neglexerit, deinceps eius vocem nemo audiat: inquirendum

dum est, utrùm eo anno, quo hæc Synodus Mileuitana mense Augusto finiente haberi cepta est, Dominicus Paschæ inciderit in octauum Idus Aprilis? Imò vt inciderit, sicuti incidit reuera; vel ante Synodum has litteras ad Xantippum dedit Augustinus, vel post. Si ante; quomodo ait, sex iudiciis Ecclesiasticis causam Presbyteri terminare, Concilio esse statutum? Si post; equidem liquet, de Synodo Mileuitana huius anni loqui haud potuisse.

§. XI.

Neque ad Synodum Mileuitanam pertinere disceptationem inter Xantippum & Victorinum.

IN eadem denique Synodo, placuit omnibus Episcopis qui subseripserunt, vt Matricula & Archiuus Numidiæ & apud primam sedem sit, & in metropoli, id est, Constantina. *Concil. African. cap. 53.* apud Baronium. Qui existimat hac constitutione Patres definire voluisse, altercationem duarum Sedium in Numidiâ: quarum vnâ Xantippus tenebat, alteram Victorinus, quique perinde de primatu inter se certabant, vt patet ex Augustino, *Epist. 217.* aduentum præsentiamque suam excusante.

Vt enim hic breuiter dicam quod sentio; fateor in primis, mendum esse in dictâ Augustini Epistola, vbi Xantippus dicitur esse Tagastensis (puta Episcopus) cum per id tempus eam sedem tenuerit Alipius. Deinde, quod corrigit Baronius Constantinensis, stare non potest, si Constantina eadem sit quæ Cirta, vt supra ex Grauiò diximus, rerum Donatistarum peritissimo: vt magnopere dolendum sit, Commentarium, quem toties pollicebatur in Annotationibus ad Tomum VII. Augustini, occupante morte absolueri non potuisse; quando aliquot eius capita in Aduersariis reperta, quæ CLV. Valerius Andreas, I. V. Doctor & professor Regius Louani, Bibliothecarius Academiæ, suppeditauit, plurimum me iuuerunt. Grauiò adhibetur Petrus Montanus, qui ad l. iv. Ptolomei c. 3. Cirtam & Constantinam, æquipollentia appellat.

Nam vt videas Xantippum, Constantinensem siue Cirtensem Episcopum

scopum tunc non fuisse, facit Augustini testimonium: qui cum à quadriennio contra Petilianum scriberet, eius loci Episcopum Fortunatum nominat, sub titulo Constantinienſis: *l. 2. cont. Petil. c. 99.* & sub nomine Cirtensis, *l. de vn. bapt. c. 16.* qui tantum abest vt iam obierit; vt etiam octo post hæc annis, interfuerit Collationi Carthagenſi, cuius non arbitror Acta aut Baronio, aut Grauiſo viſa fuiſſe.

Ex quibus perinde patet, quænam ad istam Synodum cauſæ allatæ ſint, etiamnum ignorari: pariterque hæc quæ ex Auguſtino adduximus, quorſum pertineant.

CAPUT IV.

DONATISTARVM REPETITA
RABIES.

S. I.

*Inſidiæ Episcopis iter agentibus, & ſignanter
Auguſtino poſitæ.*

Anno
403.

HAc tempeſtate Circumcelliones, in Catholicos sædè graſſati ſunt, vt euidenter colligitur ex *Epist. 68.* Nam priuſquam recentiores Honorij leges, de quibus paullo poſt, veniſſent in Africam; inſidias in itineribus, Episcopis Catholicis tetenderunt: Clericos plagis immaniſſimis quaſſauerunt: laicis quoque & plagas grauiffimas inſlexerunt, & intulerunt eorum ædificiis incendia. *ibidem.*

Inter Episcopos inſidiis petitos Auguſtinus ipſe fuit: contra quem armatos Circumcelliones, vias obſediſſe, dum fortè iret rogatus ad viſitandas inſtruendaſque, & exhortandas Catholicas plebes (quod frequentiffimè faciebat) proditum eſt à Poſſidio. *cap. 12.* Quomodo euaserit, operæ pretium eſt ipſius Auguſtini verbis àudire.

Non-

Nonnullis errare profuit aliquando, sed in viâ pedum, non in viâ morum. Nam nobis ipsis accidit, vt in quodam biuio falleremur, & non iremus per eum locum, vbi, opperiens transitum nostrum, Donatistarum manus armata subfederat. Atque ita factum est, vt eò quò tendebamus, per deuium circuitum veniremus, cognitisque insidiis illorum, nos gratulareremur errasse: atque inde gratias ageremus Deo. *l. Enchirid. cap. 17. Possid. cap. 12.*

§. II.

Aliquammulti à Donatistis casi & sauciati.

Marcus Presbyter Casphalianensis, à nemine coactus, propriâ voluntate, hoc circiter tempore Catholicus factus erat. Ea propter Donatistæ illum persecuti sunt, & penè occidissent; nisi Dei manus per homines superuenientes, violentias eorum compressisset. *Epist. 166.* Martianus Vrgensis, Catholicam vnitatem propriâ voluntate delegit. Quare subdiaconum eius, cùm ipse fugisset, propè vsque ad mortem casum Clerici Donatistarum lapidibus obruerunt: quorum domus pro scelere euersa sunt. *ibidem.*

Restitutus quidam in regione Hipponensi, Donatistarum Presbyter fuerat: qui cùm ad Catholicam pacem, veritatis ratione permotus, manifesta voluntate transisset; e domo sua raptus est à Clericis & Circumcellionibus: luce palàm in castellum proximum ductus, & multitudine spectante, nihilque resistere audente, ad furentium arbitrium fustibus casus, in lacuna lutulenta volutatus, amictu iunceo dehonestatus: posteaquam satis excruciauit oculos dolentium, ridendumque satiauit; inde ductus ad alium locum (quò nemo Catholicorum audebat accedere) duodecimo die vix dimissus est.

Augustinus, in cuius hoc Diœcesi contigerat, Donatistarum Hipponensi Episcopo Proculiano conquestus est, municipalibus siue publicis gestis; ne si quid agere esset necesse, negaret ad se fuisse perlatum. Quid verò Proculianus? Primùm ab inquirenda causâ dissimulauit: iterumque conuentus, nihil se dicturum amplius, gestis expressit. *l. 3. cont. Cresc. cap. 48. Epist. 38.*

Pp

Quare

Quare tantum abest vt huius facinoris auctores aliquando puniti sint; quin potius cum essent Clerici, Presbyteri sint effecti: in eo gradu Catholicos insuper territantes, & sicut poterant persequentes. *Epist 68.*

Adeo autem, quotquot ad Catholicos accedebant, Donatistæ persequerantur; vt multi vel ideo non venirent, quia persecutionem ab eis pro veritate perpeti metuebant. *l. 3. cont. Crescon. cap. 48.*

§. III.

Causa tanti Donatistarum furoris.

CUr furorem autem suum liberiùs nunc diriusque laxarent, hæc erat causa: quod cum receptos ab eis Maximianenses, quos damnauerant, Catholici palàm cognouissent; & id quaquaversum poterant, iuxta Carthaginensis Synodi decretum, feruenti instantia diffamarent: Donatistæ rebus tam recentibus, & tantâ manifestatione clarentibus, quid respondere possent non inuenientes; solito crebriùs & audaciùs, Circumcellionum violentiis, turbisque furentibus, Catholicos à prædicandâ veritate, suaque fallaciâ conuincendâ, deterrere cœperunt. *libr. 3. cont. Crescon. cap. 45.* Inde tot insolentiæ & cædes.

CAPVT

CAPVT V.

DONATISTÆ A CATHOLICIS
EPISCOPIS AD AMICAM COLLA-
TIONEM INVITATI.

§. I.

*Aliud Carthaginense Concilium in quo decerni-
tur conueniendos Donatistas.*

IAm verò quia multi, erroris Donatistarum laqueis implicati, quo-
ties cum eis vt inde liberarentur Catholici agere consueuerant, re-
spondebant, Hoc eos cum Episcopis suis agere debere: collationem
partis vtriusque se vehementer optare; vbi possent videre, quibus assen-
rentibus superaret veritas falsitatem: *l. 3. cont. Crescon. cap. 45.* Cùmque
pridem ab vrbe Romæ legati rediissent, qui ad Patrum Carthaginen-
sium nuperas preces, Anastasij Papæ assensum attulerant, vt suprâ me-
morauimus; Concilium generale Carthagine Aurelius indixit, octauo
Kalendas Septembris, Theodosio & Rumorido Coss.

Interfuerunt ex omnibus Africæ Prouinciis (id est ex Bizacenâ,
Mauritanâ Sitiphenfi, Mauritanâ Cafariensi, & Tripolitanâ) Lega-
tiones: quæ licet mitti ex Numidiâ non potuit, ob tumultuantes in
ea Tyrones; præsentibus nihilominus fuerunt, Alipius, Augustinus, &
Possidius.

Hic quid actum decretumque sit, aperit Concilium Carthaginense
VII. canone 58. 59. & 60. Nempe, Vt Catholici Episcopi, regionis
quisque suæ Donatistas conuenirent, & ad amicam collationem inui-
tarent; vt compositis, quæ inter ipsos erant, controuersis, Ecclesiæ pax
& vnitas sarciretur, dequæ inita concordia omnes in commune gau-
derent.

Eadem, pauculis immutatis, Augustinus repetit his verbis: Facto
P p 2 Concilio

Concilio placuit, vt pacificè conueniremini, quò si fieri posset, haberetis inter nos collationem, & errore sublato, fraterna charitas pacis vinculo lætaretur. *Epist. 68. plura lib. 3. cont. Cresc. cap. 45.*

Est & in eodem Concilio præscripta formula petendæ Collationis. Quid igitur? factum est: conuenti sunt: recusarunt. Quibus verbis, quo dolo, maledictione, amaritudine plenis, nunc longum est demonstrare. *eod. l. & c.*

§. II.

*Conuenitur à Possidio Crispinus: atque huius
frivola responsio.*

INterea Crispinus Calamensis Episcopus Donatistarum, à Possidio in eadem ciuitate apud Acta conuentus, ad Concilium eorum primò distulerat; pollicens cum collegis suis ibi se visurum, quid respondere deberet. Deinde post non paruum tempus, repetitâ conuentione, rursus apud Acta respondet, (Cyprianum vt apparet imitari gestiens, libri ad Demetrianum initio.) *Verba viri peccatoris ne timueris. Et iterum: In aures imprudentis, caue ne quidquam dixeris, ne cum audieris, irideat sensatos sermones tuos. Postremò: Hanc responsionem meam, Patriarchali sermone definitio: recedant à me impij: vias eorum nosse nolo. l. 3. cont. Cresc. c. 46.* Atque ita Crispinus apud Acta, vesica potiùs quàm homo.

Quamobrem prosequitur Augustinus: Hanc eius responsionem cum docti indoctique riderent: quippè hominis dicentis, Verba viri peccatoris se non timere, cui respondere minimè auderet: & In aures imprudentis nolle se aliquid dicere, quasi aliquod secretum fuerit imprudentis auribus temerè commissurus, cum ea quæ diceret, multi possent prudentes audire, qualium causâ & Dominus Christus tanta Pharisæis, quamuis imprudentibus, loquebatur: & Nolle se nosse vias impiorum, quasi vias suas eum docere vellent, quos impios putabat; ac non potiùs ipse, si teneret vias Dei, etiam impios docere deberet, sicut scriptum est, Docebo iniquos vias tuas, & impij ad te conuertentur, &c. *eod. l. & c.*

§. III.

S. III.

Crispini in Possidium violentia per suos.

Cum ergo facile intelligeretur ab omnibus, quàm nihil ad rem faceret ista Crispini responsio, imò quàm esset maledica & amara: adeoque palàm appareret, quantum doctissima eius, ut ferebatur, annositas vinceretur à veritate, quando cum tyrone Possidio congregi formidabat: non ex Scripturis aut ratione manu confectum, sed ferro & plagis victoriam repetiit.

Post paucos dies iter agenti Possidio ad fundum Figulinensem, ut pauci qui illuc erant visitarentur, & audito verbo Dei, ad unitatem Christi qui vellent converterentur; alius Crispinus prioris Presbyter, & ut dicebatur, propinquus, more latronum tetendit insidias armatorum: in quas penè iam Possidius inciderat, nisi eis prospectis atque nuntiatis, ad fundum Liuetensem fugiens, diuertisset: ubi ille nihil auderet, vel non prævaleret, vel si quid etiam fecisset, negare non posset.

Quo comperto, continuò consecutus est, tantà cæcus insanià, ut iam latere turpe arbitraretur. Tunc domum, in qua cum suis se Possidius incluserat, sepius armatis, lapidibus circumtundere, ambire flammis, aditum ex omni parte moliri. Quæ verò aderat incolentium multitudo, memor periculi sui, si in eo loco aggressum tantum facinus impleteretur; partim illum deprecabatur ut parceret, quem resistendo non audebat offendere; partim verò ignes suppositos exinguebat: Id enim usque tertio fecerunt: cum tunc interim Crispinus nihilo segniùs cæptis feruidus atque inexoratus instaret; cessit aliquando ictibus ianua: ingressi sunt: sauciatique cæde iumentis, quæ in inferiore domus parte compererant, de superioribus Episcopum deposuerunt, afficientes plagis & contumeliis.

Ubi, ne grauiùs læuirent, intercessit ipse Crispinus, velut aliis rogantibus flexus: quorum non tam videbatur in irâ suâ curare deprecationem, quàm in facinore testimonium formidare.

Hæc posteaquam nota facta sunt in oppido Calamensi, expectaba-

Crispinus Episcopus quemadmodum in suum Presbyterum vindicaret. Accessit etiam protestatio, municipalibus gestis expressa: cuius vel timore, vel pudore cogeretur exercere Ecclesiasticam vindictam. Quod cum omninò contemneret: tantusque fieret Donatistarum tumultus, ut, quia veritati prædicandæ respondere non poterant, itinera claufuri putarentur, imò verò iam etiam cernerentur; Leges (quæ non deerant, sed quasi deessent, in Catholicorum manibus quiescebant) aduersus Crispinum Episcopum commotæ sunt: magis ut Catholica mansuetudo demonstraretur, quàm ut Donatistarum puniretur audacia. l. 3. *contra Crescon.* c. 46. & 47. *Epist.* 166.

§. IV.

*Congressus Possidij & Crispini. Victor Possidius:
damnatur Crispinus.*

Augustino igitur omnibus modis instante, ad controuersie discussionem ambo ipsi Calamenses Episcopi venerunt, Catholicus Possidius, & Crispinus Donatista: & de communione ipsâ tertio cōflictu simulegerunt, magnâ populorum Christianorum multitudine causæ exitum & apud Carthaginem, & per totam Africam expectante: eo successu, ut Crispinus Proconsulari & libellari sententiâ sit pronuntiatus hæreticus. Verumtamen pro illo apud Cognitorum, Catholicus Episcopus intercessit: & ne auraria multa exigereetur, ei est beneficium impetratum, ut testatur ipsemet Possidius *cap.* 12. sed suo nomine (quod Augustinus prodidit) suppresso: tantæ modestiæ fuit.

Hâc interim mitissimâ sententiâ non contentus Crispinus; nescio quo consilio (quod displicuisse Donatistis omnibus ferebatur) ad filios Theodosij, qui decem librarum auri multam in hæreticos constituerat, prouocandum putauit: ut excitaret vniuersæ parti Donati, quod solus perpeti nec volebat, nec cogebatur; potius quàm vnius sui Presbyteri audacissimum & inuidiosissimum facinus, solâ degradatione puniret. l. 3. *cont. Crescon.* cap. 47. & 48. Quid hanc prouocationem consecutum sit, mox dicemus.

§. V.

§. V.

*Tentat idem cum Proculiano Augustinus: sed
detrēctat Proculianus.*

QUOD Possidius Calamæ fecerat cum Crispino, tentavit Augustinus facere cum Proculiano Hipponē: quem testabatur Euodius alicubi dixisse, paratum se bonis viris sedentibus, collatione agere. Scripsit ad illum Augustinus, petiuitque ut sedentibus, quos ipse Proculianus delegerit (dummodò verba utrimque non inaniter ventilentur, sed stylo excipiantur: ut & tranquillius & ordinatius disserant, & si quid fortè ab eis dictum de memoria lapsum fuerit, recitatione reuocetur) rem tam magnam, & ad salutem omnium pertinentem, cum concordia requirant.

Aut sanè nullo medio interposito, prius inter se siue per epistolas, siue per colloquutionem atque lectionem, ubi Proculiano placuerit, conferant: ne fortè intemperantes nonnulli auditores malint eorum expectare certamen, quàm de communi salute in eorum colloquutione cogitare: ut quod fuerit inter eos terminatum, postea per eos ipsos populus nouerit. Aut si per epistolas agi placet, ipse plebibus recitentur: ut aliquando non plebes, sed plebs vna dicatur. Prorsus sicut volueris, inquit, sicut iusseris, sicut tibi placuerit, libenter amplector: & de animo beatissimi & venerabilis mihi Patris Valerij, nunc absentis, totà securitate polliceor, hoc cum cum magnà laetitià cogniturum. *Epist. 147.*

Eiuscemodi verbis Proculianus, quem in fronte & calce litterarum, Dominum honorabilem & dilectissimum vocauerat, tametsi fibras corneas habuisset, adduci sanè in collationem debuisset: modò quid ei fiduciæ fuisset in Donatismo repositum. Verumtamen nihil vltra respondit suo suorumque nomine, quàm quòd Concilium facturi essent, illicque visuri quid respondere deberent. Deinde postea, cum propter suam promissionem denuò conuentus esset; pacificam collationem prorsus recusauit: ut ipsa Acta gestaue testari asserunt Clerici Hipponenses. *Epist. 68.*

§. VI.

S. VI.

Idem sed frustra, faciunt alij Episcopi.

Sed neque aliud opinor quàm hîc Proculianus, ceteri Donatistarum Episcopi, inuitati ad colloctionem mutuam, fecerunt: quod eis exprobrans Augustinus, ait: Nihil in nos aliquando probare potuistis. Vestri Episcopi conuenti à nobis, numquàm nobiscum pacificè conferre voluerunt, quasi fugientes cum peccatoribus loqui. Quis ferat istam superbiam? Quasi Paullus Apostolus non contulerit cum peccatoribus, & cum valde sacrilegis. Legite Actus Apostolorum & videte. Quasi ipse Dominus non cum Iudæis, à quibus crucifixus est, sermones de lege habuerit, eisque congruenter responderit. Postremò diabolus est primus omnium peccatorum, qui conuerti ad iustitiam numquam poterit: & tamen nec ipse Dominus de lege dedignatus est ei respondere: vt intelligatis, istos ideo nobiscum nolle conferre, quia causam suam perditam norunt. *Epist. 166.*

Igitur vt ante dixerat ibidem, Quid vobis vultis faciamus: qui, quando vobis dicimus, vt causam nostram & vestram patienter audiat, non nostis nisi superbire & insanire? *eâd. Epist.* Vnde & minas addebant, dicentes: Recedite à plebibus nostris, nisi vultis vt interficiamus vos. *ibid.* Nam quantum Donatistarum Antistites collationem omnem auersabantur; tantum eam populus desiderabat: vt idcirco ægrè ferrent, si Catholici Episcopi miscerent cum plebe sermones.

Interclusâ igitur Collationis viâ, litteris tû priuatis tum publicis, quæ etiamnum exstant, studuit Augustinus Donatistas vniuersim, tam summos quàm infimos ad vnitatem Ecclesiæ reducere: vt dum coràm disputare aut colloqui nollent, saltem priuatim litteris responderent. Enumerat hæc Litteras Possidius. *Indic. cap. 3.* nos suprà meminimus: & singularis est Epistola 162.

CAPVT

CAPVT VI.

PELAGIVS INNOTESCIT.

§. I.

Quis, qualis Pelagius, & Celestius?

Eodem hoc anno Pelagius cum Celestio doctrinæ suæ pestilentiam spargere cœpit. *Onuph. in Chron.* Vnde Augustinus ipse: Pelagianorum, inquit, est hæresis hoc tempore omnium recentissima, à Pelagio Monacho exorta: quem magistrum Celestius sic secutus est, ut sectatores eorum, Celestiani etiam nuncupentur. *l. de hæres. bær. 88.* Quapropter non immeritò Pelagium Celestiumque, Goliath cum armigero suo appellat Auctor Apologetici pro lib. arbitrio.

Ambos è Britannia prodisse certum est: ut non vno loco testatur Prosper, qui nunc Colubrum Britannum, nunc Auctorem Britannum Pelagium vocat, & Britannicum Auctor loco cit. sicut Britonem Augustinus, ut ab altero Pelagio distinguat, cui Tarenti cognomen: *Epist. 106.* Genere fuit obscuro, ut apparet ex Apologetici Auctore, qui dum eum sugillat, quòd scribens ad Demetriadem puellam sacram & sanctam, mulieris Ægyptiæ Iosephum sollicitantis ad stuprum inopportunam historiam, obscenissimo sermone contextuisset; hæc subdit: Quamquam hoc, quòd neque aptè, neque decorè dicitur, tibi imputare non debeamus, cui neque natales dederunt ut honestioribus studiis erudireris, neque naturaliter prouenit ut sciperes: sed illis dictatoribus tuis, qui miserum sensum miserrimo sermone conscribunt, & te legendum cachinnis, quasi titulum confusionis, exponunt. *Apol. pro lib. arbit.*

Quandoquidem verò quotquot eius meminerunt, Monachum fuisse affirmant, qui tum plerumque laici erant; consecrarium est nullo Ecclesiastico Ordine insignitum fuisse: alioquin ab eis vocandus Presbyter,

Qq

Diaconus.

Diaconus, &c. Incertum autem è quo Monasterio prodierit: dum alij Hibernico, ad sinum Fergusij sito; alij verisimiliùs Britannico prope Cestriam, quorum vtrumque Bonchorium vocabatur, adscribunt. *Camden.*

Sanè in Monasterio Bonchoriensi Britanniae, antiquissimo & celeberrimo, tantus fuit Monachorum numerus, vt cum in septem portiones cum praepositis sibi rectoribus diuisum esset; nulla harum minùs quàm trecentos homines haberet, qui omnes de labore manuum suarum viuere solebant. *Beda:* Destructum est irrumpentibus in Britanniam Normannis: testaturque vicinus illorum temporum Malmesburienfis, tot ibi superfuisse antiquitatis indicia, tot semirutos parietes Ecclesiarum, tot amfractus portarum, tantam turbam rudenum, quantam vix alibi cernas.

De Hibernico similiter agens Bernardus: Monasterium, ait, nobilissimum extiterat ante, sub primo patre Congello, multa millia Monachorum generans, multorum Monasteriorum caput. *in vita S. Malach.*

Quamquam fortasse non sit egressurus Historiae curriculum, qui in Palaestina alicubi vel Aegypto, vbi frequens fuit, Monachum induisse Pelagium dixerit, propter hæc quibus inconstantiam ipsius, & gulæ ventrisque studium, Isidorus Pelusiota castigat: Rigidum atque inflexum animum habes, ex alio ad aliud Monasterium subinde migrans, atque omnium mensas perscrutans atque explorans. Quamobrem si tibi carni nidor, atque obsoniorum condimentum curæ est; iis qui Magistratum gerunt, potius blandire, atque vrbium caminos vestiga. Neque enim homines Eremitæ facultates eas habent, vt te, quemadmodum tibi gratum est, excipere valeant. *l. 3. Epist. 314.*

Sanè Pelagium, cibi potùsque delicias, ceterasque corporis commoditates, cum hæresin suam parturiret, nimiooperè fuisse sectatum, fidem liquidò facere possunt, quæ Apologeticus habet, qui hominem in Palaestina norat; dum ait: Agnus Dei, filius Dei, vt accipiat librum de manu patris, præfert stigmata passionis: non iudicans perperatam, nisi in morte atque in resurrectione victoriam: & Anamarticus meus, venire sibi posse perfectionem vitæ immaculatæ, manducanti, bibenti, dormienti que confirmat? *Apol. pro lib. arbit.* Et paullo pôst: Vnde fieri potest, vt iudicio suo se arbitretur, spiritu

ritu sapientiæ refertum, præcipuè cum dicat, facilia Dei esse manda-
ta: & spiritu timoris Dei cohonestatum, qui post multam crapu-
lam nouissimè expergefactus, adiungit, posse hominem sine peccato
esse? *ibidem.*

Atque hinc, quod sequi solet, vastum corpus traxisse secum vide-
tur, significante eodem, dum ait: Sed tibi specialis inde portandi
oneris tortasse fiducia est, quod balneis epulisque nutritus, latos hu-
meros gestas, robustamque cervicem: præferens etiam in fronte pin-
guedinem, sicut scriptum est: Tetendit enim aduersus Deum manum
tuam, & contra Omnipotentem roboratus est: eucurrit aduersus eum
erecto collo, & pingui ceruice armatus est. *Apol. pro lib. arb.*

Porro Celestium, ne quid à Magistro suo degeneraret, ex caussis
opinor iisdem, abnormi corpore, lataque aluo fuisse, indicat Hiero-
nymus dum ait: Latrat (Pelagius) per Alpinum canem (Celestium)
grandem & corpulentum: habet enim originem Scoticæ gentis de
Britannorum vicinâ. *Præfat. in l. 3. in Hieron.*

§. II.

Eorum ingenia, & hypocrisis.

QUod eorum spectat ingenia, quibus à se excogitata dogmata
tuerentur, tametsi Hieronymus sæpe deprimat, Augustinus vo-
cat magna & acuta: *Epist. 106.* fortissima & celeberrima: *l. de nat. & grat. c. 6.* & quamuis nefando errore peruersa, non tamen contemti-
bilia: *l. 2. cont. duas Epist. Pelagianor c. 3.* ipsumque Pelagium, acutissi-
mum: *l. de nat. & grat. c. 35.* Celestium, hominem acerrimi ingenij.
l. 2. cont. duas Epist. Pelag. c. 3.

Quod conuersationem vitæque modum attinet: Nec tales sunt, in-
quit, quos faciliè contemnas; sed continenter viuentes, atque in bo-
nis operibus laudabiles. *Epist. 120. c. 37.* quod de Pelagianis dici, col-
ligitur ex fine periodi: tametsi more hypocritarum, speciem & lar-
uam virtutis potiùs, quàm ipsam habuerint virtutem, vt Iuliano re-
ponebat Augustinus, his verbis: Dolus est in ore vestro, siue peccato-
res vos esse dicatis, & iustos credi velitis: siue profiteamini perfectio-

nem iustitiæ, quam profectò in vobis non esse sentitis. Item : Dolus abundat in ore vestro. Vbi enim virtus non est, & tanta iactantia est, hypocrisis est : & vbi hypocrisis, utique dolus. *l. 2. cont. Iul. c. 8.* Videndus *l. 3. eiusdem operis c. 20. & seqq.* Vbi Iuliani præconium libidinis exagitat, quam præco ipse expugnare nihilominus debebat : quod utrùm fecerit, & laudabilem hostem habuerit, viderit Iulianus.

S. III.

Pelagij ac Celestij errores & hæreses.

HI duo igitur, Gratia Dei (quâ prædestinati sumus in adoptionem filiorum, per Iesum Christum in ipsum; & quâ eruimur de potestate tenebrarum, ut in eum credamus, atque in regnum ipsius transferamur, propter quod ait, *Nemo venit ad me, nisi fuerit ei datum à Patre meo;* & quâ diffunditur charitas in cordibus nostris, ut fides per dilectionem operetur) in tantùm erant inimici, ut sine hac crederent hominem posse facere omnia diuina mandata : cùm, si hoc verum esset, frustra Dominus dixisse videretur, *Sine me, nihil potestis facere. l. de hæres. har. 88.* Quapropter hoc suum dogma, increpatus à fratribus Pelagius, quòd nihil tribueret adiutorio gratia Dei ad eius mandata facienda, mitigavit : ut eam non libero arbitrio præponeret, sed callidè supponeret, dicens, ad hoc eam dari hominibus, ut quæ facere per liberum iubentur arbitrium, faciliùs possint implere per gratiam. Quod dicendo (*ut faciliùs possint*) voluit credi, etiamsi difficiliùs, tamen posse homines sine gratiâ diuinâ, facere iussâ diuina.

Porro Dei gratiam sine qua nihil boni possumus facere, nihil esse dicebant præter liberum arbitrium, quod, nullis suis præcedentibus meritis, ab illo accepit nostra natura : ad hoc tantum existimantes Deum adiuuare per suam legem atque doctrinam, ut discamus quæ facere, & quæ sperare debeamus : non autem ad hoc, ut quæ didicerimus esse facienda, per donum Spiritus sancti faciamus. Et quidem hoc pacto, diuinitus nobis scientiam dari confitebantur, quâ ignorantia pellitur : sed charitatem dari negabant, quâ piè viuatur : ut scilicet cùm sit Dei donum scientia, quæ sine charitate inflat; non sit Dei donum ipsa charitas, quæ, ut scientia non inflat, ædificat.

Destruere-

Deſtruebant etiam Orationes, quas facit Eccleſia, ſive pro infidelibus & doctrinæ Dei reſiſtentibus, vt conuertantur ad Deum; ſive pro fidelibus, vt augeatur in eis fides, & in eâ perſeuerent. Hæc quippe non ab ipſo accipere, ſed à ſeipſis homines habere contendunt: dicentes Gratiâ Dei qua liberamur ab impietate, ſecundum merita noſtra dari. Quod quidem Pelagius in Episcopali iudicio Palæſtino, damnari metuens, damnare compulſus eſt: ſed in poſterioribus ſuis ſcriptis, hoc inuenitur docere.

In id etiam progrediebantur, vt dicerent, Vitam iuſtorum in hoc ſæculo nullum omninò habere peccatum: & ex his Eccleſiam Chriſti in hac mortalitate perfici, vt ſit omninò ſine maculâ & rugâ: quaſi non ſit Chriſti Eccleſia, quæ in toto terrarum orbe clamat ad Deum, Dimitte nobis debita noſtra.

Paruulos etiam negabant ſecundum Adam carnaliter natos, contagium mortis antiquæ primâ natiuitate contrahere. Sic enim eos, ſine villo peccati originalis vinculo aſſerebant naſci, vt proſus non ſit, quod eis oporteat ſecundâ natiuitate dimitti: ſed propterea baptizari, vt regeneratione adoptati, admittantur ad regnum Dei, de bono in melius translati, non iſtâ renouatione ab aliquo malo obligationis veteris abſoluti. Nam etiamſi non baptizentur; promittebant eis extra regnum quidem Dei, ſed tamen æternam & beatam quamdam vitam ſuam.

Ipſum quoque Adam dicebant, etiamſi non peccaſſet, fuiſſe corpore moriturum: neque mortuum merito culpæ, ſed conditione naturæ.

Obiiciuntur eis & alia nonnulla, ſed iſta ſunt maximè, ex quibus intelliguntur etiam illa, vel cuncta, vel penè cuncta pendere. *l. de hæreſ. hæ. 88.*

Hos errores hæreſesque, ſimul atque in vulgus ſpargi ceperunt, non quidem libris conſcriptis, ſed ſermonibus & colloctionibus (vti debebat & poterat) conuellere Auguſtinus aggreſſus eſt: donec miſſis ſibi ab Carthagine quaſtionibus reſpondit (vti poſt dicemus) eademque opera neceſſarium duxit, Pelagianam hæreſin oppugnare. *l. 2. Retract. c. 33.*

CAPVT VII.

LEGES HONORII CONTRA
DONATISTAS.

§. I.

*Catholici Legationem ad Honorium
decernunt.*Anno
404.

Q Voniā autem Crispinus Calamensis à Proconsulari sententiā, quā propter hæresin denis auri libris multatus erat, ad Imperatorem prouocauerat, vt mox dictum est: auctoritate Synodi Carthaginensis (habitæ sexto Kalendas Iulias, Honorio v i. & Aristineto Coss.) ad Honorium decreta legatio est, proficiscentibus Theasio & Euodio.

Mandatum Legatis, de renouandis Theodosij Legibus pecuniariis contra hæreticos, quas Crispinus prouocatione suā frustrā facere conabatur: deque tollendā facultate, siue ex donationibus, siue testamentis capiendi aliquid vel relinquendi: quarum Legum contra hæreticos olim latorum meminit Augustinus l. i. cont. Parm. c. 12. & Epist. 48. Exponerent deinde, mutuā pacificāque Collatione (quam schismati tollendo, ex mandato Anastasij Papæ, Catholici Episcopi indixerant) nihil esse effectum: interea furorem Donatistarum accipere indies robur & audaciam, neque parcere vlli hominum ordini, tametsi legibus atque edictis sæpenumerò repressum. Meminit huius Legationis Augustinus Epist. 50. & 68.

§. II.

§. II.

Preces Legatorum mitigat Augustinus.

Sed quoniam in annum sequentem Legatorum ad Comitatum profectio dilata est; preces quas ad Imperatorem contra Donatistas deferrebant, Episcopi Catholici, auctore praesertim Augustino (vt patet eadem Epistola 50) ita mitigarunt: vt quamuis Donatistarum rabies vsquequaque saeuiret, non tamen peteretur ab Imperatoribus, vt ipsam haeresin iuberent omnino non esse, poenam constituendo eis qui in illa esse voluissent; sed hoc potius constituerent, vt eorum furiosas violentias non paterentur, qui veritatem Catholicam vel praedicarent loquendo, vel legerent constituendo.

Id eo modo fieri aliquatenus posse arbitrabantur, si legem piissimae memoriae Theodosij (quam generaliter in omnes haereticos promulgauit: vt quisquis eorum Episcopus vel Clericus, vbi libet esset inuentus, decem libris auri multaretur) expressius in Donatistas, qui se negabant haereticos, ita confirmarent; vt non omnes ea multa ferirentur, sed in quorum regionibus aliquas violentias à Clericis vel à Circumcellionibus, vel populis eorum, Ecclesia Catholica pateretur. Vt scilicet post protestationem Catholicorum, qui fuissent illa perpassi; iam cura ordinum ad persoluendam multam, Episcopi siue ministri ceteri tenerentur. Ita enim existimabant territis Donatistis & nihil tale facere audentibus, posse liberè doceri, & teneri Catholicam veritatem, vt ad eam cogeretur nemo, sed eam qui vellet sine formidine sequeretur: ne falsos & simulatores Catholicos haberent. *Epist. 50.*

§. III.

Donatista iterum sanguinarij.

INtereaverò dum Legati iter suum vel ex causâ differunt, vel nauigandi tempestatem commodam opperiantur; in cædes & violentias Episcoporum, qui mala multa perpeffi sunt & à suis sedibus exturbati, Donatistarum audacia erupit.

Episcopus Catholicus à Thubursicubere, Seruus nomine, cum à Donatistis inuasum locum repeteret, & vtriusque partis Procuratores Proconsulare præstolarentur examen: repente sibi in oppido memorato armatis eis irruentibus, vix viuus aufugit. A quibus pater eius, Presbyter ætate & moribus grauis, eâ cæde, quâ vehementer afflictus est, post paucos dies excessit è vita.

Maximianus, Episcopus Catholicus Bagaiensis, dictâ inter partes apud ordinarium iudicem sententiâ, Basilicam fundi Caluiensis, quam Donatistæ illicitè aliquando inuasam vsurparant, euicerat. Hanc cum iure perspicuo retineret; in eâ ipsâ stantem ad Altare irruentes, sub altari quò confugerat, fustibus & eiusmodi telis, lignis denique eiusdem altaris effractis immaniter cæciderunt, pugione etiam percusserunt in inguine: quo vulnere sanguis effluens eum exanimem reddidisset, nisi illi ad vitam maior eorum sæuitia profuisset. Nam cum membris ex ea parte nudatis, semiuuius insuper pronusque traheretur; exundanti venæ puluis obstrusus sanguinem cohibuit, cuius effusione ibat in mortem.

Deinde cum à Donatistis tandem relictum, Catholici cum Psalmis auferre tentarent: illi irâ ardentiore succensi, eum de portantium manibus abstulerunt, malè multatis fugatisque Catholicis, quos ingenti multitudine superabant, & facile sæuendo terrebant.

Inde in quandam turrem leuatum, iam defecisse arbitantes, cum adhuc viueret, noctu præcipitarunt. Sed quodam molli aggerè subter, cinere stercoreis nimirum exceptus iacebat, sensu amisso vix extremum spiritum tenens. Ibi cum transiens quidam pauper inuenit, cum ventris exonerandi causâ ad eum diuertisset locum. Agnouit
autem

aurem, & pauidus suam coniugem accersit, quam procul verecundia dimouerat, lucernam ferentem. Tunc eum ambo peruexerunt domum, vel miserantes, vel aliquid etiam lucelli sperantes, cum siue uiuus siue mortuus, collectus tamen Catholicis ostenderetur.

Post multos dies, magnâ mirabilique adhibita curâ, sanatus est: ut in cuius corpore plures tum cicatrices, quàm membra licebat numerare. Interim ad transmarinas terras occisum à Donatistis fama nuntiauerat: quò polteaquam ipse secutus est, recentissimæ cicatrices eius famæ illud mendacium defenderunt.

Hic verò cum inuenisset collegam Thubursicensem, & alios nonnullos, similia vel non multò interiora perpellos, nec eis ad propria reuertendi ulla facultas patere videretur: auxilium petiuit ab Imperatore Christiano, non tam sui vlciscendi causâ, quàm tuendæ Ecclesiæ sibi creditæ.

Accedebat Circumcellionum nobilis furor, qui iam vsquequaque odiosissime innotuerat: in flammis item redacta Basilica Bagaiensis, quæ licuti apparet Maximiani fuerat; immisique in ignem codices sacri, quod Donatistis postea Catholici obiecerunt. *Epist. 50. l. 3. cont. Crescon. cap. 45. Collat. 3. cap. 11.*

§. IV.

*Honorij aliud in Donatistas decretum
& leges.*

Hinc ergo factum est, ut Imperator Honorius, religiosus & pius, perlatis in notitiam suam talibus causis, mallet piissimis legibus illius impietatis errorem omnino corrigere, & eos qui contra Christum Christi signa portarent, ad vnitatem Catholicam terrendo & coercendo redigere; quàm sæuendi tantummodò auferre licentiam, & errandi ac pereundi relinquere. *Epist. 50.*

Quapropter aduersarios Catholicæ fidei extirpare volens, ut in Edicto suo loquitur, interdicensam specialiter eam sectam nouâ constitutione censuit, quæ cum hæresis vocaretur, appellationem schismatis præferebat. Atque hinc sub pœnis grauissimis, puta facul-

R r

tatum

tatum omnium publicatione, vetuit iterari Baptifinum : adhæc non testandi folùm, verumetiam adipifcendi aliquid fub fpecie donationis, vel agitandorum contractuum, in perpetuum copiam Donatiftis denegauit : loca feu prædia, quæ feralibus facrilégiis conftiterit præbuiſſe ſecretum, fiſci viribus applicuit, vt videri poteſt *l. 4. Ne ſanct. bapt. iter. Cod. Theod.* Rauennæ pridie Idus Februarij, Stilicone II. & Anthemio Coſſ. Aliâ deinde lege, non Donatiſtarum dūtaxat, ſed & Manichæorum memoriam, quos præcipuè furere compererat, iubet aboleri : *l. 39. de hæret. Cod. Theod.* Vnam poſtremo veramque Dei omnipotentis fidem Catholicam, per Africanas regiones proponi atque retineri. *l. 39. de hæret. Cod. Theod.*

Ergo, vt ait Auguſtinus, non habebat iam Catholicorum Legatio quod ageret, cū, priuſquam Legati Rauennam adueniſſent, ad grauiffimas Epifcoporum querelas promulgata Lex eſſet, vt tantæ immanitatis hæreſis Donatiſtarum (cui crudeliùs parci videbatur quàm ipſa ſæuiebat) non tantū violenta eſſe, ſed omninò eſſe non fineretur impunè : non tamen ſupplicio capitali, propter ſeruandam etiam circa indignos manſuetudinem Chriſtianam ; ſed pecuniariis damnis propoſitis, & in Epifcopos vel miniſtroſeorum exilio conſtituto. *Epift. 50.*

Sanè & Aurariam Legem decem librarum, quam in hæreticos omnes maior Theodoſius conſtituerat, ab Honorio (tametiſi intercederit) renouatam fuiſſe, vel inde manifeſtum eſt ; quod qui nuper ad Imperatorem appellauerat Crifpinus, eiufdem tali reſponſo damnatus ſit : Nullo prorfus loco hæreticos Donatiſtas eſſe debere, & eos ad vim legum omnium contra hæreticos latarum, vbique teneri : vt adeo & Iudex propter officium, & idem Crifpinus quod minimè fuerat exactus, iuſſi ſint denas auri libras fiſci iuribus inferre : quamquam protenus per Catholicos Epifcopos opera ſit data, præcipuè per Auguſtinum, vt illa amborum condemnatio Principis dimitteretur indulgentiâ. Et Domino, inquit Poſſidius, adiuuante perfectum eſt ; quâ diligentia & ſancto ſtudio, multum creuit ſancta Eccleſia. *Poſſid. cap. 12.*

§. V.

*Disputatio Augustini cum Felice Manichæo:
atque huius conuersio.*

Damnatis, vt vidimus, per id tempus Manichæis, commodum accidit vt Augustinus cum Felice, biduo in Ecclesia [sed quinque diebus interrupto] populo præfente disputaret. *l. de gest. cum Felice cap. 1.* Hipponem quippe Felix venerat, eundem seminaturus errorem: cum esset vnus e Doctoribus eorum, siue, vt inquit Possidius, Electis: *cap. 16.* & quamuis ineruditus liberalibus litteris, attamen versutior Fortunato. *l. 2. Retract. cap. 8.*

Dicta vtrunque, Notariis excipientibus, conscripta sunt: *Possid. cap. 16.* Anno 404. confectumque velut Gestorum Ecclesiasticorum publicum instrumentum: *l. 2. Retract. cap. 8.* addita anni & diei nota, Honorio sexies Consulente septimo idus Decembris: *l. 1. de Act. cum Felice cap. 1.* adeoque anno Christi cccc. iv. vt certè Onuphrius in Chronico, ætatis Augustini quinquagesimo iam completo.

Post secundam vel tertiam collationem Felix Manichæus, relictâ vanitate & errore illius sectæ, ad Catholicam fidem & Ecclesiam conuersus est: *Fess. l. 16.* postquam præeunte Augustino, Manichæum, & doctrinam ipsius, & spiritum seductorem qui in illo fuit, solemnî formulâ coram adstante populo anathematizasset. *l. 2. de Act. cum Fel. cap. 22.*

§. VI.

Legum Honorij effectus.

Saluberrimas Imperatoris leges, Ecclesiæ Africanæ pax & vnitas Anno subsecuta est: non eo quidem successu, vt Donatistæ omnes ad Catholicam conuerterentur, sed vt foris manentibus obstinatis, ma-

Rr 2

gna

gna fieret ex omni Donatistarum genere ad Ecclesiam accessio.

Id testatur Augustinus, ubi ait: Iam verò cum ipsæ leges venissent in Africam, præcipuè illi qui quærebant occasionem, aut sæuitiam furentium metuebant, aut suos verecundabant offendere, ad Ecclesiam continuò transierunt. Multi etiam, qui solâ illi à parentibus traditâ consuetudine tenebantur; qualem verò causam ipsa hæresis haberet, numquam antea cogitauerant, numquam quærere & considerare voluerant; mox ubi cœperunt aduertere, & nihil in ea dignum inuenire propter quod tanta damna paterentur, sine vllâ difficultate Catholici facti sunt.

Docuit enim eos sollicitudo, quos negligentes securitas fecerat. Istorum autem omnium præcedentium auctoritatem & persuasione secuti sunt multi, qui minùs idonei erant per seipso intelligere, quid distaret inter Donatistarum errorem & Catholicam veritatem. Ita cum magna agmina populorum, vera Mater in sinum gaudens reciperet; remanserunt turbæ duræ, & in illa peste infelici animositate sistentes. *Epist. 50.*

Hiscæ similia sunt, quæ ad Vincentium, Rogatistarum Episcopum Cartennensem scribens, inquit: Donatistæ nimium inquieti sunt, quos per ordinatas à Deo potestates cohiberi atque corrigi, mihi non videtur inutile. Nam de multorum iam correptione gaudemus, qui tam veraciter vnitatem Catholicam tenent atque defendunt, & à pristino errore se liberatos esse lætantur; ut eos cum magnâ gratulatione miremur. *Epist. 48.*

Quare paullo post: O si possem tibi ostendere, ex ipsis Circumcellionibus quàm multos iam Catholicos manifestos habeamus, damnantés suam pristinam vitam & miserabilem errorem, quo se arbitrabantur pro Ecclesia Dei facere, quidquid inquietâ temeritate faciebant! qui tamen ad hanc sanitatem non perducerentur; nisi legum istarum, quæ tibi displicent, vinculis, tamquam phrenetici ligarentur. *Ibidem.*

Etenim Vincentius, ex eo, ut apparet, Donatistarum numero, quibus ferocia Circumcellionum haud placebat, scriptis litteris (in quibus sigillatim fiebat Augustini mentio, quem aliquando Carthagine noverat, adolescentem quietis avidum & petentem) super edictis legibusque Cæsareis, cum Catholicis exposulauerat: sed cui eleganter & fortiter Augustinus respondit. *Epist. 48.*

Atque

Atque hanc Ecclesiæ unitatem quia Pāmachi, Senatorij Ordinis (cui cum Hieronymo arcta familiaritas intercessit) adductis ad eam colonis suis, quos habebat constitutos ibi terrarum vnde Donatistarum furor exortus erat, hoc est in media Consulari Numidiā, strenuè promouerat; gratulatus est ei, & gratias amantissimè Augustinus egit. *Epist. 134.*

§. VII.

*Sententiam suam de pœnis hæreticorum,
mutat Augustinus.*

Augustinus quidem cùm contra partem Donati duos Libros (qui interierunt) pridem edidisset; in eorum primo dixerat: Non sibi placere, vilius potestatis impetu Schismaticos ad communionem violenter arctari. nondum scilicet expertus vel quantum malicorum auderet impunitas, vel quantum eis in meliùs mutandis conferre posset diligentia disciplinæ: l. 2. *Retract. cap. 5.* Hoc verò circiter tempore, exemplis partim à Collegis sibi propositis, partim experientia cognitis cessit. Eius primitus sententia erat, neminem ad unitatem Christi esse cogendum: verbo esse agendum, disputatione pugnandum, ratione vincendum: ne scilicet fictos Catholicos haberent, quos apertos hæreticos nouerant. sed hæc, vt dixi, opinio ipsius, non contradicentium verbis, sed demonstrantium superabatur exemplis.

Nam primò ei opponebatur ciuitas Hipponensis; quæ cùm tota esset in parte Donati, ad unitatem Catholicam timore legum Imperialium conuersa est, tantumq; detestata Donatisticæ animositatis perniciem, vt in eā nunquam fuisse crederetur. *Epist. 48.* Et fuerat tamen olim adeo tenaciter; vt iam tum viuerent adhuc, qui meminissent Faustinum Donatistam regni sui tempore præcepisse, quoniam Catholicorum ibi paucitas erat, vt nullus eis panem coqueret: ita vt cuiusdam Diaconi Catholici furnarius inquilinus, domini sui panem incoctum abiecerit. l. 2. *cont. Petil. c. 83.* Ita aliæ multæ ciuitates Augustino commemorabantur, vt ipsis rebus agnosceret, etiam in hac causâ rectè intelligi posse: Da sapienti occasionem, & sapientior erit, &c. *Epist. 48.*

R r 3

§. VIII.

§. VIII.

Praxim pœnalem Donatistæ damnant: sed Scripturis sacris consonam probat Augustinus.

ET quamquam hanc praxim implorandi Imperatoriam auctoritatem, pro sancientiâ Ecclesiæ pace, & euadendâ improborum molestiâ, Donatistæ reprehenderent; Paulli tamen Apostoli exemplo, sæpius postea confirmat Augustinus. Neque enim, inquit, Apostolus Paulus vitæ suæ transitoria consulebat, sed Ecclesiæ Dei; quando contra illos, qui eum occidere conspirauerant, consilium eorum Tribuno ut proderetur effecit: unde factum est, ut eum ad locum, quo fuerat perducendus, deduceret eum miles armatus, ne illorum pateretur insidias. Romanas etiam leges implorare minimè dubitauit, Ciuem Romanum se esse proclamans, quos tunc affligi verberibus non licebat. Itemque, ne Iudæis eum interimere cupientibus traderetur, Cæsaris poposcit auxilium, Romani quidem Principis, sed non Christiani. Vbi satis ostendit, quid facere deberent postea Christi dispensatores, quando Imperatores Christianos periclitante Ecclesiâ reperirent. *Epist. 50.* Ut iam nihil de Donatistis dicamus, qui tum Catholicis, tum Schismaticis suis persequendis, omnia in Africâ & extra eam tribunalia fatigarunt.

Quapropter lapsu temporis eis contigit, quod accusatoribus sancti Danielis. Sicut enim in illos, Leones; sic in istos conuersæ sunt Leges, quibus innocentem opprimere voluerunt. Nisi quod propter misericordiam Christi, magis pro eis sunt istæ leges, quæ illis videntur aduersæ: quoniam multi per illas correcti sunt, & quotidie corriguntur, & se esse correctos atque ab illa furiosa pernicie liberatos, gratias agunt, &c. *Epist. 50.*

Iam & eandem praxim Euangelicis historiis latè Augustinus confirmat, & præsertim Apostoli Pauli, quem ceteris omnibus spontaneè adductis plus laboraturum, à Iudaismo ad Euangelium Christus coëgit: ut adeo Ecclesia imitetur in cogendis hæreticis Dominum suum, quæ prius ut neminem cogeret exspectauit, ut quod de fide Re-

gum

gum & Gentium Prophetæ prædixerant compleretur.

Hinc enim non absurdè intelligitur & illa Apostolica sententia, vbi Paulus dicit : *Parati plures omnem inobedientiam, cum completa fuerit prior obedientia vestra.* Vnde & ipse Dominus, ad magnam cœnam suam (quâ Augustinus intelligit unitatem corporis Christi) prius adduci iubet conuiuas, postea cogit. Nam cum ei serui respondissent : *Domine factum est quod iussisti, & adhuc est locus; Exite, ait, in vias & sepe.* (per quas accipit hæreses & schismata) & *quoscumque inveneritis, cogite intrare.* In illis ergo qui leniter prius adducti sunt, completa est prior obedientia: in his autem qui coguntur, inobedientia coercetur, &c. *Epist. 50. videri quoque potest Epist. 204. in fine.*

Quod si salubriter agere Donatistæ, ac primùm eorum Episcopi voluissent; cum viderent per leges in Africam missas non ad malum, sed ad bonum sese vrgeri: debuissent & ipsi iam mittere ad Episcopos Catholicos, ut quomodo eos ipsi conuenerant, sic conuenirentur ab eis: factaque pacifica collatione, veritas appareret. *Epist. 68.* Verumtamen non fecisse, postea videbimus.

CAPVT VIII.

CRESCONIUS GRAMMATICVS

AB AVGVSTINO REFUTATIVS.

§. I.

Cresconius calamum in Augustinum stringit.

S Vb id tempus (ut patet *l. 3. cont. Crescon. cap. 47.* vbi de Crispino Anno Calamentis Donatistarum Episcopo agens, inquit: Et tunc cum 406. inter ipsas etiam recentissimas leges, proscriptionem vestris Episcopis comminantes, in re propria securus sedeat, &c.) Grammaticus quidam Donatista Cresconius nomine, cum inuenisset Epistolam Augustini, quâ primas partes Epistolæ Petiliani redarguit; putauit Cresconius

ei

ei esse respondendum : & hoc ipsum per litteras Augustino significauit. *libr. 2. Retract. cap. 26.*

Atque ut hic fuerit quaesitus à Cresconio bellus aliquis siue color, siue praetextus, longè tamen verisimilius est, inuidiâ vnitatis Ecclesiae indies proficientis, auctore praesertim Augustino (cùm eius libris & litteris nihilum opponi poterat) calamum strinxisse. Id manifestè constat ex iis, quæ Cresconius scripserat, refertq; Augustinus his verbis, Cresconium alloquens : Dicis, quòd intolerandâ arrogantia credam, me solum terminare posse, quod aliis velut inexplicabile visum, iudici Deo dimissum est : cùm paullo superius dixeris, hoc me velle finire post tot annos, post tot iudices & arbitros, quod apud Principes, tot discrepantibus litteratis, ab vtriusque partis Episcopis finiri non potuit. *libr. 1. cont. Crescon. cap. 3.*

Cui voci, temeritatis plenissimæ, hominis Donatisticæ communionis, quamuis nullâ functione Clericatu adstricti, *eod. l. cap. 1.* respondens, subdit : Certè solus hinc satago, certè solus quaestionem illam finiri disceptando desidero ? Puto enim si solos nostros id conatos culpæ voluisses, non etiam vestros in eo conatos fuisse fatereris. Quia ergo illum conatum, illam voluntatem & instantiam, saltem propter vestros improbare non potes ; nolo esse à tam bono opere alienus. Quid arguis ? quid reprehendis ? An inuides ? *eodem libr. cap. 3.* Et post pauca eandem obiectionem repetit, eique respondet his verbis : At enim, quod inter tot ac tales finitum non est, intolerabilis arrogantia est per se solum finiri posse præsumere. Ne quaeso mihi soli hoc tribuendum putes : plurimi sumus, qui hoc ut finiatur, imò iam ut finitum esse innotescat, instamus. *eod. l. c. 4.* neque hoc sine fructu, ut existimas. Nam si posses videre, quàm longè lateque Africam error iste peruaferit, & quàm pauca eius remanserint, quæ nondum in pacem Catholicam correctæ transierunt ; nullo modo assertorum Christianæ pacis & vnitatis, infructuosam & inanem arbitrareris instantiam. Quamuis etiam, si cui diligentia medicinæ eius impensæ non prodest ; sufficit ad rationem Deo reddendam, quod non cessaret impendi. *eod. libr. cap. 5.*

Ex quibus manifestius adhuc apparet, procurentis Vnitatis impetus.

S. II.

Libri Augustini contra Cresconium.

Cresconij Operi, libris quatuor respondit: ita sanè ut tribus perageret, quod vniuersa responsio flagitabat. Sed cum videret de sola Maximianensium causa, quod suos schismaticos damnauerunt, & eorum aliquos rursus in suis honoribus receperunt, Baptismumque ab eis extra suam communionem datum non repetuerunt, responderi posse ad cuncta quæ Cresconius scripserat; Quartum librum addidit: in quo idipsum diligenter, atque euidenter ostendit. *libro 2. Retract. c. 26.*

Cresconium autem, non indagandæ desiderio veritatis, sed solâ inuidiâ, ut diximus, siue digitorum prurigine, ad scribendi cacoëthes animum applicuisse, fidenter Augustinus pronuntiat, dum inter alia inquit: Audi Cresconi, dum breuiter & hoc demonstro, nihil te dixisse per totam Epistolam tuam, quo refelleres meam: nisi fortè quod me nomina deriuare vel declinare docueris, & à Donato Donatianos potius, quàm Donatistas dicere: quam tamen Græcam saltem declinationem esse concedis, videlicet quod ita Donatistæ à Donato, ut Euangelistæ ab Euangelio nominentur. Quo te delectari dicis, ut vestris Euangelium prædicantibus, à simili mutuata sit vocabuli declinatio. *l. 2. cont. Cresc. c. 1. & seqq.*

Studium certè contentionis in Cresconio notant hæc Augustini ad illum verba: Nimirum tibi hæc animi subrepsit affectio, quod contradicendi studio perhibuisti nos eloquentes, & vituperasti eloquentiam. Nam quomodo te hoc ex animo fecisse credam, cum sciam quemadmodum prædicare soleatis eloquentiam Donati, Parmeniani, aliorumque vestrorum? Tu de te ipso nonne aperuisti, quàm non ex animo, sed ex contentione vituperator fueris eloquentiæ; cum & cetera quæ scripsisti, per eloquentiam suadere, & eandem ipsam eloquentiam eloquenter accusare conatus es? *l. 1. cont. Cresc. c. 2.*

Dixerat quoque Cresconius, causam susceptæ scriptiōis prætexens: Instare semper & prouocare Augustinum, ut ad dignoscendam

Sf

dam

dam veri quæstionem cum eo Donatistæ disceptent : sed hos prudentiùs ac patientiùs facere, qui in Ecclesiâ, tantùm quæ in Lege mandata sunt, populos doceant, nec Augustino respondere curent, &c. Sed hoc telum argutè in ipsum retorquet Cresconium : Quid tibi ergò, inquit, respondere visum est, vt aduersus nos illis tacentibus tu loquaris ? Nam si benè faciunt, cur non imitaris ? si malè, cur laudas ? *eod. lib. cap. 3.*

§. III.

Argutia Cresconiana.

AD hæc Cresconius Grammaticus, callidus examinador appensorque verborum, docere volebat Augustinum, quid valeat Comparatiuus gradus : & tamquam victor exultabat, quòd non posset dicere traditionem diuinorum librorum *probabiliùs* se obiiicere Donatistis ; nisi confiteretur, Donatistas eandem *probabiliter* obiiicere Catholicis. Si enim vos, inquiebat, *probabiliùs* ; ergo nos *probabiliter*. Quia sic est *probabiliter* & *probabiliùs*, vt si dicas, verè & veriùs. Et quia gradus iste, quod antè positum est auget, & non quod antè dictum est improbat.

Adiungebat alia verba, quibus hoc euidentiùs intelligeretur, ac dicebat : Sicuti est benè & meliùs : malè & peiùs : horribiliter & horribiliùs ; ita esse *probabiliter* & *probabiliùs*. Quapropter colligebat : Si vos *probabiliùs* ; ergo nos *probabiliter*. *l. 3. cont. Cresc. c. 72. & l. 4. c. 55.* Qua in re Cresconius, disputandi formulam hæreticis præiuit : qui, sicuti etiamnum hodie plus operæ collocare solent in percipiendis mitioribus litteris, quàm sacris & Diuinis, ita earum plerumque sunt peritiores.

S. IV.

*Eas obterit Augustinus, & Cresconium
proprio mucrone ingul.it.*

NOluit verò Augustinus, hisce Cresconij ineptiis ineptè respon-
dere, rectriminando quòd in questione vel disputatione Eccle-
siastica, artificiali illum Grammatica docere conaretur: licet id Cres-
conius antea fecisset, quando ei anticategoriam, veluti ex arte Rhe-
toricà obliciendam putavit. l. 3. cont. Cresc. c. 26. Quod genus que-
stionis nihilominus, etiam in auctoritate Prophetica Cresconio
demonstravit.

Considera, inquit, diligenter, ne fortè inuenias in Latine Locu-
tionis auctoribus, quibus Grammaticorum artificialia sereunt, non
semper istum gradum, quod antè positum est augere, sed aliquando
contrario superferri. Quod primum ex Apostolo ad Hebræos osten-
dit, qui cùm priùs de terrà dixisset, *Proferens autem spinas & tribulos,
reproba & maledictioni proxima est, cuius finis in visionem*; mox subiecit,
Confidimus autem de vobis meliora. Attendis certè, inquit, quomodo
dixerit *meliora*: non quia bona erant quæ suprà dixerat, proferre spi-
nas & tribulos; sed magis quia mala erant, ut illis deuitatis meliora
eligerent, hoc est, bona tantis malis contraria. l. 3. c. Cresc. c. 73. Sub-
iungit deinde: Quod si & ego iam his Litteris assuetus, & illas,
quas puer didici, oblitus, sic dixi: *Obiucitis traditionem, hanc ipsam mul-
tò probabilius nos vobis obiucimus*: non quia vos probabiliter, sed magis
quia improbabiler: sicut ille *meliora*, non quia illa erant bona, sed
magis quia mala: tu quare tam temerè concludis, ex hoc confirmasse
me, vos probabiliter, quia nos probabilius? *ibid.*

Deinde nec secundum Grammaticos in verbo se errasse probat ex
illo Virgilij. l. 3. Georg.

Dy meliora piis, erroremq, hostibus illum.

tum ex ipsa Donatistarum phrasi, quâ vñ sunt in sententia Concilij
Bagaiensis, contra Maximianistas, cuius partem refert, l. 4. cont. Cresc.
c. 4. Quibus omnibus locis, Comparatiuus gradus non semper auget

sf 2

quod

quod comparat, sed aliquando improbat cui comparatur. *l. 3. cont. Cresc. c. 73. & l. 4. c. 55.*

Iam & retorquet in Cresconium proprium telum : qui, docendo regulas comparatiui gradûs, quia id quod antè positum est auget, non quod antè dictum est improbat ; nesciens, plurimùm Catholicis fauebat.

Nam cùm dixisset Cresconius : *Tot documenta legalia, quod melius & verius est, Catholicis persuadere non posse* ; colligit secundùm assignatam à Cresconio regulam Augustinus, Catholicos verum & bonum tenere, si, quod verius & melius est, eis persuaderi non possit. Quapropter cùm nos, inquit, non rescindamus verius & melius Baptisma vestrum, quare vos rescinditis verum & bonum nostrum ? &c. *libro 3. cont. Crescon. c. 77.*

Plura erant, etiam ineptiora præteritis, quæ Cresconius obiecerat : quem proinde pueris puerilia seruare potius iubet.

§. V.

Tuetur se à scribendi acerbitate, & Manichæismum sibi obiectum diluit.

Reprehenderat Cresconius quòd promissam in exordio responsionis ad Petiliani litteras, pacem & lenitatem non tenuisset, quia Petilianum Satanam appellauerit. Sed respondet: Ego non Petilianum, nec quemquam hominem in parte Donati, sed ipsum errorem partis Donati, Satanæ comparaui : ex cuius laqueis homines quos diligo, cupio liberari. Lege consideratiùs, inuenies. *l. 3. cont. Cresc. c. 78. & l. 4. c. 64.*

Denique Manichæismum (in quem licet adolescens, laicus, & Catechumenus incidisset, tamen hunc illi Cresconius ex obliquo obii-ciendum putauerat) purgatissimè diluit : nec non fabricatam à Megalio calumniam, cùm ad Episcopatum postularetur. *l. 3. cont. Cresc. cap. 78. & l. 4. c. 64.*

Vnam denique his omnibus spongiam adhibet, his vsus verbis : Define talibus : vnus homo sum : Ecclesiæ inter nos agitur causa, non

non mea, Ecclesiæ, inquam, quæ in nullo homine spem ponere, à suo didicit redemptore. Quamquam nec de meipso vobis, etiamsi meam conuersationem nolletis, rectè crederetur inimicis mihi. Ad extinctionem hominum, magna testium, qui me nouerunt, suppetit copia; ad Dei verò conspectum, sola conscientia: quam contra vestras criminationes cum intrepidam geram; non me tamen sub oculis omnipotentis Dei iustificare audeo: magisque ab illo effluentem misericordie largitatem, quàm iudicij summum examen exspecto. *l. 3. cont. Cresc. c. 80.*

In quam sententiam pridem antè Secundino Manichæo responderat: Senti de Augustino quidquid libet: sola me in oculis Dei conscientia non accuset. *l. cont. Secund. cap. 1.* Etenim cum falsa crimina audimus ab eis, quos offendimus prædicando eloquia veritatis, & erroris vaniloquia conuincendo; habemus abundantissimam consolationem. Nam si in eis quibus me criminantur, testimonium conscientie meæ non stat contra me in conspectu Dei, quò nullus oculus mortalis intenditur; non solum contristari non debeo, verumetiam gaudere & exultare, quia merces mea multa est in cælis. Neque enim intuendum est, quàm sit amarum, sed quàm falsum quod audio: & quàm verax, pro cuius nomine hoc audio, &c. inquit *l. 3. cont. Petil. cap. 6.*

S. VI.

Donatistarum aduersus Augustinum calumnia.

NEquè sanè temerè contra calumniantium spicula se Augustinus pia conscientie fiducia obarmat: quandoquidem Petilianus, totam suam, quæ turgebat bilem, in eum impudenter effuderat.

Inde fabricata à Megalio calumnia, quam dixi, de amatorio cuidam mulieri porrecto, pluries repetita. *l. 3. cont. Petil. c. 16.* Inde obiectus ei sexenúmerò, non tantum simplex Manichæus; *l. 3. cont. Petil. c. 16. & 10.* verumetiam quod Manichæorum Presbyter fuerit: *eod. l. c. 17.* obque hanc causam eiectus ex Africa. *eod. l. c. 25.*

SC 3

Inde

Inde Tertulli nomine appellatus, à quo fuit accusatus Paullus, quia excellebat in arte Rhetorica: & crimini data Dialectica, veluti si ipsa esset mentiendi artifex. *l. 3. cont. Petil. c. 16.* Inde verborum suorum furem Petilianus appellabat, quòd codice mendoso vsus fortasse, vnum alterumve vocabulum, quod nihil ad rem faciebat, ignoranter omisisset: *eod. l. c. 17.* Inde labi dicebat lubricum, sed tene-ri: nec destruere, nec infirmare, quod obiiciebat: incerta pro certis excogitare: non permittere legentes, quæ vera sunt credere, sed facere vt altiùs dubia suspicentur: denique, Academici damnabile ingenium habere Carneadis. *eod. l. c. 21.*

Obiecta præterea vita Monastica, &, quòd esset eius instituti au-ctor: *l. 3. cont. Petil. c. 40.* sed quorum neutrum negauit Augustinus: contentus aduersus alia, veritatis, vitæ, conuersationis & innocentie clypeo se munire. *l. 3. cont. Petil. c. 2. 10. 11. 12.*

Horum plerisque quæ enumerauimus Augustino obiectis oblectatus Cresconius, repetenda existimauit, vt diximus: verum nullo ma-iori atque Petilianus præmio: vt in Libris contra eum scriptis vide-re est. Vniuersim verò Donatistis omnibus Augustinus maximo odio fuit, quod ipse testatur *l. 3. cont. Petil. cap. 11.* atque ex iis quæ aliàs retulimus, constare potest, dum Lupum & seductorem appellarunt, adeoque pro gregis ipsorum defensione, mactandum censuerunt: quod dispositis aliquando insidiis moliti sunt, vt suprà retulimus. *Possid. c. 9. & 12.*

Ceterum inter Augustini Epistolas exstat vna ad Cresconium: *Epist. 229.* testaturque Possidius, vnam Cresconio Grammatico dire-ctam: *Indic. c. 3.* quæ vtrum cum præcedente sit eadem, penes Lecto-rem esto iudicium: mihi non videtur.

S. VII.

Epistolæ & opuscula tunc edita.

POst latas ab Honorio leges, Epistolas plures ad alios & alios Do-natistas dedit, nominatim ad Emeritum, vt suprà indicauimus. Prodiit etiam Liber probationum, & testimoniorum contra Dona-tistas:

tistas: l. 2. *Retrad.* c. 27. (forte ad imitationem beati Cypriani, cuius exstant sub eodem titulo aliquot libri ad Quirinum) Et alius deinde, Contra quem nescio Donatistam: *ibid.* c. 28. Et Admonitio Donatistarum de Maximianistis, cuius fit mentio l. *cod. cap.* 29. sed qui reperiri haecenus non potuerunt.

C A P V T I X.

AVGVSTINVS PAGANISMO
EXTIRPANDO STVDET.

§. I.

Liber de Diuinatione daemonum.

PER idem tempus accidit ei ex quadam disputatione necessitas, ut de Diuinatione daemonum, libellum scriberet, l. 2. *Retrad.* c. 30. Quodam enim die, in diebus sanctis Octauarum, cum manè apud illum adessent multi fratres laici Christiani, & in loco solito confederissent; ortus est sermo de Religione Christiana, aduersus presumptionem, & tamquam miram & magnam scientiam Paganorum. Quem recordatum atque completum, litteris mandandum putauit, non expressis contradicentium personis, quamuis Christiani essent, & magis contradicendo querere viderentur, quid Paganis responderi oporteret.

Cum ergo de Diuinatione daemonum quereretur, & affirmaretur, praedixisse nescio quem, (Antoninum Philosophum opinor) euersionem templi Serapis, quæ in Alexandria facta est; respondit non esse mirandum, si istam euersionem templi Simulachris suis imminere, daemones & scire & praedicere potuerunt, sicut alia multa, quantum eis nosse & praenuntiare permittitur. l. *de diu. daemon.* c. 1.

§. II.

§. II.

Explosa Hermetis Ægyptij vaticinia.

ANnosus Hermes iste Ægyptius doluit aliquando tempus esse venturum, quo Idola auferrentur in Ægypto: quæ nihilominus fatebatur, à multum errantibus & incredulis, & à cultu diuinæ religionis auersis, esse instituta. atque inter cetera ait: *Tunc terra ista sanctissima, sedes delubrorum atque templorum, sepulchrorum erit mortuorum, plenissima.* Quasi verò si illa non auferrentur, non essent homines morituri: aut alibi essent mortui ponendi quàm in terra. Et vti-que quantò plus volueretur temporis & dierum, tantò maior esset numerus sepulchrorum, propter maiorem numerum mortuorum.

Sed hoc videbatur dolere, quod memoriæ Martyrum nostrorum, Idolorum templis delubrisque succederent: vti videlicet qui hæc erant lecturi, animo à nobis auerso atque peruerso, putarent à Paganis Deos cultos fuisse in templis, à Christianis autem coli mortuos in sepulchris. *l. 8. de Ciuit. Dei c. 26.* Dolor dæmonum per eum loquebatur, qui suas futuras pœnas apud sanctorum Martyrum memorias imminere mœrebant. In multis enim talibus locis torquentur, & confitentur, & de possessis corporibus hominum eiiciuntur. *cod. l. 6. c.*

§. III.

*Martyres à Christianis non adorari: licitè
nihilominus innocari.*

NEc tamen nos eisdem Martyribus templa, sacerdotia, sacra & sacrificia constituimus: quoniam non ipsi, sed Deus eorum, nobis est Deus.

Honoramus sanè memorias eorum, tamquam sanctorum hominum Dei: qui vsque ad mortem suorum corporum pro veritate certarunt, vt innotesceret vera religio, falsis religionibus fictisque conuictis:

uistis: quod etiam si qui antea sciebant, timendo reprimebant. Quis autem audiuit aliquando fidelium, stantem Sacerdotem ad Altare, etiam super sanctum Martyris corpus ad Dei honorem cultumque constructum, dicere in precibus, Offero tibi sacrificium Petre, vel Paulle, vel Cypriane? cum apud eorum memorias offeratur Deo, qui eos homines & Martyres fecit, & sanctis suis Angelis celesti honore sociavit: ut eâ celebritate, & Deo vero de illorum victoriis gratias agamus, & nos ad imitationem talium coronarum atque palmarum, eodem inuocato in auxilium, ex eorum memoriæ renouatione adhortemur.

Quæcumque igitur adhibentur religiosorum obsequia, in Martyrum locis; ornamenta sunt memoriarum, non sacra vel sacrificia mortuorum, tamquam Deorum, &c. *cod. l. cap. 27.*

Inuocari interim posse sanctos Martyres, eorumque nos orationibus apud Deum iuari, patet *libr. 3. de Bapt. cap. 17. & l. 7. cap. 1. & libr. 9. Conf. cap. 3.*

Quò facit, quod ait de suo apud Deum aduocato & Memoriæ à se constructæ patrono: Date veniam, quia diuturnum non reddo sermonem. Nostis enim fatigationem meam: ut heri ieiunus tanta agere possem & non deficere, & ut hodie vobiscum loquar; Orationes sancti Stephani præstiterunt. *serm. 29. de diuers.*

S. I V.

*Maximum hermetizantem Augustinus
urbanè refellit.*

Paganus etiam, Maximus nomine, scripserat ad Augustinum, indignatus ut apparet, Mortuos homines specie gloriolæ mortis (Martyres existimo) haberi pro diis: ubi à Paganis è contra tantummodò coleretur vnus, tametsi variis nominibus appellatus. *Epist. 43.*

Homini respondens Augustinus, interrogat: Seriumnè aliquid inter se agant, an iocari libeat? Nam sicut tua, inquit, Epistola loquitur, utrùm causæ ipsius infirmitate, an morum tuorum comitate sit fa-

T t

ctum,

ctum, vt malles esse facetior quàm paratior, incertum habeo. *Epist.* 44.

Dein vbi Paganicas quasdam ineptias reprehendisset ac perstrinxisset, quòd homo Afer scribens Afris, cùm ambo ipsi in Africà forent, Punica nomina exagitanda existimaret: Si ridere delectat, ait, habes apud vos magnam materiam facetiarum, Deum Stercutium, Deam Cloacinam, Vencrem Caluam, Deum Timorem, Deum Pallorem, Deam Febrem, & cetera innumerabilia huiuscemodi, quibus Romani, antiqui Simulachrorum cultores, templa fecerunt, & colenda censuerunt, &c. In summâ, vanissimi capitis Epistolam totam doctè robusteque confutat: & scire iubet, à Christianis Catholicis nullum coli mortuorum, nihil denique vt Numen adorari, quod sit factum & conditum à Deo; sed vnum ipsum Deum qui fecit & condidit omnia. Quæ latiùs se demonstraturum ait, cùm grauius eum velle agere cognouerit. *eàd. Epist.*

S. V.

*Contra Paganos Quæstiones sex. Augustinus
erga eos benignus & affabilis.*

INter hæc, adeoque inter arctissimas occupationes ipsius, missæ sunt ei à Carthagine Quæstiones sex, quas proposuerat amicus quidam quem cupiebat fieri Christianum, vt contra Paganos soluerentur. *l. 2. Retract. cap. 31.* Proposuerat, inquam, non ipsi Augustino, sed Deogratias Presbytero Carthagenensi, qui eas deinde Augustino delegauit. *Epist.* 49.

Harum quæstionum disputationes, in vnum librum contulit non prolixum, cuius est titulus: Sex quæstiones contra Paganos expositæ: *l. 2. Retr. cap. 31.* misitque ad Deogratias, vt haberet cum ceteris, quorum studio sciret conuenire: iubens vt ipse breuiter Pagano ad interrogata respondeat, quod & antè facere poterat. Causa enim subesse videbatur, cur Paganus ille nihil sibi ab Augustino scribi voluerit, tametsi foret aliàs amicus. *Epist.* 49.

Alioquin nonnullos alios qui in eodem luto hærebant, magno salutis eorum zelo & profectu, præclaris litteris affatus est.

Cum

Cum Longiniano enim Philosopho Pagano, pluribus vtrò citro-
que egit, vt, quem tamquam in speculo fermocinationis inspexerat,
nihil esse malle, quàm virtutem bonum; demonstrando quæ sit optima
ad felicitatem via, Christianæ fidei lucraretur. *Epist. 20. 21. & 22.*

Idem præstitit cum Volufiano, *Epist. 1. & 4.* vt post dicemus. Cete-
ra huiusce argumenti, vide à Possidio recensita, *Indic. cap. 1.*

§. VI.

*Varios ritus Paganismum sapientes
abolere conatur.*

I. PUGNAM CIVILEM. Nam libro 4. de Doctrinâ Christianâ,
agens de tribus dicendi generibus, Submissò, grandi, ac tempe-
rato, Ecclesiastæ non minùs quàm Oratori necessariis, narrat se ali-
quando apud Cæsaream Mauritanie dissualitè populo pugnam ciui-
lem, imò plusquàm ciuilem, quam CATERVAM vocabant. Neque enim
ciues tantummodò, verùm etiam propinqui & fratres, postremò pa-
rentes ac filij lapidibus inter se, in duas partes diuisi, per aliquot dies
continuos, certo tempore anni, solemniter dimicabant, & quisque vt
quemque poterat occidebat.

Egit tunc quidem quantum valuit, grandi orationis caractere, vt
tam crudele atque inueteratum malum de cordibus & moribus eo-
rum euelleret, pelleretque dicendo: quamquam non priùs se peregisse
aliquid putauit, quàm videret flentes. Acclamationibus quippè, se do-
ceri; flecti autem, lacrymis indicabant. Quas vbi aspexit; immanem
illam consuetudinem, à patribus & auis, longèque a maioribus tra-
ditam, quæ pectora eorum hostiliter obsidebat vel potius possidebat,
deuictam credidit.

Nec fefellit eum sagacitas. Siquidem iam tum cum historiam hanc
describeret, sermò octo vel amplius anni erant, ex quo illic nihil tale
tentatum est: vt non frustrà post finitum Sermonem, ad agendas Deo
gratias corda atque ora conuerterit. *l. 4. de Doctr. Christi cap. 24.*

II. COMMESSATIONES AD SEPVLCHRA. Atque has quidem
quod attinet, Presbyter adhuc Augustinus cum esset, vehementer in-

T t 2

stitit

stitit & suavit, vt commestationes & ebrietates (quæ in honorem beatissimorum Martyrum, non solum per dies sollemnes, sed etiam quotidie celebrabantur) si non in luxu & labe domesticâ, & eorum conuiuiorum quæ priuatis parietibus continentur; saltem de Sanctorum corporum sepulchris, saltem de locis Sacramentorum, de domibus (Orationum arcerentur, *Epist* 64. de qua re videri etiam potest l. 8. de *Ciuit. Dei* cap. 27.

Etenim iam olim Manichæos ad resipiscentiam exhortans, dixerat: Nolite consecrari turbas imperitorum, qui vel in ipsâ verâ religionem superstitiosi sunt; vel ita libidinibus dediti, vt obliti sint quidquid promiserint Deo. Noui multos esse sepulchrorum, & picturarum adoratores. Noui multos esse qui luxuriosissimè super mortuos bibant: & epulas cadaueribus exhibentes, super sepultos seipfos sepehant, & voracitates ebrietatesque suas deputent religioni. l. de *mor. Ecc.* *Cath. cap.* 24.

Quæ omnia quasi Parentalia, superstitioni Gentilium esse simillima, obque id prohibita olim ac Episcopo Ambrosio, testatur *libr.* 6. *Conf. cap.* 2. neque perinde à Christianis melioribus fieri, *libr.* 8. de *Ciuit. Dei* cap. 27.

III. VARIAS SUPERSTITIONES. Iam enim Episcopus adhortari, feriòque monere non desisteat suos, quos ab omni superstitione cupiebat esse alienos, vt quoties aliqua infirmitas superuenerit, Corpus & sanguinem Christi, ille qui ægrotat accipiat: & inde corpusculum suum vngat, vt illud quod scriptum est impleatur in eo: *Infirmatur aliquis; inducat Presbyteros, & orent super eum, vngentes eum oleo, & oratio fidei saluabit infirmum, & alleuiabit eum Dominus: & si in peccatis sit, dimittentur ei.* Videte fratres, quia qui in infirmitate ad Ecclesiam cucurrerit; & corporis sanitatem recipere, & peccatorum indulgentiam merebitur obtinere. Cùm ergo duplicia bona possint in Ecclesiâ inueniri; quare per præcantatores, per fontes & arbores, & Diabolica phylacteria, per characteres, & Aruspices, & diuinos, & sortilegos, multiplicia sibi mala miseri homines conantur inferre? *Serm.* 215. de *Temp.*

Monet deinde post, vt vnusquisque linguam suam attentissimè frænare fortè detrahendo, malè loquendo, & in sanctis festiuitatibus choros ducendo, cantica luxuriosa & turpia proferendo, de linguâ sua, vnde debuerant Deum laudare, inde sibi vulnera videantur infligere. Isti enim infelices & miseri homines, qui balationes, & saltationes, ante ipsas

te ipsas Basilicas Sanctorum, exercere nec metuunt, nec erubescunt; etsi Christiani, inquit, ad Ecclesiam venerint, Pagani de Ecclesia reuertuntur: quia ista consuetudo balandi, de Paganorum observatione remansit. *cod. serm.*

Et licet credam quod illa infelix consuetudo, iam nobis castigantibus, de locis istis fuerit Deo inspirante sublata; tamen si adhuc agnoscatis aliquos, illam sordidissimam turpitudinem de Hinniculâ vel Ceraula exercere, ita durissimè castigate, ut eos poeniteat rem sacrilegam commisisse. Et, si aliquando Luna obscuratur, adhuc aliquos clamare cognoscitis; & ipsos admonete: denuntiantes eis quod graue sibi peccatum faciunt, quando Lunam, quæ Deo iubente certis temporibus obscuratur, clamoribus suis à maleficiis, sacrilego ausu se defendere posse confidunt.

Et si adhuc videtis aliquos, ad fontes, aut ad arbores vota reddere; & sicut iam dictum est, Sortilegos etiam & diuinos, vel præcantatores inquirere: phylacteria etiam diabolica, & characteres, aut herbas, vel succos sibi aut suis appendere; durissimè tanta eorum peccata increpantes, dicite: quia quicumque fecerit hoc malum, perdit Baptismi Sacramentum.

Et quia audiuimus, quod aliquos viros vel mulieres ita diabolus circumueniat; ut quintâ feriâ nec viri opera faciant, nec mulieres lanificiû: coram Deo & sanctis Angelis eius contestamur, quia quicumque hoc obseruare voluerint, nisi per prolixam & duram poenitentiam tale sacrilegium emendauerint; ubi arsurus est diabolus, ibi & ipsi damnandi sunt. Isti enim infelices & miseri, qui in honorem Iouis in quintâ feriâ opera non faciunt; non dubito quod ipsa opera die Dominico facere nec erubescunt, nec metuunt. Et ideo quoscumque tales esse cognoueritis, durissimè castigate: & si emendari noluerint; nec ad colloquium, nec ad conuiuium vestrum eos venire permittite. Si verò ad vos pertinent, etiam flagellis cædite: ut vel plagam corporis timeant, qui de animæ suæ salute non cogitant. *cod. serm. 215.*

S. VII.

Dehortatur à cultu Idolorum. Horum origo, ab ignorantia Creatoris.

DE Idolis porrò agens: Quamuis (inquit Idololatri) Deum nostrum carnalibus oculis vestris non possimus ostendere, quem per opera intelligere debuistis; nolite tamen seduci vanitatibus vestris, quia vos ea quæ colitis, digito potestis ostendere. Multò quippè honestiùs non haberetis quod possetis ostendere; quàm ut in eo, quod istis oculis à vobis ostenditur, vestri cordis cæcitas ostendatur.

Quid enim ostenditis, nisi aurum & argentum? Habent quidem ærea, & lignea, & fictilia simulachra, & huiusmodi alterius alteriusque materiæ; sed pretiosum eorum maluit commemorare Spiritus sanctus: quia, cum in eo quisque quod illi charius est erubuerit, multò faciliùs auertitur à veneratione viliorum, &c. *Enarr. in psal. 113. conc. 2.* Nam licet Deus aureus, & Deus ligneus, ad pretium dispares sunt; ad habere oculos & non videre, pares sunt, fratres sunt. *serm. 29. de verb. Dom. cap. 9.*

Huius generis plurima passim apud Augustinum exstant. Atque in primis Simulachrorum originem & exordium (quandoquidem Varro teste, antiqui Romani, plusquam annos centum & septuaginta, Deos sine simulachris coluerint; *lib. 4. de Ciuit. Dei cap. 31.*) Deorumque natales & incunabula, libris de Ciuitate Dei exsequitur, præsertim 4. 5. 6. 7. & 8. quorum postremo Hermes Trismegistus, patenter etiam maiorum suorum circa Deos errorem confitetur, tametsi doleret aliquando destructum iri. *l. 8. de Ciuit. Dei cap. 24.*

Quæ cuncta eò tandem euadunt, quod cum, teste Apostolo, huius mundi sapientes ex creaturâ Creatorem, ex arte artificem, siue, inuisibilia Dei, per ea quæ facta sunt, conspiciere intellectu possent; non sicut Deum honorificauerint, aut gratias egerint: sed euanuerint in cogitationibus suis, & dicentes se esse sapientes, stulti facti sint. quoniam immutauerunt gloriam incorruptibilis Dei, in similitudinem imaginis corruptibilis hominis, & volucrum, & quadrupedum, & serpentium.

tium. Figuras enim istorum animalium, sibi Deos Pagani fecerunt, &c. *serm. 55. de verb. Dom.* videri quoque potest *l. 1. de cons. Euangel. cap. 7. & seqq.*

§. VIII.

*Unius Deitatis, ac Christiana fidei
professionem inculcat.*

HÆc est igitur Religio Christiana, quæ prædicatur per totum mundum, horrentibus inimicis, & ubi uniuntur murmurantibus, ubi prævalent satulentibus: hæc est Religio Christiana, ut colatur vnus Deus, non multi dii: quia non facit animam beatam nisi vnus Deus. *Tract. 25. in Ioann.*

Iam verò quos legere potui, inquit, qui ante me scripserunt de Trinitate, quæ est Deus, diuinorum librorum veterum & nouorum Catholicæ tractatores, hoc intenderunt secundum Scripturas docere, quod Pater & Filius & Spiritus sanctus, vnus eiusdemque substantiæ inseparabili æqualitate, diuinam influunt vnitatem. Ideoque non sint tres dii, sed vnus Deus: quamuis Pater Filium genuerit, & ideo Filius non sit qui Pater est: Filiusque à Patre sit genitus, & ideo non sit Pater qui Filius est: Spiritusque sanctus nec Pater sit nec Filius, sed Patris & Filij Spiritus, Patri & Filio etiam ipse coequalis, & ad Trinitatis pertinens vnitatem.

Non tamen eandem Trinitatem, natam de Virgine MARIA, & sub Pontio Pilato crucifixam & sepultam, tertio die resurrexisse, & in cælum ascendisse; sed tantummodò Filium. Nec eandem Trinitatem descendisse in specie columbæ super Iesum baptizatum, aut die Pentecostes sonitu facto de cælo, quasi ferretur flatus vehemens, linguis diuisis velut ignis, sedisse super vnumquemque eorum; sed tantummodò Spiritum sanctum. Nec eandem Trinitatem, dixisse de cælo: *Tu es filius meus*, siue cum baptizatus est à Ioanne, siue in monte quando cum illo erant tres discipuli, aut quando sonuit vox dicens: *Et clarificauis, & iterum clarificabo*; sed tantummodò Patris vocem fuisse ad Filium factam: quamuis Pater & Filius & Spiritus sanctus, sicut inseparabiles sunt;

sunt; ita inseparabiliter operentur. Hæc etiam mea fides est, quoniam hæc est Catholica fides. *lib. 1. de Trinit. cap. 4.*

§. IX.

Exponit Epistolam S. Iacobi.

Lveubrationum ordine succedit, Expositio Epistolæ Iacobi Apostoli: sed quam mauult Annotationes in eandem appellari, quod expositio perpetua non sit, sed quorundam locorum, in vnum librum à fratribus redacta. *l. 2. Retract. cap. 32.*

Exstabat ætate Cassiodori, qui ait: Sanctus quoque Augustinus, Epistolam Iacobi Apostoli solita diligentia suæ curiositate tractauit: quam vobis in membranaceo codice scriptam reliqui. *l. 1. de diuin. lect. cap. 8.* Nunc intercidit, aut later.

CAPVT X.

DONATISTÆ ITERVM

REPRESSI.

§. I.

Anabaptismus omni tempore in horrore fuit.

Anno
407.

Honorij Imperatoris Edicto vetitum iterari sacrum Baptisma, idque occasione Crispini Calamensis, paullò antè commemorauimus. Etenim si libet altiusculè materiam Anabaptismi eruere; ea res iam ab ipso sui exordio mirificè omnes offenderat. Atque in primis Cyprianus hinc nihil non agebat, vt sicuti posset repetiti Baptismi crimen declinaret: *Epist. ad Quint. & Iubaian.* eandemque inuidiam conabatur auertere in Concilio Carthaginensi Adelphius à Thasbalte. *l. 6. de bapt. cap. 42.*

Sed

Sed & antiquissimis Imperatorum legibus, erat hoc Donatistarum sacrilegium repressum: vt non ob aliud scripserit Optatus lib. primo, Contra leges fuisse, quòd Donatistæ iterarent Baptismum. Harum legum vnus Augustinus meminit, (quæ putatur esse Constantini magni,) dum ait, alloquens Donatistas: Attendite quàm manifestissimâ veritate per cor Regis, quod in manu Dei est, ipse Deus dixerit in istâ ipsâ lege, quam contra vos prolata dicitis, est autem, si intelligitis, prolata pro vobis. Attendite quid habeant verba Principis: Nam si in eis, qui primò initiati sunt, idcirco religio Baptismatis indicatur infirma, quòd q, a quibus accipitur, peccatores putentur; toties renouari necessum erit traditum Sacramentum, quoties indignus fuerit inuentus collati Baptismati administrator: & fides nostra, non ex nostra voluntatis arbitrio, neque ex diuini muneris gratiâ, sed ex meritis Sacerdotum & Clericorum qualitate pendeat. Faciant mille Concilia Episcopi vestri, huic vnissententiæ respondeant, &c. *Epist. 166.* Similes porro talit Valentinianus Imperator, itemque Valens & Gratianus, vt vel inde constare potest, quod ad Magistratus Africanos sint scriptæ, sicuti existant. *l. 16. Cod. Theod. tit. 6.*

Accedit œcumenici Concilij Nicæni Canon: cuius auctoritatem sæpenumerò Augustinus contra Donatistas allegat: *l. 2. de bapt. c. 4. 9.* &c. quando ipsi Imperatorum legibus aut se, aut Christianos vltos in causa religionis teneri, rotundè negabant. *l. 1. cons. Parm. c. 9.*

Facit huc præterea, quod sic homines, occultâ nescio quâ inspiratione Dei, detestarentur, si quis iterum Baptismum accipiat, quem vbicumq; iam accepisset; vt iidem ipsi heretici, cùm inde disputant, frontem confricent: & propè omnes eorum laici, qui apud eos inueterauerunt, & animosam pertinaciam aduersus Catholicam conceperunt, hoc solùm illic sibi displicere fateantur: & multi qui propter adipiscenda aliqua commoda secularia, vel incommoda deuotanda, transire ad eos volunt; occultis conatibus ambiant, vt hoc eis quasi peculiari & domestico beneficio præstetur, ne rebaptizentur: & nonnulli, ceteris eorum vanis erroribus, & falsis criminationibus aduersus Catholicam Ecclesiam credentes, hoc vno reuocentur, vt eis sociari nolint, ne rebaptizari cogantur: vt testatur ipse Augustinus. *l. 5. de bapt. c. 5.*

§. II.

Ob id, pridem Augustino refutatus.

HVnc itaque Anabaptismum, tantoperè contrarium innatæ omnium Christianorum affectioni, ipse refellere iam tum occeperat, cùm Presbyter dūtaxat Maximino Episcopo Donatistæ, qui Diaconum Orthodoxum rebaptizasse ferebatur, aiebat: Dolui vehementer, & illius miserabilem lapsum, & tuum frater inopinatum scelus. Noui enim quæ sit Ecclesia Catholica: gentes sunt hereditas Christi, & possessio Christi termini terræ. Nostis & vos. Aut si non nostis, aduertite, facillimè à volentibus sciri potest. Rebaptizare igitur hæreticum hominem, qui hæc sanctitatis signa perceperit, quæ Christiana tradidit disciplina; omninò peccatum est: rebaptizare autem Catholicum, immanissimum scelus est. *Epist. 203.*

Id probat deinde exemplo hominis Samaritani, qui apud suos circumciscus semel, conuersus ad Iudaismum, non equidem vice alterâ circumcidebatur. & addit: Quod si in carne circumcisi hominis non inuenirem locum, vbi circumcisionem repeterem, quia vnum est illud membrum; multò minùs inuenitur locus in vno corde, vbi Baptismus Christi repetatur. Ideo qui duplicare Baptismum vultis; necesse est omninò, vt corda duplicia requiratis. *eād. Epist.*

Alio tempore Macrobius, Donatistarum item Episcopum, simile sacrilegium in quodam Subdiacono facere molientem, instantissimè & dehortatus est, & ipsorum Donatistarum exemplo, qui baptizatos ab illis quos antè damnauerant, non rebaptizarunt; facere haud posse ostendit. *Epist. 265.*

§. III.

*Anabaptismum à se amouere conatur Petilianus:
cui respondet Augustinus.*

Quamobrem & Petilianum etiam, amoliendi huiusce sacrilegij studium vehementer antea torfit, ut patet, cum ait: *Bi Baptisma nobis obicitur, qui sub nomine Baptismi animas suas reo lauacro pollucunt.* Demonstrare volens, inquit Augustinus, Catholicos baptismum non habere: & ideo se non repetere, quod iam erat; sed dare, quod non erat. *l. 1. cont. Petil. c. 1. l. 2. c. 2. l. 3. c. 14.* Nunc verò, quoniam opinor impietatem hanc nupero Edicto Honorius Imperator compescuerat, duxit eam maculam planè diluendam, libro edito: *De Vnico Baptismo.*

Hunc, non nisi verborum strepitu inflatum, & calumniosis criminibus asperatum, cum amicus Augustini Constantinus, à nescio quo Donatistâ Presbytero acceptum (indicante quod Petilianus Episcopus eorum Constantinienſis eum scripſisset) dum simul ruri essent, protulisset; vehementer ut ei responderet, rogauit. Factum est: Librumque suum in quo respondit, eundem titulum habere voluit, hoc est, *De Vnico Baptismo. l. 2. Retract. c. 34. l. de vn. bapt. c. 1.* Cuius hæc summa est (nequicquam æstuante, atque per varias Scripturas oblucente Petiliano) quòd, cum Christi sit vnica hominis in Baptismo consecratio, nulla debeat iteratione violari. *l. de vn. Bapt. c. 2.*

Nisi forte (inquit alioloco Augustinus) quemquam prudentium permouebit, quod de Baptismo solent dicere; Tunc esse verum Baptismum Christi, cum ab homine iusto datur. Cum & hinc teneat orbis terrarum, euidentissimam & Euangelicam veritatem ubi Ioannes ait: *Qui me misit baptizare in aqua, ipse mihi dixit, super quem videris Spiritum descendentem quasi columbam, & manentem super eum, ipse est qui baptizat in Spiritu sancto.* Vnde secura Ecclesia spem non ponit in homine, sed spem suam ponit in Christo: qui sic accepit formam serui, ut non amitteret formam Dei, de quo dictum est, *Ipse est qui baptizat.* Proinde homo quilibet minister Baptismi eius,

V v 2

qualem-

qualemcumque sarcinam portet, non iste, sed super quem columba descendit, *ipse est qui baptizat.*

Illos autem (Donatistas) vana sentientes, tanta absurditas sequitur, ut, quod ab eâ fugiant, non inueniant. Cum enim fateantur, ratum & verum esse Baptismum, quando baptizat apud eos aliquis criminofus, cuius crimina latent; dicimus eis, Quis tunc baptizat? Nec habent quod respondeant, nisi, Deus. Neque enim possunt dicere, quod homo adulter quemquam sanctificet. Quibus respondemus: Si ergo cum baptizat homo iustus manifestus, ipse sanctificat: cum autem baptizat homo iniquus occultus, tunc non ipse, sed Deus sanctificat; optare debent qui baptizantur, ab occultis malis hominibus potius baptizari, quam à manifestis bonis. Multò enim eos melius Deus, quam quilibet homo iustus sanctificat.

Quod si absurdum est, ut quisque baptizandus optet ab occulto adultero potius baptizari, quam à manifesto casto; restat utique ut quilibet ministrorum hominum accesserit, ideo ratus sit Baptismus, quia super quem descendit columba, Ipse est qui baptizat. *Epist. 167. Videri etiam potest l. 2. cont. Parm. cap. 11. l. 1. cont. Petil. cap. 5. 6. & seqq. l. 3. cap. 18. & seqq.*

§. IV.

Liber Augustini de Schismate Maximianistarum.

Librum quoque contra Donatistas se scripsisse testatur, non breuissimum sicut antea, sed grandem, multòque diligentius: in quo apparet, quemadmodum eorum aduersus Ecclesiam Catholicam impium ac superbissimum errorem, sola funditus Maximianistarum causa subuertat: quod Schisma factum est ex ipsa parte Donati, l. 2. *Retract. cap. 35.*

Atqui hoc opus prolixum, ut ait; sicut & alterum eiusdem argumenti, quod breuissimum nuncupat, meminitque l. 2. *Retract. cap. 29.* non exstat hactenus. Ex causa interim Maximianistarum (quam refert l. de Gest. cum Emer. & Enarr. in Ps. 36. conc. 2.) acriter in Donatistas

natistas passim inuehitur : puta l. de unit. Eccl. c. 20. l. 3. cont. Crescon.
c. 12. l. 4. cont. eundem toto. Epist. 162. 165. 207. 265. 255. breuic.
Collat. die 3. cap. 11. &c.

S. V.

*Morte Stiliconis, ad libertatem Donatistæ
aspirant : sed frustra.*

Stilicone interea sublato (qui Romani Imperij proditor, id Eucherio filio suo, tantum Christianis infesto quantum Paganorum ritibus dedito, asserere conabatur, operâ Alarici Gothorum regis, qui Urbem paullo post occupauit; aliorumque Barbarorum, qui per id tempus transito Rheno, Gallias deuastarunt ad Oceanum & Pireneos usque) iactabant falso rumore Donatistæ, atque etiam Paganî, Leges contra se latas, nequaquam ex voluntate Honorij Imperatoris extitisse : sed arte dumtaxat Stiliconis fabricatas, cuius perinde morte pariter exspirassent.

Ob hanc causam non distulit Augustinus ad Olympium litteras dare, virum egregie Christianum, & Augustini in primis cultorem : quem, quia prodicionem Stiliconis præcipue detexerat, Imperator Magistrum officiorum recenter crearat. Cum igitur non potuisset, ut ait, perturbatâ grauitè Ecclesiâ, cum profectis collegis suis ac penè fugientibus ad Comitatum, vllum communicare consilium; oblatam tamen occasionem nactus, & salutare & admonere Olympium voluit, ut opus suum diligentissimâ instantiâ acceleret: quò nouerint inimici Ecclesiæ, Leges illas quæ de Idolis confringendis, & hæreticis corrigendis, viuo Stilicone in Africam misse sunt, ex voluntate Imperatoris piissimi & fidelissimi constitutas: quo nesciente vel nolente factum, siue dolosè iactabant, siue libenter putabant Donatistæ, atque hinc animos imperitorum turbulentissimos reddebant, & Catholicis periculose ac vehementer infestos. Epist. 129.

Iam enim Donatistarum furor hucusque iterum erat progressus, ut sub eo quem dixi prætextu, Seuerus & Macarius occisi sint: Euodius, Theasius, & Victor Episcopi, caesi: nouaque idcirco ad Hono-

rium decreta legatio, obeuntibus Restituto & Florentio Episcopis.

Verum quod monuerat Augustinus, non fuisse insuper habitum ab Olympio; satis constat, quando Honorius Imperator extemplo rescripsit: Quaecumque aduersus Donatistas, aliosque hæreticos atque Gentiles statuta essent; id ex sua sententia factum, firmum ratumque in omnibus esse velle. *l. 43. de hæret. Cod. Theod.* Plura eiusmodi Basso & Philippo Coss. data, extant eodem Codice, aliis libris & titulis.

Sed quoniam inter eas leges, *Calicularum*, veluti hæreticorum, facta mentio est (quorum etiam meminit Augustinus, *Epist. 163.*) cogitavi nonnumquam vtrum per eos non fuerint designati Rogatistæ, Donatistarum frustum, de maiore, vt supra diximus, frusto præcisum: non ob aliam fortasse causam, quam quod meliores se ceteris, iustioresque existimarent. Huius opinionis radicem referebam ad Augustinum, qui de Rogatistis agens, inquit, Vos estis qui non ex totius orbis communione, sed ex obseruatione præceptorum omnium diuinorum atque omnium Sacramentorum, tenetis Catholicam fidem: in quibus eam solis inuenturus est, cum venerit Filius hominis, quando non inueniet fidem in terrâ: quia nec terra estis, nec in terrâ, sed CÆLESTES in CÆLO habitatis, &c. *Epist. 48.* Etenim & hos Calicolas rebaptizasse, patet ex citatâ antè Epistola 163. Sed penes alios esto huius rei iudicium.

S. VI.

Pelagius interea Romæ sibilat.

Anno
408.

AGebat per id tempus Romæ Pelagius, cumque Celestio suo Babyloniam fundabat, quam totis postea viribus & armis Augustinus aggressus, funditus evertit. Erroris ipsius rudimenta planxerat ante plusculos annos Chrysostomus his verbis: De Pelagio Monacho, magno dolore affectus sum. Cogita igitur quot quantisque coronis digni sint, qui forti animo in acie steterunt; cum viros tam piè ac sanctè, tantaque cum tolerantia viuentes, abripi, atque in fraudem impelli videamus; *Epist. 4. ad Olympiad.* At verò nunc magnis passibus procurrebat in deterius. Absque hoc errore alioquin fatebatur

fatebatur Augustinus, absentis, & Romæ constituti Pelagij nomen, cum magnâ eius laude se cognovisse. *l. de Gest. Pelag. c. 22.* Verumtamen didicisse postea potuit, non virtutes, sed earum imagines fuisse, quibus tum virus hæreticum tegebatur.

Quò facit quod de Pelagio refert Hieronymus, quidquid scilicet aduersarium sententiæ Catholicæ Pelagius docuerat, negare postea solitum. Sed & aliam eiusdem versutiam detegit, cum ait: Sola hæc hæresis est, quæ publicè erubescit loqui, quod secretò dicere non metuit. Magistrorum silentia profert rabies discipulorum: quod audierunt in cubiculis, in tectis prædicant: ut si placuerit auditoribus, quod dixerint, referatur ad gloriam Magistrorum: sin displicuerit, culpa sit discipuli, non Magistri. *Epist. ad Ctesiph.* Quapropter sub alieno nomine veluti argumentationes, aliorumque obiectiones, praua sua dogmata, in libris à se editis Pelagius per id tempus occultuit: quibus dissoluendis peculiarem librum, puta Tertium de Peccatorum meritis & remissione, Augustinus postea opposuit (fraudis tum istius ignarus) quando annorum aliquot deinde lapsu eadem Pelagius pertinacissimâ animositate defendit. *l. 2. Retract. c. 33.*

Non igitur immeritò Pelagianos, sicuti novos sui temporis hæreticos, ita disputatores callidos, & arte magis subtili quàm nimirum ceteri faciant hæretici, noxia scribentes: & ubicumque poterant, publicè & per domos loquentes (contra quos per annos totidem Augustinus laborauit, librorum multa condens edensque volumina, & in Ecclesia populis frequentissimè disputans) perstringit Possidius. *cap. 12.*

Romæ autem Pelagius in contentionibus & disputationibus diutissimè versatus, occasionem vndique captare non destitit hæresis propagandæ & propugnandæ. Scripsit ibidem, sed paullo ante hunc annum, ad sanctum virum Paullinum Episcopum Nolanum Epistolam, quam Augustinus testatur se legisse, & fermento Pelagiani erroris, ut & cetera eius posteriora opera, esse corruptam. *l. de pecc. Orig. c. 21. & l. de Grat. Christi c. 35.* Eodem loco dum Episcopus quidam, inter sermocinandum cum Pelagio, citaret Augustini verba, e libris Confessionum: *Da quod iubes, & iube quod vis*; ipse ea ferre non potuit, & contradicens aliquantò vehementius, penè cum eo, qui ea commemorauerat, litigauit. *l. de dono persequ. c. 20.*

Sed perperam atque peruersè. Nam cum rabet Deus, dicens nobis;

bis; *Conuertimini ad me & ego conuertar ad vos*: nosque illi dicimus; *Conuerte nos Deus sanitarum nostrarum*, & , *Deus virtutum conuerte nos*: quid aliud dicimus, quàm, *Da quod iubes*? Cùm iubet dicendo, *Intelligite ergo qui insipientes estis in populo*: & nos illi dicimus; *Da mihi intellectum vt discam mandata tua*: quid aliud dicimus, quàm, *Da quod iubes*? Cum iubet dicendo: *Post concupiscentias tuas non eas*: nosque dicimus, *Scimus, quia nemo potest esse continens, nisi Deus det*: quid aliud dicimus, quàm *Da quod iubes*? Cùm iubet dicendo, *Facite iustitiam*: nosque dicimus, *Doce me iustificationes tuas*: quid aliud dicimus, quàm *Da quod iubes*? l. 2. de pecc. mer. & remiss. c. 5.

Edidit Pelagius & alia quædam, siue hâc circiter tempestate, siue post eam: de quibus Augustinus lib. de Grat. Christi cap. 35.

CAPVT XI.

AVG. DIVITIARVM CONTEM-
TOR, ET ERGA PAUPERES BENIGNVS.

§. I.

*Cupiditatis etiam suspicionem à se
remouere studet.*

Anno
409.

PINIANVS, vir clarissimus & copiosus, metu inhiantis Romanis opibus Alarici, agris prædiisque primùm diuenditis, vnâ cum Melaniâ seniore, & Melaniâ iuniore coniuge, atque focru Albinâ hoc anno in Africam aduenit. Hos, simul atque appulerant, litteris Augustinus peramanter salutauit: quibus etiam excusat, quòd propter ingruentem duram hyemem, & statum Hipponensis Ecclesiæ titubantem, ad eos inuisendos (erant autem Tagastæ apud Alipium) accurrere minimè potuisset. *Epist. 227.*

Cùm verò Hipponem deinde ipsi aduenissent ad inuisendum Augustinum;

gustinum; occasione munificentiae Piniani in Ecclesiam Tagastensem, populus Hipponensis postulabat tantum non violenter Ecclesiae suae presbyterum Pinianum ordinari, contra fidem quam ei Augustinus promissione firmaverat, se illum inuitum non ordinaturum. *Epist. 225.* Quo etiam facit Epistola 124. ad Alipium: qui iuxta cum Albina fuerat nonnihil similiter de Augustino suspicatus, quasi illo conscio Hipponenses, non clericatus (ut aiebat Albina) sed pecuniae causam, hominem diuitem & largitorem apud se tenere voluissent. Cui suspicioni (utpote hominum de hominibus, licet falsa, non tamen incredibilia suspicantium) sicuti irascendum non putauit, ita eam sibi duxit necessariò diluendam. adeò ut, unde saepe alias in similibus solatium petere solitus erat, conscientiae bonae testimonium hic ei non suffecerit. Nec nobis, inquit, sufficiat nostra conscientia, quia non talis causa est ubi debeat sola sufficere. Si enim serui Dei non reprobis simus, si aliquid viget in nobis illius igniculi quo charitas non quaerit quae sua sunt; Prouidere utique debemus bona, non solum coram Deo, sed etiam coram hominibus. *Eadem Epist. 124.*

Hinc & alia Epistola satis prolixa se apud Albinam purgat, eiusque suspicionibus temere conceptis non solum sese (quem tantum ex obliquo tangebant) sed etiam populum suum Hipponensem liberare satagit. Vbi sic inter alia: Sicut enim plebs Tagastensis, de his quae consuluitis Ecclesiae Tagastensi, non habet nisi gaudium boni operis vestri: sic & Hipponensis, & cuiuslibet alterius loci, ubi de Mammonae iniquitatis Domini praecepta fecistis, vel estis ubicumque facturi. Non ergo populus, ut de tanto viro Ecclesiae consuleret suae ardentissime flagitans, suum pecuniarium quaesivit commodum à vobis: sed vestrum pecuniae contemptum dilexit in vobis. *Epist. 225.* Quod postremum probabile reddere conatur exemplo suo, quem, cum ciuis esset Tagastensis, Hipponenses tamen ob eandem causam apud se retinendum, atque Episcopo quamuis reluctantem praesentandum putarunt: Nam si in me, inquit, dilexerunt, quod audierant paucis agellulis paternis contemptis, ad Dei liberam seruitutem me fuisse conuersum; quanto flagrantius in nostro Piniano amare potuerunt, tantam mundi cupiditatem, tantas opes, tantam spem tantà conuersione superatam atque calcatam? &c. *ibid.*

§. II.

Opum affluentiam reijcit.

SANè si volumus fateri quod res est, plurimumque ad excellentiam Augustini facit; numquam habuit animum vir iste, opum abundantiaque cupidum: neque eo quidem fine, vt Ecclesiam cui præerat, ditaret. Id euadit manifestum inde, quod cum aliquando ipse Alipiusque consultassent, quota pars bonorum adducenda foret ab iis, qui ad religionem se conuerterent; Alipius dimidiam saltem adducendam existimarit: Augustinus verò hac in parte benignior, omnino nullam: ne videretur scilicet Ecclesiastica cura, nihil aliud quam pecuniaria fuisse. *Epist. 239.*

Quapropter Leporium, hominem generis nobilitate opibusque conspicuum (vt non immerito fortasse Piniano possit comparari) non prius in domum suam Clerumque recepit; quam erogatis omnibus bonis, inopem prorsus redditum viderit. Quod vt expeditissimè fieret, audi quid egerit Augustinus. Ego, inquit, illi iniunxi: ego iussi: vt nimirum Monasterium, vnaque Xenodochium erigeret. Obtemperauit mihi libentissimè, & sicut videtis, operatus est. Quomodo etiam meo iussu, Basilicam ad octo Martyres fabricauit, de his quæ per vos Deus donauit. Cæpit enim de pecunia, quæ data erat Ecclesiæ propter Xenodochium: & cum cæpisset ædificare; vt sunt religiosi desiderantes opera sua in cælo scribi, adiuuerunt prout quisque voluit, & fabricauit. *serm. 50. de diuers.*

Hunc Leporium esse alium ab eo, qui fuerat aliquando conuersus ab hæresi Pelagiana, Gallus origine, vt infra dicemus, alij affirmant, vt *Batonius*: negant alij, vt *Binarius*.

§. III.

§. III.

Non hereditaria.

Istuc facit etiam, quod, cum Ianuarius Presbyter, & inter Domesticos Clericos vitam communem professus, iam morti propinquus facto per nefas testamento, filiam filiumque, illam cum laude, illum cum elogio, id est cum vituperatione exheredasset, instituta Ecclesia heredes; plane reculauerit Augustinus hereditatem adire: tametsi nonnulli eius in hac re constantiam damnarent. Dicebant enim: *Ecce quare nemo donat Ecclesie Hipponensi aliquid: ecce quare non eam faciunt, qui moriuntur heredem: Quia Episcopus Augustinus de bonitate sua (laudando enim mordent; labium mulcent, dentem figunt) donat totum, non suscipit.*

Sed respondet: Plane suscipio, profiteor me suscipere oblationes, oblationes sanctas. Si quis autem irascitur filio suo, & moriens exheredit eum; si viveret, non eum placarem? non ei filium suum reconciliare deberem? Quomodo ergo cum filio suo volo ut habeat pacem, cuius appeto hereditatem? Sed plane, si faciat, quod sepe hortatus sum. Unum filium habet? putet Christum alterum. Duos habet? putet Christum tertium. Decem habet? Christum undecimum faciat, & suscipio.

Quia ergo feci hoc; in quibusdam rebus iam volunt bonitatem meam, vel commendationem tantum meam in aliud vertere, ut alio modo me reprehendant, quia oblationes deuorum hominum nolo suscipere. Considerent quam multa susceperim. Quid opus est ea numerare? Ecce unum dico. Filij Iuniani hereditatem suscepi. Quare? Quia sine filiis defunctus est. Bonifacij hereditatem suscipere nolui, non misericordia, sed timore, &c. In summa, Nemo ibi me laudet, inquit: sed nemo etiam vituperet. Plane quando donavi filio quod iratus pater abstulit, bene feci. Laudent qui volunt, parcant qui laudare nolunt. Quid plura fratres mei? Quicumque vult exhereditato filio, heredem facere Ecclesiam; quarat alterum qui suscipiat, non Augustinum: imò Deo propitio, neminem inueniat.

Quam laudabile factum sancti & venerandi Episcopi Aurelij Car-

X x 2

thagi-

thaginenſis, quomodo impleuit eos omnes qui ſciunt laudibus Dei? Quidam enim cū filios non haberet, neque ſperaret; res ſuas omnes, retento ſibi uſufructu, donauit Eccleſiæ. Nati ſunt illi filij, & reddidit Episcopus nec opinanti, quæ ille douauerat. In poteſtate habebat Episcopus non reddere: ſed iure fori, non iure poli. *ſerm. 49. de diuerſ. c. 2. 3. & 4.*

Nam cū de Eccleſia ſiue dotanda ſiue ditanda hīc ageretur, non tuendā; maiorem exiſtimauit Aurelius Liberorum, quā Eccleſiæ fauorem eſſe. Neque enim exiſtimo, reſcriptum Constantini & Constantij ad Orphitum, quo ſuſceptis liberis reuocari Donationes aiunt; ad eas extendi, quæ factæ ſunt Eccleſiis.

§. IV.

Neque donationum auarus apprehenſor.

Eodem accedit quod totidem verbis Poſſidius narrat, poſtquam conſuſe præteritam hīſtoriam attigiffet:

Quidam ex honoratis Hipponenſium, apud Carthaginem viuens, Eccleſiæ Hipponenſi poſſeſſionem donare voluit: & conſectas tabulas, ſibi uſufructu retento, vltro miſit Auguſtino. Cuius ille oblationem libenter accepit: congratulans ei, quod æternæ ſuæ memor eſſet ſalutis.

Verū poſt aliquot annos, nobis cum eodem Auguſtino conſtitutis, ecce ille donator litteras per filium ſuum mittens, rogauit vt illæ donationum tabulæ filio ſuo redderentur: pauperibus verò erogandos direxit ſolidos centum. Quo ille ſanctus cognito, ingemuit hominem vel ſinxiffe donationem; vel eum de bono opere pœnituiſſe: & quanta potuit Deo ſuggerente cordi eius, condolente animo ex eadem reſagatione dixit, in illius ſcilicet increpationem & correctionem.

Et tabulas quas ille ſponte miſerat, nec deſideratas, nec exactas, conſeſtim reddidit: pecuniamque illam reſpuit: atque reſcriptis eundem ſicut oportuit & arguit, & corripuit: admonens vt de ſua ſimulatione vel iniquitate, cum pœnitentiæ humilitate Deo ſatisfaceret,

certum est, ne cum tam graui delicto de seculo exiret.

Frequentius verò dicebat, magis secare ac tutò Ecclesiam Legata à defunctis dimissa debere suscipere, quàm hereditates fortè sollicitas & canonicas: ipsaque Legata, magis offerenda esse, quàm exigenda. *l. ibid. cap. 24.*

S. V.

Augustini obuia benignitas.

IAm & aliud est Christianæ benignitatis ipsius luculentum exemplum. Lex erat Theodosij Imperatoris, lata Arcadio Augusto II. & Rufino Cons. Constantinopoli xv. Kalend. Nouemb, qua debitores publicos, si ad Ecclesias confugerint, illicò extrahi decernit: aut pro his ipsos, qui eos occultare probantur, Episcopos exigi.

FASTIVS quidam, cum debito decem & septem solidorum ab oppignoratoribus vrgeretur vt redderet; quòd ad præsens, vnde explicaret se non inueniebat, ne corporalem pateretur iniuriam, ad auxilium sanctæ Ecclesiæ conuolauit. Eum secuti exactores cum prolifici cogerentur, & ideo dilationem dare non possent; grauissimis Augustinum querelis onerauerunt, postulantes aut sibi lallium tradi, aut prouideri vnde acciperent quod debebatur.

Collectam pro se in populo fieri Fastius nolebat. Quapropter Augustinus à Macedonio quodam mutuo sumsit, quantum Fastius debebat, decem & septem solidos. Quos & in causam eius continuò dedit: promittente illo quod ad certum diem cum eis reddendis occurreret: & consentiente, vt si non faceret, commendari se populi liberalitati pateretur.

Non fecit. Atque ideo Augustinus ne pollicitationi suæ deesset de representandis totidem solidis Macedonio, quia iam dies ad quem promiserat se occursurum, erat transactas: quoniam die Pentecostes non meminerat inde facere sermonem, absens nunc litteras ad plebem suam Hipponensem, & Ecclesiæ ministros scripsit, quibus petit vt pro supplenda necessitate Christiani & Catholici fratris, faciant quod Dominus imperat, sine tristitia & murmuratione, cum
latitiâ

lætitia & hilaritate. Nam & Presbyteris significasse ait, ut si quid minus fuerit post collationem plebis; compleant ex eo quod habet Ecclesia: dum tamen ipse populus, secundum quod placet, hilariter offerat. Quia siue de vestro, inquit, siue de Ecclesiâ detur, omnia Dei sunt: & deuotio vestra dulcior erit thesauris Ecclesiæ, sicut Apostolus dicit: Non quia querro datum, sed requiro fructum. *Epist. 215.*

S. VI.

*Clericalium possessionum curam aliis relegat.
Eiusdem securitas in fide alterius.*

C Vras porrò temporales non minùs spreuit, quàm res ipsas. Hinc Possidius: Domùs, inquit Ecclesiæ curam omnemque substantiam, ad vices valentioribus Clericis delegabat, & credebat: numquam clauem, numquam annulum in manu habens: sed ab eisdem domùs præpositis cuncta & accepta & erogata notabantur. Quæ anno completo, eidem recitabantur: quò sciretur quantum acceptum, quantumque dispensatum fuisset, vel quidquid indispensatum, vel dispensandum remansisset: & in multis titulis, magis illius præpositi domùs fidem sequens, quàm probatum manifestumque cognoscens.

Domum verò, vel agrum seu villam numquam emere voluit. Verùm si fortè Ecclesiæ, à quoquam sponte tale aliquid vel donaretur, vel titulo Legati dimitteretur, non respuebat, sed suscipiebat. *Possid. c. 24.*

Et dum Clericis fortè, ut assolet, de possessionibus ipsis inuidia fieret; alloquebatur plebem Dei: Malle se ex collationibus plebis Dei viuere; quàm illarum possessionum curam vel gubernationem pati: & paratum se esse illis cedere, ut eo modo omnes Dei serui & ministri viuerent, quò in veteri Testamento leguntur Altari deseruiens de eodem participare. Sed numquam id laici suscipere voluerunt. *Possid. c. 23.*

In iis quoque quæ Ecclesia habebat & possidebat; intentus amore, vel implicatus cupiditate non erat: sed maioribus, magisque spiritualibus

libus suspensus & inherens rebus, vix aliquando seipsum ad ista temporalia, ab æternorum cogitatione, relaxabat & deponebat, &c.

Nam fabricarum novarum, numquam studium habuit, deuitans in eis implicationem animi sui, quem semper liberum habere volebat ab omni molestia temporali. Non tamen illa volentes & edificantes prohibebat, nisi tantum immoderatos. *Pessid. c. 24.*

§. VII.

Erga pauperes beneficus.

Pauperum semper memor erat, eisque inde erogabat, vnde & sibi suisque omnibus secum habitantibus erogabatur: hoc est vel ex redditibus possessionum Ecclesie, vel etiam ex oblationibus fidelium. *Pessid. c. 23.* Vox eius erat: Non est Episcopi seruare aurum, & reuocare a se mendicantis manum. Quotidie tam multi petunt, tam multi gemunt, tam multi nos inopes interpellant, vt plures tristes relinquamus, quia quod possimus dare omnibus, non habemus. *Serm. 49. de diuers. c. 4.*

Interea dum Ecclesia pecunia deficeret, hoc ipsum populo Christiano denuntiabat, non se habere quod indigentibus erogaret. Nam & de valis Dominicis propter captiuos, & quamplurimos indigentes frangi, & consari iubebat, & indigentibus dispensari. Et hoc ipsum etiam venerabilis memorie Ambrosius, in talibus necessitatibus indubitanter esse faciendum & dixit & scripsit, hac vtique sententia: Aurum Ecclesia habet, non vt seruet, sed vt erogat.

Sed & de neglecto a fidelibus gazophylacio & secretario, vnde Altari necessaria interuntur, aliquando in Ecclesia loquens, admonerat: quod etiam beatissimum Ambrosium se presente in Ecclesia tractasse, nobis aliquando retulerat. *Pessid. c. 24.*

Denique quod huic tunc potissimum tempore interitus Romani timebatur Imperij, admodum congruebat: Hispanenses suos, quos absens acceperat in elemosynarum erogatione retrixisse, Epistola scripta redarguit. Nuntiaturum est, ait, mihi, quod morem vestrum de vestiendis pauperibus, fueritis obliti. Ad quam misericordiam cum
presens

præfens eſſem vos exhortatus ſum, & nunc exhortor, ne vos vincat & pigros faciat contritio huius mundi, cui talia videtis accidere, qualia Dominus & redemptor noſter, qui mentiri non poteſt, ventura prædixit.

Non ſolùm ergò non debetis minùs facere opera miſericordiæ, ſed etiam debetis ampliùs quàm ſoletis. Sicut enim ad loca munitiora feſtinantiùs migrant, qui ruinam domùs vident contritis parietibus imminere: ſic corda Chriſtiana, quantò magis ſentiunt mundi huius ruinam, crebeſcentibus tribulationibus, propinquare; tantò magis debent bona, quæ in terrâ recondere diſponebant, in theſaurum cæleſtem impigrâ celeritate transferre: vt ſi aliquis humanus caſus acciderit, gaudeat qui de loco ruinoſo emigravit: ſi autem nihil tale fuerit ſubſecutum, non contriſtetur, qui quandoque moriturus immortalī Domino, ad quem venturus eſt, bona propria commendauit, &c. *Epist. 138.*

CAP V T XII.

COLLATIO CARTHAGINENSIS
CVM DONATISTIS.

S. I.

Furor Donatistarum reſtibilis.

Anno
410.

HOc tempore circiter cùm Victorianus preſbyter cladem calamitateſque per litteras nuntiaſſet, quibus paſſim & vbique Barbari per Europam, è Galliis in Hiſpanias tranſlati, ſolitâ feritate deſolantes omnia, graſſabantur: petiſſetque prolixo aliquo opere ad ſuas litteras ab Auguſtino reſponderi; accepit in primis reſponſum, Talibus malis prolixos magis gemitus & fletus, quàm prolixos libros deberi. Totus quippe mundus, inquit, tantis affligitur cladibus, vt penè nulla pars terrarum ſit, vbi non talia, qualia ſcripſiſti, committantur atque plangantur.

Verum-

Verumtamen, vt longius non exeat, breuiter strictimque enumeratis quæ per Barbaros Agyptus, Italia, Gallia & Hispania passæ sunt; Ecce, inquit, in regione nostrâ Hipponensi (quoniam eam Barbari non attigerunt) Clericorum Donatistarum & Circumcellionum latrocinia sic vastant Ecclesias, vt Barbarorum fortasse facta mitiora sint. Quis enim Barbarus excogitare potuit quod isti, vt in oculos Clericorum nostrorum calcem & acetum mitterent: quorum membra etiam cetera plagis horrendis vulneribusque sauciarent?

Depradantur etiam domos aliquas & incendunt: fructus aridos diripiunt, humidos fundunt: & talia ceteris comminando, multos etiam rebaptizari compellunt. Pridie quàm ista ad te dictarem, ex vno loco per eiusmodi terrores, quadraginta & octo animæ mihi rebaptizatae nuntiatae sunt. *Epist. 122.*

§. 11.

Romana urbis excidium per Alaricum.

ET hæc quidem, si calculum ponimus, eo anno gerebantur, quo Romam nono Kalend. Septembris, vt propius vero est, Gothi occuparunt, puta cccc. x. Varane V. C. Cos. de qua clade anigmatis, Hieronymus Augustino scribebat: Capta Hierusalem tenetur à Nabuchodonozor, nec Ieremiæ vult audire cõsilia: quin potius Aegyptum desiderat vt moriatur in Taphnes, & ibi seruitute pereat sempiternâ. *Epist. 26.* Quo loco Hieronymus, per Ieremiam intelligit Innocentium Papam, qui tum Petri Cathedram sanctissimus infidebat.

Exstat etiam Augustini Tractatus, De Excidio urbis *Tomo IX.* vbi contra aduersitates plurium hodie Regnorum & Prouinciarum præfens remedium propinat, dum ad extremum ait: Vnam tribulam sentit area, vt stipula concidatur, granum mundetur: vnum ignem patitur fornax aurificis, vt palea in cinerem pergat, aurum sordibus careat. Sic & vnam tribulationem Roma pertulit, in quâ vel emendatus liberatus est pius, impius autem damnatus est: siue ab hac vita raptus sit, vbi magis pœnas iustissimas lucret; siue hic remanserit, vt

Y y

damna-

damnabilius blasphemaret; *Tract. de excid. urb. cap. 8.*

Nam & infideles etiam, si quid rectè saperent, deberent illa quæ ab hostibus aspera & dura perpetiuntur, illi diuinæ Prouidentiae tribuere: quæ solet corruptos hominum mores bellis emendare atque conterere; itemque vitam mortalium iustam atque laudabilem talibus afflictionibus exercere: probatamque vel in meliora transferre, vel in his adhuc terris propter vsus alios detinere. *l. i. de Ciuit. Dei c. i.*

Quæ cum ita sint, quicumque boni maliq̃ue pariter afflicti sunt, non ideo ipsi distincti non sunt, quia distinctum non est quod vtrique perpeffi sunt: manet enim dissimilitudo passorum, etiam in similitudine passionum: & licet sub eodem tormento, non est idem virtus & vitium. Nam sicut sub vno igne aurum rutilat, palea fumat; & sub eadem tribulâ stipulæ comminuuntur, frumenta purgantur; nec ideo cum oleo amurca confunditur, quia eodem præli pondere exprimitur: ita vna eademque vis irruens bonos probat, purificat, eliquat; malos damnat, vastat, exterminat. Vnde in eadem afflictione, mali Deum detestantur atque blasphemant: boni autem precantur & laudant. Tantum interest non qualia, sed qualis quisque patiat. Nam pari motu exagitatum, & exhalat horribiliter cœnum, & suauiter fragrat vnguentum. *eod. l. cap. 8.*

Exstat alius Sermo insignis, cum allato in Africam cladis nuntio Roma funditus euerfa periisse diceretur, inter nouissimè editos à Sirmondo 33.

S. III.

Hanc ob rem leges in Africâ laxatæ. Legatio Catholicorum ad Honorium.

Ceterum obsessa adhuc Vrbe, Priscus Attalus, quem Imperatorem Barbari designari fecerant, totus in eo erat, vt Africam in primis subigeret, vnde omnis frumenti copia in Italiam aduentabat. Sed cum omnes Attali conatus, Heracliani Africæ Comitibus robur & industria anteuertisset; idem ipse Heraclianus effecerat apud Honorium, vt tantisper quoad rerum confusio duraret, leges aduersus Donatistas latæ silerent.

Quam-

Quamobrem furere illi iterum & scire, sicut videre est *Epist. 68. §.*
Ecce interim: donec Attalo exauctorato (in quo nimirum Imperatore
 facto, infecto, refecto ac defecto, ut Orosius loquitur, citius his omni-
 bus actis penè quàm dictis, Alaricus mimum risit, & ludum specta-
 uit Imperij) Episcopi Africani, quòd viderent postremum Honorij
 rescriptum Catholicorum rebus graue detrimentum inferre, habità
 Carthagine Synodo, decimoseptimo Kalend. Iulij, Legationem ad
 Honorium rursus decreuerunt. Hæc non tantum abolitum est edi-
 ctum, cuius iam meminimus; sed ratio inita, Legatis poscentibus, pe-
 nitens exstirpandi Donatistas, & remedio indicendæ Collationis pu-
 blicæ per Imperialia iussa: quam toties rogati Donatistæ, semper ob-
 stinate defugerant; auctore Primiano iactitantes, indignum esse ut in
 vnum conueniant filij Martyrum & progenies Traditorum. *Collat.*
3. cap. 4.

Profecti sunt ad Honorium Episcopi quatuor: Florentius, Possi-
 dius, Præsidius, & Benenatus: aut ut alij volunt tres: Florentius, Possi-
 dius & Melanthius. Quibus, tamen in medijs fluctuantis Imperij vn-
 dis eà tempestate versaretur, tam commodam nihilominus Impera-
 tor mentis auriumque operam præstitit, atque si solum id agere vider-
 retur. Imitatus hæc in parte Theodosium patrem, quem aiebat Am-
 brosius magis de Ecclesiæ, quàm animæ suæ salute sollicitum fuisse.

Virorum igitur honorum secutus consilium Honorius existimauit
 Altare contra Altare erigi continenter in Africâ, maiorem Ecclesiæ
 deformitatem esse, quàm tum erat in Urbis euerfione atque valitute.
 Ut non frustrâ videatur Deus tam pijs Honorij consilijs fauisse: quan-
 do triduo tantum versatus in Vrbe victâ Alaricus, non aliter porro
 excessit, atque si fugam & exitium maturasset.

Et Romæ quidem in Campaniam profectus cum Nolam inuasisset,
 Paullinum Episcopum vinculis oneravit, de quo Augustinus: Paul-
 linus, inquit, noster, Nolanus Episcopus, quando ipsam Nolam Bar-
 bari vastauerunt, cum ab iis teneretur, sic in corde suo, ut ab eo postea
 cognouimus, precabatur: Domine, non excrucier propter aurum &
 argentum: ubi enim sint omnia mea, tu scis. *l. i. de Ciuit. Dei cap. 20.*

Inde per vniuersam Campaniam circumducens populabundum
 exercitum Alaricus, paullo post apud Cosentiam ciuitatem morbo
 correptus interit. Sepultus autem est à suis in medio Basentij am-
 nis alueo, quem captiuorum operâ tantisper deriuauerant: ne quis

scilicet, amne postea ad solitum alucem reducto, locum sepulturæ eius scire posset. Planè vt olim Decebalus Dacorum rex : qui à Traiano subactus manus sibi attulit, postquam antea thesauros omnes suos in Sargetiâ flumine, captiuorum etiam operâ auerso, sed frustra, abdidisset.

§. IV.

*Collationem Honorius indicit. Ab eâ reiecti
Maximianistæ.*

Igitur Honorius, pridie Idus Octobris anno captæ Urbis, in annum sequentem, Collationem Carthagine indixit inter Catholicos & Donatistas : cui Flauium Marcellinum V. C. Tribunum & Notarium, Cognitionem præfecit. *Posid. cap. 13.* Id per Augustinum (qui adhuc aliquid opinionis suæ pristinæ, Hæreticos videlicet disputatione vincendos esse, &c. retinuerat) consentientibus tamen Episcopis & pariter satagentibus, cœptum & perfectum esse, disertè tradit Possidius, *ibidem*.

Cur autem sic agendi consilium suggesserit, secutusque sit Augustinus, satis ipse declarat his verbis : Illorum enim furor (Donatistarum) occupauerat Africam totam : nec prædicari à Catholicis veritatem contra suum patiebantur errorem : violentis aggressionibus, latrocinationibus, itinerum obsidionibus, rapinis, ignibus, cædibus multa vastantes, cuncta terrentes. Cum quibus apud Episcopos, quos communes non habebamus, nihil agere poteramus : quod verò antecentum fermè annos maiores nostri cum eis egerant, iam populorum memoria non tenebat. Hæc igitur necessitas compulit, vt saltem gestis nostrâ Collatione confectis, eorum contunderemus inuercundiam, & reprimeremus audaciam. *l. 3. cont. lul. cap. 1.* Cum quibus profectò conueniunt, quæ superius ad Victorianum ab Augustino scripta retulimus.

Verumtamen sicut diligentia summâ procuratum est, vt Donatistæ, tametsi inuiti, ad Collationem adducerentur; ita dum eandem Maximianistæ peroptabant, à Catholicis repulsi sunt. Etenim de his, dum
illis

illis Pelagianos comparat, Augustinus agens: Similes, inquit, estis potius Maximianistis: qui cupientes exiguitatem suam nomine saltem certaminis consolari; & ideo videri aliquid apud eos quibus contem-
tibilis erant, quia nobiscum inire sinerentur examen: interpellantes eos, & libellum dantes, prouocantesque contempsimus. Magis enim de certamine nominari deliderabant, quam formidabant in certamine superari. Nec sperabant victoriæ gloriam; sed famam requirebant Collationis, quia multitudinis non habebant. *l. 3. cons. lul. cap. 1.*

§. V.

*Marcellinus Collationis Cognitor: eiusq;
edictum.*

Marcellinus itaque causæ Cognitor & iudex, qui iam antè in Anno Africa agebat, viso Imperatoris rescripto, Actuarios in hoc ^{411.} deputatos ad singulas Africæ Prouincias destinauit, vniuersis Episcopis Caesaris voluntatem intimaturos.

Edidit præterea aliud ipse Edictum, cuius tenore cunctos per Africam, tam Catholicæ, quam partis Donatiænæ Episcopos commonuit: vt intra tempus Lege præscriptum, id est intra quatuor menses (qui dies intra diem Kalendarum Iuniarum sine dubio concludetur, inquit) ad ciuitatem splendidam Carthaginensem, Concilij faciendi gratiâ, conuenire non differant: Ne eam partem de merito propriæ fidei appareat iudicasse, quam defuisse constiterit. *Gest. l. Cognit. cap. 5.*

In eodem Edicto Marcellinus, Basilicas, sine iussione Imperatoris, reddidit Donatistis qui se venturos pollicerentur: vt hoc modo eos ad conferendum etiam beneficiis inuitaret. Denique eis obtulit, vt quem vellent alium cum illo iudicem constituerent: iurauitque per mysterium Trinitatis, per Incarnationis Dominicæ Sacramentum, nihil se aliud iudicaturum, nisi quod allegationes partium & veri fides inuenerit. *ibid. & Coll. l. cap. 3.* Datum est hoc Edictum, post Consulatum Varanis: Anno Christi cccc. xi. Ætatis Augustini quinquagesimo septimo.

Y y 3

§. VI.

§. VI.

Conueniunt Donatistæ & Catholici Episcopi.

His ita habentibus, Donatistarum Episcopi sic à Primatè suo per Tractatorias à Marcellino concessas euocati sunt, iussique prætermis omnibus properare Carthaginem; vt scirent se decepisse quod haberent optimum in causâ, quicumque venire noluissent. *l. post Collat. cap. 24.*

Congregantur igitur ex vniuersa Africa tot Episcopi Donatistæ: ingrediunturque Carthaginem cum tantâ speciosi agminis pompâ, vt tam magnæ Ciuitatis oculos in se, intentionemque conuerterent. *cod. l. cap. 25.* Id contigit decimo quinto Kalendas Iunias, vt ipsimet in Notoria sua fassi sunt: *gest. Cognit. l. cap. 14.* vbi etiam affirmabant vsque adeo se omnes venisse Carthaginem, vt (eis solis exceptis, quos vel in propriis sedibus, vel in itinere tenuit corporis ægritudo) nec grauissimos senes annositas, nec labor prolixi itineris potuerit impedire. *ibid. & l. post Collat. cap. 24.*

Conuenerunt etiam Catholici, plures vtique Donatistis: tametsi ad euitandam ostentationem non simul omnes, sed seorsum, prout quisque poterat, urbem ingressi sint. *Coll. l. cap. 11.* Quam ab causam pauciores adesse rati Donatistæ; non prius sciuerunt quod res erat, quàm Catholicorum numerum constare, suum quem perhibuerant, errasse conspexerunt.

§. VII.

Collationis Locus & Leges.

Ambabus partibus Carthagine præsentibus, cum declarassent coràm Donatistæ, interrogante Marcellino, non decere eos Cognitorem eligere alterum, qui non petuerant primum: alio Edicto
 Marcel-

Marcellinus, quod & ipse Imperator Honorius decreuerat, statuit, monuitque vtriusque partis Episcopos, Non ampliùs quàm septenos hinc & inde, qui communi omnium suffragio nominarentur, mutua inter se disceptationis habituros esse colloquium: totidem præterea qui consilio, si opus esset, adhererentur: & quaternos alios, qui gestis custodiendis & conscribendis præessent: in vniuersum triginta sex. Id fiebat eo fine, vt quiete & tranquille omnia, ac sine turbis & strepitu peragerentur, ob quod etiam omnem populi conuentum arcuerat: eaque lege, vt reliqui vtriusque partis Episcopi signatis ad se litteris promitterent, ratum habituros, quidquid à septenis fuisset actitatum.

Locum etiam futuræ Collationi Thermas Gargilianas destinauit: quod Franc. Balduinus ait, videri fuisse nobile aliquod Carthagine auditorium. *gest. Cognit. l. cap. 10. Epist. 152. Exstat l. 2. Veterum Epigramm.* quæ Pithæus collegit, Epigramma de Thermis Gargiliis, à Thrasamundo Rege renouatis, vt primæ postremæque veruum litteræ indicant, THRASAMUNDVS VOTA SERENANS.

Instante nunc igitur Collatione, aiebat pro concione Augustinus: Ad Collationis locum nullus vestrum irruat, fratres mei. Prorsus si fieri potest, etiam per illum locum transitum deuitate, ne fortè aliquis contentions & litis aditus inueniatur, vel occasio præbeatur, & inueniant ipsam occasionem, qui querunt occasionem. Maxime quoniam qui parum Deum timent, aut admonitionem nostram paruipendunt, vel quia præsentia diligunt, debent saltem terrenæ potestatis leueritatem venerari. Edictum viri illustris publicè propositum legistis: quod quidem non propter vos propositum est, qui Deum timetis & admonitionem Episcoporum vestrorum non contemnitis; sed ne quis ista non curet, ne quis ista contemnat. *serm. 36. inter nouiss.* Ita nimirum Catholici Episcopi Cognitori obtemperabant, qui moneri plebes iusserat per singulas Ecclesias, vt à die disputationis ac loco omnis se multitudo contineret.

Ceterum cum partis Donati Episcopi exigerent proponi sibi ab aduersariis, quæ de causâ fuissent congregati; Cognitor distulit: vt ex ordine prius omnia recitarentur, quæ ante diem Collationis acta fuerant. Et recitata est Notoria Donatistarum, in qua dixerunt, Non sibi placere, vt hi soli ex Episcopis conuenirent ad Collationis locum, quos ad ipsam causam peragendam reliqui delegissent: sed petiuerunt se omnes potius qui venerant adesse debere, vt eorum numerus appareret

reret: dicentes, quod eos aduersarij paucos esse mentiti sint. *Coll. 1. cap. 4.* Verùm absque confusione fieri istud haud poterat. Nam cùm patientia disputandi, quæ soli amica silentio est, omnem cateruatim agminis strepitum perhorrescat; nihil interest utrùm eam congestio populorum, an Episcoporum turba præpediat: dixerat Marcellinus in Ediçto suo. *gest. Col. 1. cap. 10.*

Sed uti Donatistæ admirabiles erant pragmatici, magisque versipelles & versuti calumniatores, quàm vlli vnquam fuerint in suo foro caussidici: qui videbantur eo dumtaxat fine Carthaginem venisse, vt redirent: ita quoque erant gladiatores magis sanguinarij, quàm vlli in castris educati milites, qui manu potiùs quàm verbo pugnare voluissent. Et verò ni Marcellinus aliquis cum suâ apparitione adfuisset, periculum erat ne Collationem efficerent, qualis post mortem Augustini fuit Ephesina illa Synodus, quæ *λυσεική* appellata est. Certè non dubitassent Augustinum tractare, vt in ea Synodo Flavianum tractarunt Nestoriani.

Credo propter has caussas, Honorium voluisse vt Marcellinus cum armata apparitione adesset huic Collationi: alioquin sanè voluisset Augustinus tale præsidium abesse. Nam cùm Donatistas prouocat alio tempore: Cessabit, inquit, à nostris partibus timor temporalium potestatum: cesset etiam à vestris partibus terror congregatorum Circumcellionum. *Epist. 203.* Prouocansque iam antea Crispinum Donatistam: Mapalienses, inquit, ambos nos audiant, ita vt scribantur quæ dicemus: & à nobis scripta, eis Punicè interpretentur; & remoto timore Dominationis, eligant quod voluerint. *Epist. 173.*

S. VIII.

Catholicorum admiranda moderatio.

Recitatâ, vt diximus, Donatistarum Notoriâ, recitatæ sunt litteræ Catholicorum quas Cognitori rescripserant sicuti Ediçto commonuerat: quibus insinuant consentire se ad omnia, quæ illo Ediçto fuerant ordinata. In eisdem litteris etiam se obstrinxerunt & polliciti sunt, quòd si in parte Donati veritas eis demonstraretur Ecclesiæ;

clesiæ; non se illie Episcopalem honorem quæsituros, sed consilium eorum secuturos pro salute Christianâ: si autem in sua communione potius veritas ostenderetur Ecclesiæ; honores Episcopales eis non se negaturos: & hoc à se fieri bono pacis, vt intelligerent hi quibus hoc prastaretur, quod in eis Catholici non Christianam consecrationem, sed humanum detestarentur errorem. Quod si plebes, duos in vna Ecclesia Episcopos ferre non possent; vtrisque de medio recedentibus, singuli constitueretur Episcopi, ab eis Episcopis ordinandi qui in suis plebibus singuli inuenirentur. *Col. i. cap. 5.* Exstant hæ litteræ in Actis Collationis c. 10. & *L. de Gest. cum Emer.*

Porrò non modò obtulerunt Catholici Donatistis conditionem, quam iam dixi; sed etiam liberaliter addiderunt alteram, quam Augustinus ibidem refert, vnaque memorabile aliquid contigisse, quando de ea proponenda Catholici inter se deliberabant. Cum ante ipsam Collationem, inquit, inter nos aliqui fratres de hac re colloqueremur, Quia pro pace Christi Episcopi debent esse, aut debent non esse; quod vobis fatendum est: circumspectantes omnes fratres cœpiscopos nostros, non facile nobis occurrebant, qui hoc vellent suscipere, & de hac humilitate Domino sacrificare. Dicebamus, vt fieri solet, Ille potest, ille non potest: ille consentit hoc, ille non tolerat: loquentes magis pro suspicionibus nostris, qui corda illorum minime videre poteramus.

Quando autem ventum est, vt hoc palàm fieret in Concilio vniuersorum tam frequenti, pene trecentorum Episcoporum; sic placuit omnibus, sic exarserunt omnes, vt parati essent Episcopatum pro Christi vnitae deponere, & non perdere, sed Deo tutius commendare. Duo ibi vix inuenti sunt, quibus displiceret. Vnus annosus senex, qui hoc etiam dicere liberius ausus est: alter, voluntatem suam tacito vultu significauit. Sed posteaquàm illum liberius hoc dicentem obruit omnium fraterna correptio; illo mutante sententiam, vultum etiam ille mutauit. *L. de gest. cum Emer.*

Ex quo patet, quàm non Donatistarum res Catholici concupiuerint, quamque verè post Augustinus dixerit: Veniant ad Ecclesiam Christi veram, hoc est matrem Catholicam: sint in illa Clerici, sint Episcopi vtiliter, qui contra illam fuerunt hostiliter. *Epist. 50.* Tamen si hoc non fieret (quoniam reuera quod fatendum est, fieri non deberet) nisi pacis ipsius compensatione sanaretur. *ead. Epist.* Vetus enim Ecclesiæ

Ecclesiæ disciplina fuit, vt qui ex Clero in hæresin, schisma, vel idolatriam lapsi essent; resipiscentes, ad pœnitentiam quidem admitterentur; à Cleri tamen ordinatione & sacerdotali honore prohiberentur, etiam quem priùs habuissent. Cuius rei testis quoque Augustinus est, *l. de vn. bapt. c. 12*. Verumtamen, vt iam ex eo diximus, contrarium pacis nomine sanabatur.

Neque verò nouum hoc fuit exemplum. Nam Arrianis, qui iam aliquot annis Ecclesiæ gubernationem in Oriente occupauerant, & de ea possessione, si sanari nollent, decedere abs Theodosio iuebantur; non dissimilis conditio fuit oblata. Sed & eodem tempore Melatius Episcopus Antiochenus, pacis retinendæ causâ, Paullino (qui separatos alioquin habebat suos cœtus) obtulit, vt conciliatio fieret, societatem sui Episcopatus: eâ lege, vt altero mortuo, alter qui superstes esset, in solidum Episcopus maneret.

Denique testatur Augustinus, cùm Melchiades Romanus Episcopus ex sententiâ suorum Collegarum damnet Donatum; Donatistis qui resipiscere vellent, ita pepercisse, vt sanitatis recuperandæ, inquit Augustinus, optionem liberam eis fecerit: paratus communicatorias litteras mittere etiam iis, quos à Maiorino ordinatos esse constaret: ita vt quibuscumque locis duo essent Episcopi, quos dissensio geminasset; eum confirmari vellet, qui fuisset ordinatus prior: alteri autem eorum plebs alia regenda prouideretur. De hac Melchiadis sententia loquens Augustinus, exclamat: Quàm innocens! quàm integral! quàm prouida & pacifica! O virum optimum! ô filium Christianæ pacis, & patrem Christianæ plebis! *Epist. 162.* quod suo loco suprâ retulimus.

S. IX.

Alia modestiæ Catholicorum indicia. Totius controuersiæ capita breuiter ab iisdem proposita.

Acceptis iam Donatistarum & Catholicorum litteris, Marcellinus, quidquid vtrique pars scripserat, in publicam populi notitiam transmisit, vti se facturum sponderat. *Acta Cogn. l. cap. 17.* eo fortasse

fortasse consilio, ut gnarus omnium populus, obstinatos in schismate Donatistas tãtò faciliùs desereret, quò sciret manifestiùs, quàm a quas aduersariis, sibi iniquas, Catholici, conditiones pacis obtulissent.

Adhuc consenserunt Catholici per litteras, ut (quod Donatistæ petiuerant) vniuersi qui venerant præsentes essent, eo loco vbi erat futura Collatio: cùm tamen illic ex Catholicis Episcopis illi soli adessent, quos Ediçto suo Cognitor definierat: ut si aliquis tumultus existeret (quod Catholici valde metuebant) non illis imputaretur qui paucissimi adessent, sed eis potiùs qui multitudinem suam præsentem esse voluissent.

Iisdem litteris Catholici puncta totius futura controuersia breuiter complexi sunt: putà, Ecclesiam Christi per vniuersum terrarum orbem esse diffusam, non compactam in vnum aliquem mundi angulum, aut gentem: Cæcilianum à traditionis crimine innocentem fuisse, aut saltem de eo minimè conuictum: Iussiones Imperatorias, quas pro se contra Donatistas Catholici nonnumquam impetrauerint, adeo non esse damandas, ut ipsi quoque Donatistæ hostes suos Maximianistas publicis aliquando iudiciis sint infectati. *Collation.*

1. capite 7.

Hinc enim sæpenumero solebant facere Catholicis inuidiam, quòd in materia religionis Imperatoriam auctoritatem implorarent: post Frinnianum repetentes; *illi portant multorum Imperatorum Sacras, nos sola portamus Euangelia. l. post Collat. cap. 31.* Sacrum quippe sicut & diuinum, eo tempore dicebatur, ait Franc. Balduinus, quidquid erat Principis. Hinc sacra Principum Epistolæ, Leges, Mandata, Rescripta. Et vice sacra iudicare dicebatur, qui vice Principis iudicabat, sicut Marcellinus in hac Collatione, itaque dici etiam poterat, *Sacer Cognitor: & sacrarum Cognitionum iudex*, ut eius temporis leges loquuntur.

S. X.

Donatista tergiuersari incipiunt.

Cvm ergo quod antè Cognitor edixerat inquisisset, utrùm sicut à Catholicis, ita etiam à parte Donati electi iam essent, qui sus-

Zz 2

ceptam

ceptam causam peragerent; coeperunt Donatistæ non obscure tergiversari. Accusabant in primis Catholicos propter præteritas litteras, quod iam esset ab eis acta causa, antequam esset confligentium statuta persona. Instabant deinde, ut prius ageretur De tempore, De mandato, De personâ, De causâ: tunc ad negotij merita veniretur. Nam quod tempus attinebat, iam id esse præterlapsum: & cetera de genere hoc calumniosè & declinatoriè; quæ neque in foro iure agerentur: hoc vnum nimirum agere incipientes, ut agant nihil. *Collat. I. cap. 8.*

Respondit Cognitor, eiusmodi cauillos non Episcopalis, sed forensis potius obiectionis esse. Siquidem de tempore, licet esset suggerente Officio quartodecimo Kalendas Iunias completum; partem nihilominus utramque in Kalendas ipsas consensisse: imò etsi pars quælibet adhuc usque non occurrisset; duos alios menses superesse potuisse, quos Imperator adiunxerat trinis Edictis fuisse seruandos.

Cum viderent Donatistæ, hanc sibi declinationem esse peremptam, intulerunt: Nihil ergo secum agi publico iure debere, sed tantum diuinis Scripturis. Qua de causa cum quæsisset Cognitor, quid utrique parti de hac re placeret? Responderunt Catholici, Iam mandato suo, ubi electis disputatoribus agendi modus iniunctus est, istud declarari. ibi posse melius apparere, quod non forensibus tergiversationibus, sed magis diuinis testimoniis ageretur: instantes, tamen reclamantibus aduersariis, ut legeretur; quod denique factum est. *Collat. I. cap. 8. 9. & 10.*

Sed hic rursus habebant Donatistæ quod arroderent: neque prius quicuerunt, quam coram adesse Catholicos omnes Episcopos, qui mandato subscripserant, impetrarunt: quia non existimabant Carthaginem tot Catholicos conuenisse, quot fuerant subscriptiones ostensæ. *Coll. I. cap. 12.*

§. XI.

S. XI.

*Catholicorum & Donatistarum Episcoporum in
Collatione numerus. Inter Catholicos dis-
putat Augustinus.*

Recensitis eapropter & recognitis presentibus Catholicis, qui subscripserant; Cognitor obtulit petens, Vt confidentes potius agerent, quam stantes. Donatistae reculerunt: gratias tamen agentes, quod talibus senibus obtulisset concessum. *ibid. cap. 13.* Iusto sane Dei iudicio: quod essent honore sibi oblato indigni. De quo paullo post plura.

Inde mandato Donatistarum prolato & recitato (quo iuebantur hi, quos elegerant, agere velut aduersus traditores, & persecutores suos) recitata sunt nomina eorum: vt constaret non solum petentibus Catholicis, vtrum apud Carthaginem praesentes subscripissent; verumetiam ad ipsorum Donatistarum instantiam, vt appareret quanto numero venissent.

Fuit ergo omnium ex parte Donati numerus, ducenti septuaginta nouem, annumeratis etiam illis pro quibus absentibus alij subscripserant, computato & vno defuncto, de quo videnda est Epistola 152. Catholicorum vero apud Carthaginem praesentium, ducenti octoginta sex. Etenim in ipso loco Collationis, ex his Catholicis qui mandato subscripserant, & qui praesentes gestis mandauerant, hi soli defuerunt qui illic apud Carthaginem incommoda valetudine tenebantur. Ex his autem quorum nomina Donatistarum subscriptio continebat, non solum illi deerant, quos apud Carthaginem agrotare responderant; sed etiam illi pro quibus absentibus, id est apud Carthaginem non constitutis, alij subscripserant.

Quoniam itaque se Donatistae de numerositate iactabant: excepto eo quod Catholicos plures venisse Carthaginem constitit; dictum est a Catholicis, alios Episcopos centum viginti non venisse Carthaginem, quod quidam eorum senectute, quidam infirmitate, quidam di-

uerfis necessitatibus essent impediti. Quod cum audissent Donatistæ; responderunt, etiam suos multò plures non venisse: & multas apud se esse cathedras viduatas Episcopis: cum tamen in Notoriâ suâ quam Cognitori dederant, apertissimè dixissent, usque adeò se omnes venisse Carthaginem, ut nec grauissimos senes ætas, nec labor potuerit deterrere: eosque solos non venisse, quos aduersa valetudo in suis sedibus, vel in itinere tenuisset, &c. Sanè propter cathedras, quas Episcopis vacuas apud se esse dixerunt; responsum est etiam à Catholicis, sexaginta esse, quibus successores Episcopi nondum fuerant ordinati. *Collat. i. cap. 14.*

Quod si libet inquirere, quo tandem euaserit numerus eorum, quem habuerint à sedecim circiter annis in Concilio Bagaiensi: (in quo præter Maximianistas, qui propè centum antea Cebarsussi conuenerant, numerati sunt trecenti nonaginta quatuor Episcopi Donatistæ)prehendere licebit quantum iam inde, auctore præsertim Augustino, Ecclesiæ Catholicæ vnitas profecerit.

Quod demum spectat ad eos, qui vtrunque pro disputatione sunt electi: à parte Catholicorum nominantur in Actis Collationis à Pappir. Massono editis: Aurelius Carthaginensis, Alipius Tagastensis, Augustinus Hipponensis, Vincentius Colusitanus, Fortunatus Constantinienfis (cuius, sub nomine Cirtensis, meminit Augustinus *l. de vn. bapt. c. 16. & l. 2. cont. Petil. cap. 99.*) Fortunatianus Siccenfis, & Possidius Calamenfis, Episcopi.

A parte verò Donatistarum: Primianus Carthaginensis, Petilianus Constantinienfis, Emeritus Cæsariensis, Protasius N. Montanus Zamenfis, Gaudentius Thamugadensis, & Adeodatus N. Episcopi. Ita tamen, ut sicut hinc veluti Princeps fuit Petilianus; ita Augustinus illinc: ut & antea hi scriptis aduersariis conflictati inter se fuerant, & erat in suo quisque ordine præstantissimus. Ceteris loco digressis, & remanentibus solummodò necessariis, in perendinum diem Collatio dilata est, vtrorumque consensu: quoniam præsens tum dies videbatur emensus. *Collat. i. cap. 15.*

§. XII.

Acta secunda diei: & Donatistarum in sedendo scrupulus.

Ruerfis tertio Nonas Iunij, & ingressis Collationis locum, puta Secretarium Thermarum Gargilianarum; obtulit confesum iterum Cognitor: deprecans vt fieret. Et mox Catholici confederunt: Donatistæ autem recusauerunt. In qua recusatione inter cetera id quoque dixerunt, quod scriptum sibi esset cum talibus non sedere. Ad quod Catholici, ne moræ fierent, tunc non responderunt: sed opportuniore loco, in tertij diei collatione, *Coll. 2. cap. 1.*

Nam cum regessissent illud psalmi 25. *Non sedi in Concilio impiorum;* corporaliter eum locum interpretantes: à Catholicis responsum est; Non ergo cum eis vel intrare in locum Concilij debuisse, quandoquidem in eodem psalmo sequatur: *Et cum iniqua gerentibus non introibo.* *Coll. 3. cap. 9. & l. post Coll. c. 5.*

Quamobrem Donatistas, nimium profectò morosos, super hoc facto taxans Augustinus, inquit: Medicus bonus, agros non solum præsentes sanabat, sed & futuros etiam præuidebat. Futuri erant homines qui dicerent: Ego peccata dimitto, ego iustifico, ego sanctifico, ego sano quemcumque baptizo. Ex isto numero & isti sunt, qui dicunt, Noli me tangere. Vique adeo ex ipso numero sunt, vt nuper in Collatione nostra, quod etiam in gestis ipsi loqui poterimus, cum eis à Cognitore esset confessus oblatus vt sederent nobiscum; respondendum putarent: Scriptum est nobis cum talibus non sedere. Scilicet ne per contactum subfelliorum, ad eos velut nostra contagio perueniret. Vide si non est: *Noli me tangere, quia mundus sum.*

Alio autem die, vbi opportuniùs erat, commemorauimus eos huius miserrimæ vanitatis, cum ageretur de Ecclesia, quia mali in eà non contaminant bonos: respondimus eis, quia ideo nobiscum sedere noluerunt, & dixerunt, se Scripturà Dei fuisse commonitos, quia videlicet scriptum est: *Non sedi in Concilio vanitatis.* diximus, si ideo nobiscum

biscum federe noluitis, quia scriptum est, Non sedi in Concilio vanitatis, quare nobiscum ingressi estis, cum consequenter scriptum sit: *Et cum iniqua gerentibus non introibo.* &c. *homil. 23. cap. 8.*

Et quamquam hac Donatistarum hypocrisis stimulatus, eò ciuitatis se demiserit Cognitor, ut diceret, Stando se cognitum; *Coll. 2. c. 1.* adeoque obstinatio eorum non Catholicos solum, sed ipsum etiam iudicem, considerare stantibus Episcopis detrectantem, stando fatigarent: mirum tamen est, tam fuisse ineptè morosos, ut stare quàm sedere maluerint: cum illud reorum, hoc iudicum sit. Nam cum reus sedere iubebatur, absolutus esse intelligebatur: neque alià absolucendi formulam vbi erant eorum maiores in primo illo suo Cirtensi Concilio, quod superiori Libro exhibuimus.

Fuit profectò incredibilis quidam fastus horum hypocritarum. Nam sicuti, Optato referente, indignè olim tulerant, quòd *Frates à Catholicis appellarentur*; ita quoque vocari in Collatione renuerunt. Vbi ostendistis, inquit Augustinus, nos esse quibus Dominus præcepit per Prophetam: *Dicite, Fratres nostri estis, eis, qui vos oderunt, & qui vos detestantur*: vos verò in numero eorum esse, qui istos, quibus hoc Dominus dicit, oderunt & detestantur. *1. 2. cont. Gaud. cap. 11.*

Cum autem Catholici existimarent, ipsam controuersiarum arcem nunc petendam; in varias & multiplices tergiversationes Donatistarum abierant. Ac primum petiuerunt, ut sibi ederetur Mandatum Catholicorum: quo considerato, possent in diem constitutum instructi adesse: eò quòd Exceptores cum conscriptione Gestorum occurrere non valerent.

Et quamquam Catholici, de subscribendis prosecutionibus suis, iam annuissent; Donatistarum se multum moueri dixerunt, quòd hoc consuetudo non haberet. Denique causantes multa, iterumque reuocantes aliquid de tempore præterlapso, unde iam fuerat primo die transitum; cum in eo hærent, ut progredi nollent nisi editis sibi gestis; sex dierum dilationem impetrarunt, *Collat. 2. c. 2. & 3.*

§. XIII.

§. XIII.

*Donatistarum mora atque effugia,
Die tertio.*

Sexto Idus Iunias, tertio Die Collationis, ingressis, ac fatentibus partibus tradita sibi Gesta; iussit Cognitor principale negotium iam proponi.

Id erat, ut crimina, quæ solebant Donatistæ obicere in Ecclesiam toto orbe diffasam, si possent, probarent. *Coll. 3. c. 1. & 2.* Etenim duo omnino erant inter Catholicos & Donatistas questionis controuersie capita: primum Iuris, alterum Facti. De illo querebatur, Vbi esset Ecclesia, an apud Donatistas, an apud Catholicos? Et quidem tanto difficilior diuindicatio fuit, quod utrobique fere eadem sonaret doctrina, & forma similis conspiceretur: *Optat. l. 5.* adeoque opus esset aliis indiis, quàm Doctrinæ & Sacramentorum. De hoc: Vtrum à Traditoribus Cæcilianus fuisset ordinatus: atque ipsemet Traditor?

Hæ enim fuerant ab initio causæ suscitati Schismatis. Primò, quod Cæcilianus Traditor fuisset. tum, quod ebum Martyribus in carcere exhiberi vetuisset. *Collat. 3. cap. 14.* Deinde, quod à Traditore Felice Aptungitano ordinatus esset. *ibid. & Ps. cont. Donatist. litt. D.* Præterea, non expectauerit, ut Princeps à Principe ordinaretur. *Coll. 3. c. 16.* Quintò, quod ab eis vocatus in Concilio comparere contemserit. *Coll. 3. c. 14. & 16.* Denique, obiecta sibi in eo Concilio crimina tacendo confessus sit. *l. post Coll. c. 23.*

Quare ob eiusmodi signimenta, totius orbis Ecclesias quæ Cæciliano communicabant, commercio scelerum & societate criminum inquinatas aiebant, omnesque de populo Dei periisse, se suisque tantummodò exceptis. Atque hinc erat, quod *Traditorum progeniem* Catholicos appellarent, negarentque penes eos Ecclesiam esse, ut paullo post latius dicemus.

Cumque iam tum iuberentur ea crimina, quæ passim Catholicis obiciebant, probare; moras extemplo iniicere cœperunt: neque causam agere, sed eam vagando circumcurrere. Contendebant, ut prius

A a a

quæ-

quæreretur, Qui essent, qui agerent? & flagitabant vt exprimerentur, qui petissent ab Imperatore istam fieri Collationem. Volebant enim vt constaret, Catholicos esse petitores: vt ex forensi scilicet iure possent discutere personas petitorum: cum mandato tamen suo Catholici declarassent, non se petitores esse, sed defensores, aduersus ea crimina quæ Donatistæ Ecclesiæ obiciebant: imò ipsimet petiissent, ne causâ hæc forensibus technis, sed solis diuinis Scripturis ageretur.

Post multam altercationem cum recitato tandem Imperiali præcepto id vnicum patêret, Catholicos petiuisse Collationem, eamque esse concessam; ceperunt postulare preces, quibus esset Collatio petita. Hic cum eis ipse Cognitor respondisset, In pragmatico Rescripto preces inferi non solere; mandatum saltem Legatorum, eorumque nomina sibi edi volebant: non alio vtique fine, quàm vt moras necerent & tempus tererent. *Collat. 3. c. 2.*

Inter hæc fatentibus Catholicis, Collationem se petiuisse; responderunt è contrâ Donatistæ, se esse Catholicos. Sed Marcellinus interlocutus est, Catholicos eos appellandos, quos appellauit Imperator: Donatistarum nimirum aduersarios. *Coll. 3. c. 3.*

Atque hæc de personis, tum Petitorum tum Legatorum, tum de mandato eorundem, &c. tergiuersationes, sapissimè recruduerunt: donec sic est à Catholicis responsum, vt confiteri iam cogerentur Donatistæ, quòd sensim inducerentur in causam: siue ad causæ interna, vt alibi exponitur, deducerentur: quod fieri sanè nolebant. *Collat. 3. c. 3. 4. & 5. & l. post Collat. c. 25.* Etenim mirabiliter factum est, vt, cum propterea quærerent Petitoris personam, ne perueniretur ad causam; ipsa inquisitio petitoris, subito in medium mitteret causam. *Collat. 3. cap. 3.*

S. XIV.

Ingressus ad causam.

QVarè lectâ relatione Anulini Proconsulis ad Imperatorem Constantinum, quâ Petitores olim Donatistas fuisse constabat; rogarunt vnde foret accepta? Et respondentibus Catholicis, si dubitarent,

tarent, in Archiuo Proconsulis esse querendum; futes aliquot argutiolas obiecerunt: ac tandem etiam nescio quā de causā quasierunt, Quis ordinasset Augustinum? nisi quod prouum sit suspicari, veteres calumnias (de quibus supra) in promptu habuisse: sed quoniam erat telum imbellē sine ictu proiectum, cū intrepidē respondisset Augustinus, à Megalio se ordinatum, qui tunc fuerit Primas Episcoporum in Numidia Ecclesie Catholice; intentionem suam in alia detorserunt. *Coll. 3. 6. 7.*

Iussit Litteras legi, quibus respondebant mandato Catholicorum, sibi primā & secundā Collatione exhibito: ac conabantur probare, penes se esse Catholicam: quando quidem ut aiebant, Catholica constare non possit commixtione malorum hominum: nihil interim respondentes ad testimonia ex Lege & Prophetis, & Psalmis, & Apostolicis atque Euangelicis litteris deprompta; quibus ostendebatur Ecclesia Catholica per totum mundum ab Hierusalem, atque etiam in Africam diffusa.

Nam quemadmodum contendebant Catholici, Ecclesiam esse debere Catholicam; ita Donatistae obiecebant debere esse *sanctam*: adeo ut cū illi vrgerent vaticinia Prophetarum, quæ Catholicam promittunt, & Euangelica atque Apostolica scripta, quæ asserunt; Donatistae opponerent vaticinia, quæ Ecclesiam sanctam describunt, ut videri potest quamplurimis apud Augustinum locis, præter quàm in Actis.

§. XV.

Donatistarum Capitalis error.

Igitur inter eos quibus pertinaciter adharrebant errores, hic erat caput quodammodo ceterorum: Ecclesiam solis constare bonis, malos omnes extra eam esse. Contra tot Christi, ut cetera taceamus, parabolas, quibus futuram in Ecclesia bonorum malorumque ad sæculi usque finem permixtionem, euidenter significauit. Sed quibus eludendis, hæc dogma suum correctione temperabant; ut occultos tantum in Ecclesia malos, eosque solos reperiri posse faterentur. *l. 2. cont. Gaud. 6. 4.*

A a a 2

Quasi

Quasi nimirum in areâ Dominicâ non sit manifesta palea, atque ita conspicua, vt vel sola ferè appareat; triticum ita tegens & opprimens, vt videri vix possit.

Addebant alterum quod suprâ indicauimus: Externâ societate & communi Sacramentorum vsu, veluti contagione-quâdam, pollui à malis bonos & contaminari: ideoque corporalem etiam à malis secessionem esse faciendam: neque vllum cum eis habendum commercium, communionem, colloquium. Hinc Scripturas, quæ de spiritali malorum societate vel fugâ, & animorum coniunctione aut separatione agunt, detorquebant ad corporalem. *Coll. 3. c. 9. l. 2. cont. Gaud. c. 5.*

Quasi non olim Propheta & Apostoli, & sancti quique viri atque Ecclesiæ Pastores (interque illos Cyprianus Epistolâ de Lapsis) de sæculi huius moribus grauissimè questi sint, vehementer in eos declamantes: qui tamen Salomonis aut Christi Templum, & Sacramentorum illic vsu habuere communem, *Epist. 163.* nullâ plebis separatione diuisioneque factâ, donec conseruaretur sanæ fidei integritas.

Sed stolidum prorsus erat, quod ipsa Tempia, Altaria, totamque Ecclesiæ suppellectilem, eodem veluti contagio infici contaminari-que dicerent. Hinc Tempia Catholicorum cremarent: Altaria suffoderent: sacros Codices in ignem mitterent: aut, dum maiore compendio agere humaniùs vellent, aras raderent, easque cum pavimento & parietibus Basilicarum, aquâ falsâ non sine exorcismis abluerent: existimantes hoc pacto omnem se immunditiam fordesque lustrare.

Horum testis est Optatus *l. 2. c. 6.* quos meritò irridens, lauare etiam publicas plateas iubebat, quippe Catholicorum pedibus calcatas, maculatasque: quin & templi testudinem, imò verò & cælum ipsum & astra, si solus utique contactus atque aspectus profanare & contaminare res possit.

§. XVI.

*Alij eorumdem errores aperiuntur,
ac refutantur.*

ET quoniam non incommodo loco Donatistarum errores, vbi omnes propè delibati sunt, attigimus: quandoquidem eos cognoscere plurimùm Historiæ interlit, ceteros prosequemur.

Talibus ædificij sui iactis velati fundamentis, superstruebant denique ea, quibus ab initio hæc omnia destinabantur: Ecclesias transmarinas Italia, Gallia, Hispania, ceteraque deinde quotquot erant in eadem causâ siue scienter, siue inscienter coniunctæ, Cæciliani & Collegarum eius criminibus (quia illius potius quàm suam communionem præferendam pararent) veluti quodam contagio pollutas infectasque esse: imò eidem Traditionis crimini redditas dicebant obnoxias, atque idcirco à fide & Christo defecisse: & quod est confectarium, vitandam esse omnibus eorum communionem.

Erant perinde hæc ipsorum, è talibus principiis educta Paradoxa: In reliquo terrarum orbe toto, Ecclesiam defecisse: Transmarinam Ecclesiam lupanar & meretricem effectam: Ecclesiam Christi in solâ remansisse Africâ: Solam Donati partem & communionem, veram esse Christi Ecclesiam: Se solos sanctos & impios, & Martyrum esse filios; ceteros omnes pollutos, impios & traditores effectos: nihil propterea commune sibi cum eis habendum.

Et licet hæc essent contra tot manifestas atque evidentes Scripturas, quæ Catholicam fore Ecclesiam, perque totum diffundendam orbem, liquidò promittebant; attamen præter alia respondere confueverant, eam iam pridem promissionem impletam: *l. de agn. Christ. c. 29. l. de vnit. Eccl. c. 13.* sed hominum peruersitate effectum, ut amplissimum aliquando Christi regnum, in arctum nunc & angustum, adeoque paucitatem sit redactum: quæ tamen paucitas, non minùs sit in Scripturis prædicta & commendata, atque vniuersalis ipsa, ut sic dicam, amplitudo. Quamobrem solebant paucitatem interdum suam miro præconio iactare. *l. de vnit. Eccl. c. 7. l. 3. cont. Cresc. c. 66.* Qua in re Pelagianis præiuerunt, quibus idem postea placuit. *l. 2. cont. Jul. c. 10. & l. 5. c. 1.*

Aaa 3

Iam

Iam verò Catholicum nomen, quâ veluti perpetuâ notâ designari vera Ecclesia solet, non à gentium, locorum, & temporum vniuersitate, sed à Doctrinæ & Sacramentorum plenitudine atque integritate, præceptorumque Dei omnium obseruatione, inditum esse dicebant. *Epist. 48. Coll. 3. c. 3.* Hanc autem rationem bellè sibi suisque conuenire. Vt nihil iam de Gaudentio dicam Episcopo Thamugadensi, qui cùm premeretur à Catholicis, aliam esse huius vocis significationem adstruentibus; tandem eò recidit, vt indignabundus exclamaret: Catholicam Ecclesiam, humanum esse figmentum. *l. 1. cont. Gaudent. cap. 23.*

Porro fatuum erat, quod vitandæ communionis prætextu (si non potius imperitiæ suæ, malæque causæ conscientia) omnem semper cum Catholicis congressum, disputationem, imò litterarum pro eliquandâ veritate commercium, detrectarint: (vt testatur *Optat. l. 1. August. l. 1. cont. Parm. c. 8.* super quâ proteruiâ, falsè admodum Petilianum pungit Augustinus. *l. 1. cont. Petil. c. 19.*) vel cum Primiano iactitantes, Indignum esse, vt in vnum conueniant filij Martyrum & progenies Traditorum: aut furiosum illud intonantes: Disputare nolumus & rebaptizare volumus: *Epist. 169.* Cùm tamen Paullus non cum Iudaistantum; sed Gentilibus etiam, Stoicis & Epicureis contulerit: imò & Christus Diabolo de Scripturis respondere non sit dedignatus, vt superiùs ex Augustino verbotenus retulimus, ipsique Clerici Hipponenses iterarunt, *Epist. 68.*

Ceterùm quàm stulta fuerit & impia, hæc de communionis contagione sententia, vel hinc potest intelligi; quòd stante eâ, iam inde à Cypriani, imò Apostolorum temporibus, necesse fuerit Ecclesiam periisse: quandoquidem eos cum probè sibi cognitis malis in easdem conuenisse Basilicas, eisdemque communicasse Sacramentis, constet: quin & Christum ipsum, qui Iudam in ipsâ maximi sui Sacramenti institutione admittere, eiusque non dubitauit facere participem. *Psal. cont. Donat. litt. V. l. de Vnit. Eccl. c. 14. Coll. 3. c. 8. Epist. 48.*

Quorum si scelere alienisque peccatis, quibus minimè consentiebant, contaminati sunt boni; iam tum ergo, Donatistarum sententiâ, adeoque in ipso suo exordio Ecclesia periit: atque ita, iuxta erroris eorum proprii sequelam, Ecclesiam habere neque ipsi poterant: quandoquidem vnde orirentur, nulla esset; nisi dixerint, ex seipsis genitos se esse atque cœpisse, aut se primos Ecclesiam edificasse: quod non
opinor

opinor fuisse aulicos. l. 3. de Bapt. c. 2. l. de vn. Bapt. c. 14. l. 2. cont. Cresc.
c. 36. l. post. Collat. c. 29. l. 2. cont. Gaud. c. 8. Epist. 48.

§. XVII.

Donatistarum Capitalis error secundus.

Alterum errorum caput, circa Sacramenta versabatur: quod sic-
uti à superiori pendebat, ita pulchre subseruebat toti Donati-
starum fabulæ.

Dicebant ergo: *Sacramentorum veritatem, extra Ecclesiam non repetiri: Solos esse bonos, à quibus verè valideq. conferri possint: A malis ea polui, vitia-ri, atque profanari; ideoq. non modo hereticorum & schismaticorum, sed nec reliquorum quidem malorum, & criminisorum Sacerdotum, verum esse qui ab eis administraretur, aut consecraretur, Baptismum, Chrisma, Eucharistiam, Or-dinationem.*

Hinc porro educebant, quotusquisque vllum ab eiusmodi mini-
stris Sacramentum accepisset; quia vanum id atque irritum esset, de-
nuò ab Ecclesia baptizandum, confirmandum, ordinandum, con-
secrandumque esse: imò verò non rursus tantum ac potestatem dandi
Sacramenti; sed ipsum quoque, rite licet prius acceptum, perire per
peccata atque deperdi.

Quare & in Cæciliani communione, cunctisque transmarinis Ec-
clesiis, inanes tantummodò existerent Sacramentorum umbras: eorum
veritatem in solâ reperiri parte Donati. Hinc si quis relicta Tradito-
rum, quos vocabant Ecclesia, sociari eis desideraret; absque ipsorum
Baptismate recipiendum non esse: cuius tamen contrarium in Felicia-
no & Prætextato (quondam Maximianus) omnibusque ab eis
baptizatis, ipsimet fecerant, suoque se mucrone iugularant.

Ob eandem causam, fratres à Catholicis, tamquam nondum bap-
tizatis, vocari minime sustinebant, Ethnicos eos & paganos appellan-
tes. Quos deceptos, facere suos poterant; denuò baptizabant: pœni-
tentiam eis imponebant: infideles se hactenus, & nequaquam Chri-
stianos fuisse, latere compellebant. l. 2. cont. Cresc. c. 3. l. 2. de bapt. c. 7.

Adhuc Sacerdotibus, qui ad ipsos defecerant, post repetitum Ba-
ptismum

ptisum capita radebant : & , quasi abolitâ priori ordinatione , nullam fuisse indicantes , suam deinde conferebant . Sacris Virginibus , quæ ad ipsos transiissent , rebaptizatis , velum detrahebant , capita nudabant : nudatis , cineres inspergebant , capillos soluebant , aquâ falsâ perfundebant , nouam extorquebant professionem , nouoq; imposito velo , mirabili prestigiâ choragio , ab initio consecrabant . Nul- lum denique Sacramentum inuiolatum relinquebant : simili sacrilegio Baptisteria Catholicorum profanantes , Chrisma effundentes , sacrosanctam Eucharistiam (dictu horrendum) canibus obiectantes .

Procul sanè à beati Cypriani , quem auctorem illi suum laudare solebant , modestiâ recedentes : qui de legitimis Sacramentorum ministris diuersum à se sentientes damnare , & à suâ communione submo- uere non est ausus : neque quibuscumque illorum peccatis , sed solâ hæresi aut schismate vitari , atque irrita fieri Sacramenta censuit : le- gitimè verò acceptum semel Baptismum , nullo pacto docuit iteran- dum . *Cyprian. Epist. ad Iuba. August. l. 3. de Bapt. c. 10.*

§. XVIII.

Refellitur hic eorum error.

ET quamuis antea subinde , ipsius Augustini verbis officinas eius- modi nebulasque discussimus ; operæ pretium nihilominus fuerit , breuiter hoc loco in gratiam Lectoris recensere .

Atque in primis , si à ministri sanctitate , Baptismi ceterorumque Sacramentorum veritas & sanctitas pendet ; spes nobis non tam in Christo , quàm in homine collocanda erit : quod profectò maledictio- ni Prophetarum obnoxium est . Si deinde per ministrorum iustitiam , Sacramentorum in nos sanctificatio , & iustificationis transit effectus ; tantò meliorem deterioremue necesse est esse , quantò qui administra- uit , magis minusue sanctus fuerit .

At verò tota nobis hoc pacto incerta redditur salus , quando de ministri sanctimoniâ constare certò numquam potest : fierique non ra- rò videamus , vt qui vir bonus existimatur , improbus malusque sit . Imò verò toties necesse erit Baptismum repeti , quoties alicuius ba- ptizantis crimen occultum detegi contigerit .

Et

Et quidem hinc expedire se visi sunt Donatistæ, si dicerent, Bonam unicuique famam sufficere: *l. 3. cont. Petil. c. 30. & l. 2. cont. Cresc. c. 17. 18. & seqq.* sed amplius se intricarunt. An enim fama mendax & falsa Baptismum dantis, abluere conscientiam potest accipientis? Quis hoc nisi dementissimus dixerit? Restat ergo ut aut certus sit ibi Baptismus; aut non ei obitent ministrantium peccata. Vide *libr. 4. cont. Cresc. con. cap. 12.*

Nisi forte eo refugiendum putent, ut quoties ignoratur occulta Baptizantium prauitas, secretius tum vel Angelus, vel Deus ipse Baptizet. Quod si ita est; satius erit ab occultè malo baptizari, quàm verè & aperte bono: quandoquidem hic homo; ibi Angelus, aut Deus ipse sit baptizaturus: Sacramento utique, iuxta erroris Donatistici consequentiam, tantò meliore, quanto sanctior homine Angelus bonus, aut Deus est. Et cum sibi occulta suorum peccata præiudicare omnino nollent; neque iis vel se, vel Sacramenta sua contaminari aut vitari; totum nihilominus terrarum orbem, ignotis, imò confectis Cæciliani criminibus, reum esse contendebant; pollui item & extinguere apud omnes Sacramenta: nolentes equidem suffragari ceteris, quod sibi sufficere mordicùs volebant.

Atque hoc satis est ad refellendum proprium Donatistarum errorem. Generaliter enim, & contra Cypriani sententiam, vnum ac breue, sed inuictum argumentum est: quod Sacramenta ex Christi valeant instituto, non ex conferentium dignitate ac merito. In quibus perficiendis, manûs quidem illi ac linguæ ministerium; sed nudum solumque exhibent: Deus verò est, qui per Christi meritum spiritalem interiùs secretiusque operetur effectum. Sic Sacramenta per se sancta sunt, vim sanctificandi à Christo sortita: cui obstat non potest vlla ministrantium conditio aut qualitas. Nam sicuti in Baptismo, de Christo verissime dicitur: *Hic est qui baptizat.* per qualemcumque tandem ministrum, siue bonum, siue malum, siue hæreticum siue schismaticum, modò formâ legitimâque intentione utatur; ita & in ceteris Sacramentis: ut nec melius sit neque efficacius, quod per meliorem; nec deterius, quod ab improbo magis ministro collatum est. *libr. 3. cont. Cresc. con. cap. 6.*

§. XIX.

Tertius Donatistarum error Capitalis proponitur & destruitur.

Tertium errorum caput erat, Persecutio. Dicebant in primis, Neminem inuitum cogendum ad eam religionem esse, quam non probet. Hæreticorum nimirum commune dogma: sed uti impium, ita errori obnoxium.

An enim quod verum rectumque est, nemo unquam impugnat? An non magnoperè pertinet ad salutem, ut sit sana omnium de religionis sententia? Omnino, aiebant: dummodò neque ficta neque simulata sit; non tam volentibus persuadeatur, quam imponatur nolentibus, & ab inuitis siue metu, siue terrore extorqueatur. Rectè. Neque enim aliud legibus agitur, quam ut ex nolente voluntarius quisque fiat: non, ut inuitus manens veritatem confiteatur, aliud pectore clausum, aliud ore promptum gerens; sed ut metu supplicioque admonitus, deposita prauitate quod rectum est sapiat, atque ex malo verè bonus reddatur. *l. 2. cont. Petil. c. 84.*

Quod cum fieri unicuique saluberrimum sit atque iustissimum; quidni & reluctantes, malo quidem aliquo, sed maiore tamen eorumdem bono, liceat adigere? Phrenetico quippè, ut sanetur, manus alligamus etiam repugnanti: & lethargico non absque molestia excutimus letiferum somnum. Iam quæ peior mors animæ, quam libertas erroris? *Epist. 167.* Nam de erepta liberi arbitrij potestate; communis est furibus, latronibus, & malefanis omnibus querimonia.

Imperitiùs adhuc erat, quod ex dicto nunc principio colligebant: verissimam eam Christi Ecclesiam esse, eiusque peculiare filios; persecutionem quæ pateretur, non quæ faceret. *l. post Collat. c. 25.*

Quasi nimirum laudabiliter inferri, & perferri nequiter, persecutio non possit. An enim luxuriosum filium non rectè pater ad frugem vitamque meliorem, minis & verberibus compellit? Qui si iustam persequentis iram plagasque ferre malit, quam pessimè deamatas voluptates relinquere; an ideo Ecclesiæ hic filius erit, pater non erit?

Quod,

Quod, si in flagitiis criminibusque absurdum est; cur non in hæresi ac schismate, peccatis multò grauioribus?

Beatos quidem pronuntiat Christus, qui persecutionem patiuntur; sed propter iustitiam. Refert præterea plurimum, ubi persecutionem quisque patiatur. Nam si hæreticus aut schismaticus aliquis, pro Catholico dogmate fortasse, aut iustitiâ, quam tenere sibi videatur, mortem etiam extra Ecclesiam appetat; non idcirco bonus extemplò Ecclesiæ filius, aut Christi Martyr futurus est, quemadmodum docere illos Cyprianus poterat. *l. 1. Epist. 1. l. 2. Epist. 8. l. 4. Epist. 2.* Non ergo nuda & simplex persecutio, certa esse potest Ecclesiæ nota: quando & laudabiliter inferri à bonis, & nequiter ab obstinatis perferri possit. Imò verò neque illa laudabiliter, licet infructuose tolerari queat, etiam ab iis, qui sunt à Catholica Ecclesia alieni. videri potest *Epist. 204.*

Sed hæc crasse forsitan, atque imperite dicta, deplorabantur in eis. istud erat immaniter nefarium, quòd excusandi furoris sui causâ non vererentur adiungere: Ad euadendas persequentium manus, fas esse sibi mortem consciscere. Non sic Christus docuit, qui contra persecutores, fugæ nobis, non mortis, præsidium reliquit: mortemque ab aliis, pietatis potissimum intuitu illatam sustineri fortiter iussit: sed ut sibi quicquam inferret, nusquam permisit, imò vetuit etiam cum dixit, Non occides. *Epist. 61.*

Denique sacrilegio plenum erat vltimum dogma: Pro Martyribus habendos colendosque qui sic fortiter oppetiissent. Non enim fortitudinis id, sed est potius formidinis, atque impatientiæ indicium: adeoque non Martyres Christi sunt, qui fieri hoc prohibet; sed Sathanae, cui suggerenti nefarie obtemperant.

Haud deuiere quidem inter Donatistas, qui hanc sui perimendi insaniam vehementer improbarent, aut improbare saltem videri vel-
 lent: utque deinceps non fieret, Conciliis habitis vetitam esse dice-
 rent: *l. 3. cont. Cresc. cap. 49.* sed quorum verba adeo non consensiebant
 cum iis quæ facere tum ipsi solebant, ut ad totius reliquæ multitudi-
 nis exemplum colerent tamquam Martyres, qui seipsum interemissent.
 Neque eos dumtaxat, qui instante istuc persecutione videbantur ada-
 cti; sed & eos è Circumcellionibus, qui post multam cum muliercu-
 lis, & sanctimonialibus (quibus comitantibus per agros & villas, sym-
 phatis similes, vagabantur) crapulam & lasciuiam, de præruptis mon-
 tium saxis præcipientes se dabant. Quamobrem obiicit eis Augustinus

B b b 2

non

non semel, præcipitatorum vltro cadaverum sacrilegos cultus. *lib. 1. cont. Petil. cap. 24. Epist. 162.* Certè Gaudentius præclarè hoc mortis genus, Razia exemplo de libris Machabæorum, tueri non dubitavit. *l. 1. cont. Gaud. cap. 28. & seqq. Epist. 61.* sicuti & eorum supplicia, qui pro violentiis ac latrociniis suis iustas legibus pœnas dedissent.

Atque hi ferè sunt Donatistarum errores, quibus non tantummodo schisma cumularunt, verumetiam videri volebant adeo iustè inchoasse; vt ne propter eos quidem, licet graues admodum & perniciosos, dici hæretici sustinerent. *l. 2. cont. Cresc. c. 4.* Ioannes Damascenus, & cum secutus Theod. Balsamon, hunc eis quoque impingunt: vt neminem existimarent sanctorum mysteriorum fieri posse participem, nisi os manu tenens prius id salutaret, quàm communicaret. Sed proculdubio Historiæ sunt ignoratione lapsi, ex priuato Lucillæ facto (de quo Optatus *l. 1. & nos supra l. 2. c. 1. §. 9.* egimus) generale totius gregis dogma statuentes. Ad Collationem redeamus.

§. XX.

Ecclesiam & Sanctam, & Catholicam esse.

CUm vti diximus sustineret Donatistæ, Ecclesiam malos permixtos habere non posse: ad Cypriani auctoritatem, *l. 3. Epist. 3.* sibi à Catholicis obiectam, & Maximianistarum factum, quos cum honoribus & dignitatibus, absque vlla lustratione inter suos receperunt, nihilum respondere potuerunt. *Collat. 3. c. 8. l. post Collat. c. 29.* Erant vtroque hoc ariete ad terram deiecti.

Quod perpendentes Patres in quinta Synodo, ex Actis Collationis recitarunt hoc fragmentum: Ex gestis quæ apud Marcellinum V. Cl. Tribunalum & Notarium acta sunt, c. *CLXXXVII.* Augustinus Episcopus Ecclesiæ Catholicæ, dixit: Neque si mali sunt, iudicanda est Dei Ecclesia periisse. Sed tamen ipsorum causam, tamquam fratrum nostrorum suscipimus: & si nobis ostendi poterunt criminosi, hodie illos anathematizamus, non tamen propter illos Ecclesiam à Deo promissam & exhibitam deserimus aut relinquimus. *hæc ibi.* quæ totidem verbis continentur sub eodem numero capitulis, in Actis tertiæ Collat. Verum-

Verumtamen nihil est, quod frequentius Augustinus exsequitur libris & Epistolis contra Donatistas. Atqui Donatistæ obtinebāt, quod etiamnum hodie hæretici: qui vt omnia misceant, transiliunt inter disputandum, intempestiue admodum, ab ipsa controuersia, ad criminationem personarum. Nam quod Pelagiani olim facerent idem; hæc in eos Augustini verba sunt: Quod ad mores pertinet nostros, quemadmodum viuamus, in promptu est eis, cum quibus viuimus. Nunc de Catholico agitur dogmate. l. 3. cont. lul. ca. 21. Iulianus alioquin Augustinum taxarat, dixeratque Epicuri vias gradientem, habenas omnes, quibus cupiditates frenantur, incidere.

Postquam igitur, quæ iam diximus, taciti Donatistæ præterissent, & alia pleraque quæ vel non intellexerant, vel ne ab aliis intelligerentur, verbis suis obscurare voluerunt: imò tandem aliquando compulsi essent fateri, contra Ecclesiam Catholicam, quæ toto terrarum orbe diffunditur, nihil se habere quod dicerent; (quia diuinis sanctarum Scripturarum testimoniis oppressi erant, quibus Ecclesia designatur incipiens ab Hierusalem creuisse per loca, in quibus Apostoli prædicauerunt, & nomina eorundem locorum in suis Epistolis & Actis conscripserunt, & inde diffundi per ceteras Gentes; Epist. 152.) voluit Cognitor, vt ea quæ Catholici recitanda dederant, similiter legerentur.

Verùm intercedentibus Donatistis, ad eorum potiùs litteras responderunt, quas contra bonorum & malorum in Ecclesia permixtionem produxerant. Quod dum Catholici faciunt, & aduersarios nequequam obstrepentes vrgent: eò tandem Catholicorum responsio euasit, vt ostenderent nihil inter se dissidere Scripturas, quas pro Ecclesiæ sanctitate, contra eius vniuersalitatem, vt sic loquar, Donatistæ protulerant: adeoque hæc saluâ & integrâ, bonis malos, vsque ad extremæ separationis tempus, manere permixtos: in cælis tantummodo sine rugâ & maculâ futuram. Collat. 3. cap. 9.

Quod tamen iam demonstratum liquidò esset; attamen reuoluentibus multa Donatistis, & inter alia: *Mundum non bene intelligi Ecclesiam, in qua simul & triticum & zizania iussa sunt crescere*, & plura talia replicantibus quæ erant antè soluta: eò peruentum est, vt iam satis instructus Cognitor diceret, de iis quæ audisset, extremâ sententiâ se iudicaturum: hoc interlocutus, vt ad primam Schismatis causam sermo decurreret. Coll. 3. cap. 9. & 10.

Sed hîc aduersarij obfistere, dicentes: *Huius causſæ Chriſtum iudicem eſſe debere: & inuidiam facientes Catholicis, quodd hominem iudicem petiſſent.* At verò neque in cauſſâ Maximianistarum nuper hoc eos fi- ciſſe, neque in Cæciliani, vt eas ſcilicet Chriſto iudici ſeruarent; ſi- denter à Catholicis reſponſum eſt Hanc enim detulerunt ad Con- ſtantinum Imperatorem: illam ipſimet terminarunt.

Iſtud ridiculum, quod cùm perſecutionis procuratæ inuidiam à ſe Catholici amouerent, vbi Donatiſtarum Circumcelliones, ducibus Clericis, tam horrenda mala committerent, vt fidelium oculos calce & aceto excæcarent: dicerentque Donatiſtas hac crudelitatis inuen- tione ſuperafſe Diabolum, qui, cùm à Deo poteſtatem in corpus Iob accepifſet, non ei tamen oculos eruit: reſoluerunt Donatiſtæ, quod diabolum Catholici defendiſſent, quem conſtaret non ob aliud ocu- los huic Prophetæ reliquiſſe, quàm vt malorum omnium faceret te- ſtes: adeoque miſericorditer, quibus eruuntur, auferri, &c. *Collation.* 3. cap. II.

Post hæc cùm protraheretur vltro citroque de perſecutionibus conflictatio; maluit Cognitor hæc omnia cohibere: promittens de his iudicium, poſteriore ſententiâ. Sic peracta eſt cauſſa Eccleſiæ, quam magnoperè Catholici curauerant à Cæciliani cauſſâ diſtingue- re, quæ iam cœpit agitari. *ibidem.*

S. XXI.

Prima Schiſmatis cauſſa diſcuti cœpta.

Recitatæ ſuntigitur Anulini Proconſulis relationes ad Conſtan- tinum: quibus patuit Cæciliani per Donatiſtas accuſatio, & per eos quos Conſtantineſis dederat cauſſæ Cognitores (puta Roma- num & Arelatenſe Concilium) abſolutio. In quo cùm iudicij ordi- nem peruerti Donatiſtæ quererentur, ideo quod Cæcilianum non- dum à ſe accuſatum dicerent: reſponderent autem Catholici, pluri- mùm intereſſe vt fieret, ad cognolcendam Petitoris perſonam; vt ni- mirùm appareret eos primum hominem iudicem poſtulafſe: tandem Cognitori extorſerunt, vt, priuſquàm Acta Cæciliani abſoluerentur, legeren-

legerentur litteræ Mensurij, Cæciliani præcessoris, ad Secundum Tigisitani: nec non litteræ Secundi Tigisitani ad Mensurium, de quibus nos suprâ l. 2. c. 1. *Aug. Coll. 3. c. 12. & 13.*

Quod dum fuisset executioni mandatam, tametsi ambæ litteræ nihil ad causam pertinentem capientibus pergere Catholicis, in iis quæ antè legi ceperant, impetrarant Donatistæ, vt prius legeretur Concilium scilicet septuaginta Episcoporum contra Cæcilianum & Felicem eius ordinatorem, in quo vtriusque crimina, quorum superiori libro facta mentio est, continebantur. *Coll. 3. c. 14.*

Sed contrâ exhibuerunt Catholici Cirtense Concilium sub Secundo Tigisitano: è quo non solum claruit, plures inter eos, qui Cæcilianum damnauerant, Traditores fuisse; verumetiam ipsum Secundum: eo enim sine erat Concilium istud à Catholicis productum, vt palàm esset, quales homines in absentem Cæcilianum sententiam dixissent. *Collat. 3. c. 15.* Responderunt deinde ad Carthaginense Concilium, quod erat à Donatistis productum, Non magis præiudicare Cæciliano, qui postea fuit absolutus; quàm Concilium Maximianistarum præiudicare Primiano, quem Donatistæ etiam postea absoluerant.

Hic cum se Maximianistarum causâ premi viderent Donatistæ; responderunt, *Nec causam causâ, nec personam præiudicare personæ: suo se nimirum gladio iugulantes: vt quibus postea, cum Cæciliani criminibus totum mundum vellent aspergere, & suam defendere separationem; Catholici semper responderint: Nec causâ causæ, nec persona præiudicat personæ.* *Coll. 3. c. 16.*

S. XXII.

Pressi Donatistæ suis se telis induunt.

His enim paucissimis verbis totam Catholicorum causam, quæ cum eis antè conflixerant, omnino inuictam esse firmarunt. Quid enim aliud agebam is, inquit Augustinus, tot testimoniis sanctorum eloquiorum, tantâ auctoritate Prophetarum, Apostolorum, Episcoporum, ipsorumque aduersariorum, demonstrantes bonos à malis,

malis Sacramentorum communione non pollui, si corde, voluntate, moribus, operibus, diuersas habeant causas, gerantque personas? Quid enim aliud laborabamus, nisi ut appareret, Nec causam causam, nec personam præiudicare personam? Hoc ipsi breuiter, compulsi summâ necessitate, dixerunt: quia cum à nobis diu diceretur, veritati cedere noluerunt. *l. post Collat. c. 30.*

Et aliubi: Multis quidem verbis superfluis gesta onerauerunt: & quia non potuerunt efficere, ut causa non ageretur; hoc fecerunt multum loquendo, ut quod actum est difficile legeretur. Sed debent vobis etiam ista eorum pauca verba sufficere: ne propter nescio quæ, nescio quorum hominum crimina, oderitis unitatem Ecclesiæ Catholicæ: quia sicut ipsi dixerunt, relegerunt, subscripserunt: Nec causa causam præiudicat, nec persona personam, inquit, *Epist. 152. ad Cirtenses.* Videri potest *l. post Collat. cap. 2. & seqq.* ubi validissimè Donatistas exagitat, hoc suometipsum præiudicio.

S. XXIII.

*Causam peremptam frustra Donatistæ
erigere tentant.*

Volebant porrò Donatistæ, ex aliis eiusdem Concilij Carthaginensis Actis demonstrare, damnatum fuisse Cæcilianum, sed Catholici negarunt id inde confici posse, quandoquidem tota Cæciliani causa fuerit per eos postea ad Imperatorem delata: adeoque ipsimet iudicauerint, Concilium istud ad eius damnationem non sufficere. Quare legenda illa potius esse, & Cæciliani innocentiam luce clariùs apparituram.

Quod ut fieret, Donatistæ omninò nolebant: *Collat. 3. c. 16.* sed aliam quæstionem interposuerunt, conantes ostendere, Cirtense Concilium à Catholicis suprâ exhibitum, falsum esse. Primò, quòd Concilium illud habeat diem & Consules: contra, ut aiebant, consuetudinem Ecclesiasticam. Secundò, quòd persecutionis tempore non potuisset Concilium congregari: vide *l. 1. cont. Gaud. c. 37.* Quod utrumque Catholici solventes; recitari interea iusserunt gesta apud Melchiadem

Melchiadem habita : quibus apparuit, omnium qui tunc confederant Episcoporum sententiis, & ipsius Melchiadis, Cæcilianum absolutum atque purgatum : Donatum à Calis nigris, qui præfens fuerat, damnatum. *Coll. 3. c. 17.*

Ad quod proinde tum Donatistæ conuersi, ipsum Melchiadem cœperunt crimine Traditionis arguere, & dicere, Maiores suos propterea illius iudicium refugisse, quòd Traditor fuisset. Quod iussi probare, futiles reperti sunt. *Ibid. c. 18.*

Tum recitato iudicio Imperatoris Constantini pro Cæciliano, in quo & fiebat mentio, Cæcilianum in conuentu Arelatenfi similiter fuisse absolutum; interrogauit Donatistas Cognitor, quid contrà dicerent? Libenter tenuissent, *Imperatorias aures prauis suggestionibus fuisse inflatas*: nisi respondisset Cognitor, se attentissimè aduertisse inter partes fuisse iudicatum: sicuti, dum illis exigentibus & annuente Cognitore iudicium relegitur, clarissimè constitit.

Ergò ne prorsus obmutescerent, cœperunt de Consule, memoratis Imperialibus litteris calumniari, *quod sine Consule fuerant recitata*: ubi tamen antea Concilium Cirtense, quod à Catholicis proferebatur, repudiare ipsi voluissent, quia Consulem habebat. Verumtamen Cognitor interlocutus est, euidentissimis legibus definitum, Imperialia Constituta, etiamsi Consules non legerentur, in dubium non vocari. *Coll. 3. c. 19.*

Interim feruente conflictatione, in aliâ chartâ illarum Imperialium litterarum inuentus est Consul: quod cùm esset suggestum, Donatistæ dixerunt: Certè Consulem habere non debuit, *Ibid. c. 20.*

S. XXIV.

Iterum iterumque concidunt.

Hinc igitur repulsi, velut aliquid validissimum prolaturi, petierunt Optatum legi: vnde se probaturos dicebant, Cæcilianum ab Imperatore damnatum. Cuius cùm contrarium potius interlectionem Optati appareret, Cæcilianum videlicet omnium in Concilio Romano Episcoporum sententiis, innocentem esse pronuntiatum;

C c c

Donat-

Donatistæ dixerunt, *hoc se non petisse recitari*: stomachantes aduersus eos, qui risum tenere non potuerant, cum audissent quàm apertam contra semetipsos paginam protulissent. *Ibid. c. 20. l. post Collat. cap. 31.* Sed quia ipse risus non potuit ab exceptoribus excipi; verbis suis apud Acta risos se esse testati sunt, *Epist. 152.*

Etenim cum Catholicorum risum veluti reprehendere volentes dixissent; *Audiant qui riserunt*: lectus est Cognitoris iussu paullo altiùs Optatus: qui cum nihil ampliùs scripisset, quàm Cæcilianum bono pacis Brixie detentum; iis verbis damnationem eiusdem contineri volebant, sed quam Optatus extenuasset, imò exprimere nolisset: qui nihilominus apertissimè scripserat, Cæcilianum fuisse purgatum. *l. post Coll. c. 31.*

Vt dicamus interim quod res est, aliud intendebant Donatistæ, aliud ridebant Catholici. Hi exultabant legi in Optato, purgatum fuisse Cæcilianum, licet id minimum spectaret ad iudicium Constantini, de quo apud Optatum nihil exstat: illi verò cupiebant inde demonstrare damnatum, quòd bono pacis Brixie detentum Optatus scripisset. Quod etsi profectò sonet, aliam retentionis, quàm damnationis causam fuisse, quod Catholici opponere debuissent; attamen neglectà dialecticà fortasse nodum, quod friuolus esset, risu potiùs scindere, quàm responsione soluere maluerunt.

Hic iam Petilianus, perpetuà vocis exercitatione lassus, impedimento raucedinis agere se non posse dixit. *Act. Coll. 3. c. 541.* Verùm interlocutus est Cognitor, cum septem adstarent, de vnus defectu querelam esse non posse. *Ibid. c. 543.*

Iussi itaque à Cognitore proferre, si quid haberent contra iudicium Constantini pro Cæciliano; petiuerunt recitari supplicem libellum, Constantino à Maioribus suis oblatum. Quo libello tantum abest vt probauerint aliquid; quin potiùs apertissimè monstrauerunt, quàm falsum dixerint de damnatione Cæciliani apud Brixiam. *Collat. 3. c. 21.* Historiam suprà retulimus, *l. 2. c. 3. §. 6.* quæ cum reperiri repetique absque maiori molestia queat, non duximus geminandam.

Quapropter cum Catholici dixissent, hoc eos contra semetipsos recitasse: dum videlicet Cæcilianum, quem à Constantino condemnatum probare vtique volebant, ipsius Constantini dicebant Antistitem: idemque ipse Cognitor esset interlocutus; *Coll. 3. c. 22.* protulerunt

tulerunt litteras eiusdem Constantini ad Verinum Vicarium datas, ubi eos grauitur detestatur, ac propterea dicit de exilio relaxandos, & furori suo dimittendos: quia iam Deus coeperat in illos vindicare.

Verumtamen illis etiam Imperatoris litteris confirmauerunt se falsum dixisse, quod Cæcilianus ab Imperatore damnatus sit: cum potius Imperator ipsos à Cæciliano victos esse monstrauerit, quando eos vehementer execratus, ideo iussit ut de exilio dimitterentur, ut à Deo iudice sicut iam coeperant punirentur. *Collat. 3. c. 22. Epist. 152. l. post Collat. c. 31.*

Quod cum Catholici aduertissent, imò Cognitor etiam fuisset interlocutus; contendebant Donatistæ, liberum saltem arbitrium earum sibi litterarum auctoritate permittendum. Sed cum Cognitor aliud sibi esse à præsentis temporis Imperatore præceptum respondisset; ierunt in aliud, quod contra se itidem protulerunt. *Coll. 3. c. 22.*

§. XXV.

Denuò lapsi, tandem condemnantur.

Recitarunt litteras Constantini Imperatoris ad Probianum Proconsulem, absque Consulium notâ, quod antea reprehenderant.

His litteris iuebatur ad Comitatum Ingentius mitti, cuius confessione, in iudicio Proconsulis Æliani, Felix Aptungensis, Cæciliani ordinator, a Traditionis crimine fuerat absolutus. Conficiebant ex eis, causam Cæciliani usque ad Ingentij aduentum indecisam mansisse: adeoque non ita habere ut Catholici dixerant, Cæcilianum antea à Constantino fuisse absolutum. Atqui recitatis ipsius Constantini ad Probianum litteris, aliud omnino colligit. *Coll. 3. c. 23.*

Opportunitate hac arreptâ, Catholici recitandam protulerunt ipsius Æliani Proconsulis relationem ad Constantinum: qua se causam Felicis audisse & finisse commemorat, aliaque quibus innocens comprobatus Felix, absolutus est. Quod ubi actum fuit, interrogauit Cognitor, quid contra Donatistæ haberent? Qui cum nihil profer-

Ccc 2

rent,

rent, præter caducum istud de Ingentio : rogantes demonstrari, quid postea esset gestum : & arguentes Proconsularia gesta, tamquam gratiâ Iudicis, vel corruptelâ personarum infecta, & cetera quæ solent homines contra ea quibus vincuntur, suspiciosâ querimoniâ iactitare; cum responderent Catholici, firmam permanere vtriusque Cæciliani & Felicis absolutionem : quam contra si quid haberent, proferrent : *Collat. 3. c. 24.* idemque Cognitor vrgeret; cum non cessarent Donatistæ, eadem sæpius repetere atque reuoluere, neque nouum aliquid producerent : Catholici verò vt omnibus iam auditis, Cognitor ferret sententiam : iussis secedere partibus, postquam vtique subscripsissent (quod tandem Donatistæ ex pacto facere compulsi sunt; *l. post Coll. c. 11.*) sententiam scripsit, quam intromissis rursus partibus recitauit : *Confutatos à Catholicis Donatistas, omnium documentorum manifestatione, pronuntians. Collat. 3. c. 25.*

§. XXVI.

Actorum Collationis auctoritas.

ET hoc quidem Collationis vniuersæ breuiarium est, ex Augustini Breuiculo desumptum : quo breuiter commemorauit quæ gesta sunt, litterisque comprehendit, secundum tres dies, quibus cum Donatistis Catholici contulerant. *l. 2. Retr. c. 39.*

Sanè quod attinet id opus, fatetur Augustinus satis sibi operosum fuisse: cum videret neminem se velle tanto aggeri litterarum legendo committere. *Epist. 158.* Donatistæ enim, qui causam bonam non se habere sciebant; id egerant primùm quantum potuerant, vt ne ipsa Collatio fieret, & vt prorsus causâ ipsa non ageretur. Sed quia hoc obtinere minimè potuerunt; id effecerant multiplicitate gestorum, vt, quod actum erat, non facile legeretur. *Præfat. Coll. 1.*

Tantæ interim auctoritatis olim hæc gesta fuisse refert Augustinus, vt solita fuerint annis singulis, apud diligentiores celebrioresque Ecclesias, per dies ieiunij Quadragesimalis (quando ieiunante populo plus vacabat audire) vniuersa per ordinem de loco edito recitari, nominatim Carthagine, Constantinæ, Tagastæ & Hippone : quod

vt

vt etiam in Cæsariensi Mauritaniæ Ecclesiâ fiat, Deuterium eius loci Episcopum obstringit. *l. de Gest. cum Emer.*

Et licet eo tempore diligentissimè excepta, conscripta, collataque forent, ac subscriptionibus partis vtriusque munita: imò verò Marcellino mortuò, cum de eorum robore dubitari à quibusdam cœpisset, Honorius editâ lege, quæ extat Cod. Theod. l. 16. tit. 5. l. 55. rata firmaque esse iussisset (dum Iuliano Proconsuli scribens, ait: Notione & sollicitudine Marcellini spectabilis memoriæ viri, contra Donatistas gesta sunt ea, quæ translata in publica monumenta, habere volumus perpetuam firmitatem. Neque enim morte Cognitoris, perire debet publica fides. Dat. III. Kalend. Septemb. Romæ, Constantio & Constante Coss.) adeoque diuulgata & ad Orientales Ecclesias transfusa sint, vt patet ex iis quæ suprâ citauimus ex Actis Constantinopolitani Concilij secundi, quod Iustiniani Imperatoris tempore cont: edacis tamen aui iniuriâ periissent, nisi præterito seculo Franc. Balduinus bonam eorum partem beneficio Ioann. Tilij Episcopi Meldensis assecutus, post editam in lucem Carthaginensis Collationis Historiam, edere pariter statuisset; sed morte prohibitus, eam spartam reliquisset Pap. Massono: qui eadem Angeli Vergetij Græci hominis, sed Latine doctissimi, operâ reproducta, typis mandari curauit, Anno Domini 1588. sed magnâ sui parte ad calcem mutila.

In horum igitur locum, Augustini quam diximus Breuiculus siue Epitome successit: de qua scribens ad Bonifacium Africæ Comitem, Quemadmodum, inquit, in ipsa Collatione omnibus modis victi sunt Donatistæ, quoniam valde prolixa sunt gesta, & tibi aliis rebus Romanæ paci necessariis, occupato, multum est vt legantur; Breuiarium eorum tibi legi forsitan poterit, quod credo habere fratrem & Cœpiscopum meum Optatum: aut si non habet, potest facillimè accipere de Ecclesiâ Sitisensi, quando liber iste iam suâ prolixitate curis tuis forsitan onerosus est. *Epist. 50.*

§. XXVII.

Collationis fructus.

PRONUNTIATÂ contra Donatistas sententiâ, Marcellinus, licet fidem eis publicam seruari iusserit, quâ tutò domos quisque suas repetere posset; attamen, non posse diutiùs se differre legum contra eos latorum executionem, professus est: iubens id circò vt eorum cœtus dissoluantur, & Basilicæ quas occupauerant, Catholicis restituantur. Meminit huius Possidius, qui rebus interfuit, dum ait, Donatistas sententiâ Cognitoris notatos esse: & post eorum appellationem, vti mox dicemus, piissimi Regis responso iustè inter hæreticos esse condemnatos. *cap. 13.*

Porro quis Collationis fructus fuerit, idem Possidius prodit, dum per eam potissimùm effectum ait, vt palmam Deus Augustino dederit: & indices augeretur pacis vnitas, & Ecclesiæ confraternitas, & multi Donatistarum Episcopi ad pacem Catholicam redierint, & quiduis eo nomine à Donatistis passi sint. *Possid. c. 13.*

Idem Augustinus confirmat, vbi de hac Collatione loquens: Donatistas, inquit, in nomine Christi, ingremium Catholicum magnâ iam ex parte suscepimus: ita vt penè omnes communioni Catholicæ sociatos esse gaudeamus. *l. de Gest. cum Emer.* Hos inter fuere Circumcelliones quamplurimi, vt videri potest *l. 1. cont. Gaudens. c. 29. & Epist. 50.* Sed quoniam plures eorum insanabiles erant, vti paullo post dicemus, quibus nihiladeò Collatio profuit, vt etiam reddiderit duriores; dicendum de Donatistis, quod de Luciferianis eorum propè sociis, Hieronymus ait: Vinci posse, persuaderi non posse. *Dial. cont. Lucifer. in fine.*

Etenim qui omni rationis præsidio destituti, tam turpiter victi damnatique fuerant; haud acquieuere iudicio Marcellini, sed ab eo appellauere, calumniantes iudicem à Catholicis fuisse corruptum: sicuti olim, cum ad Constantinum duorum Conciliorum sententiâ damnati prouocassent, & is Cæcilianum quoque absoluisset, damnassetque Donatum; cauillati sunt corruptum fuisse imperatorem. Plura deinde alia, magisque friuola aggesserunt: de quibus erit opportunior postea dicendi locus.

CAPVT

CAPVT XIII.
QVÆ POST COLLATIONEM
EVENERVNT.

§. I.

Librorum de Ciuitate Dei occasio.

Eodem hoc Anno, sub ipsum Collationis tempus (vt apparet *Epist. 102.*) inchoauit Augustinus opus illud celeberrimum, cui titulum fecit, De Ciuitate Dei. Occasionem Roma dedit, cuius euer-
sionem, Gothorum sub Rege Alarico agentium irruptione anno præ-
terito factam, deorum multorum falsorumque cultores, quos vitato
nomine Paganos vocamus, in Christianam religionem referre co-
nantes, solito acerbius & amarius Deum verum blasphemare
ceperant.

Vnde exardescens ipse zelo domus Dei aduersus Paganorum blas-
phemias vel errores, libros de Ciuitate Dei conscripsit, in vniuersum
viginti duos. Qui tamen si duarum ciuitatum, quarum vna est Dei, al-
tera huius mundi, exortum, excursus, debitosque fines contineant,
nominatim duodecim postremi; titulum tamen à meliore accepe-
runt, vt de Ciuitate Dei potius vocarentur. Hoc opus per aliquot
annos eum tenuit: eo quod multa alia intercurrerent, quæ differri
non poterant, eumque prius ad soluendum occupabant. *lib. 2. Retract.*
cap. 43.

Sanè cum tribus prioribus libris de Ciuitate Dei, duos alios paul-
lo post addidisset; quibus quinque satis disputarat aduersus eos, qui
propter presentis vite felicitatem Deos colendos putabant, eamque
felicitatem à Christianis impediri opinantes, Christiano nomini infe-
sti erant: deinceps agere instituit aduersus eos, qui propter vitam post
mortem futuram, necessarium existimabant cultum deorum suorum,
propter quam vitam nos Christiani sumus. *Epist. 102.* Dum igitur pri-
mis

mis decem libris, hoc agit, aliis duodecim istud quod diximus, duarum scilicet ciuitatum, exortum excursum & fines: constat utique, quod & quale sit omnium argumentum.

§. II.

Paganorum vanitas, Romæ excidium in Christi cultum referentium. Barbarica ibi continentia exemplum.

Sed quis interim non videt, quanta fuerit ista Paganorum temeritas, ut Romanæ urbis cladem transfunderent in Christianos, quia veri Dei cultum falforum numinum sacris prætulissent. Quidquid enim vastationis, trucidationis, deprædationis, concremationis, afflictionis, in ista recentissimâ Romanâ clade commissum est; fecit hoc consuetudo bellorum. Quod autem nouo more factum est, quod inuitatâ rerum facie immanitas barbara tam mitis apparuit, ut amplissimæ Basilicæ implendæ populo, cui parceretur, eligerentur & decernerentur, ubi nemo feriretur, unde nemo raperetur; quò liberandi multi à miserantibus hostibus ducerentur: hoc Christi nomini, hoc Christiano tempori tribuendum quisquis non videt, cæcus; quisquis videt nec laudat, ingratus; quisquis laudanti reluctatur, insanus est. Absit ut prudens quisquam, hoc feritati imputet Barbarorum. Truculentissimas & sæuissimas gentes ille terruit, ille frænauit, ille mirabiliter temperauit, qui per Prophetam tantò antè prædixit: Visitabo in virga iniquitates eorum, & in flagellis peccata eorum: misericordiam autem meam non dispergam ab eis. *l. i. de Ciuit. Dei c. 7.*

Pf. 88.

Atque his inter alia profectò responsum est eis, qui hæc bella quibus mundus iste conteritur, maximeque Romanæ Urbis recentem à Barbaris vastationem, Christianæ religioni tribuebant, quâ prohibentur nefandis sacrificiis seruire dæmonibus: cum potiùs hoc deberent tribuere Christo, quod propter eius nomen, contra institutum moremque bellorum, eis, quò confugerent, religiosa & amplissima loca Barbari libera præbuerunt: atque in multis famulatum debitum Christo,

Christo, non solum verum, sed etiam timore confectum, sic honora-
uerunt; ut quod in eos belli iure fieri licuisset, illicitum sibi esse iu-
dicarent. l. 2. de Ciuit. Dei. c. 2.

Huiusce rei vnicum tantummodò exemplum adscribam ex Oro-
sio. Discurrentibus, inquit, per urbem Barbaris, fortè vnus Gotho-
rum, idemque potens & Christianus, sacram Deo virginem, iam eta-
te prouectam, in quadam Ecclesiastica domo reperit. Cumque ab eâ
auram argentumque honestè exposceret; illa fidei constantiâ, apud
se esse plurimum & mox proferendum spondit ac protulit.

Dumque expositis opibus, attonitum Barbarum magnitudine &
pondere ac pulchritudine, ignotâ etiam vasorum qualitate, intelli-
geret Virgo Christi, ad barbarum ait: Hæc Petri Apostoli sacra mi-
nisteria præsume, si audes. De facto tu videris. ego quia defendere
non valco, neque tenere audeo.

Barbarus verò ad reuerentiam religionis, timore Dei, & fide vir-
ginis motus; ad Alaricum hoc per nuntium retulit. Qui continuo
reportari ad Apostoli Basilicam, vniuersa ut erant vasa imperauit.
Virginem etiam, simulque omnes qui se adiungerent Christianos, eo-
dem cum defensione deduci. Ea domus à sanctis sedibus longo (ut
ferunt) & medio interiectu urbis aberat. Itaque magno spectaculo
omnium, disposita per singulos singula, & super capita elata, palam
aurea atque argentea vasa portantur: exsertis vndique ad defensionem
gladiis pia pompa munitur. Hymnus Deo, Romanis Barbarisque
continentibus, publicè canitur. Personat latè in excidio urbis, salu-
tis tubæ: omnesque etiam in abditis latentes inuitat ac pulsat. Con-
currunt vndique ad vasa Petri, vasa Christi: plurimi etiam Pagani
Christianis, professione, si non fide admiscuntur: & per hoc tamen
ad tempus, quò magis confundantur, euadunt. Quantò copiosius ag-
gregantur Romani confugientes; tantò audius circumfunduntur
Barbari defensores. O sacra & ineffabilis diuini iudicij discretio!
&c. l. 7. cap. 39.

§. III.

Alarici irruptio , opus Diuinae misericordia.

IAm, si Rhadagaisus, Gothorum item Rex, adeò Paganus, vt Ioui alisq̃ue Diis, quotidie immolaret, qui paulò antè (anno videlicet 406.) agmine ingenti & immani , in vrbis viciniâ constitutus, Romanis ceruicibus imminebat : si ille inquam tam impius, cum tantis & tam impiis, Romam fuisset ingressus; cui (inquit Augustinus) pepercisset? quibus honorem locis Martyrum detulisset? in qua persona Deum timeret? cuius non sanguinem effusum, cuius pudicitiam vellet intactam? Quas autè isti pro Diis suis voces haberent? &c.

At verò vno die tantâ celeritate sic victus est, vt ne vno quidem non dicam extincto, sed nec vulnerato Romanorum, multò amplius quàm centum millium prosterneretur eius exercitus: atque ipse cum filiis mox captus, pœnâ debitâ necaretur. Cùm nihilominus Deus statuisset, irruptione Barbarorum grauiore, dignos mores hominum castigare: indignationem suam tantâ mansuetudine temperauit; vt Rhadagaisum primò faceret mirabiliter vinci, ne ad infirmorum animos euertendos gloria daretur dæmonibus, quibus eum supplicare constabat: deinde cùm ab Alarico Roma caperetur, qui contra omnem consuetudinem bellorum antè gestorum, ad loca sancta confugientes Christianæ religionis reuerentiâ tueretur: ipsiq̃ue dæmonibus, atq̃ue impiorum sacrificiorum ritibus, de quibus Rhadagaisus præsumerat, sic aduersaretur pro nomine Christiano, vt longè atrociùs bellum cum eis, quàm cum hominibus gerere videretur: ita verus Dominus gubernatorq̃ue rerum, & Romanos cum misericordiâ flagellauit, & tam incredibiliter victis supplicatoribus dæmonum, salutis rerum præsentium necessaria non esse illa sacrificia monstrauit. l. 5. de Ciuit. Dei c. 23, videri etiam potest. *serm. 29. de verb. Dom. cap. 9. & 10.*

§. IV.

§. IV.

*Operi de Ciuitate Dei finis impositus,
quando ?*

Ceterum si diligenter inquiramus, quo tandem anno supremam manum huic operi de Ciuitate Dei imposuerit Augustinus;prehendemus vndetrigesimum fuisse huius seculi: quia à Consulatu Manlij Theodori, qui incidit in annum ccc. xcix. vsque ad id tempus quo scribebat, numerat annos ferme triginta. l. 18. *de Ciuit. Dei cap. vlt.*

Quo interim tempore libros de Ciuitate Dei inchoauerat, quintumque compleuerat, dictauit etiam trium Psalmorum Expositionē, non paruis voluminibus: Sexagesimi septimi: Septuagesimi primi: Septuagesimi septimi. reliqui nondum tractati neque dictati, vehementer tum etiam expectabantur, atque flagitabantur. *Epist. 102.*

Neque enim labore continuo Psalmos exposuit; sed pro occasione, nunc hunc, nunc illum: quorum deinde collatæ expositiones, in vnum volumen compactæ sunt.

§. V.

*De Collatione edoctus à Marcellino Imperator;
leges contra Donatistas condit.*

Quidquid Collatione gestum fuerat, cum Marcellinus Cognitor ad Honorium Imperatorem retulisset; insequente Anno, Marcellini sententiam Imperatoria Lex consecuta est, data Rauennæ Kalendis Februarij, Honorio ix. & Theodosio v. Augustis Coll. ad Seleucum Præfectum Prætorio. l. 52. *de heret. Cod. Theod.*

Hac Lege, diuersis pœnis Donatistas multauit. Ac primum Ecclesias, earumque bona, indulgentiâ Principis, anno superiori priusquàm

D d d 2

Colla-

Collatio sumeret initium, ad demulcendos eorum animos, permiffas, Catholicis restitui mandauit. Laicos pecuniariis pœnis, pro conditione cuiusque, puniuit: Clericis exilium irrogauit, eisque Legata, Ecclesiæ Catholicæ deberi præcepit.

Ad hanc legem, respicere videtur Augustinus dum ait: Quidquid nomine Ecclesiarum partis Donati possidebatur, Christiani Imperatores legibus religiosis ad Catholicam transire iusserunt. *Epist. 50.* Et quod spectat irrogatum exilium: Mitiora, inquit, in vos constituit Imperator, propter mansuetudinem Christianam: exilium vobis voluit inferre, non mortem. Sed vos homines docti, considerantes quid debeatur merito, & quid minus sit in supplicio; non de iudicio illius, sed de vestro additis mortem. *l. 1. cont. Gaud. c. 19.* Alludens ad consuetudinem Donatistarum, quâ, legibus repressi, spontaneas sibi mortes conciebant: quod post Collationem facere signanter conatus est Donatus Presbyter Mutugennensis, tametsi non habuerit furor hominis successum: quem ab errore, præclaris litteris Augustinus sollicitè liberare tentauit. *Epist. 204.*

Ad hanc Legem referendum quoque est, quod Donatistas post Appellationem, piissimi Regis responso inter hæreticos condemnatos esse, ex Possidio supra retulimus.

S. V I.

Neque Collatione, neque Legibus emendati Donatista.

Sed uti Collatio non omnibus; ita neque Leges, pæneque profuerunt. Testatur Augustinus tantam quorundam duritiam fuisse, ut dicerent se inde non recessuros, etiam demonstratâ sibi Catholicâ veritate, & Donatistarum puerilitate. *Epist. 158.*

Atque hinc Circumcelliones, & Clerici nonnulli partis Donati, pristino furore & rabie insani, in diœcesi Hipponensi Restitutum Presbyterum Catholicum, exceptum insidiis trucidarunt: uti & Innocentium Presbyterum è domo raptum, oculo effosso, digitoque amputato, truncauerunt. *Epist. 159.*

Marcelli-

Marcellinus Tribunus, cui causæ Ecclesiasticæ erant iniunctæ, habitâ in reos quæstione moderatâ, non extendente equuleo, non sultantibus ungulis, non vrentibus flammis, sed virgarum verberibus (qui modus coërcitionis & à magistris Artium liberalium, & ab ipsis parentibus, & sæpe etiam in iudiciis solet ab Episcopis adhiberi) confessionem scelerum euerat. *Epist. 159.* Nihil restabat, quàm ut censeret tantâ legum severitate reos plectendos, ut, qualia fecerant, talia paterentur. *Id. Epist.* Idem porro visam iri Donato Proconsuli, pronum erat formidare: quamquam esset Christianus, & quantum adverteri poterat, non ad hæc cruenta proclivis. *Epist. 158.*

§. VII.

Augustinus pro Donatistis intercedit: Acta tamen iudicialia publicari petit.

Augustinus autem, cui non placebant atrocitas vlla, præcipuèque mortis supplicia, instanter admodum per litteras apud Marcellinum, Donatum, & Apringium iudicem (sub cuius securis iura rei venturi erant) egit instantissime: ut poena sanè illorum, quamvis de tantis, quæ iam retulimus, sceleribus confessorum, & propter conscientiam suam, & propter Catholicam mansuetudinem commendandam, intra mortis supplicium consisteret. *Epist. 158. 127. & 160.*

Non quò scelestis hominibus, inquit, licentiam facinorum prohibeamus auferri: sed hoc magis sufficere volumus, ut viui & nullâ corporis parte truncati, vel ab inquietudine insanâ ad sanitatis otium, legum coërcitione dirigantur; vel à malignis operibus, alicui utili operi deputentur. *Post pauca:* Imple, Christiane iudex, pii patris officium: sic succensè iniquitati, ut consulere humanitati memineris: nec in peccatorum atrocitatibus exerceas vlciscendi libidinem, sed peccatorum vulneribus curandi adhibeas voluntatem, &c. *Epist. 159. ad Marcellin.*

Apringium verò iudicem affatur his verbis: De vobis quidem dixisse Apostolum legimus, quod non sine causâ gladium geratis; & ministri Dei sitis, vindices in eos qui malè agunt. sed alia causâ est

D d d 3

Prouin-

Prouinciæ, alia Ecclesiæ. Illius terribiliter gerenda est administratio : huius clementer commendanda est mansuetudo, &c. *Epist.* 160. *Pauld post* : Contende ergo bonitate cum malis. Illi scelere immani, membra de corpore viuo auulserunt: tu opere misericordi effice, vt illa quæ nefandis operibus exercebant, alicui vtiles operi integra eorum membra deseruiant, &c. *eâd. Epist.*

Pro iisdem Donatum, Proconsulem Africæ, ita rogat: Vnum est quod in tua iustitiâ pertimescimus, ne fortè, quoniam quidquid mali contra Christianam societatem ab hominibus impiis ingratisque committitur, profectò grauius & atrocius est quàm si in alios talia committantur; tu quoque pro immanitate facinorum, ac non potiùs pro lenitatis Christianæ consideratione censeas coercendum: quod te per Iesum Christum ne facias, obsecramus. Neque enim vindictam de inimicis in hac terrâ requirimus: aut verò ad eas angustias animi nos debent coarctare quæ patimur, vt obliuiscamur quid nobis præceperit, pro cuius veritate ac nomine patimur, qui diligimus inimicos nostros, & oramus pro eis. *Epist.* 127.

Potissima cur sic instaret, causâ erat, quòd nollet passiones Seruorum Dei, quæ prodesse debent ad exempla patientiæ, quasi vice talionis, paribus suppliciis vindicari. *Epist.* 158. & 160. Quapropter si nec litteris suis Proconsul consenserit; rogat, vt saltem hoc præstet, vt in custodiam recipiantur rei: impetraturum se de clementiâ Imperatoris, ne passiones Seruorum Dei, quæ debent esse in Ecclesia gloriosæ, inimicorum sanguine dehonestentur. Sciebat enim in causâ Clericorum Anaunensium (qui occisi à Gentilibus Anno 400. tunc Martyres honorabantur) Imperatorem rogatum, facillè concessisse, ne illi qui eos occiderant, & capti iam tenebantur, pœnâ simili punirentur. *Epist.* 158.

Et hoc quidem à Proconsule, per Marcellinum desiderabat impetrare: ab ipso verò Marcellino exigit Augustinus, vt Acta publica, quæ erant super confessis Donatistarum criminibus digesta, populo exponerentur, ad eorum ignominiam & confusionem, dum ait: Gesta, quæ promisit Præstantia tua, vehementer exspecto, & in Ecclesiâ Hipponensi iam iam cupio recitari, ac si fieri potest, per omnes Ecclesias etiam in nostrâ diœcesi constitutas: vt audiant homines, pleneque agnoscant confessores iniquitatis, non Dei timore extorquente pœnitentiam, sed iudiciariâ diligentia crudelissimorum pectorum aperiente

riente duritiâ : siue illorum , qui de homicidio & de excæcato ac debilitato Presbyteri corpore, confessi, siue, &c. *Epist. 158.*

Agens enim paullo post de publicatione eorundem Actorum per Marcellinum faciendâ, inquit: Quod scripsit Eximietas tua, dubitare te, vtrum in Theopropiâ (locus vt videtur , vnde solebant Edicta Imperatoria promulgari) debeas eadem Gesta iubere proponi ; fiat , si potest illuc frequens confluere multitudo. Alioquin alius locus celebrior prouidendus est, non tamen vilo modo prætermittendum. *ead. Epist.*

Nam quantâ impudentiâ, nullâque suæ dignitatis habitâ ratione, Donatistæ grassarentur ; aperit Augustinus iisdem litteris, dum ait : Modò Macrobius Episcopus eorum , stipatus cuneis perditorum vtriusque sexus, hæc atque illâ circumiit, aperuitque sibi Basilicas, quas possessorum quantuluscumque timor clauferat. *Et paucis interiectis :* Cum ipso etiam est ille Donatus, Diaconus rebaptizatus: qui cum fuerit colonus Ecclesiæ, versatus est in illâ eade præcipuus. *Epist. 158.*

Sed non potuit tanta criminum enormitas Christianam Augustini mansuetudinem, quæ omnem animi turbulentiam præueniebat, expugnare.

S. VIII.

De lenitate iudicum, consilium Augustini.

Cum verò non vnus modò Augustinus, sed alij quoque Ecclesiæ Catholicæ Antistites, solerent nonnumquam pro facinorosis, vltimo supplicio afficiendis, apud Iudices intercedere ; Macedonius, & ipse iudex ius gladij habens, eundem Augustinum per litteras interrogauit, Vtrum sit acquiescendum precibus Episcoporum, reis pœnam dimitti postulantium : præsertim si probabiliter conijci possit, eosdem in deterius prolapsuros? *Epist. 53.* Cui non minori sanè elegantia, quàm vbertate, respondit. *Epist. 54.* declarans, sacerdotes pie intercedere pro promittentibus pœnitentiam Ecclesiasticam: quin & profani iudicis seueritatem clementia temperatam esse debere.

Adhæc eiusdem Macedonij lenitatem in promulgandis aduersus

Donatistæ

Donatistas Edictis vehementer commendat, dum eum refert (ad illos in unitatem Christi pacemque redigendos) sic esse præfatum : Pro vobis hoc agitur , pro vobis Sacerdotes incorruptæ fidei : pro vobis Imperator Augustus , pro vobis nos quoque eius iudices laboramus : & alia multa, quæ in eodem Edicto ita posuisti, vt te appareat in terreni iudicis cingulo , non parua ex parte cælestem Rempublicam cogitare. *Epist. 52. ad Macedonium.*

Atque ita per id tempus non Episcopis tantum , sed Iudicibus etiam commendata lenitas fuit, maxime in hæreticis puniendis: adeoque non frustra ab ipsis Donatistis prædicata beatæ memoriæ Genethlij Episcopi (Carthaginensis, ante Aurelium opinor) mansuetudo: quòd nescio quam constitutionem datam contra illos compresserit, & effectum habere non fuerit. *Epist. 163.*

CAPVT XIV.

PELAGIANÆ HÆRESIS INCREMENTVM.

§. I.

Pelagius in Africam venit.

Hæreses suas dum Romæ Pelagius cum Celestio ita disseminat, vt iam in publicum earum peruersitas non dubio rumore dimanaret; superueniens, vt paullo antè diximus, ab Alarico Urbis excidium, ambos hæresiarchas in Africam fugauit.

Et quidem Pelagius tum Hipponensi littore exceptus est, Augustino absente: sed cuius postmodum faciem semel atque iterum vidit, quando curâ Collationis, quam erant Catholici cum hæreticis Donatistis habituri, occupatissimus fuit. *l. de Gest. Pel. c. 22.*

§. II.

§. II.

Celestij Carthagine doctrina.

INterea Celestius, Magistro suo tantò apertior & liberior, quantò pertinacior, doctrinæ suæ hæreseosque virus spargere Carthagine cœpit: ob quod omnis ibi Ecclesia disputationibus agitabatur. Vix dubitem occasione usum fuisse, quæ rebus Donatisticis Episcopos omnes implicauerat.

Erant hæc eius dogmata, sicuti ab Augustino referuntur: Adam mortalem factum: qui siue peccaret, siue non peccaret, moriturus esset: quoniam peccatum Adæ ipsum solum læserit, & non genus humanum. Quod Lex sic mittit ad regnum, quemadmodum Euangelium: quoniam ante Aduentum Christi fuerunt homines sine peccato. Quoniam infantes nuper nati, in illo statu sunt, in quo Adam fuit ante præuicationem. Quoniam neque per mortem, vel præuicationem Adæ, omne genus humanum moriatur: neque per resurrectionem Christi, omne genus hominum resurgat. *l. de Gest. Pel. c. 11.*

§. III.

*Damnatus cum Pelagio Celestius
Africâ excedit.*

VT verò talia maiori auctoritate & pondere, auribus omnium animisque Celestius inculcaret; ad Presbyterij gradum clam surrepere conabatur: fecissetque, nisi vnus præcipue obstitisset Paulinus nomine: qui Christianâ fiduciâ, ad Episcoporum Carthagine iudicium hominem suspectæ doctrinæ detulit.

Res acta coram Aurelio, aliisque Africæ Episcopis, Augustino absente: cuius Synodi vt gesta perierint; fragmentum tamen aliquod exstat ab Augustino citatum, *l. 2. de pecc. Orig. cap. 2. & 3.* vt qui nimirum

E e e

ca,

ea, cum venisset Carthaginem, gesta recensuerit: *l. de gest. Pel. cap. II. eo* demum successu, ut à Concilio Episcoporum damnatus Celestius, reportaret dignam suâ peruersitate sententiam, quam alibi Excommunicationem appellat. *l. de gest. Pel. c. 22. l. 2. Retract. c. 33.*

Ita Carthagine pulsus, sed nihilo melior effectus (magis enim convictus, inquit Augustinus, & ab Ecclesia detestatus, quam correctus & paratus abcessit: *Epist. 89.*) in Siciliam, ubi à biennio circiter Rufinus Celestianorum dogmatum delineator satis concesserat, venisse putatur.

S. IV.

Pelagianam hæresin scriptis oppugnat Augustinus.

Tantum verò abfuit, ut fugatus ex Africâ Celestius, vnaque profectus inde Pelagius, pristinam religionis doctrinæque pacem Africæ restituerint; ut quotidianis omnia quæstionibus perstreperent: & Marcellinus in primis (vir non tantummodò prudens & industrius, ut constat ex iis quæ retulimus; sed animi religiosi: nec iuris solùm, sed omnium bonorum studiorum appetentissimus, ut testatur Oros. *l. 7. cap. 42.*) Pelagij Celestiique assclas, molestissimos quotidie disputatores pateretur.

Is Augustinum scriptis litteris compellauit: qui perinde necessitate coactus fuit, contra Pelagianam hæresin scribere: quam prius, cum opus fuerat, non scriptis, sed sermonibus & colloctionibus, quilibet ibi Episcoporum oppugnarat, prout debebat & poterat. *libr. 2. Retract. cap. 33.*

Sanè cum post damnatum Celestium, ut diximus, Carthaginem venisset Augustinus, & recensuisset ea, quæ contra illum gesta ibi antea fuerant; Aurelio iubente, in Basilicâ Cathedrali, manu gestans Epistolam gloriosissimi Martyris Cypriani, & de hac se verba eius recitans atque pertractans, sermonem habuit, ut error iste nefarius de quorundam cordibus auferretur: *l. de gest. Pel. cap. II. quod & reipsâ factum fuisse, testatur Epist. 89. q. 3. ante fin.* Exstat ille sermo *de verb. Apostoli*

Holi 14. Carthagine habitus. Videri & alij possunt, l. de Continent. c. 14. homil. 23. inter 50. c. 6. serm. 49. de Temp. c. 5. & 6.

Porro quæstiones quas Marcellinus miserat, erant ipsa puncta hæresesque Celestij, super quibus Augustinum interrogandum duxerat. Videlicet.

I. Vtrum sic creatus fuerit Adam, vt etiam sine peccati merito moreretur, non pœnâ culpæ, sed necessitate naturæ? *l. 1. de peccat. mer. & rem. cap. 2. & seqq.*

II. Vtrum ex eius peccato quidquam ad eius posteros propagando transierit, quod Sacramento Baptismi foret diluendum? *eod. l. cap. 10. & seqq.*

III. Vtrum possit, vel vtrum sit, fuerit, futurusve sit homo sine peccato in hac vita, excepto illo qui dixit: Ecce venit Princeps mundi, & in me nihil inueniet? *eod. l. cap. 39.*

Has igitur quæstiones Augustinus vt scribendo dissolueret, scripsit primum Libros tres: quorum titulus est, De peccatorum meritis & remissione. Vbi maximè de Baptismo disputatur paruulorum, propter Originale peccatum: & de Gratiâ Dei, quâ iustificamur, hoc est iusti efficiuntur: quamvis in hac vitâ nemo ita seruet mandata iustitiæ, vt non sit ei necessarium, pro suis peccatis orando, dicere: *Dimitte nobis debita nostra.* Contra quæ omnia sentientes Pelagiani, nouam hæresin condiderant. *l. 2. Retract. cap. 33.*

Tertio libro, respondet argumentis Pelagij contra Peccatum Originis: quæ in expositionibus breuissimis Epistolarum Apostoli Pauli Pelagius auctore, legerat. *lib. 3. de peccat. mer. cap. 1. v. Casiodor. lib. de diuin. lect. cap. 8.*

S. V.

Pelagij & Celestij nomina adhuc premit.

IN his autem Libris, tacenda adhuc arbitratus est nomina eorum, sic eos facilius posse corrigi sperans: *l. 2. Retract. cap. 33.* quinimò non obscure laudat, cum sint casti, ai, vitæ, moribusque laudabiles: nec dubi-

dubitent facere quod illi diuiti, pro consequendâ vitâ æternâ, consilium requirenti, asserentiq̃ se iam omnia Legis impleſſe mandata, præcepit Dominus, Si vellet eſſe perfectus, venderet omnia quæ haberet, & daret pauperibus, theſaurumq̃ transferret in cælum. *l. 2. de peccat. mer. & rem. cap. 16.*

Hinc & in tertio eiusdem argumenti libro (quæ eſt Epistoſa, ſed in Libris habita, propter duos quibus eam connectendam putauit) Pelagij ipſius nomen non ſine laude aliquâ poſuit, quia vita eius à multis prædicabatur: *l. 2. Retract. cap. 33.* appellauitq̃ virum ſanctum, & non paruo prouectu Chriſtianum. Denique cum aduertiffet, quòd Pelagius non omninò aſſereret Animam eſſe ex traduce; vocat eum virum circumspectum: vt qui rectiſſimè de re tam obſcurâ, de quâ nulla in Scripturis ſanctis certa & aperta teſtimonia poſſumus inuenire aut difficiſſimè poſſumus, cunctanter loquatur potiùs quàm fidenter. *l. 3. de pecc. mer. & rem. cap. 1. 3. & 10.*

§. VI.

Celeſtius in Sicilia.

Allatus in Siciliam Celeſtius, turbare mox inſulam cœpit nouitate doctrinæ. Cuius rei certior mox redditus ab Hilario Auguſtinus; quæ circa Celeſtium euenerant Carthagine, compendio admonuit: coactum nimirum conſiteri propter baptizandos paruulos, quod & ipſis redemptio ſit neceſſaria: & quamquam ibi noluerit de Originali peccato aliquid expreſſius dicere; tamen ipſo redemptionis nomine, non parum ſibi præſcripſiſſe, &c. *Epist. 89. qu. 3. ante fin.*

Cumq̃ue eaſdem propè quæſtiones, quas Marcellinus propoſuerat, (imò quas Hieronymo Cteſiphon in Oriente) Hilarius ſoluendas exhibuiſſet; accuratiſſimè ad omnes Auguſtinus reſpondit. *Epist. 89. niſi quod plures adhuc accumulât è turbido Pelagij lacu, Epistolâ 88.*

§. VII.

§. VII.

In Palaſtinâ Pelagius.

DUm in Sicilia tantisper Celeſtius obhæret: ubi, vt verſimile eſt, breues definitiones iſtas, vel potiùs ratiocinationes conſcripſit, ob quas dicebatur ſuis, per Syllogiſmorum ſpineta decurrere; quasque Auguſtinus libro de Perfectione iuſtitie, petentibus Eutropio & Paulo Episcopis, poſtea diſſoluit: dum, inquam, ibi obhæret; Pelagius in Palaſtinam euasit.

Hic dum paria cum Celeſtio, vel peiora etiam facit; litteras ad Auguſtinum ſcripſit, adulationis plenas: magnoperè prædicans raras animi dotes virtutesque, quibus erat inſtructus, ac præcipuè iuſtitiam: eo arbitror fine, vt virum, cuius ingenium ſtilumque formidabat, in ſuas partes his artibus pelliceret. Fortè enim ſciebat, ſicuti à Paullino olim, ita ab Auguſtino nunc, in pretio ſe haberi, vt videre eſt. *Epist. 106. in princip.*

Vtut eſt, Pelagij litteris hæſce reſpoſuit Auguſtinus: *Domino dilectiſſimo & deſideratiſſimo fratri Pelagio, Auguſtinus in Domino ſalutem. Gratias ago plurimum, quod me litteris tuis explorare dignatus ſis, & certum ſacere de ſalute veſtra. Retribuat tibi Dominus bona, quibus ſemper ſis bonus: vt cum illo æternò viuas in æternum, Domine dilectiſſime & deſideratiſſime frater. Ego autem eſſi in me non agnoſco præconia de me tua, quæ tua benignitati Epistoſa continet; beneuolo tamen animo erga exiguitatem meam ingratuſ eſſe non poſſum: ſimul admonens vt potiùs oris pro me, quò talis à Domino ſiam, qualem me iam eſſe arbitraru. Et aliâ manu. Memor noſtri incolumis Deo placeas, Domine dilectiſſime & deſideratiſſime frater. Libro de geſt. Pel. cap. 26.*

Atque hæ Auguſtini litteræ ſunt, quas, triennio circiter poſtquàm datæ fuerant, non abſque ambitione, in Synodo Dioſpolitana Pelagius produxit, vt impietatem ſuam hæc veluti larua obtegeret: quas tamen exponendo poſtea, Auguſtinus, declarauit non alio fine fuiſſe ſcriptas, quàm vt ab errore Pelagium reuocaret.

CAPVT XV.

AVGVSTINI MODESTIA,
MINIME OMNIVM PHILODOXI.

S. I.

*Scribit ad Volusianum & Marcellinum, laudes-
que suas reicit.*Anno
412.

INter hæc apparet scripsisse Augustinum, Epistolas duas, non breues, vt ait: vnã ad Marcellinum, alteram ad virum illustrem Volusianum: *Epist.* 158. suntque in Epistolarum ordine (admodum certè inordinato) tertia, & quinta.

Erat Volusianus summo loco natus, Melaniæ iunioris siue patruus siue auunculus: Marcellino per id tempus Carthagine familiaris, quo in Africam proficiscente, Volusiani mater obnixè ab eo contendit, daret operam vt Augustinus illic scriptis suis ac doctrinâ (toto iam orbe celebratis) filium Volusianum ad amplexandam fidem Christianam adduceret: vtpotè iam vergentem in senectam, atque Apollonij Thyanæi & Appuleij magorum, aliorumque Philosophorum, habitus studiosum.

Quàm verò nihil huius materni desiderij, tum operæ Marcellini, & Volusiani capacitatis, neglexerit Augustinus, vt eum (quod tandem effectum est, *Baron. anno Dom.* 420.) ad Christi fidem adduceret; citatis antè litteris constare potest: quarum vnã eliciens *ieronymus* Augustini Marcellinus, rursus expetebat, vt huic obiectioni respondeat: Cur sub Christianis Principibus, tot tantaque mala Romanum Imperium inuaserint? *Epist.* 4. questionem nimirum, quam tum Augustinus libris de Ciuitate Dei, Marcellino inscriptis, strenuè agitabat.

Et licet tanti fecerit Volusianus Augustinum, vt diceret, equidem non immeritò: *Vicunque absque detrimento cultus diuini, in aliis Sacerdotibus*

bus toleratur infamia: at cum ad Antistitem Augustinum venit; Legi deest, quidquid contigerit ignorari: ideoque famæ ipsius interesse, ut respondeat: Epist. 2. Ipse tamen humillimus, neque solitus flare inanes glorias, rescribens rogavit, ut hanc de se opinionem facile præsumptam Volusianus deponat: eumque animum quamvis erga se benevolentissimum, soluat atque exuat: neque, si dilectionis vicem rependat, magis ulli alteri, quàm sibi de se credat. Epist. 3.

§. II.

Idem facit Epistolâ ad Audacem.

EXISTANT sanè plura eiusmodi animi demissionis in Augustino testimonia: cuius est nihilominus rara concordia cum eruditione tam excellenti.

Atque inter alia, cum Audax, vir nec mentis, ut apparet, neque oris inops, Augustinum (flagitâs eius scripta) ita affatus esset: *Theaurum sapientia desideravi, sed minus accepi quàm volui. licet minus non debet dici, sed munus, quod Oraculum legi contuleris Augustinus, sacrator iustitiæ, instaurator spiritalis gloriæ, dispensator salutis æternæ*; Epist. 139. Respondit Augustinus: *Theaurum sapientiæ te desiderasse dixisti, sed minus accepisse quàm voluisti, cum ego ex illo thesauro mendicabundâ prece quotidianam stipem rogem, vixquè impetrem. Oraculum autem Legis quomodo sum, de cuius latis atque abditis penetralibus nescio longè plura, quàm scio: eiusque multiplices sinus opacosque secessus adire ac penetrare non valeo sicut volo, & me non aliud quàm minus dignum esse cognosco? Porro sacrator iustitiæ quis ego, cui me sacramentum esse permagnum est? Iam verò quod instauratorem spiritalis gloriæ me appellas, da veniam; multum cui loquaris ignoras. ipse quippè adhuc in hac gloriâ sic instauror, ut de die in diem non solum quantum accedam, sed vtrum omnino aliquid accedam, latere me fatear. Dispensator planè salutis æternæ, cum cæteris innumerabilibus confervis meis sum, &c. Epist. 140.*

S. III.

Item Epistolâ ad Darium.

Darius Comes, vir nobilissimus, luculentâ Epistolâ comiter Augustinum laudauerat. *Epist.* 263. Tanto in se tanti viri & Christiano affectui, eleganter comiterque suas reposuit Augustinus: & postquam ostendit, quatenus accipiendæ sint laudes, ut nulli siue vitio, siue vituperio sint obnoxia; subiungit, humilitatis utique indicio non paruo: Sume itaque, fili mi, sume vir bone, & non in superficie, sed Christianâ charitate Christiane: sume inquam libros, quos desiderasti, Confessionum mearum: ibi me inspice, ne me laudes, ultra quam sum. ibi non aliis de me crede, sed mihi: ibi me attende, & vide quid fuerim in meipso per meipsum: & si quid in me tibi placuerit; lauda ibi mecum, quem laudari volui de me: neque enim me; quoniam ipse fecit nos, & non ipsi nos, nos autem perdideramus nos, sed qui fecit, refecit. Cum autem ibi me inueneris; ora pro me ne deficiam, sed perficiam: ora fili, ora.

Sentio quid dicam, scio quid petam: non tibi videatur indignum, & quasi ultra merita tua. Fraudabis me magno adiutorio, si non feceris non solum tu, sed etiam omnes qui ex ore tuo me dilexerint. Orate pro me: hoc eis, me petiuisse indica: & si multum nobis tribuitis, iussisse nos existimate quod petimus: & tamen date petentibus, vel obtemperate iubentibus: Orate pro nobis. *Epist.* 264.

S. IV.

Ad Macedonium.

Macedonius, Iudex Cæsareus, quantoperè afficeretur Augustini sapientiâ, testantur hæc eius verba de Libris quibusdam quos ad eum Augustinus miserat: *Explicui tuos libros: (neque enim tam languidi aut inertes erant, ut me aliud quam se curare paterentur) iniecerunt manum, erep-*

ereptumq; aliis sollicitudinum causis, suis vinculis illigauerunt. Ita enim mihi Deus propitius sit, ut ego anceps sum, quid in illis magis mirer; Sacerdotij perfectionem, Philosophia dogmata, Historia plenam notitiam, an facundia plenam sinceritatem: qua etiam imperios ita illicere potest, ut donec explicens, non desistant; & cum explicauerint, adhuc requirant. *Epist. 51.*

Hos libros, fuisse primos quinque de Ciuitate Dei, si quis attentè Macedonij litteras perpendat; poterit haud de nihilo suspicari.

Sed Macedonio non benigne magis, quàm humiliter, respondit Augustinus: Quamuis sapientiam quam mihi tribuis, in me non agnoscam; tantæ tamen erga me beneuolentiæ tuæ, tamque sinceræ, gratias ago deo quoque plurius: & meorum studiorum labores tali ac tanto viro placuisse, delector. Multò verò ampliùs, quòd animum tuum charitate æternitatis & veritatis, atque ipsius charitatis affectum diuinæ illi cælestique reipublicæ, cuius regnator est Christus, agnosco inhiantem, video propinquantem, eiusque potiundæ amplector ardentem. *Epist. 52.*

§. V.

Ad Ianuarium.

IAnuarius etiam, quia nihil Augustinum latere existimabat, plura eum interrogauerat. Cumque prolixè satis, duobus libris ad ipsius interrogationes Augustinus respondisset, subdit denique: Hæc tibi, si satis esse ad ea quæ requisisti, non putaueris; nimis ignoras & vires, & occupationes meas.

Tantum enim absom ab eo, quod putasti nihil me latere; ut nihil in Epistolâ tuâ legerim tristius. quia & apertissimè falsum est; & miror quia hoc te later, quod non solum in aliis innumerabilibus rebus multa me latent, sed etiam in ipsis sanctis Scripturis multò nesciam plura, quàm sciam. *Epist. 119. cap. 21.*

§. VI.

*Multa à se ignorari affirmat : atque inter
hac Anima originem.*

QUAMAM autem ista sint, non puduit eum clarè nonnumquam & signatè confiteri. Nam cùm ait Apostolus, *Sive Sedes, siue Dominationes, siue Principatus, siue Potestates* : esse quidem Sedes, Dominationes, Principatus, Potestates in cælestibus apparatus, firmissimè credo, inquit, & differre inter se aliquid, indubitata fide teneo. Sed, quò me contemnas quem magnum putas esse Doctorem, quænam ista sint, & quid inter se differant, nescio. Nec eâ sanè ignorantia periclitari me puto, sicut inobedientiâ, si Domini præcepta neglexero. *l. ad Oros. cap. 11. l. Enchirid. cap. 57.*

Licet deinde persuasum habuerit, animam hominis immortalem & incorpoream esse : *l. 4. de orig. an. c. 12.* omni præterea animæ, etiam paruuli infantis, necessariam esse liberationem ex obligatione peccati; eamque nullam esse, nisi per Iesum Christum, & hunc Crucifixum; attamen Animæ originem (licet eò propendeat quod Hieronymus sentiebat, singulas animas singulis nascentibus facere Deum) à se quærentibus fatebatur, sicut multa alia, & hoc se ignorare. *Epist. 28.*

Qua in re, cùm idem sæpenuerò repetisset; *Epist. 7. 99. & 157.* graviter offendisse visusest apud Vincentium Victorem, Laicum, iam tum iuuenem; (de quo nos suprâ lib. 2. cap. 8. §. 5.) qui nihilominus ipse non tantummodò imperitè, verum impiè etiam de Animæ origine sentiebat. *l. 3. de orig. anim. c. 2. & l. 4. cap. 1.*

Vincentius ergo cùm scire vellet, quod se nescire toties Augustinus fassus erat, puta Animarum originem, quæ post primum hominem datae sunt, vel dantur hominibus; licet in principio libri sui, se imperitiæ suæ admodum conscius, & doctrinæ adminiculo destitutus dixisset; attamen non tantum senem iuuenis, & Episcopum Laicus, verum etiam hominem suo iudicio doctissimum & petitissimum non dubitauerat reprehendere.

Sed mansuetè respondit & humiliter Augustinus: Ego me doctissi-
mum

num ac peritissimum, nescio: imò verò me non esse, certissimè scio. Et fieri posse non ambigo, vt aliquid imperito & indocto cuipiam scire contingat, quod aliquis doctus & peritus ignorat. Et in hoc te planè laudo, quod veritatem, etsi numquam percepisti, certè quam putasti, homini prætulisti: ideo quidem temerè, quia existimasti scire te, quod nescis; sed ideo liberè, quia personam non veritus, elegisti aperire quod sentis. l. 4. de Orig. An. c. 1.

Porro autem cum suam ipsi Vincentio Victori ineptiam demonstrasset, vt qui nesciret quomodo soleat vtrem homo inflare; (quem naturà ipsius hominis existimabat inflari, & naturam hominis inde nihil minus habere: quem errorem Augustinus confutauerat l. 3. c. 4.) subdit denique: Quomodo tibi committam, vt me doceas de origine Animarum, quod me nescire confiteor; qui, quod tuis naribus atque ore sine intermissione facis, vnde facias ignorabas? Et post pauca:

Proinde ignorantiam meam de Origine Animarum, te corripientem atque obiurgantem non molestè ferrem; imò insuper & gratias magnas agerem: si eam mihi non solùm duris percuteres conuitiis, sed veris etiam excuteris dictis. Si enim me posses docere quod nescio; non solùm te verbis, sed & pugnis cadentem deberem patientissimè sustinere. l. 4. de Orig. Anim. cap. 3.

S. VII.

Doceri senex à iuvene cupit.

AVxilius Episcopus, sed ætate iuuenis, Classicianum virum spectabilem, ob culpam (quæ si erat, sola erat Classiciani) cum omni domo suâ, anathematis sententiâ perculserat. A quo interpellatus Augustinus, scripsit ad Auxilium, vt si haberet de hac re sententiam certis rationibus vel Scripturarum testimoniis exploratam; docere se quoque dignetur, quomodo rectè anathematizetur pro patris peccato filius, aut pro mariti vxor; aut pro Domini, seruus; aut quisquam etiam in domo nondum natus, si eodem tempore quo vniuersa domus est anathemate obligata, nascatur, nec ei possit per lauacrum regenerationis in mortis periculo subueniri.

Fff 2

Id

Id enim præterquam quod Scripturis aduersari videatur, quas citat; numquam se aulum facere testatur, tametsi de quorundam facinoribus aduersus Ecclesiam perpetratis grauissimè permoueretur. Verumtamen si tibi, quàm iustè fiat (Auxilium alloquitur) Dominus reuelauit; nequaquam iuuenilem ætatem tuam, & honoris Ecclesiastici rudimenta contemno. En ad sum: senex à iuene coëpiscopo, & Episcopus tot annorum à collegâ necdum anniculo, paratus sum discere: quomodo vel Deo vel hominibus iustam possimus reddere rationem, si animas innocentes pro scelere alieno, ex quo nontrahunt sicut ex Adam (in quo omnes peccauerunt) originale peccatum, spirituali supplicio puniamus. *Epist. 75.*

Etenim ob hanc causam fiebat, vt, quid alij sentirent in re difficili, libenter exquireret, suo numquam ingenio præfusus. Atque hinc institit apud Paullinum, vt paullo vberius exponeret, quomodo diuinæ voluntati humana subdatur: *Epist. 65.* fateturque in Expositione loci cuiusdam sancti Paulli, malle se audire intelligentiores atque doctiores, quàm aperire quid sentiat. *l. de fid. & oper. cap. 16.*

S. VIII.

Interrogantem se, ipse interrogat.

INter ceteras quæstiones quas Augustino per Epistolam soluendas proponit Euodius, vna est: Quomodo esset intelligendum, quod in Epistolâ suâ dicit Apostolus Petrus, de Christo: *Mortificatus carne, viuificatus spiritu: in quo & eis qui in carcere erant spiritibus, veniens predicauit:* hoc inferens quod in inferno fuerunt, & descendens Christus omnibus Euangelizauit, omnesque à tenebris & pœnis per gratiam liberauit. *Epist. 98.* Huius difficultatis angulos postquàm Augustinus diligenter admodum rimatus esset, nihil alicubi temerè pronuntians, propter loci ipsius obscuritatem; per *mortuos* autem quibus euangelizatum esse Petrus ait, infideles & iniquos intellexisset, iuxta illud, *Dimitte mortuos vt sepeliant mortuos suos;* denique subiungit:

Hæc Expositio verborum Petri, cui displicet; vel cui etiamsi non displicet, non tamen sufficit; quærat ea secundum inferos intelligere.
Qui

Qui si valuerit illa, quibus me moueri suprà commemorauī, ita soluere, vt eorum auferat dubitationem; impartiat & mihi. *Epist. 99.* Nam prius in capite Epistolæ suæ dixerat: Quæstio quam mihi proposuisti ex Epistolâ Apostoli Petri, solet nos (vt te latere non arbitror) vehementissimè commouere. Quomodo illa verba accipienda sint tamquam de inferis dicta. Replico ergo tibi eandem quæstionem: vt siue ipse potueris, siue aliquem qui possit inueneris; auferas de illâ atque finias dubitationem meam. *ibid.*

Non enim pudebat eum, vndecumque posset, addiscere aliquid. Vnde & quæstionibus Dulcitij respondens: Quod attinet, inquit, ad quæstionem Resurrectionis, propter illos qui creduntur non esse morituri, sed ex hac mortalitate ad immortalitatem sine morte mediâ transaturi; inquisitio diligentior adhibenda est: & si quid hinc absolutum ac definitum disputatione rationabili atque perfectâ vel audisti, vel legisti, vel etiam ipse adhuc audire, aut legere, aut excogitare potueris: peto mihi mittere non graueris. Ego enim, quod confitendum est charitati tuæ, plus amo discere, quàm docere, &c. *lib. de quæstionib. Dulcitij, qu. 3.* quod idem repetit in fine libri.

S. IX.

Mauult discere, quàm docere.

Ipfius iterum verba sunt: Credant qui volunt, malle me legendo, quam legenda dictando, laborare. Qui autem hoc nolunt credere, experiri autem & possunt & volunt; denique legendo vel meis inquisitionibus respondeant, vel interrogationibus aliorum, quas (pro meâ personâ quam in seruitio Christi gero, & pro studio quo fidem nostram aduersum errorem carnalium & animalium hominum munire inardesco) necesse est me pati: & videant, quàm faciliè ab isto labore me temperem, & quanto etiam gaudio stilum possim habere feriatum. *Proem. II. de Trinit.*

Hinc in omnibus litteris suis, non solum pium Lectorem, sed etiam desiderabat liberum correctorem: Quamquam sicut Lectorem meum, inquit, nolo mihi esse debitum; ita correctorem nolo sibi. Ille

Fff 3

me

me non amet ampliùs, quàm Catholicam fidem: ille se non amet ampliùs, quam Catholicam veritatem. Sicut illi dico, Noli meis litteris quasi Scripturis Canonicis inseruire: sed in illis, & quod non credebas, cùm inueneris incūctanter crede; in istis autem quod certum non habebas, nisi certum intellexeris, noli firmiter retinere: Ita illi dico, Noli meas litteras ex tuâ opinione vel contentione, sed ex diuinâ lectione vel inconcussâ ratione corrigere. Si quid in eis veri comprehenderis, existendo non est meum: at intelligendo & amando, & tuum sit & meum. Si quid autem falsi conuiceris; errando fuerit meum: sed iam cauendo, nec tuum sit, nec meum. *cod. loco.*

§. X.

Existimat, multa à se tradita culpari posse.

NEque enim negare debeo, sicut in ipsis moribus, ita multa esse in tam multis opusculis meis, quæ possint iusto iudicio & nullâ temeritate culpari; dicebat Vincentio Victori scribens: *lib. 4. de Orig. Anima c. 1.* ad Simplicianum vero: Siue in iis, quibus me exercere benignè paterneque voluisti: siue in aliis, quæcumque nostra in tuas sanctas manus fortè peruenerint: quia sicut Dei data, sic etiam mea errata cognosco; non solum curam legentis impendas, sed etiam curam corrigentis assumas. *Epist. præm. II. ad Simpl. T. 4.*

Ego quippè fateor, me ex eorum numero esse conari, qui proficiendo scribunt, & scribendo proficiunt. Vnde si aliquid vel incautiùs vel indoctiùs à me positum est, quod non solum ab aliis qui videre id possunt, meritò reprehendatur, verum etiam à me ipso: quia & ego saltem videre debeo postea, si proficio: nec mirandum est, nec dolendum, sed potiùs ignoscendum atque gratulandum, non quia erratum est, sed quia improbatum. Nam nimis peruersè seipsum amat, qui & alios vult errare, vt error suus lateat, &c. *Epist. 7.*

Quamobrem ait ad Paullinam: Nolo auctoritatem meam sequaris, vt ideo putes tibi aliquid necesse esse credere, quoniam à me dicitur: sed aut Scripturis Canonicis credas, si quod nondum quàm verum sit vides; aut interiùs demonstranti veritati, vt hoc planè videas. *Epist. 112. præm.*

§. XI.

§. XI.

Catholici omnes scriptores, haud Canonici.

Sicuti Libris Canonicis Augustinus summam auctoritatem ac venerationem deferbat; ita non omnia omnium scripta in eorum numero collocanda esse sciebat: à quibus si quando dissentiret, summâ id faciebat humanitate ac reuerentiâ.

Neque enim, inquiebat, quorumlibet disputationes quamuis Catholicorum & laudatorum hominum, velut Scripturas diuinas habere debemus, vt nobis non liceat saluâ honorificentia quæ illis debetur hominibus, aliquid in eorum Scripturis improbare atque respicere; si fortè inuenerimus quòd aliter senserint, quàm veritas habet, diuino adiutorio vel ab aliis intellecta vel à nobis. Talis ego sum in scriptis aliorum: tales volo esse intellectores meorum, &c. *Epist. 111.*

Ego enim fateor Charitati tuæ (scribebat Hieronymo) solis eis Scripturarum libris, qui iam Canonici appellantur, didici hunc timorem honoremque deferre, vt nullum eorum auctorem scribendo aliquid errasse, firmissimè credam. Ac si aliquid in eis offendero litteris, quod videatur contrarium veritati; nihil aliud quàm vel mendosum esse codicem; vel interpretem non assècutum esse, quod dictum est; vel me minimè intellexisse non ambigam. Alios autem ita lego; vt quantalibet sanctitate doctrinaque prapolleant, non ideo verum puto, quia ipsi ita senserunt; sed quia mihi vel per illos auctores Canonicos, vel probabili ratione, quod à vero non abhorreat persuadere potuerunt. *Epist. 19. cap. 1. & 3.*

§. XII.

Alios ante se scriptores citat. Ab iis quos scribendo offenderat, sibi ignosci postulat.

Quapropter sicuti non iis tantum libris, quos antea posteaque conscripsit, citat Patres tempore priores: (puta *ll. de Doctrinâ Christianâ*:

Stianâ: II. de Baptismo contra Donatistas: l. I. contra Iulianum cap. 3. & seqq. lib. 2. cap. 2. & seqq. libr. 4. contra duas Epistolas Pelagianorum cap. 4. & 8. vbi partim allegat, partim meminit Irenæi, Rheticij, Olympij, Ambrosij, Innocentij, Gregorij, Basilij Magni, Ioannis Constantinopolitani, Hieronymi, Hilarij, &c.) ita eo libro, quem de videndo Deo circa hoc tempus elucubrauit ad Paullinam; meminit Ambrosij sapius, atque etiam Hieronymi, eorumq; auctoritatē sequitur. Epist. 112.

Ceterum eiusdem argumenti De videndo Deo, exstat Epistola ad Fortunatianum: in quâ dum rogare iubet Episcopum quemdam (qui sentiebat nos Deum oculis corporeis visuros) vt ei ignoscat, si quid durius & asperius in se dictum accepit Epistolâ illâ quam dederat; præbuit iterum insigne humilitatis Christianæ exemplum.

Vbi sic inter cetera: Deum, talem non esse (nempe corporalem, membrisque per loca diuisibilem) omnino non ambigo, &, ne talis esse crederetur, illam Epistolam scripsi: in quâ dum essem in admonendo sollicitus, in corripiendo nimius atque improvidus fui: nec fraternam & Episcopalem personam sicut frater & Episcopus, quem admodum fuerat dignum, cogitavi: hoc non defendo, sed reprehendo: hoc non excuso, sed accuso. Indica ei, cum quanto & quàm vero dolore de offensione animi eius fuerim collocutus. Nouerit, quàm non eum contemnam, & quantum in illo Deum timeam, & cogitem caput nostrum in cuius corpore fratres sumus. Epist. 111.

CAPVT XVI.

SCRIPTA HOC ANNO CONTRA
PELAGIANOS ET DONATISTAS.

§. I.

Respondet ad quæstiones Honorati.

Quo interim tempore, Marcellini clementiæ reos homicidij in Resututo Presbytero patrati commendabat; Epist. 158. & 159.
tot

tot & tantis occupationibus erat implicatus, vt Marcellino dicat: Si rationem omnium dierum & lucubrationum aliis necessitatibus impensarum, tibi possem reddere; grauius contristatus mirareris, quanta me distendant, quæ differri omnino non possunt: nec agere illa permittant, in quæ me, petendo & admonendo vrge volentem, & inefabiliter, quia non possum, dolentem. Cum enim ab eorum hominum necessitatibus aliquantulum vaco, qui me sic angariant, vt eos nullo modo liceat euitare, nec contemnere oporteat; non desunt quæ dictanda præpono, sic in articulis temporum constituta, vt dilationem non ferant. *Epist. 158.*

Hæc quæ fuerint, tum eadem Epistolâ, tum alibi exponit, vbi ait: Eodem ipso tempore, quo contra Donatistas vehementer exercebamur, & contra Pelagianos exerceri iam cœperamus; amicus quidam (Honoratus) misit mihi à Carthagine quæstiones: & rogauit vt eas illi scribendo exponerem. *l. 2. Retract. cap. 36.* Fecit: intuensque suprâ dictam hæresim nouam, inimicam Gratia Dei; sextam sibi Quæstionem proposuit, de Gratia noui Testamenti: de qua disputans interpositâ expolitione Psalmi xxi. (in cuius capite scriptum est quod Dominus exclamauit in cruce, quod ille amicus in primis ei proposuerat exponendum) omnia alia quinque dissoluit: non hoc ordine quo erant proposita, sed sicut ei differenti de Gratia noui Testamenti, tamquam suis locis congruenter occurrere potuerunt. *ead. l. 6.*

Quid causæ fuerit, cur tum prius Honorato, quam Marcellino, satisfacere respondendo voluerit, tamen hic illi videretur præferendus; ipsemet exponit his verbis: Charitas enim quæ tamquam nutrix fouet filios suos, non ordine amandi, sed ordine subueniendi, infirmiores (neque enim per id tempus Honoratum fuisse baptizatum *l. 1. diximus*) fortioribus anteponit: quos tales vult esse, quales iam illi sunt, quos non contemnendo, sed de his confidendo interim præterit. &c. *Epist. 158. ad Marcellin.* Nam, vt apparet, aliis dictationibus, quibus erat Marcellino satisfactorius, magis inardescbat: Cum alioquin non eâ tantum, quam familiariter vni alicui, sed etiam quam matri Ecclesiæ vniuersaliter debebat, charitate ac seruitute compellebatur, si quid per operam ipsius, Dominus, quos illi fratres fecit adiuuari iuberet, nullo modo recusare, sed potius promptâ & deuotâ voluntate suscipere. vt de se loquitur, *l. de Catechi. rud. c. 1.*

S. 11.

Liber de Spiritu & Littera.

Marcellinus, ad quem tres libros, quorum titulus est De Peccatorum meritis & remissione, scripserat; rescripsit Augustino, se fuisse permotum, quod libr. 2. cap. 6. dixerit, Fieri posse ut sit homo sine peccato, si voluntas eius non desit, ope adiuuante diuinâ: quamuis nemo tam perfectæ iustitiæ in hac vitâ vel fuerit, vel sit, vel futurus sit. Quæsiuit enim, Quomodo dixerit posse fieri, cuius rei desit exemplum.

Propter hanc eius inquisitionem, scripsit Librum cuius est titulus De Spiritu & Littera: pertractans Apostolicam sententiam ubi ait, *Littera occidit, Spiritus autem viuificat*. In quo Libro, inquit, quantum Deus adiuuit, acriter disputaui contra inimicos gratiæ Dei, quâ iustificatur impius. *l. 2. Retract. c. 37.*

Et quidem Marcellini scrupulo respondens, ait: Cùm sicut credo, non dubites numquam esse factum, ut per foramē acūs camelus transiret, & tamen ille hoc quoque dixit Deo esse possibile: legas etiam, duodecem millia legiones Angelorum pro Christo, ne pateretur, pugnare potuisse; nec tamen factum: legas, fieri potuisse ut femel gentes exterminarentur à terrâ quæ dabatur filiis Israël; Deum tamen id paullatim fieri voluisse: & alia sexcenta possunt occurrere; quæ fieri vel potuisse vel posse fateamur, & eorum tamen exempla, quod facta sint, proferre nequeamus. Vnde non ideo negare debemus, fieri posse ut homo sine peccato sit, quia nullus est hominum (præter illum qui non tantum homo, sed etiam naturâ Deus est) in quo id perfectum esse, demonstrare possimus. *l. de Spir. & litt. c. 1.*

Hic fortasse respondeas, Ita, quæ commemorauimus facta non esse & fieri potuisse, opera esse diuina: ut autem sit homo sine peccato, ad opus ipsius hominis pertinere: idque opus esse optimum, quo fiat plena & perfecta, & ex omni prorsus parte absoluta iustitia: & ideo credendum non esse, neminem vel fuisse, vel esse, vel fore in hac vita, qui hoc opus impleuerit, si ab homine impleri potest. Sed cogitare

tare debes, quamuis ad hominem id agere pertineat, hoc quoque munus esse diuinum: atque ideo non dubitare, opus esse diuinum. Deus est enim, qui operatur in vobis, ait Apostolus, & velle & operari, probona voluntate, &c.

Sed illis acerrimè ac vehementissimè resistendum est, qui putant sine adiutorio Dei, per se, ipsam vim voluntatis humanæ, vel iustitiam posse perficere, vel ad eam tendendo proficere. *cod. l. c. 2.* Nam neque liberum arbitrium quidquam, nisi ad peccandum valet, si lateat veritatis via: & cum ad id quod agendum & quò nitendum est, cœperit non latere; nisi etiam delectet & ametur, non agitur, non suscipitur, non bene viuitur. Vt autem diligatur; Charitas Dei diffunditur in cordibus nostris: non per arbitrium liberum, quod surgit ex nobis; sed per Spiritum sanctum, qui datus est nobis. *cod. l. c. 3.* Doctrina quippè illa, quæ mandatum accipimus continenter recteque viuendi; Littera est occidens, nisi adsit viuificans Spiritus, *cod. l. cap. 4.* Quoniam Legis littera, quæ docet non esse peccandum; si Spiritus viuificans desit, occidit: sciri enim facit peccatum potius quàm caueri, & ideo magis augeri quàm minui: quia malæ concupiscentiæ etiam præuicatio legis accedit. *cod. l. c. 5.*

Nam quod ait Apostolus: *Littera occidit, Spiritus autem viuificat;* non de figuratis locutionibus dictum (quamuis & illic congruenter accipitur) sed potius de lege, apertè quod malum est prohibente *cod. l. c. 6.* ut adeo per Spiritum non equidem aliud tunc intelligatur, quàm Spiritus gratiæ, qui diffundit charitatem in cordibus nostris, quæ & facere velimus & faciamus quod bonum est.

Atque ex his porro Marcellino demonstrat, quandoquidem & ipsa humana iustitia operationi Dei tribuenda sit, quamuis non fiat sine hominis voluntate; eius perfectionem etiam in hac vitâ esse possibilem, tametsi careat exemplo: sicut exemplo caret transitus Cameli per foramen acûs. Colligitur deinde dixisse verissimè, hoc se libro acriter contra inimicos Gratia Dei, quæ iustificatur impius, disputasse; neque tantum contra Academiæ Pelagianæ vniuersitatem, sed pro fidei & scholæ Catholicæ articulis, firmissima fundamenta iecisse. videri etiam potest. *l. 2. cons. Aduers. leg. & Proph. c. 7.*

§. III.

Epistola Octogesima nona.

NE quis enim arbitretur, diuinæ gratiæ adiutorio, humani liberique Arbitrij momenta subuerti; vt dicat, non esse hominis opus, quod quia munere fit Dei, etiam Dei est; Desinant, inquit, sic insanire: & ad hoc se intelligant habere quantum possunt liberum arbitrium, non vt superbâ voluntate respuant adiutorium; sed vt piâ voluntate inuocent Dominum. Hæc enim voluntas libera, tantò erit liberior quantò sanior; quantò diuinæ misericordiæ, gratiæque subiectior. *Epist. 89.*

Etenim iubet Deus continentiam, & dat continentiam. Iubet per legem, dat per Gratiâ: iubet per litteram, dat per Spiritum. Lex enim sine gratiâ, facit abundare delictum: & littera sine Spiritu, occidit. Nam voluntatis arbitrium non ideo tollitur, quia iuuatur: sed ideo iuuatur, quia non tollitur. Qui enim Deo dicit: *Adiutor meus esto*; confitetur se velle implere, quod iussit: sed ab eo qui iussit adiutorium poscere, vt possit. *eâd. Epist.* Iam adiuuari non potest, nisi qui etiam aliquid sponte conatur: quia non sicut in lapidibus insensatis, aut sicut in eis, in quorum naturâ rationem voluntatemque non condidit; salutem nostram Deus operatur in nobis. *l. 2. de peccat. mer. & remiss. c. 5.*

Nouerat ille legem Dei, qui dicebat, *Condelector enim legi Dei, secundum interiorem hominem: & tamen adiungebat, Video autem aliam legem in membris meis, repugnantem legi mentis mei, & captiuum me ducentem in legem peccati, qua est in membris meis. Infelix ego homo, quis me liberabit de corpore mortis huius? Gratia Dei per Iesum Christum Dominum nostrum.* Cur non dixit potius, per meum liberum arbitrium? nisi quia libertas sine gratiâ, non est libertas, sed contumacia. *Epist. 89.* Quæ Epistola quia cum Libro de Spiritu & litterâ tantum non gemella est; paullò ante aut post eam, vt diximus, scripta est.

§. IV.

§. IV.

Liber de Fide & Operibus.

INterea missa sunt ei à quibusdam fratribus, Laicis quidem, sed diuinorum eloquiorum studiosis, scripta nonnulla: quæ ita distinguere à bonis operibus Christianam fidem; vt sine hac non posse, sine illis autem posse perueniri suaderetur ad æternam vitam.

Quibus respondens, librum scripsit cuius nomen est, De Fide & Operibus. *Tom. 4.* In hoc disputauit non solum, quemadmodum viuere debeant gratiâ Dei regenerati; verumetiam quales ad lauacrum regenerationis admitti. *l. 2. Retract. c. 18.* Tota autem libri huius disputatio tribus potissimum difficultatibus, siue questionibus enodandis destinata est. quarum vna est, Quomodo peccantes corripiendi sint; quandoquidem in Ecclesiâ bonis mali, tamquam tritico zizania, siue mundis animalibus immunda, iuxta Domini prædictionem permixti sunt, eruntque vsque in finem? Altera questio est, in qua quibusdam visum est, fidem solam baptizandis esse tradendam: postea verò iam baptizatos docendos esse de moribus. Tertia periculolissima, quâ parum considerata educi posse videbatur, solam fidem in Christum, licet scelestissime turpissimeque viuatur, sufficere ad salutem.

De his tribus questionibus, inquit, satis quantum existimo disputui: demonstrauique, sic tolerandos in Ecclesiâ malos, vt non negligatur Ecclesiastica disciplina: sic Catechizandos eos qui Baptismum petunt, vt non solum audiant atque suscipiant quid credere, verumetiam qualiter viuere debeant: sic promitti fidelibus vitam æternam, vt non per fidem mortuam, quæ sine operibus saluare non potest, ad eam se quisque peruenire posse arbitretur; sed per illam fidem gratiæ, quæ per dilectionem operatur. *l. de fid. & oper. cap. 27.*

S. V.

*Donatistarum contra Collationem calumnia
ab Augustino destructa.*

Librum etiam scripsit grandem, satis quantum existimat diligenter, ad ipsos Donatistas, post Collationem quam cum Episcopis eorum habuerant, ne ab eis seducerentur ulterius. *l. 2. Retract. cap. 40.* Eius libri meminit *Epist. 158.* eoque respondit, quibusdam illorum vanitatibus, quas victi, ubi potuerant & quomodo potuerant, iactabant. *l. 2. Retract. c. 40.*

Calumniabantur in primis, Iudicem præmio fuisse corruptum: *l. post Coll. cap. 1.* cumque Catholicæ communionis esset, suæque Ecclesiæ fauens; non permiserit, ut omnia pro suis partibus aduersarij dicerent: *Poss. t. 14.* quos adeo potestate potius oppresserit, quam veritate. *l. de Gest. cum Emer.*

Verum impudentiam tantam, non minore veritatis spiritu Augustinus discussit, dum calumniam resumens: Obiiciunt, ait, nobis, ut adhuc vos educant, quod aurum iudici dederimus, ut pro nobis contra illos sententiam diceret. Vos dicite si potestis, quantum dare debuerimus electis defensoribus Episcopis vestris, ut tanta contra se pro nobis vel dicerent vel proferrent? ut sic agerent causam nostram, sic perimerent suam? Quanti emere debuimus, ut post verba Primiani, quibus dixerat, *Indignum est ut in vnum conueniant filij Martyrum & progenies Traditorum*; venirent tamen, & in vnum nobiscum, quod indignum esse dixerant, conuenirent?

Quanti emere debuimus, ut more forensium Aduocatorum, de temporibus, & diebus, de personis etiam, nobis præscribere conarentur: & sic omnibus hominibus, etiam illis qui nostras disputationes intelligere non possent, satis apertè monstrarent, quàm malam causam haberent, quam proferre & agere sic timerent apud eum iudicem, cuius erga se benignitatem atque iustitiam tanto præconio laudauerant, & cuius motum aduersus se nullum adhuc senserant?

Quanti emere debuimus, ut ipsi deinde exigenter, non secum agi debere

debere forensibus formulis, sed Diuinis potiùs testimoniis, & de Scripturis sanctis similiter se responsuros esse promitterent? & cum mandatum Concilij Catholici, quod obtuleramus, recitatum esset, atque in eo ipsis etiam confitentibus clauisset, nos Ecclesie Catholicae causam testimoniis sanctarum Scripturarum agere voluisse; rursus tamquam obliui quid sibi placere dixissent, ad easdem forenses præscriptiones perplexis & ediosis contentionibus remearent? Et plura eiusmodi: quibus ostendit, cum pessimam causam Donatistæ haberent, eam male agendo prodidisse potiùs, & Catholicis arma dedisse quibus ipsi oppugnarentur, idque nullo ab eis præmio siue petito siue accepto, quàm gnauius defendisse. *l. post Coll. c. 23. 24. & 25.*

Nam postquam id euidenter demonstrauit: Quid adhuc, inquit, expectatis, quid pro vobis pronuntiauerit Cognitor; cum videatis, quid contra seipsum Episcoporum vestrorum pronuntiauerit timor? Dederat certe ipse Cognitor potestatem, ut alium cum ipso quem vellent iudicem constituerent. Quod illi recusarunt. Quoniam, si aliquem delegissent, mentiri vobis non possent, etiam à nobis ipsum fuisse corruptum. Sed fecerunt, quod recusauerunt. Constituerunt prorsus cum illo alium Iudicem: non quemlibet extraneum, sed intimum suum. Ecce ipse timor eorum, alius iudex fuit: certe ipse à nobis nihil accepit, & pro nobis liberè iudicauit. Non gratificatus est eorum personæ, quibus internus hærebat, de quorum secreto cubiculo procedebant. Et antequam causa diceretur, prior iudicauit, quia eam prior in ipsorum corde cognouit, &c. *cod. l. c. 26.*

Sane si quid aduersus iudicem habuissent; proponendum id erat ante disputationis exordium: neque erat tam prope laudandus, atque fecerant non semel. Denique friuolum omnino fuisse, quod potestate potiùs quàm veritate fuerint ab eo oppressi, ut qui, quod loquebantur, haud acceperit: constare inde potest, quia præterquam quod electrydæ abiecta dicere permiserit quidquid voluissent; non piguerit aliquot post annis Augustinum, cum Emerito Casariensi Episcopo (ex septemuiris disputatoribus vno) populo coram inspectante & auscultante, nulla potestate præsentē, causam reuoluere, si acceptare aduersarius voluisset. *l. de Gest. cum Emerito.*

§. VI.

Altera calumnia ab eodem refutata.

Porrò autem calumnia altera, sententiam impetebat: quam dicebant esse nullam, quia noctu latam. *l. post Collat. cap. 12.* Mirum verò si non fabricauerit hanc Petiliani ingenium, in forensi rabie, & eiusmodi captionibus egregiè subactum: quique cùm collegis suis, totum diem cauillando eâ fraude consumserat, ut in tenebris omnes pariter effugerent.

Hæc igitur inter alia Augustinus ad Donatistas: Quis ferat victos homines conqueri, quòd nocte contra eos est prolata sententia? quasi non sæpe iudices audiendi necessitas teneat, ut usque ad multam partem noctis sedere cogantur. Aut ideo non est verum quod dicitur, quia per noctem dicitur? *l. post. Coll. cap. 12.*

Nam licet priscis olim legibus cautum extiterit, ne iudicia noctibus agerentur, iuxta illud: *Sol occasus, suprema tempestas esto*: & Senatûs Consultum, scribente Gellio, neque ante exortum, nec post occasum Solem factum, ratum fuerit; attamen non omnium decretorum eadem ratio fuit, neque semper illa lex seruata est. Nam & sæpè iudices Romani imitati sunt Areopagitas, qui non nisi noctu iudicabant: & ipse Iustinianus in Nou. 82. iubet pedaneos suos iudices, sedere pro tribunali à summo diluculo, usque ad vespertinum crepusculum, siue ut loquitur, *ἕως δειλῆς ὀψίας*. Neque quidquam obstat, quin, si causa postulet, iudex possit diutius etiam sedere. Deniq; & testamenta & contractus, noctu posse fieri dubitandum non esse, lex ait, *l. 22. §. pænult. de Testam. l. non minorem, Cod. de Transact. Franc. Bald. hist. Coll. Carth.*

Ergo post multa quæ superiùs dixerat Augustinus, O ferreâ, inquit, frontem! O furoris tenebras, nocturnam sententiam iudici obiciētes, & in sui cordis nocte palpantes, offendentes, cadentes, contra nos rabidè litigantes, & pro nobis tanta dicentes! *l. post Collat. cap. 19.* quæ nimirum prioribus capitibus enumerauerat. Ad extremum itaque: Noctē causa finita est, sed ut nox finiretur erroris: nocte dicta sententia est, sed fulgens lumine veritatis. *cod. l. cap. 35.*

Ceterum

Ceterum quod Donatistæ vim sibi caussarentur illatam, eo quod Secretario Thermanum Gargulianarum, Collationis tempore fuissent conclusi; ita redarguit: Inclusos, & tamquam in carcere se fuisse, conquesti sunt. Ibi & nos eramus. Aut utrisque facta est iniuria, aut utrisque adhibita diligentia. Sed quomodo dicemus iniuriam, quando in tam spatioso & lucido & refrigerante loco nos fuisse recolimus? Aut quomodo erat carcer, ubi erat & iudex? Postremo clausos fuisse nos nesciebamus; qui simul intus eramus: ipsi unde sciunt, nisi quia fugere fortasse voluerunt? Sed quis non videat, quod ista inania, & ridenda potius quam refellenda, de tali Cognitore non dicereat; si pro sua causa posset validum aliquid inuenire quod dicerent? *Eod. l. & c.*

§. VII.

Cirtense Catholicorum Concilium.

ADed interim hæc Donatistarum calumniandi audacia proteruaque increuit, ut de remedio apponendo Patres Africani in commune consuluerint, congregati in synodo Cirtensi Numidiæ ciuitate, anni post Collationem mense Iunio. Huius quidem Synodi acta, sæculorum edacitas absumsit, relictâ tamen superstitie Epistola Augustini, Patrum congregatorum nomine editâ ad Donatistas, *Epist. 152.*

Attingit in ea præteritas calumnias (quibus Collationis vires, iudiciumque Marcellini frustra facere moliebantur) tantâ acrimoniâ & sale, ut non fuerit otiosum audire. Non ergo vobis dicant, inquit, quia præmio corrupimus iudicem. Quid enim aliud solent victi homines dicere? Aut si aliquid dedimus iudici, ut contra illos pro nobis pronuntiaret; ipsis quid dedimus, ut contra se pro nobis tanta non solum dicerent, verumetiam recitarent? An fortè volunt ut eis apud vos gratias agamus, quia cum dicunt iudicem præmio à nobis esse corruptum; ipsi tamen multa quæ pro nobis contra seiplos dixerunt & recitauerunt, gratis nobis omnia præstiterunt? Aut certè, si propterea dicunt quod nos vicerint, quia melius egerunt Causam

H h h

Caci-

Cæciliani, quàm nos; hoc planè credatis illis. Nos enim duas lectiones pro illo sufficere putaueramus, illi autem quatuor protulerunt. *Epist.* 152.

S. VIII.

*Cirtenses, per Augustinum conuersi
à schismate.*

Anno
413.

VT Synodi huius, sicut diximus, Acta perierint; constat tamen primùm ciues Cirtenses per Augustinum, à schismate ad Vnitatem Ecclesiæ conuersos: vt videre est *Epist.* 130. quamquam ipse pro solitâ humilitate & gloriæ diuinæ zelo, nihilum huius operis, id est conuersionis, sibi arroget: sed, quantumquantum est, refundat in Deum. Iam enim ad suos redierat Augustinus, quando conuersionem istam populi sui Cirtenses nuntiauerant.

Porrò cùm Cirtam, ad Synodum fortè, proficisceretur cum collegis suis; placuit Fortunium Tuburlicensem Episcopum Donatistam, in transitu alloqui: cetera moderatum satis & benignum. Discussa hic sunt Schismatis præcipua capita, De Ecclesiæ per totum terrarum orbem diffusionem: De Persecutionis tolerantia: De Baptismi repetitione; & talia eius generis: adeoque conuersionis ipsius iacta veluti fundamenta, donec proxima occasione altius promoueretur, licet de successu nihil exploratum inueniam. *Epist.* 163.

S. IX.

*Iuliana & Demetriadi Augustinus antidotum
propinat, contra pestiferam Pelagij
Epistolam.*

INter alias feminas, quarum salutis curam nonnumquam Augustinus gessit, Iulianam & Demetriadem nobilissimas, matrem & filiam

liam fuisse, suprà lib. 1. c. 4. confusè memorauimus. Hæ, post Alarici formidine relictam Romam, propè iam tertium Carthagine agebant annum, cum Demetrias sponso nuptiisque valefactis (quibus tum opulentissimis destinabatur) mutato habitu Sanctimoniam professæ est, toto pœnè admirante (vt colligi potest ex Epistola 8. Hieronymi) orbe terrarum.

Id contigit operâ potissimum Augustini, qui Carthagine, eo fortè tempore quo cum Donatistis Collationi erat intentus, verbi illis ministerium impertierat : cuius ministerij, adiuuante gratiâ & misericordiâ Saluatoris, in domo Iulianæ tantus fructus exortus est ; vt humanis nuptiis iam paratis, sancta Demetrias spiritalem Sponsi illius præferret amplexum, cui specioso præ filiis hominum, ad habendam (vt loquitur Augustinus) spiritûs vberiore fecunditate, nec ad amittendam carnis integritatem, virgines nubunt. *Epist. 143.*

Quam rem cum Proba & Iuliana, auia & mater Demetriadis, per litteras significassent ; eademque operâ velationis apophoretum, id est, munus in gratiam tantæ sollemnitatis, ad Augustinum misissent : id se gratissime accepisse vt respondit, ita gaudij sui magnitudinem tantæ rei nuntio percepto, testatus est. Generosius quippe elegit Aniciana (inquit) posteritas, tam illustrem familiam beare nuptias nesciendo, quàm multiplicare pariendo : & in carne iam imitari vitam Angelorum, quàm ex carne adhuc numerum augere mortalium. *Epist. 179.*

Sicut verò antè, vt exillimo, Probam præstantissimam feminam orare docuerat, edito commentario de Orando Deum ; *Epist. 121.* ita sub hoc tempus Iulianam monuit, serpens Pelagiani dogmatis venenum fugere : quando datâ in Oriente ad Demetriadem Pelagius hoc anno Epistola, l. 1. cont. Pelag. & Celest. c. 37. hæreseos suæ virulenta semina sparsisset.

Spirituales diuitias (scripserat Pelagius c. 11. Epistolæ suæ) nullus tibi præter te, conferre poterit. In his ergo iure laudanda : in his meritis ceteris præferenda es, quæ, nisi ex te, & in te esse non possunt. Contra quem Augustinus ad Iulianam : Cernis quanta in his verbis, sit cauenda perniciēs. Nam utique quod dictum est : Non possunt esse illa bona, nisi in te ; optimè & verissimè dictum est : iste planè cibus est. Quod verò ait, Non nisi ex te ; hoc omninò virus est. Absit vt hæc libenter audiat

Hhh 2

virgo

virgo Christi, quæ piè intelligit propriam paupertatem cordis humani: & ideo illic nisi Sponsi sui donis, nescit ornari, &c. *Epist.* 143.

Quamobrem illius Pelagij Epistolæ pestíferas plerumque sententias, pluribus aliis locis, l. i. *cont. Pelag. & Celest.* c. 22. 27. 37. solleter Augustinus destruxit. Hanc verò Epistolam se Pelagius conscripsisse iactabat, petente sanctâ Matre Demetriadis, imò iubente, & à se in Transmarinis posito, miro cùm desiderio animi, flagitante; *Epist. Pel. c. 1.* In qua perinde hæreseos adeò suæ, facundiæque vela pandit; vt eam lucubratissimam appellet Auctor Apolog. de libero Arbit. Vnde & inter Hieronymianas locum diu habuit: at nunc meritò reiecta.

CAPVT XVII.

DONATISTARVM SYNODVS,
TRIBVNO IN AFRICA DVLCITIO.

§. I.

Dulcitius Marcellino sufficitur.

Marinus, dux exercitûs Romani aduersus Heraclianum tyrannum, traiciens in Africam ad persequendos Imperij perduelles, Marcellinum, Tribunum illic Notarium, & Collationis supranarratæ Cognitorem, occidi iussit: instigantibus haud dubiè Donatistis. Vnde is titulo Martyrij in fastos Ecclesiasticos relatus est, VIII. Idus Aprilis: meminitque illius cum sanctâ & religiosâ memoriâ Augustinus *lib. de Nat. & Grat. c. 23. & Epist. 28.* Hæc Marcellini morte cùm non obscure Donatistæ triumpharent, sibi persuadentes vnâ cum illo extincta aut breui extinguenda Acta publica, coram eo aduersus se confecta: Honorius Imperator non solum Marcellini Acta edito Rescripto, vt supra retulimus, confirmavit; sed recentibus etiam pœnis (quæ exstant *Cod. Theod. l. 55. & l. 54. de hæret.*) Donatistas, tam

ram laicos, quàm Episcopos eorumque ministros, coërcendos statuit: eisque pariter exsequendis. DULCITIUM Tribunum & Notarium, qui demandatam prius Marcellino Prouinciam exceperet, in Africam destinauit. l. 2. *Retract. cap. 59.*

§. II.

*Vnus, an plures Dulcitij? & Tribuni
Notarij qui?*

Sed dubitari merito potest, utrùm Dulcitius hic Imperialium iussionum exsecutor, idem sit cum eo ad quem exstat Augustini liber De octo Dulcitij questionibus: in quo meminit se ante ea tempora scripsisse Enchiridion ad Laurentium, vrbis Romæ Primicerium, Dulcitij fratrem. *qu. 1. ad Dulcit. & l. Enchir.* Affirmat Baronius: non existimat Henr. Grauius Annotat. ad præfat. Breuiculum Collat.

Vt hoc autem de Tribunis-Notariis dicamus, non exiguam eorum dignitatem fuisse, constare potest ex iis quæ Franc. Bald. habet in deliberatione Historiæ Africanæ. Nā & Ambrosius Epist. 32. ait, missum ad se ab Imperatore Valentiniano iuniore Dalmatium, Tribunum & Notarium, qui ad consistorium euocaret Ambrosium in causa religionis, puta ad disputandum cum Auxentio Arriano: & Claudianus Poëta eius temporis, Tribuni & Notarij titulo ornatur in Epitaphio, quod Romæ in foro Traiani prostabat. Exstat etiam l. 12. Cod. Titulus VII. de Primicerio & Notariis: vbi & de Tribunis Notariis agitur.

In Theodosij præterea Lege scriptum est: *Præcipua est nostra pietatis intentio, circa Notariorum nomen.* In lege deinde Leonis Imp. *Præclaram nobilemque militiam spectabilem Tribunorum Notariorum, diuersis beneficiorum titulis muniendam credimus & augendam.* Quare sicut Tribunatus, militaris est dignitas; ita Notarij fuisse videntur, qui nunc Secretarij Regum in Galliâ, inquit Balduinus: aded vt eiuscemodi, non Sagi tantummodò, sed & Togæ consultos liceat existimare.

§. III.

Donatistarum Synodus.

PRomulgatis iam memoratis Honorij Ediētis, repentē coāluit Donatistarum Episcoporum supra triginta conciliabulum: vbi & Petilianus fuit, qui persecutionis tempore nec duodecim conuenire potuisse, in Collatione clamauerat. *l. 1. cont. Gaud. c. 37.* Atque hi quidem consilium inire cupiebant, quo tandem modo Ediētis (quibus adeo premebantur, vt se dicerent nūquam eiusmodi persecutionem passos) obuiam venissent: cū viderentur pristinis se potiūs ignibus daturi (imò id reapse facerent, spe potiūdi nominis Martyrum apud suos) quā laturi, vt in insulas deportarentur: quod de Donatistarum Episcopis & Presbyteris, Honorius edixerat.

Hanc enim Synodi partem fuisse, colligi ex Augustino potest loco citato. vbi & aliud ab eis statutum refert: nempe, Vt qui Catholicis inuiti communicauerint vel Episcoporum vel Presbyterorum; tantū si sacrificium non obtulerint, aut in populo non tractauerint, (id est eius temporis phrasi, sermonem habuerint) ad veniam pertineant, & in suis honoribus recipiantur. Vbiq̃ nimirum suā se sententiā damnantes, vt ibidem Augustinus ostendit.

Atque hāc Legum seueritate, Imperator, quia damna quoque patrimonij, pœnasque pecuniarias viris ac mulieribus, singulis pro conditione & dignitate sua, vsque ad seruos & colonos verberibus coercendos, multandosque bonis omnibus receptores & occultatores quorumlibet Donatistarum, imposuerat: sicuti Dulcitij Executoris curā atque vigilantia innumeri ex schismate, ad Ecclesiam Catholicam proximo tempore reuersi sunt; (vt constat ex Augustino *Epist. 61.*) ita iam tum etiam non vno mortis genere non pauci in semetiplos grassabantur: & Catholicorum inuidiā & odio, quas erant iussi restituere, Basilicas incendebant, Carthagine signanter, vt testatur Augustinus. *l. 1. cont. Gaud. c. 6.*

Verū hęc omnia, & quā impigrē scilicet mandatum sibi ab Imperatore munus Dulcitius obiuerit, & quā inde occasio Augustino oblata scribendi contra Gaudentium Donatistam; latiūs infra persequemur. *Lib. 24.*

CAPVT

C A P V T XVIII.
 OROSIVS AVGVSTINI
 DISCIPVLVS.

§. I.

*Orosij profectio ex Hispania in Africam,
 eiusquè caussa.*

PAVLVVS OROSIVS, Flauij Orosij filius fuit: sanguine iunctus Flauio Dextro, qui Chronicon suum post Hieronymi mortem ei inscripsit, genere nimirum virtute atque eruditione clarissimo. De huius aduentu in Africam ita Augullinus ad Hieronymum scribens: Ecce venit ad me religiosus iuuenis, Catholica pace frater, etate filius, honore compresbyter noster Orosius, vigil ingenio, paratus eloquio, flagrans studio, vtile vas in domo Domini esse desiderans, ad refellendas falsas perniciosasque doctrinas, quæ animas Hispanorum multo infelicius quàm corpora Barbaricus gladius trucidarunt. Nam inde ad nos vsque ab Oceani littore properauit, famâ excitus, quod à me posset de his quæ scire vellet quidquid vellet audire. *Epist. 28.*

Baronius hanc Orosij profectionem refert in annum Christi 414. censetque eum cupiditate discendi anno vno apud Augullinum mansisse, prius quàm Hierosolymam ad Hieronymum nauigauit. At Bivarus *Commentario ad Chron. Dextri ad ann. 140.* altius repetit, putatque aliquot annos apud Augullinum egisse. Deinde censet Baronius missum Orosium ab Eutropio & Paulo in Hispania Episcopis ad Augullinum: At Bivarus vult eum missum ab Herote, Lazaro & Prudentio Episcopis ad Concilium Carthaginense, non quasi Conciliarem Patrem sed vt internuntij vices gereret: quod cum ille atatis excusatione defugeret; atque nihilominus instarent Episcopi, cupientes

pientes eius capax ingenium Augustini disciplinâ ac contubernio excoli, ac contra succrescentes hæreses muniri; desiderio tanti magistri allectum Orosium in Africam nauigasse. Nos hæc in medio relinquimus.

Causâ porro huius profectionis erui potest tum ex Augustini verbis supra allatis; tum ex ipsius Orosij ad Augustinum: Per te, inquit, beate pater, per te Dominus Deus noster quos castigauit in gladio, emendet in verbo. Ad te per Deum missus sum, de te per eum spero, dum considero qualiter actum est, quod huc venirem. Agnosco cur venerim, sine voluntate, sine necessitate, sine consensu. De patriâ egressus sum, occulta quadam vi actus, donec in istius terræ littus allatus sum. Hic demum in eum respui intellectum, quod ad te venire mandabar. Fac me ad dilectum Dominum meum idoneum negotiatorem inuentâ margaritâ, non fugitiuum seruum euersâ substantiâ, reuerti. Dilacerati grauius à doctoribus Prauis, quàm à cruentissimis hostibus sumus. *Orosius Consultus, vlt. ad August. & ipse Aug. Epist. 102.* Quæ sanè verba plurimum sibi suffragari, neque immerito, existimat Buaris.

Errores porro, de quibus quæritur Orosius, erant Priscilliani dogmata, Manichæis affinia: quæ videri possunt *l. de hæres. har. 70. & Epist. 253.* & nouissimè à duobus Auitis in Hispanias allata Origenis perniciosa doctrina. In hanc enim veluti desierant Priscilliani nugamenta: utque de Trinitate, & rerum omnium Creatore Deo, aliisque temperanter Hispani saperent; supererat tamen palmaris controuersia de Animâ: quam tametsi persuasum esset credere; persuaderi non poterat, factam esse de nihilo, eo quod durum & impium videretur, voluntatem Dei dicere nihil esse, quo volente creata est. *Oros. in Consult. August. l. ad Oros. cap. 2.*

S. II.

Liber Augustini ad Orosium, contra Priscillianistas.

Augustinus non defuit officio, sed Orosij consultationi siue com-
monitorio de Priscillianistis, & de quibusdam Origenis sensibus,

busquos Catholica fides improbat, quantâ potuit breuitate ac perspicuitate respondit, Opusculo cui titulus est: Ad Orosium, contra Priscillianistas & Origenistas. l. 2. Ret. c. 44.

Alia plura erant, quæ ex Origenis operibus desumpta commonitorio suo Orosius comprehenderat: puta, ignem æternum quo peccatores puniantur, neque esse ignem verum, neque æternum: sed dictum esse ignem, propriæ conscientie punishmentem: æternum autem iuxta etymologiam Græcam, non esse perpetuum, etiam Latino testimonio adiecto, quia dictum sit *in æternum*, & in sæculum sæculi postposuerit æterno: ac sic omnes peccatorum animas post purificationem conscientie, in vnitatem corporis Christi esse redituras.

Voluerunt etiam de diabolo asserere, sed non prauauerunt: eo quod cum substantia in eo bona facta, perire non possit; exusta in totum malitia diaboli, aliquando saluandam esse substantiam. &c. Oros. *ibid.* Vide Hieronymum *Epist. ad Aurum*. Sed quæ omnia Augustinus ipse post distinctius refert: testaturque de vanissima ista impietate, aduersus Philosophos beatitudinem in omni rationali creatura alternantes (à quibus ista didicerat Origenes) in libris de Ciuitate Dei, se diligentissime disputasse. l. de *heres. har.* 43.

Quapropter quæ libro ad Orosium breuiter refutata sunt; latius validiusque reiecta Lector inueniet l. 21. de *Ciuit. Dei*, toto. Eos verò qui ad detegendos Priscillianistas, homines mendacis petariisque confuturos, fas esse dicerent simulare atque mentiri, contra Scripturæ sacræ doctrinam; valde repressos l. *cont. mendacium*: de quo suo loco dicturi sumus.

§. III.

Orosius pro discenda Anima origine in Palestinam mittitur.

Orosius interim, qui solo sanctarum Scripturarum ardore inflammatus in Africam siue nunc, siue pridem aduenerat; *Epist.* 102. tantisper apud Augustinum mansit: cumque de Animæ origine (de qua pariter Origenes prolixè delirauerat, docens Animas non se-

cus atque Angelos in cælo peccasse: & in corpora ad luenda supplicia, veluti in carcerem esse detrusas: quam perinde Animæ originem Augustinus ignorare ita se fatebatur, vt in quamcumque se partem verteret, fluctus inueniret) plures vtrò citroque sermones habuissent, sicuti colligi clarè potest l. ad Oros. c. 11. & 12. occasionem amittere noluit, paullo post ad Hieronymum illum mittendi: rogaturum quænam de Origine Animarum eius esset sententia: quam nimirum quæstionem, Orosij ad Augustinum consultatio resuscitasset. *Epist.* 102. Vide infra Cap. XIX. §. VIII.

Hinc videas nihil temerè à priscis Patribus, nihil calidè in re dubiâ effusum: siquidem à Marcellino viro clarissimo pulsatus olim Hieronymus super hâc quæstione, pulsantem delegauit ad Augustinum: vbi iam Augustinus ipse, alterâ vice pulsantem, remittit ad Hieronymum.

§. IV.

*Auctor est Orosio Augustinus scribendi
contra Paganos.*

CUm libro vndecimo operis sui de Ciuitate Dei, iam tum Augustinus insisteret, vt testis est ipse Orosius, *præfat. in Orchest. mundi*: imò cum profecturo in Palæstinam Orosio, duos libros scripsisset ad Hieronymum Presbyterum sedentem in Bethleem: vnum de Origine Animæ hominis; alterum de sententiâ Iacobi Apostoli, vbi ait; *Quicumque totam legem seruauerit, offendat autem in vno, factus est omnium reus*: de vtroque consulens eum: ita quidem vt priorem quæstionem quam proposuerat, non solueret; de posteriore autem quid sibi dicendum videretur, aperiret; l. 2. *Retr.* c. 45. *Epist.* 28. & 29. auctor extitit Orosio Historiæ scribendæ contra Paganos: quâ vanitatis damnatur ea demum opinio, quæ non aliam malorum per id tempus Imperio Romano incubantium causam adferebat, quam cultus Deorum pertinacem contemptum.

Etenim non ob aliud quàm vt hanc conuelleret, animum ad scribendum appulisse testatur Orosius, præfatione operis sui ad **AURELIUM AVGVSTINVM**, vt quidem habet inscriptio (neque enim hætenus

hactenus Aurelium appellatum reperi) dum ait: Præceptis tuis pariti
beatissime Pater Augustine : atque vtinam tam efficaciter quàm li-
benter, &c. *Post pauca.* Præceperas mihi vt aduersus vaniloquam pra-
uitatem eorum, qui alieni à Ciuitate Dei, ex locorum agrestium com-
pitis & pagis, Pagani vocantur siue Gentiles, quia terrena sapiunt: qui
cùm futura non querant, præterita autem aut obliuiscantur aut ne-
sciant; præsentia tantùm tempora, veluti malis extra solitum infestis-
sima ob hoc solùm quòd creditur Christus & colitur Deus, Idola
autem minùs coluntur, infamant. Præceperas ergo vt ex omnibus
qui haberi ad præsens possunt, Historiarum atque Annalium fastis,
quæcumque aut bellis graua, aut corrupta morbis, aut fame tristia,
aut terrarum motibus terribilia, aut inundationibus aquarum insoli-
ta, aut eruptionibus ignium metuenda, aut ictibus fulminum plagis-
que grandinum seua, vel etiam parricidiis flagitiisque misera, per
transacta retrò sæcula reperissem; ordinato breuiter voluminis textu
explicarem: maximè cùm reuerentiam tuam, perficiendo aduersum
hos ipsos Paganos vndecimo libro insistentem (quorum iam decem
orientes radij, mox vt de speculà Ecclesiasticæ claritatis elati sunt,
toto orbe fulserunt) leui opusculo occupari non oporteret: & sanctus
filius tuus Iulianus Carthagenensis seruus Dei, satisfieri super hac re
petitioni tuæ eadem fiducia quâ poposcisti exigeret: dedi operam, &
me ipsum in primis confusione pressi, cui plerumque reputanti, supra
modum ex ritauisse præsentium clades temporum videbantur. *Oros.*
præfat. Oper.

Quapropter Orosius septem libris suis, vt inquit Gennadius, to-
tius penè mundi temporis calamitates & miseras, ac bellorum inque-
tudes replicans; ostendit magis Christianæ obseruantie esse, quòd
contra meritum suum res Romana adhuc duraret, & pace, culturâ
Dei, pacatum retineret Imperium. *l. de Scriptor. Eccl.*

Ceterùm triennio circiter hoc opus suum Orosius absoluit, vt
erui non difficile potest ex his quæ subiicit ad calcem Libri 7. cap. 43.

§. V.

Idem fecere Arnobius, & ante eum Tertullianus & Cyprianus.

ID idem solum duxerat iam pridem aratrum suum Arnobius, & ipse Afer: vt constat ex libris septem disputationum contra Gentiles, quarum primum orditur his verbis: Quoniam comperi nonnullos, qui se plurimum sapere suis persuasionibus credunt, insanire, bacchari, & velut quiddam promptum ex Oraculo dicere; postquam esse in mundo Christiana gens cœpit, terrarum orbem periisse, multifor-
mibus malis affectum esse genus humanū, ipsos etiam Cælites derelictis curis sollempnibus, quibus quondā solebant inuisere res nostras, terrarū ab regionibus exterminatos; statui pro captu ac mediocritate sermonis, contraire inuidiæ, & calumniosas dissoluere criminationes: ne aut illi sibi videantur popularia dum verba depromunt, magnum aliquid dicere; aut si nos talibus continucrimus à litibus, obtinuisse se causam putent, victam sui vitio, non assertorum silentio destitutam, &c.

Et quia Deorum cultum, plusculis ante hæc annis (puta temporibus Valentiniani & Theodosii) postliminiò reuocare voluerat Symmachus Vrbi Præfectus, missâ ad Imperatores relatione aduersus Christianos, pro veteri Deorum cultu, contra quam Ambrosius primum, post Prudentius (postrato nimirum Rhadagaifo) duobus carminum libris egit; nunc cum Orosio Augustinus, eandem Paganorum calumniandi audaciam fortiter repulerunt. Sed ante hos Tertullianum, & Cyprianum vetustiores hisce Patres, in eodem campo cucurrisse palàm est. *Iustin. Mart. quest. & respons. l. 1. qu. 126. Tertull. in Apolog. Cyprian. ad Demetrian.*

CAPVT

CAPVT XIX.
 PELAGII FRAVDES. SYNODVS
 DIOSPOLITANA, &c.

§. I.

Augustinus scribit de Natura & Gratia ad Timasium & Iacobum.

DVo erant religiosi adolescentes, serui Dei, in Africâ opinor, Anno quos profugus isthuc à Gothorum Romæ furore Pelagius, non 415. tantum exhortatione sua, ad relinquendam spem quam habebant in saculo, continenterque viuendum, verumetiam in erroris sui nassam pellexerat. Erant inquam Timasius, & Iacobus: qui cum Pelagiano errore tandem aliquando per Augustini operam, Domino inspirante, caruissent: protulerunt librum quendam, Pelagij esse dicentes: *Epist. 95.* ubi hominis naturam contra Dei gratiam, qua iustificatur impius & qua Christiani sumus, quantâ potuit argumentatione defendit. *l. 2. Retract. cap. 42.* Et quoniam impendio rogauerant, ut ei ab Augustino responderetur; factum est: *Epist. 95.* librumque quo huic respondit (descendens gratiam, non contra naturam, sed per quam natura liberatur & regitur) De naturâ & Gratiâ nuncupauit. *l. 2. Ret. cap. 42.*

Sanè tantam in hoc suo De naturâ libro Pelagius vehementiam prodiderat, ut dicat de illo Augustinus: Vidi hominem zelo ardentissimo accensum aduersus eos, qui cum in suis peccatis humanam voluntatem debeant accusare, naturam potius accusantes hominum, per illam se excusare conantur. Nimis exarsit (Pelagius) aduersus hanc pestilentiam, quam etiam litterarum secularium auctores grauitè arguerunt, exclamantes: *Falsò queritur de naturâ suâ genus humanum.* Salust. Hanc enim prorsus iste sententiam, quantis potuit ingenij viribus aggerauit. *l. de Nat. & Grat. cap. 1.*

l i i 3

Cum

Cum hunc Pelagij scetum Augustinus postea cum refutatione suâ ad Innocentium Pontificem Maximum misisset, ut, quid esset Pelagius, euidenter iudicaret; *Epist. 95.* eo perlecto atque euoluto, respondit Innocentius: In illo multa blasphemia, nihil quod placeret, nihil quod non penitus displiceret, à quouis damnandum atque calcandum: cui similia, nisi qui ista scripserat, nemo alter in mentem recipere atque sentiret. *Epist. 96.*

Quidquid sit, Pelagij nomen neque hoc saltem volumine Augustinus expressit, ne offensus insanabilior redderetur: facilius se existimans profuturum, si seruata amicitia adhuc eius verecundia parceret, cuius litteris iam parcere non debebat. *Epist. 106.* Verumtamen istius eum postea consilij poenituit: quod vidisset se, dum Pelagio dolorem addere formidasset, tumorem silentio auxisse. *l. de gest. Palest. cap. 23. & 25.*

§. II.

Timasius & Iacobus Augustino gratias agunt.

Timasius interim & Iacobus, opere Augustini recepto quod ad eisdem miserat, agentes gratias, rescripserunt, *Epist. 95.* quorum Epistolæ exemplar tale est:

*Domino verè beatissimo, & meritò venerabili Episcopo
Augustino, Timasius & Iacobus in Domino
Salutem.*

„ ITA nos refecit & recreauit gratia Dei, ministrata per verbum
„ tuum; ut prorsus germanè dicamus, *misit verbum suum & sanauit eos,*
„ Domine beatissime & meritò venerabilis pater. Sanè eâ diligentia
„ ventilasse Sanctitatem tuam textum eiusdem libelli reperimus; ut ad
„ singulos apices responsa reddita stupeamus: siue in his quæ refutare, de-
„ testari, ac fugere deceat Christianum; siue in illis, in quibus non sa-
„ tis inuenitur errasse: quamuis nescio quâ calliditate, in ipsis quo-
que

que Gratiam Dei credidit suppressendam.

Sed vnum est quod nos in tanto beneficio afficit, quia tardè hoc tam præclarum Dei munus effulsit: siquidem contigit absentes fieri quosdam (Pelagium ipsum Celestiumque) quorum caritati tam præcipuæ veritatis illustratio deberetur: ad quos, etsi tardiùs, non diffidimus propitio Deo eandem gratiam peruenire, qui vult omnes homines saluos fieri, & ad agnitionem veritatis venire.

Nos verò etsi olim spiritu charitatis qui in te est, docti, subiectionem eius abiiceremus erroris; in hoc etiam nunc gratias agimus, quod hoc quod ante credidimus, nunc aliis aperire didicimus, viam facilitatis vberiore sanctitatis tuæ sermone pandente. *Et alia manu:* Incolumem beatitudinem tuam, nostrique memorem, misericordia Dei nostri glorificet in æternum. *Id. de Gest. Palest. c. 24.*

Meminit eiusdem operis à se compositi Augustinus, *Epist. 102.* vbi id Librum grandem appellat, aduersus Pelagii hæresin: vnaque cum aliis, quæ tum ediderat, offert Euodio, si quem miserit qui cuncta describat: nec non *Epist. 252.* quâ idem ad Ioannem Hierosolymitanum Episcopum (post Synodum Diospolitānam) Pelagio tum adhuc fauentem, transmisit: hæc finit, vt tortuosus coluber, qui nunc aientis, nunc negantis, ad elabendum, formam assumebat; capi prius, deinde caueri posset: non Romæ tantum, vbi priusquam à Gothis occuparetur, nidulatus fuerat, sed non ultra rediit; verum etiam Hierosolymæ.

Idem denique hoc opus existimatur esse de quo Hieronymus, peliquam recensuerat editas ab Augustino contra Pelagianos commentationes, (puta ad Marcellinum tres numero: quartam ad Hilarium) hæc subdit: Alios quoque (commentarios) tuo nomini cedere dicitur, qui necdum in nostras venere manus. Vnde superferendum huic labori censeo, ne dicatur mihi illud Horatij, In siluam ne ligna feras. Aut enim eadem diceremus ex superfluo: aut si noua voluerimus dicere, à clarissimo ingenio occupata sunt meliora. *Hieron. lib. 3. cont. Pelag.* Hoc namque elogium est, de quo alibi Hieronymus Augustino scribens ait: Certè in Dialogo quem nupè redidi, tuæ beatitudinis, vt dignum fuerat, recordatus sum. *Epist. 30. apud August.*

S. III.

Donatista vitilitigatores perpetui.

Donatistas non cessasse à studio calumniandi, sed replicuisse continenter veteres nugas, quas suprâ retulimus, istud indicio est, quod inquit Augustinus: Ad Emeritum Donatistarum Episcopum, qui in Collatione nostra, quam cum illis habuimus, eorum causam maximè agere videbatur; aliquantò post eandem Collationem, scripti Librum satis vtilem: quoniam res quibus vincuntur, vel victi esse monstrantur, commodâ breuitate complectitur. *libr. 2. Re-tract. cap. 46.*

Quare tamen constet Emeritum hunc, insigniter fuisse pertinacem in schismate & hæresi Donatistarum, ut dicturi infra sumus; quia tamen hic Augustini liber intercidit, impressè affirmare non possumus, ex quo capite, Collationis robur hic Emeritus voluerit eneruare; ut necesse habuerit Augustinus, singulari libro prosequi res, quibus vincuntur, & victi esse monstrantur.

Neque enim puto tam stolidum fuisse Emeritum, (quem Augustinus aiebat & bono ingenio præditum, & liberalibus disciplinis cruditum; *Epist. 164.*) ut diceret quod Donatus Presbyter Mutugennensis: Possese cum Catholicis, de ipsis Gestis aliquid agere, si omittere voluerint verba Episcoporum partis Donati, ubi dixerunt: *Nec causa causa, nec persona persona præiudicat.* Illi enim respondens Augustinus ait: Hæc verba vis omittamus, ubi per eos nescientes veritas locuta est. Sed tu dicturus es, hæc eos errasse, & in falsam sententiam incautiùs cecidisse. Nos autem dicimus hoc eos verum dixisse, & hoc per teipsum facillimè probamus. Si enim Episcopi vestri, electi ab vniuersâ parte Donati qui causam omnium sustinerent, & si quid egissent, gratum & acceptum ceteri haberent; tamen in eo quod illos temerè & non rectè dixisse arbitraris, non vis ut tibi præiudicent: verum ergo dixerunt, *quia nec causa causa,*

causse, nec persona persona praiudicat. Et ibi debes agnoscere, quia si persona tot Episcoporum tuorum, in illis septem constitutorum, non vis ut praiudicet personæ Donati Mutugennensis Presbyteri; quanto minus non debet praiudicare Cæciliani persona, etiam si mali aliquid in illo esset inuentum, vniuersæ unitati Christi, quæ non in vna villa Mutugennâ concluditur, sed toto terrarum orbe diffunditur? *Sec. Epist. 204.*

S. IV.

Heros & Lazarus Gallicani Episcopi Pelagium detegunt ac deferunt.

DUm sic Donatistis partim, partimq; Pelagianis extirpandis Augustinus in Occidente incumbit; Pelagius in Oriente à viris bonis, qui disputationibus eius offensus fuerant, ad Episcopale iudicium perductus est. Nam sicuti ante triennium Paulinus Diaconus, Celestium in Africa agentem, Christiana libertate detulit; ita nunc Heros & Lazarus Gallicani Episcopi, admirabili zelo Christianæ fidei & doctrinæ impulsî, in Palestinam (ubi tum degebat Pelagius) itinere suscepto, eundem accusare decreuerunt. Fecissentque fructu multo maximo, nisi propter grauem vnius eorum ægritudinem, ad diem Synodi occurrere, & præsentem esse minimè potuissent. *Id. de Gest. Palest. c. 1. & 35.*

Ob hanc causam euénit, ut accusationis capita completi libello debuerint, quem porro Eulogio Episcopo Casariensi, eius Prouinciæ Primati, transmiserunt: qui ceteris Episcopis conuocatis Lyddam, quæ alio nomine Diospolis vocatur, Synodum indixit. Conuenerant præter Eulogium, Ioannes, Ammonianus, Porphyrius, Eutonium, Porphyrius, Fidus, Zozyms, Zoboënus, Nymphidius, Chromatius, Iouinus, Eleutherius & Clematius, *l. 1. cont. Iul. cap. 5. & 7.* numero omnes quatuordecim: inductoque in confessum Pelagio, obiecta sunt ei plurima, quæ accusationis libello continebantur.

Erant, ut diximus, absentes Heros & Lazarus: adeoque adstabat

K k k

nemo,

nemo, qui Pelagium respondentem vel mendacij vel fraudis argueret: aut verborum Latinorum vim, quæ ex Pelagij libris decerpta legebantur, accuratiùs Græcis Episcoporum auribus interpretaretur. Quapropter ad singula, quæ proposita fuerant, Pelagius veteratoriè respondit. Cumque aliud mente, aliud ore circumferens, haberet in Episcoporum numero quosdam quorum gratiâ fruebatur; alij verò quod erat obiectum penitiùs non perspicerent; absolutionem, & Ecclesiæ filij testimonium, subdolos impostor suffuratus est.

Hæc de causâ placuit Hieronymo, eam Synodum, miserabilem appellare: *Epist. 24. apud August.* quæ quidem, quod tempus spectat, habita est Honorio x. & Theodosio vi. AA. Cons. mense Decembri præcipite (vt patet ex Luciani Presbyteri libello, de Inuentione Reliquiarum S. Stephani) inciditque in Annum cccc. xv. ætatis Augustini sexagesimum secundum, paullò ante inchoatum.

De eadem Synodo ita cecinit Prosper:

Non segnior inde Orientis
 Rectorum cura emicuit, captumq; nefandi
 Dogmatis auctorem constrinxit lege benignâ
 Commentum damnare suum, ni corpore Christi
 Abiungi, & sancto mallet grege dissociari.
 Lene quidem hoc, nimiumq; malos tolerasse videtur
 Iudicium: sed sancta fides examine in illo
 Vicit oborturam diro de semine prolem.
 Prospectum namq; est, diuino & munere cautum,
 Vt licet instantem declinans bestia pœnam,
 Persidia secum sensus tenuisset eosdem;
 Ipsa tamen proprium germen damnando necaret:
 Ore malam extinguens sobolem, quam protulit ore.
l. de Ingrat. c. 2.

S. V.

*Acta Synodi Diospolitana nudè exhibita, absque
Augustini Commentario.*

Verumtamen erit operæ pretium, Gesta illius Synodi summatim exhibere: ut magis perspicue tum illa Prosperi intelligantur, tum præsertim clare cernantur, quæ per id tempus Pelagio Celestioque obiecta sunt.

Cùm Synodus Diospolin convenisset, inducto, ut dixi, in confessum Pelagio, inter ea quæ libello comprehensa eidem obiecta sunt, illud fuit primum, quod in Libro quodam suo scripserat: *Non posse esse sine peccato, nisi qui legis scientiam habuerit.* Quo recitato Synodus dixit: Tu hoc edidisti Pelagi? At ille respondit; Ego quidem dixi, sed non sicut illi intelligunt. Non dixi, Non posse peccare, qui scientiam legis habuerit; sed adiuvari per legis scientiam, ad non peccandum, sicut scriptum est: Legem in adiutorium dedit illis. Hoc audito Synodus dixit: Planè aliena non sunt quæ respondit. *libro de Gest. Palest. cap. 1.*

Adiecit Episcopalis Synodus & ait: Legatur aliud Capitulum. Et lectum est in eodem Libro suo posuisse Pelagium: *Omnes voluntate propria regi.* Quo lecto Pelagius respondit: Et hoc dixi propter Liberum arbitrium, cui Deus adiutor est eligenti bona: homo verò peccans, ipse in culpâ est quasi liberi arbitrij. Quo audito Episcopi dixerunt: Neque hoc alienum est ab Ecclesiastica doctrina.

Item recitatum est, quod in Libro suo Pelagius posuit: *In die iudicii iniqui & peccatores non esse parcendum, sed æternis eos ignibus exurendos.* Sed cum respondisset Pelagius, hoc, secundum Evangelium se dixisse, ubi dicitur de peccatoribus, Isti ibunt in supplicium æternum, iusti autem in vitam æternam; addidit: Si quis aliter credit, Originista est. Hoc ergo Synodus dixit, alienum non esse ab Ecclesia. *cod. l. c. 3.*

Obiectum est & illud Pelagio, tamquam in Libro suo scripserit: *Malum nec in cogitationem venire.* Respondit autem, Hoc non ita posuimus, sed diximus debere studere Christianum, ne malè cogitet.

tet. Quod sicut decuit, Episcopi approbarunt. *eod. l. cap. 4.*

Recitatum est & aliud, quod in suo libello scripserat: *Regnum calorum etiam in veteri Testamento promissum.* Ad quod Pelagius: Hoc & per Scripturas probari possibile est. Heretici autem in iniuriam veteris Testamenti, hoc negant. Ego verò Scripturarum auctoritatem secutus, dixi, quoniam in Propheta Daniele scriptum est: Et accipient sancti regnum Altissimi. Quà eius acceptà responsione, Synodus dixit: neque hoc alienum est à fide Ecclesiastica. *eod. l. c. 5.*

Post hæc obiectum est, quod Pelagius in eodem libro suo scripserit: *Posse hominem, si velit, esse sine peccato.* Et quod scribens ad Viduam, adulatoriè dixit: *Inueniat apud te pietas, quæ nusquam inuenit locum. Inueniat vbique peregrinans sedem iustitiae. Veritas, quam iam nemo cognoscit, domestica tibi & amica fiat.* Et lex Dei, quæ ab omnibus propè hominibus contemnitur, à te solà honoretur. Et iterum ad ipsam: *O! te felicem & beatam, si iustitia quæ in celo tantum esse credenda est, apud te solam inueniatur in terris.* Et alio ad ipsam Libro, post Orationem Domini & Salvatoris nostri, docens quemadmodum debeant sancti orare, ait: *Ille ad Deum dignè eleuat manus, ille orationem bonâ conscientia effundit, qui potest dicere: Tu nosti Domine, quam sancta & innocentes & munda sint ab omni malitia & iniquitate & rapina, quas ad te extendo manus: quemadmodum munda & iusta labia, & ab omni mendacio libera, quibus offero tibi deprecationem, ut mihi miserearis.*

Ad hoc autem Pelagius respondens, ait: Posse quidem hominem sine peccato esse, & Dei mandata custodire si velit, diximus: hanc enim possibilitatem Deus illi dedit. Non autem diximus, quod inueniatur aliquis ab infantia vsque ad senectam, qui numquam peccauerit: sed quoniam à peccatis conuersus, proprio labore & Dei gratia, possit esse sine peccato: nec per hoc tamen in posterum inconueribilis. Reliqua verò quæ subiecerunt; neque in libris nostris sunt, neque talia vnquam diximus. His auditis, Synodus dixit: Quoniam negas te talia scripsisse, anathematizas illos, qui sic tenent? Pelagius respondit: Anathematizo quasi stultos, non quasi hæreticos: siquidem non est dogma. Deinde iudicauerunt Episcopi dicentes: Nunc quoniam anathematizauit Pelagius insertum stultiloquium, rectè respondens hominem cum adiutorio Dei & gratia, posse esse sine peccato; respondeat & ad alia capitula. *eod. l. c. 6.*

Quapropter obiecta Pelagio sunt, quæ in Doctrinâ Celestij discipuli

puli eius referuntur inuenta. Adam mortalem factum; qui siue peccaret siue non peccaret, moriturus esset: quoniam peccatum Adæ, ipsum solum laesit, & non genus humanum. Quoniam lex sis mittis ad regnum, quemadmodum Euangelium. Quoniam ante aduentum Christi, fuerunt homines sine peccato. Quoniam infantes nuper nati, in illo statu sunt, in quo fuit Adam ante prauaricationem. Quoniam neque per mortem vel prauaricationem Adæ, omne genus hominum moriatur: neque per resurrectionem Christi, omne genus hominum resurgat. Hæc ita obiecta sunt, vt etiam apud Carthaginem ab Aurelio & alijs Coëpiscopis dicerentur audita, atque damnata, absente tum Augustino.

Deinde obiecta sunt & alia quædam capitula, commemoratione nominis Augustini interposita, quæ missa ei de Sicilia fuerant, cum ibi fratres Catholici huiusmodi quæstionibus turbarentur: quibus & respondit scripto ad Hilarium Libro, à quo erat consultus. Ista sunt autem: *Posse hominem sine peccato, si velit esse. Infantes etsi non baptizentur, habere vitam æternam. Diuites baptizatos, nisi omnibus abrenuntient, si quid boni visi fuerint facere, non reputari illi, neque regnum Dei posse eos habere.* Ad hæc sibi obiecta, Pelagius ita respondit: Posse quidem hominem sine peccato esse, dictum est superius. De eo autem quod fuerint ante aduentum Domini homines sine peccato, dicimus & nos, quoniam ante aduentum Christi vixerunt quidam sancti & iusti, secundum Scripturarum sanctarum traditionem. Reliqua verò & secundum ipsorum testimonium à me dicta non sunt, pro quibus ego satisfacere non debeo: sed tamen ad satisfactionem sanctæ Synodi, anathematizo illos qui sic tenent, aut aliquando tenuerunt. Post hanc eius responsionem, Synodus dixit: Ad hæc prædicta Capitula sufficienter & rectè satisfecit præsens Pelagius, anathematizans ea quæ non erant eius. *cod. l. c. 11.*

Obiectum est Pelagio quod diceret, *Ecclesiam hic esse sine maculâ & rugâ.* Ad quod respondit: Dictum est à nobis scilicet ita, Quoniam lauacro, ab omni maculâ & rugâ purgatur Ecclesia, quam velit ita Dominus permanere. Ad quod Synodus dixit: Hoc & nobis placet. *cod. l. c. 12.*

Deinde obiecta sunt de Libro Celestij, quid in vnoquoque capitulo contineatur, magis secundum sensum, quàm secundum verba: quæ quidem ille latiùs exsequitur; sed tunc subicere omnia, qui libellum aduersus Pelagium dederant, se non potuisse dixerunt. Ergo in pri-

mo Capitulo Libri Celestij, hoc scriptum esse posuerunt: *Quoniam plus facimus, quàm in lege & Euangelio iustum est.* Ad quod Pelagius respondit: Hoc quasi nostrum posuerunt: dictum est verò à nobis secundum Apostolum de Virginitate, de qua Paullus dicit: Præceptum Dei non habeo. Synodus dixit: Hoc & Ecclesia recipit. *cod. l. cap. 13.*

Hinc iam obiecta sunt Pelagio alia Celestij capitulâ capitalia, & sine dubitatione damnanda: quæ nisi anathematizasset; cum his sine dubio fuisset damnatus, inquit Augustinus: & superioribus versibus adstipulatur Prosper. Primum, in tertio Capitulo scripsisse Celestium: *Gratiam Dei & adiutorium, non ad singulos actus dari, sed in libero arbitrio esse, vel in lege ac doctrinâ.* Et iterum: *Dei Gratiam secundum merita nostra dari: quia si peccatoribus illam det, videtur esse iniquus.* Et his verbis intulisse: *Propterea & ipsa Gratia in mea voluntate posita est, siue dignus fierem siue indignus.* Si enim per gratiam omnia facimus; quando vincimur à peccatis, nos non vincimur, sed Dei gratia, qua voluit nos adiuuare omnimodò, & non potuit, Et iterum ait: *Si gratia Dei est quando vincimus peccata; ergo ipse est in culpâ, quando à peccato vincimur: quia omnino custodire nos aut non potuit, aut noluit.* Ad ista Pelagius respondit: Hæc vtrum Celestij fiat, ipsi viderint qui dicunt ea Celestij esse: ego verò numquam sic tenui, sed anathematizo, qui sic tenet. Synodus dixit: Recipit te sancta Synodus, ita verba reprobâ condemnantem. *cod. l. c. 14.*

Deinde cùm de quinto Capitulo libri Celestij Pelagio fuisset obiectum, quod affirmant, *Vnumquemque hominem, omnes virtutes posse habere & gratias: & auferant diuersitatem gratiarum, quam Apostolus docet;* Pelagius respondit: Dictum est à nobis, sed malignè & imperitè reprehenderunt. Non enim auferimus gratiarum diuersitatem; sed dicimus donare Deum ei, qui fuerit dignus accipere omnes gratias, sicut Apostolo Paulo donauit. Ad hoc Synodus dixit: Consequenter & Ecclesiastico sensu & ipse sensisti de dono gratiarum quæ in sancto Apostolo continentur. *cod. l. & cap.*

In sexto Capitulo Celestij libri positum, obiectum est: *Filios Dei non posse vocari, nisi omnimodò absque peccato fuerint effecti.* In septimo: *Obluionem & ignorantiam, non subiaccere peccato: quoniam non secundum voluntatem eueniunt, sed secundum necessitatem.* In decimo Capitulo: *Non esse liberum arbitrium, si indigeat auxilio: quoniam in propria voluntate habet vnusquisque aut facere aliquid, aut non facere.* In duodecimo

cimo Capitulo: *Victoriam nostram non ex Dei esse adiutorio, sed ex libero arbitrio. Quod inferre dictus est his verbis: Nostra est Victoria, quoniam propriâ voluntate arma suscepimus: sicut è contrario nostrum est quando vincimur, quoniam armari propriâ voluntate contempsimus.* Et de Apostolo Petro posuit testimonium: *Diuina nos esse consortes natura.* Et syllogismum facere dicitur: *Quoniam si anima non potest esse sine peccato; ergo & Deus subiaceret peccato, cuius pars, hoc est anima, peccato obnoxia est.* In decimo tertio Capitulo dicit: *Quoniam penitentibus venia non datur secundum gratiam & misericordiam Dei, sed secundum merita & laborem eorum, qui per penitentiam digni fuerint misericordiâ.* eod. l. c. 18.

His recitatis, Synodus dixit: Quid ad hæc quæ lecta sunt capitula, dicit præsens Pelagius Monachus? Hoc enim reprobant sancta Synodus, & sancta Dei Catholica Ecclesia. Pelagius respondit: Iterum dico; quia hæc secundum ipsorum testimonium non sunt mea, pro quibus, vt dixi, satisfactionem non debeo. quæ verò mea esse confessus sum; hæc recta esse affirmo: quæ autem dixi non esse mea; secundum iudicium sanctæ Ecclesiæ reprobō, anathema dicens omni contrauenti & contradicenti sanctæ Ecclesiæ Catholicæ doctrinis. Ego enim in vnius substantiæ Trinitatem credo, & omnia secundum doctrinam sanctæ Catholicæ Ecclesiæ: si quis verò aliena ab hac sapiat, Anathema sit. eod. l. c. 19.

Synodus dixit: Nunc quoniam satisfactum est nobis, prosecutionibus præsentis Pelagij Monachi; qui quidem piis doctrinis consentit, contraria verò Ecclesiæ fidei reprobant & anathematizant; communionis Ecclesiæ eum esse Catholicæ confitemur. eod. l. c. 20.

Atque ita Synodus: magis utique attendens ad verba coram loquentis Pelagij, quàm scripta ipsius: aut certè non tam discutiens quid scripsisset, quàm quomodo se diceret sensisse. Verùm postea clauit eum fuisse mentitum, Synodumque circumuenisse, dum aliud linguâ promeretur, aliud mente tegeret, vt patet de hisce Actis legenti Commentariolum Augustini: è quo hoc saltem manifestè liquet, quod ipsa hæc hæresis damnata fuerit: eod. l. c. 35. & Prosper citatis antea versibus testatur: quamuis eius seminator auctorque Pelagius, subdolè exierit absolutus.

S. VI.

*Pelagius in Synodo absolutus, litteris Augustini
se iactitat: quas post Augustinus exponit.*

Pelagius igitur, ut iam non purgatus tantummodò, sed splendidus etiam videri posset, præclarorum virorum Litteras ad se scriptas, non sine fastu in Synodo exhibuit: atque inter eas Augustini, quas suprà produximus: quibus ne quis vllò pacto posset offendi, sic aliquando eas Augustinus interpretatus est.

Ego quidem, inquit, in Epistola meâ quam protulit, non solùm ab eius laudibus temperavi; sed etiam quantum potui sine eius commotione, quæstiones de Dei gratiâ rectè sapere admonui. Dixi enim in salutatione *Dominum*, quod Epistolari more etiam non Christianis quibusdam scribere solemus. Nec id mendaciter: quoniam omnibus ad salutem quæ in Christo est consequendam, debemus quodammodò liberam seruitutem.

Dixi *dilectissimum*, quod nunc dico, &, si iratus fuerit, adhuc dico: quoniam nisi erga eum dilectionem tenuero illo irascente; ipse mihi magis nocebo. Dixi *desideratissimum*: quoniam valde cupiebam cum præsentem aliquid colloqui: iam enim audieram contra Gratiâ quâ iustificamur, quando hinc aliqua commemoratio fieret, apertâ eum contentione conari. Denique litterarum ipsarum brevis textus hoc indicat. Nam cum egissem gratias, quòd me scriptis suis exhilarasset, certum faciendo de suâ salute ac suorum (quos utique si correctos volumus, etiam corporali salute saluos velle debemus) mox ei bona optavi à Domino retribui, non ad salutem corporis pertinentia, sed ea potiùs quæ putabat esse, vel fortè adhuc putat, in solo arbitrio voluntatis & propriâ voluntate posita: simul optans & propter hoc vitam æternam. Deinde quia litteris suis, quibus respondebam, talia quædam in me bona multùm benignèque laudauerat; etiam ibi petiui ab eo, ut pro me oraret, quòd potius à Domino talis fierem, qualem me esse iam crederet: ut eum sic admonerem, contra quod ille sapiebat, ipsam quoque iustitiam, quam in me laudandam putauerat,

rat, non esse volentis neque currentis, sed miserentis Dei.

Hoc est totum quod brevis illa Epistola continet, eâque intentione dictata est. Et post recitatam Epistolam: In ipsa quoque subscriptione quod posui, *ut Domino placeat*: magis hoc esse significavi in eius gratia, quàm in solâ hominis voluntate: quando id nec hortatus sum, nec præcepi, nec docui, sed optavi. Quemadmodum verò si hortarer, aut præciperem, vel docerem pertinere hoc, & ad liberum arbitrium demonstrarem, nec tamen Dei gratiæ derogarem: ita, quia optavi; Dei quidem commendaui gratiam, non tamen arbitrium voluntatis extinxi.

Ut quid ergo in iudicio protulit hanc Epistolam? secundum quam, si ab initio sapuisset, nullo modo fortassis, licet à bonis fratribus, sed tamen peruerlitate disputationum eius offensis, ad Episcopale iudicium vocaretur. *l. de gest. Palast. c. 26. & 28.*

Quæ libentiùs ideo descripsi, quòd opusculum de Gestis Palæstinis (potius quàm de gestis Pelagi) ab hinc annis paullò amplius triginta, è Bibliotheca Fesulanâ S. Bartholomæi Canonicorum Regularium Lateranensium erutum, nondam vulgò existet.

S. VII.

Alia quæ post Synodum à Pelagio gesta sunt.

S Parsit & alia nonnulla, quibus si posset, innocentiam suam toto Sorbe testatam faceret. Gestorum enim Synodaliū tarditate procuratâ, scripsit epistolam ad amicum quemdam suum Presbyterum, à quo fuerat per litteras benignè admonitus, ne per eius occasionem se aliquis à corpore Ecclesiæ lepararet. Ibi inter cetera, ait: Quatuordecim Episcoporum sententia definitio nostra comprobata est, quâ diximus: *Posse hominem sine peccato esse, & Dei mandata faciliè custodire si velit.* Quæ sententia, inquit, contradictionis os, confusione perfundit: & omnem in malum conspirantem societatem, ab inuicem separavit. *l. de Gest. Palast. c. 30.* Sed mentitus est impostor. Siquidem de facilitate non peccandi, quam nunc aggerebat, nulla fuerat in hoc

LII

iudicio

iudicio quaestio, quasi iudicibus etiam de hoc verbo placuisset: de Gratia verò Dei, quam confitendo & addendo, poenam Ecclesiasticæ damnationis euaserat, omninò nunc tacebat. *cod. l. c. 31.*

Ex quo conici potest, quàm veraciter in Synodo Dei Gratiam (quæ neque natura est cum libero arbitrio; neque legis scientia; neque tantum remissio peccatorum: sed ea, quæ singulis nostris actibus necessaria est) fuerit confessus: quamque veraciter anathematizauerit eos, qui talia sentirent. *cod. l. c. 6.* Quare non est de nihilo, quòd Pelagij discipuli, Magistro postea suo propter eiusmodi astutarum interpretationum nebulas (quarum nonnullas Augustinus refert *l. 1. cont. Iulian. c. 5.*) toto capite annuentes; iudicium illud Diospolitanum illusum, ac tot Episcopos ab eo irrisos esse riserint: ipse verò fraudes fraudibus pertexerit, ne quando, aut repentè viderentur.

Nam & in chartula defensionis suæ, quam ad Augustinum direxit per quemdam Hipponensem ciuem & Diaconum Orientalem, fecit aliquid, quòd aliter se haberet, quàm gestis Episcopalis (vti postea deprehendit Augustinus) contineretur. *l. de gest. Palæst. c. 32.* Quod licet videri exiguum posset; attamen hanc chartulam ita concinnaauerat, vt aliquarum sententiarum Celestij, quas in gestis anathematizasse perspicuum erat, reseruasse sibi defensionem videri nihilominus posset. Alios denique nonnullos articulos ita congefferat, ac si post Synodum licita adhuc eorum defensio esset: cum videlicet non dixisset id modò se sentire ac sapere, quòd Ecclesia iudicasset; sed quòd in posterum fuisset iudicatura. *cod. l. c. 33.*

Vtque eiusmodi strophis parum esset erepsisse iudicio, & lubrici tantum ac degeneris animi dedisse signum; cepit mox libris quatuor de Libero arbitrio editis, cuncta quæ in Palæstinâ Synodo damnauerat, adstruere: *Epist. 106.* tantâ impudentiâ; vt & apertè peccatum Originale tolleret, & simul de gestis Palæstinæ Synodi gloriaretur. *l. 2. de pecc. Orig. c. 14.* Et quamquam eodem opere Dei gratiam videri voluerit vehementer commendasse, sicuti postea iactitauit in litteris ad Innocentium Papam, quæ successor ipsius Zozyimo traditæ sunt, vt post dicemus: attamen cum ad legem doctrinamque, & alia externa adminicula, aut Christianis Ethnicisque communia, eandem retulit; sustulisse potiùs, quàm sanxisse dicendus est. Quare post absolutam Synodum, cum repetente Africam Orosio rectè scribebat

bebat ad Augustinum Hieronymus: Magis demus operam, vt perniciofiffima hærefis de Ecclefiis auferatur: quæ femper fimulat pœnitentiam, vt docendi in Ecclefiis habeat facultatem: ne, fi apertâ fe lace prodiderit, foras expulfa moriatur. *Epift. 20. apud Auguft.* Quo in loco pœnitentiam videtur appellare Hieronymus, eam Pelagij hypocrifin quâ Palestinis iudicibus abfolutionem extorfit.

Ceterum aduerfus Hieronymum (cui non obfcurè erat infenfus, ob Dialogorum libros, quibus plerofque amfractus hærefeos Pelagianæ patefecerat) apertâ vindictâ, ipfe, vel ipfius afpectu arferunt. Hiftoriam Auguftinus attigit, ad calcem Libri De geftis Palæftinis, vnde eam breuiter commemorabimus.

De his, inquit, quæ poft hoc iudicium ibi, nescio à quo cum eo perditorum, qui valdè in peruerfum perhibentur Pelagio fuffragari, incredibili audaciâ perpetrata dicuntur, vt Dei ferui & ancillæ ad curam sancti Hieronymi Presbyteri pertinentes, fccleratiffimâ cæde afficerentur: Diaconus occideretur: ædificia Monafteriorum incenderentur: vix ipfum (Hieronymum) ab hoc impetu atque incurfu impiorum, in Dei mifericordiâ turris munitior tueretur: tacendum nobis potius video, & exspectandum, quid illic fratres noſtri Epifcopi, de his tantis malis agendum exiftiment, quibus eos diffimulare poſſe quis credat? Impia quippe dogmata cuiusmodi hominum, à quibullibet Catholicis, etiam qui ab illis terris longè abſunt, redarguenda ſunt, ne vbiſcumque nocere poſſint, quò peruenire potuerint: impia verò facta, quorum coërcitio ad Epifcopalem pertinet diſciplinam, vbi committuntur, ibi potiſſimum à præſentibus, vel in proximo conſtitutis, diligentia patorali, & piâ ſeueritate plæctenda ſunt. *Ita Auguſt. lib. cit. in fine.*

Quare cum ſuper hiſce malis Hieronymus, tum Euftochium & Paulla, generoſæ ſanctæ quæ virgines, queſtæ Innocentio Papæ eſſent, nominibus hominum cauſa quæ ſuppreſſis; ſeuerâ Ioannem, Hieroſolymitanum Epifcopum, Innocentius monitione perſtrinxit. Ioannem enim dilexiſſe Pelagium, ſatis ex Auguſtino colligitur, Epistolâ 252. quâ Ioannem inſtruit, quid de Dei gratia Pelagius ſentiat: ſic quæ monet diligendum; vt ne ab eo quem diligit, homines qui Pelagium norunt & audierunt, falli Ioannem putent. Nam & firmæ cum Pelagio amicitie Ioannis indicium eſt, quòd in eodem ipſo Palæ-

stino Concilio, in absentes accusatores Pelagij, tamquam calumniatores, Ioannes videatur inuectus. *libro de gest. Pal. c. 16.*

S. VIII.

Argumentum Litterarum Augustini ad Hieronymum, ab Orosio allatarum.

Appulerat interea in Palaestinam Orosius, nequaquam tamen Synodo praesens, ut ex Augustino patet. *l. de Gestis Palaest. c. 15.* & sanctum Hieronymum adiens, quas habebat ab Augustino litteras porrexit. Erant uti diximus, de Animae origine, & Iacobi Apostoli sententia, Qui peccat in vno, &c.

Non erit iniucundum, candorem & humilitatem Augustini, in tanta eruditione, audire paucula loquentem. Infit igitur: Deum nostrum qui nos vocauit in suum regnum & gloriam, & rogavi & rogo, ut hoc quod ad te scribo, sancte frater Hieronyme, consulens te de his quae nescio, fructuosum esse nobis velis. Quamquam enim te, multò quàm ego sum aetate maiorem, tamen etiam ipse iam senex consulo. sed ad discendum quod opus est, nulla mihi aetas fera videri potest: quia etsi senes magis decet docere, quàm discere; magis tamen discere, quàm quid doceant ignorare.

Nihil equidem molestius fero in omnibus angustiis meis quas patior in difficillimis quaestionibus, quàm in tam longinqua tuae charitatis absentia, ut vix possim meas dare, vel recipere litteras tuas, per interualla non dierum, non mensium, sed aliquot annorum: cum si fieri posset, quotidie praesentem te habere vellem, cum quo loquerer, quidquid vellem. Nec ideo tamen non debui facere quod potui, si non potui totum quod volui.

Ecce venit ad me religiosus iuuenis, Compresbyter noster Orosius, utile vas in domo Domini esse desiderans, ad refellendas falsas perniciosasque doctrinas, quae animas Hispanorum multò infelicius quàm corpora, barbaricus gladius trucidarunt. Nam inde ad nos usque ab Oceani littore properauit, famam excitus quod à me posset de his quae scire vellet, quidquid vellet audire.

Neque

Neque nullum cepit aduentus sui fructum. Primò, ne de me multum famæ crederet: deinde docui hominem quod potui: quod autem non potui, unde discere posset admonui, atque ut ad te iret, hortatus sum. Qua in re consilium vel præceptum meum, cum libenter & obedienter acciperet; rogavi eum, abs te veniens, per nos ad propria remearet. Quam eius pollicitationem tenens, occasionem mihi credidi à Domino esse concessam, qua tibi scriberem de his, quæ per te scire cupio. Quarebam enim quem ad te mitterem, nec mihi facile occurrebat idoneus, & fide agendi, & alacritate obediendi, & exercitatione peregrinandi. Vbi ergo istum iuvenem expertus sum; eum ipsum esse, qualem à Domino petebam, dubitare non potui. *Epist.*

28. Et hæc quidem de Orosio, eiusque itinere.

Post quæ, cum questionem de Anima ingessisset, atque exposuisset ordine quæ firmissimè tenebat ipse; retulisset præterea varias de hac re opiniones; ad Hieronymum rediens: Ne longum faciamus, inquit, hoc certè sentis quod singulas animas, singulis nascentibus, etiam modò Deus faciat. *eād. Epist.* & paucis interiectis: Ecce volo, ut illa sententia etiam mea sit: sed nondum esse confirmo. *ibid.* Ac postea:

Doce quod teneam: & dic mihi, si animæ sigillatim in singulis nascentibus fiunt; ubi in partulis peccent, ut indigeant in sacramento Christi remissione peccati, peccantes in Adam ex quo caro est propagata peccati? Aut si non peccant; quâ iustitiâ Creatoris ita peccato obligantur alieno, cum exinde propagatis membris mortalibus inferuntur, ut eas, nisi per Ecclesiam subuentum fuerit, damnatio consequatur, cum in earum potestate non sit, ut eis possit gratia Baptismi subueniri? &c. *eād. Epist.*

Hæc quippe sola ratio erat, quæ procurrentem in eandem sententiam cum Hieronymo Augustini animum sufflaminabat. Poterat alia solvere, quæ aduersus hanc opinionem dicebantur: Sed cum ad pœnas ventum est paruulorum, inquit, magnis, mihi crede, coarctor angustiis, nec quid respondeam prorsus inuenio. Non solum eas pœnas dico, quas habet post hanc vitam illa damnatio, quò necesse est trahantur, si de corpore exierint sine Christianæ gratiæ Sacramento; sed eas ipsas quæ in hac vita dolentibus nobis versantur ante oculos: quas enumerare si velim, prius tempus quàm exempla delicient. Languescunt a gritudinibus, torquentur doloribus, fame & siti cruciantur,

tur, debilitantur membris, priuantur sensibus, vexantur ab immundis spiritibus. Demonstrandum est utique, quomodo ista, sine vlla sua mala causa, iustè patiantur. Non enim dici fas est, aut ista ignorante Deo fieri: aut eum non posse resistere facientibus: aut iniusta illa vel facere vel permittere. *ibidem*: viderique potest. *l. i. de peccat. mer. & remiss. c. 35. 36. 37. & seqq.*

Et post nonnulla: Sed ut omittamus & contemnamus ea, quæ breui tempore patiuntur, nec transacta reuocantur; numquid similiter contemnere possumus, quodd per vnum hominem mors, & per vnum hominem resurrectio mortuorum? Sicut enim in Adam omnes moriuntur, sic & in Christo omnes viuificabuntur. Per hanc enim Apostolicam, diuinam, claramque sententiam, satis euidenter elucet, neminem ire in mortem nisi per Adam: neminem ire in vitam æternam, nisi per Christum. Hoc est quippe *omnes & omnes*. Quia sicut omnes homines per primam; hoc est per carnalem generationem, pertinent ad Adam; sic omnes homines per secundam, id est per spirituales generationem veniunt, quicumque ad Christum perueniunt, &c. *eād. Epist.*

Deinde: Huius igitur damnationis in paruulis, causam requiro. Quia neque animarum, si nouæ fiunt singulæ singulis, video esse vllum in vlla ætate peccatum: nec à Deo damnari aliquam credo, quam videt nullum habere peccatum. *eād. Epist.* Et aliis quibusdam interiectis:

Quæ cum ita sint, quærenda causa est atque reddenda, quare damnentur animæ quæ nouæ creantur singulis quibusque nascentibus, si præter Christi Sacramentum paruuli moriantur? Damnari enim eas si sic de corpore exierint, & sancta Scriptura, & sancta est testis Ecclesia. Vnde illa de Animarum nouarum creatione sententia, si hanc fidem fundatissimam non oppugnat, sit & mea: si oppugnat, non sit & tua. *ibidem*. Post quædam:

Hæc autem difficultas etiam illos sequitur, qui iam existentes alibi animas, & ab initio diuinorum operum præparatas, à Deo mitti opinantur in corpora. Nam & ab his hoc idem quæritur: Si animæ inculpatæ, obedienter veniunt quò mittuntur; cur in paruulis, si non baptizati vitam istam finierint, puniuntur? *eād. Epist.* Denique:

Illam verò opinionem, quòd ex vnâ fiant omnes animæ, nec discutere volo, nisi necesse sit: atque vtinam ista, de qua nunc agimus,

mus, si vera est, sic abs te defendatur, vt hoc iam necesse non sit. Quamuis autem desiderem, rogem, votis ardentibus exoptem & expectem, vt per te mihi Dominus huius rei auferat ignorantiam; tamen si, quod absit, minimè meruero, patientiam mihi petam à Domino Deo nostro, in quem sic credimus, vt si aliqua nobis non aperiat etiam pulsantibus, nullo modo aduersus eum murmurare debeamus, &c. *Epist. 23.*

Vt enim indicat Epistolâ sequenti ad Hieronymum, Potiùs hoc inquirendum est, quod ad agendam præsentem vitam attinet, quàm quod est de perscrutandâ præteritâ, quam penitus demersit obliuio. Eleganter enim dictum est, narratur, inquit, quod huic rei satis aptè conuenit. Cum quidam ruiisset in puteum, vbi aqua tanta erat, vt eum magis exciperet ne moreretur, quàm suffocaret ne loqueretur; accessit alius, & eo viso admirans, ait: quomodo huc cecidisti? At ille: obsecro, inquit, cogita quomodo hinc me liberes, non quomodo huc ceciderim quæras. Ita quoniam fatemur, & fide Catholicâ tenemus, de reatu peccati, tamquam de puteo, etiam paruuli infantis animam Christi gratiâ liberandam; satis est ei quod modum quomodo salua fiat nouimus, etiam si numquam quomodo in malum illud deuenerit, nouerimus, &c. *Epist. 29.*

§. IX.

*Ad litteras Augustini, non respondit
Hieronymus.*

HAnc interim questionem, pro D. Hieronymi sententiâ (in quam porrò Augustinus iuit) tandem Ecclesia, licet serò definiuit: Gregorij enim magni æuo adhuc pependisse indecisam, pater apud eundem. l. 7. *Epist. 33. ad Secundum.* Quapropter neque eandem Hieronymus respondendo asseruit, qua de causa incertum. Rescripsit quidem per Orosium, vehementer laudans duos Augustini libellos, quos non eruditissimos solum, sed omni eloquentiæ splendore fulgentes appellat: mox subdens: Quidquid dici potuit, & sublimi ingenio de Scripturarum sanctarum hauriri fontibus, à te politum atque disertum est. *Epist. 30. apud August.*

Ex

Ex quibus perinde litteris apparet, tum respondendi forsitan otium non habuisse: quod & Augustinus existimauit: *l. 2. Retract. c. 45.* vel, propter gliscentes nunc Pelagianos, noluisse eam quaestionem attingere: ne, si fortè in sensum ab Augustino contrarium in quibusdam abiisset; ipsi gauderent, partium Catholicarum duces inter se commissos.

Vt ut est, donec in corpore Hieronymus esset, hosce libros edere noluit Augustinus, sperans aliquando responsurum: tuncque cum ipsa eius responsione, potiùs ederentur. Sed cum non fecisset; defuncto Hieronymo edidit priorem librum: ut qui legit, admoneatur aut non quærere omninò quomodo detur anima nascentibus: aut certe de re obscurissima eam solutionem quaestionis huius admittere, quæ contraria non sit apertissimis rebus, quas de Originali peccato fides Catholica nouit in paruulis, nisi regenerentur in Christo, sine dubitatione damnandis. Posteriores verò ad hoc, ut quaestionis de qua ibi agitur, etiam quæ visa sit ei solutio, ipsa noscatur. *libro 2. Retract. cap. 45.*

CAPUT XX.

STVDIVM AVGVSTINI CONTRA
PELAGIVM.

§. I.

*Synodus Carthaginensis, in caussa
Pelagij.*

Anno
416.

Anno post Synodum Diospolitanam, aperiente se mari, soluit ex Palæstina Orosius, deferens secum Reliquiarum partem Protomartyris Stephani recenter inuentarum, ab Auito Presbytero acceptam: & uti fuerat Augustino pollicitus, applicuit in Africam.
Reperit

Reperit Carthagine, ex diuersis caussis congregatam Synodum sexaginta octo Episcoporum, quibus litteras porrexit Herotis & Lazari: *Epist. 90* edentes, licuti par est credere, Synodi Diospolitane successum, & in ea absolutum Pelagium: quod & ipse Orosius poterat ex ordine narrare.

Pelagius alioquin perniciosè vigilans, pro ipsis gestis scriptum quoddam, per quemdam Orientalem Diaconum, ciuem Hipponensem miserat in Africam, ad Augustinum, vt antea diximus: in quo, cum nihil minus esset quàm gesta Synodi; digesserat defensionem suam, qua se dixit obiectis respondiſſe Gallorum. Nam & huic scripto per Epistolam Augustinus respondit, quam ad Innocentium Pontificem, post Synodum Mileuitanam misit, Pelagio destinandam. Sic enim eam legere potiùs, non dedignabitur, inquit: magis in illa eum qui misit, quàm qui scripsit attendens. *Epist. 95. & 252.*

Lectis Herotis & Lazari litteris, quarum formam ad Synodales suas, Innocentio Pontifici paullo post directas, subdendam curarunt Patres Carthaginenses, Pelagium & Celestium, auctores nefarii prorsus, & ab omnibus anathematizandi erroris, itidem aduerterunt. Vnde factum est vt recensendum peterent, quod ante ferme quinquennium, super Celestij nomine apud Ecclesiam Carthaginensem fuisset actitatum. Quo recitato, quamuis iudicatio manifesta constaret, quod illo tempore Episcopali iudicio excisum hoc vulnus tantum ab Ecclesia videretur; attamen id communi deliberatione censuerunt, & eiusmodi persuasionis auctores, quamuis in Asia alicubi ad Presbyterium idem Celestius postea peruenisse diceretur, nisi huc apertissimè anathematizauerint, ipsos anathematizari oportere: vt si ipsorum non potuerit; saltem eorum qui ab eis decepti sunt, vel decipi possunt, cognitâ sententiâ quæ in eos lata est, sanitas procuretur.

Hoc ita gestum Innocentio summo Pontifici intimandum duxerunt: vt statutis Synodi ab se habitæ, Sedis etiam Apostolicæ adhiberetur auctoritas, pro tuenda salute multorum, & quorundam peruersitate corrigenda. Ea propter postaddunt: Si Pelagius Episcopilibus gestis, quæ in Oriente confecta dicuntur, Sedi Apostolicæ iuste visus fuerit absolutus; errorem tamen ipsam & impietatem, quæ tam multos assertores habet per diuersa dispersos, etiam auctoritate eiusdem Sedis anathematizandum esse, *Epist. 90*. Hanc enim hæresin, fundamenta Christianæ fidei euertere conari, non dicunt solùm, sed demonstrant, eadem Epistolâ.

M m m

§. 11.

§. II.

Synodus item Mileuitana.

PEr idem tempus, atque ob causam eandem, Synodus quoque Mileuitana conuenit, cui Augustinus, alijque sexaginta Episcopi interfuerunt: qui imitantes Carthaginensis Prouinciæ coëpiscopos suos, exposuerunt & ipsi per litteras, quàm sit illa hæresis perniciosa, quamque maturè obuiam eundum, ne latius proferpat. Nam vt alia omittamus, aiunt, quæ contra sanctas Scripturas plurima disserunt (Pelagiani;) hæc duo, quibus omninò totum quod Christiani sumus, nituntur euertere, quæ fidelia corda sustinent: Non esse rogandum Deum, vt contra peccati malum, atque ad operandam iustitiam, sit noster adiutor: & Non opitulari paruulis ad consequendam vitam æternam, Christianæ gratiæ Sacramentum? Hæc, inquit, tanta sunt, vt omninò dissimulari non possint. *Epist. 92.*

§. III.

Pelagius ab Innocentio damnatur.

VTriusque Synodi litteras, cum aliis item quinque Episcoporum, quæ Carthagine scriptæ sunt (vt istuc è ciuitate Mileuitana, debuerit Augustinus mox aduenisse) Iulius Episcopus, ad Innocentium Pontificem maximum, Romam detulit: quibus omnibus anno sequente, Honorio & Constantio Coss. quinto & sexto Kalend. Februarij, Innocentius per eundem Iulium respondit: & collaudatâ Synodorum vigilantia, doctrinam nefariam cum auctoribus suis manifestè damnauit.

Damnationis formula sic habet: Pelagium Celestiumque, id est inuentores vocum nouarum, quæ sicut dixit Apostolus, ædificationis nihilum, sed magis vanillimas consueuerunt parere quæstiones,
Eccle-

Ecclesiastica communione priuari, Apostolici vigoris auctoritate censemus, donec resipiscant de Diaboli laqueis, à quo captiui tenentur secundum ipsius voluntatem: eosque interim Dominico ouili non recipi, quoad ipsi peruersæ viæ secuti tramitem, deserere noluerint. *Epist. 93.* Et paullo post: Hæc igitur fratres carissimi, in prædictos maneat fixa sententia. Absint atriis Domini: careant custodia pastoralis: ne duarum ouium dira contagia, serpant forsitan per vulgus incautum, rapacique lupo corde lætetur, intra ouile Dominicum tantas ouium feras catervas, dum à custodibus dissimulanter habetur vulnus duarum. *ead. Epist. itemq. 91. 95. 96. 97.*

Quod verò iudicium attinet Palæstinum, sententiam suam aperit Innocentius, dum ait: Nobis nec persuaderi potest, cum esse purgatum, quamuis ad nos, à nostris quibusdam laicis, sint gesta perlata, quibus ille auditum se crederet & absolutum. Quæ utrum vera sint, dubitamus: quòd sub nulla illius prosecutione venerunt, nec eorum aliquas accepimus de hac re litteras, apud quos istius rei iste præstitit causas. *Epist. 96.*

Sic Pelagij Celestiusque damnati sunt ab Innocentio, instantiâ Synodorum Africanarum, quarum se ferule profugus uterque & in Oriente agens, subduxerat, ut propterea imploranda fuerit Sedes Apostolica, toto prædens orbe terrarum. Quò facit, quod Prosper cecinit:

— Pestem subcuntem prima recidit,
Sedes Roma Petri: qua Pastoralis honoris
Facta caput mundo, quidquid non possides armis,
Religione tenet. *Poem. de Ingrat. c. 2.*
Deque Synodis Africanis, quarum iam ante meminimus:
Tu caussam fidei flagrantius Africa nostra
Exsequeris: secumq. suum iungente vigorem
Iuris Apostolici solio, fera viscera belli
Confici, & lato prosternis limite victos.
Conuenere tui de cunctis vrbibus almi
Pontifices, geminoq. sensum celeberrima cœtu,
Decernis quod Roma probet, quod regna sequuntur.
ead. l. & c.

Hæc dum aguntur, dedit Augustinus litteras ad Hilarium, quibus pessimam Pelagij doctrinam, breuiter licet, distinctissime contraxit:

M m m 2

traxit: *Epist.* 94. meninitque bini Prouincialis Concilij, de quo hactenus, tum ibi, tum *Epist.* 47. & 106. fateturque ad omnia, quæ Innocentio Pontifici missa fuerant, eo illum modo rescripsisse, quo fas erat atque oportebat Apostolicæ Sedis antistitem. *Epist.* 106.

Eodem accedit sermo 2. de Verb. Apost. vbi ad extremum ait: Quod ergo dictum est de Iudæis, hoc omnino in istis (Pelagianis) videmus. Zelum Dei habent. Testimonium illis perhibeo quia zelum Dei habent, sed non secundum scientiam. Quid est non secundum scientiam? Ignorantes enim Dei iustitiam, & suam volentes constituere, iustitiæ Dei non sunt subiecti. Fratres mei compatimini mecum. Vbi tales inueneritis, occultare nolite. Redarguite contradicentes, & resistentes ad nos perducite. Iam enim de hac causâ, duo Concilia missa sunt ad Sedem Apostolicam. Inde etiam rescripta venerunt. Causa finita est: error utinam aliquando finiatur. Ergo ut aduertant, monemus: ut instruantur, docemus: ut mutentur, oremus. *cit. serm. cap. 10.*

S. IV.

Augustino cura data Pelagij pessumdandi.

Cumque sagaciter animaduertissent Synodorum Carthaginensis & Mileuitanæ Patres, Pelagianam hæresin clam serpendo, magna quotidie incrementa sumere; ad reprimendum illius impetum, communibus suffragiis Augustinum designarunt, qui, ut erat perspicacissimo ingenio, deligeret è Scripturarum sanctarum armamentario validissimas machinas, quibus istorum humani arbitrij deceptorum, Gratiæque diuinæ contemtorum superbiam, solo æquaret.

Id testantur Ecclesiastica gesta, quæ post confecta sunt, dum coram Clero populoque Hipponensi, Eradium sibi successorem Augustinus nominauit. Dixit enim: Nostis ante aliquot annos quid facere voluerim, & non permisistis. Placuit mihi & vobis, propter curam Scripturarum, quam mihi fratres & patres mei coëpiscopi, duobus Conciliis, Numidiæ & Carthaginis, imponere dignati sunt, ut per quinque dies nemo mihi molestus esset. Gesta confecta sunt: placuit: acclamastis: Recitatur placitum vestrum, & acclamatio vestra: paruo tempore

tempore seruatum est circa me, & postea violenter irruptum est: & non permittor ad quod volo vacare. Ante meridiem, & post meridiem, occupationibus hominum teneor. *Epist. 110.*

Atque ex his quadamtenus patet, quot & quanta sanctissimo viro negotia, caput & latus circumlilierint: quando eo ne quidem casu & negotio, permissus est diebus pauculis esse otiosus. Libet idcirco in hanc messem nonnihil excurrere, vt pauculas saltem spicas colligamus.

CAPVT XXI.

AVGVSTINI VARIE OCCVPATIONES.

§. I.

*Ægre à Diuinis ad secularia negotia
abstrahitur.*

ERat tum moris deriuati ab Apostolis, & non vnâ Christianorum Imperatorum lege firmati: imò nouissimè Honorio Aug. 1 v. & Eutichiano Coll. l. 7. *de Episcopis. Audiens. Cod. Iustinian.* vt causas suorum Episcopi audirent atque deciderent. Ea res Augustinum tantum non obruit. Nam quantum inde tardij hauserit, patet, dum ait:

Maligni exercent ad facienda mandata, à scrutandis autem auocant, non solum cum persequuntur, aut litigare nobiscum volunt; verumetiam cum obsequuntur & honorant: & tamen suis vitiosis & negotiosis cupiditatibus adiuuandis vt occupemur, & eis nostra tempora impendamus efflagitant: aut certè infirmos premunt, vt causas suas ad nos deferre compellant. Quibus dicere non audemus: dic homo, quis me constituit iudicem, aut diuisorem inter vos? Con-

M m m 3

stituit

stituit enim talibus causis, Ecclesiasticos Apostolus cognitores, in foro prohibens iurgare Christianos. Ne illis quidem, qui non aliena rapiunt, sed sua cupidè repetunt, dicimus: Cavete ab omni cupiditate: constituentes eis ante oculos hominem, cui dictum est, Stulte, hanc nocte auferetur à te anima tua: quæ præparasti, cuiuserunt? Quia & quando dicimus, non recedunt, nec declinant à nobis: sed instant, urgent, tumultuantur, extorquent, ut ipsis potius ad ista quæ diligunt; quàm scrutandis Dei mandatis, quæ diligimus, occupemur.

O! quanto tædio turbarum turbulentarum, & quanto desiderio Diuinorum eloquiorum, dictum est, *Declinate à me maligni, & scrutabor mandata Dei mei.* Ignoscant obedientes fideles, qui pro suis sæcularibus causis nos rarò quærunt, & iudiciis nostris facillimè acquiescunt, nec nos conterunt litigando, sed obtemperando potius consolantur. Certè propter eos qui & inter se pertinaciter agunt, & quando bonos premunt, nostra iudicata contemnunt: faciuntque nobis perire tempora, rebus eroganda diuinis; certè inquam, propter istos, & nobis liceat exclamare, in hac voce corporis Christi: Declinate à me maligni, & scrutabor mandata Dei mei. *serm. 24. in Psalm. 118.*

Ob eiusmodi quotidianas molestias, alibi dicebat: Dominum Iesum in cuius nomine securus hæc ago, testem inuoco super animam meam, quoniam quantum attinet ad meum commodum, multò mallem per singulos dies, certis horis, quantum in bene moderatis monasteriis constitutum est, aliquid manibus operari, & certas horas habere ad legendum & orandum, aut aliquid de Diuinis litteris agendum, liberas; quàm tumultuosissimas perplexitates causarum alienarum pati de negotiis sæcularibus, vel iudicando dirimendis, vel interueniendo præcidendis quibus: nos molestiis idem affixit Apostolus, non utique suo, sed eius, qui in eo loquebatur arbitrio. *l. de op. Monach. cap. 29.*

§. II.

Causas audit, & dirimit.

Quid de his rebus prodat Possidius, audiamus. Nam postquam Apostoli Paulli sententiam retulisset, cuius vigore decretum est, ut si quis fidelium aduersus alterum negotium haberet, id potius decidi apud sanctos pateretur, quam apud iniquos: (ex qua deinde iudicandi potestas, ad Episcopos peruenit; *Bar. anno 57.*) subdit: Interpellatus Augustinus à Christianis, vel à cuiuscumque sectæ hominibus, causas audiebat diligenter ac pie: cuiusdam sententiam ante oculos habens, dicentis se malle inter incognitos, quam inter amicos causas audire: eo quod de incognitis, pro quo arbitrata equitate iudicaretur, amicum posset acquirere: de amicis verò vnum esset, contra quem sententia proferretur, perditurus.

Et eas aliquando usque ad horam refectiois, aliquando autem tota die ieiunans, semper tamen noscebat & dirimebat: intendens in eis Christianorum momenta animorum, quantum quisque vel in fide, bonisque operibus proficeret, vel ab iis deficeret. Atque compertis rerum opportunitatibus, diuinæ legis veritatem partes docebat, eamque illis inculcabat: & eos quo adipiscerentur vitam æternam, edocebat & admonebat: nihil aliud querens ab iis, quibus ob hoc vacabat, nisi tantum obedientiam & deuotionem Christianam, quæ & Deo debetur & hominibus: peccantes coram omnibus arguens, ut ceteri timorem haberent.

Et faciebat hoc, tamquam speculator à Domino constitutus Domui Israël: prædicans verbum, atque instans opportunè importunè: arguens, hortans, increpans, in omni longanimitate & doctrinâ: præcipueque operam dans instruere eos, qui essent idonei & alios docere. *Possid. l. 19.*

S. III.

Charitas Augustini erga suos.

Quantâ enim erga omnes, sed potissimum Hipponenses suos, charitate flagraret, nimis quàm manifestè patet, ubi ait: Quid autem volo? quid desidero? quare loquor? quare hic sedeo? quare vivo, nisi hac intentione ut Christo simul viamus? Cupiditas mea ista est, honor meus iste est, gloria mea hæc est, gaudium meum hoc est, possessio mea ista est. Sed si me non audieritis, & tamen ego non tacuero; animam meam liberabo: sed nolo saluus esse sine vobis. *homil. 28. inter 50. c. 2.* Quamobrem cum admonuisset populum suum, abstinere à lacerandis Dei seruis, quorum merces falsis detractionibus crescit, sed crescit etiam pœna detrahentibus; subiungit: Nolumus cum detrimento vestro magnam habere mercedem. Minus ibi habeamus, & tamen vobiscum ibi regnemus. *serm. 50. de diuers.*

Ad beatitudinem æternam omnes adducere, iam ab initio conversionis vnicum ipsius desiderium fuit, ideoque pridem dixerat: Domine Deus meus, intende orationi meæ, & misericordia tua exaudiat desiderium meum, quoniam non mihi soli æstuat, sed vsui vult esse fraternæ charitati: & vides in corde meo quia sic est, ut sacrificem tibi famulatum cogitationis & linguæ meæ, & da quod offeram tibi. *l. 11. Conf. c. 2.* Quò facit, quod adhuc altiùs ante hæc tempora dixerat Nebridius: Itane est, mi Augustine, fortitudinem ac tolerantiam negotiis ciuium præstas? Necdum tibi redditur illa exoptata cessatio? Quæso qui te tam bonum homines interpellant, credo nesciunt quid ames, quid concupiscas. Nullusne tibi est amicorum, qui eis amores referat tuos? Nec Romanianus, nec Lucinianus? me certè audiunt: ego clamabo, ego testabor, te Deum amare, illi seruire, atque inhærere cupere. *Epist. 114.* Id autem tum iudicauit perfectiùs fieri, si cum utilitate proximi esset coniunctum: aliòquin sibi soli vixisset in deserto loco, non & aliis: ut superiùs demonstrauius, *ex l. 10. Conf. c. 43.* Ceterum quis Lucinianus hic fuerit, fateor me ignorare: quamquam eum esse putem, cuius adhuc meminit *l. 2. cont. Academ. c. 3. & Epist. 116.*

Atque

Atque ob hanc indubiè causam, bonorum omnium profectibus & studiis fauens erat, & exultans: indisciplinationem piè ac sanctè tolerans fratrum, ingemiscensque super iniquitatibus malorum, siue illorum qui intra Ecclesiam, siue eorum qui extra Ecclesiam sunt constituti: Dominicis lucris semper gaudens, & damnis mœrens. *Posid. c. 18.*

Rogatus quoque à nonnullis, in eorum temporalibus causis Epistolæ ad diuersos dabat. Sed hanc suam à melioribus rebus occupationem, tamquam angariam deputabat, suauem semper habens de iis quæ Dei sunt, vel allocutionem, vel colloctionem fraternæ ac domesticæ familiaritatis. *Posid. c. 19.* Inter eiusmodi Epistolæ censerî possunt, *Epist. 215. 219. 228. 229. 230. 231. 235. 241. &c.*

S. IV.

Neque omnium causas suscipit: neque alicuius inuerecundè agit.

Sed neque interim promiscuè ac temerè suscipiebat in suam curam, alieni cuiuslibet negotij suffragium. Nouimus enim, inquit Possidius, à suis eum carissimis litterarum intercessum apud sæculi potestates postulatum, non dedisse: dicentem cuiusdam sapientis seruandam esse sententiam, de quo scriptum esset, quod multa suæ famæ contemplatione amicis non præstitisset. Et illud nihilominus suum addens: Quoniam plerumque potestas quæ præstat, premit.

Cum verò intercedendum esse, rogatus videbat; tam id honestè ac temperatè agebat, vt non solum onerosus ac molestus non videretur, verumetiam mirabilis existeret. Nam dum exortà necessitate, suo more apud quemdam Africæ Vicarium, nomine Macedonium, pro supplice litteris interuenisset, atque ille paruisset; hoc modo respondit: Miro modo afficior sapientiâ tuâ, & in illis quæ edidisti, & in iis quæ interueniens pro reis, mittere non grauaris. Nam & illa tantum habent acuminis, scientiæ, & sanctitatis, vt nihil supra sit: & hæc tantum verecundiæ, vt nisi faciam quod mandas, culpam penes

N n n

me

me remanere, non in negotio esse diiudicem, Domine meritò venerabilis, & suspiciende pater.

Non enim instas, quod plerique homines istius loci vi faciunt, ut quodcumque sollicitus petitor voluerit, extorqueas; sed quod tibi à iudice tot curis obstricto petibile visum fuerit, admones, & rogas subseruiente verecundiâ, quæ maxima difficilium inter bonos efficacia est. Proinde statim commendatis effectum desiderij tribui: nam sperandi viam, antè patefeceram. *Epist. 51. Poss. c. 20.*

S. V.

*Matrimonium & Militiam, numquam
aut rarò suadet.*

ET quamquàm beatum Ambrosium imitatus, tria hæc seruanda non tantummodò diceret, sed ipse quoque exactè seruaret: Ut Vxorem nulli vmquam posceret: ut militare volentem, militiæ ducibus haud commendaret: ut ne conuiuium adiret inuitatus in patria: redditâ singulorum causâ, cur sic agendum existimaret; *Possid. c. 27.* attamen vbi procurandæ salutis alicuius aut publici boni ratio poposcisset, dabat non inuitus in ea materia salubre consilium.

Sic puellam quandam Christianam, quæ tum in ea erat ætate, ut, si voluntatem nubendi haberet, nulli adhuc dari vel promitti deberet; Pagano adolescenti tradi non probat: *Epist. 233. & 234.*

Sic Bonifacium virum spectabilè, elatâ coniuge, omnes actus publicos, quibus tum occupatus erat, relinquere cupientem, & se in otium sanctum conferre, atque in ea vita viuere, in qua serui Dei Monachi viuunt; vnâ cum Alipio reuocauit à proposito, ostendendo quantum prodesset Christi Ecclesiis quod Bonifacius agebat, si eâ solâ intentione ageret, ut defensæ ab infestationibus barbarorum quietam & tranquillam vitam agerent, sicut dicit Apostolus, in omni pietate & castitate. Ipse autem ex hoc mundo nihil quæreret, nisi ea quæ necessaria essent huic vitæ sustentandæ, suæ ac suorum: accinctus balteo castissimæ continentiæ, & inter arma corporalia spiritualibus armis tutius fortiusque munitus. *Epist. 70.*

Bonifacium enim licitè militare posse, iam antè securum reddiderat,

rat, instruxeratque Augustinus, dum ait: Noli existimare neminem Deo placere posse, qui in armis bellicis militat. In his erat sanctus David, cui Dominus tam magnum perhibuit testimonium. In his etiam plurimi illius temporis iusti. In his erat & ille Centurio, qui Domino dixit, Non sum dignus, ut intres sub tectum meum, sed tantum dic verbo, & sanabitur puer meus. Nam & ego homo sum sub potestate constitutus, habens sub me milites, & dico huic vade & vadit, & alij veni & venit, & seruo meo fac hoc & facit. De quo & Dominus: Amen dico vobis, non inueni tantam fidem in Israël, &c.

Maiores quidem loci sunt apud Deum, qui omnibus istis secularibus actionibus derelictis, etiam summam continentiam castitatis ei seruiunt; sed unusquisque sicut Apostolus dicit, proprium donum habet à Deo, alius sic, alius autem sic. Alij ergo pro vobis orando, pugnant contra inuisibiles inimicos: vos pro eis pugnando, laboratis contra visibiles barbaros, &c.

Ornet mores tuos pudicitia coniugalis: ornet sobrietas & frugalitas. Valde enim turpe est, ut, quem non vincit homo, vincat libido: & obruatur vino, qui non vincitur ferro. Diuitiæ seculares si desunt, non per mala opera quærantur in mundo: si autem adsunt, per bona opera seruentur in celo. Animum virilem & Christianum nec debent, si accedunt, extollere: nec debent frangere, si recedunt, &c. *Epist. 205.*

Verumtamen ut fateamur quod res est, consilij istius Bonifacio dati, postea, visis euentis, pœnituit Augustinum, ut colligi potest *ead. Epist. 70.* ubi sic inter cetera: Si coniugem non haberes, dicerem tibi quod & Tubunis diximus, ut & in sanctitate continentiae viueres: adderem, quod tunc fieri prohibuimus, ut iam te ab istis rebus bellicis abstraheres, & ei vitæ vacares in societate Sanctorum, cui tunc vacare cupiebas, ubi in silentio pugnant milites Christi, non ut occidant homines, sed ut expugnent principes & potestates & spiritualia nequitiae, id est, diabolum & angelos eius, &c.

CAPVT XXII.

S. STEPHANI RELIQUIÆ
ET MIRACVLA.

S. I.

*Oratoria S. Stephano ab Augustino alijsq;
Episc. exstructa.*

Alatas ab Orosio in Africam S. Stephani Proto-martyris reliquias, præeuntibus Episcopis, populus Christianus summo opere veneratus est. Recondendis iis, Euodius in primis Vſali, Possidius Calamæ, Augustinus Hippone Oratoria siue Altaria excitarunt. *l. 22. de Ciuit. Dei c. 8.* Ea tum Memorix vocabantur: quod eorum opinor nomina quæ gerebant, æternitati consecrarent. Videri potest. *l. de Cura pro mort. c. 4.* Pluribus aliis locis, eadem Protomartyris religio propagata est: à Proiecto, ad Aquas Tibilitanas: à Lucillo, in Castello Synicensi: in agro etiam Andaritano: exstatque Augustini Epistola ad Quintianum, qua significat easdem reliquias, deferentibus Dei famulabus Gallâ & Simpliciolâ se mittere, vt pariter honorentur. *l. 22. de Ciuit. Dei c. 8. Epist. 103.*

Pietatem populi, magna repente Miraculorum multitudo subsecuta est: quæ tum Augustinus descripsit, tum iis libris continentur, qui de Miraculis S. Stephani, Euodij nomen præferunt, siue ab eo, siue, quod magis apparet, ad eum conscripti. *Append. Tom. 10.*

In horum aliquot recitandis, libet Augustini verbis vtî, ita scribentis: Quid faciam? Vrget huius operis implendi promissio: non hic possum omnia commemorare quæ scio: & proculdubio plerique nostrorum cum hæc legent, dolebunt me tam multa prætermisisse, quæ vtique mecum sciunt. Quos iam nunc vt ignoscant rogo: & cogitent

gigent quàm prolixi laboris sit facere, quod me hic non facere suscepti operis necessitas cogit. Si enim miracula sanitarum (vt alia taceam) ea tantummodò velim scribere, quæ per hunc Martyrem, id est, gloriosissimum Stephanum, facta sunt in coloniâ Calamentis, & in nostrâ; plurimi conficiendi sunt libri, nec tamen omnia colligi poterunt, sed tantum de quibus libelli dati sunt, qui recitarentur in populis. Id namque fieri voluimus, cum videremus antiquis similia diuinarum signa virtutum, etiam nostris temporibus frequentari, & ea non debere multorum notitiâ deperire. *l. 22. de Ciuit. Dei cap. 8.* Recitat interim nonnulla, quæ diuersis locis edita sunt.

§. II.

Miracula Vſali patrata.

ATque in primis Vſali, quæ colonia Vticæ vicina est, vbi Proto-martyri Stephano memoria ante alias omnes, ab Episcopo Euodio videtur erecta; cum multa præclara per eundem Martyrem facta essent, etli libellorum dandorum non fuisset ibi hætenus consuetudo, tum recenter Petronia clarissima femina, magno atque diuturno, in quo Medicorum adiutoria cuncta defecerant, languore, mirabiliter sanata erat: cuius rei Petronia, hortante Augustino ibi tunc præſente, ex voluntate Euodij, libellum qui in populo recitaretur, obedientissimè dedit.

In quo posuit etiam, quod non reticet Augustinus & sanationis miraculo attextitur. A quodam Iudæo dicebat sibi persuasum, vt annulum capillatio cingulo infereret, quo sub omni veste ad nuda corporis cingeretur: qui annulus haberet sub gemma lapidem, in renibus inuentum bonis. Hoc alligata quasi remedio, ad sancti Martyris limina veniebat. Sed profecta à Carthagine, cum in confinio fluminis Bagradæ, in sua possessione mansisset; surgens vt iter perageret, ante pedes suos illum iacentem annulum vidit: & capillatiam zonam quæ fuerat alligatus, mirata tentauit. Quam cum omninò suis nodis firmissimis, sicuti fuerat, comperisset adstrictam; crepuisse atque exsiliisse annulum suspicata est: qui etiam ipse cum integerrimus fuisset inuentus; futuræ salutis quodammodò pignus, de tanto miraculo se

accepisse præsumsit : atque illud vinculum soluens, simul cum eodem annulo proiecit in flumen. *eod. l. & c.* Plura Vſali patrata, videri poſſunt *ll. de Mirac. S. Stephani*, quos paullo antè citauimus.

§. III.

Miracula Calamæ patrata.

Calamæ, vbi & ipſa memoria priùs quàm Hippone eſſe cœpit, crebriùs tum dabantur Miraculorum libelli, & incredibili multitudine Hipponenſes ſuperabant.

Eucharius Presbyter ex Hiſpania, Calamæ habitans, veteri morbo calculi laborabat : per memoriam ſupradicti Martyris, quam Poſſidius illò aduexit Episcopus, ſaluus factus eſt.

Fuit ibi vir in ordine ſuo primarius, nomine Martialis, æuo iam grauis, & multum à religione abhorrens Chriſtianâ. Habebat ſanè fidelem filiam, & generum eodem anno baptizatum. Qui cùm eum ægrotantem multis & magnis precibus & lacrymis rogarent, vt Chriſtianus fieret, prorsus abnuït, eoſque à ſe turbida indignatione ſubmouit. Viſum eſt genero eius, vt iret ad memoriam S. Stephani, & illic pro eo quantum poſſet, oraret, vt Deus illi daret mentem bonam, quâ credere non differret in Chriſtum. Fecit hoc ingenti gemitu & fletu, & ſinceriter ardente pietatis affectu. Deinde abcedens, aliquid de altari ſorum quod occurrit, tulit, eiſque cùm iam nox eſſet, ad caput poſuit. Tunc dormitum eſt : & ecce ante diluculum clamat, vt ad Episcopum curreretur, qui tum fortè erat apud Hipponem. Cùm ergo audiſſet eum abſentem; venire Presbyteros poſtulauit. Venerunt, & ſtatim ſe credere dixit. Admirantibus atque gaudentibus omnibus baptizatus eſt. Hic, quamdiu vixit, in ore habebat : Chriſte accipe Spiritum meum : cum hæc verba beatiffimi Stephani, quando lapidatus eſt à Iudæis, vltima fuiſſe nesciret, quæ huic quoque vltima fuerunt. Nam non multò poſt etiam ipſe deſunctus eſt.

Sanati ſunt illic per eundem Martyrem etiam Podagrici duo, vnus ciuis, peregrinus vnus. Sed ciuis omnimodò : peregrinus autem per reuelationem, quid adhiberet quando doleret, audiuit : & cùm hoc fecerit, dolor continuo conquieſcit. *l. 22. de Ciuit. Dei. c. 8.*

§. IV.

§. I V.

Miracula Hippone patrata.

Cumque hæc scriberet Augustinus, nondum biennium erat, ex quo apud Hipponem Regium cœperat esse S. Stephani memoria: & multis, quod certissimum erat, non datis libellis, de iis quæ mirabiliter erant facta; illi ipsi qui tum dati erant, ad septuaginta ferme numerum peruenerant. videri potest *serm. 29. 30. & 31. de diuers.* præterquam *l. 22. de Crut. Dei c. 8.* quem cum circa vitæ suæ finem perfecit, ut alibi diximus, colligi potest quantillo tempore pro tanto miraculorum numero, S. Stephani memoria apud Hipponenses fuerit.

Igitur apud Hipponem, Bassus quidam Syrus, ad memoriam eiusdem Martyris orabat pro ægrotante & periclitante filia, eoque secum vestem eius detulerat: cum ecce pueri de domo cucurrerunt, qui ei mortuam nuntiarent. Sed cum orante illo, ab amicis eius exciperentur; prohibuerunt eos illi dicere, ne per publicum plangeret. Qui cum domum redisset iam suorum eiulatibus personantem, & vestem filia quam ferebat, super eam proiecisset; reddita est vita.

Rursus ibidem apud nos Irenæi, cuiusdam collectarij, filius, ægritudine extinctus est. Cumque corpus iaceret exanime, atque à gementibus & plangentibus exequiæ pararentur; amicorum eius quidam inter aliorum consolantium verba suggessit, vt eiusdem Martyris oleo corpus perungeretur. Factum est: & reuixit.

Itemque apud nos vir Tribunitius Eleusinus, super memoriam Martyris, quæ in suburbano eius est, ægritudine exanimatum posuit infantulum filium suum: & post orationem quam cum multis lacrymis ibi fudit, viventem leuauit.

Denique vnum est, quod apud nos factum, non maius quam illa quæ dixi, sed tam clarum atque illustre Miraculum, vt nullum arbitrer esse Hipponensium, qui hoc non vel viderit, vel didicerit: nulum qui obliuisci vllâ ratione potuerit. Decem quidam fratres, quorum septem sunt mares, tres feminae, de Cæsarea Cappadociæ, suorum ciuium non ignobiles, maledicto Matris (recenti Patris eorum obitu

obitu destitutæ) quæ iniuriam sibi ab eis factam acerbissimè tulit, tali pœnâ sunt diuinitus coërciti, vt horribiliter quaterentur omnes tremore membrorum. In qua fœdissima specie, oculos suorum ciuium non ferentes, quaquauersum, cui ire visum est, toto pœnè vagabantur orbe Romano.

Ex his etiam ad nos venerunt duo, frater & soror, Paullus & Palladia, multis aliis locis miserâ diffamante iam cogniti. Venerunt autem ante Pascha fermè dies quindecim: Ecclesiam quotidie, & in ea memoriam gloriosissimi Stephani frequentabant: orantes vt iam sibi placaretur Deus, & salutem pristinam redderet. Et illic, & quacumque ibant, conuertebant in se Ciuitatis aspectum. Et nonnulli qui eos alibi viderant, causamque tremoris eorum nouerant, aliis, vt cuique poterant indicabant.

Venit & Pascha: atque ipso die Dominico manè, cùm iam frequens populus præsens esset, & loci sancti cancellos, vbi Martyrium erat, idem iuuenis orans teneret; repentè prostratus est, & dormienti simillimus iacuit: non tamen tremens, sicut etiam per somnium solebat. Stupentibus qui aderant, atque aliis pauentibus, aliis dolentibus, cum eum quidam vellent erigere, nonnulli prohibuerunt, sed potiùs exitum expectandum esse dixerunt. Et ecce surrexit, & non tremebat, quoniam sanatus erat: stabat incolumis, intuens intuentes. Quis ergo intuentium se tenuit à laudibus Dei? Clamantium, gratulantiumque vocibus Ecclesia vsquequaque completa est.

Indead me curritur vbi sedebam iam processurus: irruit alter quisque post alterum: omnis posterior, quasi nouum, quod alius prior dixerat nuntiantes. Meque gaudente, & apud me gratias Deo agente, ingreditur etiam ipse cum pluribus: inclinatur ad genua mea, erigitur ad osculum meum. Procedimus ad populū: plena erat Ecclesia: personabat vocibus gaudiorum: Deo gratias, Deo laudes, nemine tacente, hinc atque hinc clamantium. Salutaui populum, & rursus eadem feruentiore voce clamabat. Facto tandem silentio, Scripturarum Diuinarum sunt lecta solemnia. Vbi autem ventum est ad mei sermonis locum, dixi pauca pro tempore, & pro illius iucunditate latitiæ. Magis enim eos in opere diuino quandam Dei eloquentiam, non audire, sed considerare permisi. Nobiscum homo prandit, & diligenter nobis omnem suæ ac maternæ fraternæque calamitatis indicauit historiam. Sequenti itaque die post Sermonem redditum,

tum, narrationis eius libellum in crastinum populo recitandum promisi: *l. 22. de Ciuit. Dei c. 8.* Exstat hic Paulli libellus, post Sermone[m] 31. de diuers.

Quod cum ex Dominico Pascha die tertio fieret in gradibus exedrae, in qua de superiore loquebar loco; feci stare ambos fratres, cum eorum legeretur libellus. Intuebatur populus vniuersus sexus vtriusque, vnum stantem sine deformi motu: alteram membris omnibus contremementem. Et qui ipsum non viderant, quid in eo diuinæ misericordiæ factum esset, in eius furore cernebant. Videbant enim quid in eo gratulandum, quid pro illa esset orandum.

Inter hæc recitato eorum libello, de conspectu populi abire eos præcepi: & de tota ipsa causâ, aliquantò diligentius cœperam disputare: cum ecce me disputante, voces aliæ de memoria Martyris, nouæ gratulationis audiuntur. Conuersi sunt eo qui me audiebant, cœperuntque concurrere. Illa enim ubi de gradibus descendit in quibus steterat; ad sanctum Martyrem orare perrexerat. Quæ mox ut cancellos attigit; collapsa similiter velut in somnum, sana surrexit. Videri potest etiam *sermo 33. de diuers.*

Dum ergo requireremus quid factum fuerit, vnde iste strepitus lætus extiterit; ingressi sunt cum illa in Basilicam ubi eramus, adducentes eam sanam de Martyris loco. Tum verò tantus ab utroque sexu admirationis clamor exortus est, ut vox continuata cum lacrymis, non videretur posse finire. Perducta est ad eum locum, ubi paullo antè steterat tremens. Exultabant eam similem fratri factam, cui doluerant remansisse dissimilem. Et nondum fusas preces suas pro illa; iam tamen præuiam voluntatem, tam citò exauditam esse cernebant. Exultabant in Dei laudem voces sine verbis, tanto sonitu, quantum aures nostræ ferre vix possent. Quid erat in cordibus exultantium, nisi fides Christi, pro quâ Stephani sanguis effusus est? *l. 22. de Ciuit. Dei c. 8.* Quæ aliis locis patrata sunt, refert ibidem.

§. V.

Miracula alibi patrata.

I. **A**NDURI. Andurus, nomen est fundi, vbi Ecclesia est, & in eâ memoria Stephani Martyris. Puerum quendam parvulum, cum in area luderet, exorbitantes boues qui vehiculum trahabant, rotâ obtriuierant, & confestim palpitauit exspirans. Hunc mater arreptum, ad eandem memoriam posuit: & non solùm reuixit, verumetiam illæsus apparuit.

Sanctimonialis quædam in vicina possessione, quæ Caspaliana dicitur, cùm agritudine laboraret ac desperaretur; ad eandem memoriam tunica eius allata est: quæ antequam reuocaretur, illa defuncta est. Hâc tamen tunicâ operuerunt cadauer parentes, & recepto spiritu, salua facta est.

II. **AQVIS TIBILITANIS.** Hîc Episcopo afferente Proiecto reliquias Martyris gloriosissimi Stephani, ad eius memoriam veniebat magnæ multitudinis concursus & occurfus. Ibi cæca mulier, vt ad Episcopum portantem pignora sacra duceretur, orauit: flores quos ferebat dedit, recepit, oculis admouit, protenus vidit. Stupentibus qui aderant præibat exultans, viam carpens, & viæ ducem vlteriùs non requirens.

III. **PAGO SYNICENSI.** Memorati memoriam Martyris, quæ posita est in Castello Synicensi, quod Hipponensi Colonia vicinum est, eiusdem loci Lucillus Episcopus, populo præcedente atque sequente, portabat: fistula, cuius molestiâ iam diu laborauerat, & familiarissimi sui medici qui eam secaret, opperiebatur manus; illius piæ sarcinæ vectatione repente sanata est. Nam deinceps eam in suo corpore non inuenit. l. 22. de Ciuit. Dei. c. 8.

Et quandoquidem occupatus ibi est enarrandis Miraculis, quæ vt mundus in Christum crederet, facta sunt, & fieri mundo credente non desinunt; plura alia recitat quæ nos præterimus: qui tantummodò hæc deligenda putauimus, ad panegyricum Reliquiarum S. Stephani ab Orosio allatarum.

§. VI.

§. VI.

Quid de Miraculis senserit Augustinus.

Sed neque isto tantummodo libro meminit talium operum, ast scripius alibi: l. 9. Conf. c. 7. l. de Unit. Eccl. c. 19. ut non de nihilo limitandum putarit & declarandum, quod libro de Vera Religione, iam olim conscripto, dixerat his verbis, c. 25. *Nec Miracula illa in nostra tempora durare permitta sunt, ne anima semper visibilia quæres: & eorum consuetudine frigeret genus humanum, quorum nouitate flagrauit.* Cum verum id quidem esse asserat: (non enim nunc vsque cum manus imponitur baptizatis, sic accipiunt Spiritum sanctum, ut loquantur linguis omnium gentium: aut nunc vsque ad umbram transcuntium predicatorum Christi, sanantur infirmi: & si qua talia tunc facta sent, quæ postea cessasse manifestum est) sed non sic tamen accipiendum est quod dixit, ut nunc in Christi nomine fieri Miracula nulla credantur. Nam & ego ipse, inquit, quando istum ipsum librum scripsi, ad Mediolanensium corpora Martyrum, in eadem ciuitate cæcum illuminatum fuisse iam noueram: & alia nonnulla, qualia tam multa etiam istis temporibus fiunt, ut nec omnia cognoscere, nec ea quæ cognoscimus enumerare possimus. libro 1. Retract. cap. 13.

Referri namque huc potest, quod eo tum tempore siue in more siue in religione positum erat, ut, si quis criminis accusatus, non adeo plene conuinceretur, ut posset damnari; neque probaretur iustus, ut absolui: mitti consueuisse huiusmodi tum reum, tum actorem, ad sepulchra sanctorum Martyrum, quæ per id tempus Miraculis clarebant: præstito ibidem iuramento, ius suum aut innocentiam palam edituros. Id enim Augustinus ipse fieri iussit in causâ tum perplexâ, neque satis ad excutiendum liberâ, quæ continetur Epist. 137. meminitque ibidem similis Mediolani consuetudinis.

S. VII.

*Aliquot Historia memorabiles, ex Augustino
desumptæ.*

Sed & profert exempla nonnumquam, quæ vicem supplere miraculi possunt, sui raritate atque excellentiâ. Nos è multis paucula eius verbis adducemus.

PRIMA. Dicam quid fecerit pauperrimus homo, nobis apud Mediolanum constitutis: tam pauper, vt proscholos esset Grammatici, sed planè Christianus: quamuis ille esset Paganus Grammaticus, melior ad velum quàm ad Cathedram. Inuenit sacculum, nisi fortè me numerus fallit, cum solidis fermè ducentis. Memor legis, proposuit pittacium publicè: reddendum enim sciebat, sed cui redderet ignorabat. Proposuit pittacium publicè: Qui solidos perdidit, veniat ad locum illum: & quærat hominem illum. Ille qui plangens circumquaque vagabatur, inuento & lecto pittacio venit ad hominem: & ne fortè quæreret alienum, quæsiuit signa, interrogauit sacculi qualitatem, sigillum, solidorum etiam numerum. Et cum omnia illi fideliter respondisset; reddidit quod inuenerat. Ille autem repletus gaudio & quærens vicem rependere, tamquam decimas obtulit solidos viginti: qui noluit accipere. Obtulit vel decem: noluit accipere. Saltem rogauit vel quinque acciperet: noluit ille. Stomachabundus homo proiecit sacculum: nihil perdidit, ait. Si non vis aliquid à me accipere, nec ego aliquid perdidit. Quale certamen, fratres mei, quale certamen! qualis pugna, qualis conflictus! theatrum mundus, spectator Deus. Victus tandem ille, quod offerebatur accepit. Continuò totum pauperibus erogauit: vnum solidum in domum suam non dimisit. *Serm. 19. de verb. Apost. c. 7.*

II. Vtrum quod ait Apostolus, *Mulier non habet potestatem sui corporis, sed vir; similiter & vir non habet potestatem sui corporis, sed mulier;* possit in tantum valere, vt permittente vxore quæ maritalis corporis potestatem habet, possit vir cum alterâ, quæ nec aliena vxor sit, nec à viro disiuncta, concumbere? Sed non ita est existimandum, ne hoc etiam

etiam femina, viro permittente facere posse videatur, quod omnium sensus excludit.

Quamquam nonnullæ causæ possint existere, vbi & vxor mariti consensu, pro ipso marito hoc facere debere videatur: sicut Antiochiæ factum esse perhibetur, ante quinquaginta ferme annos, Constantij temporibus. Nam Acindinus tunc Præfectus, qui etiam Consul fuit, cum quemdam libræ auri debitorem fisci exigeret, nescio unde commotus (quod plerumque in istis potestatibus perniciosum est, quibus quod libet licet, aut potius putatur licere) comminatus est iurans & vehementer affirmans, quod si certo die quem constituerat, memoratum aurum non exsolueret, occideretur.

Itaque cum ille teneretur immani custodiâ, nec se posset debito illo expedire; dies metuendus imminere & propinquare cepit. Et forte habebat vxorem pulcherrimam, sed nullius pecuniæ, quâ subuenire posset viro. Cuius mulieris pulchritudine cum quidam diues esset accensus, & cognouisset maritum eius in illo discrimine constitutum; misit ad eam, pollicens pro vna nocte, si ei misceri vellet, se auri libram daturum.

Tum illa, quæ se sciret non habere sui corporis potestatem, sed virum suum; pertulit ad eam, dicens, paratam se esse pro marito id facere, si tamen ipse coniugalis corporis Dominus, cui tota illa castitas deberetur, tamquam de re suâ vellet id fieri. Egit ille gratias, & vt fieret imperauit: nullo modo iudicans adulterinum esse concubitum, quod & libido nulla, & magna mariti charitas, se volente & iubente, flagitaret.

Venit mulier ad villam illius diuitis: fecit quod voluit impudicus: sed illa corpus non nisi marito dedit, non concumbere, vt solet, sed viuere cupienti. Accepit aurum. Sed ille qui dedit, fraude subtraxit quod dederat: & posuit simile ligamentum cum terra. Quod vbi mulier iam domi posita, inuenit; prosluit in publicum, eadem mariti charitate clamatura quod fecerat, quâ facere coacta est: Interpellat Præfectum: fatetur omnia: quam fraudem passa esset, ostendit.

Tum verò Præfectus primò se reum, quod suis minis ad id ventum esset, pronuntiat: tamquam in alium sententiam diceret, de Acindini bonis auri libram fisco inferendam: illam verò mulierem, Dominam in eam terram, vnde pro auro terram accepisset, induci.

O o o 3

Nihil

Nihil hîc in alteram partem disputo: liceat cuique aestimare quod velit. Non enim de diuinis auctoritatibus deprompta historia est: sed tamen narrato hoc factò, non ita respuit hoc sensus humanus, quod in illa muliere, viro iubente commissum est; quemadmodum antea, cùm sine vllò exemplo res ita poneretur, horruimus. *l. 1. de ferm. Dom. in Mont. c. 16.*

III. Pro certo, cùm Mediolani essemus, audiuius, quod cùm debitum repeteretur à quodam, defuncti patris cautione prolatâ, quod filio nesciente, à patre iam fuerat persolutum: contristari homo grauissimè cœpit atque mirari, quòd ei pater moriens non dixerit quid deberet, cùm fecisset etiam testamentum.

Tunc ei nimis anxio apparuit idem pater in somnis, & vbi esset repositum, quo illa cautio vacuata fuerat, indicauit. Quo inuento iuuenis atque monstrato, non solum falsi debiti calumniam propulsauit, sed etiam paternum recepit chirographum, quod pater non receperat quando est persoluta pecunia.

Hîc itaque putatur anima hominis curam gessisse pro filio, & ad eum venisse dormientem: vt docens quod ignorabat, à magnâ eum molestiâ liberaret. *l. de cur. mort. ag. c. 16.*

IV. Quartum est, quo monet hortaturque Christianos, vt pro eis qui grassante bellorum tumultu, ab hostibus aut barbaris in captiuitatem abducuntur, ac potissimum sanctis, non cessent ingemiscere ad Deum, & quærere quantum possunt, quantumque Deus permittit, quid de illis sit factum, vel quæ possint accipere solatia?

Nam Sitifensis ante paucos annos, Scueri Episcopi neptis sanctimonialis, à barbaris ducta est, & per mirabilem Dei misericordiam, cum honore magno suis parentibus restituta est. Domus enim illa barbarorum, vbi captiua ingressa est; subitâ cœpit dominorum infirmitate iactari: ita vt omnes ipsi barbari, tres nisi fallor, vel amplius, fratres, periculosissima infirmitate laborarent.

Quorum mater animaduertit puellam Deo deditam, & credidit quòd eius orationibus, sui filij possent ab imminentis iam mortis periculo liberari. Petiuit vt oraret pro eis: pollicens, quòd si salui facti essent, eam suis parentibus redderent.

Ieiunauit illa & orauit, & exaudita continuò est. Ad hoc enim factum erat, quantum exitus docuit. Ita illi tam repentino Dei beneficio salute perceptâ, mirantes eam & honorantes, quod eorum mater promiserat implerunt. *Epist. 122.*

V. De-

V. Denique vt ostendat non rectè existimari Saram, ideo ab Abimelecho corruptam, quoniam somnio est ab eius commixtione prohibitus: quasi nonnisi post concubitum dormire potuisset, (de qua re videri etiam potest *quest. 26. in Gen.*) dicam, inquit, quod factum est in Mauritania Sitipheni: neque enim Deus sanctorum, non est ipse etiam nunc Deus.

Viduam in proposito continentiae constitutam, Celtichius quidam Catechumenus, iuuenis rapuit, vt haberet vxorem. Antequam concumberet pressus somno, & territus somnio, Sitipheni Episcopo eandem vehementissimè requirenti, reuocauit intactam. Viuunt adhuc de vebementissimè requirenti, reuocauit intactam. Viuunt adhuc de quibus loquor. Ille baptizatus, & ipso in se facto miraculo conuersus ad Dominum, ad Episcopatum mirabili probitate peruenit: illa, in sancta viduitate persistit. *l. de octo Dulci. quest. q. 7.* Hisce contentus, pluribus supersedeo.

§. VIII.

*Vsus panis Eulogiae Augustino alijsq; probatus,
& frequentatus.*

NOlo tamen omittere vel in transitu dicere, quod affectum charitatis inflamat, frequentatum fuisse iam olim ab Augustino morem, mittendi ad absentes, & vicissim recipiendi Eulogias, siue Panem benedictum. Etenim Paullinus Nolanus Episcopus, & Augustinus Alipiusque, ex Africà in Campaniam, & ex Campanià in Africam, Eulogias sibi transmiserunt.

Et quidem Paullinus: Panem vnum, quem vnanimittatis indicio misimus charitati tuae; rogamus accipiendo benedicas. *Epist. 31.* Et Augustinus ad Paullinum: Panem quem misimus, vberior benedictio fiet dilectione accipientis vestrae benignitatis. *Epist. 34.* Rursus Paullinus ad Alipium: Panem vnum sanctitati tuae, Vnitatis gratia, misimus, in quo etiam Trinitatis soliditas continetur. Hunc Panem, Eulogiam esse tu facies, dignatione sumendi. *Epist. 35.* Idem ad Romanianum: Ne vacuum fraternae humanitatis officium videretur, de buccellato (*Biscocto* vulgo) Christianae expeditionis, in cuius pro-

cinctu

cinctu quotidie ad fragilitatis annonam militamus; Panes quinque tibi, pariter & filio nostro Licentio misimus: non enim potuimus à benedictione secernere, quem cupimus eadem nobis gratiâ penitus annectere. *Epist. 36.*

Ceterum Eulogiæ, seu Panis benedicti, in quem nunc occasione rerum variarum & miraculorum incidimus, ipse quoque, Augustinus alibi meminit, dum ait: Non vniusmodi est sanctificatio. Nam & Catechumenos, secundum quemdam modum suum, per signum Christi & orationem manûs impositionis puto sanctificari: &, quod accipiunt, quamuis non sit Corpus Christi, sanctum est tamen, & sanctius quam cibi quibus alimur: quoniam sacramentum est. *l. 2. de Pecc. mer. & rem. cap. 26.*

CAPUT XXIII.

DAMNATI PELAGIVS ET CELESTIVS,
PRÆSIDIVM A FRAVDIBVS QVÆRVNT.

S. I.

*Augustini Epistola ad Paullinum: & ad
Aurelium de Gestis Palæstinis liber.*

Anno
417.

ET quoniam ad Paullinum Episcopum lapsa nunc oratio est; Innocentio Pontifice ad meliorem vitam translato (quod contigit Anno quadringentesimo decimosextimo, quinto Kal. Augusti) scripsisse videtur eam Paullino Epistolam Augustinus, quæ est ordine Centesima sexta: in qua contra Pelagium luculentè demonstrat, Gratiâ non secundum merita nostra dari, quæ ipsa sunt Dei dona gratuita, sed solâ Dei misericordiâ: eâque fieri, ut paruulus vnus Baptismo regeneretur, alius relinquatur in massâ perditionis: inscrutabili quidem, sed iusto Dei iudicio.

Sic

Sic enim ostenditur, quid vasis misericordiae per non debitam, sed veram gratiam, hoc est gratuitam, conferatur. Nam cum per liberum arbitrium primi hominis, in condemnationem vniuersa massa deflueret; proculdubio, quod ex ea fiant vasa in honorem, non ipsius iustitiae, quae gratiam nulla praecessit; sed Dei misericordiae: quod verò in contumeliam; non iniquitati Dei, quae absit ut sit apud Deum, sed iudicio deputandum est.

In eadem enumerat, quidquid in nuperâ Palæstinâ Synodo Pelagio est obiectum: de qua is damnatus exisset, nisi, quae obscurare non potuit, ipse damnalet. Ex quibus colligitur Acta Synodi Palæstinae, quae pridem summo opere Augustinus desiderauerat, iam tum fuisse assecutum: ut perinde exacte doceat quid Pelagium fateri necesse sit, ut cum Catholica Ecclesia in primis, & Episcopalis illius auctoritate iudicij consentiat. *Epist. 106.*

Cum ergo, uti iam diximus, in Augustini manus, Concilij Palæstini quatuordecim Episcoporum gesta venissent; scripsit de his librum: ne Pelagio veluti absoluto, eadem quoque dogmata putarentur iudices approbasse, quae ille nisi damnalet, nullo modo ab eis, nisi damnatus, exisset. *l. 2. Retract. c. 47.*

Librum hunc Aurelio Carthagenensi Episcopo inscripsit: *l. de pecc. Orig. c. 14.* qui tametsi nuncupari vulgo soleat, De Gestis Pelagij; aptius tamen inscribitur, De Gestis Palæstinis, ut ipse Augustinus loco citato nominat: è quo corrigendus Possidij descriptor, Indiculi c. 4. ubi habet: Contra Gesta Pelagij.

§. II.

Celestius Romam venit, ut se purget.

Pelagius interea & Celestius nihil non agebant, ut ybique Catholici haberentur. Et hic quidem iam in Asia, uti diximus, Presbyter factus, Romam venit, ubi Innocentio Zozyms successerat. Ibi tum Celestius non tam de Concilij Carthagenensis contra se iudicio (à quo ante quinquennium damnatus prouocauerat) quam nouissimo Innocentij, querebatur. Nempe:

P P P

In

In eo omnia, Herote & Lazaro auctoribus, calidè peracta. Nul-
lum sibi de quibus accusabatur, vñquam fuisse cum prædictis sermo-
nem: neque antequàm de se scriberent visu fuisse compertos. Laza-
rum iam in transitu cognitum: Herotem verò etiam satisfactione in-
terpositâ, quòd secùs de ignoto & absente sensisset, à se cum gratia
recessisse.

Quibus perinde Zozyms acceptis, licet maioribus vinculis Ec-
clesiasticorum, vt ait, negotiorum distraheretur, ne diutiùs tamen
caussæ Celestij expectatio pendèret; posthabitis omnibus, in Basilica
S. Clementis cognitione habitâ, omnia quæ priùs fuerant Acta
discussit.

Et primùm intromisso Celestio, libellum, quem is obtulerat, fecit
recitari. Huius libelli exstant tantummodò quædam fragmenta,
apud Augustinum: *l. de pecc. Orig. c. 5.* in quibus licet manifestè ne-
garet peccatum Originale; ne propterea tamen haberetur hæreticus,
sic fuerat præfatus: Si fortè vt hominibus quispiam ignorantia er-
ror obrepserit, vestrà sententiâ corrigatur. *eod. l. c. 6.*

Quam eius prælocutionem tenens Venerabilis Papa Zozyms, egit
cum homine, quem falsæ doctrinæ ventus inflauerat, vt ea, quæ illi
à Paullino Diacono fuerant obiecta, damnet: atque vt Sedis Apo-
stolicæ litteris, quæ à sanctæ memoriæ suo præcessore manauerant,
præberet assensum. *eod. l. c. 7.* Erant obiecta Paullini, propter quæ
in iudicio Episcopali, habito Carthagine anno post Collationem
cum Donatistis (vbi non interfuit Augustinus) excommunicatio-
nem Celestius meruerat: quæque quadriennio post in Carthaginensi
item Synodo recensita, causam Innocentio dederant vt eum dam-
naret.

Is Paullinus, fuit Mediolanensis Ecclesiæ quondam Lector: qui
à Venerio Simpliciani in cathedrâ Episcopali successore in Africam
destinatus, vt deficientis ibi Cleri numerum augeret, Carthagine a-
pud Fortunatum Diaconum confedit, & rogatu Augustini, Ambro-
sij Episcopi vitam conscripsit, vt ipsemet in ea testatur. ac primus do-
ctrinæ sagacitate, Celestiani erroris toxicum odoratus, hominem
apud Episcoporum tribunal accusatum Carthagine atque conui-
ctum, anathematis sententiâ feriri procurauit. *Baron. Anno 401.*

Porrò iam Celestius, cum Originale peccatum, de quo antea Car-
thagine dubitauerat, in libello suo apertè destrueret; vt videri po-
test

test *l. de Pecc. Orig. c. 6.* idcirco Innocentij litteris, Anni quadringentesimi decimi septimi initio datis ad Patres Synodi Carthaginensis & Milevitanæ, urgebatur assentire. Quid sit? Noluit Celestius Paulini Diaconi obiecta damnare: sed, cum beati Papæ Innocentij litteris non esset ausus obistere, *se omnia quæ Sedes illa damnalet, damnaturum esse* promisit. *cod. l. 6. c. videri etiam potest l. 2. ad Bonif. c. 3.*

§. III.

*Audit Celestium Zozymus Papa: & in
Africam scribit.*

OB hoc Zozymus, plus in Celestium potuisse calumniam, quàm innocentiam ratus; quæcumque gesserat, Africanis Episcopis per litteras transfudit: eademque illos operâ non perfunctoriè perstrinxit, quod aures tam faciles Heroti & Lazaro, factiosis hominibus, præouissent: qui nimirum contra fas in Gallia sibi sacerdotia vindicassent, vnde porro fuerant, non secus atque communione, submoti. Subiungit: ut intra secundum mensem, aut veniant qui præsentem redarguant aliter sentire quàm libellis & confessione contextuit; aut nihil, post hæc tam aperta & manifesta quæ protulit, dubij, Sanctitas vestra resedisse cognoscat. Ita Zozymus in Epistola ad Episcopos Africæ. Denique Paulinum Diaconum adesse iubet: quem iuga sibi consuluisse, fama per Celestium sparsa vulgauerat.

Ut verò ex his appareat, clementer admodum & leniter cum Celestio Zozymum egisse; à vinculis tamen Excommunicationis, inquit Augustinus, nondum est creditus esse solvendus: sed interpolito duorum mensium tempore, donec rescriberetur ex Africa, resipiscendi locus sub quâdam medicinali sententiæ lenitate, concessus est. Quoniam reuera, si, depositâ peruicaciæ vanitate, quod promiserat vellet attendere, & eisdem litteras, quibus se consensurum esse responderat, diligenter legeret; sanaretur, *l. de pecc. Orig. c. 7.*

§. IV.

Pelagius absens se purgare satagit.

IAm & ipse Pelagius, in Synodo Palæstina absolutus, cū percipisset quid contra se in Africa gereretur; quoad potuit conatus est, ut quemadmodum Palæstinos iudices præsentes, ita & Innocentium falleret absentem: sicque vtriusque Concilij Africani vim eluderet, quam sciebat ab Innocentij supremo solio pendere. Optimum itaque consilium existimavit, congerronis Celestij astutiam imitari: imò superare astu maiore.

Romam litteras suas mittere satis arbitratus, personam Orienti referuavit: unde vniuerso orbi doctrinæ lucem, qui tunc in Palestinam frequens aduentabat, veluti phosphorus aliquis radiaret. Adiunxit & libellum fidei, non minori, quàm fuerant eius Litteræ, fraude confutum: ex quo perinde ater an albus fuerit, haud facile queas dignoscere. Hunc Librum cum Litteris præfatis ad Innocentium Pontificem destinavit; quem cum in corpore non inueniret, sancto Papæ Zozymo datus est. *l. de pecc. Orig. c. 17 & 21.*

Vt verò hic fidei libellus exstet (quem impostores nonnulli fecerunt Epistolam decimamseptimam Hieronymi, sub titulo: Symboli Explicatio ad Damasum: immò quod magis admireris, capite calceque immutatis, sermonem Augustini centesimum nonagesimum primum de Tempore) ita Litteræ vel interierunt, vel alicubi etiamnum latent. Licet tamen ex fragmentis, quæ producuntur ab Augustino, sensum earum quadamtenus eruere.

§. V.

Litterarum Pelagij fragmenta.

„**S**Vnt, inquit Pelagius, de quibus me homines infamare conantur:
 „Svnum, quòd negem paruulis Baptismi Sacramentum: & absque redem-

redemptione Christi, aliquibus regna celorum promittam. *l. de grat. Christi c. 30.* Numquam verò vel impium aliquem hæreticum audiui, qui hoc de paruulis diceret. Quis enim ita Euangelicæ lectionis ignarus est, qui hoc non modò affirmare conetur, sed qui vel leuiter dicere, aut etiam sentire possit? Deinde quis tam impius, qui paruulos exhortes regni celorum esse velit, dum eos baptizari, & in Christo renasci putat? Scripturâ dicente: *Nisi quis renatus fuerit ex aqua & Spiritu sancto, non potest introire in regnum Dei.* Quis ille tam impius, qui cuiuslibet ætatis paruulo interdicat communem humani generis redemptionem, & in perpetuam certamque vitam renasci vetet eum, qui natus est ad incertam? *l. de pecc. Orig. c. 18.*

Aliud est: Quòd ita dicam posse hominem vitare peccatum, vt Dei excludam auxilium: & in tantum libero confidam arbitrio, vt gratiæ repadiem adiutorium. *l. de Grat. Christi c. 30.* Hic interpositis inuidiosis contra suos inimicos querelis, ita loquitur: Ecce ad beatitudinem tuam Epistola ista me purget, in qua purè atque simpliciter, ad peccandum & ad non peccandum, integrum liberum arbitrium habere nos dicimus, quòd in omnibus bonis operibus diuino semper adiuuatur auxilio. *cod. l. c. 31.*

Hic cum quædam de hominis conditione, & ad peccandum & non peccandum naturali eius potestate interposuisset, adiunxit: Quam liberi arbitrij potestatem dicimus in omnibus esse generaliter, in Christianis, Iudæis, atque Gentilibus. In omnibus est liberum arbitrium æqualiter per naturam: sed in solis Christianis iuuatur à gratiâ. In illis nudû & inerme est conditionis bonum; in his verò quæ ad Christum pertinent, Christi munitur auxilio. Illi ideo iudicandi atque damnandi sunt, quia cùm habeant liberum arbitrium, per quod ad fidem venire possent, & Dei gratiam promereri; malè vtuntur libertate concessâ: hi verò remunerandi sunt, qui bene libero vtentes arbitrio, merentur Domini gratiam, & eius mandata custodiunt *cod. l. c. 6.*

Deinde cum ad librum fidei suæ, iussisset transire Lectorem; de aliis Opusculis sic subiungit: Legant illam Epistolam, quam ad sanctum virum Paullinum Episcopum ante duodecim ferè annos scripsimus. quæ trecentis fortè versibus nihil aliud quàm Dei gratiam & auxilium confitetur: nosque nihil omninò facere posse sine Deo. *cod. l. c. 35.*

Legant etiam ad sanctum Constantium Episcopum: vbi breuiter,

P p p 3 quidem,

„quidem, sed planè libero hominis arbitrio, Dei gratiam auxilium-
„que coniunxi. *ead. l. c. 36.*

„ Legant etiam quam ad sacram Christi Virginem Demetriadem, in
„ Oriente conscripsimus: & inuenient nos ita hominis laudare natu-
„ ram, vt Dei semper gratiæ addamus auxilium. *ead. l. c. 37.*

„ Legant etiam recens meum Opusculum, quod pro libero nuper
„ arbitrio edere compulsi sumus: & agnoscent, quàm iniquè nos nega-
„ tione gratiæ infamare gestierint, qui per totum pœnè ipsius textum
„ operis, perfectè atque integrè & liberum arbitrium confitemur,
„ & gratiam. *ead. l. cap. 41.*

§. VI.

Sicut Litteræ Pelagij, ita formula fidei erroribus infecta.

ET hæc quidem litterarum Pelagij frustra sunt, quas datâ operâ
tam ambigue conscripserat, sicuti locis citatis Augustinus osten-
dit; vt quâ parte Catholicæ videntur, eâ venenum hæreseos
occulent.

Eodem artificio confecta erat Fidei formula: totidemque verbis
oppugnabat Catholicam Fidem, quot putabatur asserere. Confite-
tur in eâ, Animas à Deo dari, ab ipsoque factas esse, *l. 4. ad Bonif. c. 2.* vt, negato traduce, animas inquinari in ipsa conceptione non
posse, & Christi animæ animas paruulorum æquales esse, crederetur.

Nihil homini præceptum, dicit esse impossibile: *l. de grat. & lib. arb. c. 16.* vt iustitiæ perfectio, & vita immaculata sine peccato tran-
sigi posse putaretur.

Dei filium carnis necessitate mentitum negat: *l. 1. ad Bonif. c. 12. & l. 3. c. 6.* vt eum non venisse in similitudinem carnis peccati, & con-
sequenter nullam esse carnem peccati, conuinceret.

In cælo nos diffitetur habituros esse virtutes, quas hic habere
neglexerimus: *l. 3. ad Bonif. c. 7. & l. 4. c. 7.* vt iustitiam in hac vita
tantam, quanta est Beatorum, adstrueret.

Errare dixit eos, qui cum Manichæis dicerent, Peccatum vitari
non

non posse : & cum Ioviniano , Nos non posse peccare ; l. 1. *oper. imp.* vt duos fidei articulos clam subuerteret : vnum quo Augustinus docuerat , Non omnia peccata in hac vita nos posse vitare : alterum , Gratiam ita agere voluntatem , vt non peccet.

Hominem fatetur & peccare posse , & non peccare : *cod. l. c. 48. & seqq.* cumque semper esse liberi arbitrij ; l. *de gest. Pal. c. 18. & l. 1. ad Bonif. c. 15.* vt eo quasi duplici telo , quo hæresis ista semper vsa est , omnem adiutorij diuini necessitatem euerteret. Has enim Pelagij fraudes , tum citatis locis , tum alijs pluribus , detexit Augustinus & refellit.

§. VII.

Pelagio Hypocrisis sua tantum non succedit.

Hisce innocentia Pelagij sonantibus bullis , Praylij (Episcopi Hierosolymitani , qui Ioanni successerat) litteræ præibant : quibus causæ ipsius ad stipulatores enixius interueniebat. Quamobrem lectis Pelagij litteris , tanta est Romæ orta lætitia ; vt dicat Zozymus in Epistola ad Africanos , datâ vndecimo Kalendas Octobris : Vtinam vllus vestrum , dilectissimi fratres , recitationi litterarum interesse potuisset ! Quod sanctorum virorum , qui aderant , gaudium fuit ! quæ admiratio singulorum ! Vix fletu quidam se & lacrymis temperabant. Talem etiam absolutæ fidei , infamari potuisse ! Estne vllus locus , in quo Dei gratia vel adiutorium prætermisum sit ? &c.

Deinde grauitè inuehitur in Herotem & Lazarum , quos , tamquam improbos iam olim calumniatores fratrum suorum Episcoporum , & communionem submotos accusat : quod , vbi de Episcopatu Brixij Turonensis abdicando ageretur , maria terraque lustrarentur , nec vlla suffragia prætermitterent : vbi verò innocentium (vt quidem existimabat Zozymus) Pelagij atque Celestij fama percelleretur , otiosi ac delicati siue accusatores siue testes , (in vtroque enim fallentibus , nomen infame est) in cabilibus & lectulis , suis litteris abuterentur : & totam Africam , vniuersumque tranquillam Catholicæ serenitatis , duæ istæ pestes ad suas libidines obnubilarent.

Magnæ quoque Africanos Episcopos leuitatis arguit , quod famæ dum-

dumtaxat, & litteris Herotis ac Laxari, itemque Timasij & Iacobi scripta quædam tamquam Pelagij Augustino tradentium, assertionibus credidissent: quod non deceret Episcopalem auctoritatem, ad leuium susurronum scripta pendere. Hæc & alia Zozymus apud Barion. Anno 417. circumuentus scilicet à nequissimis impostoribus: quorum calliditatem, simulatam professionem, & mendacia, aliud corde aliud ore gestantium, nondum penitus nouerat.

Cumque his suis litteris Zozymus, illas etiam Pelagij, formulamque fidei ipsius, in Africam transmisisset: quantumcumque se speciosâ orthodoxæ fidei laruâ, & simulatæ subiectionis in omnibus quæ sentiebant, ipse Pelagius Celestiusque induissent; non tamen antè iudicati sunt Excommunicationis vinculo, quo fuerant per Innocentium innodati, posse exsolui, quàm Africanum Episcoporum Concilium rescripisset.

Quæ tum igitur gerebantur ab hoc pari versipellium hæreticorum, non absque causâ Possidium impulerunt, vt diceret, conatos fuisse perfidiam suam Sedi Apostolicæ per summam ambitionem persuadere. *Possid. c. 18.*

§. VIII.

Pelagius detegitur ab Africanis Patribus: & damnatur.

Alatis interea in Africam Zozymi significationibus, vnâ post alteram; Patres Africani non immeritò turbati, sub finem Anni vt apparet Quadringentesimi decimiseptimi Carthaginem confluxerunt: datisque ad Zozymum litteris obtestati sunt, vt in pristino statu omnia permitteret, donec accuratiùs de summâ rei tantæ perscriberent. Missis paullo post per Marcellinum Subdiaconum litteris, subinfecto se animo tulisse indicant, quod nimis credulus, fidem in omnibus Celestio Zosymus commodasset.

Anno
418.

De quo Zozymus quamquàm per litteras Anni sequentis Martio mense datas, se purgaret; ipsi nihilominus eiusdem anni initio, Honorio xii. & Theodosio viii. AA. Coll. Carthagine congregati

gati (numero ducenti quatuordecim, vt testatur Prosper l. *cont. Collat.* c. 10.) omnibus circa Celestium & Pelagium diligenter riteque discussis; eas litteras conscripserunt, quas deinde Pelagianæ hæresis damnatio consecuta est.

Sanè præter ea verba aut sensum, quem litteris fuisse comprehensum testatur Augustinus, (puta: Non sufficere hominibus tardioribus & sollicitioribus, quòd se generaliter Innocentij Episcopi litteris consentire Celestius fatebatur; sed apertè eum debere anathematizare, quæ in suo libello praua posuerat: ne, si id non fecisset, multi parum intelligentes, magis in libello eius illa fidei venena à Sede Apostolica crederent approbata, propterea quòd ab illa dictum erat, eum libellum esse Catholicum: quàm emendata propter illud, quòd se Papæ Innocentij litteris consentire ipse responderat: l. 2. *ad Bonif.* c. 3.) detectam præterea in iisdem Pelagij fraudem, quæ sensus suos in libello texerat, dum ait, Baptismum iisdem Sacramenti verbis in infantibus, quibus & in maioribus esse celebrandum; l. *de pecc. Orig.* c. 21. refert Prosper ita demum fuisse decretum: Constituimus in Pelagium atque Celestium, per Venerabilem Episcopum Innocentium, de beatissimi Apostoli Petri sede prolatam manere sententiam, donec apertissimâ confessione fateantur, gratiâ Dei per Iesum Christum Dominum nostrum, non solum ad cognoscendam, verumetiam ad faciendam iustitiam, nos per actus singulos adiuuari: ita vt sine illa nihil veræ sanctæque pietatis habere, cogitare, dicere, agere valeamus. l. *cont. Collat.* c. 10.

Neque immeritò. Etenim:

*An alium in finem posset procedere sanctum
Concilium, cui dux Aurelius, ingeniumq;
Augustinus erat? quem Christi gratia, cornu
Vberiore rigans, nostro lumen dedit auro,
Accensum verò de lumine. Nam cibus illi
Et vita & requies, Deus est, omnisq; voluptas
Vnus amor Christi est, vnus Christi est honor illi:
Et dum nulla sibi tribuit bona; fit Deus illi
Omnia, & in sancto regnat sapientia templo.
Prosper Poem. de Ingrat. c. 2.*

In hoc eodem Africano Concilio præter iam dictas litteras, Constitutiones aliquot siue Canones conditos fuisse, quibus sigillatim

Qq9

damna-

damnata sunt Pelagij Celestijque dogmata; testis est idem Prosper in *Chronico*, & *l. cont. Collat. c. 10.* quos esse octo illos, quos nonnulli Concilio Mileuitano ante biennium habito adscripserunt, propè manifestum est.

§. IX.

Afrorum sententiam Zozymus suâ confirmat.

PLeniùs iam perfectiùsque Africanorum Antistitum studio & literis Zozymus instructus, cùm ad damnanda quæ à Paullino Diacono olim obiecta fuerant, suoque libello Celestius inseruerat, vrgeretur; examini se subtraxit: *l. 2. ad Bonif. c. 3.* eoque sanè pacto ostendit, quantâ sinceritate professus esset se corrigi paratum. Cumque per idem tempus, nonnulla Pelagij scripta in Vrbe Româ (vbi diutissimè vixerat: atque in his fuerat priùs sermonibus contentionibusque versatus) curâ fidelium fratrum prolata patuissent, ex quibus eius peruersitas euidenter innotuit; *l. de pecc. Orig. c. 21.* Zozymus nihil morandum ratus, tametsi mitiùs antè benigniusque cum eis egisset, repetitâ nunc auctoritate damnauit: *l. 2. ad Bonif. c. 3. & 4.* damnauit, inquam:

Sic moderante suam legem bonitate seuerâ,

Vt qui damnato vellent de errore reuerti,

Acciperent pacem, pulsus qui praua tenerent.

Prosp. Poëm. de Ingrat. c. 2.

Damnationis porro sententiam (cui vt eius ouibus iustitia patesceret, Zozymus, Augustino teste, quasdam Pelagij blasphemias attexuit, *l. de pecc. Orig. c. 22.*) ad totius orbis Episcopos misit: quam simul atque Synodus Carthaginensis, nondum dissoluta, accepisset; eandem protenus damnationem mensis Maij initio conclamauit. Quamobrem Episcopi Africani, ad Papam Zozymum rescribentes, eumque in sententiæ huius salubritate laudantes, dixerunt: Illud „verò quod in litteris tuis, quas ad vniuersos curasti esse mittendas, „posuisti dicens: *Nos tamen instinctu Dei (omnia enim bona ad Auctorem suum*

suum referenda sunt, unde nascuntur) ad fratrum & Coepiscoporum nostro-
rum consensum uniusa retulimus: sic accepimus dictum, ut illos qui
contra Dei adiutorium extollunt humani arbitrij libertatem, di-
stricta gladio veritatis, velut cursim transiens amputares. Prosp.
l. cont. Collat. cap. 10.

§. X.

*Sixtus Presbyter, primus Roma Pelagio
anathema dicit.*

Pelagio sic Celestioque damnatis. Sixtus Presbyter Romanus (qui
Celestino postea in Petri Cathedra successit: perque id tempus
magni momenti patronus suae doctrinae, a Pelagianis ferebatur;
Epist. 104.) prior anathema eis, in populo frequentissimo, pronuntia-
vit: Epist. 105. & , ut iactatam de se famam dilueret, quā summus
esse Pelagianis amicus ferebatur, litteras ad Aurelium Carthagenen-
sem dedit: breues quidem, sed quae vigorem eius contra pestem illam
satis eloquerentur. Descripserunt eas alacriter Episcopi Africani,
& circumquaque quibus poterant, magno studio praelegebant.
Epist. 104.

Dissecit postea Sixtus prolixiore scripto perniciosissimum do-
gma. Quod scriptum cum in Africam venisset: adeo Augustinus,
ceterique Episcopi sunt affecti, ut non solum illud omne tristitiae
nubilum, quod mendax fama adduxerat, de cordibus eorum fuge-
rit; sed tantum ibi etiam letitiae lumen insulserit, ut nihil in eis egisse
videretur ille mœror & timor, nisi successorum flagrantiam gau-
diorum. Quamobrem paulo post Augustinus Sixto Epistolam re-
posuit: quae sicuti Pelagianum errorem radicis conuellit; ita Ca-
tholicae de Gratia & Prædestinatione doctrinae solidissima continet
fundamenta: admonens ut nunc docendis instet, quibus terrendis
satis institerat. Erant enim quidam, qui iustissime damnatas impie-
tates, adhuc liberius defendendas putarent: quique occultius domos
penetrabant, & quod in aperto iam clamare metuebant, non cessabant
in secreto seminare. Epist. 105.

Qq q 2

§. XI.

S. XI.

Impietatis Pelagiana exemplum.

Huiusce rei vnicum saltem exemplum, ex Augustino referemus. Illa duo, inquit, *Dimitte nobis debita nostra, sicut & nos dimittimus debitoribus nostris*: &, *Ne nos inferas in tentationem*: quando Pelagianis obiciuntur, quid eos putatis respondere? Horrui, fratres mei, quando audiui. Ego quidem non audiui auribus meis; sed sanctus frater & Coëpiscopus meus Urbanus noster, qui hic Presbyter fuit, & modò est Siccensis Episcopus, cùm remeasset ab Vrbe Roma, & ibi cum quodam talia sentiente confingeret, vel se conflixisse referret: cùm vrgeretur pondere orationis Dominicæ, vrgebat eum & dicebat: Si in nostra potestate est non peccare; & in nostra potestate est omnes peccatorum tentationes, solis voluntatis nostræ viribus superare; quare Deo dicimus, *Ne nos inferas in tentationem*?

Quid eum putatis respondisse? Rogamus, inquit, Deum, ne nos inferat in tentationem: ne aliquid mali patiamur, quod non habemus in potestate. Ne ruam de equo, & ne frangam pedem: ne latro me interficiat, & quid huiusmodi. Hæc enim, inquit, non habeo in potestate. Nam vincere tentationes peccatorum meorum, si volo, & possum, nec Dei adiutorio possum.

Videtis fratres, quàm maligna hæresis. Videtis quemadmodum omnes horretis. Cauete ne capiamini. Noui enim calliditates, & tergiuersationes hominum impiorum, auersorum à veritate: & quia iam in suas sententias ceciderunt, vinci nolentium. Videte obsecro vos. Ecce inuenit quod diceret: ideo nos dicere, *Ne nos inferas in tentationem*; ne aliquid nobis contingat, quod non habemus in potestate, secundum corporis tentationem.

Inde ergò dicebat Dominus: Vigilate, & orate ne intretis in tentationem? Hoc dicebat, vigilate & orate ne pedem frangatis, aut ne caput doleatis, aut ne in damnum incurratis? Non hoc dicebat. Sed quid dicebat? Quod Petro dixit: *Rogaui, inquit, pro te, ne deficiat fides tua*. Rogauit, inquit, pro te dicit, Deus homini, Dominus seruo, Magister discipulo, medicus ægroto. Rogauit pro te. Quid? ne deficiat? Quid?

Quid ? manus tua ? pes tuus ? oculus tuus ? lingua tua ? aliquâ paralyti, id est dissolutione membrorum ? Non, sed ne deficiat fides tua. Secundum istos, in potestate habemus, ne deficiat fides nostra. Quare pro nobis rogatur Deus, ut concedat rogare nobis quod isti dicunt nos non debere petere à sempiterna maiestate, sed habere in potestate &c. *Tom. 10. fragm. 1. Videri etiam potest. Epist. 95.*

§. XII.

*Pelagius ab Imperatore, sed & aliis
damnatur.*

Vbi Romanæ Ecclesiæ contra Pelagianos sententiam Honorius Imperator audiuit; eam absque mora secutus est Imperiali edicto, dato Rauennæ pridie Kalendas Maias, ad Palladium Præfectum prætorio, Honorio XII. & Theodosio VIII. AA. Coll. quo pulsus ab vrbe capitibus dogmatis execrandi, Celestio atque Pelagio, sancit, ut quicumque sectatores eorum de eadem hæresi sermones facere deprehenderentur; ad iudicium à quocumque deferantur & accusentur: ita ut probationem, inquit, conuicti criminis stilus publicus insequatur, ipsis inexorati exilij deportatione damnatis.

Iubet deinde hanc suam sanctionem per omne Imperium promulgari. Quod dum repente factum est, cunctis Prouinciis & Vrbi- bus pelli coeperunt. Sicilia in primis, Epheso, Constantinopoli, ut colligi ex Prospero potest *Poem. de Ing. c. 2.* Testatur autem Possidius, hac seueritate factum esse, ut nonnulli ex eis ad sanctæ matris Ecclesiæ gremium, vnde descuerant, redierint: & innotescen- te ac præualecente aduersus illum detestabilem errorem rectæ fidei veritate, plures tum quotidie redirent. *Possid. c. 18.*

§. XIII.

*Damnati Pelagij querimoniam Augustinus
refellit, libris de Gratia Christi & Pec-
cato Originali.*

Pelagius (qui Palæstinos iudices præsens fefellerat) ubi accepit absenti nihilum profuisse dolos, quibus Romanam Ecclesiam ductare conatus fuerat; gravissimè conquestus est apud Albinam, Pinianum, & Melaniam, olim Augustini hospites, ut supra commemoravimus lib. 3. cap. 11. §. 1. per id tempus Hierosolymis agentes: qui pro familiaritate, quam cum Pelagio ibidem contraxerant, id egerunt, ut quæcumque aduersus eum dicerentur, scripto damnet. Fecit hoc Pelagius tanto rursus artificio, Gratiam Dei non solum per singulas horas, aut per singula momenta, sed etiam per singulos actus nostros necessariam confessus; ut eum Catholicum existimarent.

Quare Pinianus, tum suo, tum matris vxorisque nomine, ad Augustinum mox istud per litteras retulit: qui adhuc Carthagine existens (an productæ Synodi causâ, an redux à Mauritaniâ, incertum) inter plurimas occupationes, multum festinante perlatore, aduersus Pelagium & Celestium duos Libros, vnum de Gratia Christi, alterum De Peccato Originali dictando conscripsit. *l. de Grat. Christi c. 1. & 2. & l. 2. Retract. c. 50.* Ostendit in his quàm sit fraudulenta & simulata Pelagij omnis confessio: quanta in verbis ipsius ambiguitas: quàm nihil fidendum homini fallaci, qui scriptis editisque opusculis postea docuerit, quod ore tenens antea in Palæstina Synodo damnauerat.

Etenim Pelagium & Celestium, quod erant, remansisse, testatur Augustinus, dum ait: Qui recenti iudicio Dei, per diligentes & fideles seruos eius etiam Catholica communione priuati sunt: & propter cor impenitens, adhuc in sua damnatione persistunt. *Epist. 200.*

§. XIV.

§. XIV.

Pelagij damnatione, Hieronymus gratulatus exultat.

VBi verò Hieronymus certior est redditus, siue Alipij siue Augustini litteris, de prolata in vtrumque damnationis sententia; non vltra domi continens calamum, in hunc modum Alipio & Augustino rescripsit: Mihi omnis occasio gratissima est, per quam scribo vestrae Reuerentiae: testem inuocans Deum, quòd, si posset fieri, assumptis alis columbae, vestris amplexibus implicarer: semper quidem pro merito virtutum vestrarum; sed nunc maximè quia cooperato-ribus & adiutoribus vobis, haeresis Celestina iugulata est: quae ita infecit corda multorum, vt, cum superatos damnatosque esse se sentiant, tamen venena mentium non omittant: & quod solùm possunt, nos oderint, per quos putant se libertatem docendae haereseos perdidisse.

Epist. 24.

Sanè Pelagij, sub Zozyimo Papae dum meminit Prosper in Chronico; testatur Afrorum vigore, & maximè Augustini Episcopi scientia, itum illi obuiam fuisse.

§. XV.

Liber Augustini de Praesentia Dei, ad Dardanum.

ET quoniam inter illa, quae hac circiter tempestate composuit; meminit libri à se conscripti, De Praesentia Dei; qui est Epistola 57. (vbi intentio ipsius, contra haeresin Pelagianam maximè vigilat, quamquam non expressè nominatam: in eo praeterea de praesentia naturae, quem Deum verum & summum dicimus, & de templo eius operose ac subtiliter disputatur) planum est coniecere, hoc anno siue hac aestate confectum: ad Dardanum, virum & saeculi dignitate, & Christi charitate illustrem. *l. 2. Retract. c. 49. & Epist. 57.*

CAPVT

CAPVT XXIV.

DONATISTÆ ET PELAGIANI ITERVM
AB AVGVSTINO EXAGITATI.

§. I.

*Augustinus, à Zozymo Papa in Mauritaniam
missus, Emeritum ibi Donatistam conuenit.*

A Pelagianis ad Donatistas operam sollertiamque suam tantisper transtulit optimus Antistes. Hoc enim eodem anno, iuncta ei aliisque Episcopis à Zozymo Romano Pontifice Legatio est, in Mauritaniam Cæsariensem.

Meminit ipse ad Optatum, his verbis: Quamuis tuæ sanctitatis, nullas ad meipsum datas, acceperim litteras; tamen quia illæ, quas ad Mauritaniam Cæsariensem misisti, me apud Cæsaream præsentem venerunt, quò nos iniuncta nobis, à venerabili Papa Zozymo, Apostolicæ Sedis Episcopo, Ecclesiastica necessitas traxerat factum est, &c. *Epist. 157.*

Tellatur porro Possidius, non Augustino soli, sed & aliis Episcopis commissam fuisse hanc Legationem. *Possid. c. 14.* quorum nomina recitantur in exordio Gestorum cum Emerito.

Et quamquam præcisè non constet, quænam causa fuerit, cur tot Episcopos istuc Zozymus destinarit, cum tantummodò prodat Augustinus, ortam sibi necessitatem eò pergendi committente Zozymo; attamen quid per occasionem ibi egerit, ipsemet refert his verbis:

Apud ipsam Cæsaream, Emeritum Donatistarum Episcopum vidimus: vnum scilicet eorum septem, quos pro causæ suæ defensione delegerant: & qui in eadem causâ maximè laborauerat. Quæ cum illo egerimus præsentibus Episcopis eiusdem Prouinciæ, & plebe Cæsariensis.

Cæsariensis Ecclesiæ, in qua ciuitate & ciuis & memoratorum hæreticorum Episcopus fuit; Ecclesiastica gesta testantur, quæ in meis habentur opusculis. Vbi non inueniens quid responderet, totum sermonem meum, quem de solis Maximianistis, in auribus eius, & omnium qui aderant explicui, tamquam mutus audiuit. l. 2. *Retract.* cap. 51.

Exstant ipsa Acta integra, consignata Honorio XII. & Theodosio VIII. AA. Coll. xii. Kalend. Octobris, ætatis Augustini sexagesimo tertio: eo utique fine conscripta, ut cum Actis Carthagenensis Collationis coniungerentur.

Meminit rei eiusdem Possidius qui interfuit, dum ait: Postea in Cæsariensi Mauritanix Ciuitate constitutus venerabilis memoriæ Augustinus: quò eum venire cum aliis eius cœpiscopis, Sedis Apostolicæ litteræ compulerant, ob terminandas videlicet aliquas Ecclesiæ necessitates. Hac ergo occasione prouenit, ut Emeritum, eiusdem loci Donatistarum Episcopum, quem suæ sectæ præcipuum in illa Collatione habuerant defensorem, videret: & cum eodem publicè in Ecclesia, populo adstante diuersa communionis, ex hoc ipso disputaret, & prouocaret Gestis Ecclesiasticis: ut quod fortè, sicut dicebat, prosequi potuit in Collatione, sed permissus non fuerat; in præsentia, sine alicuius potestatis prohibitione aut potentia, securus dicere minime dubitaret: & in sua ciuitate, suis omnibus præsentibus ciuibus, fiducialiter propriam defendere communionem non denegaret.

Iste nec hac hortatione, nec suorum parentum & ciuium instanti petitione, id facere voluit: qui ei pollicebantur se ad eius redituros communionem, etiam cum discrimine patrimoniorum salutisque sue temporalis, si modò Catholicam superaret assertionem. At ille amplius dicere illis gestis nihil voluit, nec valuit, nisi tantum, Iam illa inquit gesta continent, apud Carthaginem inter Episcopos confecta, vtrum vicerimus an conuicti fuerimus. Et dum à Notario, alio loco ut responderet admoneretur, & reticeret; eius cunctis manifestata diffidentia, Ecclesiæ Dei augmenta ac firmamenta prouenerunt. *Possid. c. 14.*

Paria sunt quæ Augustinus ipsemet refert, agens contra Gaudentium, concilij quoque Donatistici septemvirum: quibus apertissimè conuincit huius generis hominum vanitatem, qui cum potestate vetitos se dicerent in Collatione Carthagenensi causæ suæ merita pro-

Rrr

ferre;

ferre; nunc domi, & apud cineres patrios, ubi absque ullius metu regnabant, interrogati & pressi ad respondendum, siue loquendum, muti equidem magis quam pisces defecerunt.

Quia autem rem prout gesta est, explicatiùs ob oculos ponunt; non grauabor ipsa Augustini verba proferre. Venit, inquit, Emeritus Cæsaream, illic positus ac præsentibus nobis. Venit autem non apprehensus cuiusquam sagacitate: non adductus alterius potestate: sed excitatus propriâ voluntate videre nos voluit. Vidimus eum: ad Ecclesiam Catholicam pariter venimus: adfuit maxima multitudo: nihil pro sua, seu vestra defensione, dicere potuit: communicare noluit: dilatus perseverauit: conuictus obmutuit: illæsus abcessit.

Quid fieri potuit pro nostra mansuetudine lenius? quid pro veritate Catholica inuictius? quid pro vestra, si sapitis, correctione salubrius? Cum enim sponte ad nos, nisi pro vobis contra nos dicturus aliquid, conuenisset; profectò dixisset, si quod diceret inuenisset. *Post pauca*: Nunc verò, quandoquidem vtrò venit; quòd tacuit, non linguâ, sed causâ defecit. *l. 1. cont. Gaudent. c. 14.*

S. II.

Emeritus conuictus, ne pò dixit.

EMERITVS hic ab infantiâ sacris imbutus Donatisticis, Catholicus numquam fuerat: auctorque extitit sententiæ contra Maximianistas in Concilio Bagaiensi latæ, quam ipsemet dictauerat: *l. de Gest. cum Emer.* tam exquisitâ phrasi; vt per eam se Augustinus, (cuius Cresconius eloquentiam criminatus fuerat) expurget his verbis: Ecce eloquentia, quam vituperasti, quam velut seditiosam, & Græco etiam nomine malitiosè artificiosam, detestandam, vitandamque monuisti, tantùm permulsi tot Episcopos tuos; vt in plenario Concilio suo nollet suam quisque proferre sententiam, sed vnam, quæ ab vno dici disertius ornatiusq; potuit, eam cuncti facerent suam. Liceat igitur nobis sine inuidia, non vsquequaque impolitè contra errores hominum disputare: si licuit tot ac tantis Episcopis vestris, ipsos homines tam disertè ornatèque damnare: *l. 4. cont. Crescon.*

Crescon. c. 2. Nihilominus hic iam Emeritus, suadæ olim medulla, quiquè totâ Collatione non eloquentem tantum sed insigniter loquentem se ostenderat; ab Augustino inuitatus ad amicam & priuatam Collationem, atque id in Vrbe suâ cui Episcopus præerat; veluti linguâ captus, emarcuit: Emeritus, inquam, inimicus, & mutus fuit.

Nam tametsi fama eum, ad Vnitatem rediisse vulgauerat; obstinatus tamen in heresi & schismate permansit: Donatistarum Casarex Episcopus, ubi tum Catholicam Ecclesiam Deuterius, Emerito genere sociatus, gubernabat. *l. 1. cont. Gaud. cap. 14. & libro de gest. cum Emer.*

Cum verò fateatur Augustinus, hoc circiter tempore librum à se scriptum ad Bonifacium Comitem, De Correctione Donatistarum, propter eos qui nolebant illos legibus Imperialibus corrigi, *l. 2. Retract. cap. 48. & Epist. 50.* fieri potest, ut aliqua scripti occasio fuerit tam supina Donatistarum vanitas & pertinacia.

§. III.

*Augustinus variis infirmitatibus prohibitus
longinqua subire itinera.*

HOc iter in Mauritaniam sicuti Augustinus, imponente Zozy-
mo, alacriter ingressus est, qui neque quampluribus Conciliis
in Africa habitis præsentiam suam subduxit: ita eum non indeuo-
tio mentis, sed minus idonea valetudo corporis aliàs excusauit, à
subeundis marinis & transmarinis laboribus, quos necessaria seruitus
sanctos eius collegas sæpe compulit in legationibus ex Synodis susti-
nere. *Epist. 138.* Neque enim infirmitas ipsius sufficiebat omnibus
curis, quas ab eo exigebant membra Christi: quibus seruire Dei ti-
mor & charitas eum cgebant. *ead. Epist.* Atque hinc infirmitate cor-
poris se pridem senuisse, iam tum per ætatem senex pronuntiauit.
serm. 49. de diuers. c. 4. in fine.

Nimirum Rhagadis, vel Exochadis dolore & tumore, cum nec
ambulare, nec stare, nec sedere posset, lecto aliquando decubuit.

R r r 2

Epist.

Epist. 149. quod contigisse apparet, aliquot annis ante quinquagesimū ætatis ipsius: quandoquidem eā *Epistolā* de Megalij, senis siue Primatis Numidiæ, morte, Profuturum certiore reddat: quem oportebat ante annum quadringentesimum secundum obiisse, quo Numidarum Episcoporum Synodo Mileuij Xantippus præfedit, per id tempus senex siue Primas, si credimus Baronio.

Exstat ad eundem Xantippum, in causâ Abundantij Presbyteri, scripta Augustini *Epistola*: quam existimari potest eodem adhuc morbo languens dedisse. *Epist.* 236. Sunt verò Rhagades, ut Medici docent, exigua quædam, sed oblonga circa anum vlcera, ex acri humore, sicco & falso, quæ calore suo, tametsi citra inflammationem, sphincteris rimas aperiunt ac findunt. *Pignus* l. 5. c. 12.

Eodem, vel alio morbi genere laboranti, medicamentum Darius Comes transmisit: *Epist.* 263. febris verò, quæ grauius laborauerat, meminit *Epist.* 56. in fine: denique aut languoris alicuius ex morbo, aut infirmitatis nouæ ex annorum accessione, *Epistolā* 217. & 251. sed mente atque animo continenter sanus.

S. IV.

Pelagiani Augustinum traducunt. Eâ occasione scribit De Nuptiis & concupiscentiâ librum primum.

DAmnatis Pelagianis non Ecclesiæ tantum, verumetiam Imperij censurâ: cum præter iniustas quarimonias, & fuitiles cauillos nihilum restaret; accepit Augustinus, eos nescio quid scripsisse de se Valerio Comiti viro illustri: quod scilicet asserendo peccatum Originale, nuptias damnaret. Id inde conficiebant, quod diceret eos qui de tali commixtione nascuntur, trahere Originale peccatum, de quo Apostolus ait, *Per vnum hominem peccatum intrauit in mundum, & per peccatum mors: & ita in omnes homines pertransiit, in quo omnes peccauerunt*: adeoque eos, de qualibuscumque parentibus nascantur, non negaret adhuc esse sub Diabolo, nisi renascantur in Christo: & per eius gratiam, de potestate eruti tenebrarum, in regnum illius, qui
ex

ex eadem sexus vtriusque commixtione nasci noluit, transferantur.
l. 2. Retraff. c. 53. & l. 1. de nupt. & concupisc. c. 1.

Et quamuis litteras eiusmodi ad se conscriptas, robustissimâ fide Valerius Comes irrisisset; attamen quia bonum est vt nouerint Antistites defendere quod credunt: (iuxta Apostolum Petrum, qui paratos eos esse præcipit ad satisfactionem, omni poscenti rationem de fide & spe) præsertim cum idem Valerius sicuti obseruantissimus erat pudicitia coniugalis, ita profanis hæreticorum nouitatibus, quibus alij resistunt disputando, ipse potestate curando & instando, efficaciter resisteret; compulsum est Augustinus, aliquo volumine cum Valerio habere sermonem: quo ostenderet carnalis concupiscentia malum, propter quod homo, qui per illam nascitur, trahit originale peccatû, discernendum esse à bonitate nuptiarum. Haud alioquin solitus, vt de se ipse testatur, cuiquâ illustri viro. & tantâ quantâ erat ipse Valerius sublimitate conspicuo (præsertim non otiosâ dignitate iam fruente, sed adhuc actibus publicis eisdemque militariibus occupato) aliquid suorum opusculorum legendum haud à se petenti, non tam diligenter, quàm impudenter impingere. *l. 1. de Nupt. & Concup. c. 1. & 2.*

Scriptit igitur ad Valerium Comitem, librum in primis vnum, cuius est titulus; De Nuptiis & Concupiscentia. bonitatem quippe defendit nuptiarum, ne putaretur earum esse vitium concupiscentia carnis, & lex in membris, repugnans legi mentis: quo malo libidinis, inquit, bene vitur ad filios procreandos pudicitia coniugalis.
l. 2. Ret. c. 53.

Quâ deinde occasione secundus Liber accesserit, post dicemus. Sed hic primus, scriptus apparet hoc anno, puta cccc. xviii. quod hunc librum anno sequente Iulianus, inter Pelagianos longè acerrimus, adorsus sit refutare: testeturque Augustinus à se conscriptum, post Pelagij Cælestique damnationem. *l. 1. ad Bonif. c. 5.*

Ex quibus perinde colligi potest, hunc ipsum annum, sicuti Augustino grauis laborum fuit, ita fructuum quoque feracem extitisse: adeoque nihil non egisse sanctissimum virum, vt pacem Ecclesiæ cum salute omnium procuraret.

S. V.

*Iulianus Augustinum oppugnat.*Anno
419.

Porrò Iulianus iste, cuius iam mentionem inieci-
mus, iuuenis erat
acris ingenij: in diuinis Scripturis doctus: Græcâ & Latinâ lin-
guâ Scholasticus, priusquam impietatem Pelagij in se aperiret. *Gen-
nad. l. de Script. Eccl. c. 45. August. l. 1. cont. Iul. c. 6.* Patre Memore
siue Memorio Episcopo natus, qui cum Augustino non paruam inie-
rat amicitiam colloquio litterarum, ac filium Iulianum ei carissimum
fecerat. *l. 1. cont. Iul. c. 4.*

Nam cum Memorius pro Iuliano suo, per id tempus Diacono,
poposcisset ab Augustino librum sextum de Rithmo siue Musicâ;
Memorio rescribens Augustinus, Iuliani mentionem facit his verbis:
Quem quidem non audeo dicere, plus amo quàm te; quia nec vera-
citer dico: sed tamen audeo dicere, plus desidero quàm te. Mirum
videri potest, quemadmodum quem pariter amo, ampliùs desiderem:
sed hoc mihi facit spes amplior videndi eum. puto enim quòd si ad
nos, te iubente vel mittente, venerit; & hoc faciet quod adolescen-
tem decet, maximè quia nondum curis maioribus detinetur; & te-
ipsum mihi expeditiùs apportabit. *Epist. 131.*

Fuit primùm legitimo matrimonio coniunctus cum Iâ virgine,
accinente Epithalamium elegantissimum Paullino Episcopo Nolano,
quod in huius operibus legitur Poëmate 14. Hominum deinde Eccle-
siasticorum ordini adscriptus: *l. 5. cont. Iul. c. 5. & Episcopus, l. 4. c. 11.*
Capuanus, vt vult Gennadius; Eclanensis, vt Prosper in Chronico
ad annum 443. nisi quis alterutrum existimet de patriâ loqui.

Hic Iulianus, librum Augustini nactus De Nuptiis & Concupi-
scentia; voluit ei specietenus saltem videri respondisse: cum tamen
libris suis quatuor (totidem enim reposuit) ne quartam quidem
partem vnici Augustini libri tetigisset: eosque saltus in prætereundis
ipsius disputationibus fecisset, quasi omninò desperasset vtriusque
operis quemquam posse esse Lectorem, qui istud deprehenderet. Illa
ipsa deinde pauca, in quibus vix erat (vt dixi) quarta pars volumi-
nis Augustini, quæ veluti infirmiora existimans Iulianus, quatuor
suorum

suorum grandiorum voluminum strepitu, quasi quadrigarum impetu prostrernere & conculcare cogitauerat; consideratione multò plurimum ceterorum quæ attingere timuerat, adhuc inconcussa permanebant. *l. 1. cont. Iul. cap. 1.*

§. VI.

Tumor & arrogantia Iuliani.

TAntâ nihilominus arrogantia hanc palæstram ingressus est, ut diceret, maioris sibi esse apud Deum gloriæ, destitutam veritatem tueri. Ipsi nimirum Pelagio & Celestio, omnium sectatorum suorum ductoribus, sese anteponebat: quasi & illi iam cessissent, & solus remanserit Iulianus qui destitutam tueatur, quam putat, veritatem. *l. 2. cont. Iul. c. 10.*

Id confirmare videtur, vbi monomachiam fingens & sibi vindicans cum Augustino, imitatus Virgilium, ait: *Oblato placuit componi fœdere bellam, ut pugnas omnium contentio nostra dirimeret.* Atqui modestissimè respondit Augustinus: Absit ut mihi apud Catholicos arrogem, quod tibi apud Pelagianos arrogare non pudet. Unus sum è multis, qui profanas vestras nouitates, ut possumus, refutamus, sicut unicuique nostrum Deus partitus est mensuram fidei. Antequam essem natus huic mundo, & antequam essem renatus Deo, multa Catholica lumina vestras futuras tenebras redarguendo præuenerunt. *l. 6. cont. Iul. c. 8.*

Adhuc Iulianus, non in hisce tantummodò quatuor voluminibus, sed & aliis octo, quæ libro secundo de Nuptiis & Concupiscentia opposuit, tot conuictorum plaustis Augustinum onerauit; ut contra prima quatuor scripturus Augustinus, non immeritò ordiatur his verbis: Contumelias tuas, & verba maledica, Iuliane, quæ ardens iracundia, libris quatuor anhelasti; si me contemnere dixerò, mentiar. *l. 1. cont. Iul. c. 1.*

Porro autem Christianum populum propè vniuersum, quòd eum cerneret paribus studiis & animis Pelagij dogmata execrari, ut scortiam Iulianus contempsit: dum esse asserit de plebeia face sellulariorum opificum, qui in suam inuidiam essent concitati: Milites: Scholasticos

laticos auditoriales : nautas : tabernarios : ceteros : coquos : lanios : adolescentes ex Monachis dissolutos : de qualiumcumque Clericorum turbâ. l. 2. *cont. Iul. c. 10.*

Iam & Zozy mum ipsum, Apostolicæ Sedis Episcopum (qui licet à prædecessore suo Innocentio non recesserit; egit tamen primitus cum Celestio lenius, quoniam se dixerat, si quid displiceret in sententiis suis, paratum corrigi, & Innocentij litteris præbere assensum) ausus est præuaricationis accusare. l. 6. *contra Iul. c. 12.*

Eò nimirum collimabat Iuliani intentio, ut, cum diceret omnia quæ contra Pelagium Celestiumque gesta erant, per subreptionem gesta esse ab eis qui prius causam odisse cœperant, quàm nosse; ad incudem reuocarentur vniuersa : nouumque, atque Oecumenicum subirent Episcoporum examen. l. 2. *cont. Iul. c. 1. l. 3. c. 1. l. 1. oper. imperf. c. 11. l. 4. ad Bonif. c. 12.* Familiaris hæreticis omnibus cupido, quæ solent ab aliis semper ad alios iudices prouocare, ac tandem ad generale Concilium : neque tamen illius stare sententiâ.

Hosce quatuor libros Iulianus Turbantio, suæ sectæ per id tempus Episcopo, dedicauit : l. 3. *cont. Iul. c. 17.* quem sic tamen ab eodem errore postea liberatum testatur Augustinus ; ut eum proponat Iuliano imitandum. l. 1. *op. imp. c. 2.*

S. VII.

Bina Iuliani Epistola.

PRæter hæc, scripsit duas Epistolas Iulianus, maledicentiâ rursus & calumniis non solum in Augustinum, sed orthodoxos omnes Romanamque Ecclesiam, ad exuberantiam plenas : sicuti videri est Libris quatuor ad Bonifacium, quibus ad obiecta Iuliani respondet Augustinus. Harum alteram, Romam misit ipse Iulianus, ut per illam, quos posset, suos aut inueniret aut faceret : alteram decem & octo velut Episcopi participes Pelagiani erroris, non ad quoslibet, sed ad loci Episcopum, Rufum vocabulo, suâ calliditate tentandum & ad suas partes, si posset fieri, traducendum, ausi sunt Thessalonicam scribere. l. 1. *ad Bonif. c. 1.*

Cum verò initio illius Epistolæ fateatur Iulianus, se quatuor iam libellis,

libellis, vni Augustini (puta De Nuptiis & Concupiscentia) respondisse; l. 2. de nupt. & concup. c. 2. & l. 1. ad Bonif. c. 5. confectarium est, vt eodem fermè tempore, & quatuor suos libros & binas has litteras ediderit, primo circiter anno Bonifacij Papæ, id est Christi cccc. xix.

Destinauerat quidem antea duas ad Zozyum Epistolas, super quæstionibus quæ tum agitantur: sed istæ sunt ab his diuersæ. l. r. op. imp. c. 19. Edidit & alia nonnulla, vt Commentarium in Cantica Canticorum, cui libellum de Amore præmisit: itemque de Bono Constantiæ: è quibus aliqua citat & refutat Beda, itidem in Cantica, cathedram pestilentie Pelagianæ, in liberi arbitrij viribus & laudibus, redolentia. Verum hæc nihil ad Augustinum.

§. VIII.

Pelagianos Honorius exagitat.

Eodem hoc anno Rauennam, ad Imperatorem Honorium, Alipius profectus est; eo fortè fine, vt contra Pelagianos in Africâ summam auctoritatem imploraret. Erant ibidem Episcopi nonnulli, qui siue animi mollitie, siue affectu in Pelagij hærefes, eas vel tacendo asserere, vel non oppugnando fouere videbantur: insuper habitis Conciliorum Africanorum, & Innocentij ac Zozyimi decretis.

Apparet eapropter Alipij legatione effectum, vt Monaxio & Plintâ Coss. v. Idus Iunias, Rauennæ, Imperatores Honorius & Theodosius rescriptum darent ad Aurelium Episcopum Carthaginensem: quo, vt aiunt, post expulsos nuper ab vrbe Româ Pelagium & Celestium, recenti sanctione decernunt, vt si quis eos in quacumque Provinciarum parte latitare non nesciens, aut propellere aut prodere distulisset; præscriptæ pœnæ velut particeps subiaceret.

Præcipuè tamen, ad Episcoporum quorundam pertinaciam corrigendam, qui prauas Pelagianorum disputationes tacito consensu asserunt, vel publicâ oppugnatione non deltruunt, moneri omnes iubent, hanc definitionem esse præfixam: vt quicumque damnationi

S f f

supra-

supramemoratorum subscribere impiâ obstinatione neglexerint, Episcopatus amissione mulctati, interdictâ in perpetuum, expulsi ciuitatibus, communione priuentur. Atque hanc porro constitutionem, Kalendis Augusti Aurelius eodem hoc anno promulgauit.

Alipius Rauennâ, vbi Comitem Valerium conuenerat, Romam adductus: & paruulo licet tempore, magno tamen affectu Bonifacio Papæ conuiuens (à quo exceptus benignissimè ac sincerissimè fuerat) mutua cum eo miscuit dictante dilectione colloquia. Inter quæ cum haud perfunctoriè mentio Augustini facta esset, Bonifacius demum Iuliani, quas suprâ diximus, litteras Alipio tradidit, Augustinò ad refutandum perferendas, quòd eius nomen in illis calumniosè atque euidenter esset expressum. *l. 1. ad Bonif. c. 1.*

§. IX.

Librum secundum de Nuptiis & Concupiscentia Augustinus scribit.

Nondum Alipius Româ discesserat, cum ecce Valerius chartulam illi Rauennâ misit, prænotatam hoc titulo: *Capitula de Libro Augustini quem scripsit: contra quædam de Libris pauca decerpfi. Libro 2. de nupt. & concupisc. c. 2.* Vbi Libri Augustini sunt ij, quos De Nuptiis & Concupiscentiâ scripserat: ij verò, ex quibus ille qui hoc scriptum ad Valerium direxit pauca decerpserat, Libri sunt quatuor Iuliani, de quibus iam egimus.

Voluerat nimirum hic decerptor, vnicâ demtâ litterâ fieri decerptor: & obnubilatis, si posset, Augustini rationibus, Valerium in partes Pelagianas pellicere.

Sed Valerius non armis quàm fide Catholicâ fortior, decerptorem decerptoremque astu meliore elusit: chartulamque Alipio Romam misit, per eum porro Augustino transmittendâ: quam deinde Alipius, ex legatione redux in Africam, vnâ cum litteris Valerij, quibus Augustino gratias agebat super libro ad se scripto, porrexit. *eod. l. c. 1. & 2.*

Augustinus verò hanc chartulam intuens, conferensque cum litteris Iuliani quas Bonifacius Papa miserat, in quarum vnis Iulianus fateba-

fatebatur se quatuor iam libellis, Augustini libro respondisse; id demum non vanâ coniecturâ assecutus est, ex iis libellis ista esse decerpta: ideoque meliùs fortasse facturum se, si vniuerso operi Iuliani, quod quatuor voluminibus explicuit, redarguendo & refellendo laboraret: nisi satiùs existimasset haud differre responsionem, sicuti neque transmissionem scriptorum Valerius distulerat. *cod. l. c. 2.*

Alterum itaque Librum De Nuptiis & Concupiscentia Augustinus adiunxit: quo à Iuliani calumniis, citatis ad fidem decerptoris, vindicanda suscepit quæ primo volumine dixerat. Quàm verò exinde occasionem Iulianus arripuerit, totam suam bilem scædè euomendi in Augustinum; infra suo loco dicemus commodiùs.

§. X.

Epistola Augustini ad Hefychium.

Eisdem quos diximus Coss. Monaxio nimirum & Plintâ, multæ Palæstinæ ciuitates, villæque, terræ motu collapsæ sunt. Ipse Dominus noster Iesus Christus super montem Oliueti, Hierosolymæ vicinum, in nube apparuit. Quamobrem multæ vtriusque sexus vicinarum gentium nationes, tam visu quàm auditu perterritæ, in Christum credentes, sacro baptismatis fonte ablutæ sunt: inque omnium baptizatorum tunicis Crux Christi Saluatoris, diuinitatis nutu ex templo pressa, refallit: vt testatur Marcellinus in Chronico, & adstipulatur Idatius.

Hoc ostento, sermones omnium ad diem Iudicij conuersi sunt: eò magis, quod cogitantibus facile occurreret quod Lucas prodidit de Christo ascendente in celum, & à nube sublato ex oculis spectantium, in monte Oliueti: *Quemadmodum vidistis eum euntem in celum, ita veniet.*

Inter hos Hefychius Episcopus occasionem consulendi, vt apparet, Augustini accepit, saper ultimâ mundi die: quæ, cum præcessissent vt ait tot signa, iam videretur instare. *Epist. 78.*

Augustinus prolixa admodum Epistola, scriptâ eodem hoc anno, (vt inde colligitur, quod à Natiuitate Domini computari tum dicat Annos sermè quadringentos viginti: à Resurrectione autem vel

Sff 2

Ascep-

Ascensione, plus minus trecentos nonaginta) quamquam etiam agat de nouissimæ diei tempore; nihilominus curiosum nimis harum rerum exploratorem redarguit: contrà ostendens ex signis, diem illum haud posse instare, quandoquidem longè absit, ut prædicatum sit in vniuerso orbe Euangelium regni: quod futurum ante consummationem sæculi, Dominus ipse prædixit.

Sunt enim apud nos, inquit, in Africa innumerabiles gentes, in quibus nondum esse prædicatum Euangelium, ex iis qui dicuntur inde captiui & Romanorum seruitiis iam miscentur, quotidie nobis addiscere in promptu est. Pauci tamen anni sunt, ex quo quidam eorum rarissimi atque paucissimi, qui pacati Romanis finibus adherent, ita ut non habeant reges suos, sed super eos Præfecti à Romano constituantur imperio; & illi, & ipsi eorum præfecti, Christiani esse cœperunt. Interiores autem, qui sub nulla sunt potestate Romanâ, prorsus nec religione Christianâ in suorum aliquibus detinentur: neque vlllo modo recte dici potest, istos ad promissionem Dei non pertinere, &c. *Epist. 80.*

Vt pertineant autem (non eis sufficere) quod Pelagiani docebant, Legis naturæ cordibus omnium inscriptæ obseruantiam, absque fide in Christum; clarissimè docet, ubi ait: Sed dico, Numquid non audierunt? *In omnem terram exiuit sonus eorum, & in fines orbis terra verba eorum.* Sed antequam hoc inciperet fieri, antequam denique vsque ad fines totius orbis terræ prædicatio ipsa perueniat, quoniam non defunt adhuc vltimæ gentes, licet ut perhibetur paucissimæ, quibus hoc nondum fuerit prædicatum; quid faciet humana natura, vel quid fecit, quæ vel ante non audierat hoc futurum, vel adhuc non comperit factum; nisi credendo in Deum qui fecit cælum & terram, à quo & se factam naturaliter sentit, & rectè viuendo eius impleat voluntatem, nullâ fide Passionis Christi & resurrectionis imbuta?

Quod si fieri potuit aut potest; hoc & ego dico, quod de Lege dixit Apostolus: *Ergo Christus gratis mortuus est.* Si enim hoc ille dixit de Lege naturæ, quam accepit gens vna Iudæorum; quantò iustius dicitur de lege naturæ, quam accepit vniuersum genus humanum; Si per naturam iustitia, ergo Christus gratis mortuus est? Si autem non gratis Christus mortuus est; ergo omnis humana natura iustificari & redimi ab irâ Dei iustissimâ, hoc est vindicta, nullo modo potest, nisi per fidem & sacramentum sanguinis Christi. *l. i. de Nat. & grat. c. 2.*

§. XI.

Liber Augustini De Curâ pro mortuis.

DE curâ pro mortuis gerendâ scripsit, cûm fuisset interrogatus per litteras, Vtrum prosit cuique post mortem, quod corpus eius apud Sancti alicuius memoriam sepeliatur? *l. 2. Retract. cap. 64.* Fuerat is interrogator Paulinus Episcopus Nolanus, occasione Cyne-gij Floræ filij: quem defunctum Mater vidua, materno pioque affe-ctu, desiderauerat in beatissimi Ielieis Confessoris basilicâ sepeliri. *l. de cur. ger. pro mort. c. 1.*

Quod autem cadauerum sepulturam attinet; ea repetit quæ scripserat contra Paganos, *l. 1. de Ciuit. Dei c. 12.* qui de cadaueribus Christianorum, in excidio Urbis Romanæ per Alaricum insepultis, veluti non eis subuenisset Christus!, Christianis insultabant. Istud nimirum piam fidem non nimium reformidare, quando prædictum tenet, nihilûm obesse bestias etiam resurrectoris corporibus, quorum capillas capitis non peribit. *l. de cur. pro mort. c. 2.* Locum vero, qui sepeliendo cadaueri deligitur; respondet, per se quidem defuncto mi-nimè prodesse, sed solatium aliquod facere viuentibus: nisi ad hoc, vt, dum recolunt vbi sint posita eorum quos diligunt corpora, san-ctis illos tamquam patronis, susceptos apud Dominum adiuuandos orando commendent. *ead. l. c. 4.*

Cûm ergo fidelis mater, filij fidelis defuncti corpus desiderauit in Basilicam Martyris poni; si quidem credidit eius animam meritis Martyris adiuuari; hoc quod ita credidit, supplicatio quædam fuit, & hæc profuit, si quid profuit. Et quod ad idem sepulchrum recurrit animo, & filium precibus magis magisque commendat; adiuuat de-functi spiritum: non mortui corporis locus; sed ex loci memoriâ viuus matris affectus. *ead. l. c. 5.*

§. XII.

*Doctrina Augustini de Sacramento Eucharistiæ:
Sacrificio: Altari, &c.*

IN Libro iam memorato De Curâ pro mortuis, Capite 1. clarè meminit Augustinus commédationis mortuorum, quam solet Ecclesia facere in precibus Sacerdotis, quæ Domino Deo ad eius Altare funduntur. Sed & alibi mentionem facit Missæ Sacrificij non obscure: l. 16. de *Ciuit. Dei* c. 22. imò & materiæ ipsius, Panis nimirum & Vini, l. 20. *cont. Faust.* c. 13. ob quæ existimabant olim nonnulli, Christianos Cererem & Liberum colere.

Porro memoriam Sacrificij, & Victimæ quam Christus obtulit, celebrare nunc Christianos ait, sacrosanctâ oblatione & participatione Corporis & Sanguinis Christi: quam vtique nuncupat Sacrificium Christianorum. *ead.* l. c. 18.

Et alibi: Corpus & Sanguinem Christi dicimus, quod ex fructibus terræ acceptum, & prece mysticâ consecratum, ritè sumimus ad salutem spiritalem, in memoriam Dominicæ Passionis. l. 3. de *Trinit.* c. 4. *vide etiam* l. 20. *cont. Faust.* c. 13.

Esse autem Sacrificium istud propitiatorium defunctis; hisce verbis exprimit nimis quàm luculentè: Cum ergo sacrificia siue Altaris, siue quarumcumque Eleëmofynarum, pro baptizatis defunctis omnibus offeruntur; pro valde bonis gratiarum actiones sunt: pro non valde malis, propitiationes sunt: pro valdè malis, etsi nulla sint adiumenta mortuorum, qualescumque viuorum consolationes sunt. Quibus autem profunt; aut ad hoc profunt vt sit plena remissio, aut certè tolerabilior fiat ipsa damnatio. l. *Enchirid.* c. 110.

Quapropter pro filio Presbyteri Armeni Melonitani (qui Euodio à manibus fuerat) anno vigesimo & secundo ætatis corpore soluto, exsequias se præbuisse satis honorabiles & dignas tantæ animæ (Nam per triduum, inquit, hymnis Dominum collaudauimus super sepulchrum ipsius, & redemptionis Sacramenta tertio die obtulimus) Euodius ipse testis est, *Epist.* 258. Similiter sublato ex humanis Augustino,

gustino, pro eius commendandâ corporis depositione Sacrificium Deo oblatum esse se præsentem, scribit Possidius, *cap. 31. vti nimirum factum olim fuerat, in beatæ Monicæ sepulturâ. libro 9. Conf. cap. 12.*

Iam verò cum Corpus ipsum & Sanguinem Domini, Augustinus, vnicum ait esse Sacrificium pro salute nostrâ, *l. 1. cont. Crescon. c. 25.* satis insinuat propitiari quoque viuus. Hinc etiam tum solebant offerri pro impetrandis iis rebus, quibus humana nonnumquam necessitas indiget. Cuius rei alibi adducit exemplum: Vir, inquit, Tribunitius Hesperius qui apud nos est, habet in territorio Fussalensi fundum Zubedi appellatum: vbi cum afflictione animalium & seruorum suorum, domum suam spirituum malignorum vim noxiam perpeti comperisset; rogauit nostros me absente Presbyteros, vt aliquis illorum eò pergeret, cuius orationibus cederent. Perrexerunt vnus: obtulit ibi sacrificium Corporis Christi, orans quantum potuit vt cessaret illa vexatio: Deoque protenus miserante cessauit. *l. 22. de Ciuit. Dei c. 8.*

Quæ autem requiratur suscepturo Corpus & Sanguinem Domini, tum animi tum corporis dispositio; docet his verbis: Quam multi de Altari accipiunt, & moriuntur: & accipiendo moriuntur! Vnde dicit Apostolus, *Iudicium sibi manducat & bibit.* Nonne buccella Dominica venenum fuit Iudæ? & tamen accepit: & cum accepit, in eum inimicus intrauit: non quia malum accepit; sed quia bonum malè malus accipit. Videte ergo, fratres: Panem cælestem spiritaliter manducate: innocentiam ad Altare apportate. Peccata etsi sunt quotidiana, vel non sunt mortifera; antequam ad Altare accedatis, attendite quòd dicatis, *Dimitte nobis debita nostra, sicut & nos dimittimus debitoribus nostris, &c. Tract. 26. in Io.* Et alibi:

Liquidò apparet, quando primùm acceperunt discipuli Corpus & Sanguinem Domini, non eos accepisse ieiunos. Numquid tamen propterea calumniandum est vniuersæ Ecclesiæ, quòd à ieiuniis semper accipitur? Et hoc enim placuit Spiritui sancto, vt in honorem tanti Sacramenti, in os Christiani prius Dominicum Corpus intraret, quàm ceteri cibi. Nam ideo per vniuersum orbem mos iste seruatur, &c. *Epist. 118. c. 6.*

Quod denique eiusdem Sacramenti vsum spectat; quoniam iam tum Augustini ætate quibuldam videretur, non quotidie accipien-

dam Eucharistiam, alij verò contra sentirent: Faciat, inquit, unusquisque quod secundum fidem suam pie credit esse faciendum. Neuter enim eorum exhonorat Corpus & Sanguinem Domini, si saluberrimum Sacramentum certatim honorare contendunt. Nam & ille honorando non audet quotidie sumere, & ille honorando non audet ullo die prætermittere. *eād. Epist. c. 3.*

Iam & ex Liturgiâ sui temporis recitat subinde nonnulla, quæ etiamnum in eâ continentur. De Sacrificio enim Christianorum agens: Nosti, inquit, in quo Sacrificio dicatur, Gratias agamus Domino Deo nostro. *Epist. 57. & alibi sapius. l. de Dono persequ. cap. 13. l. de bono Viduit. c. 16. Epist. 156. serm. 29. de verb. Dom. l. 10. de Civit. Dei c. 4. & l. 14. c. 13. &c.* Videri de eadem re Cyprian. potest l. de Orat. Dom. post, Sed libera nos à malo: & ad eum Pamelij notæ.

Porro Altare, in quo Sacrificium offerri solet, de consuetudine Græca fuisse appellatum *MENSAM* ex *serm. 113. de divers.* palam est, dum ait: Sicut nostis quicumque Carthaginem nostis, in eodem loco ubi propter nomen Christi sanguis fusus est Cypriani, mensa Dei constructa est. Tamen mensa dicitur Cypriani. Non quia ibi est unquam Cyprianus epulatus, sed quia ibi est immolatus, & quia ipsa immolatione suâ paravit hanc mensam: non in qua pascatur siue pascatur; sed in qua Sacrificium Deo, cui & ipse oblatus est, offeratur. *Hæc ibi, Ad quam perinde mensam S. Cypriani, habiti sunt sermones 94. & 137. de Temp. nec non Tract. in Psalm. 38.*

S. XIII.

Liber de Octo Dulcitij quæstionibus.

Sequitur de Octo Dulcitij quæstionibus. quem librum hoc anno scriptum esse patet ex eo, quod post editum librum de Cura pro mortuis gerenda (quem tum nuper scripserat, ut ait quæst. 3. ad Dulcitium) Dominicus Paschæ fuerit tertio Kalendas Aprilis: id autem hoc anno euenisse, constet ex computo Paschali. Nam cum circa eam solemnitatem, Dulcitij litteras, à Carthagine

gine missas, accepisset; paulloque post Carthaginem ipse esset profectus: adeo ut ciuitate Hipponensi totis tribus mensibus abstuerit, occasione fortassis Legationis in Mauritaniam: eò demum reductus, id est quarto mense post Pascha, Dulcitio rescribere non distulit, & abs illo missis questionibus, quas iam per diuersa sua opuscula pertractauerat, ex eisdem reddere vel solutionem, vel certè disceptationem nouam. *Præfat. l. ad Dulcit.*

Ob hanc enim solam causam, quòd videlicet aliquid disputationis nouæ, quæ tunc potuit occurrere, huic libro sit interpositum, annumerauit illum inter alios à se confectos: omittendum alioquin, veluti fabricatum ex iis, quæ iam erant antea conscripta. *l. 2. Retract. l. 65.*

Sine autem Dulcitius hic idem cum eo, qui iussionum Imperialium contra Donatistas executor Marcellino successit, an alius ab eo; suprà diximus, quamquam haud existimem fratre suo Laurentio, vr̃bis Romæ Primicerio (ad quem datus est Liber Enchiridij, *q. 1. ad Dulcit.*), siue pietate, siue doctrinâ inferiorem fuisse.

Finis Libri Tertij.



Ttt

VITÆ

V I T Æ
 DIVI AVRELII
 AVGVSTINI
 LIBER QVARTVS.



Ic in acie contra hæreticos continenter positus Augustinus; merito dubitari potest, Vtrum aliquod otium reperire potuerit, cuius tranquillitate, intricatum magnopere animum ad alias exercitationes, horis saltem subcesuiis transferret. Fecisse tamen, neque vllum temporis momentum studiis deperire passum; tum quæ mox fine præteriti libri retulimus, tum quæ dicturi sumus, affatim ostendunt.

CAPVT

CAPVT PRIMVM.

AVGVSTINVS COMMVNIS OMNIVM
MAGISTER, ET IN DVBIIS PERFVGIVM.

§. I.

*Enchiridium de Fide, Spe & Charitate, ad
Laurentium Urbis Romæ Primicerium.*

Rogauerat Laurentius, (cuius suprâ meminimus) per litteras, ut aliquod haberet Augustini opusculum, de suis manibus non recessurum: quod genus Græci Enchiridion vocant. *l. 2. Retract. cap. 63.*

Huius postulatis Augustinus obtemperans, scripsit Librum de Fide, Spe & Charitate. Vis enim tibi, inquit, librum à me fieri quem Enchiridion habeas, & de tuis manibus non recedat: continens postulata, id est, quid sequendum maximè, quid propter diuersas principaliter hæreses sit fugiendum: quid primum, quid vltimum teneatur: quod certum propriumque fidei Catholicæ fundamentum. Hæc autem quæ requæris proculdubio scies, diligenter sciendo, Quid credi, quid sperari debeat, quid amari, &c. *Enchirid. ad Laurent. cap. 4.*

Ante duo proxima opuscula, aut hæc inter editum fuisse Enchiridium, iam indicauimus: sed meritò putamus disquiri posse, vtrum Laurentius hic, sit is, qui disputationis Augustini cum Pascentio Ariano, siue iudex, siue Arbitr sedit? *Epist. 178.* In re dubia, nihil pronuntiamus.

Eo interim Libro Catholicum dogma, de infirmitate liberi arbitrii ad faciendum bonum absque adiutorio gratiæ, enucleatè tradit: *cap. 30.* ipsamque fidem à Deo esse: *c. 31.* denique & bonam ad credendum

T t t 2

dendum & agendum voluntatem : c. 32. totidem locis, hydræ Pelagianæ totidem secans capita. Nam si nullus Christianus dicere audebit, Non miserentis est Dei, sed volentis est hominis, ne Apostolo apertissimè contradicat ; restat vt propterea rectè dictum intelligatur, *non volentis neque currentis, sed miserentis est Dei*, vt totum Deo detur : qui hominis voluntatem bonam & præparat adiuuandam, & adiuuat præparatam. Præcedit enim bona voluntas hominis multa Dei dona, sed non omnia : quæ autem non præcedit ipsa, in eis est & ipsa, &c. *Enchirid. c. 32.*

Omninò autem granditer & euidenter in Iesu Christo Domino nostro, Dei gratia commendatur. Quid enim, inquit, natura humana in homine Christo meruit, vt in vnitatem personæ vnici filij Dei singulariter esset assumpta ? Quæ bona voluntas : cuius boni propositi studium : quæ bona opera præcessere, quibus mereretur iste homo, vt vna fieret persona cum Deo ? Numquid antea fuit homo, & hoc ei singulare beneficium præstitum est, vt singulariter promereretur Deum ? Nempè ex quo homo esse cœpit ; non aliud cœpit esse homo quàm Dei filius, & hoc vnicus : & propter Deum Verbum, quod illo suscepto Carò factum est ; vtique Deus : vt quemadmodum est vna persona quilibet homo, anima scilicet rationalis & caro ; ita sit Christus vna persona, Verbum & homo. Vnde naturæ humanæ tanta gloria, nullis præcedentibus meritis, sine dubitatione gratuita ; nisi quia magna hîc & sola Dei gratia, fideliter & sobriè considerantibus, euidenter ostenditur : vt intelligant homines per eandem gratiam se iustificari à peccatis, per quam factum est vt homo Christus nullum habere posset peccatum ? *l. Enchir. c. 36.* Quod idem argumentum ponderat & tractat. *l. de Corrept. & grat. c. 11. & l. de Prædest. Sanctior. c. 15. & l. de Don. Perseu. c. 24. & l. 13. de Trinit. c. 17.*

Quibus perinde verbis Nestorianam hæresin, priusquam pullulare cœpisset, ad viuum rescuit : vt haud fuerit opus præsentè Augustino in Ephesina Synodo, qui sententiam suam tam antè pridem pronuntiauerat : præfagus quantam securim Christianæ fidei Pelagiana impietas esset inflicutura, si sineretur adolescere. Sublatâ etenim gratiâ, tolli Christum necesse est.

§. II.

Eiusdem Libri doctrina celestis Pelagianismum iugulat.

Eodem libro, tametsi non admodum grandi, totam conditæ, lapsæ, redemptæque naturæ œconomiam, quantum scire homini fas est, complexus videri potest: de qua tam constanter & categoricè, licet ineffabili sublimitate sermocinatur; atque si Dei ipsius arcana præfens oculis inspexisset. Et verò inspexit, in oraculis Scripturarum. Quamobrem docet absque vlla fluctuatione, Nequaquam dubitari debere, rerum quæ ad nos pertinent bonarum causam, non esse nisi bonitatem Dei: malarum verò, ab immutabili bono deficientem boni mutabilis voluntatem: prius Angelis, hominibus postea. *l. Enchir. c. 23.*

Et si autem condito homine, peccatum in solo libero arbitrio erat constitutum; non tamen iustitiæ retinendæ sufficiebat liberum arbitrium, nisi participatione immutabilis boni, diuinum adiutorium præberetur. Sicut enim mori est in hominis potestate, cum velit: (nemo est enim qui non seipsum, vt nihil aliud dicam, vel non vescendo possit occidere) ad vitam verò tenendam, voluntas non satis est, si adiutoria siue alimentorum, siue quorumcumque tutaminum desint: sic homo in paradiso ad se occidendum relinquendo iustitiam, idoneus erat per voluntatem: vt autem ab eo teneretur vita iustitiæ, parum erat velle, nisi illum, qui eum fecerat adiuuaret. *lib. Enchir. cap. 106.*

Iam verò libero arbitrio malè vtens homo, & se perdidit & ipsum. Sicut enim qui se occidit, utique viuendo se occidit; sed se occidendo non vitat, nec seipsum potest resuscitare cum occiderit: ita cum libero peccaretur arbitrio, victore peccato amissam est & liberum arbitrium. A quo enim quis deuictus est; huic & seruus addictus est. Petri certè Apostoli est ista sententia: quæ cum vera sit; qualis quisque potest serui addicti esse libertas, nisi quando eum peccare delectat? Liberaliter enim seruit, qui sui Domini voluntatem libenter facit. Ac per hoc ad peccandum liber est, qui peccati seruus est. Vnde

Tit 3

ad

ad iustè faciendum liber non erit; nisi à peccato liberatus, esse iustitiæ cœperit seruus. Ipsa est vera libertas, propter rectè facti licentiam: simul & pia seruitus, propter præcepti obedientiam. Sed ista libertas ad benefaciendum, vnde erit illi homini addicto & vendito, nisi redimat ille, cuius illa vox est: Si vos filius liberauerit, tunc verè liberi eritis? *l. Enchirid. c. 30.*

Quod cùm Deus facit, per misericordiam facit: cùm autem non facit, per iudicium non facit. *l. eod. c. 98.* Misericorditer scilicet magnâ bonitate, obdurat nullâ iniquitate: vt nec liberatus, de suis meritis gloriatur; nec damnatus, nisi de suis meritis conqueratur. Sola enim Gratia redemptos discernit à perditis, quos in vnâ perditionis concreuerat massam ab origine ducta causâ communis. *Enchirid. c. 99.*

Deus igitur omnipotens, siue per misericordiam cuius vult misereatur, siue per iudicium quem vult obduret; nec iniquè aliquid facit, nec nisi volens quidquam facit, & omnia quæcumque vult facit. *l. Enchirid. c. 102.* Ac per hoc cùm audimus, & in sacris Litteris legimus, quòd velit omnes homines saluos fieri: quamuis certum sit nobis, non omnes homines saluos fieri; non tamen ideo debemus omnipotentissimæ Dei voluntati aliquid derogare, sed ita intelligere quod scriptum est, *Qui vult omnes homines saluos fieri*, tamquam diceretur: nullum hominem fieri saluum, nisi quem saluum fieri ipse voluerit. Non quod nullus sit hominum, nisi quem saluum fieri velit; sed quod nullus fiat, nisi quem velit: & ideo sit rogandus vt velit, quia necesse est fieri, si voluerit.

De orando quippe Deo agebat Apostolus, vt hoc diceret. Sic enim intelligimus, id quod in Euangelio scriptum est: *Qui illuminat omnem hominem*: non quia nullus est hominum, qui non illuminetur; sed quia nisi ab illo nullus illuminatur. Aut certe sic dictum est, *Qui omnes homines vult saluos fieri*, non quod nullus hominum esset, quem saluum fieri nollet, qui virtutes miraculorum facere noluit apud eos, quos dicit acturos fuisse pœnitentiam si fecisset: sed vt omnes homines, omne genus humanum intelligamus, per quascumque differentias distributum: Reges, priuatos, nobiles, ignobiles, sublimes, humiles, doctos, indoctos, integri corporis, debiles, ingeniosos, tardicordes, fatuos, diuites, pauperes, mediocres, mares, feminas, infantes, pueros, adolefcentes, iuuenes, seniores, senes: in linguis omnibus, in artibus omnibus, in professionibus omnibus, in volunta-

luntatum & conscientiarum varietate innumerabili constitutos, & si quid aliud differentiarum est in hominibus.

Quid est enim eorum, unde non Deus per Unigenitum suum Dominum nostrum per omnes gentes saluos fieri homines velit, & ideo faciat, quia omnipotens velle inaniter non potest quodcumque voluerit? Præceperat enim Apostolus, vt oraretur pro singulis hominibus, & specialiter addiderat, pro Regibus, & iis qui in sublimitate sunt: qui putari poterant, fastu & superbiâ seculari à fidei Christianæ humilitate abhorrere. Proinde dicens, *Hoc enim bonum est coram Salvatore nostro Deo*, id est, vt etiam pro talibus oretur; statim vt desperationem tolleretur, addidit: *Qui omnes homines vult saluos fieri, & in agnitionem veritatis venire*. Hoc quippe Deus bonum iudicauit, vt orationibus humilium dignaretur salutem præstare sublimium. Quod utique iam videmus impletum. *l. Enchirid. c. 103.*

Quibus dum similia, pluribus aliis locis, constantissimè tradit: puta *l. 2. de pecc. mer. & remiss. c. 18. Epist. 107. l. 4. cont. Iul. c. 8. & l. 6. c. 5. & l. de Corrupt. & grat. c. 14. & 15. & l. de dono pers. c. 11.* quid aliud fecit quàm, tum veteris Semipelagianismi à Massilia, tum hodierni neruos incidere? cuius hic vnus est è melioribus, quod post Adami lapsum statuerit Deus unicuique dare sufficiens auxilium perueniendi ad salutem: idque ideo, quod Apostolus perspicuè dicat, Deus vult omnes homines saluos fieri. De Enchiridio ista sufficiant.

§. III.

Libri Locutionum Scripturæ Scriptura.

EDIDIT & septem Libros Locutionum Scripturæ Sacræ: id est, de Moyse quinque, & vno Iesu Naue, & altero Iudicum: notatis locutionibus singulorum, quæ minùs vsitatæ sunt linguæ nostræ, id est, Latine: quas parum aduertendo, inquit, sensum quærunt, qui legunt, diuinorum eloquiorum, cùm sit locutionis genus: & nonnumquam exsculpunt aliquid, quod à veritate quidem non abhorreat; non tamen id sensisse auctor à quo scriptum est inuenitur, sed

sed genere locutionis hoc dixisse credibilius apparet. Multa autem, ut idem ait, in Scripturis sanctis obscura, cognito locutionis genere dilucescunt. Propter quod, cognoscenda sunt eadem genera locutionum, ubi sententiæ patent: ut etiam ubi latent, cognitio ipsa succurrat, easque intentioni legentis aperiat. *l. 2. Retract. cap. 54.*

Quibus profectò libris ostendit, quanta ei fuerit Græcæ linguæ scientia: cuius se tamen perparum asscutum fuisse, locis aliis ingenuè fatetur, quæ alibi designauimus.

S. IV.

Libri Quæstionum, de septem Libris eiusdem Scripturæ.

Prodierunt & libri Quæstionum, de Libris eisdem diuinis septem: quos ideo appellare sic voluit, quia ea quæ ibi disputantur, magis quærenda proposuit, quàm quæ sita dissoluit. Quamvis multò plura in eis videantur ita pertractata, ut possint etiam soluta & exposita non immeritò iudicari. Regnorum quoque Libros, eodem modo tum considerare cœperat: sed non multum progressus, in alia quæ magis vrgebant, animum intendit. *libro 2. Retract. cap. 55.*

Quanti sint faciendi hi libri, non alterius quàm Cassiodori, uti integerrimi, ita maximè oculati Iudicis, verbis aperiam: Quæstiones, ait, quæ in voluminibus sacris, ardua difficultate poterant aperiri; libris septem, necessariâ nimis & syllogisticâ probatione declarauit: enifus Magister optimus & veracis ingenij, ut quod ad salutem animarum constat esse concessum; nequaquam indiscussum mortiferâ negligentia linqueretur.

Scriptit etiam de modis Locutionum, septem alios mirabiles Libros: ubi & schemata sæcularium Litterarum, & multas alias locutiones diuinæ Scripturæ proprias, id est, quas communis usus non haberet, expressit: considerans ne compositionum nouitate re-
pertâ, legentis animus nonnullis offensionibus angeretur: simulque

ut

vt illud ostenderet Magister egregius, generales locutiones, hoc est " schemata Grammaticorum atque Rhetorum, exinde fuisse progressa: " & aliquid tamen illis peculiariter esse derelictum, quod adhuc nemo " Doctorum secularium prævaluit imitari. *Cassiod. l. de diuin. lect. c. 1.* "

Primum omnium satis constat, perpetuo studio non esse compositos hosce libros: Sed cum, inquit, Scripturas sanctas, quæ appellantur Canonicae, legendo, & cum aliis Codicibus secundum Septuaginta interpretationem conferendo percurreremus; placuit eas quæstiones quæ in mentem venirent (siue breuiter commemorando, vel etiam pertractando tantummodò proponerentur, siue etiam qualitercumque tamquam à festinantibus soluerentur) stylo alligare, nè de memoriâ fugerent. *Initio lib. 1. Quæstion.*

Quo factum est vt studiosius nonnulla, quæ memoratis libris comprehensa fuerant, & veluti in transitu effusa; melioribus occurrentibus retractarentur. Nam quantum in illo scripti genere emendando momenti habere soleat, temporum studiiq; lapsus; facile de se quisque iudicare potest, qui operam in eo non legniter collocare proposuit.

S. V.

Scholam Theologicam in Episcopoio habuit.

Colliges autem ex hac Augustini legendi studendiq; ratione (quam & alias secutum constat ex iis quæ pridem diximus) Scholam Theologicam in domo Episcopali, siue Clericorum Monasterio tenuisse: in quâ ad erudiendos fideles, regendamq; Ecclesiam ministros idoneos formaret. Hinc tametsi agnoscere facile possint, quàm sanæ fidei, Spei & Charitatis Sacerdos in Ecclesia Catholica ipse fuerit, qui eundem de diuinis scribentem legunt; arbitratur nihilominus Possidius, plus ex eo proficere potuisse, qui eum & loquentem in Ecclesia præsentem audire & videre potuerunt, & eius præsertim conuersationem inter homines non ignorauerunt.

Erat non solum eruditus scribe in regno cælorum, de thesauro suo proferens noua & vetera: & vnus negotiatorum qui inuentam pretiosam margaritam, venditis quæ habebat, comparauit; verumet-

V u u

iam

iam ex iis ad quos scriptum est, Sic loquimini, & sic facite. Et de quibus Saluator dicit: Qui fecerit & docuerit sic homines, hic magnus vocabitur in regno Cælorum. *Poss. cap. 31.*

Nimirum haud fuit de nihilo, quod tantò ante Possidium dixerat, de Augustino Alipius: Expectationem, socij, vestram, quàm me ad respondendum prouocatis, certiore spe mecum ad discendum conuertite: habemus ducem qui nos in ipsa veritatis arcana, Deo iam monstrante, perducatur. *l. 3. cont. Acad. cap. 20. & Licentius:*

*An Te voce vocem, clari quem Rector olympi
Fontibus infantum præfecit, & abdita iussit
Vbertate animi longè rutilare fluenta?
Ferto Magister opem, ac tu ne desere vires
Inualidas, mecumq; sacras subuertere glebas
Incipe: tempus enim, nisi me mortalia fallunt,
Labitur, in seniumque trahit. Tibi nosler Apollo
Corda replet, patrèmque suum, patrèmque Deorum
Conciliat, legemq; bonam, pacemq; cruentam
Monstrat, & abducto velamine singula pandit. Epist. 39.*

Ob hæc namque Paullinus postea scripto ad Licentium, qui per id tempus Romæ agebat cum patre Romano, Poëmate Elegiaco, eum hortabatur, ut aulæ militiæque fastu contempto ad cælestis vitæ exercitationem se conferret; reducens ante oculos præceptoris Augustini & Cognati Alipij, tum recenter ad Episcopatum assumptorum, exempla, dum ait:

*Frater Alipius est, Augustinusq; Magister,
Sanguinis hic consors, hic sator ingenij.
Tanto fratre vales, & præceptore, Licenti,
Et dubitas pennis talibus astra sequi?
Quidquid agas (nam te nec sperat mundus amicum)
Non daberis terræ debita Christo anima.
Tu thalamos licet, & celsos mediteris honores
Nunc; olim Domino restituere tuo.
Credo vnum vincens Iusti duo peccatorem,
Et tua fraterna vota preces abigent.
Ergo redi, quàm voce parens, quàm sanguine frater,
Ambo Sacerdotes te remeare iubent. Epist. 36*

S. VI.

*Quos bene volebat instructos, cupit secum
convivere.*

IAm & ipse Augustinus, quos natalibus indoleque suâ dignè cupiebat instructos edoctosque esse, desideravit sibi praesentes.

Inter hos & IULIANVS fuit, Memorij filius, vt patet ex verbis Augustini quæ suprâ adduximus Lib. III. Cap. XXIV. §. v. Qui si in Augustini disciplinam datus fuisset; aliis eum artibus liberalibus imbuisset, atque imbutus fuit: iis videlicet, quibus à se imbutum fuisse Possidium testatur Epistola 131.

Neque enim (vt ibidem inquit) illæ innumerabiles & impiæ fabulæ, quibus vanorum plena sunt carmina Poëtarum, illo modo nostræ consonant libertati: non Oratorum inflata & expolita mendacia: non denique ipsorum Philosophorum garrulæ argutiae, qui vel Deum prorsus non cognouerunt, vel cùm cognouissent Deum, non sicut Deum glorificauerunt, aut gratias egerunt; sed euauerunt in cogitationibus suis, & obscuratum est insipiens cor eorum: & dicentes se esse sapientes, stulti facti sunt. Et immutauerunt gloriam incorrupti Dei, in similitudinem imaginis corruptibilis hominis, & volucrum atque quadrupedum & serpentium: vel qui istis simulachris non dediti, aut non nimis dediti; coluerunt tamen & seruierunt creaturæ potius, quàm creatori.

Absit omninò vt istorum vanitates & insaniæ mendaces, ventosæ nugæ, ac superbus error, rectè liberales litteræ nominentur, hominum scilicet infeliciū, qui Dei gratiam per Iesum Christum Dominum nostrum, quâ solâ liberamur de corpore mortis huius, non cognouerunt, nec in eis ipsis quæ vera sunt senserunt, &c. Epist. 131.

Quæ si Memorius quemadmodum ab Augustino dicebantur excepisset, atque in suo Iuliano executioni mandasset; vno hæretico Iuliano minor fortasse fuisset omnium turba. Non enim propter aliud, desiderasse Augustinum praesentiam Iuliani, quàm vt bonum eius ingenium ab amœnitatē secularium litterarum, ad sacras adduceret, propè euident est.

V u u 2

C O N -

CONSENTIVM deinde præclaro virum ingenio, quoniam opusculis eius delectabatur, non procul positum optauit: quo posset quædam à se edita Augustinus tradere legenda: & ea quæ fortè minùs intellexisset Consentius, non difficulter præsens interrogare: sicque ex mutuo colloquio emendare, quod ipse Consentius antea scripserat. *Epist.* 222.

Erat & AVDAX, omnigenâ eruditione conspicuus, qui litterarum cum Augustino commercium ideo affectabat, vt ex eis haurire, inquit, posset sapientiæ vniuersæ thesaurum. *Epist.* 139. Sed cui respondens Augustinus, litterarium colloquium excusauit per Ecclesiasticas curas suas, quibus occupatissimus detinebatur: hortaturque ad ea euoluenda quæ iam ediderat: aut sanè, cùm ab omni munere liber Audax esset; ad se vtique veniret: sumturus in præsentia quod poposcerat, tamdiu atque ei visum fuisset. *Epist.* 140.

Ex his fuerunt & Monachi ADRVMETINI: inter quos Crescennius, Felix, & alius Felix hallucinabantur, neque rectè de Gratia sentiebant, vt mox dicemus: turbato quoque ob id, nonnullâ dissensione Monasterio. Ad se venientes Augustinus tenuit aliquantò diutius, vt instructiores redirent ad suos, aduersus novos hæreticos Pelagianos: imò legit & exposuit, quidquid hætenus fuerat ad repellenda Pelagianæ hæreseos venena editum ab Ecclesia Catholica. *Epist.* 46. & 47.

S. VII.

Vincentium Victorem sibi præsentem optat: eiusque errores Petro Presbytero detegit.

Anno
420.

VINCENTIVS VICTOR, hoc circiter anno, in Mauritaniâ Cæsariensi inuenerat apud Hispanum quemdam Presbyterum Petrum, nonnullum Augustini opusculum, vbi quodam loco (hoc est vel libro 2. de Peccatorum meritis, cap. vltimo: vel Epistolâ 157. vel 28. aut certè libro 3. de lib. Arbitrio cap. 21.) de Origine Animæ hominum singulorum, vtrum ex illâ vnâ primi hominis, ac deinde ex parentibus propagentur; an, sicuti illi vni, sine vlla propagatione sin-

singulæ singulis dentur; se nescire Augustinus confitebatur: scire tamen, Animam non esse corpus, sed spiritum. Cùm illico Vincentius contra hæc omnia ad eundem Petrum duos libros scripsit. Quos vbi Augustino de Casaria Renatus Monachus misisset, iis perlectis respondens Augustinus quatuor Libros reddidit: Vnum ad Renatum Monachum, alterum ad Presbyterum Petrum, & duos ad eundem Vincentium Victorem. In quibus cùm multa necessaria differantur; tum de Origine Animarum quæ singulis hominibus dantur, cunctationem suam defendit, multosq; errores & prauitates Vincentij ostendit: *l. 2. Retract.* c. 56. atque ad extremum, emendationis ipsius cupidus (quod huic nostro proposito congruit:) Vtinam, inquit, tua scripta tecum legere possem: & colloquendo potiùs quàm scribendo, quæ sint emendanda, monstrarem. Faciliùs hoc negotium perageretur, nostrâ inter nos sermocinatione, quàm litteris: quæ si scribenda esset; multis voluminibus indigeret. *l. 3. de Orig. Anim.* c. 14.

Ceterùm tantâ prudentiâ tantaque lenitate hunc Vincentium tractauit; (quem lectis libris viderat hominem, in sermone quidem non solum vsque ad sufficientiam, verumetiam vsque ad redundantiam profluentem: sed in rebus, de quibus loqui voluit, nondum sicut oportebat instructum; *l. 2. de Orig. Anima* c. 1.) vt rescripta ab eo correctionis acceperit. *l. 2. Retract.* c. 56.

Quamobrem sicuti ab errore Vincentium ad sanam mentem reduxit; ita Petrum Hispanum Presbyterum (de quo consuli Chronicon Dextri potest, Anno 424.) ad quem libros suos Vincentius miserat, instruendo perstrinxit: quòd libris iisdem recitatis adeo lætitiâ exsiliisset, vt caput Vincentij, iuuenis & laici, Presbyter osculatus, didicisse se quod ignorabat, gratias egerit. Nam licet humilitatem Petri non improbet, imò etiam laudet, quòd honorauerit Doctorem suum; nec hominem, sed ipsam, quæ per illum loqui dignata est, veritatem: (si tamen demonstrare potuerit, quid per illum veritatis acceperit.) Vellem, tamen inquit, rescriptis tuis, quid te docuerit, me doceres. Absitenim vt erubescam à Presbytero discere, si à laico tu non erubueris predicandâ & imitandâ humilitate, vera didicisse. *l. 2. de Orig. An. ad Petrum Presbyt.* cap. 1.

Ergo & Petro, sicuti antea Renato, varios crassosque Vincentij errores aperuit: eò denique collimans, vt neque Petrus permittat se induci in errantis errores; neque assentatione indecente adulantis, &

deceptoriam lenitudine blandientis, ipsos errantis errores siue foueat siue tueatur. *ibid. cap. 17.* Eiuscemodi enim erant hi errores, ut si pertinaciter singuli defenderentur; tot hæreses facere possent, quot errores numerabantur. *l. 3. de Orig. An. c. 15.*

Atqui in eo potissimum Victor putauerat Augustinum reprehendendum, quod firmiter crederet animam incorpoream esse, quam ipse assererat corpoream: docens eam flatum esse Dei, qui intra hominis corpus veluti vaginam inclusus, ibidem gelasceret, efficeretque aliud corpus, quod est Anima: cumque sine spiritu anima esse non possit; intra inania sua spiritum ipsa contineret, sicut eam corpus continet. Ita enim fieri, ut quemadmodum corpus per interiora concaua sua recipit aliud corpus, quod est anima; sic & anima credatur habere interiora inania, qua corpus tertium, receperit spiritum: atque ita totus homo constet ex tribus, exteriori, interiori, intimo. *l. 4. de Orig. An. c. 12. & 14.*

Præclarum ædèpol commentum, quo nos instar allij aut cepæ, ex corporibus veluti tessellis, aut caliculis, ineptissimo artificio fabricabat: ut nihil dicamus de Augustini dissertatione, quâ halitum illum siue flatum Dei, tenui lenique spiritu in auras diffauit. *l. 3. de Orig. An. cap. 3. 4. & 5.*

S. VIII.

*Hilarius, aliique ab Augustino præsentibus
edocti.*

Sed neque HILARIUS, magnus Pelagianæ hæreseos antagonistes, obliuioni tradiderat, quantum profecisset in schola & disciplina Augustini, dum ait scribens ad eundem: Sufficiat mihi pœna mea, quod à præsentibus tuæ deliciis exulatus, ubi salubribus tuis vberibus nutriebar, non solum absentiam tuam crucior; verumetiam peruicaciam quorundam qui non tantum manifesta respuunt, verum etiam non intellecta reprehendunt. *Epist. ad August.*

Dubitari in hoc Hilario solet, fueritne Antistes an laicus? Laicum fuisse existimat Petauus. *lib. 7. Ration. cap. 18.* Episcopum Arclatensem, Grauius

Grauius in Annotat. ad Tom. VII. August. Sed & de Prospero Hilarij Collega affirmant nonnulli, Episcopum numquam fuisse. *Mitius Auctarij cap. 99.*

Inter alios qui docentem Augustinum audierunt, cenferi possunt, PROFVTVRVS, ad quem exstat Epistola 149. quemque Calamiensem (Episcopum vt opinor) vocat auctor vitæ S. Paullini. PAVLLVS deinde Cataquensis Episcopus, de quo infra *cap. 3. §. 4.* præterea BONIFACIVS qui Paulo successit, cuiusque meminit *Epist. 59.* VRBANVS Episcopus Siccensis, cuius mentio fit *Tomo 10. Fragm. 1.* ANTONIVS Fussalensis, de quopost : ERADIVS : QVODVLTDEVS, DEO GRATIAS.

§. IX.

Manichæi hoc tempore Carthagine detecti.

SVprà diximus, Vrso Tribuno satagente, in Manichæos inquisitum Carthagine fuisse : qui nequicquam prohibiti, secretò sua conuenticula agebant. Detecti ex eis nonnulli, quos Electos Electasque nuncupare solent, atque in Ecclesiam introducti ; ibidem ab Episcopis, Augustino præfente, omnium propè mysteriorum eius sectæ gnaro, ad tabulas auditi sunt : & confessionem earum tum blasphemiarum, tum sordium ediderunt, quas ipse recitat *libro de heres. bar. 48.*

Id hoc Anno contigisse Baronius tradit : vt adeo illis quæ nuper commemorauimus (præter hanc temporis notationem : & Commonitorium sub nomine Augustini ad vniuersam Ecclesiam destinatum, Quà cautela Manichæi si conuersi fuerint, suscipi debeant : quod exstat ad finem Tomi 10. post vndecim Homilias nouas) nihil addendum existimemus. Nam quod Theodosium attinet, qui à Manichæismo ad Catholicam conuersus Manichæos nonnullos prodiderat, iuxta quod facere debebat : (de quo Quodvultdeum Diaconum Carthaginensem Augustinus interrogat, quemadmodum tum ipse, tum alij qui ab eo proditi erant, atque vt putabat correcti, in fide Catholica perseverent ;) aliquot post hæc annis contigisse certum est. *Epist. 2. ad Quodvultdeum. Tom. 6.*

§. X.

S. X.

Celestius urbe Româ pulsus.

VTi verò Carthagine Manichæi, ita Romæ eodem anno exagitatus est Celestius: qui cū in Urbem clanculū irrepsisset; Imperatorio edicto ad Præfectum Vrbi Volusianum, cuius suprà meminimus, destinato, cedere extemplò iussus est. *Baron.* Quò respexit indubiè Prosper dum ait: Sanctæ memoriæ Bonifacius, piissimorum Imperatorum Catholicâ deuotione gaudebat: & contra inimicos gratiæ Dei nō solū Apostolicis, sed etiam regiis utebatur edictis. *l. cont. Coll. cap. 41.*

S. XI.

Contra Donatistas Dulcitius agit.

INterea Dulcitius in Africa Imperialium iussionum contra Donatistas executor, munus suum impigrè obibat. Declarabat *intestabiles, & nullam potestatem alicuius* [hæreditatem] *ineundi habere: sed perpetuâ iniustos infamiâ à cæteris honestis, & conuentu publico segregandos.* Loca deinde in quibus dira superstitio eo vsque seruata erat, Catholicæ Ecclesiæ sociabat: & spoliatos facultatibus Episcopos, eorumque ministros, in singulas quasque insulas atque prouincias exulatum dirigebat, *&c.* iuxta edictum Imperatoris Honorij antea datum, quod exilat *l. 54. de heret. Cod. Theodos.*

Ad Basilicas quod spectat, quibus vsi ad superstitiones suas Donatistæ fuerant; Carthagine quandam deferere coacti sunt: quæ quoniam Catholicorum prius fuerat (ad quos postliminò rediuit) **RESTITVTA** deinceps cognomen accepit: vt testatur Euodius, *l. 1. de miracul. S. Stephani cap. 7.* in qua habitus ab Augustino sermo 102. de Diuers. & alij: Carthagenenses autem, Cathedræ suæ munia Episcopi obibant. *Victor Vitens. l. 1.* Verū hoc tempore id contigisse haud affirmo: quandoquidem in Concilio Carthag. II. quod hîc vetustius est, non tantū appellatur Restituta; sed duplici nomine, **PERPETVA RESTITVTA.**

Quod verò ad ablatas facultates attinet; si melioribus vsi consiliis resipis-

resipiscerent, restitui sôlitas fuisse constat Augustino teste, dum ait: Verùm de his pecuniariis laboribus, facilior causâ est. Ecce quotidie si quis ad nos transitum facit, cùm etiam illi, quorum erant, ad pacem Catholicam transeunt, reddimus pecuniam, vestem, fructus, vasa, rura, tecta vestrorum: *l. i. cont. Gaud. cap. 38.* Ad omne enim hominum genus è Donatistis, Edictum loquebatur vt alibi indicauimus.

Legum porrò seueritate, quamplurimi ad Ecclesiæ Vnitatem siue accesserunt, siue redierunt: *Epist. 61.* (interque hos Gabinus, cuius sit specialis mentio *l. i. cont. Gaud. c. 12.*) aliis in peruiacia suâ remanentibus, & frequentantibus veterem ludum irruendi in spontaneam mortem, spe vtique nominis Martyrum. De iisdem enim agens Augustinus, pauldò ante Bonifacio Comiti scribebat: Qui nesciunt consuetudinem illorum, putant eos modò seipsos occidere, quando ab eorum insanissima dominatione per occasionem Legum istarum, quæ pro vnitatem sunt constitutæ, tanti populi liberantur: qui autem sciunt, & ante ipsas leges quid facere soleant; non eorum mirantur mortes, sed recordantur mores, &c. *Epist. 50.*

Nam cùm in illos mitiora constituisset Imperator propter mansuetudinem Christianam, & exilium illis voluisset inferre, non mortem; ipsi homines docti, considerantes quid deberetur merito, & quid minus sit in supplicio; non de iudicio Imperatoris, sed de suo addebant mortem: vt eis exprobrat August. *libro 1. contra Gaudent. cap. 19.*

§. XII.

*Gaudentius Donatista scribit ad
Dulcitium.*

Cum malorum eiusmodi vox atque fax esset Gaudentius, Thimagaënsis in Numidia Donatistarum Episcopus, vnus illorum septem, quos in Collatione auctores suæ defensionis elegerant; dedit ad eum litteras Dulcitius, agens, vt oportebat cum furentibus, mansuete: atque exhortans eum ad Vnitatem Catholicam, & dissuadens

X x x

incen-

incendium, quo se ac suos, cum ipsâ in qua erat Ecclesiâ Gaudentius consumere minabatur: addens, Vt, si se iustos putarent, fugerent potius secundum præceptum Domini Christi, quàm nefandis sese ignibus cremarent.

Respondit Gaudentius Dulcitio, Epistolis duabus: breuiore vnâ, festinante vt asserbat perlatore: aliâ prolixâ, quasi plenius diligentiusque (vt arbitratur) ipsis sacrosanctæ legis diuinæ verbis respondens. *l. 2. Retract. c. 59. & l. 1. cont. Gaud. c. 1. & 11.*

S. X I I I.

Dulcitius ad Augustinum confugit: is Gaudentium refutat, Dulcitium instruit.

Dulcitius Tribunus ambas Gaudentij litteras existimauit Augustino mittendas, vt eas potius ipse refelleret: *l. 2. Retract. c. 59.* adhæc territus voluntariis hominum fanaticorum mortibus, consuluit per litteras eundem: doceri cupiens, quemadmodum sit istis hæreticis respondendum. *Epist. 61.*

Augustinus autem quamquam esset & occupatissimus, & plurimis huiusgeneris opusculis multos iam libros impleisset; in gratiam nihilominus Dulcitij & Thamugadensium, refutationem pollicitus, *Epist. 61.* ambas Gaudentij litteras vno Libro redarguit: *l. 2. Retract. c. 59.* ad litterarum verò Dulcitij argumentum respondens, Non debui, ait, contemnere petitionem tuam, quâ desiderasti à me institui, quemadmodum te oporteat hæreticis respondere: quorum salus Domini misericordiâ, instantiâ quoque tuæ strenuitatis, inquiritur.

Quamuis enim ingentes eorum multitudines, vnde plurimum gratulamur, quid sibi beneficij conferatur intelligant; quidam tamen eorum & Deo & hominibus miserabili instinctu furoris ingrati, si suis cædibus nos vastare non possunt, suo nos exitio terrere se credunt; aut lætitiâ suam quærentes de mortibus nostris, aut tristitiâ nostram de mortibus suis.

Sed non debet tot tantorumque populorum salutem, furiosus error

ror hominum impedire paucorum. Quid eis velimus, non solum Deus & prudentes homines; verumetiam ipsi cum sint nobis inimicissimi, sentiunt. Cum enim suam perniciem terrendos putant; non dubitant nos timere ne perant. Sed quid faciamus, videntes quod multi adiuuante Domino, per occasionem vestram, viam pacis inueniant? Numquid prohibere nos possumus vel debemus ab hac Vnitatis instantia, dum metuimus ne quidam durissimi, & in seipsos crudelissimi, non nostram, sed propriam voluntate se perdant? *Epist. 61.* Et post pauca.

Proculdubio melius, incomparabili numerositate plurimis ab illa pestifera diuisione redintegratis atque collectis, quidam suis ignibus pereunt; quam pariter vniuersi sempiternis ignibus gehennarum, merito sacrilegae dissensionis ardebunt. &c. *ibid. Epist.* Videri in eandem rem potest *l. 1. cont. Gaud. c. 22.*

§. XIV.

Replicat Gaudentius: iterum respondet Augustinus.

Augustini liber, quo binas illas Gaudentij redarguit, cum in eius manus peruenisset; rescripsit quod ei visum est, ne, si tacuisset, conuictus esse videretur: nulla certe ratione respondens; sed magis se nec respondere, nec tacere potuisse, declarans.

Quod etsi posset satis intelligenter legentibus & conferentibus vltro citroque scripta, apparere; noluit tamen Augustinus sine rescripto relinquere, quidquid illud Gaudentij fuit: ideoque factum est, ut duo sint contra Gaudentium Libri. *l. 2. Retract. c. 59. l. 2. cont. Gaudent. c. 1.*

Hunc autem ordinem temporisque indicem, aliter atque Baronio ad Annum 414. visum est, eis dedimus; quod scriptos esse constet post congregationem cum Emerito, ut liquet *l. 1. cont. Gaudent. cap. 14. 32. & 39.*

S. XV.

*Libri duo de Adulterinis coniugiis,
ad Pollentium.*Anno
421.

PRÆTER-propter hunc Annum, POLLENTIVS vir studiosus, sed nullâ vt apparet Ecclesiasticâ dignitate eminens, quod eum fratrem dilectissimum tantummodo nominet Augustinus; propositâ illum quæstione pulsavit: Vtrum id Apostoli, dum ait, *Hi qui sunt in coniugio, præcipio non ego, sed Dominus, mulierem a viro non discedere: quod si discesserit, manere innuptam, aut viro suo reconciliari: Et vir uxorem non dimittat*; ita sit accipiendum, vt eam quæ sine causâ fornicationis discessit à viro, intelligatur prohibuisse nubere, quod Pollentius sentiebat: an verò etiam prohibuerit eam, quæ à viro suo recesserit eâ causâ quæ sola permessa est, id est, fornicationis: quod ipse olim Augustinus docuerat, dum sermonem Domini in Monte Presbyter explanaret. l. 1. de adult. coniug. c. 1.

Ob hoc scripsit duos Libros, De Coniugiis adulterinis; quantum potuit, secundum Scripturas cupiens soluere difficillimam quæstionem. Quod nescire se ait, vtrum enodatissimè fecerit: imò verò se non peruenisse ad huius rei perfectionem sentit, quamvis multos finis eius aperuerit: vti iudicare poterit quisquis intelligenter legit. l. 2. Retract. c. 57.

Hoc interim docet, Coniugis à coniuge discessum, nullâ, præterquam fornicationis causâ, concedi: qui si fuerit sub tali vtique causâ permissus; ad secundas attamen nuptias transitum vetari, non tantummodò verbis Christi apud Matthæum c. 5. sed etiam Apostoli 1. ad Corinth. 7. qui quamvis nullam discedendi causam alleget; non tamen nisi ad fornicationis, discessum permittit.

Neque enim præcepisset, si à viro discesserit, innuptam manere mulierem; nisi eam, cui discedere licuisset, illâ vnâ videlicet causâ, quæ ibi propterea tacita est, quia notissima est, hoc est, fornicationis. Hanc enim solam Deus magister excepit, cum de dimittendâ loqueretur uxore: deditque intelligi, talem formam etiam in viro esse seruandam:

uandam: quoniam non solùm mulier, non habet potestatem corporis sui, sed vir; sed & vir, non habet potestatem corporis sui, sed mulier. *l. de adult. coniug. cap. 5. videri potest l. 33. qq. quæst. ult.*

Quapropter tum eodem, tum sequenti libro, pluribus conficit, par esse vtriusque ius, parem vtriusque pœnam: imò tametsi femina peccauerit; non debere idcirco virum plumbeas iras gerere, vt nullo tempore reconciliationem admittat, quam cupit ipse fidei violator ab vxore obtinere. Operæpretium est audire ipsum sapienctissimum Antistitem, hac de re differentem.

Cùm hoc eisdicimus, inquit, non solùm nihil volunt detrahare seueritati; sed irascuntur insuper veritati: & loquuntur atque respondent, Sed nos viri sumus. An verò sexus nostri dignitas hanc sustinebit iniuriam, vt cum aliis feminis præter vxores nostras si quid admittimus, in luendis pœnis mulieribus comparemur? Quasi non propterea magis debeant illicitas concupiscentias viriliter frænare, quia viri sunt. Quasi non propterea magis debeant mulieribus suis ad virtutis huius exemplum se præbere, quia viri sunt. Quasi non propterea minùs debeant à libidine superari, quia viri sunt. Quasi non propterea minùs debeant lasciuienti carni seruire, quia viri sunt.

Et tamen indignantur, si audiant adulteros viros pendere similes adulteris feminis pœnas: cùm tantò grauiùs eos puniri oportuerit, quantò magis ad eos pertinet, & virtute vincere & exemplo regere feminas. Christianis equidem loquor, qui fideliter audiunt: *Caput mulieris Vir*: vbi se agnoscunt duces, illas autem comites esse debere. Et ideo cauendum est viro illac ire viuendo, quà timet ne sequatur vxor imitando.

Sed isti quibus displicet, vt inter virum & vxorem par pudicitie forma seruetur: & potiùs eligunt, maximeque in hac causa, mundi legibus subeiri esse quàm Christi: quoniam iura forensia non eisdem quibus feminas, pudicitie nexibus viros videntur obstringere: legant quid Imperator Antoninus, non vtique Christianus, de hac re constituerit, vbi maritus vxorem de adulterij crimine accusare non sinitur, cui moribus suis non præbuit castitatis exemplum: ita vt ambo damnentur, si ambos pariter impudicos conflictus ipse contigerit.

Nam supradicti Imperatoris hæc verba sunt, quæ apud Grego-

Xxx 3

rianum

„ rianum leguntur : Sanè, inquit, meæ litteræ, nullà parte causæ præ-
 „ iudicabunt. Neque enim si peneste culpa fuit, vt Matrimonium sol-
 „ ueretur, & secundum legem Iuliam Eupasia vxor tua nuberet ; pro-
 „ pter hoc rescriptum meum adulterij damnata erit, nisi constet esse
 „ commissum. Habebunt autem ante oculos hoc inquirere, an cùm tu
 „ pudicè viueres, illi quoque bonos mores colendi auctor fuisti. Per-
 „ iniquum enim mihi videtur esse, vt pudicitiam vir ab vxore exigat,
 „ quam ipse non exhibet : quæ res potest & virum damnare, non ob-
 „ compensationem mutui criminis rem inter vtrumque componere,
 „ vel causam facti tollere.

Quibus subdit Augustinus : Si hæc obseruanda sunt propter decus
 terrenæ ciuitatis ; quantò castiores quærit cælestis patria, & societas
 Angelorum ? l. 2. *de adult. coniug.* c. 8.

§. XVI.

*Libri contra Aduersarium legis &
 Prophetarum.*

INterea liber quidam cuiusdam hæretici, siue Marcionistæ, siue
 cuiuslibet eorum quorum error opinatur, quod istum mundum
 Deus non fecerit : nec Deus legis quæ data est per Moysen, & Prophe-
 tarum ad eandem legem pertinentium, verus sit Deus ; sed pessimus
 Dæmon : (cuiusmodi plures recensentur libro de hæresibus) cùm
 hic, inquam, Liber apud Carthaginem multis confluentibus, & atten-
 tissimè audientibus, in plateâ maritimâ legeretur : perueniunt fra-
 tres ad eum studiosissimè Christiani, eumque Augustino redarguen-
 dum sine vlla dilatione miserunt : multùm rogantes, vt nec ipse re-
 spondere differret.

Refellit eum libris duobus : quos ideo prænotauit, Contra Ad-
 uersarium legis & Prophetarum ; quia codex ipse qui missus erat,
 nomen Auctoris non habebat. l. 2. *Retract.* c. 8.

Huius verò Auctoris, quicumque is fuerit, vestigia, sicuti adeò
 premunt hodie Athëi & Libertini, vt eorum blasphema nugamenta
 iam tum strangulata dici haud immeritò possint ; ita Manichæus ille
 imita-

imitatus est, qui commentarium suum De duobus principiis, Iustini-
niano Imperatore in viam publicam proiecerat: quem à se repertum,
breui syntagmate Zacharias Episcopus Mitylenes mox refutauit:
quod extat apud Canisium Tom. 5. lect. Antiq.

§. XVII.

*Augustinus, Gratia diuina Vnicus ac perpe-
tuis assertor.*

SI cuiquam non negligenter Augustinum legenti obseruare libet,
reperiet eum in omnibus penè operibus quæ post damnatam Pe-
lagij hæresin conscripsit, Pelagianismi dogmata tacitè plerumque,
vbi se occasio offert, perstringere: huncque vnicum fuisse Augustini
scopum, Dei gratiam, quæ fidei & vitæ Christianæ fundamentum
ac robur est, sartam tectam conseruare. Vt inter alia videre est in
Opere memorato *cont. Aduers. leg. & Prophet. l. 2. cap. 7. & 8.*

Adeo vt, quantum contra Valentinianos & Gnosticos, Irenæo;
contra Arrianos, Athanasio & Hilario; contra Nestorianos, Cyrillo;
contra Eutychianos Leoni Pontifici, Ecclesia Catholica tribue-
re consuevit; tantum debeat Augustino in huius argumenti
arenâ.

Nam quemadmodum isti aduersus memoratos hæreticos diuini-
tùs sunt excitati; ita Augustinus, singulari Dei prouidentia, contra
Gratiæ Dei inimicos: eius auspiciis & ductu Catholica acies pugna-
ret, ac vinceret. Vnde ipsius tametsi defuncti auctoritatem & fa-
mam, aduersus tum eius, tum Gratiæ Dei oppugnatores, Cælestinus
Pontifex tuendam suscipiens, tantum illi perhibet scientiæ testimo-
nium; vt non modò illum dicat, Necessarium in scribendo non ex-
cessisse modum, neque vllò vniquam sinistrae suspicionis vel rumore
saltem fuisse aspersum; verumetiam inter optimos Ecclesiæ Magi-
stros à suis semper antecessoribus habitum, qui proinde cunctis &
amori & honori fuerit, meminisse se affirmet. *Epist. ad Episcopos Gall.*
c. 2. & 3. Prosp. l. cont. Collat. c. 42. Sed hæc extra callem: redeamus.

§. XVIII.

§. XVIII.

Liber contra Mendacium, ad Consentium.

ERant Priscillianistæ uti impij, ita sordidissimi omnium hæretici: in quorum videlicet sectam, aliarum sordes, tamquam in sentinam quandam horribili effusione confluxerant. Cùm essent, ut inquit Hieronymus, pars de turpitudine Manichæi, soli cum solis clauduntur mulierculis: & illud eis inter coitum amplexusque decantant,

*Tum Pater omnipotens secundis imbris aether
Coniugis in gremium læta descendit: & omnes
Magnus alit, magno commixtus corpore sætus.
Epist. ad Ctesiph.*

Propter occultandas autem contaminationes & turpitudines suas, habebant in suis dogmatibus & hæc verba:

Iura, periura, secretum prodere noli.

Aug. l. de hæres. har. 70. Ut qui hæresin suam non solum negando atque mentiando, verumetiam peierando existimabant occulendam. *l. 2. Retract. c. 6.*

Visum idcirco fuit quibusdam Catholicis, Priscillianistas se debere simulare: ut sic eorum latebras penetrarent. *ibid.* Quamobrem Consentius (ad quem Presbyter adhuc Augustinus librum De Mendacio scripserat) vir apprime Catholicus & eruditus, ex zelo quo aduersus etiam latentes hæreticos frendebat, multis super hoc Augustinum, per Leonam quemdam Dei famulum, consuluerat: eò ut apparet propendens, ut cum eis sentiret quibus videbatur non esse illicitum, Priscillianistam se simulare; ad eorum penetrandos errores.

Verum euolutis atque perlectis omnibus, & quantâ potuit consideratione perpenſis, quæ Consentius miserat; id Augustinus fieri prohibet pluribus sanè de causis, quas pari robore atque elegantia adducit: modumque designat, quo contra Priscillianistas disputare oporteret. Atque ita librum Contra Mendacium condidit, quem Consentio destinavit. *l. 2. Retract. c. 60. l. cont. Mendac. c. 1.*

Exstant

Exstant ad eundem nonnullæ Augustini Epistolæ, & vicissim Consentij ad Augustinum: quem utique Consentius tanti faciebat, ut inter cetera præconia quibus excellentiam ipsius luculenter prosequitur, libelli à se compositi præfatiunculam conscripserit his verbis: *Placuit fluctuantem fidei nostræ cymbam, beati Augustini Episcopi stabilire sententiâ. Epist. 221.* Et quia Epistola comittere licet, Insulam Sardiniam inhabitasse.

C A P V T I I.

ARIANI IN AFRICA: PELAGIANI IN ITALIA.

§. I.

Bonifacius, & cum eo Gothi: qui Arian.

INterea cum Bonifacio (quem bellicis artibus præclarè instructum, Anno 422. Castinus, dux exercitus contra Vandalos in Hispaniam missi, inepto & iniurioso imperio, ab expeditionis suæ societate auerterat) Gothi in Africam irrepserunt, Ariana hæresi pridem infecti.

Refert quippè Orosius, Gothos petiisse quondam ad se mitti Episcopos, à quibus Christianæ religionis doctrinam discerent: Valentem verò Imperatorem eis misisse Doctores Arianos: atque ita Gothos primæ suæ fidei rudimenta ab Arianis accepta, in posterum retinuisse. Cuius perinde rei præmium, iusto Dei iudicio, Valens tulit: à Gothis, quorum ille animis pestiferum erroris virus infuderat, concrematus.

Nam cum bello in Thracia gesto, in quo Romanæ Legiones à Gothis ad internecionem usque cæse sunt, Valens sagittâ saucius fugeret, atque ob dolorem sæpius equo delaberetur; ad cuiusdam villulæ casam deportatus est: ubi ab insequentibus Barbaris deprehensus, igne consumtus est. *Oros. l. 7. cap. 33. videri quoque potest Ammian. Marcell. lib. 31.*

S. I I.

Liber Augustini Contra sermonem Arianorum.

ET quandoquidem Augustinus, postquam ea recensuit quæ contra Pelagianos & Donatistas hæcenus elucubrauerat, dicat venisse in manus suas quemdam Sermonem Arianorum, sine nomine Auctoris sui: cui, petente atque instante qui eum miserat, quantâ potuit breuitate ac celeritate respondit; l. 2. *Ret. cap. 52.* existimari haud temerè potest, eundem librum hæc circiter tempestate, quâ & Sermo prodierat, edidisse.

Liceat idcirco subiicere haud ineptè hoc loco, tametsi alio fortasse tempore & occasione pronunciatum, quod inquit: In illo populo, fratres, in quo multa signa faciebat Moyse per virgam, exsurrexerunt magi Pharaonis, facientes & ipsi prodigia contra famulum Dei Moysem. Sed ad hoc quædam mira facere permitti sunt, vt mirabilius vincerentur.

Magi Pharaonis quid aliud significabant, nisi omnes hæreticos ministros diaboli, qui sub nomine Christi deuorare cupiunt populum Christi? Scatent nunc hæreses in hanc terram, tamquam serpentes Magorum, quos deuorauit & deuorat ille serpens exaltatus in ligno. Sed quoniam non est temporis ire per multos; singulorum capita conterantur: quomodo exsurgunt, sic deuorentur.

Fuit hic vt nostis, dilectissimi, viperea doctrina Donatistarum: contrita est, consumta est. Manichæorum venenum aspidis surreperat: contritum est, consumtum est. Pelagianorum nouum dogma à ministris diaboli, tamquam à magis Pharaonis excitatum, illi nostro serpenti certamen indixit: conteritur, consumitur.

Cùm tot serpentum capita, Catholica doctrina contriuerit, dissipauerit, cōsumserit; ecce nobis vnus anguis Arius, olim mortuus, insultat, caput erigit, veluti viuum se demonstrare conatur, quem iam olim constat occisum. *Serm. de Cat. c. 5 tom. 9.*

Sanè libro illo, quem contra Sermonem Arianorum conscripsit, destruit carnales & blasphemias cogitationes eorum, pondere diuinorum

narum Scripturarum : ostendens nullam esse in Trinitate naturæ diversitatem : nullam in personis inæqualitatem . Deum in Essentia unum , in Personis Trinum : quarum una alteram neque tempore , neque Maiestate , neque operatione præcedat , excedat , aut succedat.

Eandem hæresim alibi quoque frequenter oppugnat , *quæst.* 50. & 69. *inter* 83. l. 4. *de Conf. Euang.* c. 10. *Orat. cont. Iudeos, Paganos & Arianos.* *Epist.* 66. ut iam de disputationibus nihil dicamus , quas cum Pascensio , Maximino , & Feliciano habuit : de quibus suo loco agemus postea.

§. III.

Bonifacius Augustino charus.

ERat Bonifacius, de quo dixi, genere Thrax, Sebastiani Comitæ (cuius multa cum laude meminit Victor Vticenf. l. 1.) focer: pietate insignis, multarumque rerum scientiâ: charus idcirco Augustino: cuius ad illum exstant, præter Librum de Correctione Donatistarum, & Epistolam 70. ac 205. alia plures: quas, quia contra morem scribendi Augustini breviculæ sunt, in Appendicem relatas, ab iudicant ei nonnulli: alij vindicant, germanasque esse volunt; si non ab Augustino, ab Alipio saltem, vel Aurelio Carthaginensi conscriptas. *Baton. Anno* 422. Continentur iis quædam ad hunc annum referenda: quæ videre Lector potest in Appendice Tom. 2. *Epist.* 1. 2. 3. & 6.

Porrò aliis quibusdam ea significantur, quæ biennio circiter post evenerunt: quando Callinus, è Consule priuatus effectus, & apud Bonifacium (quem prius oderat) in Africâ cum exercitu Gothorum agentem, profugus; salutem ab eo, mutatâ rerum facie quaesivit, & Augustini interuentu tantisper inuenit. *Epist.* 10. & 11.

Yyy z

§. IV.

§. IV.

*Libri Augustini contra duas Epistolas Pelagianorum, ad Bonifacium Papam.*Anno
423.

Sequuntur Libri quatuor, quos contra duas Epistolas Pelagianorum, ad Episcopum Romanæ Ecclesiæ Bonifacium scripsit. Miserat enim eas Augustino Bonifacius, ut supra memorauimus: quia inuenerat in illis calumniosè interpositum Augustini nomen: *l. 2. Retract. c. 61.* quasi is diceret, Nuptias quæ modò aguntur, à Deo institutas non fuisse. *l. 1. ad Bonif. c. 5.*

Opus erant Iuliani, feruentissimi Pelagianorum. Inq; eis Orthodoxorum dogmata Pelagianis erroribus contraria, in alienum sensum Iulianus detorserat, ob quem inuidiosissimè Catholicam Ecclesiam traducebat. Videri singula possunt Libris præfatis Augustini, quibus Pelagianorum binis Epistolis respondit, & ad Bonifacium direxit (quem iam antè famâ celeberrima prædicatione nouerat: magis autem tunc, cum eum Alipius Româ rediens reportauit in animo suo, atque se & Augustinum animo Bonifacij vicissim transfudit) non tam discenda, quæ libris illis continebantur, quàm examinanda: & ubi forsitan aliquid displicuisset, emendanda. *l. 1. ad Bonif. c. 1.* Fuisse enim Bonifacium doctissimum Pontificem, testatur Prosper *l. cont. Coll. c. 41.*

Ceterum vel amica ista commentatione, Pelagiani penitus obtriti sunt. Nam postquam tribus prioribus libris respondisset ad illa, quæ Catholicis veluti perperam sentientibus obieiebant; quarto demum refellit, quæ sentire se ipsi affirmabant, plena superbiæ & tumoris. Quamobrem non hic immeritò repetiuerim, quod de Augustino cecinit Prosper:

*Istius ergò inter cunctos qui de grege sancto
Insanas pepulere feras, industria maior,
Maius opus, totum præstantius imbuit orbem.
Nam quòcumque gradum conuertit callidus hostis,
Quaque per ambages anceps iter egit opertas;
Huius ab occurso est prauentus, mille viarum*

Insidiis,

Insidius aditum non repperientibus vllum.
Cumque fera rabies asidorum exclusa luporum
Frēderet, inque omnes mendacia verteret artes;
Ne mentes vllarum outum corrumpere posset,
Nec dubia obliquis turbaret corda querelis;
Istius ore viri fecit Deus: istius ore
Flumina librorum mundum effluxere per omnem,
Qua mites humilesque bibant, campisque animorum
Certens vitalis doctrina immittere riuos. Poēm. de Ingrad. cap. 3.

Iam verò Iulianus in Epistola sua Catholicos, per calumniam appellauerat Manichæos. Sed enim Manichæos non esse, Catholicos; ostendit Augustinus: vt qui liberum arbitrium adeo non negent in homine restare; vt per illud peccent maximè omnes qui cum delectatione peccant, & amore peccati hoc eis placet quod eis libet. Quare nemo Catholicorum dicit, quod primi hominis peccato perierit liberum arbitrium de humano genere. Libertas quidem periit per peccatum; sed illa quæ in paradiso fuit, habendi plenam cum immortalitate iustitiam. Propter quod natura humana diuinâ indiget gratiâ, dicente Domino: *Si vos filius liberauerit, tunc verè liberi eritis*: vtique liberi ad bene iusteque viuendum. l. 1. ad Bonif. l. 2.

Porro neminem, nisi Dominum Deum, dici à Catholicis nascentium conditorem: neque à diabolo, sed ab ipso nuptias institutas: omnes tamen sub peccato nasci; propter propaginis vitium: & ideo esse sub diabolo, donec renascantur in Christo. Neque sub nomine Gratiæ fatum asserimus, inquit: quia nullis hominum meritis Dei gratiam dicimus antecedere. Si autem quibusdam Omnipotentis Dei voluntatem placet Fati nomine nuncupare; profanas quidem verborum nouitates euitamus, sed de verbis contendere non amamus, &c. l. 2. ad Bonif. l. 5. Pelagianos deinde sic alloquitur:

Itane verò, filij superbiæ, inimici Gratiæ Dei, ô noui hæretici Pelagiani, quisquis dicit Gratiâ Dei omnia hominis bona merita præueniri; nec gratiam Dei meritis dari, nè non sit gratia, si non gratis datur, sed debita merentibus redditur; Fatum vobis videtur asserere? Nonne etiam vos ipsi quolibet intentione, *necessarium baptismum omnibus ætatibus* dicitis? Nonne in hac ipsa Epistola vestra, istam de Baptismo sententiam & de Gratiâ, iuxta posuistis? Cur non vos Baptismus

ptismus qui datur infantibus, ipsâ vicinitate commonuit, quid sentire de Gratiâ debeat? *eod. l. c. 6.*

Nam si fato quodammodò bona faciant homines; eodem ad Baptismum paruulos peruenire, dicendum esse ostendit, quem ipsi eis *necessarium* fatebantur: adeoque in idem incidere, quod Catholicis obiectabant. Videri quoque potest *l. 4. cont. Iul. c. 8.*

Monstrat deinde Deum homini aut inuito aut reluctanti non inspirare boni cupiditatem, dum efficit suâ Gratia, ut iam non sit reluctans, non sit inuitus, sed consentiens bono & volens bonum: ubi ipsi (contra quod Pelagius in Palæstinâ Synodo damnauerat, tum apertissimas Scripturas quas magnâ copiâ allegat) volebant in homine, ab ipso homine incipere cupiditatem boni; ut huius cæpti meritum, etiam perficiendi gratia consequatur. *eod. l. c. 8.*

Iam, sicut legum coercitiones, quibus à malo abduci & ad bonum adduci homines solent, non auferunt liberum arbitrium: ita dum eosdem attrahit Pater ad Filium, credendo beneque operando; in libero nihilominus dimittit arbitrio: ut contra Petilianum *l. 2. c. 84.* olim docuerat, priusquam Pelagiana hæresis caput ab inferis extulisset: professus tamen, quod intellectu penetrare pauci id valeant. Verumtamen numquid ideo negandum est quod apertum est; quia comprehendendi non potest quod occultum est? *l. de bon. persever. c. 14.* videndus Prosper *l. 2. de Vocat. gent. c. 27.*

Quapropter voluntatem, quæ diuinâ Gratiâ roborata agit, nullam ab eâ violentiam pati, satis constat: adeoque liberam à coactione esse. Vtrum verò dum præcisè agit, eodem robore viribusque munita, possit non agere, aut malè agere; quid attinet inquirere? Sicut enim satis liquet quodlibet agens, dum agit, non posse utique non agere; ita quoque pronam in bonum virtute Gratiæ voluntatem; eatenus aut malè, aut non agere non posse. Manet ergò neque per peccatum Adami, liberum arbitrium periisse: neque per gratiam cogi, sed sanari. Si quidem voluntas libera (ut ait Aug. Epist. 89.) tantò erit liberior, quantò sanior: quantò diuinæ misericordiæ, gratiæque subiectior. Videndus *lib. 5. de Ciuit. Dei c. 10.*

Nam si voluntas ideò non putanda est nostra, quia formatur, regitur, ordinatur, imbuitur; Spoliantur libertate Filij Dei, qui aguntur spiritu Dei: perdunt vigorem rationalis animi, & omni voluntariæ deuotionis laude priuantur, quibus datur spiritus sapientiæ & intellectu,

ctus,

etus, consilij & fortitudinis, scientiæ & pietatis ac timoris Domini.
 Ut certò argumentatur Prosper lib. 4^o, *Responsionum pro D. August.* cap. 6.

§. V.

Scopus Iuliani in duabus Epistolis.

ET quoniam harumcè Iuliani Litterarum scopus erat, ut in Oecumenicâ Synodo quod peractum iam erat, agi rursus ab initio inciperet: cum dixisset de simplicibus Episcopis, sine congregatione Synodi in locis suis sedentibus, exortam subscriptionem esse; respondit Augustinus: Numquid beatissimis, & in fide Catholica excellentissimis viris, Cypriano & Ambrosio, ante istos, aduersus istos, extorta subscriptio est, quâ eorum impia dogmata tantâ manifestatione subvertunt; ut quæ contra eos manifestiora dicamus, vix nos inuenire possimus? Aut verò congregatione Synodi opus erat, ut aperta perniciēs damnaretur?

Quasi nulla hæresis aliquando, nisi Synodi congregatione, damnata sit: cum potius rarissimæ inueniantur, propter quas damnandas necessitas talis extiterit: multoque sint atque incomparabiliter plures, quæ ubi extiterunt, illic improbari damnarique meruerunt: atque inde per ceteras terras deuitandæ innotescere potuerunt.

Verùm istorum superbia, quæ tantum se extollit aduersus Deum, ut non in illo velit, sed potius in libero arbitrio gloriari; hanc etiam gloriam captare intelligitur, ut propter illos Orientis & Occidentis Synodus congregetur. Orbem quippè Catholicum quoniam, Domino eis resistente, peruertere nequeunt, saltem commouere conantur: cum potius vigilantia & diligentia Pastoralis, post factum illis competens sufficiensque iudicium, ubicumque isti lupi apparuerint, conterendi sint: siue ut sanentur atque mutantur; siue ut ob aliorum salutem atque integritatem vitentur, adiuuante Pastore Pastorum, qui ouem perditam & in paruulis querit: qui oves sanctas & iustas gratis facit: qui eas quamuis sanctificatas & iustificatas, tamen in ista fragilitate atque infirmitate, pro quotidianis peccatis (sine quibus hic non viuitur, etiam cum benè viuitur) quotidianam remissionem & ut petant prouidenter instruit, & petentes clementer exaudit. *l. 4. ad Bonif.*

§. VI.

612.

§. VI.

*Pelagius & Celestius in Britanniam
secedunt.*

Hanc indicendi Generalis Concilij ferram diu multumque Pelagiani reciprocant, ut patet *l. 2. cont. iul. c. 10. & l. 6. c. 4. & 9.* ipseque Celestius paullo post vrgeré idem cœpit, hæretico sed irritò conatu. Si quidem venerabilis memoriæ Pontifex Cælestinus, cui ad Ecclesiæ Catholicæ præsidium, multa Dominus gratiæ suæ dona largitus est (inquit Prosper) sciens damnatis non examen iudicij, sed solum pœnitentiæ remedium esse præstandum; Celestium quasi non discusso negotio audientiam postulantem, totius Italiæ finibus iussit extrudi: adeo & prædecessorum suorum statuta, & decreta Synodalia immobiliter seruanda censebat, ut quod semel meruerat abscondi, nequaquam admitteret retractari. *Prosper. l. cont. Coll. c. 41.*

Atque hic finis fuit commorationis Celestij in Italia: quem coniciunt nonnulli, cum Pelagio magistro suo in Britanniam deinde concessisse: quam cum hæreseos suæ disseminatione deprauant, Anno circiter cccc. xxi. idem Pontifex Cælestinus, non segniore curâ ab hoc eodem morbo liberauit: quando quosdam inimicos gratiæ, solum suæ originis occupantes, etiam ab illo secreti exclusit Oceani: & ordinato Scotis Episcopo, dum Romanam insulam studet seruare Catholicam; fecit etiam barbaram Christianam. *Prosper eod. l. & c.* Qui & videri in Chronico potest, sub Florentio & Dionysio Coss. ubi distinctius idem commemorat.

Quo tempore autem, quovè loco obierint tandem ambo hæresiarchæ, habetur incompertum.

CAPVT

AVGVSTINVS SVOS CORRIPIT.
IULIANO RESPONDET.

§. I.

Disciplina Augustini domestica.

Non alius domi, atque in Ecclesia siue populo, Augustinus fuit: vbique gnauus & sollers: Dei gloriæ, salutisque proximi cupidus. Cum ipso semper Clerici, vnâ etiam domo ac mensâ, sumtibusque communibus alebantur & vestiebantur. Et ne quisquam facili iuratione ad periurium decideret; ne quis omnino iuraret, & in Ecclesia populo prædicabat, & suos instituebat domi. Exstat Epistola ad Alipium, quantopere vitandum sit periurium: *Epist. 224.* viderique potest *Epist. 89.* in fine. Quod si quis prolapsus fuisset; vnâ de statutis perdebat potionem: erat enim commorantibus cum eo atque conuiuantibus, numerus poculorum præfixus.

Indisciplinationes quoque & transgressiones suorum à regula recta & honestate, & arguebat & tolerabat, quantum decebat & oportebat: in talibus præcipue docens, nè cuiusquam cor declinaret in verba maligna, ad excusandas excusationes in peccatis. *Possid. c. 25.*

Qui & ibidem refert sedulo suos admonuisse præcepti Evangelici, irreconciliato fratre non esse accedendum ad Altare: totiesque remittendas culpas, quoties in aliquem committi contigerit, non tantum septies, sed septuagesies septies.

§. II.

Antonij Episcopi Fussalensis exauctoratio.

Svb illa sanctissimi Magistri domestica ferula, Antonius à par-
uula ætate vixerat: quem Fussalensibus, Hipponensi territorio
Z z z vicinis

vicinis (quos à Donatistarum errore, cum nullus ibi Catholicus esset, Dei misericordiâ fauente ad vnitatem Ecclesiæ adduxerat) magnis suis laboribus & periculis, dari Episcopum à Primate obtinuit. Erat tum Antonius adolescens, præter Lectoris officium nullis Clericatus gradibus & laboribus notus.

Factus Episcopus, non à Fussalensibus quidem, sed ab aliis quibusdam, plurium grauiumque flagitiorum accusatus est: quæ tametsi minimè probari potuissent; efficiebant nihilominus, vt Fussalensibus diutiùs præesse non posset: cum quibus sic egerat, vt eum, iusto dolore commoti, haud toleraturi viderentur: quin potiùs suo illiusque periculo in aliquod scelus erupturam impatientiam sui doloris ostenderent. *Epist. 261.*

Augustinus, cui non erat tam in oculis clementia vt in Antonio suo obliuisceretur iustitiæ, puniendum eum duxit: sic temperatâ sententiâ, vt dignitatem quidem Episcopalem retineret, cederet tamen muniis illius apud Fussalenses. Ea tum pœna nihil apud Afros noui continebat.

Damnatus Antonius, à Primate suo litteras extorsit: quibus illi credulus, veluti omnimodis inculpatum, Papæ Bonifacio commendauit: ad quem ab Episcoporum Afrorum sententiâ prouocauerat.

Rescribit pro Antonio Bonifacius: hâc moderatione, si, veluti ipse exposuerat, causa haberet.

S. III.

Ad Sedem Apostolicam cum Antonius appellasset, Augustinus Cælestino Papæ scribit.

MOrtuo interea Bonifacio, Anno 423. præcipite; ad successorem eius Cælestinum, (quod vulgò ferretur, adfore mox stipatos appariturâ publicâ executores Apostolicæ Sedis, qui Antonium in cathedram suam restituerent) Augustinus scripsit; idque ne fieret, humil-

humillimè obsecrauit. Iuuat ipsiusmet verba ponere:

Non sinas ista fieri, obsecro te per Christi sanguinem: per Apostoli Petri memoriam: qui Christianorum præpositos populorum monuit, ne violenter dominantur inter fratres, &c. *Epist. 261.* Nam quid Augustinus ipse animo concepisset, si pessimum hominem contingeret in sedem suam relictui; declarat his verbis:

Me sanè, quod confitendum est beatitudini tuæ, in isto vtrorumque periculo tantus timor & mæror excruciat, vt ab officio cogitem gerendi Episcopatum abscedere: si per eum, cuius Episcopatu per imprudentiam suffragatus sum, vastari Ecclesiam Dei; & quod Deus auertat, etiam cum vastantis perditione perire conspexero. Recolens enim quod ait Apostolus, *Si nosmetipsos iudicauerimus, à Domino non iudicabimur*; iudicabo meipsum, vt parcat mihi qui iudicaturus est viuos & mortuos.

Si autem & membra Christi, quæ in illa regione sunt, ab exitiali timore & tristitia recreaueris; & meam senectutem hâc misericordiâ iustitiæ fueris consolatus; retribuet tibi & in præsentis & in futura vitâ, qui per te nobis in istâ tribulatione succurrit, & qui te in illâ Sede constituit. *Epist. 261.*

S. IV.

*Videtur Augustinus à Cælestino obtinuisse
quod poposcit.*

ET ita quidem Augustinus ad Cælestinum, cui in litterarum ex-Anno
ordio gratulatus fuerat, quod in Sede Petri Dominus illum sine 424.
vlla plebis dissensione, qualis nimirum in electione Bonifacii facta
fuerat, constituisset: vt inde appareat Pontificatus Cælestini initio
datas esse. Ac licet nullo alicubi vestigio constet, voti compotem
Augustinum effectum: quia tamen, vti statuerat, Episcopatu non
cessit; ipseque Cælestinus, qui in laudes Augustini postea prolixè iuit,
iam tum habebat eum in æstimio & cultu; facile præsumitur tanti
Antistitis humiles preces frustra facere noluisse.

Didicit interim hoc Antonij, à se quodammodo educati exem-
plo,

Z z z z

plo, tamquam experimento Augustinus, quod superius scriptum ab eo commemorauimus: Quantumlibet vigilet disciplina domus meæ, homo sum, & inter homines uiuo, &c. *Epist.* 137. Imò non in Antonio solùm id expertus, sed & in Paulo Episcopo pridem Cataquensē: de quo cap. sequenti.

§. V.

Paullum Cataquensem obiurgat.

FVerat & ipse ex Augustini contubernio ad Ecclesiæ Cataquensis regimen assumtus. In quo cùm ita se gereret, vt semetipsum curis & sarcinis sæcularibus implicando, etiam res, quibus antea renuntiauerat, post renuntiationem reforberet; atque ita viueret, vt ei frugalitas Ecclesiæ suæ sufficere non posset; hominem tam acriter Augustinus corripuerat, vt se putaret ab admonentis communione excidisse.

Sed non eousque irarum peruenerat vir mansuetus: qui in re manifestā diligenter vtique cauerat; ne aliis prædicans, ipse reprobis inueniretur: aut ita velle eiicere stipulam de oculo fratris, vt trabem nutriret in suo. Sed vt tibi (inquit ad Paullum scribens) non communicem, nulla causa est, nisi quia tibi adulari non possum. Tibi enim maximè debeo (quia in Christo Iesu per Euangelium ego regenui) salubrem mordacitatem charitatis, veraciter obiurgando. Cùm autem in ea professione viuere dicaris, cui frugalitas Ecclesiæ tuæ sufficere non possit; vt quid quæris communionem meam, cùm audire numquam volueris admonitionem meam? &c. *Epist.* 226. videri potest & *Epistola* 124. & 129. quibus Olympio, Bonifacium commendat, Paulli in Episcopatu Cataquensi successorē, obsecratque vt quæ debita Paullus contraxerat, Bonifacio condonentur, &c.

§. VI.

§. VI.

Scribit contra IV. Libros Iuliani.

Quatuor interea libros Iuliani, quos primo Augustini de Nuptiis & Concupiscentia opposuerat, Claudio Episcopo mittente Augustinus accepit. *Epist. prelim. ad ll. cont. Iul.* Comperit in iis illa, quæ ex eis decerpserat collector, quicquid Comiti Valerio miserat, supra l. 3. cap. 24. §. 9. non omnia eo modo quo à Iuliano dicta fuerant, ad eundem Comitem scripta; sed nonnulla eorum aliquantum fuisse mutata. l. 2. *Retract.* c. 62.

Vnde quia videri Iuliano poterat vel cuilibet Pelagianorum, meritum potius fuisse Augustinum: quia non utique sicuti hi quatuor libri Iuliani, ita illa quæ de his excerpta & memorato Comiti missa sunt, innotescere potuerunt; *Epist. prelim. ad ll. cont. Iul.* scripsit Augustinus sex libros aduersus illos quatuor. In horum duobus primis; testimoniis Sanctorum qui fidem Catholicam post Apostolos defenderunt, Iuliani impudentia redarguitur: qui tamquam Manichæorum dogma Catholicis obiciendum putauit, quia ex Adam trahi dicunt Originale peccatum, quod per lauacrum regenerationis non solum in maioribus, verumetiam in paruulis soluitur. Quantum autem Iulianus ipse quibusdam sententiis suis adiuuet Manichæos; in primi sui libri parte posteriore monstrauit, l. 1. c. 8. Ceteri vero quatuor libri totidem redduntur Iuliani, singulis singuli. l. 2. *Retract.* c. 62.

Quemadmodum auguratus fuerat Augustinus, ita euenit. Quia Iulianus accepto illo secundo libro de Nuptiis & Concupiscentia, quem Augustinus excerptis ex opere Iuliani reposuerat; tantam ei concitauit inuidiam, quantam fecisset si datâ operâ, & ex mera obstinataque malitia, librorum aduersarij sui corruptor esse voluisset. Hinc conuictiorum plaustra in eum euomit: impudentiam Augustini se mirari satis non posse: induratum esse Numidæ frontem: turpissimâ leuitate concitatum, in certamen maximum luminibus inuolutis Andabatarum more procedere: fallitate & malignitate eius, excerpta

esse illa composita: & Ciceronis verbis, in Catilinam declamatis, quasi in publicum parricidam debacchatus est. *l. 1. op. imp. cap. 17. 20. & 23.*

Verùm vti libris quatuor antea editis ad Bonifacium contra duas Epistolas Pelagianorum, prorsus eos Augustinus suppeditavit; ita hos sex aduersus Iulianum, opus elaboratum ipse nuncupat: *l. 2. Retract. c. 62.* cui proinde neque Iulianus, neque Pelagianorum vllus, quidquam reperit quod opponeret: Claudio Episcopo dedicatum, à quo sibi volumina ista quatuor Iuliani missa fuerant. Quare hallucinati sunt, qui existimarunt hosce sex libros, aliis octo Iuliani oppugnatos fuisse, cùm iis octo nihil aliud sibi refutandum Iulianus sumserit, quàm secundum librum de Nuptiis & Concupiscentia, vt testatur ipse Augustinus *l. 1. op. imp. c. 1.*

Ita quidquid Iulianus, magno studio & laboriosâ totiloquentiâ vndeunque exsculperat, quidquid alicuius momenti & roboris videbatur; maiori eloquentiâ, rationum, ac Scripturarum pondere Augustinus prostravit.

CAPVT IV.

ADRVMETINI AB ERRORE CVRATI
PER AVGVSTINVM.

§. I.

*Errores Adrumetinorum qui fuerint, &
quando cœperint.*

Anno
425.

ADRVMETVM, Bizacij, vnius ex Africæ regionibus, ciuitas est, inter Aphrodisium & Leptim parvam. Ab eâ monachi quidam ADRVMETINI dicti, in Gratiæ doctrinâ errare cœperunt, Anno circiter cccc. xxv. Id longè verisimilius est, quàm quod

quod opinatur Baronius, accidisse circa Annum istius sæculi decimooctauum, septem nimirum antea.

Etenim ad eos Monachos scripsit Augustinus ante Pascha: vt patet *Epist.* 46. & 47. quo tempore Anno decimo octauo, occupatus erat in Synodo Carthaginensi rebus aliis: vt colligi ex iis potest, quæ suprà retulimus. Vtrumque præterea volumē ad Monachos scriptum, postremo loco recensetur in Opere Retractionum: quod sanè opus Anno sequente scribere aggressus est postquam successorem Eradium designauerat: vt mox dicemus.

Porro Adrumetinorum error in eo versabatur: quòd quidam inter eos quinque numero (vt fatetur Valentinus *Epist.* 256.) sic prædicarent Gratiam, vt negarent hominis esse liberum arbitrium: quodque grauius est, dicerent, indie iudicij non redditurum Deum vnicuique secundum opera eius. *Epist.* 46.

Eduxerant hunc errorem ex Epistolâ Augustini ad Sixtum Romanæ Ecclesiæ Presbyterum: quam, prælegente siue dictante Floro, malè intellexerant. Dum enim in eâ Augustinus contra Pelagianos agit, qui dicebant Gratiam Dei secundum merita nostra dari; (vt qui gloriatur, non in Domino, sed in seipso gloriatur, hoc est, in homine, non in Domino) ostenderat probaueratque per testimonia Scripturarum, id esse falsissimum: adeoque & bona opera nostra, & pias orationes, & rectam fidem, nullo modo in nobis esse posse; nisi hæc omnia acceperimus ab illo, de quo dicit Apostolus Iacobus: *Omne datum optimum, & omne donum perfectum desursum est, descendens à Patre luminum*: haud interim excludens vel bonum piorum meritum, vel malum impiorum, ob quod vtrumque Deus saluat & iudicat mundum: quodque dici minimè posset, si non esset liberum arbitrium. Nam, Si non est (inquit) Dei Gratia, quomodo saluat mundum? Et si non est liberum arbitrium, quomodo iudicat mundum? *Epist.* 46

Cùm igitur Monasterium Adrumetinum esset ob hanc dogmatis nouitatem nonnullâ dissensione turbatum; ad Augustinum profecti Cresconius & Felix ex eadem congregatione, litteras ab eo obtinuerunt ad Valentinum monasteriarcham, quibus Epistolæ suæ (cuius iam meminimus) sensum declarat. Subditque: Meliùs autem facitis (quod multum rogo) si ipsum à quo dicunt se fuisse turbatos, ad me mittere non grauemini. Aut enim non intelligit librū meum, aut fortè ipse non intelligitur, &c. *Epist.* 46. Ad eundem, atque
iisdem

iisdem ex causis, compellente (vt ait) mutuâ charitate, scripsit librum cui titulus est, De Gratia & libero arbitrio. *eiusd. libri cap. 1. & 2. Retract. cap. 66.*

S. II.

Gratiam & Liberum arbitrium Augustinus iuncta voluit.

L Vtatus ergo hæcenus sanctus Antistes cum iis qui Dei gratiam, sublato in thronum & imperium libero arbitrio, abolere & suppressere nitebantur; nunc hoc ipsum, propter alios errantes, stabilendum duxit: vt cum Gratiâ liberoque simul arbitrio rectam tenere viam edocti, neque in dexteram nimium, neque in sinistram exorbitemus.

Hinc postquam prioribus Libri iam memorati capitibus ostendisset Scripturarum testimoniis sanctarum, ad bene viuendum & rectè agendum esse in homine liberum voluntatis arbitrium; ostendit deinceps similibus testimoniis necessitatem gratiæ, sine quâ nihil boni agere possumus. *libro de grat. & lib. arb. cap. 4. 5. & 6.* Neque hoc solum, sed eadem opus esse etiam ad credendum, imò ad credendi voluntatem: Apostolo, qui licet dixisset, *fidem seruaui*, liberum insinuans arbitrium; addente, *miseri cordiam consecutus sum, vt fidelis essem.* Non enim dixit, *Miseri cordiam consecutus sum*, quia fidelis eram; sed, vt fidelis essem: hinc ostendens etiam ipsam fidem haberi, nisi Deo miserante, non posse: & esse donum Dei. *eod. l. c. 7. & 14.*

Nec obstat quod scriptum est: *Si volueris, conseruabis mandata.* Ad hoc enim valet istud, vt homo qui voluerit & non potuerit, nondum se plene velle cognoscat: & oret vt habeat tantam voluntatem, quanta sufficit ad implenda mandata. Sic quippe adiuuatur, vt faciat quod iubetur. *eod. l. c. 15.*

Magnum, inquit, aliquid Pelagiani se scire putant, quando dicunt: Non iuberet Deus, quod sciret non posse ab homine fieri. Quis hoc nesciat? Sed ideo iubet aliqua quæ non possumus, vt nouerimus quæ

que ab illo petere debeamus. Certum enim est, nos mandata seruare, si volumus: sed quia preparatur voluntas à Domino; ab illo petendum est vt tantum velimus, quantum sufficiat vt volendo faciamus. Certum est nos velle cum volumus; sed ille facit vt velimus bonum, de quo dictum est, *Preparatur voluntas à Domino*: de quo dictum est, *A Domino gressus hominis diriguntur, & viam eius vult*: de quo dictum est, *Deus est qui operatur in nobis & velle*. Certum est nos facere cum facimus; sed ille facit vt faciamus, præbendo vires efficacissimas voluntati, qui dixit: *Faciam vt in iustificationibus meis ambuletis, & mandata mea obseruetis & faciat*. Cum dicit, *faciam vt faciatis*; quid aliud dicit, nisi, auferam à vobis cor lapideum, vnde non faciebatis; & dabo cor carneum, vnde faciatis? Et hoc quid est nisi auferam cor durum, vnde non faciebatis: & dabo cor obediens, vt faciatis? Ille facit vt faciamus, cui dicit homo, *Pone Domine custodiam ori meo*: quod beneficium Dei iam fuerat consecutus, qui dixit, *Pone ori meo custodiam*, *cod. lib. t. 16.*

§. III.

Summa Libri De Grat. & Lib. arbitrio: & Paranesis ad Adrumetinos.

Atque his, aliisque pluribus ita habentibus subiungit: Satis me disputasse arbitror aduersus eos, qui gratiam Dei vehementer oppugnant, quæ voluntas humana non tollitur, sed ex mala mutatur in bonam, & cum bona fuerit, adiunatur: & sic disputasse; vt non magis ego, quam Diuina ipsa Scriptura vobiscum locuta sit, cuiusdemus testimonis veritatis.

Quæ Scriptura Diuina, si diligenter inspicatur; ostendit non solum bonas hominum voluntates quas ipse facit ex malis, & à se facit bonas, in actus bonos & in æternam dirigit vitam; verum etiam illas quæ conseruant sæculi creaturam, ita esse in Dei potestate, vt eas quo voluerit, quando voluerit faciat inclinari, vel ad beneficia quibusdam præstanda, vel ad pœnas quibusdam inge-

A a a a

rendas

rendas sicut ipse iudicat; occultissimo quidem iudicio, sed sine vlla dubitatione iustissimo. *ead. l. c. 20.*

Quapropter ad Monachos postremò conuersus; Repetite, inquit, assiduò librum istum: & si intelligitis, Deo gratias agite: vbi autem non intelligitis, orate vt intelligatis: dabit enim vobis Dominus intellectum. Mementote scriptum esse: Si quis vestrum indiget sapientia; postulet à Deo qui dat omnibus affluenter, & non impropert: & dabitur ei. *ead. l. c. 24.* Semel lectum, nullo modo arbitremini, satis vobis innotescere potuisse. Si ergo eum fructuosissimum habere vultis; non vos pigeat relegendo habere notissimum: vt dilucidissimè sciatis, quibus & qualibus quæstionibus soluendis atque sanandis non ibi humana, sed diuina occurrat auctoritas: à quâ recedere non debemus, si volumus peruenire quò tendimus. *l. de corrept. & grat. cap. 1.*

S. IV.

Adrumetini à priore errore curati, in alium mox deuoluuntur.

Liber Augustini vbi Adrumetum delatus est, ingenti gaudio Valentinum, totamque Monachorum societatem perfudit: vt sicut Apostoli Dominum post resurrectionem prandentem secum, non audebant interrogare quis esset, sciebant enim quia Iesus est; ita nec nos volumus, inquit Valentinus, nec ausi sumus interrogare de libro, vtrum tuæ Sanctitatis esset: cum ipsa fidelium gratia in eo liberaliter commendata nobis, tuis, Domine sancte Papa, eloquiis viuacissimis contestetur. *Epist. 256.*

Narrat deinde vt eo libro, tamquam medicamento, curati sint omnium animi: vt gratiam simul & liberum arbitrium, non alterum sine altero, ad bona opera concurrere faterentur.

Denique adiungit: Ora Domine Pater, vt non vrgeat super nos puteus os suum, vt saluemur à descendentibus in lacum, vt non pereat cum impiis anima nostra per superbiam nostram, sed sanetur per Domini gratiam. *Post pauca.* Ora Domine & dulcissime

sime Pater, vt fugiat Diabolus de congregatione nostra: & amota omni alienarum quæstionum procella, naus propoliti nostri, epibatis quietis onusta, intra stationem tutissimi portus securè consistat: & dum nauigat per hoc mare magnum & immensum, in illo portu, intra quem iam non erit metuendum vitæ naufragium, mercium indiscrepans accipiat pretium placitarum. *eād. Epist. 256.*

Sed non fuit hæc diuturna tranquillitas, quando in alium mox errorem præcipitati sunt. Nam cū vnus isthic Gratiā secundum appellationem suā, à gratuita Dei benevolentia dependere intellexisset; repentē commentus est, Neminem corripiendum, si Dei præcepta non facit; sed tantummodò, vt faciat, pro illo orandum. *l. 2. Retrad. c. 67.*

§. V.

*Et ab hoc errore eos liberat Augustinus libro
De Corrept. & Gratiā.*

HAnc opinionem falsam sedulus Antistes vt ab vnus errantis, & quorumuis aliorum animis eriperet; ad eosdem Monachos Adrumetinos alterum librum conscripsit, quem De Correptione & Gratiā prænotauit. *l. 2. Ret. c. 67.* In eo ostendit, neque Gratiā prohiberi correptionem, neq; correptione negari gratiam: ideoq; sic præcipiendam iustitiam; vt à Deo gratia, quā id quod præcipitur fiat, fideli oratione poscatur: & hoc virumque ita esse faciendum, vt iusta nullatenus correptio negligatur. *l. de corrept. & grat. c. 16.*

In hanc rem cū multa elegantissimè ac solidissimè disputasset: Patiantur, inquit, homines se corripi quando peccant: nec de ipsa correptione contra gratiam argumententur, nec de gratia contra correptionem: quia & peccatis iusta pœna debetur, & ad ipsam pertinet iusta correptio quæ medicinaliter adhibetur, etiamsi salus ægrotantis incerta est. Vt, si is qui corripitur, ad prædestinatorum numerum pertinet, sit ei correptio salubre medicamentum; si autem

A a a a 2 non

non pertinet, sic correptio pœnale tormentum, &c. *l. de Corrept. & Grat. cap. 14.*

Corripiantur itaque à præpositis suis subditi fratres, correptionibus de charitate venientibus, pro culparum diuersitate diuersis, vel minoribus vel amplioribus. *cod. l. c. 15.* Nescientes enim quis pertineat ad prædestinatorum numerum, quis non pertineat; sic affici debemus charitatis affectu, vt omnes velimus saluos fieri. Hoc quippe fit, cùm singulos quosque vt occurrerint cum quibus id agere valeamus, ad hoc conamur adducere, vt iustificati ex fide, pacem habeant ad Deum. *cod. l. c.*

Ad nos ergo, qui nescimus quisnam sit filius pacis aut non sit, pertinet, nullum exceptum facere, nullumque discernere, sed velle omnes saluos fieri, quibus prædicamus hanc pacem. Neque enim metuendum est nè perdamus Deum, si ille, cui prædicamus, non est filius pacis ignorantibus nobis. Ad nos enim reuertetur, id est, nobis proderit hæc prædicatio, non & illi: si autem super eum pax prædicata requieverit; & nobis, & illi. Quia ergo nos, qui salui futuri sunt nescientes, omnes, quibus prædicamus hanc pacem, saluos fieri velle Deus iubet; & ipse in nobis hoc operatur, diffundendo istam charitatem in corda nostra per Spiritum sanctum qui datus est nobis. Potest enim sic intelligi, quod omnes homines Deus vult saluos fieri, quoniam nos facit velle: sicut misit spiritum filij sui, clamantem Abba pater, id est, nos clamare facientem. *cod. c. 15.*

Quem huius loci sensum iam allegat, licet præcedenti capite assignasset hunc (multis enim modis intelligi hic locus potest, vt ibidem fatetur) vt per particulam *Omnes*, intelligantur omnes prædestinati: quia omne genus hominum in eis est: sicut dictum est Phariseis, *Decimatis omne olus*: vbi non est intelligendum nisi omne olus quod habebant: neque enim omne olus quod erat in toto orbe terrarum, decimabant, &c. *cod. l. c. 14.*

Verum quidem est quia nemo perit, nisi filius perditionis; sed ait Deus per Ezechielem Prophetam: *Ille quidem in peccato suo morietur; sanguinem verd eius de manu speculatoris inquiram.* Proinde quantum ad nos pertinet; qui prædestinatos à non prædestinatis discernere non valemus, & ob hoc omnes saluos fieri velle debemus; omnibus, ne pereant, vel ne alios perdant, adhibenda est
à no-

ADRYMET. AB ERRORE CVRATI PER AVG. 557

à nobis medicinaliter seuera correptio : Dei est autem illis eam
facere vtilem , quos ipse præsciuit & prædestinavit conformes
imaginis filij sui. *ead. libro cap. 16.* Videri potest *libro Enchirid.*
cap. 32. ubi hunc errorem attingit, priusquam nasceretur. Adru-
meti itaque protenus pacata sunt omnia.

CAPVT V.

AVGVSTINVS A SE EDITA RECOGNOSCIT.

§. I.

Iam pridem id agitauerat.

Statuerat pridem sanctus Doctor (cum haud difficulter aduer-
sus ex eorum se numero esse , qui proficiendo scribunt & Anno
426.
scribendo proficiunt) omnium quæcumque aliquando scripserat
edideratque, inire examen: & si quid in iis reperisset vel incautiùs vel
indoctiùs à se positum; siue configere, siue emendare, siue in meliorem
sensum interpretari. Hinc enim Marcellino ante plures annos scri-
bens , dixerat : Si mihi Deus quod volo præstiterit , vt omnium
librorum quæcumque mihi rectissimè displicent , opere aliquo ad
hoc ipsum instituto , colligam atque demonstrarem ; tunc videbunt
omnes homines , quàm non sim acceptor personæ meæ. *Epist. 7.* Ac
paucis interiectis :

Romani , inquit , maximus auctor Tullius eloquij , de quodam
refert , nullum vnquam verbum emisisse , quod reuocare vellet.
Verùm laus hæc , quamvis præclarissima videatur ; credibilior ta-
men est de nimium satuo , quàm de sapiente perfecto. Nam & illi
quos vulgò Moriones vocant , quanto magis à sensu communi dis-
sonant , magisque absurdi & insulsi sunt ; tantò magis nullum ver-
bum emittunt , quod reuocare velint : quia dicti mali , vel stulti , vel

Aaaa 3

incom-

incommodi pœnitere, vtiq; cordatorum est. Sed si in bonam partem accipiantur, & quempiam talem fuisse credamus, qui, cùm sapienter omnia loqueretur, nullum vnquam verbum quod reuocare vellet emisit: hoc potiùs de hominibus Dei, qui Spiritu sancto acti locuti sunt; quàm de illo quem sic Cicero laudat, saluberrimâ pietate credendum est.

Ab hac ergo excellentiâ tam longè absûm, vt si nullum verbum quod reuocare vellem protulero, fatuo sim quàm sapienti similior. Illius quippe scripta summâ sunt auctoritate dignissima, qui nullum verbum, non quod reuocare vellet, sed quod reuocare deberet, emisit. Hoc quisquis nondum est assecutus, secundas habeat partes modestiæ, quia primas non potuit habere sapientiæ: quia non valuit omnia non pœnitenda, diligenter dixisse; pœniteat, quæ cognouerit dicenda non fuisse.

Cùm ergo non sicut quidam charissimi mei putant, nulla, vel pauca, sed potiùs plura fortasse quàm etiam maledici opinantur, verba dixerim, quæ mallet reuocare si possem; non mihi Tulliana illa blanditur sententia, quâ dictum est: Nullum vnquam verbum quod reuocare vellet, emisit: sed angit me planè Horatiana sententia: Nescit vox missa reuerti. *eâd. Epist. 7.* Quò facit, quod & alibi aiebat: Sicut laudabile est, à verâ sententiâ non amoueri; ita culpabile, persistere in falsâ: quam numquam tenere, prima laus est; secunda mutare: vt aut ex initio vera permaneat, aut mutatâ falsâ vera succedat. *l. 3. cont. Crescon. cap. 3.*

S. II.

Coadiutorem adsciscit Eradium Presbyterum.

Quod igitur tam diu serioq; agitauerat, opere nunc complestatuit. Obstabant Episcopalis dignitatis munia, quæ ad hoc agendum, otium haudquaquam permittebant. Id sanè experimento didicerat, quando quinque saltem diebus vacare aliquando permissus non est, vt Scripturas tantisper erueret quibus falsitas demonstraretur Pelagiani erroris.

Ea-

Id propter occurrit recens Seueri Episcopi Mileuitani exemplum: vt, sicuti hic morte instante successorem nominauit, quem deinde accepit; ita iam id ætatis Augustinus coadiutorem delignet, in cuius humeros transferat occupationes, quibus admodum distrahebatur: donec peracto operum suorum lustro, quidquid offendere poterat, castigasset.

Id ipsum vt reliqui Patrum effecissent, vti vehementer optamus; ita prorsus necessarium plures ob causas in Augustino fuit: cui hanc perinde cogitationem non alius, quàm pater ipse luminum suggessit: & perficiendi ex parte otium, vires, vitamque indulxit. Videamus quomodo id agere sit aggressus.

Gloriosissimo Theodosio duodecies, & Valentiniano Augusto iterum Consule, sexto Kalendas Octobris, cùm Augustinus Episcopus, vnâ cum Religiano & Martiano Coëpiscopis suis, confedisset in Ecclesia Pacis Hipponensium Regionum (erat illa vt existimo Cathedralis) præsentibus Saturnino, Leporio, Barnabâ, Fortunatiano, Rustico, Lazaro, & Eradio Presbyteris, adstante Clero & frequente populo, Augustinus Episcopus dixit:

Quod hesterno die promisi charitati vestræ, propter quod vos volui frequentius conuenire, & video frequentius conuenisse, morâ omni postpositâ hoc agendum est. Si enim aliud velim loqui; in illud suspensi, minùs auditis. Omnes in hac vitâ mortales sumus, & dies huius vitæ vltimus, omni homini est semper incertus. Verumtamen in infantiâ speratur pueritia, & in pueritiâ speratur adolescentia, & in adolescentia speratur iuuentus, & in iuuentute speratur grauitas, & in grauitate speratur senectus. Vtrum contingat, incertum est: est tamen quod speretur. Senectus autem aliam ætatem quam speret, non habet. Incertum est enim, ipsa senectus quamdiu sit homini. Illud tamen certum est, nullam remanere ætatem, quæ possit succedere senectuti.

Quia voluit Deus, ad istam ciuitatem cum vigore ætatis adueni: & tamen iuuenis fui, & senui. Scio post obitum Episcoporum, per ambitiosos aut contentiosos solere Ecclesias perturbari: & quod sæpe expertus sum & dolui, debeo quantum ad me attinet, ne contingat huic prospicere ciuitati. Sicut nouit charitas vestra, in Mileuitana Ecclesia modò fui: petierant enim me fratres, & maxi-

„ & maximè serui Dei qui ibi sunt , vt venirem : quia post obi-
 „ tum beatæ memoriæ fratris & coëpiscopi mei Seueri , nonnul-
 „ la ibi perturbatio populi timebatur. Veni , & quomodo volui ,
 „ Dominus adiuuit nos pro sua misericordia , vt cum pace Episco-
 „ pum acciperent , quem viuus designauerat Episcopus eorum. Hoc
 „ enim eis cū innotuisset ; voluntatem præcedentis & decedentis
 „ Episcopi sui libenter amplexi sunt. Minus tamen aliquid factum
 „ erat , vnde nonnulli contristabantur : quia frater Seuerus credidit
 „ posse sufficere , vt successorem suum apud Clericos designaret , a-
 „ pud populum inde non est locutus : & erat inde aliquorum non-
 „ nulla tristitia. Quid plura ? Deo placuit : tristitia fugata est : gau-
 „ dium successit : Ordinatus est Episcopus , quem præcedens Episco-
 „ pus designauerat.

„ Ergo nè aliquis de me queratur , voluntatem meam , quam credo
 „ Dei esse , in omnium vestrū notitiam perfero : Presbyterum Era-
 „ dium mihi successorem volo. A populo acclamatum est : DEO GRA-
 „ TIAS , CHRISTO LAVDES , dictum est vicies ter. EXAUDI CHRI-
 „ STE : AVGVSTINO VITA , dictum est sexies decies : TE PATREM ,
 „ TE EPISCOPVM , dictum est octies.

„ Cumque reticeretur , Augustinus Episcopus dixit : Non opus est
 „ me de laudibus eius aliquid dicere : faueo sapientiæ , & parco vere-
 „ cundia : sufficit , quia nostis eum : & hoc me velle dico , quod vos
 „ velle scio : & si ante nescirem , hodie probarem. Hoc ergo volo , hoc à
 „ Domino Deo nostro nunc etiam in ætate frigidâ votis feruentibus
 „ posco : hoc vt mecum oretis exhortor , admoneo , rogo , vt omnium
 „ in pace Christi collatis & conflatis mentibus , confirmet Deus quod
 „ operatus est in nobis. Qui misit mihi eum , seruet intolumem , seruet
 „ sine crimine : vt qui facit gaudium viuientis , locum suppleat mo-
 „ rientis.

„ A Notariis Ecclesiæ sicut cernitis , excipiuntur quæ dicitis : &
 „ meus sermo , & vestræ acclamationes in terram non cadunt. Aper-
 „ tius vt dicam , Ecclesiastica nunc gesta conficimus. Sic enim hoc esse ,
 „ quantum ad homines attinet , confirmatum volo. A populo accla-
 „ matum est trigesies sexies , DEO GRATIAS , CHRISTO LAVDES.
 „ EXAUDI CRISTE , AVGVSTINO VITA , dictum est tredecies.
 „ TE PATREM , TE EPISCOPVM , dictum est octies. DIGNVS ET
 „ IYSTVS EST , dictum est vicies. BENE MERITVS , BENE DIGNVS ,
 „ dictum est quinquies.

Cumque

Cumque reticeretur, Augustinus Episcopus dixit. Scio, quod sci-
tis & vos: sed nolo de illo fieri, quod de me factum est. Quid autem
factum sit, multi scitis. Illi soli nesciunt, qui tunc aut nondum nati
erant, aut nondum habebant aetatem sciendi. Adhuc in corpore po-
sito, beatae memoriae Patre & Episcopo meo sene Valerio, Episcopus
ordinatus sum, & sedi cum illo: quod Concilio Nicæno prohibitum
fuisse nesciebant: nec ipse sciebat. Quod ergo reprehensum est in me,
nolo reprehendi in filio meo. A populo acclamatum est. DEO GRA-
TIAS, CHRISTO LAUDES, dictum est tredecies.

Cumque reticeretur; Augustinus Episcopus dixit: Erit Presby-
ter, ut est: quando Deus voluerit, futurus Episcopus. Sed planè mo-
dò facturus sum, adiuuante misericordiâ Christi, quod adhuc non
feci. Nostis ante aliquot annos, quid facere voluerim, & non per-
misistis. Placuit mihi & vobis, propter curâ Scripturarum, quam mihi
fratres & patres mei Coepiscopi duobus Conciliis, Numidiæ & Car-
thaginis, imponere dignati sunt, ut per quinque dies nemo mihi mo-
lestus esset, Gesta confecta sunt. Placuit: acclamatis. Recitatur placi-
tum vestrum, & acclamatio vestra. Paruo tempore seruatum est circa
me, & postea violenter irruptum est: & non permittor ad quod volo
vacare. Ante meridiem & post meridiem, occupationibus hominum
teneor. Obsecro vos & obstringo per Christum, ut huic inueni, huic
Presbytero Eradio, quem hodie in nomine Christi designo Episco-
pum successorem mihi, patiamini me refundere onera occupationum
mearum. A populo acclamatum est IUDICIO TVO GRATIAS AGI-
MUS, dictum est vigesies sexies.

Cumque reticeretur, Augustinus Episcopus dixit: Ego charitati &
benevolentiae vestrae, apud Dominum Deum nostrum gratias ago: imò
de illâ, Deo gratias. Ergo, fratres, quidquid est quod ad me perfereba-
tur, ad illum perferatur. Vbi necessariû habuerit consilium meum, non
negabo auxilium. Absit ut me subtraham. Tamen quidquid illud est,
quod ad me perferebatur ad illum perferatur. Ipse me consulat, si fortè
non inuenit quid facere debeat: aut poscat adiutorem, quem nouit pa-
trem: ut & vobis nihil desit, & ego tandem aliquando, si quantu-
lumcumque spatium mihi huius vitae donauerit Deus, ipsam meam
quantulamcûque vitam non dem segnitiei, nec donem inertiae, sed in
sanctis Scripturis, quantum ipse permittit & largitur, exerceam. Hoc
& ipsi proderit, & per ipsum etiam vobis. Nemo ergo inuideat otio
meo;

B b b b

„ meo; quia meum otium, magnum habet negotium.

„ Video me de hac re, propter quam vos inuitavi, omnia vobiscum
 „ egisse quæ debui. Hoc ad vltimum rogo, vt gestis istis dignemini
 „ subscribere, qui potestis. Hic mihi responsione vestra opus est: teneam
 „ responsionem vestram. De hac assensione aliquid acclamare. A po-
 „ pulo acclamatum est: FIAT FIAT, dictum est vicies quinies. DI-
 „ GNUM ET IUSTVM EST, dictum est vicies octies. FIAT FIAT, di-
 „ ctum est quaterdecies. OLIM DIGNVS, OLIM MERITVS, dictum
 „ est vicies quinquies. IUDICIO TVO GRATIAS AGIMVS, dictum
 „ est tredecies. EXAUDI CHRISTE, ERADIVM CONSERVA, dictum
 „ est octies decies.

„ Cumque reticeretur, Augustinus Episcopus dixit: Bene habet, vt
 „ ea quæ Dei sunt circa sacrificium eius agere valeamus; in qua hora
 „ supplicationis nostræ maximè commendo charitati vestræ, vt omnes
 „ vestras causas & negotia intermittatis: & pro ista Ecclesia, & pro me,
 „ & pro Presbytero Eradio, Domino precem fundatis.

Atque hæc sunt gesta Ecclesiastica, à Notariis excepta: quæ sub ti-
 tulo Epistolæ centesimæ decimæ continentur Tomo II. vel idcirco
 à capite ad calcem exhiberi digna, quod præter historiam, plura ha-
 beant scitu lectuque iucunda.

§. III.

Augustinus quot annis cum Valerio sederit?

Ætat.
72.

Quoniam memorati in principio Gestorum quæ iam retulimus,
 Consules incidunt in Annum cccc. xxvi; agebat tum Au-
 gustinus ætatis septuagesimum secundum: cumque specialiter men-
 tionem faciat, in Actis, erroris circa se à Valerio commissi, de quo an-
 teà egimus lib. 1. cap. 3. §. 1. dicam tantummodò quot circiter annis
 vnà cum Valerio sederit in Cathedra Hipponensi.

Ac Valerius quidem tum adhuc supererat, cùm Augustinus inui-
 tauit Proculianum, Hipponensem Donatistarum Episcopum, ad mu-
 tuam collationem, sicuti patet *Epistolâ* 147. vbi ait: De animo beatif-
 simi & Venerabilis mihi patris Valerij, nunc absentis, totâ securita-
 te pol-

te polliceor, hoc eum cum magna letitia cogniturum. Ea verò inuitatio cum sit facta post Concilium Carthaginense, habitum Theodosio iuniore & Rumorido Coll. qui incidunt in Annum cccc. iiii. ipseque Augustinus creatus sit Episcopus Anno ccc. xcv. Olybrio & Probino Coll. ut ex Prospero supra retulimus; colligitur octo saltem aut nouem annis cum Valerio sedisse: aut etiam pluribus, quando mortis Valerij annus, postea secuta, ignoratur.

§. IV.

Augustinus orditur Libros Retractationum.

C Vrà igitur Episcopalis oneris in Eradilum Presbyterum translata, Operum suorum Retractationem auspicatus est, hoc exordio:

Iamdiu istud facere cogito atque dispono, quod nunc adiuuante Domino aggredior, quia differendum esse non arbitror: ut opuscula mea, siue in libris, siue in Epistolis, siue in Tractatibus, cum quâdam iudiciali seueritate recenscam: & quod me offendit, velut censorio stylo denotem. Neque enim quisquam nisi imprudens, ideo quia mea errata repichendo, me reprehendere audebit.

Sed si dicit, non ea debuisse à me dici, quæ postea mihi etiam displicerent; verum dicit, & mecum facit. Eorum quippè reprehensor est, quorum ego. Neque enim ea reprehendere deberem, si dicere debuisssem. Sed qui primas non potuit habere sapientiæ; secundas habeat partes modestiæ: ut qui non valuit omnia impœnitenda dicere; saltem pœniteat, quæ cognouerit dicenda non fuisse.

Sed ut volet quisque accipiet hoc quod facio; me tamen Apostolicam illam sententiam & in hac re oportet intueri, ubi ait: *Si nos ipsos indicaremus, à Domino non iudicaremur.* Illud enim quod scriptum est, *Ex multiloquio non effugies peccatum;* terret me plurimum: non quia multa scripsi; vel quia multa etiam quæ dictata non sunt, tamen à me dicta, conscripta sunt: (absit enim ut multiloquium deputem, quando necessaria dicuntur, quantalibet sermonum multitudine ac prolixitate dicantur;) sed istam sententiam Scripturæ sanctæ propter-

B b b b 2

ca timeo,

ea timeo, quia de tam multis disputationibus meis, sine dubio multa colligi possunt, quæ si non falsa, at certè videantur, siue etiam conuincantur non necessaria. Quem verò Christus fidelium suorum non terruit, ubi ait: *Omne verbum otiosum quodcumque dixeris homo, reddes pro eo rationem in die iudicii* &c. *Prolog. lib. Retract.*

S. V.

Possidij hac de re testimonium.

Meminit eiusdem rei Possidius, dum ait: Ante proximum diem obitus sui, à se dictatos & editos recensuit libros: siue eos quos primo tempore conuersionis suæ adhuc laicus, siue quos Presbyter, siue quos Episcopus dictauerat: & quæcumque in his recognouit, aliter quàm se se haberet Ecclesiastica regula, à se fuisse dictata vel scripta, cum adhuc Ecclesiasticum usum minùs sciret, minùsque intelligeret; ab ipsomet & reprehensa & correctæ sunt. Vnde etiam duo scripsit volumina, quorum est titulus: *De recensione librorum*.

Præreptos etiam sibi quosdam libros, ante diligentiorē emendationem, à nonnullis fratribus, conquerebatur: licet eos postmodum emendasset. Imperfecta etiam quædam librorum suorum, præuentus morte reliquit. *Possid. cap. 28.*

Sanè inter præreptos ante emendationem, testatur Augustinus ipse fuisse libros de Trinitate: *l. 2. Retract. c. 15. Epist. prælim. ad lib. de Trin.* quos alioquin, quòd essent (vti & libri de Genesi) periculosissimarum quæstionum, diutius tenebat quàm ferret desiderium eos habere volentium: vt si non potuerint nisi habere aliqua quæ meritò reprehenderentur; saltem pauciora essent, quàm esse possent, si præcipiti festinatione inconsultiùs ederentur, &c. *Epist. 7.*

Hinc etiam contigit, vt, licet ad hoc vsque tempus De Genesi ad litteram libri vndecim essent compositi; nunc adiecerit duodecimum: in quo diligentius de Paradiso disputatum est: in toto verò opere. plura quæsita, quàm inuenta: & eorum quæ inuenta sunt; pauciora firmata sunt: cetera ita posita, velut adhuc requirenda. *lib. 2. Retract. cap. 24.* Huius nihilominùs operis præclarum elogium Cassiodorus

dorus contexit, ubi ait: De iisdem principiis sanctus quoque Augustinus, disertus atque cautissimus disputator, duodecim volumina conscripsit, quæ doctrinarum penè omnium decore vestiuit: hæcque vocavit De Genesi ad litteram. *Cass. l. i. de diu. lect. cap. i.*

Ergo quos iuuenis de Trinitate inchoauerat, senex edidit: emendatos tamen non ut voluit, sed ut potuit: ne ab illis qui subrepti iam in manus hominum exierant, plurimum discreparent. *Epist. præf. ad il. de Trinit.*

S. VI.

Librorum numerus. Speculum ab Augustino compositum.

Recensione paulò post finitâ, opera nonaginta tria, in libris ducentis triginta duobus, à se dictata recoluit quando hæc retractabat; antequam scilicet Epistolas ac Sermones ad populum, alios dictatos, alios à se dictos, retractare cœpisset: totamque recensionem in duobus libris, fratribus vrgentibus edidit: vtrum adhuc aliquos esset dictaturus, ignorans. *Epilog. ll. R. tract.*

Quod licet ita tum haberet; attamen prodesse omnibus volens, & volentibus multa librorum legere & non valentibus, ex utroque diuino Testamento Veteri & Nouo, præmissa præfatione, præcepta diuina seu vetita ad vitæ regulam pertinentia, excerptis: atque ex his vnum Codicem fecit: ut qui vellet legeret: atque in eo quàm obediens Deo, inobediensve esset, agnosceret: & hoc opus voluit Speculum appellare. *Posid. cap. 28. Exstat Tomo III.*

Nam cum constet in Scripturis sanctis quædam sic esse proposita, ut tantum scirentur & crederentur: ut est, quod in principio Deus fecit cælum & terram, & quod in principio erat Verbum, &c. quædam verò sic esse iussa, ut obseruarentur & fierent; vel prohibita, ne fierent: ut est, Honora patrem & matrem: & Non mœchaberis. Horum autem quæ iubendo & vetando scripta sunt; alia esse Sacramentorum velata mysteriis, quæ à populo veteris Testamenti mandata sunt fieri, sicuti est Sabbatum, ad visibilem vocationem: sicut azy-

B b b b 3

ma,

ma, in pane sine fermento, &c. quæ solinunc Iudæi obseruant. Alia verò etiam nunc facienda esse, si facienda præcepta sunt; nec facienda, si prohibita: qualia sunt quæ dixi, Honora patrem & matrem: & non mœchaberis; idcirco de his quæ ita sunt posita in litteris sacris, vel iubendo, vel vetando, vel sinendo, vt etiam nunc, id est tempore Noui testamenti, ad vitam piam exercendam, moresque pertineant; hoc opus componere aggressus est: vt quantum Deus adiuuisset, omnia talia de Canonicis libris colligeret; vtque facile inspicere possent, in vnum tamquam Speculum congereret. *Præfat. Speculi.*

Atqui ad componendum hoc opus, vel oportuit eum memoriâ vniuersam propè Scripturam tenere; vel mirabili sollertia & attentione ab initio ad finem legendo decurrere. Et quia omnium hic saluti, atque vtilitati spiritali sudauit; quò vicinior fuit patriæ cælesti, eò flagrantiori charitate, quæ numquam excidit, arsit.

S. VII.

Non omnia recognouit.

DVm sic omnia perlustrat; quia Epistolas & Sermones ad populum retractare non cœperat: euenit vt neque Commentariorum siue Enarrationum in Psalmos: neque Tractatum in Epistolam primam & Euangelium Ioannis, aliorumque meminerit.

De his tamen Cassiodorus agens, atque in primis de Psalmorum codice: Hunc, inquit, in quibusdam Psalmis beatus Hilarius, beatus Ambrosius, & beatus Hieronymus; in omnibus tamen beatus Augustinus, studiosè nimis latiusque tractauit: ex quibus iam duas decadas, Domino præstante, collegi: à quo vt fieri solet, mutuans lumen de lumine, aliqua de ipso, Domino largiente conscripsi. *l. diuin. lect. cap. 4.*

De Euangelio verò Ioannis: Ioannem beatus, ait, Augustinus, copiosâ & insigni expositione lucidauit. *eod. l. cap. 7.* In Epistola prima beati Ioannis, sanctus Augustinus decem sermonibus multa & mirabiliter de charitate disseruit. *ibid. cap. 8.* denique meminit quæstionum quarundam, & sermonum de locis quibusdam obscurioribus librorum

rum Regum: *Augst. l. c. 2.* sed quæ iam non exstant: vti neque Sermones septem, de septem diebus Genes. *ibid. cap. 1.*

Et quamuis, vt dixi, rem posteris omninò necessariam Augustinus exegerit. dum quicquid olim scripserat, recensenda suscepit; attamen si quod est sateri volumus, tam feliciter ipse, absque vlllo Magistro seu Doctore, Theologiam vniuersam exantlauit; vt vnico errore Semipelagiano excepto (in quem aliquando ante Episcopatum inciderat, vt post dicemus: sed mox Scripturarum luculentia conuictus emerfit, vt patet ex Libris ad Simplicianum) nihil docuerit tradideritvè tam infinitis lucubrationibus, quod quemquam posset iure meritoque offendere.

Atque hinc duo, de quibus agimus, Retractionum libri, magis in explicandâ doctrinâ ipsius, ac præcauendis alienis erroribus, & castigando phrasium quarundam aut vocabulorum vsu; quàm in propriis erroribus, vel rebus alicuius momenti corrigendis versantur.

Mirum verò alicui videri possit, quòd à morte ipsius tam multa sint edita, quæ nomen eius mendaciter præferunt, vt videri potest ad calcem cuiuslibet Operum ipsius Tomi: sed mirari desinet, si cogitauerit id adhuc viuente Augustino actitari cœpisse, vti ipsemet testatur vbi ait: Mihi quidam fratres nostri nonnulla opuscula, sub meo nomine in Hispaniam venissè dixerunt: quæ quidem ab eis qui alia nostra legissent, non agnoscerentur, ab aliis tamen nostra esse crederentur: *l. de gest. Palest. cap. 6.* Vt ideo minùs mirari debeamus, si plura partim ei supposita sint, partim ab incauta posteritate falsò tributa.

§. VIII.

Librorum numerus quem init Possidius: de iisdem Cassiodori, aliorumq; iudicium.

TEstatur verò Possidius, qui Operum ipsius indiculum concinnavit, fecissè ad instructionem animarum in Ecclesia Catholica libros, Tractatus, Epistolas, numero mille triginta: exceptis quæ numerari non possunt: quia nec numerum designauit ipsorum. *Epil. Indic. vide eundem c. 18.* vide

Vti autem duos aut tres libros, quos adolescens conscripserat De Pulchro & Apto, nescire se ait quomodo sic aberrauerint, vt ne ipse quidem eos haberet, *l. 4. Conf. c. 13.* ita existimandum est Panegyricum periisse, quem Bautoni Consulatum ineunti dixerat Kalendis Ianuariis Mediolani. *l. 3. cont. Petil. cap. 25.*

Sed & Cassiodorus aliquod pronuntiat de eis iudicium, & librorum Retractationum meminit his verbis: Vtiles sunt ad instructionem Ecclesiasticæ disciplinæ, Sancti Ambrosij de Officiis melliflui libri tres: nec non & beati Augustini de vera Religione liber vnus: & de Doctrina Christiana libri quatuor. Item eiusdem liber vnus, quem de Agone Christiano composuit, maximè vobis necessarius, qui calcato sæculo, defudatis in certamine Christiano. Similiter etiam liber eiusdem, quasi Philosophiæ Moralis, quem pro moribus instituendis atque corrigendis ex diuina auctoritate collegit, Speculumque nominauit, magnâ intentione legendus est.

Iam & Sancti Augustini viginti duos libros quos de Ciuitate Dei confecit, infatigabili sedulitate percurramus: vbi & Babylonia confusa, ciuitas diaboli, & splendida Hierusalem vrbs Domini Christi, in hominum conuersatione, competenti diuersitate monstratæ sunt. Scripsit etiam quinque Quæstiones de Nouo Testamento ad Honoratum Presbyterum: & octoginta tres alias, mirificâ deliberatione formatas.

Si quis autem dicta sua diligenti cupit examinatione purgare, nec incautâ temeritate delinquere; duos libros Retractationum Sancti Augustini, studiosâ lectione percurrat: vnde & se comat imitando, & agnoscat quantam sapientiæ copiam beatissimo patri indulgentia diuina contulerit: vt quem nemo poterat fortasse reprehendere, ipse se videatur cautissimâ retractatione corrigere. *l. diu. lect. c. 16.*

Est igitur Aurelius Augustinus & acumine ingenij, & rerum multitudine, & operis mole, veluti quidam Chrysippus argumentandi virtute, aut Zenon sensuum subtilitate, aut Varro noster voluminum magnitudine, inquit Claudianus Mamercus *l. 2. de Statu Anima cap. 10.* Quamobrem ipsius Augustini tam altè visa in omnibus fermè disciplinis est auctoritas, vt extra omnem sit aleam posita: sic vt ab ea iam ne transuersum quidem, quod dicitur, vnguem recedi fas habeatur. Etenim tantâ ingenij constet eum celeritate viguisse; vt quidquid de arte loquendi & disserendi, quidquid de dimensionibus figurarum, de

de Muscis, de Numeris præcipitur; etiam sine magna difficultate, nullo hominum tradente perceperit: tanto deinde acumine præstitisse disputandi, vt iure in vno illo potissimum totius veritatis niti patrocinium videatur. *Angel. Politian. l. Miscellan. cap. 1.*

CAPVT VI.

PELAGIANORVM ANALECTA.

§. 1.

Alipius in Italiam adfert Librum secundum de Nuptiis & Concupiscentia: cui Iulianus libris octo respondere voluit.

Venerat Anno huius seculi cccc. xxvii. circiter, Alipius iterum in Italiam: quam ob causam, incertum: nisi forte, vt Pelagianam impietatem recenti iussione coerceri procuraret. Hanc vero fuisse itineris causam, coniectare licet ex petulanti Iuliani dicacitate, qui in id inuectus paullo post, tantum esse garriebat Catholicorum pauorem, vt contra Pelagianorum sanguinem pecuniarum effusione, hereditatum largitione, equorum transmissione, populorum seditione, potestatum corruptione pugnantes, fidem suam erubescerent profiteri. *l. i. operis imperf. cap. 75.*

Eiuscemodi confectis logis lugillari videtur Alipij in Italiam aduentus, de quo paullo superius Augustino improperauerat: Vercor ne frangaris: &, si Philosophorum ego senatum aduocauero, tu continuo sellularios opifices, omneque in nos vulgus accendas: vociferans cum feminis cunctisque calonibus & tribunis, quibus octoginta amplius equos, tota Africa saginatos, collega tuus nuper adduxit Ali-

Cccc

pius

pius, nequaquam re acquiescere eruditorum sententiis: sed, quod intellectui tuo congruit dixisse Apostolum, quia stultam fecit Deus sapientiam mundi. *l. 1. op. imp. cap. 42. 43. 44.*

Quidquid sit; Alipius, qui contra primum Augustini librum de Nuptiis & Concupiscentiâ excerpta in Africam attulerat; hac vice in Italiam rediens, librum Augustini secundum, ad Comitem Valerium attulit: cui perinde mox octo suos opposuit Iulianus, non atramento, sed indignatione & superbiâ suffragante, atrâ potiùs bile conscriptos.

Eiusce rei testis ipse Iulianus est, dum Florum Episcopum quemdam, cui postremum hoc opus dedicauerat, compellans ait: Quia id impendio poposcisti, imò indixisti auctoritate patriâ; vñ libro Tractatoris Pœni, quem ad Valerium Comitem vernula peccatorum eius Alipius nuper detulit, obuiarem; hinc mihi est longior facta responsio. *l. 1. op. imp. c. 8.* Sed de his postea pluribus.

§. II.

Leporij conuersio per Augustinum.

FVerat Leporius, Pelagiani dogmatis sectator hætenus non instrenuus. At resipuit circiter hoc tempore, vt nonnulli volunt, (alij altiùs referunt, ad annum cccc. xxiii. nam de cccc. vi. errorem puto) operâ potissimùm Augustini, ad quem in Africam appulerat. Testatur Gennadius dum ait: Leporius adhuc Monachus, postea Presbyter, præsumens de puritate vitæ, quam arbitrio tantum & conatu proprio, non Dei se adiutorio obtinuisse crediderat; Pelagianum dogma cœperat sequi. Sed à Gallicanis Doctoribus admonitus, & in Africa per Augustinum à Deo emendatus; scripsit emendationis suæ libellum, in quo & satisfacit de errore, & gratias agit de emendatione. Simul & quod malè fenserat de Incarnatione corrigens, Catholicam sententiam tulit: dicens manentibus in Christo duabus naturis, vnam reddi Filij Dei personam. *libr. de Vir. illustr. cap. 59.*

Inter

Inter eos à quibus in Gallia admonitus fuit Leporius, extitit Ioannes Cassianus, vt ipsemet prodit lib. 1. de Incarnat. Christi, adeoque Leporij correctionem commendat, vt non nanus penè admiranda sit, quàm illa multorum fides: Quia primum est, inquit, errorem non incurrere; secundum, benè repudiare.

Is ergo (Cassiani verba sunt) non solum in Africa, vbi tunc erat atque nunc est; tam errorem suum cum dolore, quàm sine pudore confessus est; sed etiam ad omnes Galliarum ciuitates, admodum flexiles confessionis ac planctus sui litteras dedit. Scilicet vt vbi deuiatio eius prius cognita erat; illic etiam emendatio nosceretur: & qui testes erroris antea fuerant; iidem postea correctionis essent. *ita Cassianus.*

Sanè quod litteras attinet, quæ libello Emendationis adhærent quo Nestorianum errorem potissimum retractat; Augustini fuisse, indicat stilus: quæ perinde cum ipso Leporij libello, & aliis quibusdam Capreoli Carthagenensis Episcopi, Victorini Afri, & aliorum opusculis, Lutetiæ prodierunt Anno 1630.

Vt verò Leporius hic (cuius etiam meminerunt Ioannes II. Papa, Epistola ad Auienum, Senatorem, Liberium & alios: Facundus Hermianensis Episcopus. *libr. 1. ad Iustinian. Imp. cap. 4.*) alius est ab illo, qui pridem Augustini contubernalis fuit, nominaturque in Actis Ecclesiasticis quæ mox præmisimus: ita an omnino sit idem cum eo, de quo Dexter in Chronico, his verbis: *Anno ab V. C. M. C. LV. Leporius Vicensis in Betica (Episcopus) prius Monachus ex familia Augustini, mutat suam perditam priorem sententiam, admonitus ab Augustino præceptore suo: penes alios esto examen atque iudicium.*

In annis enim conditæ Urbis apud Dextrum, manifestus irrepsit error: quem si quis fecerit M. C. LXXV; is quidem incidet in sæculi Christiani cccc. xxiii. sed non concidet cum Catalogo Episcoporum Vicensium, Hispali edito: qui Leporium fecisse Anno cccc. x. tradit, vt refert. *Crusen. Monast. August. 1. p. 6. 15.*

§. III.

Augustinus Vitalem ab errore reuocare studet.

VT Leporium, ad meliorem sententiam & mentem Augustinus reduxit; ita non minorem adhibuit diligentiam, in corrigendo quodam Vitale Carthaginensi: qui docere cœperat, Non aliter esse diuini muneris, vt prædicato Euangelio consentiamus; quàm quia credere non possumus, nisi prædicatio externa veritatis antecesserit.

Quapropter interrogatus Vitalis, quid sit quod ait Apostolus: *Deus operatur in nobis & velle & perficere?* Respondebat, per legem suam, per Scripturas suas Deum operari vt velimus, quas vel legimus vel audimus: sed eis consentire, vel non consentire; ita nostrum esse, vt, si velimus, fiat: si autem nolimus; nihil in nobis operationem Dei valere faciamus. Operatur quidem ille, dicebat, quantum in ipso est vt velimus, cum nobis nota fiunt eius eloquia: sed si eis acquiescere nolumus, nos, vt operatio eius nihil in nobis proffit, efficiamus. *Augustinus Epist. 107. ad Vitalem.* Volebat nimirum Vitalis, fidei initium ex nobis esse: istâque credulitate tamquam inquisitione & pulsatione, ex vi liberi arbitrij profectis, quemlibet mereri gratiam Dei: eam perinde merito nostro dari.

Atqui huius Pelagianismi partem iugulauerat pridem Augustinus, *libro de Grat. Christi cont. Pelagian. & Celest. cap. 7. & seqq.* vbi ad extremum ait: Ergonè vt perueniatur ad adiutorium Dei, ad Deum curritur sine adiutorio Dei? Et vt Deo adhærentes adiuuemur à Deo, à Deo non adiuti adhærebimus Deo? Quid homini maius, quidve tale poterit gratia ipsa præstare, si iam sine illâ vnus cum Deo spiritus effici potuit, non nisi de arbitrij libertate? *cod. lib. cap. 23.*

Verumtamen eundem nunc evertit, ex Orationibus Ecclesiæ: quæ non tantum pro eis funduntur, qui prædicatione veritatis carerent; sed & pro eis qui veritati prædicatæ agnitæque obstinatè reluctantur. *Epistolâ 107.* perquam accuratâ atque exactâ. Quapropter

pter sentientem aliter Vitalem compellans, ait: Exerce contra orationes Ecclesiæ disputationes tuas: & quando audis Sacerdotem Dei, ad altare exhortantem populum Dei, orare pro incredulis, ut eos Deus conuertat ad fidem; & pro Cathecumenis, ut eis desiderium regenerationis inspiret; & pro fidelibus, ut in eo quod esse cœperunt, eius munere perseuerent: subsanna pias voces, & dic te non facere quod hortatur, id est, Deum pro infidelibus, ut eos fideles faciat, non rogare, eo quod non sint istæ diuinæ miserationis beneficia, sed humanæ officia voluntatis, &c. *ibid.*

Etenim opus est hoc gratiæ: quam qui accipiunt, doctrinæ salutari Scripturarum Sanctorum, etsi fuerint inimici, sunt amici: non opus eiusdem doctrinæ; quam qui audiunt & legunt sine gratia Dei, peiores eius efficiuntur inimici. *ead. Epist.* Non ergo Gratiā dicamus esse doctrinam; sed agnoscamus gratiam, quæ facit prodesse doctrinam: quæ Gratia si delit; videmus etiam obesse doctrinam. *ibid.*

§. IV.

Epistola Augustini ad Vitalem, Semipelagianismi nervos incidit.

EA sanè Epistolâ veluti compendio, doctrinam Ecclesiæ Catholicæ contra Pelagianos Augustinus complexus est, quoad illa, quæ tum ipse firmissimè sciebat ita esse: adeoque sic in illis unicuique ambulandum existimabat, donec Deus aliud reuelauerit; ut ab eis nullo modo deuiare possimus. Est inquam, complexus, atque exorientis paullo post, vel eodem potius tempore in Gallia Semipelagianismi (ab eis qui delicato hominis arbitrio, ferre non poterant rigidam, atque in Scripturarum petra solidatam doctrinam: hancque propterea sanctissimi Doctoris, cœperant arrodere) radices penitus incidit.

Nam cum dicerent, Omnes homines Gratiā fuisse accepturos, si non illi quibus non donatur, eam suâ voluntate respuerent, quoniam Deus vult omnes homines saluos fieri; rogat Augustinus,

Cccc 3

Quo-

V. Prosp. Quomodo id esse possit, quandoquidem multis non detur paruulis;
 l. de In- & sine illâ plerique moriantur, qui non habent contrariam volun-
 grat. cap. tatem: & aliquando cupientibus festinantibusque parentibus, mi-
 30. & nistris quoque volentibus ac paratis, Deo nolente non detur,
 seqq. cùm repente antequam detur expirat, pro quo vt acciperet curre-
 batur?

Vnde manifestum est, eos, qui huic resistunt tam perspicuæ ve-
 ritati, non intelligere omninò, quâ locutione sit dictum, quod
Omnes homines, vult Deus saluos fieri, cum tam multi salui non fiant:
 non quia ipsi, sed quia Deus non vult, quod sine vlla caligine mani-
 festatur in paruulis. Sed sicut illud quod dictum est, *Omnes in Christo*
uiuificabuntur, cùm tam multi æternâ morte moriantur; ideo dictum
 est, quia omnes quicumque vitam æternam percipiunt, non perci-
 piunt nisi in Christo: ita quod dictum est, *Omnes homines vult Deus*
saluos fieri, ideo dictum est, quia omnes qui salui fiunt, nisi ipso vo-
 lente non fiunt: & si quo alio modo illa verba Apostoli intelligi
 possunt, vt tamen huic apertissimæ veritati, in qua videmus tam
 multos volentibus hominibus, sed Deo nolente, saluos non fieri,
 contraria esse non possint. *Epist. 107.*

Dicere enim, Tales paruulos ideo non permitti ad Baptismum
 peruenire, quia vel non credituros, vel non perseveraturos in gra-
 tiâ, idque propriæ voluntatis vitio siue defectu, Deus præuiderit;
 tantum non est ridiculum: vt ostendit postea, *l. de dono perseu. cap. 9.*
 Scimus enim paruulos, etiam secundum ea quæ per corpus gesse-
 runt, recepturos vel bonum vel malum: gesserunt autem non per
 seipso; sed per eos, quibus pro illis respondentibus & renuntiare
 diabolo dicuntur, & credere in Deum, vnde & in numero fidelium
 computantur, &c. non secundum ea, quæ, si diu hic viuerent, ge-
 sturi fuerant. *Epist. 107.*

CAPVT

CAPVT VII.

EXCIDII AFRICÆ INITIA.

§. I.

Bellum Bonifacio Comiti illatum.

Bonifacius Africæ hac tempestate Comes, cùm apud eos populos potentiâ gloriæque indies augeretur; multorum inuidiam, sed Aëtij potissimum militum Magistri, incurrit. Imperatoris iussu nuper in Hispanias Bonifacius profectus, affinem ibi Vandalorum Regibus vxorem duxerat: hocque nuptiarum fœdere Barbaros sibi deumxerat. Ea res inuidiæ veluti tectorium fuit, quando Aëtius ob id tantummodò Bonifacium accusabat tamquam Imperij in Libyâ insidiatorem, quia Barbarorum amicitiam affectauerat.

Hiscè susurris postquam Placidia, matris Valentiniani Imperatoris, aures animumque Aëtius impleisset, tum Bonifacio summa perfidiâ scripsit, succensere illi grauitur Imperatores: ideoque, tametsi vocari eum contingeret; caueret equidem adesse: dolofo cineri ignes suppositos iacere. Aëtio, seruo quondam suo, Bonifacius fidem commodauit, fabulæ totius ignarus: adeoque ab Imperatoribus accersitus, distulit venire. Quapropter cùm gratiam, Aëtij perfidia; iram, Bonifacij simplicitas apud Cæsares inuenisset; publico ei nomine bellum illatum est, ducibus Mauortio, Galbione, & Sinoce: sed cuius denique fortuna (occisis primùm Sinocis proditione Mauortio & Galbione, isto demùm per Bonifacium interempto) in eundem inclinauit. *Prosp. in Chron. Paul. Diac. hist. misc. lib. 14.* Huc faciunt Epistolæ nonnullæ, quæ continentur in Append. Tom. 11. *Epist. 12. 13. 14. 15. 16.* quibus vtrò citroque Bonifacius & Augustinus scribunt.

§. II.

§. II.

Vandalos in auxilium Bonifacius vocat.

VEruntamen non hic extitit belli finis: cuius prosequendi curam cum in Comitem Sigisvultum Bonifacius translatam vidit; atque innocentiam suam obstinato consilio peti; è Libya in Hispaniam nauigans, Vandalorum auxilia certis legibus poposcit, neque difficulter obtinuit: cum Vandali vndique conclusi, Gothorum (quibus antea Honorius, deliberato cum suis consilio, Gallias Hispaniasque rata confirmatione donauerat) timore æstuarent. Vnde factum est, ut rerum suarum & innocentiae tutandæ desperatione, vir alioqui pius, sibi toti que Africæ perniciem, & sæculi propè vnus iugum Religioni in eâ Catholicæ, fatali imprudentiâ excidium accersuerit.

Quâ viâ modoque Africam ingressi sint, describit Victor Uticensis, his verbis: Sexagesimus nunc agitur annus, quo populus ille crudelis ac sæuus Vandalorum gentis, Africæ miserabiles attigit fines: transuadens facili transitu per angustias maris, quo inter Hispaniam, Africamque, æquor hoc magnum spatiosumque, bisseis millibus, angusto limite se coarctauit.

Transiens igitur quantitas vniuersa, calliditate Genserici ducis, ut famam suæ terribilem faceret gentis, illic statuit omnem multitudinem munerari, quam huic luci ad illam usque diem vterus profuderat ventris. Qui reperti sunt senes, paruuli, ferui vel domini, octoginta millia numerati. Quæ opinio diuulgata usque in hodiernum anceps gentibus, armatorum tantus numerus æstimatur, cum sint nunc exigui & infirmi.

Inuenientes igitur pacatam quietamque Prouinciam; speciositatem totius terræ florentis quaquaversum impietatis agminibus impetebant, deuastando depopulabantur incendio atque homicidiis totam exterminantes. Sed nec arbutis frugiferis omnimodè parcebant: ne fortè quos antra montium, aut prærupta terrarum, vel seclusa quæque occultauerant, post eorum transitum, illis

illis pabulis nutrentur. Et sic tali crudelitate furentibus ab eorum contagione nullus remansit locus immunis. Præsertim in Ecclesiis, Basilicisque Sanctorum, Cæmeteriis vel Monasteriis, sceleratius sæuebant: ut maioribus incendiis domos orationis magis, quàm vrbes, cunctaque oppida concremarent, &c. *Vult. Viscen. l. 1. de persec. Vand.*

§. III.

Augustini ad Bonifacium paranesis.

Priusquàm ista quæ diximus, Bonifacius designaret; litteras ad eum Augustinus dedit: quibus iam tum in deterius prolabentem fistere conatus (cùm dolorem suum Bonifacius moderari haud sineret) nihilum profecit. Operæpretium est nonnulla saltem proferre; ut quilibet intelligat, quàm habuerit Antistes noster ab adulatione, & huiusce sæculi moribus, quos Politicos hodie vocant, animum purum & auersum.

Scio, inquit, non deesse homines, qui te secundùm vitam mundi huius diligunt: & secundùm ipsam tibi dant consilia, aliquando utilia, aliquando inutilia, quia homines sunt, & sicut possunt ad præsens sapiunt, nescientes quid contingat sequenti die. Secundùm Deum, ne pereat anima tua, non facile tibi quisquam consulit: non quia desunt qui hoc faciant; sed quia difficile est inuenire, quando tecum ista possint loqui. Nam & ego semper desideravi, & nemquam inueni locum vel tempus, ut agerem tecum, quod me agere oportebat cum homine quem multum diligo in Christo. Scis autem qualem me apud Hipponem videris, quando ad me venire dignatus es: quia vix loquebar, imbecillitate corporis fatigatus.

Nunc ergo, fili; audi me saltem per litteras tibi sermocinantem, quas in periculis tuis, numquam tibi mittere potui, periculum cogitans perlatoris: & cauens ne ad eos quos nollem, mea Epistola perueniret. Vnde peto ut ignoscas, si me putas plus timuisse, quàm debui. Audi ergo me, imò Dominum nostrum per ministerium infirmitatis meæ. Recole qualis fueris, adhuc in corpore constitutà religiosæ memoriæ priore coniuge tuâ: & recenti eius obitu, quomodo

D d d tibi

tibi vanitas huius seculi horruerit, & quomodo concupieris seruitutem Dei. Nos nouimus, nos testes sumus, quid nobiscum apud Tubunas, de animo & voluntate tua fueris collocutus. Soli tecum eramus, ego, & frater Alipius. Non enim existimo tantum valuisse terrenas curas quibus impletus es, vt hoc de memoria tua penitus delere potuerint. Nempe omnes actus publicos, quibus occupatus eras, relinquere cupiebas, & te in otium sanctum conferre: atque in eâ vitâ viuere, in qua serui Dei Monachi viuunt.

Vt autem non faceres, quid te reuocauit, nisi quia considerasti, ostendentibus nobis, quantum prodesset Christi Ecclesiis quod agerbas, si eâ solâ intentione ageres, vt defensæ ab infestationibus Barbarorum quietam & tranquillam vitam agerent, sicut dicit Apostolus, in omni pietate & castitate: tu autem ex hoc mundo nihil quærereres, nisi ea quæ necessaria essent huic vitæ sustentandæ, tuæ, ac tuorum: accinctus balthæo castissimæ continentiæ, & inter arma corporalia spiritualibus armis tutius ac fortius munitus.

Cum ergo te esse in hoc proposito gauderemus; nauigasti, vxoremque duxisti. Sed nauigasse, obedientiæ fuit, quam secundum Apostolum debebas sublimioribus potestatibus: vxorem autem non duxisses, nisi susceptam deferens continentiam concupiscentiâ victus esses. Quod ego cum comperissem; fateor, miratus obstupui: dolorem autem meum ex aliqua parte consolabatur, quod audiui te illam ducere noluisse; nisi prius Catholica fuisset facta: & tamen hæresis eorum, qui verum Dei filium negant, tantum præualuit in domo tuâ, vt ab ipsis filia tua baptizaretur.

Iam verò si ad nos non falsa perlata sunt, quæ vtinam falsa sint, quòd ab ipsis hæreticis etiam ancillæ Deo dicatæ rebaptizatæ sint: quantis tantum malum plangendum est fontibus lacrymarum! Ipsam quoque vxorem non tibi suffecisse; sed concubinarum nescio quarum commixtione pollutum loquuntur homines, & forsitan mentiuntur. Ista omnibus patent, & tot & tanta mala, quæ te, posteaquam coniugatus es, consecuta sunt. Quid dicam? Christianus es: cor habes: Deum times: tu ipse considera quæ volo dicere, & inuenies de quantis malis debeas agere poenitentiam: propter quam tibi credo Dominum parcere, & à periculis omnibus liberare, vt agas eam sicut agenda est: sed si illud audias quod scriptum est: *Ne tardes conuerti ad Dominum, neque differas de die in diem.*

Iustam

Iustam quidem dicis te habere causam : cuius iudex ego non sum, quoniam partes ambas audire non possum. Sed qualiscumque sit causa tua (de qua modò credere vel disputare non opus est) numquid coram Deo potes negare, quod in istam necessitatem non peruenisses, nisi bona sæculi huius dilexisses ? quæ tamquam seruus Dei, quem te ante noueramus, contemnere omninò, & pro nihilo habere debuisti : & oblata quidem sumere, ut eis uteris ad pietatem : non autem negata, vel delegata sic quærere, ut propter illa, in istam necessitatem perducereris, ubi eum amantur vana, perpetrantur mala : pauca quidem à te, sed multa propter te : & eum timentur quæ ad exiguum tempus nocent, (si tamen nocent) committuntur ea quæ verè, & in æternum noceant.

De quibus ut vnum aliquid dicam, quis non videat quod multi homines tibi cohæreant, ad tuendam tuam potentiam vel salutem : qui etiam si tibi omnes fideles sint, nec ab aliquo eorum ullæ timeantur insidiæ ; nempe tamen ad ea bona, quæ ipsi quoque non secundum Deum, sed secundum sæculum diligunt, per te cupiunt peruenire : ac per hoc qui refrænare & compescere debuisti cupiditates tuas, explere cogis alienas. Quod ut fiat ; necesse est multa, quæ Deo displicent, frantur : nec sic tamè explentur tales cupiditates. *Epi. 70.* Et paulò post :

Quando ergò poteris tot hominum armatorum (quorum fouenda est cupiditas ; timetur atrocitas) quando, inquam, poteris eorum concupiscentiam, qui diligunt mundum non dico satiare (quod fieri nullo modo potest) sed aliqua ex parte pascere, ne vniuersa plebs pereat ; nisi tu facias, quæ Deus prohibet & facientibus comminatur ? propter quod vides tam multa contrita, ut iam vile aliquid quod rapiatur, vix inueniatur.

Quid autem dicam de vastatione Africæ, quam faciunt Afri Barbari, resistente nullo, dum tu talis, tuis necessitatibus occuparis, nec aliquid ordinas, unde ista calamitas auertatur ? Quis autem crederet, qui timentus, Bonifacius Domesticorum & Africæ Comite in Africa constituto, cum tam magno exercitu & potestate, qui Tribunus cum paucis federatis, omnes ipsas gentes expugnando & terrendo pacauerat ; nunc tantum fuisse Barbaros auiros, tantum progressuros, tanta vastaturos, tanta rapturos, tanta loca quæ plena populis fuerant deserta facturos ? Qui non dicebant, quandocumque tu Comitiam sumeres potestatem, Afros Barbaros non solum domitos ; sed etiam

D d d d 2

tribu-

tributarios futuros Romanæ reipublicæ? Ex nunc quàm in contrarium versa sit spes hominum, vides: nec diutiùs hinc tecum loquendum est, quia plus tu potes ea cogitare, quàm nos dicere.

Sed forte ad ea respondes, Illis hoc esse imputandum, qui te læserunt: qui tuis officiosis virtutibus non paria, sed contraria reddiderunt. Quas causas ego audire & iudicare non possum. Tuam causam potius aspice & inspice, quam non cum hominibus quibilibet, sed cum Deo habere te cognoscis: quia in Christo fideliter vivis, ipsum timere debes, nè offendas. Nam ego causas superiores potius attendo: quia ut Africa tanta mala patiatur, suis debent homines imputare peccatis. Verumtamen nolim te ad eorum numerum pertinere, per quos, malos & iniquos Deus flagellat poenis temporalibus quos voluerit. Iplis namque iniquis, si correcti non fuerint, servat æterna supplicia, qui eorum malitià iuste vitur, ut aliis mala ingerat temporalia.

Tu Deum attende: Iesum Christum considera: qui tanta bona præstitit, & tanta mala pertulit. Quicumque ad eius regnum cupiunt pertinere, & cum illo, ac sub illo semper beatè vivere; diligunt etiam inimicos suos: benefaciunt illis, qui eos oderunt: & orant pro eis, à quibus persecutionem patiuntur. Et, si quando adhibent pro disciplinā molestantem severitatem; non tamen amittunt sincerissimam charitatem.

Si ergo tibi bona sunt præstita, quamvis terrena & transitoria, ab Imperio Romano; quia & ipsum terrenum est non cæleste, nec potest præstare nisi quod habet in potestate: si ergo bona in te collata sunt; noli reddere mala pro bonis. Si autem mala tibi irrogata sunt; noli reddere mala pro malis. Quid istorum duorum sit; nec discutere volo, nec valeo iudicare: ego Christiano loquor, Noli reddere vel mala pro bonis, vel mala pro malis.

Dicis mihi fortasse: In tanta necessitate quid vis ut faciam? Si consilium à me secundum hoc sæculum quæris, quomodo ista salus tua transitoria tuta sit, & potentia atque opulentia vel ista servetur quam nunc habes, vel etiam maior addatur; quid tibi respondeam nescio. Incerta quippe ista, certum consilium habere non possunt. Si autem secundum Deum me consulis, ne anima tua pereat; & times verba Veritatis, dicentis, *Quid prodest homini si totum mundum lucretur, anima autem sua detrimentum patiatur*; habeo planè quod dicam: est apud me

me consilium quod à me audias. Quid autem opus est vt aliud dicam, quàm illud quod suprà dixi: Noli diligere mundum, nec ea quæ in mundo sunt? &c. Et post pauca:

Hic appareat si vir fortis es. Vince cupiditates, quibus iste diligitur mundus: age pœnitentiam de præteritis malis, quando ab eis cupiditatibus victus, per desideria non bona trahebaris. Hoc consilium si acceperis, si tenueris atque seruaueris; & ad bona illa certa peruenies, & cum salute animæ tuæ inter ista incerta versaberis.

Sed fortè iterum quæris à me, quomodo ista facias, tantis mundi huius necessitatibus implicatus? Ora fortiter, & dic Deo quod habes in Psalmo: *In necessitatibus meis erue me.* Tunc enim finiuntur istæ necessitates, quando vincuntur illæ cupiditates. Qui exaudiuit te, & nos pro te; vt liberareris de tot tantisque periculis visibilium corporaliumque bellorum, vbi sola ista vita quandoque finienda periclitatur, anima uerò non perit, si non malignis cupiditatibus captiua teneatur: ipse te exaudiet, vt interiores & inuisibiles hostes, id est, ipsas cupiditates, inuisibiliter & spiritualiter vincas: & sic vtaris hoc mundo, tamquam non vtaris: vt ex bonis eius bona facias, non malus fias. Quia & ipsa bona sunt: nec dantur hominibus, nisi ab illo qui habet omnium caelestium & terrestrium potestatem. Sed ne putentur mala, dantur & bonis: ne putentur magna vel summa bona, dantur & malis. Itemque auferuntur ista & bonis, vt probentur; & malis, vt crucientur. *Ac deinde.*

Salus verò animæ, cum immortalitate corporis vtriusque iustitiæ; & victoria de cupiditatibus inimicis, & gloria & honor & pax in æternum; non dantur nisi bonis. Propter hæc acquirenda & obtinenda, fac eleëmofynas, funde orationes, exerce ieiunia, quantum sine læsione corporis tui potes. Bona verò illa terrena noli diligere, quantalibet tibi abundant. Sic eis vtere, vt bona multa ex illis, nullum autem malum facias propter illa. Omnia quippe talia peribunt: sed bona opera non pereunt, etiam quæ de bonis pereuntibus fiunt. Si enim coniugem non haberes; dicerem tibi, quod & Tubais diximus, vt in sanctitate continentiae viueres. Adderem, quod tunc fieri prohibuimus, vt iam te, quantum rerum humanarum saluâ pace potuisses, ab istis rebus bellicis abstraheres: & ei vitæ vacares in societate sanctorum, cui tunc vacare cupiebas: vbi in si-

lento pugnant milites Christi, non ut occidant homines; sed ut expugnent principes & potestates, & spiritalia nequitiae, id est, diabolum & angelos eius, &c.

Sed ut te ad istam vitam non exhorter, coniux impedimento est: sine cuius consensione continenter tibi non licet vivere. Quia etsi tu eam, post illa tua verba Tubunensia ducere non debebas; illa tibi tamen nihil eorum sciens, innocenter & simpliciter nupsit. Atque utinam posses ei persuadere continentiam, ut sine impedimento redderes Deo, quod te debere cognoscis. Sed si cum illa agere non potes; serua saltem pudicitiam coniugalem: & roga Deum, qui te de necessitatibus eruit, ut quod non potes modò, possis aliquando. Verumtamen ut Deum diligas, non diligas mundum: ut in ipsis bellis (si adhuc in eis versari opus est) fidem teneas: pacem quæras. Ut ex mundi bonis facias bona opera; & propter mundi bona, non facias opera mala; aut non impedit coniux, aut impedire non debet.

Hæc ad te, fili dilectissime, ut scriberem charitas iussit, quâ te secundum Deum, non secundum hoc sæculum diligo: quia & cogitans quod scriptum est, *Corripe sapientem, & amabit te, corripe stultum, & adiciet odisse te*; non te utique stultum, sed sapientem debui cogitare. *Epist. 70.*

Atque ita Augustinus ad Bonifacium, procul omni furo & palpo: adeò ut sicuti optandum est calidissimis votis, plures eiusmodi sermones ad eos fieri, qui Prouincias hodie militiamque gubernant; ita utinam tum saltem Bonifacius audiisset! quod quia non est factum; sic utique malum increuit, ut neque ipse resistendo fuerit: licet Imperatoribus reconciliatus (ut mox dicemus) magnam auri vim recessuris Vandalis obtulisset.

CAPVT

AVGVSTINVS ARIANOS IN
AFRICA REFELLIT.

§. I.

Arianismus in Africa.

CVM Sigisvulto Comite, militiæ contra Bonifacium Præfecto, venerat in Africam Maximinus, Arianorum Episcopus. Id enim ipse profitetur initio collationis, quam Hippone habuit, de qua dicere aggredior. Ego, inquit, in hanc civitatem missus à Comite Sigisvulto (sic enim legendum) contemplatione pacis adueni.

l. prim. cont. Maxim. initio.

Hic tantæ temeritatis extitit, ut ad disputationem Augustinum provocauerit: licet impar congressus Achilli, uti docuit eventus. Vnde & eum Augustinus compellat his verbis: Quid tibi visum est, ô homo Ariane, tam multa dicere, & pro causâ quæ inter nos agitur nihil dicere: quasi hoc sit respondere posse, quod est tacere non posse?

Præfat. lib. 2. contra Maximin.

Imò non ipse solum; sed & Pascentius, Comes domûs Regiæ in Africa, exactor rerum fiscalium, idem ausus est: homo simpliciter impudens, neque ad certamen vllatenus instructus: & fisci opinor sui, quam Christi peritior. De utroque Possidius, atque in primis Pascentio, ita narrat.

§. II.

Disputatio Augustini cum Pascentio Ariano.

CVM quodam Pascentio (inquit Possidius) Comite domûs regiæ Ariano, qui per auctoritatem suæ personæ, fisci vehemen-
tissimus

„tissimus exactor, fidem Catholicam acriter ac iugiter oppugnabat &
 „perturbabat; presentibus honoratis & nobilibus viris apud Cartha-
 „ginem ab illo provocatus, idem sanctus Augustinus coram contulit.

„Verum hereticus, tabulas atque stylum, quod Magister noster &
 „ante congressum & in congressu instantissime fieri volebat, ne adef-
 „sent, omnino recusabat. Et dum id pernegasset, dicens quod metu
 „legum publicarum, periclitari tabulis scriptis noller: atque in-
 „terpositis, id placere Augustinus Episcopus, cum suis qui aderant
 „confacerdotibus videret; ut absque vlla scriptura priuatim disputa-
 „rent, collationem suscepit: predicens ut postmodum contigit, quod
 „post solutum conuentum, esse cuiquam posset liberum arbitrium for-
 „te dicere, nullo scripturae documento se dixisse, quod forte non dixe-
 „rit: vel non dixisse, quod dixerit.

„Et miscuit cum eodem sermonem atque asseruit quid crederet, &
 „ab illo quid teneret audiuit: & vera ratione, & auctoritate Scriptu-
 „rarum probata docuit & ostendit nostrae fidei firmamenta: illius au-
 „tem asserta; nulla veritate, nulla Scripturarum sacrarum auctoritate
 „suffulta docuit, & frustraui.

„Et ut à se inuicem partes digressae sunt; ille magis magisque iratus
 „& furens, mendacia multa, pro fide sua falsam iactabat: & victum esse
 „à seipso proclamans multorum ore laudatum Augustinum.

„Quae cum venerabilem virum minimè laterent; coactus est ad ip-
 „sum scribere Pascantium, propter illius metum omissis nominibus
 „conferentium: & in eis litteris, quidquid inter partes dictum vel ge-
 „stum fuerit, fideliter intimaui: ad ea si negarentur, probanda, mag-
 „nam testium habens copiam, clarissimos scilicet atque honorabiles
 „qui tunc aderant viros.

„Atque ille ad duo sibi directa scripta, vnum vix reddidit rescri-
 „ptum: in quo magis iniuriam facere, quam suae sectae rationem valuit
 „declarare: quod a volentibus & valentibus legere, comprobabitur.

Possid. cap. 17.

Sunt autem illa Augustini scripta ad Pascantium, Epistola 174.
 175. 177. 178. Vbi & Pascentij mendacia, de quibus Possidius, lice-
 bit aduertere: deinde etiam hypocrisim, qui cum Anathema Ario di-
 xisset, nominando Auxentium virum laudabiliter sanctum, & omnis
 scientiae; quod fuit, videri equidem noluit. *Epist. 178.*

§. III.

§. III.

Disputatio Augustini cum Maximino.

DE hoc Augustini cum Maximino congressu, ita idem Possidius: Cum ipsorum quoque Arianorum Episcopo Maximino, cum Gothicis in Africam veniente, apud Hipponem quampluribus volentibus atque petentibus, & praeclaris interpolitis viris, contulit: & quid singulae asseruerint partes, scriptum est. Quae si studiosi legere voluerint; proculdubio indagabunt, & quod callida & irrationalis harsis, ad seducendum & ad decipiendum profiteatur; & quod Ecclesia Catholica, de diuina teneat Trinitate.

Sed quoniam ille haereticus, de Hippone rediens Carthaginem de sua multa in Collatione loquacitate, victorem se de ipsa Collatione recessisse, iactauit & mentitus est: quae utique non facile à diuina legis ignavis, examinari & diiudicari possent: à venerabili viro Augustino, sequenti tempore stilo, & illius totius Collationis, de singulis obiectis & responsis, facta est recapitulatio: & quam ille nihil obiectis referre potuerit, nihilominus demonstratum est: additis supplementis, quae tempore Collationis angusto, cuncta inferri & scribi minime potuerunt.

Id enim egerat nequitia hominis, ut suam nouissimam prosecutionem multam longissimam, totum quod remanserat diei spatium occuparet. *Possid. cap. 17.*

Exstat illa cum Maximino disputatio tempore succedente (ut iam ex Possidio retulimus, ipseque Augustinus in fine testatur) conscripta, subiunctis libris duobus contra Maximinum, quos supplementa disputationis utique Possidius appellat: ut nihil mirum sit, horum omnium in libris Retractionum nullam fieri mentionem, cum liquido appareat, libris Retractionum hos contra Maximinum posteriores esse. Atque hinc Agatho Pontifex, in Sexta Synodo Actione 4. citat quaedam Augustini contra Maximinum, quae habentur l. 3. c. 20. meminit & Beda in cap. 8. ad Romanos.

Ostendit verò hoc in Opere Augustinus, primo, non potuisse Maxi-

Ecc

minum

minum refellere sibi in disputatione obiecta : deinde quæ ipse obiecerat Maximinus, vberius iterum liquidiusque refellit. Quàm autem essent nihili, quæ latè licet exspatiatus Maximinus attulerat, ostendit his ad eum verbis Augustinus: Si oras & petis, vt dicis, discipulus esse diuinarum Scripturarum, ad rem pertinentia testimonia diuina considera. Noli per multa quæ te nihil adiuuant, euagari. Elige prudenter tacere, quàm inaniter loqui, quando non inuenis quid respondeas manifestæ veritati. Timere te ostendis, nè te nudem discipulis tuis. Vtinam in Christo sic induaris, vt discipulos tuos magis ipsius velis discipulos esse, quàm tuos. Nam me non pœnitet, quantum Dominus donat, operam dare; vt tu & discipuli tui, sub vno magistro, sis condiscipuli mei. *lib. 3. contra Maximin.*

Verùm sicuti Pascentias, maluit Auxentij, quàm Arij discipulum se profiteri; ita Maximinus pressus ab Augustino, illam se fidem tenere asseruit quæ Arimini à trecentis & triginta Episcopis, non solum exposita, sed etiam subscriptionibus firmata est: *l. 1. cont. Maxim. in.* in qua nimirum Synodo testatur Hieronymus Valentis & Vrsatij fraudibus effectum, vt ingemiscens orbis terrarum Arianum se esse miratus sit.

S. IV.

Disputatio cum Feliciano.

Verisimile est cum Feliciano, eiusdem sectæ hæretico, circa idem tempus fuisse congressum: quam disputationem deinde, prænotatis propter personarum discretionem, principalibus nominum litteris in libellum contulit: *l. cont. Felician. cap. 1.* amico quodam sollicitè petente: fortè Terentiano, cuius meminit Possidius. *Indic. c. 5.*

Cum autem Felicianus in exordio disputationis offendi se diceret, quod à Catholicis præcepta fidei non tam rationis, quàm sanctarum Scripturarum pondere munita traderentur (quod tamen in rudibus hominibus videretur aliqua excusatione dignum; in Augustino, cui eloquentia pariter cum scientiâ fidei non deerant, haud se perpeti posse) respondit Feliciano Augustinus: Non se vsque adeò laudibus

laudibus duci, ut iniuriam faciat præcedentibus sanctis: neque præsumere unquam in sapientia verbi, ne euacuetur Crux Christi: sed Scripturarum sanctarum auctoritate contentum, simplicitati potius obedire velle, quam tumori.

Quam enim rationem asferre potes, inquit, si partum prædicas Virginis: si redditos oculos non negas cæcis: si sepultos rediisse ostendis à mortuis? Si ergo horum est incomprehensibilis ratio, veritas prompta est: facilius in negotiis fidei testimoniis creditur, quam ratio inuestigatur. *l. cont. Felician. cap. 2.*

Quibus verbis sicuti ostendit se discipulum reuera Christi, eiusque verbi, esse; (quod iam olim initio Conversionis suæ dixerat, dum quia valentiorē auctoritatem non reperiebat, negabat se ab eā vel- le discedere; *lib. 3. cont. Academ. cap. 20.*) ita prorsus Ioannem Bapti- stam imitatus, adeo non fuit arundo, ut tantillā laudationis aurā, qualem Felicianus afflabat, moueretur.

§. V.

*Digressio ad Augustini modestiam, &
Gloria fugam.*

VAnitates profectò eiusmodi habuit penitus exosas. Qua- propter tulit aliquando agrusculū, quod aq̃ Concilium quod- dam Numidæ à Victorino per tractoriam vocatus, inter ipsos Epi- scopos Numidas ita perturbato & neglecto ordine scriptum repere- rit nomen suum, ut loco tertio esset positum: quæ res (cum nosset utique, quā post multos factus esset Episcopus, & aliis iniuriola satis est, inquit, & mihi inuidiosa. Quamobrem suspicatus, ne Tractoria quam receperat, vitio fallitatis laboraret; tum ea, tum aliis de causis, à Concilio se excusat. *Epist. 217.* Quam Epistolam se misisse signa- tam ait; annulo qui exprimit faciem hominis attendentis in latus: si quis hinc fortasse sigilli ipsius imaginem velit curiosè rursari.

Eodem referri possunt eius Verba de Vita genere siue otioso, siue ætuofo, & ex utroque composito inter Christianos: ex quibus liquet, eum non fuisse honoris & dignitatum admodum appetentem. Quam-

Eccc 2

vis,

uis, inquit, saluâ fide quisque possit in quolibet eorum vitâ ducere, & ad sempiterna præmia peruenire; interest tamen quid amore teneat veritatis, quid officio charitatis impendat. Neque enim sic quisque debet esse otiosus, ut in eodem otio vtilitatem non cogitet proximi: nec sic actuosus, ut cōtemplationem non requirat Dei.

In otio non iners vacatio delectare debet; sed aut inquisitio aut inuentio veritatis: ut in ea quisque proficiat, & quod inuenerit teneat, & alteri non inuideat. In actione verò non amandus est honor in hac vita, siue potentia; quoniam omnia vana sub Sole: sed opus ipsum, quod per eundem honorem vel potentiam fit, si rectè atque vtiliter fit: id est, ut valeat ad eam salutem subditorum, quæ secundum Deum est.

Propterea quod ait Apostolus, *Qui Episcopatum desiderat, bonū opus desiderat*; exponere voluit quid sit Episcopatus: quia nomen est operis, non honoris. Græcum est enim atque inde ductum vocabulum, quod ille qui præficitur, eis, quibus præficitur, superintendit: curam eorum scilicet gerens. *super* quippe, *super* verò intentio est: ergo *superintendit*, si velimus, Latine *superintendere* possumus dicere: ut intelligat non se esse Episcopum; qui præesse dilexerit, non prodesse.

Itaque à studio cognoscendæ veritatis nemo prohibetur, quod ad laudabile pertinet otium: locus verò superior, sine quo regi populus non potest, etsi ita teneatur atque administretur, ut decet; tamen indecenter appetitur. Quamobrem otium sanctum quærit charitas veritatis, negotium iustum suscipit necessitas charitatis. Quam sarcinam si nullus imponit; percipiendæ atque intuendæ vacandum est veritati: si autem imponitur, suscipiendæ est propter charitatis necessitatem. Sed nec sic omnimodò veritatis delectatio deferenda est, ne subtrahatur illa suauitas, & opprimat ista necessitas. *l. 19. de Ciuit. Dei c. 19.*

S. VI.

Augustini doctrina Arianismum stirpitus excidit.

AD Arianos ut redeamus, illius hæresis radices penitus incidisse videri non immeritò Augustinus potest. Nam cum hætenus
tota

tota Patrum Vetustiorū, quotquot Augustinum antecesserant, Schola, eosque secutus Arius ipse, crebras illas Dei in Veteri Testamento apparitiones, non de Patre (quod esset invisibilis) sed de Filio intellexissent: continuò exculpavit Arius ex istorum etiam auctoritate, Filium Patre esse minorem: quia visibilis factus, internuntij munere per tot secula ad homines functus esset. Etenim, testante Ambrosio, hæc est causa erroris, hæc origo hæresis Arianae. *l. de Filij diuinit. cap. 8.* Iam, non filium Abraham visum, vel cum Iacob luctatū esse, sed Deum innascibilem siue Patrem asserentibus, Concilium Sirmiense anathema dixit, apud Hilari. *l. de Synodis.*

Hanc igitur erroris Ariani scaturiginem, cū, magistro suo Ambrosio commonstrante, Augustinus reperisset; non dubitauit ire contra veterum nubem, melioribusque auspiciis fontem hæreseos occludere: docens omnes illas prioris Testamenti apparitiones ne Filio quidem, sed Angelo siue creaturæ esse tribuendas, tantumque adduxit in hanc sententiam Scripturarum agmen, & rationum robur; vt eam deinceps nemo in dubium reuocauerit. Atque ob hanc causam suspicantur eum nonnulli, suâ sponte librorum de Trinitate (in quorum potissimum secundo & tertio hoc agit) editionem differre voluisse: ne cui fortè aut sententiæ nouitas displiceret, aut existimaret oscitanter hoc illi excidisse. Videri de eadem re potest, *libr. 3. cont. Maxim. cap. 26.*

Aliam Arianorum fraudem (dum ostendere cupientes Filij diuinitatem etiam in Euangelio negari, distinctione prauè collocatâ Euangelistam corrumpere ausi sunt, ita legendo: *Et Verbum erat apud Deum, & Deus erat. Verbum hoc erat, &c.*) atque hanc quoque ab Augustino detectam alij scribunt. *Galarz. l. 1. Euang. Instit. cap. 10.*

Quod itaque Arianos attinet, prorsus ad hunc articulum res colligitur: vt Deus Pater, æqualem sibi gignere filium aut non potuerit, aut noluerit. Si non potuit, infirmus: si noluit, inuidus inuenitur. Sed vtrumque hoc falsum est. Patri ergo Dei Filius verus æqualis est. *l. 3. cont. Maxim. cap. 7.* Iam quid inter Filium & Spiritum sanctum interlit, vnius alteriusque processionem, quantum de illa excellentissima natura declarari potest, hoc exsequitur. *cod. l. c. 14.*

§. VII.

Collatio Orthodoxorum cum Arianis, mortuo Augustino.

Ceterum quia Patrem & Filium vnus esse substantiæ, & personarum tantummodo proprietate distinctos (vt tum contra Pascendum, tum Maximinum & Felicianum, Augustinus docuit) Catholici fatebantur ; ad quod iuuabit legere Epist. 178. ante citatam) ob eam rem dicti sunt Arianis *Homousiani*. Ariani verò cum Hunerico in Africa dominante regnum etiam aliquod obtinerent ; ad Collationem Catholicos prouocarunt, vt hi antea Donatistas fecerant. Historiam Victor Vticens. describit. l. 2. & 3.

Mandatum ergo suum cum Hunericus edidisset; Eugenius Episcopus Carthaginensis, tam suo, quam suorum in Africâ Catholicorum nomine respondet, se minimè recusare refugerêve Collationem, quam imperabat Hunericus: sed petere, vt etiâ aduocentur transmarini Catholici: quia sine eis non possit agere communem causam, præsertim talem tantamque. Id autem obtendebat; vt, cum transmarini adessent (in quos scire non auderet Hunericus, ne Imperatorem eorum offenderet) tantò liberior esset disputatio.

Et verò Eugenius cum suis ad diem venit, vt iuxta Hunerici mandatum cum Arianis conferret. Sed cum tyrannus in suo edicto pollicitus esset Catholicis omnia tuta; fidem illicò infregit, & iis qui venerant manum iniicit: seuit in doctissimos, eosque etiam necat. Attamen qui superstites erant, non diffugiunt: imò, vt disputatio sine tumultu transigeretur, eligunt ex suo ordine quosdam, qui pro omnibus loquantur: vt & factum fuerat in Collatione cum Donatistis.

Cumque Ariani æquo iure se ad disputationem comparare deberent; volunt vt eorum nescio quis Patriarcha Cyrillus, sit iudex: & cum magno satellitio armatum collocant in alto suggestu. Catholici conqueruntur de tali formâ iniquissimi iudicij: sed frustra. Imò accusantur, quòd se vocent Catholicos: & magnis aduersariorum clamoribus

moribus propè obruuntur. Tum verò nostri iis vtrò largiuntur, vt Catholicorum nomen veluti suspendatur, donec qua stio definita sit: & vt ad rem veniant, edunt scriptam suæ fidei confessionem, quam rueri instruant.

Quid Ariam? Cum vicissim suam edere deberent; tantùm clamant nostros esse seditiosos: & inflammant suum Hunericum. Qui statim contra Catholicos edicit, quod olim Christiani Imperatores in Donatistas edixerant.

Quam Historiam, tametsi post mortem Augustini euenerit, eò libuit subiunxisse, vt, dum quisque videt hæc Arianorum apud Afròs initia, quæ in manibus habemus; videat vltra vitæ morumque scditatem, alios aliis hæreticis successisse, imò indies fuisse multiplicatos, donec fatalis dies vastitasque toti propè Africæ intonaret: quod paullò pòst contigit.

CAPVT IX.

MALORVM AFRICÆ CAVSSA.

§. I.

*Calamitatis quæ Africam afflixit caussa,
peccata.*

Nimirum, vt Augustinus dixerat Epistolâ ad Bonifacium, quòd Africa tanta mala patiatur; suis debent homines imputare peccatis. Afrorum nequitia maturuerat ad iustissimam vindictam: celestisque manus, quæ Vandalos ad puniendâ Hispanorum flagitia attraxerat; etiam ad vastandam Africam transire cogebat. Ipsi fatebantur, non suum esse quod facerent: agi enim se diuino iussu ac perurgere, inquit *Saluan. l. 7. de Iudic. & Provident. Dei.*

Qui cùm deinde ostendisset non adscribendum Deo, quidquid pro peccatis nostris patimur: sicut imputari iudici non debet, quod homicida occiditur, & latro aut sacrilegus exurit: adiungit, Vnde & quod

„ quod Vandali in Africam transierunt ; non est diuinæ seueritati , sed
 „ Afrorum sceleri deputandum. Graui enim eos , antequam illuc per-
 „ gerent , ac longâ iniquitate traxerunt. Et idéo intelligere debemus,
 „ quia pietatis diuinæ fuit , quòd pœnam diu debitam distulit : piacu-
 „ lorum autem & criminum ; quod aliquando peccator populus , quæ
 „ merebatur , accepit.

„ Nisi fortè Afros hoc non meruisse credimus ; cum vtique nulli ma-
 „ gis : vtpotè in quos omnia simul improbitatum atque impuritatum
 „ genera confluxerint. Ceteri enim homines , etsi nonnullis flagitiorum
 „ vitiis obligati sunt , quibusdam tamen non implicantur : & si inuiol-
 „ entiâ non carent , maleuolentiâ carent : & si libidine æstuant , rapaci-
 „ tati non seruiunt. Multos denique & si accusat incontinentia corpo-
 „ rum , simplicitas commendat animorum. In Afris penè omnibus ni-
 „ hil horum est quod ad vtrumque pertineat , id est bonum æquè ac
 „ malum : quia totum admodum malum. Adeo exclusâ naturæ origi-
 „ nali sinceritate , aliam quodammodo in his naturam vitia fecerunt.
 „ Exceptis enim paucissimis Dei seruis , vbi non omnia execratione
 „ digna ? *Saluian. lib. 7.*

§. II.

Afrorum perditi mores.

VT enim superius dixerat idem Saluianus : Quid fuit totum
 Africa territorium , quàm domus vna vitiorum ? *lib. 7.* Et non-
 nullis interiectis : Quid enim piaculorum est non illic semper admis-
 „ sum ? Ne de omnibus dicam , quia & enormia ferè sunt , & sciri & di-
 „ ci tanta non possunt ; de solâ vel maximè obscœnitate impuritatum
 „ loquor : & , quod est grauius , & sacrilegiorum.

„ Prætermitto in aliquo rabiem cupiditatis , vitium totius gene-
 „ ris humani. Prætereo avaritiæ inhumanitatem , quod proprium est
 „ Romanorum penè omnium malum. Relinquatur ebrietas , no-
 „ bilibus ignobilibusque communis. Taceatur superbia & tumor:
 „ tam peculiare hoc diuitum regnum est , vt aliquid forsitan de
 iure

de iure suo se putent perdere, si hinc sibi alius quidquam voluerit vindicare. Transeat denique propè omnium fraudum, fallitarum, periuriorum nefas; nulla vñquam his malis Romana ciuitas caruit: sed specialius hoc scelus Afrorum omnium fuit. Nam sicut in sentinam profundæ nauis colluiones omnium sordium, sic in mores eorum quasi ex omni mundo vitia fluxerunt. Nullam enim improbitatem scio, quæ illis non redundauerit: cùm vtique etiam Paganæ ac ferinæ gentes, etsi habeant specialiter mala propria; non est tamen in his, hoc corpus omnium. *Salutan. ibidem.*

Nam, vt postea subiungit: Gothorum gens perfida, sed pudica est. Alanorum impudica, sed minùs perfida. Franci mendaces, sed honestiores. Saxones crudelitate efferi, sed castitate venerandi. Omnes denique gentes habent, sicut peculiaria mala; ita etiam quædam bona. In Afris pœnè omnibus, nescio quid non malum. Si accusanda est inhumanitas, inhumani sunt: si ebrietas, ebriosi sunt: si fallitas, fallacissimi: si dolus, fraudulentissimi: si cupiditas, cupidissimi: si perfidia, perfidissimi. Impuritas eorum atque blasphemia, his omnibus admiscenda non sunt: quia illis quæ suprâ diximus malis aliarum gentium vitia; his autem, etiam sua ipsorum vicerunt.

Ac primum vt de impuritate dicamus, quis nescit Africam totam obscenis libidinum tædis semper arsisse: non vt terram ac sedem hominum, sed vt Æthnam putes impudicarum fuisse flammarum. Nam sicut Æthna intestinis quibusdam naturæ feruentis ardoribus; sic illa abominandis iugiter fornicationum ignibus aestuauit. Nec volo in hac re assertionibus meis credi, testimonium requiratur generis humani.

Quis non omnes omninò Afros, impudicos generaliter sciat, nisi fortè ad Deum conuersos, id est fide ac religione mutatos? Sed hoc tam rarum est ac nouum, quàm rarum videri potest quemlibet ganeonem non esse ganeonem: aut quemcumque sæuum non esse sæuum. Tam infrequens est enim hoc & inusitatum, impudicum non esse Afrum; quàm nouum & inauditum, Afrum non esse Afrum. Ita enim generale in eis malum impuritatis est; vt quicumque ex eis impudicus esse desierit, Afer non esse videatur. *Salutan. eodem lib. 7. de Indis. & prædient. Dei.* Quo in loco consequenter plura reperiet, qui nosse voluerit in vnâ Carthagine exuberantiam vitiorum.

FFFF

Innu-

Innumeris propè locis Saluiano adstipulatur Augustinus, dum lubricos suorum mores, spectacula, & actus, insectanter castigat: vt ex iis constat, quæ lib. 1. cap. 3. aliisque locis è Sermonibus ad populum, varia retulimus.

Et quamquam alicubi ipse testetur, paucos tum repertos fuisse qui verbis, sed plures qui vitâ moribusque blasphemarent: solitos nihilominus blasphemare (vt testatus est Saluianus) apparet vbi ait: Quis non secundùm istos, qui ex meritis prioris vitæ ante hoc corpus in cælestibus gestæ, animas terrenis corporibus magis magisque grauari opinantur, affirmet eas ante istam vitam sceleratius immaniùsque peccasse; qui mentis lumen sic amittere meruerunt, vt sensu vicino pecoribus nascerentur: non dico tardissimi ingenio, (nam hoc de aliis dici solet) sed ita excordes, vt etiam cirrati ad mouendum risum, exhibeant cordatis delicias fatuitatis, quorum nomen ex Græcâ deriuatum, *Moriones* vulgus appellat? Talium tamen quidam fuit Christianus, vt, cùm esset omnium iniuriarum suarû patientissimus, iniuriam tamen Christi nominis, vel in seipso religionis, quâ imbutus erat, sic ferre non posset; vt blasphemantes videlicet cordatos, à quibus hæc vt prouocaretur audiebat, insectari lapidibus non desisteret, nec in ea causâ vel Dominis parceret: lib. 2. de peccat. mer. & remiss. cap. 22.

§. III.

Afrorum peccatis etiam Augustinus Africa calamitates adscribit.

Igitur cum ab Episcopis perpetuâ vigilantia, hærefes, tametsi penitus extirpari non potuerint, corriguntur; incorrecti mores permanserunt: dum populus monitiones quidem audit, sed non obaudit: finemque criminis vnus, gradum alterius facit. Etenim non ob aliud Afros suos cladem Barbaricam pati, Augustinus ait: qui nimirum non iam à Vandalis dumtaxat, sed & à Barbaris intra Africam constitutis, (vti patet ex Epistola ad Bonifacium, quam antè recitauimus) malis multò maximis afficiebantur: adeò

vt

vt ne quidem propè iam consumti , ad pœnitentiam respicerent.

Id enim magnopere deplorat vir piissimus , Sermonem de Tempore Barbarico : quem tum perinde dixisse (mense vt opinor Martio) consideratis iis quæ cap. 5. eiusdem Sermonis Tomo IX. habet , credere vtique debemus. Paucula ex eo recitabimus.

Admonet, inquit, Dominus Deus noster, nos non debere negligere nostra peccata : quando talem demonstrat iram suam. Ipse quippe iuste punit nocentem , quia nullum inuenit pœnitentem. Quoties, dilectissimi, intonnerunt atque intonant tubæ diuinæ: *Agite pœnitentiam : appropinquauit enim ad vos regnum calorum ?* Et clausis auribus cordis , magis operamur mala , & pœtimus vt veniant bona. cap. 1.

Si esset in nobis humanus affectus , si esset compassionis sensus ; vnus hominis mortem flere , dolere , ac plangere deberemus. Quibus lacrymis, quo gemitu, quibus planctibus exagitamur ; quando aut maximam partem, aut pœnè totam plangimus ciuitatem ? Æger est carus , & vena eius malum renuntiat : omnes qui eum diligunt, ægrotant simul animo. Si eum in ipsa vicina morte redire viderint : quemadmodum ab eo omnem spem salutis ablatam sentiunt ; eum adhuc viuum , tamquam mortuum meritò plangunt.

Inter tantas angustias, & in ipso fine rerum posita est vniuersa Prouincia, & quotidie frequentantur spectacula : sanguis hominum quotidie funditur in mundo, & infanientium voces crepitant in Circo. O planctus, omni tristitia acceptior ! ô planctus omni mœstitiâ affligens cor ? libet flere. Plangimus enim, dilectissimi, & illos, & nos : quia & nos digni sumus, qui cum talibus meritò flagellemur. Nos enim cum alios accusamus, omnes declinauimus: simul inutiles facti sumus prorsus omnes: nullus est excusatus, quia talis est iudex, vt omnis homo ab illo inueniatur reus. eod. cap.

Quisquis malus es, quisquis corrigi non vis ; non te consoletur altitudo tua: quia maior te exspectat ruina, ampliorque sustinet flamma, quia securis hæc ad te nondum venit. Ideo putas te posse semper stare, cum videas vel audias alias arbores ampliores cecidisse ? cap. 2. Superbiam enim eorum castigat , qui fortunarum suarum, & potentie mole freti, nihilum de sæculi inconstantiâ cogitabant.

Dicet aliquis: Si mali meritò flagellantur; boni quare talia cum malis, & à malis patiuntur? Quare? Quia secundum quemdam modum dicuntur boni: secundum autem rectum verumque bonum, nemo bonus nisi solus Deus. Ergo & ipsi boni, quicumque sunt boni; non tales sunt, quales esse debent boni. Non enim sunt perfectum bonum: proficiunt enim de die in diem. Si proficiunt, vtique exercitationibus proficiunt. *cap. 3.*

Igitur patientes estote boni, vt sitis verè boni: patientes estote vsque ad aduentum Domini. Tolerate mala, quæ patimini à malis, cum malis: quia ista tentatio, vestra est examinatio. Si aurum es; quid times paleam? quid times ignem? Simul quidem eritis in fornace: sed ignis paleas in cineres vertit; tibi sordes tollit. Si frumentum es; quid times tribulam? Non apparebis, qualis antea eras in spicâ; nisi tribula conterendo à te separauerit paleas. Si oleum es; quid times pressuram præli? Non declarabitur species tua; nisi etiam pondus lapidis à te separauerit amurcam.

Verumtamen interroget se vnaquæque anima, vt videat si iniuste patitur. Proferatur statera iustitiæ: appendatur amor mundi, cum amore Dei: vide quemadmodum præponderet amor mundi. Proferatur speculum Scripturæ diuinæ. Speculum hoc neminem palpat: qualis es, talem te tibi demonstrat. Intende & vide: & si est aliquid quod te offendant; abi confusus, & redi correctus. *eod. cap.*

Cumque trium Puerorum exemplo proposito (qui, dum nolunt imaginem Regiam adorare, ignes riserunt) miraculum fugatæ ab eis flammæ in fornace Chaldaicâ plurimum commendasset; subdit: Quid tale, dilectissimi, fecimus? imò è contrario quæ mala non fecimus? Illi nec minis, nec tormentis conuenti, dæmoniis sacrificauerunt. An non sacrificauit, qui imagines Idolorum per noctem ludentes, quod *Nocturnum* vocant, libentissimè spectauit.

Sacrificauit prorsus, sacrificauit: & quod peius est, non tauri, vel cuiuslibet pecoris aliquam victimam; sed ipsam animam hominis pretiosam. In hoc tam nefando sacrificio, non vnus, vel pauci accusantur: tota hoc ciuitas fecit, quæ tota consensit: nec ab hostibus, nec à barbaris; sed à seipso omnis homo in animâ seipsum occidit: videndo, consentiendo, non prohibendo, omnes remansimus rei. Et dum nolumus pacem ciuitatis turbari peruersam; pacem quam desideramus, non accipimus rectam. Contemnimus pacem seruare bonorum

bonorum morum , & perijt pax temporum nostrorum.

Discite vel nunc dilectissimi , quid cui rei præponere debeatis. Nolite diligere vitia in filiis , in amicis , in seruis , in omnibus notis : præponatur singularis potestas , omni potestati : honorem exhibeamus Casari , timorem autem Deo , &c. *cap. 4.*

Vt planè videas , veteris alicuius Paganismi ritus aut reliquias , tum adhuc superstites in Hipponensibus suis , sicuti apparet , integerrimum Episcopum flagellare voluisse.

Adhæc Martyram adductis exemplis : Patientiâ Prophetæ Iob ; Parabolâ filij Prodigii ab optimo patre in gratiam recepti , postquam in se utique reuersus , erroris sui pœnitentiam egisset : (quæ tum sanè oportuna videbantur grassantibus malis siue solatia , siue remedia) vbi semel iterumque nefariam Arianorum hæresin , quâ erant infecti Vandali , & ob quam rebaptizare quoscumque satagebant , acriter perstrinxisset , *cap. 3. & præsertim 8.* memor illorum , qui bonis omnibus mediisque viuendi Barbarorum rapacitate multati , Hippo-nem profugerant ; breuiter concludit : Reddituri estis rationem Domino Regi , boni serui : data est vobis occasio bene operandi. Abundant peregrini , captiui , exspoliati : facite vobis amicos ex mammona iniquitatis , vt & ipsi recipiant vos in habitacula æterna. *serm. de temp. Barb. cap. 8. Tom. 1 x.*

§. 1 V.

Consilium Augustini de fugâ Episcoporum , tempore bellorum.

INterea (inquit Possidius) reticendum minimè est , cùm memora-ti impenderent hostes , à sancto viro Episcopo Thabennensis Ec-clesiæ Honorato per litteras fuisse consultum Augustinum : Vtrum-nam Barbaris aduentantibus , esset Episcopis vel Clericis receden-dum ab Ecclesiis , an non ? Eique rescriptis insinuas , quid magis ab illis Romanicæ euersoribus esset metuendum. *Possid. cap. 30.* Exstat hæc Epistola *Tomo 11. num. 180.* Sacerdotum Dei , & ministrorum moribus utilis , & necessaria , teste Possidio *ibidem.*

Ffff 3

Consul-

Consultus antea fuerat super eâdem re à Quodvultdeo, Episcopo tum Carthaginensi, vt testatur Victor l. i. quique perinde Aurelio successerat. Augustinus eum Coëpiscopum vocat, ei que se respondisse refert in hæc verba: Nec eos esse prohibendos, qui ad loca (si possunt) munita migrare desiderant: & ministerij nostri vincula, quibus nos Christi charitas alligauit, ne deseramus Ecclesias quibus seruire debemus, non esse rumpenda. *Epist. 180.*

Vnde sic mox concludit: Restat ergo, vt nos, quorum ministerium quantulacumque plebi Dei vbi sumus manenti ita necessarium est, vt sine hoc eam non oporteat remanere; dicamus Domino: Esto nobis in Deum protectorem, & in locum munitum. *ibid.*

Cum verò & Honoratus ipse, & alius quispiam Episcopus opponerent verba Christi dicentis, *Cum autem persequentur vos in Ciuitate istâ, fugite in aliam*; atque inde dicerentur quidam plebes suas deseruisse: & his & illis alio Euangelij loco occurrit. Cur enim, inquit, sibi putant indifferenter obtemperandum esse præcepto, vbi legunt de ciuitate in ciuitatem esse fugiendum; & mercenarium non exhorrent, qui *videt lupum venientem & fugit, quia non est ei cura de ouibus*? Cur non istas duas Dominicas verasque sententias, vnâ scilicet vbi fuga finitur aut iubetur, alteram vbi arguitur atque culpatur, sic intelligere student, vt inter se reperiantur non esse contrariæ, sicut non sunt? Quicumque isto modo fugit, vt Ecclesiæ necessarium ministerium illo fugiente non desit; facit quod Dominus præcepit siue permisit: qui autem sic fugit, vt gregi Christi ea quibus spiritaliter viuit, alimenta subtrahantur; mercenarius ille est, qui videt lupum venientem & fugit, quoniam non est ei cura de ouibus. *Eâdem Epist.*

S. V.

Digressio. In dubiis consultus, neque aliorum facile sententiam damnat, neque suam præfractè tuetur.

MOdestiæ hi fructus sunt, quam vti per reliquam omnem vitam tam scriptis quàm moribus constanter vbique expressit, ita neque

neque sub extremum amatam sibi virtutem deseruit. In Epistolâ certè iam memoratâ, postquam suam de Episcoporum fugâ sententiam aperuisset, ne sibi plus aliis sumere videretur, his eam verbis obsignat: Hæc tibi, quia me consuluisti, frater dilectissime, quâ existimaui veritate & certâ charitate rescripsi: sed nè meliorem, si inuenieris, sequaris sententiam, non præscripsi. *Epist. 180.*

Iam verò quod attinet Ecclesiasticas consuetudines, quæ aliæ aliis in terris aut regionibus etiam tum seruabantur; de his consultus olim ab iis qui diuersa sentiebant, ita semper respondit, vt nullam earum damnaret, si modò Fidei aut moribus non repugnaret. Vnde nec immutandam censebat, quando id commodè & eius Ecclesiæ seruata pace fieri non poterat. Hinc ad Ianuarium de his scribens: Faciat ergo quisque, inquit, quod in eâ Ecclesiâ in quam venit, inuenierit. Non enim quicquam eorum contra Fidem fit, aut contra mores, hinc vel inde meliores. His enim causis, id est, aut propter fidem aut propter mores, vel emendari oportet quod perperam fiebat, vel institui quod non fiebat. Ipsa quippe mutatio consuetudinis, etiam quæ adiuuat vtilitate, nouitate perturbat. Quapropter quæ utilis non est, perturbatione infructuosâ consequenter noxia est. *Epist. 118. cap. 5.* Super huiusmodi autem rebus contendere, & superflua quæstione rixari, (quod solent, qui, nisi quod ipsi faciunt, nihil rectum existimant) appellat ipse puerilem sensum: cauendum in nobis, tolerandum in aliis, corrigendum in nostris. *Ibid. cap. 2. & 4.*

Apparet ex eadem Epist. iam inde ab Augustini æuo agitatam fuisse quæstionem, de accipiendâ quotidie Eucharistiâ: aliis alia sentientibus, atque diuersis rationibus causam suam stabilientibus. Quâ in re consultus ipse, salubri temperamento partes vtrâque conciliare studens; Rectius, inquit, inter eos fortasse quisquam dirimit litem, qui monet vt præcipue in Christi pace permaneant: faciat autem vnusquisque, quod secundum fidem suam piè credit esse faciendum. Neuter enim eorum exhonorat corpus & sanguinem Domini. Nam & ille honorando non audet quotidie sumere, & ille honorando non audet vlllo die prætermittere. Neque enim litigauerunt inter se, aut quisquam eorum se alteri præposuit Zachæus & ille Centurio: cum alter eorum, *Gaudens in domum suam suscepit Luc. 19.* Dominum; alter dixerit, *Non sum dignus vt intres sub tectum meum: am-* *Mass. 8.*

bo

bo saluatorem honorificantes diuerso & quasi contrario modo; ambo peccatis miseri, ambo misericordiam consecuti. *ibidem cap. 3.*

§. VI.

Bello Vandalos Bonifacius aggressus, funditur. Vandalorum mores.

INDUCTIS in Africam, & per omnia effulsis Vandalis: cùm amicos Bonifacij, qui hactenus officio non defuerat, ingens admiratio teneret, quænam illum intemperie transuersum egissent; tum nonnulli iussu Placidie Augustæ, Carthaginem delati sunt: vbi ostensis Bonifacius Aëtij litteris; omnem eius fraudem perfidiamque detexit. *Procop. l. i. de bell. Vandal.* Receptus idcirco in gratiam, cum nullo pretio Vandalorum furorem redimere, abiturumque cauponari potuit; bello eosdem quos acciuerat, aggressus est.

Sed fusus ipse fugatusque, Hipponem Regium, ciuitatem maritimam munitamque se recepit. Quâ tandem deditâ, abeunte in cælum Augustino (vt dicemus) Bonifacius cum Romano exercitu cui Aspar præerat, victus iterum; Romam deinde ex fuga appulsus est: vbi adepto magisterio militum, anno circiter 433. vel morbo (vt scribit Prosper) extinctus est: vel (vt Marcellinus ait) ab Aëtio sauciatus interijt: ac Pelagie coniugi moriens præcepit, vt ne alteri, quàm Aëtio nuberet.

Ceterum post primam Bonifacij cladem, adeò procurrebat indies aucta calamitas; vt quadringentis amplius excisis per Africam Ecclesiis, tres tantummodò superessent, Carthaginensis, Hipponensis & Cirtenfis. Sed de his paullo post.

Est sanè memorabile, eos ipsos Vandalos Africæ debellatores (cùm non tantummodò Afrorum in hæresi pertinaciam, sed & luxuriam, Imperij certissimam pestem, amplexi essent) impietatis tandem pœnas dedisse. Contriti enim postea ac subacti sunt à Belisario: qui Regem eorum Gilimerem, cum Theodora coniuge filioque Hilderico, Constantinopolim ad triumphum auexit, Imperante Iustiano: qui se Libyâ potitum scribit tertio Consulatu suo. Is autem incurrit in annum Christi 10. xxxiii.

Tali.

Talibus porrò vitiis obnoxios fuisse Vandalos, ex Procopio audiamus. Vandali, inquit, omnium sunt quos sciam mollissimi, atque delicatissimi. Illis, quamdiu Africam tenuerunt, mensa quotidie copiosa, & rerum omnium quas fert regio, referta fuit. Gestabant vestem Medicam ac sumtuosam, quam sericam vocant. In theatris & hippodromis, ac reliquis oblectamentis, præsertim in venationibus continuò versabantur: saltatores & mimos spectabant: acroamatis & musicis instrumentis aures demulcebant. Eorum plerique in hortis aquâ & arboribus amœnis degebant: symposia, conuiuiaque celebrabant: ut nihil deesset, profusi in Venerem erant. *Procop. lib. 2. Bell. Vand.*

C A P V T X.

AVGVSTINI VLTIMVS CONTRA
HÆRETICOS LABOR.

§. I.

Semi-pelagianismi ortus, eiusq; auctores.

Nondum obierat Augustinus, cùm Pelagiana hæresis faciem Anno nonnihil immutauit: & videri Catholica voluit, quia iam Gal- 428.
licanis quibusdam è Massilia Presbyteris placere cœperat. Hos sicuti magnæ sanctitatis atque doctrinæ, ita auctoritatis fuisse, Prosper & Hilarius commemorant scriptis ad Augustinum litteris: ut haud dubium sit, quin eos inter fuerint Ioannes Cassianus (qui peragratis Ægypti & Thebaidis variis Monasteriis, Massiliæ tandem confedit; vetus Chrysostomi discipulus, origine Schyta, exercitatione Monachus) & Vincentius, alius à Lirinenfi, Genuensis opinor: vnum eundemque esse, alij asserunt. Hi detruncatis abs vniuerso errorum Pelagij corpore, aliquot membris; solum retinuerant caput, à quo demum animaretur, quod erat præcisum.

Dum libertatem arbitrij, affectumq; volendi

G g g g

In

*In naturalis motus virtute locantes;
 Tam bona quemq; decent sectari posse suapte
 Ingenio, quàm posse subest cuique in mala ferri.*

Prosp. lib. de Ingrat. cap. 4.

In reliquis enim cum Catholicis sentiebant: ab illâ verò velut partitâ Pelagij hereditate, Semipelagiani appellati sunt. quos ita Prosper loquentes inducit:

*Immortalem hominem factum si creditis; & nos
 Credimus. Inciderit mortem peccando, suamque
 Progeniem culpâ & letho deuinxerit omnem:
 Nullus non egeat sacro baptismo Christi,
 Infantesque etiam purgentur fonte lauacri:
 Dum nostri decus arbitrij, lumenque creatum
 Principio, quod sponte potest insistere rectus,
 Manserit illesum; nec viribus absit ab illis.
 Quas condente Deo generaliter omnis in Adam
 Suscepit natura hominis: nec suppetat ulli
 De non acceptâ arbitrij virtute querela:
 Cùm sine delectu, seu lex, seu Gratia Christi,
 Omnem hominem saluare velit: donumque vocantis
 Sic sit propositum, ut nullus non possit ad illud
 Libertate suâ, proprioque vigore venire;
 Siquæ salus, dignis saluari, ex fonte VOLENDI. eod. l.c. 6.*

S. II.

Semipelagiani Augustino obtreçant. Eorum dogmata fusius relata.

HIs veluti iactis fundamentis, scripta Augustini contra Pelagianos carpere ceperunt: ac dicere, quidquid in eis de vocatione electorum secundum Dei propositum docuerat; Patrum opinioni, & Ecclesiastico sensui esse contrarium. *Prosp. Epist. ad Augustinum.*

Et quamquam nouissimo Augustini commentario, quem de Cor-
 reptione & Gratia ad Monachos Adrumetinos dederat, veluti præ-
 sentissi-

sentissimo antidoto, sanari potuissent: quando eadem videlicet cachexia laborabant: euenit nihilominus, vt eis non tantum non profuerit tam excellens medicina, quin potius vehementer obsuerit, sicuti latius ibidem Prosper enarrat: quem vt non sufficiat, versâ oratione loquentem audiuisse; prosâ repetemus. Hæc enim ipsorum, inquit, definitio ac professio est:

OMNEM quidem hominem, Adam peccante peccasse: & neminem per opera sua, sed per Dei gratiam regeneratione saluari: vniuersis tamen hominibus, propitiationem, quæ est in Sacramento Sanguinis Christi, sine exceptione esse propositam; vt quicumque ad fidem & baptismum accedere voluerint, salui esse possint. Qui autem credituri sunt; quive in ea fide, quæ deinceps per Dei gratiam sit iuuanda, mansuri sunt; præfuisse ante mundi constitutionem Deum: & eos prædestinasse in regnum suum: quos gratis vocatos; dignos futuros electione, & de hac vita bono sine excessuros præiudicet. Ideoque omnem hominem, ad credendum & ad operandum diuinis institutionibus admoneri: vt de apprehendenda vita æterna nemo desperet, cum voluntariæ deuotioni remuneratio sit parata.

Hoc autem propositum vocationis Dei, quo vel ante mundi initium vel in ipsa conditione generis humani, eligendorum & reiiciendorum dicitur facta discretio; (vt secundum quod placuit Creatori, alij vasa honoris, alij vasa contumeliæ sint creati) & lapsis curam resurgendi adimere, & sanctis occasionem torporis adferre: eò quod in vtramque partem superfluous labor sit, si neque reiectus vllâ industria possit intrare; neque electus vllâ negligentia possit excidere. Quoquo enim modo se gesserint; non posse aliud erga eos, quam Deus definiuit accidere, & sub incerta spe cursum non posse esse constantem: cum, si aliud habeat prædestinantis electio, callâ sit annitentis intentio.

Remoueri itaque omnem industriam, tollique virtutes; si Dei constitutio humanas præueniat voluntates: & sub hoc prædestinationis nomine, fatalem quandam induci necessitatem; aut diuersarum naturarum dici Dominum conditorem; si nemo aliud possit esse, quam factus sit, &c. *Prosper. Epist. ad August.* Et post pauca:

QVID AM verò horum in tantum à Pelagianis semitis non declinant, vt, cum ad confitendam eam Christi gratiam quæ omnia præueniat merita humana, cogantur; (ne si meritis redditur, frustra Gra-

G g g g 2

tia

tia nominetur) ad conditionem hanc velint vniuscuiusque hominis pertinere, in qua eum nihil prius merentem, quia nec existentem, liberi arbitrij, & rationalem, gratia Creatoris instituat: vt per discretionem boni & mali, & ad cognitionem Dei, & ad obedientiam mandatorum eius, possit suam dirigere voluntatem: atque ad hanc gratiam, quâ in Christo renascimur, peruenire per naturalem scilicet facultatem petendo, quærendo, pulsando: vt ideo accipiat, ideo inueniat, ideo introeat; quia bono naturæ bene vsus, ad istam saluantem gratiam, initialis gratiæ ope, meruerit peruenire.

Propositum autem vocantis Gratia, in hoc omninò definiunt; quòd Deus constituerit nullum in regnum suum, nisi per Sacramentum regenerationis, assumere. Et ad hoc salutis donum omnes homines vniuersaliter, siue per naturalem, siue per scriptam legem, siue per Euangelicam prædicationem, vocari: vt & qui voluerint, fiant Filij Dei; & inexcusabiles sint, qui fideles esse noluerint: quia iustitia Dei in eo sit, vt qui non crediderint pereant; bonitas in eo appareat, si neminem repellat à vita, sed indifferenter vniuersos velit saluos fieri, & in agnitionem veritatis venire. *Idem ead. Epist.* Et paulò pòst:

CVM QVÆ inter hæc (inquit) innumerabilium illis multitudo obiicitur paruulorum, qui vtique excepto originali peccato (sub quo omnes homines similiter in primi hominis damnatione nascuntur) nullas adhuc habentes voluntates, nullas proprias actiones, non sine Dei iudicio secernuntur: vt ante discretionem boni ac mali de vsu vitæ istius auferendi, alij per regenerationem inter cælestis regni assumantur hæredes; alij sine baptismo, inter mortis perpetuæ transeant debitores: tales aiunt perdi talesque saluari, quales futuros illos in annis maioribus, si ad actiuam seruarentur ætatem, scientia diuina præuiderit. *ibidem.* Et paucis interiectis.

Hanc sanè de humanis meritis præscientiam Dei, secundùm quam gratia vocantis operetur, multò sibi rationabiliùs videntur adstruere, cùm ad earum nationum contemplationem venit, quæ vel in præteritis sæculis dimissæ sunt ingredi vias suas; vel nunc quoque adhuc in veteris ignorantia impietate depereunt, nec vlla eis aut legis aut Euangelij illuminatio coruscavit: cùm tamen in quantum prædicatoribus ostium apertum est & via facta est, gentium populus qui sedebat in tenebris & in vmbra mortis, lucem viderit

viderit magnam: & qui quondam non populus, nunc autem populus Dei sit: & quorum aliquando non misertus est, nunc autem misereatur; præuisos inquit à Domino, credituros: & ad vnamquamque gentem ita despensata tempora, ac ministeria magistrorum; vt exortura erat bonarum credulitas voluntatum.

Nec vacillare illud, quod Deus omnes homines velit saluos fieri, & in agnitionem veritatis venire: quandoquidem inexcusabiles sint, qui & ad vnius veri Dei cultum potuerint instrui intelligentiâ naturali; & Euangelium ideo non audierint, quia nec fuerint recepturi. Pro vniuerso autem humano genere, mortuum esse Dominum nostrum Iesum Christum: & neminem prorsus à redemptione sanguinis eius exceptum, etiam si omnem hanc vitam alienissimâ ab eo mente pertranseat: quia ad omnes homines pertineat diuinæ misericordiæ Sacramentum: quo ideo plurimi non renouentur; quia quod nec renouari velle habeant, prænoscantur.

Itaque quantum ad Deum pertinet, omnibus paratam vitam æternam: quantum autem ad arbitrij libertatem; ab his etiam apprehendi qui Deo sponte crediderint, & auxilium gratiæ, merito credulitatis acceperint.

In istam verò talis gratiæ prædicationem, hi, quorum contradictione offendimur, cum prius meliora sentirent, ideo se vel maximè contulerunt; quia si profiterentur ab eâ omnia bona opera præueniri, & ab ipsâ vt possint esse donari; necessitate concederent, Deum, secundum propositum & consilium voluntatis suæ, occulto iudicio & opere manifesto aliud vas condere in honorem, aliud in contumeliam: quia nemo nisi per gratiam iustificetur, & nemo nisi in præuaricatione nascatur. Sed refugiunt istud fateri: diuinoque adscribere operi, sanctorum merita formidant.

Nec acquiescunt, Prædestinatum Electorum numerum nec augeri posse, nec minui: ne locum apud infideles ac negligentes cohortantium incitamenta non habeant, ac superflua sit industriæ ac laboris indictio, cuius studium, cessante electione, frustrandum sit. Ita deum enim posse vnumquemque ad correctionem aut ad profectum vocari; si se sciat suâ diligentia bonum esse posse: & libertatem suam ab hoc Dei auxilio iuuandam, si quod Deus mandat, elegerit.

Ac sic, cum in his qui tempus acceperunt liberæ voluntatis, duo sint quæ humanam operentur salutem, Dei scilicet gratia, & hominis

obedientia; priorem volunt obedientiam esse, quàm gratiam: vt initium salutis ex eo qui saluatur, non ex eo credendum sit stare, qui saluat: & voluntas hominis, diuinæ gratiæ sibi pariat opem; non gratia sibi humanam subiiciat voluntatem. *eād. Epist.*

Similia sunt quæ Hilarius, olim Augustini contubernalis & discipulus, magistro per litteras significauit: binas, vt apparet ex vnīs quæ exstant: quibus impressè loca quædam ex operibus Augustini pridem editis refert, per quæ nouitium suum dogma Semipelagiani firmabant.

S. . III.

A Prospero & Hilario consultus Augustinus, scribit de Prædestinatione Sanctorum & Dona perseuerantiæ.

PORRò duos hosce, Prosperum & Hilarium, perpetuæ Gallorum querimoniæ, quibus vndeque satisfacere non poterant, ad Augustini opem recurrere compulerunt: præsertim cum inter eos quidam etiam Episcopali dignitate fulgentes, sanctitatis insuper opinione plerosque mortales in idem secum periculum doctrinæ raperent. Quare totam Semipelagianorum opinionem scripto complexi ad Augustinum miserunt, rogantes vt quid esset de eâ sentiendum, quove pacto rationibus eorum occurrendum, quantâ posset perspicuitate doceret.

Et quod Prosperum spectat; circa hoc tempus scripsisse videtur Epistolam ad Ruffinum, de libero arbitrio: quâ non tantum Semipelagianos errores strenuè confutat; verumetiam Augustini hyperaspisten, & luculentum laudatorem agit.

Augustinus verò iam vetus & multarum palmarum pugil, qui tot tantisque voluminibus Pelagianum errorem prostrauerat, vt potuerit non immeritò dici illius triumphator; acceptis amborum litteris, calamus strinxit, ad ea elucidanda quæ poposcerant, vnaque aduersariorum obiectiones confutandas. Fecit id editis duobus libris, vno De Prædestinatione Sanctorum, De dono perseuerantiæ altero: tantâ luce atque energiâ, vt non tam ingenij vires intendisse, quàm diuino afflante spiritu locutus fuisse videatur.

Ac

Ac primò quidem docet, quod fundus & seges est controuersie totius, Non tantummodo incrementum fidei, sed initium quoque ipsum, Dei donum esse: ideoque prædeterminationem ex meritis, tamquam nostris, esse haud posse.

Nam, vt inquit cum Apostolo: *Quis prior dedit illi, & retribuetur ei, quoniam ex ipso & per ipsum & in ipso sunt omnia.* Et ipsum igitur initium fidei nostræ, ex quo nisi ex ipso est? Neque enim hoc excepto ex ipso sunt cetera; sed ex ipso & per ipsum & in ipso sunt omnia. *Lib. de prædest. cap. 2.*

Sequenti verò capite fatetur summâ humilitate se aliquando aliter sensisse; (ante Episcopatum nempe) sed resipuisse, consideratis Apostoli verbis ubi ait: *Quid autem habes, quod non accepisti? si autem accepisti, quid gloriaris quasi non acceperis?* Quo præcipuè, inquit, testimonio etiam ipse conuictus sum cùm similiter errarem, putans fidem quâ in Deum credimus, non esse donum Dei, sed à nobis esse in nobis, & per illam nos impetrare Dei dona quibus temperanter & iuste & piè viuamus in hoc sæculo. Neque enim fidem putabam Dei gratiâ præueniri, vt per illam nobis daretur quod posceremus vtiliter; nisi quia credere non possemus, nisi præcederet præconium veritatis: vt autem prædicato nobis Euangelio consentiremus; nostrum esse proprium, & nobis ex nobis esse arbitrabar. Quem meum errorem nonnulla opuscula mea satis indicant, ante Episcopatum meum scripta. *lib. de prædestinat. cap. 3.* Sunt autem opuscula illa, quorum hic meminit, præcipuè Expositio quarundam propositionum ex Epistola ad Romanos: ex quâ errorem suum Semipelagiani Massilienses Augustini verbis & auctoritate tuebantur, vt refert Hilarius Epistola ad Augustinum: qui olim imprudenter à se scripta, postea palàm retractauit *lib. 1. terræ, cap. 23.* Et iterum *lib. de prædest. loco citato.* ubi statim sibi ait:

Quapropter videtis certè, inquit, quid tunc de fide atque operibus sentiebam; quamuis de commendanda Dei gratiâ laborarem. In qua sententia illos fratres nostros esse, nunc video: quia non sicut legere libros meos, ita etiam in eis curauerunt proficere mecum. Nam si curassent inuenissent istam quæstionem, secundum veritatem diuinarum Scripturarum, solutam in primo libro duorû, quos ad beatæ memoriæ Simplicianum scripsi, Episcopum Mediolanensis Ecclesiæ, S. Ambrosij successorem, in exordio Episcopatus mei: nisi fortè non eos no-

uerunt.

uerunt. Quod si ita est; facite vt nouerint. *l. de Prædest. Sanct. c. 4.*

Neque enim volo quæquam sic amplecti omnia mea, vt me sequatur; nisi in iis, in quibus me non errare perspexerit. Nam propterea nunc facio libros, in quibus opuscula mea retractanda suscepi: vt nec meipsum in omnibus me secutum fuisse demonstrum, sed proficienter me existimo, Deo miserante, scripsisse, non tamen à perfectione cœpisse: quandoquidem arrogantiùs loquor, quàm veriùs; si vel nunc dico me ad perfectionem, sine vllò errore scribendi, iam in istâ ætate venisse, &c. *l. de dono perseu. cap. 21.*

Iam & respondet ad id, quod in Opusculo quodam suo contra Porphyrium, sub titulo De tempore Christianæ religionis, dixerat: sibi que fauere, Semipelagiani existimabant. *l. de Præd. Sanct. c. 9.*

Cùmque iidem molestè ferrent, ita diuidi gratiam, quæ vel tunc primo homini data est, vel nunc omnibus datur, vt ille acceperit perseuerantiam, non quâ fieret vt perseueraret; sed sine qua per liberum arbitrium perseuerare nō posset: nunc verò sanctis in regnum per gratiam prædestinatis, non tale adiutorium perseuerantiæ detur; sed tale vt eis perseuerantia ipsa donetur: non solum vt sine isto dono, perseuerantes esse non possint; verumetiam vt per hoc donum, non nisi perseuerantes sint: *Hilar. Epist. ad August.* latius id ipsum lucidiusque pertractat & aperit altero Libro, quem De dono perseuerantiæ inscripsit.

Et vbi difficultates omnes, quas siue Prosper siue Hilarius proposuerant tam suo quàm errantiū in Gallia nomine, enucleatè soluisset, vt ne atomus quidem vnica dubiorum restaret; ad extremum ait: Qui legunt hæc, si intelligunt; agant Deo gratias: qui autē non intelligunt; orent vt eorum ille sit doctor interior, à cuius facie est scientia & intellectus. Qui verò errare me existimant; etiam atque etiam diligenter quæ sunt dicta considerent, ne fortassis ipsi errent.

Ego autem cùm per eos, qui meos labores legunt, non solum doctor, verum etiam emendatior fio, propitium mihi Deum agnosco: & hoc per Ecclesiæ Doctores maximè exspecto, si & in ipsorum manus venit, dignenturque nosse quod scribo. *l. de dono perseu. c. 24.*

Ceterum quo tempore ambo hi libri conscripti sint; colligi exinde potest, quod, cùm Retractionū suarum duos libros absoluisset, primum acceperit Prosperi & Hilarij scripta prolixiora, siue litteras: *l. de Prædest. Sanct. c. 3.* vt perinde computari debeant inter vltima morientis verba, quæ suo funeri cælestis hic cygnus præcinuerit.

§. IV.

S. I V.

*Julianus octo Libris Augustinum oppugnat:
ex his quinque Alipius ad Augusti-
num transmittit.*

Sed neque interea omittendi sunt alij, beatissimi Antistitis præ- Anno
ster-propter hæc tempora exantlati labores. Romæ etenim exi- 429.
stente adhuc Alipio, vt diximus, Julianus secundum opus suum pu-
blicauit, volumini secundo Augustini De Nuptiis & Concupiscen-
tiâ oppositam, octo Libris.

Hos cùm Alipius Romæ accepisset; nondum omnes descripserat,
cùm oblatam occasionem noluit præterire, per quam quinque Augu-
stino transmisit: promittens alios tres citò se esse missurum, & mul-
tùm instans, ne respondere differret. *Epist. ad Quodvultu, Tomo 6.*

Erant hi Juliani libri plenissimi calumniarum, conuictorum, &
acerbissimæ bilis: tanto denique fastu tantoque tumore conscripti,
vt ex eis solis planissimè liceat hæreticum in Iuliano spiritum æsti-
mare. Vocat in primis ore contumelioso Catholicos omnes, qui con-
fitentur Originale peccatum, Traducianos: imitatus maiores suos,
qui quoties à Catholicis exierunt, nouum eis nomen imposuerunt.
l. 1. op. imp. c. 7. & l. 2. c. 14. Ipsum Augustinum, Tractato-
rem Pœnum: fortè à Tractatibus quos ediderat in Ioannem. Sed cui
paronomasticè respondet Augustinus: Magna tibi pœna est, dispu-
tator hic Pœnus: & longè antequam nasceremini, magna pœna hæ-
resis vestræ, Pœnus preparatus est Cyprianus. *l. 1. op. imp. c. 8.*

Nimirum cùm eodem improprio, iam ante in opere priore, Iu-
lianus fuisset petulanter vsus; ipse verò Augustinus, auctoritate Cy-
priani errorem eius conuicisset: Pœnus (inquit) disputator, non
ego, sed Cyprianus,

——— *ænus te hoc vulnere, Pœnus*
Immolat: & pœnam scelero ex dogmate sumit.
alludens ad illud Virgilij l. 12.

H h h h

Pal-

— *Pallas te hoc vulnere, Pallas*

Immolat : & pœnam scelerato ex sanguine sumit.

l. 3. cont. Iulian. c. 17.

Obiicit deinde, Augustinum Manichæo, Ioviniano, aliisque pridem damnatis hæresibus affinia docere: idque verbis tam aculeatis & maledicâ phrasi; vt satyram potius aut inuestiuam accepto conuitiandi pretio scribere, quàm aduersario respondere, videri maluerit.

Sed neque beatæ Monicæ, arreptâ è medio vitilitigandi occasione aliquâ, pepercit homo procax: cuius perinde vindicias Augustinus suscipiens, Quod autem, inquit, etiam Matrem meam, quæ te nihil læsit, nec contra te aliquid disputauit, conuitio lacerandam putasti; victus es maledicendi libidine: non timens quod scriptum est, *Neque maledici regnum Dei possidebunt.* Sed quid mirum est quod te inimicum etiam eius ostendis, cum sis inimicus gratiæ Dei; quâ eam dixi ab illo puellari vitio liberatam? Ego verò parentes tuos, tamquam Catholicos Christianos, honorabiles habeo: eisque gratulor, quòd antè defuncti sunt, quàm hæreticum te viderent. *l. 1. op. imp. c. 69.*

S. V.

Lucubrat die noctuq; : & Iuliano respondet.

HOs quinque Iuliani libros sibi Româ ab Alipio missos accepit Augustinus, retractandis quæ restabant operibus suis intentus, cum iam emendasset Libros à se conscriptos centum triginta duos, eosque in duo volumina redegisset. Restabant autem, vt ipse testatur, Epistolæ & Tractatus populares, quos Græci Homilias vocant. Et plurimas iam Epistolarum legerat, sed nihil adhuc inde dictauerat. *Epist. ad Quodvult. tom. 6.* Cum verò instaret Alipius, vt Iuliani libris respondere nè differret; neque opusculorum tamen suorum retractationem (vtpote rem, vt ipse indicabat, plurimum necessariam) omittere aut tantisper intermittere vellet; statuit vtrique operi simul incumbere, vni diebus, alteri noctibus: quando ei ab aliis occupationibus hinc inde interim venire non desinentibus parcere-
tur. *ibid.*

Euenit

Euénit autem vt circa idem tempus Quodvultdeus, Diaconus Carthaginensis, iteratis litteris ac precibus ab Augustino posceret breue aliquod scriptum de Hæresibus, quæ ab initio prædicati Euan-
gelij ad hæc vsque tempora existissent; his inter alia verbis Augu-
stinum compellans: *Video quàm onerosus existam meliora cogitanti, & disponenti maiora sancto seni, & querelas corporis sustinenti. Sed per Christum Dominum rogo, qui te participem Sapientia sua sine inuidiâ esse concessit, vt hanc gratiam dones indoctis Ecclesiæ, qui te agnoscis sapientibus atque insipien-
tibus debitorem; merito ac iure dicturus: Videte quoniam non mihi so-
li laborant, sed omnibus exquirentibus veritatem.* Quodvultd. Epist. 1. ad August. tom. 6. Ad has litteras respondens Augustinus, nullâ de occupationibus suis factâ mentione, tantum difficultatem operis po-
stulati excusat: & Quodvultdeum ad Philastrij & Epiphani (quo-
rum hic Cypri Episcopus, ille Brixienfis, de Hæresibus vterque scripserant) libros remittit. Augustin. Epist. 1. ad Quod-
vultd. tom. 6.

Verum hanc excusationem non admittens Quodvultdeus, aliis litteris quod prius rogauerat vrget; easque hinc in hæc verba: *Quam-
obrem ad peculiare patrocinium pietatis tuae confugio, & voce meâ, sed vniuersali desiderio, paratum ad Misericordiam sacrosanctum pietatis pectus appello: se-
questratu saporibus peregrinis, panem Afrum (quem nostra prouincia solet ha-
bere præcipuum) caelesti etiam mannâ conditum, sero pulsanti & famem pa-
tienti non deneges*

Hæc Quodvultdei instantiâ atque indefessâ importunitate permo-
tus Augustinus, cœperat animo agitare quomodo Quodvultdeo sa-
tisfaceret: quod tamen reapse efficere non potuit, talibus (vt ipse ait) curis superuenientibus impeditus, à quibus omnino dissimulare non posset. Epist. 2. ad Quodvultd. Erant autem, vt ibidem testatur, libri Iuliani quinque, ex octo, quos suprâ retulimus: quorum tunc quarto respondere se cœpisse commemorat. Additque, quod huc propriè facit: Quando id ergo explicauero, quintoque respondero; si tres non superuenerint, dispono (si Deus voluerit) & quæ poscis incipere: simul agens vtrumque & hoc scilicet, & illud de retracta-
tione opusculorum nostrorum, nocturnis & diurnis temporibus in singula distributis. *ibid.*

Cum autem Librum de Hæresibus, quem hic certis conditionibus Quodvultdeo promittit, postmodum scribere aggressus sit; apparet

Hhh h 2

eum

eum quinque Iuliani libros aliis totidem refutasse : quamquàm ex his duo tantum exstant, nuper à Claudio Menardo Andium Propræ-
tore inuenti, luci quæ redditi : reliqui tres vel omnino perierunt, vel
cum puluere & blattis alicubi etiamnum luctantur.

§. VI.

*Lacinia. contra Librorum D. Augustini aduer-
sus Iulianum, obtrectatorem.*

Verum quidem est, duos hosce posterioris Augustini contra Iu-
lianum Operis Libros in dubium ab iis vocari, qui nouâ suo-
rum Doctorum opinione delectati, veterem deseruerunt, & scriptis
suis persecuti sunt : sed tamen conuincuntur, inprimis certissimâ facie
styli & sermonis Augustini, & perpetuâ consonantis cum reliquis do-
ctrinæ sententiâ.

Et ideo maioris audaciæ & temeritatis (ne quid amplius dicam)
reus est Logicus quidam, (neque enim fas est eiusmodi homines
Theologos appellare) qui nuper in Academicis scholis, inter Augu-
stinum & Iulianum iudicis assumptâ personâ, vtriusque obiectiones
& responsiones ex primo libro Operis imperfecti, de quo agimus,
dialogi in modum longo discursu foras eduxit : & ostendere voluit
ad singulas earum, ob tales & tales rationes, Iuliano non satisfacisse
Augustinum.

Existimo dicere voluisse, regulas argumentandi Dialecticorum,
Augustinum (quem tam diu antè Dialecticum Donatistæ, propter
acrimoniam disserendi & concludendi, appellauerant) aut ignorasse,
aut ætatis iam & annorum auctu, obliuioni tradidisse : vt ideo Logi-
cus hic ostendere debuerit vitium in quod impegit, & errantem
reducere in viam. Nam & aliquando responsionem Diui Augustini,
potuisse à Iuliano aduersus respondentem retorqueri, acutè scilicet
observauit. Quare miror, quòd cum Iuliano (cuius tanti inge-
nium facit) non comparauerit Augustinum pistillo, imò dixerit esse
pistillo obtusorem. l. 2. oper. imp. præsertim cum & ipse Iulianus
alibi docere voluerit (vti nunc Logicus facit) quomodo fiant
à Dialecticis syllogismi. l. 3. cont. Iul. c. 7. Vti

Vti enim Pelagiani omnes in acumine disputandi iuxta Aristotelis methodum, mirificè sibi plauserunt; ita & Iulianus: adeò vt rerum omnium prius inquireret rationem, cui deinde si posset auctoritatem, etiam diuinam, adaptaret: si non posset; eandem omitteret. Hinc & Apostolum alicubi dicit futurum fuisse perturbatæ mentis, si quidquam loqueretur contra rationes apertissimas à se prolatas. *l. 2. op. imp. c. 226.* & alibi ita loquitur: Cùm igitur liquidò clareat, hanc famam & veram esse sententiam, quam primo loco ratio, deinde Scripturarum muniuit auctoritas. *l. 1. cont. iul. c. 7.* Præterea: Vbi verborum communitas ingerit quæstionem, adhibeatur regula rationis: ad cuius æqualitatem, quæ putabantur deflexisse, tendantur. *l. 1. oper. imp.*

Contra quæ & similia inquit Augustinus: Quæ tibi argumenta succurrent? quæ Aristotelis Categoriæ, quibus vt in nos velut artifex disputator insilias, videri appetis climatus? *l. 1. cont. iul. c. 4.* Et alibi: Vbi est acumen tuum, quo tibi videris Categorias Aristotelicas assecutus, & etiam Dialecticæ artis astutiam? *l. 3. cont. iul. c. 2.* Et rursum: Vides nempe quàm dialecticè nihil dixeris, & nullà quidè culpā Dialecticæ disciplinæ, tu quantum à tramite eius exorbitaueris? Videris illius artis verbis ad hoc vti, vt eis inflatus attonitos facias imperitos, volendo videri esse, quod non es. Quod etsi esses; ad eum modum quo ista disputanda sunt, nihil esses. Sed planè nunc & ineptus & imperitus, tunc autem ineptus artifex esses: & tamen Dialecticorum quasi iaculis oneratus acutis, in certamen procedis, & iactas plumbeos pugiones. *cod. l. 6. 7.* Denique: Idèone, inquit Augustinus, quia intellectu difficile est quod dicitur, contra Ecclesiam Matrem vestram, ratiunculis vestris, quasi paricidalibus pugiunculis, debetis armari? *l. 6. cont. iul. c. 7.* Vt enim paulò post sequitur. Si vis viuere, noli amare sapientiam verbi, quæ euacuatur crux Christi. *cod. l. 6. 11.*

Vt interim Logicus faceret quod crabrones solent, infixò auolare aculeo: neque impingeret in Cælestini Papæ sanctissimi doctissimiq; de Augustino testimonium, quod recitat Prosper libro contra Collatorem extremo, his verbis: *Augustinum sanctæ recordationis virum, pro vita sua atque pro merito, in nostra semper communione habuimus, nec vnquam hunc sinistra suspicionis saltem rumor aspersit: quem tanta scientia olim fuisse meminimus, vt inter Magistros optimos, etiam a meo semper prædecessoribus haberetur.* Vt in hunc, inquam, lapidem angularem non impingeret, Cælestium Pelagij armigerum imitatus, ita denique declamationem con-

clufit, vt affirmare quidem nollet, Iulianum in ea difputatione victorem euafiffe; fed demonftrare folummodò, quàm fint infufficientes, intricatæ, & obfcuræ D. Auguftini refponfiones. Siquidem & ipfe Celeftius, vt fuprà memorauimus, cùm apud Zozyum Papam à doctrinæ fæculentia purgare fe vellet, ita fuerat præfatus: vt fi qua doctrinæ prauitas ei obrepfiffet, integritatis Apoftolicæ remedio fanaretur. vide l. 6. cont. Iul. c. 12.

Verumtamen interrogo, quid duo hæc interfit: viciffe Iulianum, & infufficienter refpondiffe Auguftinum. Quorfum enim ductore Auguftino triumphauit de Pelagianis Ecclefia, fi eorum Achilli Iuliano aut non fatisfecit, aut ambigüe folummodò refpondit? debuit nimirum poft tot fummos Pontifices, vt mox demonftrabimus, & doctiffimos Epifcopos, imò poft orbis terrarum confenfum, nouus aliquis repente emergere, qui diceret Auguftinum, (cùm id alios fugiffet) obiectionibus Iuliani, non nifi intricatas folutiones & ambiguas repofuiffe: ob quas perinde etiam nūm confet robur earundem obiectionum, iudice tanto viro, qui plus operæ poluit fortaffe in Aristotelicis, quàm Euangelicis & Apoftolicis litteris.

Quid aliud aduerfus Auguftinum dicere Donatiftæ potuerunt, calidiffimi licet, vt fuprà vidimus, Pragmatici, quàm (cùm effent deuicti praftratique, neq; agere ex ratione vltra poffent) inerta eum pro certis excogitare: non permittere legentes quæ vera funt credere, fed facere vt altiùs dubia fufpicerentur, vti narrauimus l. 3. c. 8. §. 6. Hos enim, (tametsi taceamus) imitari modernos Auguftini obrectatores, palàm eft. Videant idcirco, ne fides iterum poëticas fuas contra eofdem Profer exacuat, occinatque ficuti in Collatorem olim:

Contra Auguftinum narratur ferpere quidam

Scriptor, quem dudum liuor adafit edax:

Qui caput obfcuris contectum vicumque cauernis

Tollere humo, miferum perpulit anguiculum.

Aut hunc fruge fua aquorei pauere Britanni,

Aut huic Campano gramine corda tument.

Quæ concepta fouet, promat: quæ parturit, edat:

Seu vetere armatur dogmate, fua nouo.

In quofcumque finus fpirarum torqueat orbis,

Et fallax multâ contegat arte caput;

Currentem attritos fuper afpidas & Bafilifcos

Declinare fenem Viperæ non poterit.

§. VIII.

S. VII.

*Aliorum Pontificum de Augustino eiusque
Doctrinæ testimonia, & elogia.*

ET quamquam memorato nunc Cælestini Papæ de Diuo Augusti-
no testimonio, satis ei scriptisque illius omnibus sit cautum, quod
& ipse Prosper obseruauit, dum ait: *Per hunc virum (Cælestinum) intra
Galias istis-ipsis qui sanctæ memoriæ Augustini scripta reprehendūt, maleloquen-
tia est adempta libertas: quando consultantium actione suscepta, & librorum qui
errantibus displicebant pietate laudatā, quid oporteres de eorum auctoritate
sentiri, sancto manifestauit eloquio, non grauabimur attamen post sequen-
tium aliquot Pontificum & Conciliorum præclara martyremata re-
petere: vt quisque videat quanta sit temeritas & impudentia eorum,
qui audent aduersus antiquos Magistros insolenter insurgere.*

Eapropter Cælestium excipiat Ioannes II. Anno Christi, 531. ad
Pontificatum assumptus, qui quod de præcessoribus suis, Innocentio,
Zozymo, & Bonifacio, Cælestinus dixerat, idem de Cælestino, & aliis
qui huc vsque fuerant, affirmauit *Epistolā 3. ad Senatores*, his verbis:
*Sanctus Augustinus, cuius doctrinam secundum Præcessorum meorum statuta,
Romana sequitur & seruat Ecclesia, in libro vndecimo, &c. Ita Ioannes.*

Gregorius Magnus & ipse Ecclesiæ Romanæ Doctor ac Pontifex,
floruitque Anno salutis 590. & seqq. rogatus ab Innocentio in
Africa alicubi Episcopo, vt Expositionem suam in Iob, transmittē-
re vellet in Africam; non recusauit quidem quod flagitabat Innocen-
tius, sed ait: *Si delizioso cupitis pabulo saginari, beati Augustini patriota ve-
stri opuscula legite, & ad comparationem similitudinis illius, nostrum sursorem
non queratis. Epistolarum l. 8. Epist. 37.*

A quibus sanè Gregorij Magni verbis non procul abludit, quod
Taioni Episcopo Cæsar-augustano Romam profecto ad eiusdem Di-
ui Gregorij accersenda Moralia in Hispaniam, in nocturna visione di-
ctum est. Historiam refert Gasias Loyasa, ex perantiquo codice ma-
nu-scripto, in notis ad Concilium VII. Toletanum. Cū enim ad
impetrandum tantō citiūs quod desiderabat, Episcopus Taio inter
oratio.

orationes pernoctaret in Ecclesia sancti Petri Romæ: vifaque Præfultum multitudine, qui templum augustiori formâ & ordine quàm humana sit; erant ingressi; (à quorum vno deinde didicit, quo loco reperturus esset, quod tam piè desiderabat) interrogasset, si in tam sancta multitudine pariter adesset sapiens Augustinus, cuius nimirum opusculis, non aliter atque Divi Gregorij, fuerat à puero delectatus; id accepit responsum: *Vir ille clarissimus, & omnium expectatione gratissimus Augustinus quem quæris, altior à nobis eum continet locus.* Is Taio, Concilio VIII. Toletano subscripsit, quod temporibus Martini Papæ I. habitum est Anno 653.

Idem Concilium Toletanum VIII. præbuit etiam luculentum Augustino testimonium, dum ait, cap. 2. *De incauto iuramento: Vir quoque sanctissimus Augustinus, vestigationis acumine cautus, inveniendi arte præcipuus, asserendi copiâ profluus, eloquentie flore venustus, sapientia fructu fecundus, &c in suis narrat assatibus: Duo sunt omnino genera Mendaciorum, in quibus magnâ culpa est. Sed tamen non est sine culpa, cum aut iocamur, aut pro misericordia mentimur.* Hæc ibi.

Accedit Concilium Oecumenicum Florentium sess. 7. habitâ Anno 1439. his verbis: *Beatus Augustinus præclarissimus Doctor Latinorum, quem sancta Quinta Synodus recepit, qui & præstantissimus appellatur, in multis suis libris liquido asserit, Spiritum sanctum ex Patre & Filio procedere.* Ita Florentium.

Et quoniam citatur à Florentino Quinta Synodus Constantinopolitana (cuius auctoritate ad convincendos Græcos, Florentinum speciatim uti voluisse, visum est) nō abs re fuerit eius verba proferre, quæ sic habent, Confessione siue Collatione primâ in literis Iustiniani Imperatoris: *Quidquid autem non consonat istis, vel à quacumque persona scriptum inveniatur, contra ea quæ de vna eademq; fide à sanctis quatuor Conciliis, vel vno ex his definita sunt; hoc tamquam alienum omnino pietatis execramur. Sequimur autem in omnibus, sanctos Patres & Doctores sanctæ Dei Ecclesie, id est Athanasium, Hilarium, Basilium, Gregorium Theologum, Gregorium Nyssenum, Ambrosium, Theophilum, Ioannem Constantinopolitanum, Cyrillum, AUGUSTINUM, Proculum, Leonem: & omnia quæ ab his de Fide recta, & ad condemnationem hereticorum conscripta & exposita sunt, suscipimus.* Ita Quinta Synodus Anno 553.

Sed & ante hæc tempora Synodus Romana sub Gelasio I. Anno 494. habita, uti opuscula Beati Augustini Hipponensis Episcopi re-

pi receperat; ita damnauit quæcumque cum hæreticis aliisque, Iulianus Celanensis, de quo antea egimus, docuerat conscripseratque, vt patet ex decreto Gelasij, quod incipit: Post Propheticas, &c. prout exstat *Tomo 2. Conciliorum parte prima in Editione Binj.*

Post Gregorium I. (cui Conciliorum ex occasione testimonia subiunximus) sequitur Adrianus I. Petri in Cathedra anno 772. successor. Is ait epistola prima ad Constantium & Irenem, exstatque Septima Synodi actione secunda: *Hinc & beatus Augustinus, præcipuus Pater & optimus Doctor, in suo admonitionum sermonibus ait: Quid est imago Dei, nisi vultus Dei, in quo signatus est populus?*

Scio præter hæc, plurimum, qui post secuti sunt aliorum Pontificum, de Augustino præclara testimonia & elogia produci in medium; sed quoniam nullo authentico volumine ea reperimus, nolimus cum exscriptoribus exscribere: ne (quandoquidem hæc sufficiant) absurdum aliquid aut absolum (quod fieri posset) adferamus. Hæc enim non ex aliqua Pannegyri, aut emendicatis Breuibz deprompta sunt, sed ex ipso pectoris Sanctorum Pontificum serinio: vt perinde nequeant adscititiæ alicuius acundix titulo eleuari.

Quapropter ad Cælestini Pontificis, operum diui Augustini aut primi, aut primos inter Censoris, redeo: & quandoquidem vnica solum aut altera hinc pagella distet; interrogo cū Prospero: *Contra istam clarissimam Laudationem tuam: contra istam sacratissimam testimonij dignitatem, audeat quiquam maligna interpretationis murmur emittere, & perspicua sincerissimæq; sententia, nubem obliquæ ambiguitatis obtendere: vt sciatur quia in epistola Papa, librorum, pro quibus actum est, non expressus est titulus; hinc eos appareat non probatos? Neaneat planè, maneat ista conditio, vt horum librorum nouitas repudiata videatur; si in eadem causa, eiusdem viri dissensu antiquitas: & vt inutile, aut incongruum iudicetur, quod ab his quæ contra Pelagianos condidit, dissonans inueniatur. l. cont. Collatorum cap. 20.*

Etenim de hac Cælestini epistola, e qua diui Augustini elogia citauimus, agens Photius in Bibliotheca, inquit: *Scripsit quoque (Cælestinus) ad Episcopos Galliarum de fide sancti Augustini.* Et Vincentius Lirinensis aduersus hæreses vltimo capite, plurimum eandem laudans, testatur tanti ponderis esse, vt ad omnes hæreses euertendas sufficere possit. *Vide Baronium Anno 431. num. 184. & seqq.*

Si quis interim hisce non obstantibus, & iudicio Cælestini, & aliorum quos adduximus Pontificum ac Conciliorum, cupiat procatiter oblectari;

obluctari; quid amplius possumus, quam cum Prospero versus iterum occinere? ut si pharmacis non possit, instar amentis carmine curetur; dicamusque:

Quidam doctiloqui libros senis Augustini

Carpere, & aduersum condere fertur opus.

Vsq̃ adeonè bonum ingenium, & facundia diues

Ostentare artem non aliter potuit,

In noua prostratas acies nisi bella cieret:

Impiag, extinctis hostibus arma daret?

Hac pugna, inceptor, mors est tua: te stylus iste

Conficit, & verbis perderis ipse tuis.

Dùmque doces quantum valeat mens libera; monstras

Velle tuum cibimet sufficere, ut pereas.

Verte gradum, fuge perniciem, stratosque rebelles

Oris Apostolici fulmine vbique vide.

Nec te mutato defendi nomine credas:

Si pastorem ouium ladere vis, lupus es.

Nequeo tamen omittere eam præfationem Clementis VIII. quam commonitorio suo (quod ex Augustino desumptum, tradidit Congregationi de auxiliis nuncupatæ) adiunxit: quandoquidem ad controuersias finiendas (quæ nuper feruere cœperunt) plurimum momenti allatura sit. Est verò talis: Quamuis nemini nisi Deo, rationem reddere debeam mearum actionum; dicam tamen impræsentiarum rationes, propter quas astringere statui totam hanc disputationem, ad normam doctrinæ S. Augustini de Gratia.

Prima est: quod si teste B. Prospero, ferè initio libri contra Collatorem, viginti annorum spatio acies Ecclesiæ ita dimicauit pro Gratia contra Pelagianos, ut tandem Augustino duce vicerit; oportet etiam ut in caussa simili, eundem ducem agnoscamus & sequamur.

Secunda est: quod idem Sanctus nihil videtur prætermisisse eorum, quæ ad præsentis controuersias pertinent: quandoquidem, si agitur de necessitate Gratiæ, eam describit dicens; esse necesse ut nos præueniat, comitetur, & sequatur: si de vi, asserit vires efficacissimas præbere voluntati: si de effectū, testatur facere de nolente volentem: si de modo, asserit Deum id facere omnipotentissimâ facilitate. Denique sic dissoluit obiectiones, ut doceat Liberum Arbitrium non tantum bene cum illa Gratia quam defendit, cohærere, sed etiam fieri liberius,

liberius, quando ab illa fuerit liberatum.

Tertia tandem ratio est: quod multi Pontifices Prædecessores nostri, Doctrinæ S. Augustini de Gratia tam acres fuerint assertores & vindices, ut quasi hæreditario iure eam in Ecclesia relinqui voluerint, æquum non est, ut patiar, illam hac quasi hæreditate priuari. *Ita Clemens VIII. sapientissimus Ecclesiæ Antistes.*

S. VIII.

Augustinus scribit librum de Hæresibus, ad Quodvultdeum.

EX iis quæ suprâ narrauimus, apparet tres reliquos ex octo Iuliani libris aut ab Alipio non fuisse transmissos, aut ad Augustinum nondum pertinisse, cum (illos interea expectans) ad scribendum de Hæresibus, ut Quodvultdeo satisfaceret, se accinxit. Agitauerat id iam pridem animo Augustinus, sed operis difficultate deteritus (partim ob innumerorum voluminum & ingentium ad id necessariam lectionem, *præfat. l. de Hæres.* partim quod ipsum omnino. Quid sit Hæresis, definire difficile illimum iudicaret. *Epist. ad Quodvultdeum*) omisit. Donec de auxilio diuino non desperans, & Quodvultdei nomine quasi omne admonitus, id nunc sub ipsum vitæ finem aggressus est. Quod eius verbis operæ pretium est intelligere.

Quod petis, inquit, sapissimè atque instantissime, sancte fili Quodvult-deus, ut de Hæresibus aliquid scribam, dignum lectione cupientium dogmata deuitare contraria fidei Christianæ, & Christiani nominis obumbratione fallentia: scias me olim longè antequàm peteres facere cogitasse, atque fuisse facturum, nisi diligenter considerans quale quantumque id esset, ultra vires meas esse sentirem. Sed quoniam fateor nullum mihi, ut te, instituisse poscendo; in ipsâ tamen molestâ instantiâ tuâ etiam tuum nomen attendi, & dixi: Aggrediar, & faciam Quod-vult-Deus. *Præfat. lib. de Hæres.* Ut verò videas, quàm constanter ad supremum vsque spiritum, quidquid boni agimus vel valeamus, in Gratia diuinæ auxilium referendum duxerit: cum dixisset se hoc opus aggredi, ut tantæ rei difficultas ministerio linguæ suæ aut

ostendatur tantummodò, aut Deo etiam plenius adiuuante tollatur; subdit illico: Quod utrùm dum peto, dum quero, dum pulso, sim fortasse accepturus, ignoro: scio me tamen nec petiturum, nec quaesiturum, nec pulsaturum quantum sat est; nisi & hunc affectum munere diuinæ inspirationis accepero. *ibid.*

Statuerat autem hoc quidquid erat duobus Libris complecti, quorum primum (qui est de Hæresibus quæ post Christi ascensum contra eius doctrinam extiterunt) iam absolutum ad Quodvultdeum misit. *lib. de Hæres. in fine* alterum (quo, quid faciat Hæreticum, tractare constituerat) morte interueniente absolueri non potuit. *Isidorus de viris ill. cap. 9.*

Hi libri, cum præteritis contra Iulianum, duobusque ad Prosperum & Hilarium, non memorantur in Opere Retractionum: quòd scripti post istud, nihilum continerent, quod auctorem suum, futurosque lectores meritò potuisset offendere. Meritò, inquam; quia Semipelagiani, genus inimicum gratiæ Dei, humanique arbitrij præcones, & ob id Augustino aduersarij, quod Catholicum erat, à suo sensu detortum inuidiosissimè traduxerunt: vt ex Prospero patet, cuius exstant libri omninò quatuor, aduersus calumniatores doctrinæ beati Augustini de Gratia Dei, in Appendice Tom. VII.

CAPVT XI.

AFRICÆ EXCIDIVM, ET MORS
AVGVSTINI.

§. I.

Africa per Barbaros Vastatio, referente Possidio.

Anno
430.

B Onifacio, vt diximus, à Vandalis superato; summa dies, & ineluctabile tempus Africæ incubuit. Quantam enim longè lateque stragem Vandali ediderint; non aliis quàm Possidij verbis, qui interfuit,

AFRICÆ EXCIDIVM, ET MORS AVGVSTINI. 623

fuit, aperiam: vt iis Victori Vticensi præiussisse, existimare debeamus.

Diuina, inquit, voluntate & potestate prouenit, vt manus ingens diuersis telis armata, & bellis exercitata, immani omni hostium Vandalorum & Alanorum, commixtam secum habens Gothorum gentem, aliarumque diuersarum gentium personas, ex Hispaniæ partibus transmarinis, nauibus Africæ inflexisset & irruisset: vniuersaque per loca Mauritaniarum, etiam ad alias nostras transiens Prouincias & regiones, omni seuiens crudelitate & atrocitate, cuncta quæ potuit exspoliatione, caedibus, diuersisque tormentis, incensis, aliisque innumerabilibus, & inaudis malis depopulata est: nulli sexui, nulli parces ætati, nec ipsis Dei Sacerdotibus vel ministris, nec ipsis Ecclesiarum ornamentis, seu instrumentis, vel ædificiis.

Et hanc ferocissimam hostium grassationem & vastationem, ille homo Dei (Augustinus) & factam fuisse & fieri, non vt ceteri homines sentiebat & cogitabat: sed altius & profundius ea considerans, & in his animarum præcipue pericula vel mortes præuidens; solito amplius, (quoniam vt scriptum est, *Qui apponit scientiam, apponit dolorem*: &, *Cor intelligens, quasi tinea obscurum*) fuerunt ei lacrymæ panes die ac nocte, amarissimamque & lugubrem, præ ceteris suæ senectutis iam penè extremam ducebat ac tolerabat vitam.

Videbat enim ille homo Dei, ciuitates excidio perditas pariter cum ædificiis: villarumque habitatores, alios hostili nece extinctos, alios effugatos atque dispersos: Ecclesias Sacerdotibus ac ministris destitutas: Virginesque sacras & quosque continentes, vbique dissipatos: & in his, alios defecisse tormentis, alios gladio interemptos esse: alios in captiuitate, perditâ animi & corporis integritate ac fidei, malo more ac duro, hostibus deseruire.

Cernebat etiam, hymnos Dei & laudes de Ecclesiis deperisse: ædificia Ecclesiarum, quamplurimis locis ignibus concremata esse: sollemnia quoque quæ Deo debentur, de propriis locis defecisse: Sacramenta ac Sacramenta diuina, vel non quæri, vel quærenti qui tradat, non facile reperiri: in ipsas montium siluas, & cavernas petrarum, & speluncas confugientes, vel ad quascumque munitiones, alios fuisse expugnatos, & interfectos vt fame contabescerent: ipsosque Ecclesiarum præpositos & Clericos qui fortè Dei beneficio vel eos non incurrerant, vel incurrentes euaserant; rebus omnibus exspoliatos atque nudatos, egētissimos mendicare: nec eis omnibus quibus succurrere essent, subueniri posse.

III 3

Vix

Vix tres superstites videbat ex innumerabilibus Ecclesiis, hoc est Carthaginensem, Hipponensem & Cirtensem, quæ Dei beneficio excisæ non sunt, & earum permanent ciuitates & diuino & humano fultæ præsidio: licet post eius obitum vrbs Hipponensis, incolis destituta, ab hostibus fuerit concremata. Et se, inter hæc mala, cuiusdam sapientis sententiâ consolabatur, dicens: Non erit magnum, quod cadunt ligna & lapides; & moriuntur mortales. Hæc ergo omnia ille, vt erat altè sapiens, quotidie & vbertim flebat. *Possid. c. 28.*

§. II.

Sermo Augustini, & Oratio his temporibus accommodata.

ET quamuis tanta esset rerum in Africâ confusio, munia nihilominus studiaque sua gnauiter obibat sedulus Præsul. Testis est Possidius: Verbum Dei, vsque ad extremam ægritudinem, imprætermisè, alacriter & fortiter, sanâ mente sanoque consilio, in Ecclesiâ prædicasse. *cap. 31.*

Inter eiusmodi Sermones vnus etiamnum exstat, lacrymis luctuque plenus, qualem videlicet præfens ante oculos strages & ruina deposcebat. Habitus est, vt quidem præfert inscriptio, Feriâ quintâ post Dominicam Passionis, Centesimus vndecimus de Tempore: Ciuitate Hipponensi siue iam obsessâ, siue proximè obsidendâ.

Tradunt & orationem, per id tempus admodum oportunam Deo fundere consueuisse: quam Cardinalis Seripandus alicubi repertam protulerit in Concilio Tridentino, cuius agebat nomine Sedis Apostolicæ Legatum: ab Urbano Papa VIII. nouissimè agnitam: his verbis:

Ante oculos tuos Domine, culpas nostras ferimus: & plagas quas accepimus, circumferimus. Si pensamus malum quod fecimus, minus est quod patimur, maius est quod meremur. Peccati pœnam sentimus, & peccandi pertinaciam non vitamus. In flagellis tuis infirmitas nostra teritur; & iniquitas non mutatur. Mens agra torquetur, & ceruix non flectitur. Vita in dolore suspirat, & in opere non se emendat. Si expectas, non corrigimur: si vindicas, non duramus. Confitemur

mur in correctione, quod egimus; obliuiscimur post visitationem, quod fleuimus. Si extenderis manum, facienda promittimus: si suspenderis gladium, promissa non facimus. Si ferias, clamamus vt parcas: si peperceris, iterum prouocamus vt ferias. Habes Domine confitentes reos: nouimus quod nisi dimittas, recte nos perimus. Presta Pater omnipotens sine merito, quod rogamus: qui fecisti ex nihilo, qui te rogarent.

§. III.

Hipponensis Ciuitas obsidetur.

Acreuit mœroribus & lamentationibus eius, inquit Possidius, vt etiam adhuc in suo statu consistentem ad eandem Hipponensium Regionum Ciuitatem, ab iisdem hostibus veniretur obsidendam: quoniam in eius tunc defensione fuerat constitutus Comes quidam Bonifacius, cum Gothorum quoddam fœderatus exercitu: quam urbem, fœrme quatuordecim mensibus conclusam, obsederunt. Nam & litus illi marinum interclusione abstulerunt.

Quod etiam nos ipsi de vicino, cum aliis nostris Coëpiscopis confugeramus: in eademque, omni obsidionis tempore fuimus. Vbi nobiscum super his infortuniis sapissimè colloquebamur: & Dei tremenda iudicia, præ oculis nostris posita, considerabamus dicentes; Iustus es Domine, & rectum iudicium tuum: pariterque dolentes, gementes, & flentes, orabamus miserationum patrem, & Deum omnis consolationis, vt de eadem nos tribulatione subleuare dignaretur. *Possid. cap. 28.*

Et fortè prouenit, vt vnà cum eodem (Augustino) ad mensam constitutis, & inde confabulantibus, cœperit coram nobis dicere: Noueritis me hoc tempore calamitatis, id Deum rogare, vt aut hanc ciuitatem ab hostibus circumdatam liberare dignetur: aut si aliud ei videtur, suos seruos ad perferendam suam voluntatem fortes faciat: aut certè vt me de hoc sæculo ad se accipiat. Quæ ille dicens, nosque instruens; deinceps cum eodem & nos cum nostris omnibus, & ipsi qui in eadem fuerant ciuitate, à summo Deo similiter petebamus.

§. IV.

§. IV.

In morbum incidit Augustinus.

ET ecce tertio illius obsidionis mense, decubuit lecto, febribus fatigatus, & illâ vltimâ exercebatur ægritudine. Nec suum sanè Dominus famulum fructu suæ precis fraudauit: nam & sibiipsi, & eidem ciuitati, quod lacrymosis depoposcit precibus, in tempore impetrauit. *Possid. cap. 29.*

Dicere autem nobis inter familiaria colloquia consueuerat, Post perceptum Baptismum, etiam laudatos Christianos & Sacerdotes, absque digna & competenti pœnitentia exire de corpore non debere. Quod etiam ipse fecit, vltimâ quâ defunctus est ægritudine. Nam sibi iusserat Psalmos Dauidicos, qui sunt paucissimi de pœnitentiâ, scribi; ipsosque quaterniones iacens in lecto, contra parietem positos, diebus suæ infirmitatis intuebatur & legebat, & iugiter atque vber-
tim flebat. *Possid. cap. 31.*

§. V.

Miracula tum & aliàs, quæ patrauit.

HÆc dum aguntur, ad ægotantem & lecto vacantem quidam cum ægroto suo venit: & rogauit, vt eidem manū imponeret, quò sanus esse posset. Respōdit: Si aliquid in his posset; sibi hoc primitus fuisse præstiturum. Tum alius visitatum se fuisse dixit, monitumque in somnis, Vade ad Augustinum Episcopum, dic vt eidem manum imponat, & saluus erit. Quod dum comperisset, facere non distulit: & illum infirmum, continuò Dominus sanum ab eodem discedere fecit. *Possid. cap. 29.*

Sed non erat hoc primum siue signum, siue miraculum, quod ad pietatem ipsius doctrinamq; firmandam, Altissimus operari dignatus est.

AFRICÆ EXCIDIVM, ET MORS AVGVSTINI. 627

est. Etenim idem Possidius, Noui, inquit, eundem & Presbyterum, & Episcopum, pro quibusdam energumenis patientibus vt oraret rogatum, dum id agit & lacrymas fundit, ab obsessis corporibus demones abiisse. *cod. cap.*

Quandam virginem Hipponensem audiens à dæmonio vexari. pro illa deuotè orauit: & oleo, quod tenebat, lacrymas suas orando instillauit, Quo transmissò prædicta virgo peruncta est, & sanata. Pro quodam etiam adolescente, quem non viderat, orauit: & eum oratione à dæmonio liberauit. Quæ duo miracula ipse quidem inuenitur retulisse, inquit Philippus Abbas Bonæ Spei, *vita Diui Augusti. cap. 30.*

Nam cum non minùs erga proximum charitate flagraret, quàm Deum; si fortè ab agrotantibus, ad tribulationes ipsorum solatio quo poterat leuandas, accerseretur, vtque pro eis in præsentem Deum rogaret, eisque manus imponeret; sine mora pergebat, inquit Possidius c. 17. Hinc & præclaras à moribundis nonnullis prolatas sententias, quibus suam in supremo agone constantiam & fiduciam in Deo testati fuerant; solebat cum admiratione nonnunquam & laudibus, iam senex, præsentibus referre. *In cod. cap.*

S. VI.

Migrat è Vita.

PORRò, nè intentio eius Deum in extremis feruidè obsecrandi, à Anno quoquam impediretur; ante dies fermè decem, quàm exiret de 430. corpore, postulauit à præsentibus, Nè quis ad eum ingrederetur, nisi iis tantum horis, quibus medici ad inspiciendum intrarent: vel cùm ei inferretur refectio.

Et ita obseruatum factumque est: & omni illo tempore orationi vacauit: *Possid. c. 31.* donec tandem membris omnibus sui corporis incolumis, integro aspectu atque auditu, nobis adstantibus ac videntibus (inquit Possidius) & cum eo pariter orantibus, obdormiuit in pace: *cod. cap.* Theodosio XIII. & Valentiniano III. Cons. quinto Kalendas Septembris: libris Iuliani, inter impetum obsidentium

Kkkk

Van-

Vandalorum, in ipso dierum suorum fine respondens, & gloriosè in defensione Christianæ Gratiæ perseverans. *Prosp. in Chron.*

Quæ notatio incidit, in Annum Dominicæ Natiuitatis, cccc. xxx. Prædicationis cccc. Cælestini Papæ vii. ab obitu Matris suæ Monicæ xlii. ab obitu Ambrosij. xxxiii. Simpliciani, xxx. Ioannis Chrysostomi xxi. Hieronymi Presbyteri x.

Porro vicinum morti Hieronymum dixisse ferunt: Cum gaudio & solatio hanc se mortalem vitam relinquere, quoniam post se relinquat Augustinum, multæ scientiæ & bonitatis Episcopum Hipponensem, omni veritate & perfectione redimitum. Habere se idcirco fiduciam in Christo, perstituræ fidei nostræ: rogare, ut suo nomine scribatur Augustino, ut tamquam fidelis miles pugnet, ne veniant. (quod absit) mala genti nostræ. *Euseb. Cremon. apud. Bayh. Vrbinat.*

§. VII.

Ætas, & Sepultura.

Vixit annis lxxvi. *Possid. c. 31.* ut adeò colligatur, ex illo mortis, & hoc ætatis anno, natus ccc. liv. In Clericatu autem & Episcopatu vixit annis fermè xl. *Possid. c. 31.* & pergit:

Nobisque coram positus, pro eius commendanda corporis depositione Sacrificium Deo oblatum est, & sepultus est.

Testamentum nullum fecit: quia vnde faceret, pauper Christi non habuit. *Possid. ibid.*

§. VIII.

Clerus Africa, & Bibliotheca.

Pro opulentâ hereditate Clerum sufficientissimum, & Monasteria virorum ac feminarum continentium cum suis Præpositis plena, Ecclesiæ dimisit: vnâ cum Bibliothecis, Libros & Tractatus, vel suos vel aliorum sanctorum, habentibus: ex quibus dono Dei, qualis

lis quantusque in Ecclesia fuerit noscitur : & in his semper vivere , à fidelibus inuenitur. *Possid. cod. cap.*

Quod Clerum attinet, cùm de copiâ ipsius sigillatim testimonium ferat Possidius ; quàm is fuerit numerosus , conici aliquatenus potest , quòd persecutionis Vandalicæ continuante procellâ , sub Eugenio Carthaginense Episcopo quingentos de Clero in eadem Ecclesiâ tum adhuc fuisse , scribat Victor Vticenf. l. 3.

De Bibliothecis , quantum instructæ fuerint , non utique obscure deprehendi ex eodem Possidio queat , dum ait : Tanta ab Augustino dictata & edita sunt , tantaque in Ecclesiâ disputata , excepta , atque emendata : vel aduersus diuersos hæreticos conscripta , vel ex Canoniciis libris exposita , ad edificationem sanctorum Ecclesiæ filiorum ; ut ea omnia vix quisquam studiosorum nosse , & perlegere sufficiat .

Verumtamen ne veritatis (inquit Possidius) auidissimos in aliquo fraudare videamur , statui Deo præstante in huius opusculi fine , etiam eorundem librorum , Tractatum , & Epistolarum Indiculum adiungere : quo lecto , qui magis Dei veritatem , quàm temporales amant diuitias , sibi quisque quod voluerit , ad legendum & cognoscendum eligat : & ad id scribendum , vel de Bibliotheca Hippontensis Ecclesiæ petat , ubi emendatiora exemplaria fortè poterit inuenire : vel vnde voluerit inquiret , & inuenta describat & habeat ; & petenti ad scribendum , sine inuidiâ etiam ipse tribuat. *Possid. c. 18.*

At miraculo planè contigisse videtur , ut post quatuordecim mensium obsidionem , concrematâ anno sequente vrbe ab hostibus , iisque Arianis ; tantoque magis irritatis , quantò diuturniori obsessorum constantiâ fatigati fuerant ; remanserit integra Bibliotheca , non humano utique sed Diuino præsidio. Quapropter per Vandalos aliosque Barbaros quod efficere diabolus haud potuerat ; deinceps per eos facere tentauit , quorum se antagonistas fortissimos Prosper & Hilarius , ipsumque Ecclesiæ Caput Cælestinus , præ reliquis strenue gesserunt.

Videri hac de re litteræ Cælestini queunt , editæ Anno sequente , in Appendice Fomi VII. atque innumeris locis Prosper , cuius hoc de Augustino luculentum est testimonium : *Viginti amplius annis , contra inimicos gratia Dei , Catholica agies huius viri ductu* PVGNAT , ET VINCIT. l. cont. Collat. init. puta , ab anno huius sæculi decimo (quo

Kkkk 2 tum

tum scriptis voluminibus, tum habitis sermonibus laceffere eos cœpit) ad hunc usque, quo obiit.

§. IX.

*Victoris Vticensis de Augustino
testimonium.*

Orbitus porro eius Victor etiam Vticensis meminit, his verbis:
„ Eâ tempestate Hippone obsessa est ciuitas, quam omni laude di-
„ gnus beatus Augustinus, librorum multorum confector, Pontifex
„ gubernabat.

„ Tunc illud eloquentiæ, quod vbertim per omnes campos Ecclesiæ
„ decurrebat, ipso metu siccatum est flumen: atque dulcedo suauitatis
„ dulcius propinata, in amaritudinem absynthij versa est, vt Dauidi-
„ cum præconium conueniret: Dum consisteret peccator aduersum me;
„ obmutui & humiliatus sum, & filui à bonis.

„ Usque ad illud tempus, ducentos iam triginta & duos libros con-
„ fecerat: exceptis innumerabilibus Epistolis, & Expositione totius
„ Psalterij, & Euangeliorum, atque Tractatibus popularibus, quos
„ Græci Homilias vocant: quorum numerum comprehendere, satis
impossibile est. *Vict. Vticens. l. i. persec. Vandal.*

§. X.

*Vocatur ad Concilium Ephesinum
contra Nestorium.*

Cum paullo antequàm migraret ex humanis Augustinus, Nesto-
rius Constantinopolitanus Episcopus, ex Pelagiano seminario
nouos errorum surculos educare cœpisset; malumque quotidie glif-
ceret, & caperet incrementa: indicto Ephesi Concilio Oecumenico,
Cælestinus ire contra statuit.

Neque

AFRICÆ EXCIDIVM, ET MORS AVGVSTINI. 631

Neque defuit pio Pontificis studio Theodosius Imperator : qui communes ad Episcopos litteras dedit, quibus ad Synodum eos convocaret, signatas Constantinopoli decimotertio Kalendas Decembris eiusdem Anni : & alias particulares, ad nonnullos celebrioris famæ Antistites. Inter hos, teste Liberato, scripsit Imperator beato Augustino Hipponensi Episcopo per Ebagnium Magistranum, ut ipse Concilio præstaret suam præsentiam. *Liberat. in breviar. c. 5.*

Liberati (quidum vixit, Archidiaconus Carthaginensis fuit : vixit autem Anno Domini 535. tempore Reparati Episcopi Carthaginensis) verba sunt : Scripsit Imperator sacram & B. Augustino Hipponensi Episcopo per Ebagnium Magistranum, ut ipse Concilio præstaret suam præsentiam. Qui Ebagnius veniens Carthaginem magnam, audiuit à Capreolo ipsius urbis Antistite B. Augustinum ex hoc mundo migrasse ad Dominum : acceptisque ab eo ad Imperatorem litteris, loquentibus de obitu B. Augustini, Constantinopolin unde venerat rediit. Porro Capreolus Archiepiscopus propter impetus Vandalorum Africanas regiones obsidentium, universale non valens congregare Concilium, Vessulam Diaconum suum misit Ephesum ad Concilium legatum. *Ita Liberat.*

Sunt qui scribant has Litteras Theodosij Imperatoris ad Augustinum, (quas cur *sacram* appellet Liberatus, vide supra l. 3. cap. 12. §. 9.) olim existisse, aut etiamnum existare in Monasterij Patavini S. Iustinæ Bibliotheca : sed prout exhibitæ legi, suspectæ fidei sunt, cum indicinam sequentis Anni præferant, quo erat finitum Concilium : quarto Idus Augusti Basilio & Antiocho Coss.

Eundem Liberatum, horum quæ diximus testem, citat Apologeticus Synodi Romanæ sub Gregorio VII. cap. 3. ubi Augustinum vocat, Omnium virtutum virum.

§. XI.

Nestorianos damnauit ante mortem.

ET quamquam Synodo haud interfuerit Augustinus, Nestoria-Anno nos tamen condemnasse non desit : tam luculentâ validâque sen- 431.

Kkkk 3

tentiâ,

tentiâ, vt vix clariùs aliquid post ipsum Concilium reperiri possit. Præfagus enim, quàm sit facilè violatâ Christi gratiâ, Christum etiam ipsum è medio tollere; in postremis suis contra Pelagianos lucubrationibus, sæpenumerò inculcauerat (vti suprâ indicauimus) ex naturâ diuinâ atque humanâ vnâ personam Mediatoris coalescere: idq; non merito bonorum operum, aut liberi arbitrij; sed gratiâ Dei. Verba ipsius sunt:

Est etiam præclarissimum lumen Prædestinationis & Gratix, ipse Saluator, ipse Mediator Dei & hominum, homo Christus Iesus: qui vt hoc esset, quibus tandem suis vel operum vel fidei præcedentibus meritis, natura humana quæ in illo est, comparauit? Respondeatur quæso. Ille homo, vt à Verbo Patri coæterno in vnitatem personæ assumptus, Filius Dei Vnigenitus esset, vnde hoc meruit? quod eius bonum qualecumque præcessit? quid egit ante, quid credidit, quid petiuit, vt ad hanc ineffabilem gratiam perueniret? *l. de prædest. sanct. c. 15.* Vt planè videas vtramque hæresin, & Nestorianam & Pelagianam, ob quas erat à Imperatore Ephesum aduocatus, iugulasse priusquam moreretur. *vide etiam l. 1. Op. imp. c. 140. & seqq.*

Nestorius etenim, cùm personam Christi iam diuidere, & perniciosissimum dogma in Ecclesiam inferre pararet; Pelagianos è suis cathedris deiectos & exules, Iulianum, Florum, aliosque nonnullos ex Occidente Episcopos, Constantinopoli excepit & fouit: quorum nimirum Magisterio doctrinam suam hauserat. Pelagianos siquidem isto quoque errore fuisse infectos; tum Leporij conuersio; (qui inter alios damnauit & hunc) tum testimonia Prosperi & Cassiani palàm faciunt, qui Nestorianam hæresin, Pelagianæ sobolem dicunt; hocque de Christo dogma tenuisse ambas: Quod ab initio homo dumtaxat, ad personæ diuinæ dignitatem ex suis meritis pertigisset.

Quare de hac Synodo agens Prosper in Chronico: Basso, inquit, „ & Antiocho Coss. congregatâ apud Ephesum, plus ducentorum Synodo Sacerdotum, Nestorius cum hæresi nominis sui, & cum multis „ Pelagianis, qui cognatum sibi dogma iuuabant, damnatur.

Idem proinde Prosper, vtriusque Epitaphium luit his versibus, ante librum De Ingratitud.

*Nestoriana lues successi Pelagiana,
Que tamen est vtero pro generata meo.
Infelix misera genetrix & filia nata,
Prodiit ex ipso germine quod peperit.*

Nam

RELIQUIARVM S. AVGVST. TRANSLATIO. 633

Nam fundare arcem meritū prior orsa superbis,
De capite ad corpus ducere opus volui.
Sed mea dum proles in summa armatur ab imis.
Congrua bellandi tempora non habui.
Et consanguinea post tristia ruina fraudis,
Aspera conferui praelia sine pari.
At tamen vna deat victam sententia leto:
Illa volens iterum surgere, bu cecidit.
Mecum oritur, mecum moritur: mecumq, sepulchrum
Intrat, & inferni carceris ima subit.
Quo nos praecipites insana superbia merfit,
Exutas donu, & tumidas meriti.
Nam Christum pietate operum & mercede, volentes
Esse Deum, in capitis federe non stetimus:
Sperantique animi de libertate coronam;
Perdidimus, quam dat Gratia, iustitiam.
Quique igitur gemina miseraris busta ruina,
Ne nostro exitio consociere, caue.
Nam si, quae Domini data munera serò scemur,
Hac homini credis debita; nosker eris.

CAPVT. XII.

RELIQUIARVM S. AVGVSTINI

TRANSLATIO.

S. I.

Per S. Fulgentium in Sardiniam deferuntur.

REdacta in Vandalorum potestatem Africā, cū ipsi Arianā labe
(vti non semel diximus) imbuti, omni crudelitatis genere, cuius
minimum erat exiliū bonorumque publicatio, in Catholicos saui-
rent;

rent; haud equidem visum superis fuit, Doctoris Augustini reliquias apud eos esse permittere. Quamobrem per Fulgentium Ruspensem Episcopum, prius in Sardiniam delatæ, atque inde per Luithprandum Longobardorum Regem, in Italiam; Ticini etiamnum honorificè conditæ sunt. De vtraque Translatione iussus aliquid à Carolo Magno scribere Petrus Oldradus, Mediolanensis Archiepiscopus; ita habet:

„ Opus quod Celsitudo vestra, dum in Vrbe Mediolani moraretur,
 „ mihi imponere dignata fuit, vt aliquid de Translatione corporis
 „ beati Augustini Episcopi, de Sardinia Papiam inquirerem; & fidei
 „ sermone, Celsitudini vestræ transcriberem; quantum humana fragi-
 „ litas laborare potuit, elaboravi: & quod ex litteris & libris Regum
 „ Longobardorum, etiam ex traditione multorum legi & audiui; Deo
 „ adiuuante breuiter scribam.

Anno 514. Beatus Augustinus, Doctor Ecclesiarum Christi, post multa mira-
 culorum signa, quibus in hoc mundo effulgit; post multam insudatio-
 „ nem laborum, quâ obstinationem hæreticorum, rectum iter vitæ de-
 „ prauantium; oppugnaverat; Deo animam reddens, honorificè à fi-
 „ delibus sepultus est, in Civitate Hipponensi, in episcopatu suo, in
 „ Ecclesia sancti Stephani (*fuit hac eadem quæ Pacis: à memoria Martyris
 „ sic dicta*) currente Anno Incarnationis cccc. xxx. ibique hono-
 „ rificè sepultus per manum Discipulorum suorum, iacuit annis fe-
 „ rè LXXIV.

„ Deinde in Sardiniam corpus translatus est à fidelibus & Catholi-
 „ cis Episcopis, qui ob Christi fidem ab iniquo Trasamundo Rege,
 „ vnâ cum Fulgentio Ruspenfi Episcopo, & innumerabilibus Christi
 „ fidelibus, in eandem Insulam relegati fuerant, quo tempore Vandali
 „ Africam vastabant. Ne gemma & thesaurus tantus, ab immundis
 „ spiritibus pollueretur; secum cum nonnullis aliis Sanctorum reliquiis,
 „ deportarunt. Ibi multis miraculis claruit, annis cc. xxi. in quo
 „ manifestè datur intelligi, quod quos Deus charos habet; ad sancti-
 „ tatis eorum testimonium, clarificat & insignit virtutibus mi-
 „ raculorum.

S. I I.

*Luithprandus Longobardorum Rex , reliquias
Augustini redimit à barbaris, & Ticinum
deferri curat.*

Barbarorum igitur infinita multitudo, Sardiniam expugnare est ^{“Anno} aggressa. Quam cum inualissent, & subiugatam destruerent; loca ^{725.} etiam sancta violenter aggressi polluebant: inter quæ Sepulchrum B. [“] Augustini. Hæc cū iustitiæ cultor, & amator religionis Luithprandus [“] Rex audisset à sanctæ memoriæ Petro Papiensi Episcopo, quem Rex [“] maximo honore & summa reuerentia ob vitæ sanctitatem prosequa- [“] batur: videlicet coinquinari, & inhonestè tractari sanctissimi Augu- [“] stini locum; legatos suos, proceres nobiles, cum magno pondere auri [“] & argenti, transmisit in Sardiniam, vt corpus tanti sancti redimerent [“] pretio, & transferrent quamprimum ad Ciuitatem Papiensem. [“]

Qui iussioni & desiderio, piissimi Regis satisfacere cupientes; na- [“] uigio venerunt in Sardiniam: & redimentes Corpus sanctum à Bar- [“] baris, nauicque illud imponentes; Dei misericordia, & ingenti eorum [“] gaudio, plenis velis per tranquillum mare, in vnius diei & noctis spa- [“] tio, perducti sunt ante portum & stationem Ianuensem: quæ facta [“] erant, denuntiarunt; & vt honorificè occurrerent, ad Reliquias tam [“] gloriosi corporis suscipiendas. [“]

S. I I I.

Reliquiis Luithprandus obuiam exit.

Quo audito Rex immenso gaudio perfusus, gratias ingentes Deo [“] referebat, quod desiderium suum impleuisset: omni que negotio [“] postposito, rogatis & conuocatis omnibus ciuitatum suarum Episco- [“] pis, & vniuerso Clero, vsque ad finem agri Dertonensis, ad suscipien- [“] dum tam præclarum Dei munus, cum maxima humilitate processit: [“]

L I I I

& more

„ & more Dauidico ad accipiendam arcam Domini, & reponendam in
 „ decentiori loco properabat, cum innumerabili procerum, & populi
 „ vtriusque sexus multitudine: Deo gratiam omnes agentes, de tantis
 „ donis datis.

„ Cum autem ad locum vbi iacebat sanctum Corpus, appropinquas-
 „ set; depositis regalis aulae insignibus: nudatoq; capite & pedibus, cum
 „ tanta humilitate & deuotione procedebat; vt omnes qui aderant, mi-
 „ rarentur, & Deum super tantâ deuotione piissimi Regis laudarent.

§. IV.

Miracula tum facta.

„ **A**D Confessorem autem suum clarificandum, misericors Domi-
 „ nus dignatus est multa miracula operari. Multi enim aliquo
 „ officio corporis priuati aderant, qui recuperatâ sanitate alacres, ad
 „ laudem & honorem Dei vociferantes, læti ad propria remeabant.

„ Vnde Corpus beati Confessoris cum laudibus & hymnis defe-
 „ rentes, perueniunt ad fines agri Dertonensis, ad prædium quod ap-
 „ pellatur Sauinariense: vbi Rex Luithprandus, cum vniuerso Episco-
 „ porum & procerum comitatu pernoctantes, & debitum tanto Patri
 „ officium dignè peragentes; Rex ipse tamquam vnus de plebe, prope
 „ sanctissimi Corporis reliquias, nimio deuotionis zelo ardens, perno-
 „ ctauit.

§. V.

Aliud, & nouum Miraculum.

„ **C**Um autem aurora sequentis diei illucesceret, ad peragendum
 „ iter ad Vrbem Ticinensem, sistentes, nullo modo sanctum cor-
 „ pus mouere potuerunt. Cum igitur plures ad feretrum accederent,
 „ nec quidquam proficerent; Rex Luithprandus scissis vestibus, & de-
 „ formata

formata facie in terra devolutabatur : quippe qui immenso desiderio
tanti Patris transferendi Reliquias , ad urbem Ticinum æstuabat ni-
mis. at tum omninò ab omni spe ceciderat , posse amoueri sanctum
corpus.

Quo miraculo omnes Episcopi , & proceres stupebant : cogitan-
tes intra se , quidnam Deus Omnipotens indicare vellet de Reliquiis
tam glorioli Doctoris. Adderat inter cœtum Episcoporum , sanctæ
memoriæ Gratianus Nouariensis Ecclesiæ Præful , vir multâ doctri-
nâ præditus , & omni scientiarum genere illustris , & verè Dei Sacer-
dos : qui accessit confidenter ad Luithprandum Regem , affirmans
Dei misericordiam non verbis & actibus externis , sed magis votis &
operibus implorandam.

Quæ Rex libentissimè monita audiens , facto voto deliberavit , si
Dominus Deus omnipotens , corpus beati Augustini deferri permit-
teret ; quod suprà nominatum prædium Sauinariense Deo & Ec-
clesiæ beati Petri , ad quam ipsum Corpus deferre volebat , perpetuò
habendum tribueret.

Factum est igitur , vt , cum votum persoluisset , accederet ad fere-
trum : qui cum Corpus de terra leuare tentaret ; ita leuissimum inue-
nit , vt nullo vltèrius onere impediante , Corpus beatissimum , quod
priùs nec moueri poterat à pluribus ; modò non prohiberetur ferri à
duobus. Peragebant igitur inceptum iter : ingenti gaudio & exulta-
tione laudantes Dei omnipotentiam , qui vota Regis tam facile au-
disset.

S. V I.

Reliquia Ticini cum exultatione deposita.

C Vm autem in Vrbe auditum esset de aduentu Regis cum Reli-
quiis beatissimi Confessoris ; ad suscipiendum Corpus sanctissi-
mum omnes qui residui fuerant , festinarunt occurrere : & cum sum-
mo honore , vtpote tanto Patri debito , detulerunt cum hymnis & can-
ticis , & totius populi concursu ; summo gaudio perfusi : & reposue-
runt in Ecclesiâ beati Petri in Cælo aureo.

Iure autem in Apostolica positus est Ecclesiâ , qui pro Ecclesiastica

L III 2

dimicans

„dimicans fide, diabolicas hæreticorum fraudes disperfit. Vbi etiam ad
 „sanctitatis eius testimonium: ad argumentum fidei posterorum; mul-
 „tis signis & miraculis claruit.

„Illud memoriâ dignum contigit, post translationem Papiam fa-
 „ctam, quò Deo, beatoque Patri Augustino gratam fuisse eam transla-
 „tionem innotuit: si quidem multi tactu sacrorum pignorum tantum,
 „ex variis morbis statim conualuere.

S. VII.

Augustini mira, & miraculosa apparitio.

„S Ed insignis fuit illa apparitio, facta quibusdam Ultramontanis, nu-
 „mero quadraginta: qui petentes Romam, propè viculum Cauæ,
 „Papiâ distantis circiter tria millia passuum, quò membra fessâ à longo
 „itinere curarent, pernoctantes; circa secundam horam noctis, ab Ec-
 „clesiâ quæ vicina erat, dicata sanctis Martyribus Cosmæ & Damia-
 „no, viderunt egredi hominem habitu Pontificali ornatum: qui ipsis
 „appropinquans percunctatus est, quò pergerent?

„Cum respondissent, se Romam ad Basilicas sanctorum Petri &
 „Paulli proficisci: quatenus à Domino impetrarent liberari ab infir-
 „mitatibus, quibus vnusquisque eorum afflictabatur: (Erant enim om-
 „nes infirmi, ideo Romam peregrinabantur, tum vt viscerent sancta lo-
 „ca, tum vt sanctorum meritis ibi quiescentium Deus eos sanaret;) di-
 „xit illis Pontifex: Dirigite gressus vestros ad Urbem vobis vicinam,
 „Papiam nempe; & ingredimini templum beati Petri in cælo aureo:
 „ingressi sanabimini a languoribus vestris.

„Quis esset interrogâtibus peregrinis, respondit se esse Augustinum,
 „Hipponensem Episcopum. His auditis stupore & gaudio repleti, festi-
 „nantes Papiam & templum ingressi, clamantes dixerunt: Sancte Au-
 „gustine sicut pollicitus es, restitue nobis sanitatem. His vix pronuntia-
 „tis, senserunt se pristinæ incolumitati redditos: & Deo beatoque Au-
 „gustino gratias agentes, ad propria læti & incolumes remearunt: nar-
 „rantes mirabilia quæ fecerat Dominus, intercessione tanti Doctoris.

S. VIII.

S. VIII.

Luithprandi munificentia: & chronographia Translationis.

Dona autem quæ piissimus Rex Luithprandus, Ecclesiæ beati Petri donavit, tam in prædiis & possessionibus, quàm in vasibus aureis & argenteis, ad Dei cultum pertinentibus; excedunt omnium priorum & Catholicorum opinionem.

Existimabat autem Rex ille, se tantum non posse donare ministris, qui custodiebant Corpus beati Patris, quod opinioni & voluntati suæ penitus satisfaceret. Et tanto gaudio ad Corpus tanti viri receptum, repletus est; quod die ac nocte, in hymnis & canticis, cum Clericis & Sacerdotibus in Ecclesia pernoctaret, & tamquam vnus de ministris, in canticis Dei & Psalmodia se exercebat.

Hæc Translatio Corporis sancti Augustini, facta est pridie Kalendas Martij: sedente in sancta Petri Sede, bonæ memoriæ Gregorio, eius nominis secundo.

Excellentiam magnitudinis vestræ, per multa annorum curricula, Rex regum Christus Dominus, sua dignetur custodire potentiâ. Datum in Vrbe Mediolani, Anno salutiferæ Incarnationis Domini, Septingentesimo nonagesimo sexto. Ita Petrus Oldrad.

Quod annum attinet, quo memoratas Reliquias transferri contigit; ex tempore, quo tum in Africa, tum in Sardinia iacuerunt, secundum rationem quam init Baronius, depræhenditur fuisse Septingentesimus vigesimus quintus, Gregorij II. duodecimus: secundum alios Septingentesimus vigesimus primus. Eryc. Putean. in Synopsi Chronolog. l. 3. Histor. Insul.

S. IX.

Luithprandus in eâdem Ecclesiâ terra mandatus. Eodem illata Boëthij lipsana.

Porrò Luithprandus, qui tanto affectu & honore Augustini sacra lipsana profecutus fuerat, sepultus est in eodem Templo, ut nonnulli scribunt, ubi eadem collocari iusserat, Epitaphio, quod eius meminit his verbis :

*Flavius hoc tumulo Luithprandus conditur, olim
Longobardorum Rex inclytus, acē in armis,
Et bello victor. Sutrinum, Bononia firmant
Hoc, & Ariminum, nec non inuicta Spoleti
Mœnia, namque sibi hæc subiecit fortior armis.
Roma eius vires iam pridem milite multo
Obsessa expauit: deinceps tremuere feroces
Vsque Saraceni, quos dissipat impiger, ipso
Cum premerent Gallos Carolo poscente iuuari.
Hungarus à solo hoc adiutus: Francus & omnes
Vicini gratâ degebant pace per omnes.
Rege sub hoc fulsit, quod mirum est, sancta frequensq;
Religio, ut recolunt Alpes, Ecclesia quarum
Ius habuit vincente ipso, & prae grandia templa,
Qua viuens struxit, quibus & famosus in orbe
Semper, & aeternus lustrabit secula cuncta.
Præcipuè Petro caelesti hæc ade locatâ
Clauigero, statuit Calo quam prouidus aureo:
Augustinus vbi huc aliunde adductus eodem
Rege iacet, cuius doctrinâ Ecclesia fulget.*

Tradunt in idem templum intulisse Boëthij ossa, à Theodorico Arianis addicto non tantum relegati Ticinum, sed & interfecti: quæ ibidem quiescunt, hoc Epitaphio :

*Mæoniâ & Latîâ linguâ clarissimus, & qui
Consul eram; hic perij missus in exilium.
Et quia mors rapuit, probitas me vexit ad auras,
Et nunc fama viget maxima, viuunt opus. E. Putean. hist. Insul. l. 1. & 3.*

Sed

RELIQUIARVM S. AVGVST. TRANSLATIO. 841

Sed præteriri non debent, quæ de Translatione S. Augustini, & sacrarum eius reliquiarum Ticini depositione, refert *Bern. Saccus lib. 10. Hist. Ticinens.* his verbis: Ædificauerat Luithprandus Rex insigne templum, quod D. Petro dicauerat, Monasterio adiecto: quem locum ab æris salubritate, appellauit Sanctum Petrum in Cælo Aureo. Quod Monasterium eâ ætate situm extra Papiæ mœnia erat, hodie autem intra ciuitatem receptum.

In templo itaque Diui Petri, à Luithprando ædificato, conditum Augustini Corpus fuit. Et ne facile resciri posset, quo loco Corpus esset; serunt Luithprandum tribus locis effossis, structisque sepulchris, alibi deinde nocte paucis operi adhibitis iussisse Corpus condi: omnibus simul sepulchris eadem nocte oclusis: vt certa Corporis sede ignoratâ, difficilior in æuum fieret occasio eius perquirendi, rapiendique.

Constructum deinde alio sæculo sacellum fuit, in quo Arca illa marmorea ac celebris composita est, Augustini sepulchrum representans, ita *Saccus apud Ios. Pamph.*

S. X.

Reliquiarum custodes tandem Eremitæ Augustiniani, fauentibus Ioanne XXII. & Ioanne Bohemiæ Rege.

TEmporum deinde lapsu, in eorum locum quos Reliquiarum Anno custodiæ Luithprandus deputauerat, Monasterio iuxta Ecclesiam Sancti Petri, vt iam diximus, extructo; Monachi Benedictini 1327. successerunt: hisque aliò translatis, Canonici Regulares Congregationis Frisonariæ: eisdem deinde adiuncti, erecto altero cœnobio, concessione Ioannis XXII. circa Annum M. CCC. XXVII. (Generali Priore Guilielmo Cremonensi) Eremitæ Augustiniani: qui etiamnum ibi perseverant, Canonicis Regularibus iam possessione priores: quandoquidem Frisonarij Anno C. D. D. VIII. Lateranensibus locum suum cesserint, habitantibus tum in eadem Ciuitate Papiensi ad S. Epiphanium. Videri potest. *Crusen. 2. p. 6. 12. & 3. p. 6. 13.*

M m m m

Sunt

Sunt qui scribant, adeo singulari studio hanc sacri Corporis custodiam Generalem Guilielmum effectasse; ut ei muricem Cardinalium posthabuerit, quem Papa Ioannes offerebat: induxisse verò vniuersum Ordinem, ut collatâ stipe, intra breue temporis spatium, Monasterium emta areâ à fundamentis erigeret: probante & fauente Ioanne Bohemiæ Rege, cui tum Ticinum parebat.

Is Ioannes est Caroli IV. pater, qui Gallorum partes contra Anglos secutus, prælio ad Cressiacum sagittâ vulneratus occubuit, vnaque cum eo flos nobilitatis Gallicæ. De quo Krantzius refert, etsi esset cæcus, pugnas in hostes: cumque audiret fortunam suæ partis inclinare, ductorem suum interpellasse, ut se eò dirigeret, ubi confertissimi hostes erant, ibique fortiter præliantem cecidisse.

Operæ autem pretium est, Breuis, ut appellant, Apostolici frustum aliquod exhibere: *Dignum arbitramur & congruum, ut ubi tanti Doctoris & Præsulis Corpus cumulatam quiescere dicitur; ibi vltra id quod sibi honoris & laudis ab vniuersali exhibetur Ecclesia, singulari quadam reuerentiâ ab Ordine Eremitarum & fratribus eiusdem Ordinis, qui sub eiusdem Patris regula degit & sancta obedientia militatis, quique diuinis insistunt laudibus, vacatis orationi, intenditis exhortationi, insudatis studio, & animarum saluti propensius inuigilatis; specialiter honoretur: quatenus inibi tamquam membra suo capiti, filij Patri, Magistro discipuli, Duci milites coherentes; Deo & ipsi Sancto, auctoritate fulti Apostolicâ præcordialius iubiletis, ubi vestri Patris & Ducis Augustini noueritis reliquias fore sepultas, &c.*

E P I L O G V S.

Atque hæc sunt quæ quàm breuissimè potui, de tanto Præsule & Doctore, quantus equidem Augustinus fuit, habui dicenda: cuius aliòquin Vitam multi miserè & imperitè miscuerunt, ut quid in ea sit primum, quid secundum, nequeas vel sagaciter intuendo discernere. Supplere quæ omiſsa sunt (quis enim sigillatim omnia narrasse potest?) curis secundis adlaborabimus.

F I N I S.

VITÆ,

V I T Æ,
ET RERVM GESTARVM
D. AVRELII AVGVSTINI
HIPPONENSIS EPISCOPI
CHRONOLOGIA.

Anno
Christi

354.



ASCITVR Tagastæ, Idibus Nouembris, Parentibus Patritio & Monica.

Tagastæ & Madauris dat operam litteris Puer adhuc, inter hunc & sequentem annum.

371. Studiorum causâ mittitur Carthaginem.

373. Carthagine in Manichæos incidit, & seducitur.

374. Categorias Aristotelis ibidem, per se legit & intelligit. Omnes item Artium Liberalium, Arithmeticæ, Geometriæ, Mathematicæ, &c. libros, quos habere potuit.

380. Scribit de Pulchro & Apto: quod inscribit Hierio Romanæ Urbis Oratori. hoc Opus intercidit.

383. Audit & interrogat Faustum Manichæum. Romam, inde Mediolanum venit, euocatus ad Scholam Eloquentiæ.

384. Nutare incipit circa vitæ modum. Nutantem Mater Monica, Mediolani offendit. Varij æstus eius.

M m m m 2

Sim-

386. Simplicianum adit, & super iis consulit.
387. A reditu, audit Potitianum : voce missâ cælitus admouetur : atque ad Deum conuersus fit Catechumenus.
Renuntiat professioni publicæ.
In Villa Cassiciaco, inchoat Libros contra Academicos. Scribit de vita Beata, die suo Natali Idibus Nouembris.
Psalterium matri suæ concinnat.
Scribit Libros de Ordine.
Per litteras Nebridium affatur.
388. Soliloquiorum libros duos, suâ manu conscribit.
Redit Mediolanum.
Mediolani scribit de Immortalitate Animæ: libros item de Grammatica.
De Dialectica, de Rhetorica, de Geometria, de Arithmetica, de Philosophia, sola Principia remanserunt.
De Musica, libros quinque : sextum postea.
Diebus sanctis Paschæ baptizatur ab Ambrosio, vnâ cum Alipio, Adeodato, &c.
Simul cum Baptismo, Monachismum suscipit. Hymnus, Te Deum Laudamus.
Romam abit cum suis.
389. Romæ, baptizatus iam, pleraque conscribit, vt sunt, De moribus Ecclesiæ Catholicæ, de moribus Manichæorum: De Quantitate Animæ. Inchoat & libros de libero Arbitrio.
Apud Ostia Tiberina, 4. Maij Monica moritur. Ipse soluit in Africam cum suis.
390. Scribit de Genesi contra Manichæos, libros duos.

De

De Magistro, in quo loquitur cum filio Adeodato.

De Vera Religione ad Romanianum.

391. Fit Presbyter: adscitisque sociis, inter quos Possidius,
Monachismum continuat, sed & scriptionem.
Liber de Utilitate Credendi ad Honoratum.
De duabus Animabus contra Manichæos.

392. Disputatione, Fortunatum Manichæum prostermit.

393. In Plenario Africæ Concilio Hippone, disputat de Fide
& Symbolo.

Libri de Sermone Domini in Monte.

Psalmus ABCdarius contra Donatistas.

Contra Adimantum Manichæum.

Expositio Epistolæ ad Romanos. Ad Galatas.

Primiani & Maximiani schisma.

Synodus Maximianistarum Cauernis Sufis, & Cebar-
fussi, contra Primianum.

Hieronymo Augustinus innotescit.

Liber de mendacio.

394. Hieronymi & Augustini vtròque citroque Epistolæ plu-
res.

Bagaiensis Donatistarum Synodus, celeberrima in qua
Maximianus damnatus.

395. Fit Episcopus Hipponensis, in Aduentu circiter.

396. Clericos assumit: cum quibus in domo Episcopali, in
communi viuit.

397. Multa Episcopus conscribit, quæ Didactica, quæ Pole-
mica.

M m m m 3

Libri

Libri ad Simplicianum Episcopum Mediolanensem.
 Contra Epistolam fundamenti.
 Contra Faustum Manichæum.
 De Agone Christiano, &c.

398. Petiliano Donatistarum Episcopo Cirtensi siue Constantinensi, responder.
 Confutat Epistolam Parmeniani.
 Scribit de Baptismo, libros septem.
399. Orditur libros de Doctrina Christiana: de Trinitate:
 De Genesi ad litteram.
 Libri XIII. Confessionum.
 De Consensu Euangelistarum.
 Quæstiones, Annotationes in Matthæum, Lucam, Iob, &c.
 Liber de Natura Boni contra Manichæos.
 Contra Secundinum Manichæum, &c.
 Paganorum Calamæ insolentiam coercet.
 Ibi tum Episcopus Possidius.
 Epistolæ ad Nectarium.
400. Liber de Vnitate Ecclesiæ, ad Diocæsis suæ Presbyteros, &c.
401. Interest Synodo Carthagenensi, in causâ Donatistarum, sedente Romæ Anastasio.
402. Item Concilio Mileuitano in eadem causâ, sub Innocentio I.
403. A Circumcellionibus per insidias quæsitus ad mortem.
 Interest Concilio Carthagenensi.
 Pelagius & Celestius innotescunt.

Episco-

404. Episcoporum Africae Legationem ad Honorium contra Donatistas, mitigat Augustinus.
Donatistae ferociunt.
Disputat cum Felice Manichæo, qui Manichæismum eiurat.
405. Pœnis hæreticos corrigi, dum videt Augustinus; priorem suam sententiam mutat.
406. Libri contra Cresconium Grammaticum Donatistam. Radagaisi Gothorum Regis exercitus, plusquam centum millium, in Italia cœsus, nemine vel læso Romanorum.
407. Petilianus & Augustinus, scribunt ambo de Unico Baptismo.
408. Pelagius Romæ hæreses suas disseminat.
409. Metu Alarici Gothorum Regis, Româ profugiunt Pinianus, Melania, &c. Iuliana, Demetrias, &c.
410. Romanæ Urbis excidium per Gothos, rege eorum Alarico.
Paullinus vinculis oneratus à Gothis.
411. Collatio Carthaginensis Catholicorum & Donatistarum celeberrima.
In ea, Donatistae succumbunt, sententiâ Marcellini V. C. Cognitoris.
Librorum de Ciuitate Dei occasio, & exordium, est Urbis excidium.
Pelagius & Celestius in Africa agunt, Româ profugi. Inde, hic Carthagine damnatus, in Siciliam: ille in Palæstinam, euadit.

Contra

Contra eos Augustinus scribere orsus : cū solis antea sermonibus oppugnasset.

Libri de Peccatorum meritis & Remissione.

412. Litteræ Augustini ad Volusianum, V.C.
Ad Honoratum.
Liber de Spiritu & Littera.
Epistola Octogesima nona.
Liber de Fide & Operibus.
Liber ad Donatistas post Collationem.
Cirtenses à Donatismo ad Catholicam conuersi.
413. Demetrias Virgo illustris, operâ Augustini mundanis pompis valedicit.
Marcellinus Cognitor V. C. occisus. Memoratur in Fastis Ecclesiasticis VIII. Idus Aprilis.
Marcellino in Africâ succedit Dulcitius.
Donatistarum Synodus.
414. Orosius Presbyter innotescit,
Augustini liber ad eum, contra Priscillianistas & Origenistas.
Orosij Historiarum Libri VII. contra Paganos, inchoati.
Orosius in Palæstinam ad Hieronymum ab Augustino missus, pro addiscenda Origine Animæ.
415. Liber Augustini de Natura & Gratia, contra Pelagium, naturæ vires deprædicantem.
Synodus Diospolitana siue Palæstina, contra Pelagium, agentibus Herote & Lazaro Gallicanis Episcopis.
In ea fraudulenter absolutus Pelagius.
416. Orosius ex Palæstina adfert in Africam Reliquias S. Stephani.

Eius

Eius postea in Africa multa Miracula.

Synodus Carthagenensis & Mileuitana contra Pelagium, iniungit Augustino vt eum oppugnet.

Damnatur & excommunicatur ab Innocentio Papa, Pelagius.

417. Augustini Liber de Gestis Palæstinis.
Epistola ad Paullinum.

Celestius Romæ præfens & Pelagius absens, apud Zozymum Papam purgare se satagunt.

418. Damnantur studio Patrum Africanorum à Zozymo, cuius sententiam secutus Imperator Honorius, eosdem Vrbe pellit.

Augustini Epistola ad Sixtum R. E. Presbyterum.

Libri de Gratia Christi, & Peccato Originali.

Epistola ad Dardanum conscripta.

Augustinus à Zozymo Papa in Mauritaniam legatus, Emeritum ibi Donatistam conuenit.

Exstant Acta huius Collationis.

Augustini Epistola 50. ad Bonifacium Comitem.

Scribit de Nuptiis & Concupiscentia, Librum primum.

419. Hunc Iulianus quatuor Libris refellere conatur.

Augustini Liber secundus de Nuptiis & Concupiscentia, prodit.

Epistola ad Hesychium.

Liber de Cura pro mortuis.

De O&o Dulcitij Quæstionibus.

Enchiridium de Fide, spe & charitate.

Libri locutionum Scripturæ sacræ.

Libri Quæstionum de septem Libris eiusdem Scripturæ.

N n n n

Libri

420. Libri quatuor de Origine animæ.
 Manichæi Carthagine detecti, Vrso Tribuno fata-
 gente.
 Celestius Imperatorio Edicto, Româ pulsus.
 Donatistas in Africa Dulcitius coërcet: cui Gaudentius
 scribit Episcopus Thamugadensis Donatista.
 Dulcitij & Augustini litteræ.
 Contra Gaudentium scribit Augustinus libros duos.
421. Libri duó de Adulterinis Coniugiis.
 Totidem contra Aduersarium legis & Prophetarum.
 horum secundo, Capp. 7. & 8. Pelagiani in transitu per-
 stricti.
 Liber contra Mendacium ad Consentium, occasione
 Priscillianistarum.
422. Ariani in Africam effusi, cum Bonifacio Comite.
 Aduersus eos scribit Augustinus contra sermonem A-
 rianorum.
423. Libri quatuor ad Bonifacium Papam, contra duas Epi-
 stolas Pelagianorum.
 Antonius Episcopus Fussalensis depositus, prouocat ad
 Sedem Apostolicam.
424. Eam ob rem Litteræ Augustini ad Celestinum Papam.
 Libri sex Augustini contra Iulianum.
425. Errores Aduersarij hoc circiter tempore initium ha-
 bent.
 Eorum causâ scribit Augustinus de Gratia & libero
 arbitrio.
 Nec non de Corceptione & Gratia.
426. Adscito in Coadiutorem muneris Episcopalis Eradio,
 orditur

orditur Operum à se hæcenus compositorum examen: & conscribit Libros duos Retractionum.

Eodem tempore perficit Libros de Doctrina Christiana: De Genesi ad litteram: de Trinitate.

Numerati tum eius Libri, ducenti triginta duo, in Operibus nonaginta tribus, præter Epistolas & Sermones ad populum, & alia volumina quæ postea prodierunt: simulque faciunt Opuscula, mille Triginta & amplius, teste Possidio.

Speculum è Veteri & Nouo Testamento concinnatum: existat Tom. III.

427. Iulianus Pelagianus, octo Libros scribit, contra Librum secundum Augustini de Nuptiis & Concupiscentia.

Leporius in Africa, Augustini Opera conuersus.

Epistola Augustini ad Vitalem.

Pelagius & Celestius tota Italia pulsi, secedunt in Britanniam, solum suum natale.

Excidiij Africæ initia ingressu Vandalorum.

Sigisvultus Comes, contra Bonifacium missus in Africam, Maximinum Episcopum Arianorum, & Pascentium domus Regiæ Praefectum, itemque Felicianum, eodem adducit.

Disputat Augustinus cum Pascentio, Maximino, & Feliciano, Arianis.

Libri exstant contra hos conscripti.

Item Epistolæ ad Pascentium.

Epistola Augustini 180. ad Honoratum de fugâ Episcoporum, tempore bellorum.

Bonifacius prælio victus, Hipponem ciuitatem maritimam se recipit.

Africanæ Ecclesiæ, tribus demtis, omnes excisæ.

428. Semipelagiani è Gallia exorti, Massiliæ signanter; Augustini

N n n n 2

gustini eiusque doctrinæ obrectatores.

Inter hos Ioannes Cassianus , Vincentius Genuensis, Sulpitiûs Sèuerus , &c.

Augustini patrociniûm vindiciasque Prosper & Hilarius suscipiunt , veteres Augustini discipuli.

Contra Semipelagianos scribit Augustinus de Prædestinatione Sanctorum, & Dono perseverantiæ, planè diuinos Libros.

Quinque Libros Iuliani Operis secundi, Alipius ex Italia mittit ad Augustinum.

Lucubrans diu nocturque Augustinus, totidem alios Iuliano reponit : sed duo solummodò exstant, nuper reperti.

Hi vulgò vocantur , *Opus imperfectum*.

Scribit Librum De Hæresibus, ad Quod-vult-Deum.

430. Vandali Hipponem obsident : quo se Possidius pluresque alij Episcopi receperant.

Sermo Augustini tunc habitus, & Oratio ad Deum illis temporibus opportuna.

Tertio obsidionis mense in morbum incidit.

Migrat è vitâ V. KAL. SEPT. Ætatis LXXVI.

Ab Imperatore Theodosio, mortis eius ignaro, vocatur ad Concilium Ephesinum contra Nestorium.

431. Damnatur in Synodo Ephesinâ Nestorius, iam pridem ab Augustino prædemnatus.

504. Reliquiæ S. Augustini ex Africa transferuntur in Sardiniam, per S. Fulgentium Episcopum Ruspensem.

725. Inde transferuntur Ticinum, per Luithprandum Longobardorum regem.

INDEX

INDEX PRIMVS,

QVI PROPRIE

AVGVSTINVM TANGIT.

AVGVSTINI pueritia & adolescentia
vsque ad annum atatis xxx.

Augustinus nascitur Tagasta. 1. Pa-
ter ei Patritius, mater Monica:
moribus ac fide diffares. 2. Frater, Na-
uigius. 6. soror, vidua Deo seruans, diu
proposita anillarum Dei. 6. 122. alij
con sanguinei. 6. Magister in Rhetoricu
Democritus. 9. mæcenas siue fautor stu-
diorum, Romanianus. 9. 12. 17. 19. 41.

Augustinus nomen Christi seruatoris
cum lacte matris imbibit: vnde ei per re-
liquam atatem ex toto non placebant,
quacumque sine hoc nomine. 13. puer à
Matre in religione Christianâ instructus,
& signare se signo Crucis. 10.

Scholas puer frequentat. 9. ludo dedi-
tus. 10. prima eius de Deo notiones.
ibid. abhorret à Primis Grammaticæ ru-
dimentis; Litteris præsertim Græcæ, ut
peregrinis. ibid. ac delectatur fabulis
Poetarum audiendis, & spectandis. ibid.
eger Baptismum flagitat. ibid. supra
alios condiscipulos proficit, ac Bone spei
puer à magistris appellatur. 10. 11. in
ludis puerilibus victoriam amat. 11. etiam
in paruis rebus Veritate delectatur. ibid.
Litterarum studia perficit Tagasta &

Madauris, ibid. dumq; sumtus prepa-
rantur ut Carthaginem abeat, vacat otio
& vitio. ibid. Matris monita pro anili-
bus habet. 12. nunquam tamen verbo in
illam durus aut consumeliosus. 52.

Mortuo patre, studiorum causâ mitti-
tur Carthaginem: domum & sumtus su-
peditante Romaniano. 12. illic amoribus
& spectaculis Tragicis irretitur. 12. 13.
Versatur inter caufidicos, tamen ab eo-
rum fraudibus abhorret. 13. Hortensio
Ciceronis excitatur ad amorem Philoso-
phia, & diuitiarum contemptum: in quo
hoc vnum displicet, quod in eo Christi no-
men non reperiet. ibid. Hinc ad Sacras
Litteras animum applicat: quas mox sa-
stidit ob styli simplicitatem. 14.

Annum iam agens atatis XIX. Car-
thagine incidit in Manichæos; promitten-
tes se illum claris rationibus, sepositâ au-
thoritate, ad Dei cognitionem introductu-
ros. 14. 15. Per nouem annos eis adha-
ret seductus & seducens: non Electus in-
ter illos aut Presbyter, sed Auditor tan-
tum. ibid. variè interim fluctuans, &
Veri inueniendi amore huc illuc propen-
dens, ibid. elatus subinde Victoriâ de
Christianis, fidem suam qua poterant ra-
tione defendentibus. 15. 16. 18. torque-

N n n 3

tur

I N D E X

tur præcipuè animo circa mali originem. 15. Semper credidit animæ immortalitatem, & post hanc vitam Dei iudicium ac tractus meritum. 8. 29. item, Deum gerere curam rerum humanarum. 27. Epicuri alioquin sententiæ de Finibus bonorum & malorum deditus. 8.

Annos natus XX. Categorias Aristotelis per se legit, & intelligit: omnes item Artium liberalium libros, Arithmetica, Geometria, Mathematica, Musica, &c. 16. 17.

Redit Tagastam, ibiq; Grammaticam docet: domo eum ac solito favore excipiente Romaniano, matre errores eius detestante ac plangente. 17. 18. amici morte consternatus, cuius in morbo cubantis Baptismum irriferat, solum mutare statuit. 18. magnus æstimator amicitia & amicorum, quos gratis diligit. 9.

Abit Carthaginem, renitente primùm Romaniano, mox iuuante. 19. Carthagine Rhetoricam docet. ibid. Discipuli eius Alipius, Licentius, Eulogius Rhetor, aliique. 6. 8. 9. 27. asciscit sibi quandam illegitimo contugio, cui thori fidem seruat. 19. Carminis Tragici certamen initurus, Aruspici sibi Victoriæ inuocatione demonum spondentem abominatur: Mathematicis interim Planetariis addictus. ibid. Fastidit discipulorum mores, & amicos colit. Spes vanas animo voluit. 19. 20. Scribit de Apto & Pulchro, ad Hierum Romana urbis Oratorem. 20.

Interest disputationi Heliidij contra Manicheos, à quibus animo alienari incipit. 20, 21. Varius quæstiunculus Mani-

cheos tentat: quibus neque ipsi satis respondent; neque qui tum aduenerat Faustus, per nouem annos Augustino promissus. 21. 22. eis tamen adhaerere statuit, donec melius aliquid inueniret. 23.

Romam proficiscitur instigantibus amicis, sed inscio Romaniano & delusâ matre. ibid. Rhetoricam Roma proficitur, & versatur cum Manicheis, sed aliquanto remissiùs, magis in Academicos propendens. 23. 24. Mediolanenses interea à Symmacho Urbis præfecto petunt sibi prouideri de Magistro Rhetorices. Is eò destinat Augustinum, dictione propositâ probatum. 24. Alipius Roma inuentus ab Augustino, vnâ cum illo Mediolanum proficiscitur. 7.

Augustinus Mediolani ab Ambrosio benignè suscipitur. 24. Imperatori (qui videtur fuisse Maximus) & Bauto Cos. panegyricum recitaturus; viso in plateis mendico, cupiditatum suarum vanitatem animaduertit. 25. Ambrosij concionantis facundiâ ducitur, rerum negligens: qua interea vnâ cum verbis percepta, tandem persuadent fidem Catholicam defendi posse. 25. ita nec Manicheus iam, nec catholicus, cum Academicis fluctuat: in Catholicam tamen propendens, tantisper in eâ Catechumenus esse statuit, dum certi aliquid elucesceret. ibid. ita nutantem Monica Mediolani inuenit, terrâ marique filium insecuta, deq; eius conuersione fiducia in Deum plena. 3. 26. Venit eodem ex Africâ Nebridius. 8.

Augustinus Ambrosij frequens auditor, magis magisq; disponitur ad intelligendam Dei

AUGUSTINIANVS.

Dei naturam, & fidem adhibendam Scri-
pturæ sacris. 26. 27. Videtq̃, pudore
permixto gaudio, se tot annos non contra
Catholicam fidem (quam longè aliam
imaginatus fuerat) sed contra cogitatio-
num suarum figmenta, latuisse. 26. Eu-
logio Rhetori Carthagenensi locum diffi-
cilem abiens per somnium exponit. 27.

Deliberat cum Alipio & Nebridio de
vitæ genere eligendo 27. serò quidem, ut
ipse censet, dum per annos undecim differt
& differtur. 28. inclinatur ad uxorem
ducendam: dissuadente Alipio, ut Sapien-
tia remoram; annitente matre. ita de-
spondetur ei nondum nubilus. 28. quo per-
cepto deserit eum concubina, voto sacro
alium se vitum nescituram. 29. percussit
ipse metu mortis ac Iudij. ibid.

Agit cum Romaniano (qui tum sorte
negotiorum suorum causâ Mediolanum
venerat) de Vitâ communi & Sapientia
vnâ inquirende studio. 28. hoc consilium
uxores euerunt, quas habebant quidam
suorum, ipse habere volebat. ibid. perseue-
rat nihilominus in eius vitæ desiderio. ibid.
Æstuat animo circa Dei naturam, & Mali
originem. 29. 30. Mathematicos deserit, ad-
hortante Firmino: credit Scripturæ Sacræ,
& vnâ salutis spem in Christo collocat. 30.

Lectio Platonicorum proficit ad re-
rum humanarum contentum. 31. apud eos-
dem reperit non pauca doctrina Christiana
consonantia. 31. 33. velut in extasi audire
sibi videtur: Cibus sum grandium, cresce
& manducabis me. 31. Mali originem
inuenit. 31. 32. sed errat in personâ
Christi, non percipiens quid Sacra-

menti haberet, Verbum caro factum
est. 32. 33.

A Platonicis transit ad Scripturæ Sa-
cræ lectionem. 33. 36. Paulum Aposto-
lum legit præ ceteris: atque in eo vera Phi-
losophia faciem, & Gratia vbique com-
mendationem agnoscit. 33. 34.

AUGUSTINI Conuersio, Ba-
ptismus, aliaque vsque ad
Presbyterium.

Somnium Monica diuinitus immissum
de futura filij conuersione. 18. respon-
sum Episcopi eidem datum. ibid.

Augustinus de Deo iam satis edoctus,
totus ad eum anhelat: nisi quod vnâ ad-
huc compede tenetur uxoriâ. 34. & ali-
quâ fortassis honoris illecebrâ. 35. Eum
excitat Simplicianus ad spes vanas abici-
endas, & sectandam Christi humili-
tem, Victorini Rhetoris exemplo. 34. 35.
huc accedunt, Antonij, & aliorum exem-
pla, à Poritiano narrata: quibus exstimu-
latus ad vitam Monasticam, & supra mo-
dum commotus, secedit in hortum, sequen-
te Alipio. 36. 37. carnis ac spiritûs in
eo lucta, & Pudicitia ac Voluptatis certa-
men. 37. Sub ficu prostratus, voce cali-
rûs demissâ admonetur: ac planè ad Deum
conuertitur: gaudente Monica ac Deo gra-
tias agente. 38. 39.

Abicit cogitationem de ducendâ uxore,
& Professioni publica renuntiare statuit,
vni mox Deo & Sapientiæ vâcaturus. 39.
Per ferias Vindemiales secedit vnâ cum
Matre & amicis in villam Cassisacum,
hanc

I N D E X

hanc eis commodante Verecundo, Grammatico Mediolanensi. 40. Ibi iam Catechumenus inchoat Libros contra Academicos. ibid. & professioni publica renuntiat. 42. Ruri existens delectatur assiduâ meditatione ac recitatione Psalmorum, præcipuè Psalmi quarti. 41. ibidem diem suum Natalem celebrat, disputatq; ac scribit de Vita Beata ad Manlium Theodorum: item De Ordine, ad Zenobium. 42. à dentium dolore miraculosè sanatur. 43. Ambrosium per litteras de statu suo edocet, consulq; quid sibi de Libris Sacris præcipuè legendum censeat. ibid. totus inhiat vera Sapientia, à vanis cupiditatibus liber ac solutus: cibo, potu, balneis moderatissimè vitur. 44. conscribit Libros Soliloquiorum, disputatq; per Epistolas super variis questionibus cum Nebridio absente. ibid.

Rure Mediolanum reuersus, scribit de Immortalitate anime: ac libros Disciplinarum, siue de Grammaticâ, Musicâ, Rhetoricâ, Dialecticâ, Geometricâ, Arithmeticâ, & Philosophiâ partim inchoat, partim perficit. 44. 45. consulit Ambrosium de ieiunio Sabbati. 25. & ab eodem, vnâ cum Alipio, Adeodato, aliisq; baptizatur. ibid. Hymnus Te Deum laudamus ab Augustino & Ambrosio decantatus. ibid.

Vnâ cum Baptismo Monachismum suscipit, ac vitam cum suis communem agit: quibus se Euodius adiungit. 46. Agitato cum suis consilio, quo loco commodissimè Deo seruire possent; in Africam cogitat. 47.

Mediolano Romam abit, ibiq; scribit de Moribus Ecclesiæ Catholica, & de Moribus Manichæorum, ad horum errores ac fictam sanctitatem Orbi detegendos. 48. item Dialogum de Anima quantitate, & Librum primum De Libero arbitrio contra Manichæos, malum in Deum auctorem referentes. 49. 51.

Venit ad Ostia Tiberina, inde cum suis in Africam solaturus. 51. cum matre colloquitur de vitâ æterna sanctorum, atque in eius contemplationem totus abripitur. 52. matrem ibidem amittit ac sepe- lit, ingressus ætatis annum XXXIV. eius mortem quomodo luxerit. 52. 53.

Soluit in Africam, & Carthagine suscipitur ab Innocentio. 53. inde abit Tagastam, ibique serè triennium exigit, Monasticam vitam ducens cum iis qui illum ex Italia comitati fuerant. 54. agellulos suos diuendit ac pauperibus distribuit. 47. 56. 345. præsentibus & absentibus Sermonibus ac libris docet, scribitq; de Genesi contra Manichæos, & Librum de Magistro, item de Verâ Religione ad Romanianum. 54. 55. hinc & censendus initium sumpsisse Liber Octoginta trium questionum. 54. proficiscitur Hipponem, vt amicum quemdam Deo & Vita Monastica lucretur. 55. gaudet id vitæ genus per ministerium suum aliis persuasum esse. 47.

AUGUSTINVS PRESBYTER.

Hipponem adueniens abripitur à populo Hipponensi ad Presbyterij gradum. 56. 345. petit tempus sibi dari, ad
munus

AUGUSTINIANVS.

munus illud risè obcundum. 56. Ordinatur à Valerio inuitus, atque vberim flens. ibid. Ceres Paschalis praconium componit, ac decantat. ibid.

Monachium Presbyter continuat, atque alterum Hippone Monasterium fundat in horto à Valerio ad id conuesso. 56. 57. Popsidum adquisit. 57. Euodius, & Asipius eidem conuincunt. 57. Aurelius Carthagin. Episcopus, Augustino per litteras gratulatur: cum Augustinus adhortatur ad prauorum morum in Ecclesia Africana extirpationem. ibid.

Scripturarum studio totus incumbit. 58. Verbum Dei prædicare incipit. 62. primus in Africâ coram Episcopo nonnùm Episcopus concionatur. ibid. rarissime tacere atque alios (quod maxime cupibat) audire, illi permittit. ibid. ad populum orantis tractatus Hæretici pariter & Catholici adhibitis Notariis excipiunt. 67.

Scribit varia ut amicos quosdam à Manichæismo ad Christum adduceret: De Virginitate credendi ad Honoratum, & De Gratia noui Testamenti. 65. De duabus Animabus. 65. 65.

Disputat publicè cum Fortunato Manichæorum Presbytero, eumq; prostermit. 66. 67. Ecclesia Africana eius Doctrinâ proficit. 67. Hippone in plenario Africæ Concilio iudentibus Episcopis de Fide & Symbolo disputans, omnes in sui admirationem & amorem abripit. 67. 76. Orditur Libros de Genesi ad Litteram, sed operis difficultate deservitus ab eo perficiendo interquiescit. 68. perfectum vitæ Christianæ modum complectitur Libro de Sermone

Domini in Monte. ibid. Donatistas oppugnare incipit. 68. 69. scribit contra Adimantum, Manichæi discipulum. ibidem.

Libros sacros domi Fratribus suis exponit. 71. inchoat expositionem in Epist. D. Pauli ad Romanos: labiturq; in errorem qui postea fuit Semi-pelagianorum, quem deinde Episcopus factus corrigit ac reuertat. 71. 72. 126. 609. Mathematicos refellit. 73.

Augustinus Hieronymo innotescit, cumq; eo per Litteras disputat super Legalibus & Mendacio, manuq; dare compellitur. 73. scribit de mendacio. ibid.

AUGUSTINVS EPISCOPVS.

Valerius Hippon, Episcopus, veritus ne Augustinus ab aliis Ecclesiis sibi præriperetur, petit à Megalio Numidia primatè, aliq; Episcopo, ut se viuente eiusdem Ecclesiæ Coepiscopus ordinetur. 76. annuunt omnes excepto Megalio, qui confectum crimen de amatorio poculo Augustino obicit. ibid. hac de causâ coactò Episcoporum Concilio, facti pœnitens Megalius, veniam admissi petit. ibid.

Augustinus ordinari suo viuente Episcopo refusat: sed rationibus & exemplis allatis tandem succumbens, ordinatur à Megalio, anno ætatis xli. completo. 77. verum hunc Ordinandi modum postea cognito Nuzani Canone, damnat: & nè vlrâ in aliis contingat, in Concilio Carthaginensi cauet. 77. 561.

Factus Episcopus Vitam communem continuat,

0000

INDEX

tinuat, & in domo Episcopali instituit Monasterium Clericorum, multorum Episcoporum seminarium. 113. 114. Episcopi aliquot enumerati, qui ex eius disciplina & contubernio assumpti, vitam Monasticam continuaverunt ac propagaverunt. 116. Augustinus quot annis cum Valerio sederit? 562. Vox Deo Gratias Augustino & Augustiniano familiari. 119. eam Augustinus commendat, & defendit contra Donatistas obrectatores. ibid. Orationem eius ad Deum crebro usurpatam, Da quod iubes, & iube quod vis; ferre non possunt Pelagii aures. 79. in scripturis Sacris fundatam probat Augustinus. 343. 344. Annulus Augustini signatorius quod signum habuerit. 587.

Augustini in Episcopali munere varia occupationes. 417. 465. 499. Causas audit & dirimit summâ diligentia & integritate, sæpè totam diem ieiunus. 463. Vix quinque dierum otium impetrat, ut ex duorum Conciliorum mandato contra Pelagium scribat. 460. 561. In docendo & admonendo populum suum assiduus. 88. nonnumquam bis in die concionatur. ibid. etiam peregrè ad concionandum expetitus: præcipuè Carthagine. 109. Calamam proficiscitur ad coercendam illic Paganorum insolentiam. 277. Crebrè Ecclesias Catholicas visitat, atque instruit. 296.

Augustinus interest pluribus Conciliis. Carthaginensi in causa Donatistarum, sub Anastasio. 285. Milevitano, in eadem causa sub Innocentio I. 289. alteri Carthaginensi, in eadem causa. 209. Unus ex septem Episcopis electis ad disputandum

in Collatione Carthaginensi, contra totidem Donatistas. 366. interest Concilio Cirtensi contra Donatistas. 425. Milevitano, in causâ Pelagii. 458. inde redit Carthaginem, & à Milevitana simul & Carthaginensi Synodo provinciam accipit scribendi contra Pelagium. 460. interest alteri Conc. Carthaginensi in eadem causa. 488. 489. Legatus à Zozymo Papa in Mauritaniâ. 496. 499. à Theodosio imp. vocatur ad Concilium Ephesinum contra Nestorium. 660.

Augustinus Hippone visitatur à Piniano, Albinâ, & Melaniâ: quæq; ibi tum contigerunt. 344. iidem ex Palestina significant Augustino Pelagium à se inductum errores suos recent. ass.; quibus Augustinus respondet libro de Gratia Christi, & Pelagii fraudes detegit. 494.

Augustinus Proba & Iuliana nobiliss. feminæ ministerium verbi Carthagine impertit. 427. ab iisdem accipit munus de consecratione Demetriadis Virginis, quæ Augustini hortatu Sanctimoniam professæ erat. ibid. Scribit librum ad Probam de Orando Deum. 123. 427. Iuliana & Demetriadi antidotum propinat contra pestilentem Pelagii Epistolam. ibidem aliarum feminarum pius Doctor. 124. 125.

Augustinus Orosium ad se ex Hispania venientem, contra Priscillianistas instruit. 431. 432. eidem auctor est scribendi libros Historiarum contra Paganos. 434. eundem mittit cum Litteris suis ad Hieronymum in Palestinam ad exquirendam eius sententiam de Anima Origine. 433. 452.

Augustinum

AUGUSTINIANVS.

Augustinum Hieronymus quanti feceris. Vide Hieron. in Indice Gen.

Augustinus S. Stephani Reliquiis ab Oratio delatus in Africam. Oratorium excitat, & miracula describit. 468. & sequi. S. Stephanum ante alios colit atque inuocat. 529.

Augustinus quid senserit de miraculis? 475. Martyrum cultu & inuocatione? 328. 329. Sepulchra ad memoriam Martyrum? 509. De Eucharistia Sacramento, Sacrificio, & Altari? 510. 511. De panis Hæreticorum? 316. 317. 318. de Episcoporum pro reis apud Iudices deprecatione? 399. de fuga Episcoporum ingruentibus bellis? 599. de consuetudinibus & ritibus Ecclesiarum? 601. de quotidiana sumptione Eucharistia? ibid. de vltima mundi die? 274. 507. de Dei in priori Testamento apparitionibus? 589. de anathematis sententia ob vnius culpam in omnes domesticos vibrata? 411. 412. Eulogias siue Panem benedictum mitti ac recipi. 479.

Augustinus Bonifacium Comitem euocat à proposito saeculi deferendi, quod eius militiam indueret Ecclesie magis utilem. 466. 578. cuius consilij postea cum peruenit. 467. alias coniugium & militiam raro iudat, neque facile in patria conuiuia adit, Ambrosij exemplo. 466. Augustini ad Bonifacium ob Vandalos in Africam euocatos, & qua inde secuta sunt, libera admonitio, 577: & sequent.

Augustinus Antonio Fussalensi olim à se commendato, cum expectationi non responderet, Episcopalis munus interdixit,

545. 546. eoque ad Apostolicam sedem appellante, scribit ad Celestinum Papam, & zelum quem habebat pro Dei Ecclesia ostendit. 546. 547. Paullum Cataquensem mordaci Charitate increpat. 548.

Augustinus speculator constitutus à Domino Domui Israel, modis omnibus salutis suorum intendit. 463. 464. Vitia increpat. 88. & sequent. Virtutes inculcat. 93. 100. 103. imperitos docet. 104. Hæreticos detegit, refellit, conuertit. V. infra.

Augustinus à se edita recognoscit, admirando in se rigore ac penè nimio. 557. 563. 578. in hunc finem coadiutorem Episcopali muneris adsciscit Eradium 558. cum prius Milenitanis Episcopum dedisset, composito tumultu qui ibi enatus fuerat. 559. 560. non omnia recognouit. 566. 585. 610. 612. 622. perficit libros de Doctrina Christiana, de Genesi ad Litteram, de Trinitate. 564. Librorum numerus. 565. 567. Tempus quo quisque conscribitur, V. in Chronol. Scribendis occasio, suo loco aperitur aut indicatur.

Augustinus annum iam agens ætatis LXXIII. nihilum de solito animi vigore, & zelo Domus Dei remittit: Leporio & Vitali conuertendis studet. 570. 572. cum Pascensio, Maximino, Feliciano Arianis disputat: conscriptis insuper libris Arianismum oppugnat. 583. 585. 586. mox Sempelagianos in Gallia exortos refellit Libris de Dono persequantia & Prædestinatione Sanctorum, planè diuinis. 608. Sub ipsum vitæ finem simul & reliquis Opusculis retractandis, & quinque Iuliani libris refutandis incumbit: illis noctem, his dies

O o o o 2

impen-

INDEX

impensens. 612. 613.

Anno ætatis LXXVI. Hippone à Vandalis obsidetur. 625. eius tum Sermo, Oratio ad Deum, animi votum. 624. 625. tertio obsidionis mense in morbum incidit. 626. Miracula tum & alias patrata. ibid. ad mortem se parat Psalmorum pœnitentialium meditatione. 626. migrat è vita 627. In sepulturâ Missæ Sacrificium pro eo oblatum. 627. Clerus Africa, & Bibliotheca ab eo relicta. 628. à Theodosio Imper. per Ebagnium Magistrum vocatur ad concilium Ephesinum contra Nestorium: sed obierat Augustinus. 630. nullo tamen hæresis Nestorianæ lucro, quam pridem pluribus locis prædammaverat prius quam oriretur. 631. 632.

Augustini Reliquiæ ex Africa in Sardiniam translatae per S. Fulgentium Episcop. Ruspensẽ: ubi quieverunt annis CXXI. 633. 634. postmodum è Sardinia Ticinum allata, ibiq; condita à Luithprando Longobardorum rege. 635. 637. miracula eius ibidem. 636. 638. Luithprandus in eadem Ecclesia terra mandatus: eodemq; illata Boëthij lipsana. 640. Caroli Magni iussu, Translationis historiam scribit Petrus Oldradus Episcopus Mediolan. 634. Reliquiarum D. Augustini custodes à Luithprando constituti. 639. 641. quibus succedere Monachi Benedictini, atque hi Canonici Reg. Congregationis Frisonaria: quibus additi Eremitæ Augustiniani, sub Ioanne XXII. 641. 642.

AVGVSTINI GESTA AC SCRIPTA CONTRA VARIOS ECCLESIAE HOSTES.

Contra Manichæos.

AVGVSTINVS statim à Baptismo Manichæos oppugnat. scribitq; Roma contra eos de Moribus Ecclesiæ & De Moribus Manichæorum. 48. item Librum primum De Libero arbitrio: cui deinde in Africa duos alios adiecit. 49. item De Genesi duos. 54.

Iam Presbyter, Honoratum amicum suum à Manichæismo reuocat scripto libro De utilitate credendi, & alio De Gratia

novi Testamenti. 65. utq; plures ex amicis eodem errore detentos lucretur, scribit librum de Duabus animabus. 66.

Disputat publicè Hippone cum Fortunato, Notariis dicta excipientibus, eumq; pefsumdat. 66. 67. 130. Scribit contra Adimantum Manichæi discipulum. 69.

Factus Episcopus scribit cōtra Epistolam fundamenti, ac Manichæismum funditus euertit. 127. item De Agone Christiano. 128. Faustum, eorum coryphæum refellit libris triginta tribus. 131. 132. Manichæos

AUGUSTINIANVS.

chaos aliquot Hippone detegit, atque Vrbe
pelli iubet. 132. Scribitq; contra eos De
Natura boni. 13.

Scribit contra Secundinum, qui Roma
existens Augustinum per litteras monue-
rat, ut a Manicheu insectandis desisteret.
133. plura contra eos scripta. ibid.

Disputat publice cum Felice Manichaeo-
rum Ecclo; qui mox conuictus, praesente
Augustino Manichaum eiusque doctrinam
curat. 315.

Manichei Carthagine detecti, in iudicio
coram Vrjo Tribuno ab Episcopis (maxime
Augustino) pressi, blasphemias & sordes
suas publice confitentur. 132. 327.

Contra Donatistas.

AUGUSTINVS etiamnum Presbyter
Donatistas oppugnare incipit, scri-
bitq; contra Epistolam Donati Carth. 69.
componit Psalmum ABCdarium, ad ca-
pitulum vulgi accommodatum: quo totius
Schismatis originem ac progressum com-
plectitur. 68.

Augustinus iam Episcopus Donatistas
tam Sermonibus & Epistolis quam oblato
colloquio & priuata aut publica disputa-
tione, ad Ecclesiae unitatem reducere studet.
260. 261. 265. 303. respicere volenti-
bus ut dignitates suae saluae sint, procurat.
286. 288. paratus pro pace Ecclesiae et-
iam Episcopatu suo cedere. 361.

Petilianum Cirtensem Donatistarum
Episcopum, eiusq; Epistolam tribus libris
oppugnat, sepositis sanctissimis Libris de Tri-
niti. & Genesi ad Litt. 263. 264. Scribit

de Unitate Ecclesiae ad diocesis suae Presby-
teros, sicut Petilianus scripserat ad suos.
283. item de Vnico Baptismo, contra Pe-
tiliani Librum cognominem. 339.

Parmentianus, Carthaginensis Dona-
tistarum Episcopi, Epistolam tribus li-
bris refutat, 225. 226. Quibus dein-
de subiungit Libros septem de Baptismo.
267.

Cresconium Grammaticum eiusque ar-
guitas libris quatuor refellit, ac proprio
mucrone ingulat. 321. 323.

Scribit in Donatistas, Contra quod at-
tulit Centurius. 269. contra Epist. Pres-
byteri Cirtens. ad Generosum. 284. de
Schismate Maximianistarum. 340.

Interest Concilio Carthaginiensi ad re-
ducendos Donatistas, ac benigna omnia
Patribus persuadet. 285. 286. 287. item
alteri Carthaginiensi, de Donatistis ad pa-
cificam collationem inuitandis. 299. ipse
Proculiano Collationem offert legibus a-
quissimis: sed deiractat ille. 303. Preces
Legatorum ad Imperatorem, contra Do-
natistarum violentiam, mitigat. 311. tan-
dem rationibus & exemplis conuictus pra-
xim poenalem contra Haereticos approbat,
ac defendit. 316. 317. 318.

Augustinus unicum remedium extir-
pando Donatismo censet, Collationem pu-
blicam auctoritate Imperatoriâ inducen-
dam. 356. eius consilium approbant Pa-
tres in Synodo Carthagin. atque Legatio-
nem ad Imper. decernunt. 355. Inducitur
Collatio Carthagine. 357. in qua Au-
gustinus vnus ex septem Episcop. Catholicis
delectis ad disputandum cum totidem Do-

0000 3

natistis

INDEX

satisfis. 365. 366. Vincuntur, ac dam-
nantur Donatistæ. 388. Collationis fru-
ctus in Augustini maximè gloriam redun-
dat. 390.

Augustinus Collationis huius Brevicu-
lum conscribit, summo labore. 388. Do-
natistarum contra eam calumnias destruit
libro Post Collationem ad Donatist. 422.
424. idem facit Epistolâ scriptâ nomine
Concilij Cirtensis in hunc finem indicti.
425. item Libro ad Emeritum Donati-
starum Episc. 440.

Dum Cirtam ad Concil. abit, in via
confert cum Fortunio Donatistarum Episcop.
426. Cirtenses à Schismate conuer-
tit. ibidem.

A Zozymo Papâ in Mauritaniam mis-
sus, Emeritum Donatistarum Episcop. pu-
blicè conuenit, ac conuincit. 496. 497.
498. (huius Collationis gesta extant
Tom. VII.) Scribit De Correctione Dona-
tistarum ad Bonifacium Com. 499.

Dulcitium Tribunum, edictorum Imp.
contra Donatist. executorem instruit: &
Gaudentium Thamugadensem duobus li-
bris refutat. 530. 531.

Donatistæ Augustini Dialecticam ex-
horrent & carpunt. 74. 322. eloquentiam
sugillant. 321. 498. appellant Tertullum:
& Academicum ingenium habere Carneadi.
322. Vitam Monasticam ei obiciunt. ibi-
dem. Lupum ac seductorem animarum
appellant. ibidem. omnium peccatorum
remissionem eis promittunt, qui illum occi-
derint. 261. August. à Circumcellionibus
ad mortem questus. 296.

Augustini victoria de Donatistis ap-

plaudit Hieronymus. 138. vide: DO-
NATISTÆ.

CONTRA PELAGIANOS.

AVGVSTINVS Pelagium (qui
cum Celestio Româ ab Alarico captâ
fugiens in Africam, Hipponem absente Au-
gustino appulerat) semel aut iterum vidit.
400. eorum dogmata in vulgus sparsa
primùm Sermonibus & colloctionibus
oppugnat. 309. idem facit Carthagine
iubente Aurelio, in Ecclesia Cathedrali,
manu gestans Epistolam sancti Cypriani.
402.

Consultus à Marcellino super Quæstio-
nib. è Celestij dogmate desumptis, scribit
De Peccatorum mer. & Remiss. 402. 409.
Pelagij tamen & Celestij nomina adhuc
premit: sic eos facilius corrigendos sperans.
403. 404.

Damnato Carthagine Celestio, atque in
Sicilian profugo; admonetur ab Hilario de
eius dogmatibus illuc sparsis, quæ prolixâ
Epistolâ refutat. 404.

Pelagius missis è Palestina litteris adu-
latione plenis, Augustinum sibi conciliare
studet: cui respondet Augustinus, præsenti-
am & colloquium eius desiderans. 405.
Scribit de Gratiâ noui Testamenti ad Ho-
noratum. 417. item De Spiritu & Litte-
râ ad Marcellinum. 418. 420.

Litteras Pelagij ad Demetriadem, refu-
tat Epistolâ ad Iulianam Demetriadis
matrem. 428.

Timasium & Iacobum à Pelagio sedu-
ctos (à quibus eiusdem Librum acceperat
Natura

AUGUSTINIANVS.

Natura vires depradicantem) ab errore reducti: scribitq; ad eos De Natura & Gratia. 437. Vtrumque librum mittit ad Innocentium Papam: Pelagij nomini adhuc parcens. 438.

Eundem Librum de Nat. & Grat. mittit ad Ioannem Hierosolymitan. Pelagio adhuc fauentem. 439. cui & Pelagij fraudes detegit. 451.

S. Hieronymus Augustino contra Pelagianos scribenti cedit, atque in hoc studio lampadem tradit. 439.

Pelagius in Synodo Palaestina fraudulenter absolutus, mittit Augustino purgationis sue chartulam. 450. Cui respondet Augustinus, littera 3. suas mittit Innocentio Papa, Pelagius desinendus. 457. exponit Epistolam suam olim Pelagio scriptam, qua se ille in Synodo iactauerat. 405. 448.

Aug. interest Concilio Melcuit. contra Pelag. & Celsi. 458. inde abiit Carthaginem, scribitq; Epistolam nomine quoque Frisop. ad Innocent. Papam. 458. Vtraque Synodus Augustino prouinciam committit Pelagium oppugnandi. 460. Gesta Synodalia, & Augustini litteras approbat Innocentius, ac Pelagium damnat. 459. 460. Epistola Augustini ad Hilarium de Pelagij erroribus, ac damnatione. 459. alia ad Paulinum. 480. 481.

Scribit Librum nuperrime repertum, de Gestiis Palaestina: ne quis absoluto illic Pelagio, & eius dogmata approbata existimaret. 481. ea Gesta exhibentur, absque Augustini Commentario. 445. & seq.

Interest Concilio Carthagin. quo detecte Pelagij fraudes, ac Zozymo indicata, qui mox Pelagium damnat. 488.

450. id maxime peractum Augustini ingenio & solertia. 489. 495. Scribit ad Sixtum E. R. praeby. qui primus Roma Pelagio anathema dixerat. 491.

Pelagij damnati querimoniam Pinianus, Albina, & Melania Augustino perscribunt, ac velut sincere Catholici commendant: quibus ille Pelagij hypocrisin detegit libris de Gratia Christi & Peccato Originali. 494. de Pelagij damnatione Augustino & Alipio Hieronymus congratulatur. 495.

Pelagianum Augustinum per litteras apud Valerium Com. accusant, quasi asserendo peccatum Originale nuptias damnaret. 500. ea occasione scribit ad Valerium Librum Primum de Nupt. & Concupisc. 501. quem Iulianus, Pelagianorum hyperaspistes, quatuor Libris refellere conatur. 502. 503. Ex his deinde Iuliani libris Excerpta quaedam à Pelagianis eidem Valerio missa, refutat Augustinus De Nupt. & Concupisc. libro secundo. 506.

Binas Iuliani Epistolas Bonifacius Papa Augustino per Alipium mittit refutandas. 504. 505. eas refellit Augustinus Libris quatuor, ad Bonifacium directis. 540.

Aug. Enciridio ad Laurentium De Fide Spe & Charitate, Pelagianismi neruos incidit. 517. 518. 519.

Scribit sex Libros, contra quatuor Iuliani, ad Claudium Episc. à quo Iuliani illos acceperat. 549. 550.

Ex

I N D E X

Ex Epistolâ Augustini ad Sixtum malè intellectâ quidam ex monasterio Adrumetino in errorem labuntur. 550. ea occasione scribit De Grat. & Lib. arbitrio, ad Valentinum Monasteriarcham. 552. scribit ad eisdem De Corrept. & Grat. occasione alterius erroris ibi enati, atq; virumque sanat. 555.

Augustinus Leporium à Pelagianismo, & Nestorianismo nondum hoc nomine noto, conuertit. 570. Vitalium à Pelagianismo reuocare studet, & scripta ad eum Epistolâ Semi-pelagianismum iugulat. 572. 573.

Semi-pelagiani in Galliâ exorti, doctrinâ Augustini obtrestant; & nouam Pelagianismi faciem exsulpunt. 603. 604. contra eos à Prospero & Hilario inuocatus Augustinus, scribit De Prædestinatione SS. & De Dono perseverantiæ. 608. & seq.

Iulianus interea Libro Augustini secundo de Nupt. & Concupisc. respondere conatus erat Libris Octo: è quibus quinque ab Alipio Româ transmissos, Augustinus eisdem libris refutat. 611. 612. ex his duo tantummodo exstant, qui nuper reperti vulgò vocantur Opus imperfectum. 614. cumq; reliquos ex Octo Iuliani libros Augustinus expectat, absoluto interim Libro primo de Hæresibus, gloriosissimis pro Ecclesiâ & Christi Gratiâ laboribus intermoritur. 625. 627.

Augustini ductu, Catholica acies viginti amplius annis contra inimicos Gratia Dei pugnat, & VINCIT. 629.

Contra Arianos.

AUGUSTINVS obtritus Manichæis & Donatistis, cum Pelagianismi reliquiis adhuc decertans, simul Arianismum in Africam illapsum oppugnat, scribitq; Contra Sermonem Arianorum. 438.

Disputat publicè cum Pascentio, Comite domûs regia: deq; victoriâ apud suos triumphantiem pluribus Epistolis mendaciorum ac falsitatis conuincit. 583. 584.

Disputat cum Maximino Arianorum Episcopo: qui cum similiter victus, vicisse videri vellet; Actû publicis ac duobus contra eum Libris ab Augustino refutatur. 585.

Aug. Disputationem instituit cum Feliciano: eiq; successum scripto completitur. 586.

Augustini doctrinâ Arianismus stirpitus excisus. 588. 589.

Contra Priscillianistas, aliosque Hæreticos.

AUGUSTINVS interpellatur ab Orosio contra Priscilliani & Origenis dogmata, Hispanias labefactantia. 431. 432. eâ occasione scribit Contra Priscillianistas & Origenistas. 432. 433.

Consentio aliisq; (qui Priscillianistas se simulare volebant, ad eorum mysteria detegenda) modum designat contra illos disputandi, scripto Libro De Mendacio. 536.

Vincentij

AUGUSTINIANVS.

Vincentij Victorij impiam doctrinā de Animiā. libro duobus refutat. 410. 524. 526. eiusdem errores alio duobus aperit Renato Monacho, & Petro Presbytero. ibid.

Contra Iovinianū affectas scribit De Bono coniugali. 272. Marcionistas refellit Libro contra Aduersarium Legū & Proph. 334.

Nestorianam heresim prius quā pullulare coepisset, ad viciū refecit. 516. 631.

Contra Paganos.

AUGUSTINVS Calamam profusuram ad coercendam Paganorum inuoluntariam. 277. 278. Neclario pro eo deprecanti quo temperamento responderit. 279. 280.

Paganorum in Coloniā Suffeclanā insaniā increpat. 280. Madaurenses à Paganismo conuertere studet. 282. pugnam ciuilem Casarea in Mauris. efficaci oratione dissuadet. 331. Varias superstitiones Paganismum sapientes ab Ecclesia tollere conatur. 331. 332.

Ad refutandas Paganorum in Christianam religionem blasphemias, scribit Libros De Ciuitate Dei, ad Marcellinum. 391. 406. quando eu sine impostum? 395. auctor est Orosio scribenda historia contra Paganos, eandem ob causam. 433. 434.

Scribit de Diuinatione demonum. 327. Maximum hermetizantem urbanè refellit. 329. Varias quaestiones à Paganis propositas resoluit: inq; se benignum & asabilem praealat. 330.

NATURÆ IN AVGVSTINO DONA, ET GRATIÆ CHARISMATA.

Ingenij praestantia, & Doctrina.

AUGUSTINVS puer etiamnum inter discipulos excellit. 10. 11. anno aetatis vigesimo Categorias Aristotelis nullius magistri ductu intelligit, omnes item Artes Liberales. 16. 17. Philosophia & Veritatis inquirenda studio omnia iam inde postponit. 13. 28.

Secularium scientiarum in Augustino encyclopaedia. 59. 60. 61.

Theologia Christiana arcana statim à

Baptismo, omni humano magisterio destitutus, penetrat; scribitq; De Libero arbitrio, aliq; compuria. 50. 54. 55.

Memoria eius, & facundia Latina. 63. 321. 325. quam sapè sament ad populi captum submittit. 75. Graca lingua scientia. 64. 520.

Donatista cum Augustino disputare detrectant. 74. Dialecticam eius carpendo agnoscunt. 326. Eum sibi pra omnibus Pelagius conciliare studet. 405. Iulianus Catholicorū partium ducē confiteretur. 503.

P p p p

Augustini

INDEX

Augustini in scribendo fecunditas. 40.
42. 565. 567. ingenij sanitas & vigor
in ultimam senectam perdurans. 612.
Vide suprà: Augustinus Episc.

AUGUSTINVS communis omnium
Magister, & in dubiis per-
fugium.

Sapientibus atque insipientibus se debi-
torem agnoscit. 613. Fratribus suis
ad varias Quaestiones respondet. 54. 135.
136. Scripturam Sacram exponit. 71.
72. 135. Scribit de Consensu Euange-
list. 136. De Genesi ad Litt. 564. Libros
Locutionum S. Scripturae. 519. Libros
Quaestionum de septem libris eiusdem Scri-
pturae. 520. Symbolum & Oratio Do-
minica ab eo saepius exposita. 104.

Hereticis & Paganis docendis & con-
uertendis studet. Vide suprà. Vltro ci-
tròq; agit cum Longiniano Philosopho.
331. Volusianum V. Cl. ad Christia-
nam fidem adducit. 406. Honoratum,
Leporium, Vincentium, Iacobum & Ti-
masium, Felicem, Cirtenses, Caesarienses,
aliosq; à peruersis erroribus reducit. Vide
suprà. Mathematicum quendam, &
Firmum negotiatorem, in concione con-
uertit. 88. 89. Donatistarum numerus
quantum eo viuente imminutus. 366.

A doctissimis viris super variis Quaestioni-
bus consultus, aut contra Hereses inuoca-
tus; non Epistolas, sed Libros, promptissime
reponit. Per tot. Librum. Scripta eius
quantum ab omnibus aestimata atque ex-
petita. V. Elogia.

Scholam Theologicam habet in Epi-
scopeio. 521. 522. Episcopi aliquot ab
eius disciplinâ profecti. 116. item Hila-
rius, Prosper, Profuturus, Bonifacius, Vr-
banus, Eradius, Paulus, Antonius, Quod-
vult-Deus, Deo gratus. 526. 527. Oro-
sius Presbyt. 431.

Aug. quos bene volebat instructos, cupit
secum conuiuere. 523. eorum curam pra-
cipue gerit, qui essent idonei & alios do-
cere. 463.

AUGUSTINI in Episcopatu Vi-
ta ac Disciplina domestica.

Episcopus hospitalitatem exercet. 113.
cum Clero suo vitam communem a-
git, nihil sibi proprium referuans. 114.
patienter tolerat suorum defectus, sciens
se hominem inter homines viuere. ibid.
Solatur se ex plurium bonis ac sanctis mo-
ribus. 115. Excessus corripit ac casti-
gat. 545.

Mensâ cum Clericis communi vititur,
eâq; parca ac frugali. 120. poculorum
cuiq; praefixus numerus. 545. Lectio aut
disputatio ad mensam. 122. ab eadem
detractio exclusâ. ibid.

Habitus eius & supellex moderata. 120.
121. Vestis extrema videtur fuisse lanca.
ibid. Vestes pretiosas sibi oblatas respuit,
aut in pauperum vsum diuendit. ibid.
Calceamentis vsus est. 121. byrrhum ali-
quando gestauit. 118. 120.

Feminas raro admittit, aut visitat.
123. numquam eis solus sine arbitris lo-
quitur. ibid.

Clerica-

Clericalium possessionum curam alii relegat. 330. eiusdem securitas in fide alterius. ibid.

In egenos & captiuos beneficus: in quorum vsum vasa Dominica frangit & distribuit. 351. eosdem populo studiosè commendat. 106. 351. dictus à domesticis, Totum dare, nihil suscipere. 347.

In Episcopatu, Qualis in Deum fuerit.

Eius summus in Deum amor. 78. 134. Deo omnia sua seruire cupit. 79. a gerrime à rerum diuinarum contemplatione ad curas faciales abstrahitur. 461. 462. Laudes suas in Deum refert. 84. eius auxilium ubique inuocat & agnoscit. 85. 86. Vox Deo Gratias, Augustino familiaris. 119. item alia. 79.

Gratiam diuinam praeuocandi aut defendendi vnderumque occasionem arripit. 110. 111. 535. 621. ad diuinorum arcanorum intelligentiam Oratione ad Deum vitatur, eamq; alius commendat. 124. 554.

Zelo domus Dei cum plerq; scripserit, tum praecipue libros de Civitate Dei contra blasphemias Paganorum. 391.

Meter periculorum peccandi in turbis, meditatur fugam in solitudinem, sed retinetur firmà in Dei auxilio fiducià. 87.

Deum in hominibus offendere timet. 416. de Deo libenter confert aut colloquitur, summà suauitate. 463.

Qualis erga se.

Mortu carnem in se agnoscit, cumq; hu sibi pugnandum per omnem vitam. 80. 101.

Summà sollicitudine cauet, ne quid ei voluptatis noxia subrepat ex alimentis necessarij sumptione. 80. 81. aut ex dulcedine cantus etiam rerum sacrarum. 81. 82. aut ex aliorum sensuum obiectis, ibid.

Tentatur curiositate: sed ei fortiter resistit. 82. abducitur interdum contemplatione rerum minutarum, sed illud animum ad Deum reuocat. 83.

Laudibus naturà delectatur. 84. contra hanc tentationem se quotidie armat. 85.

Quaestiones inutiles deuitat, neque vult plus sapere quàm oportet. 275. magis sollicitus quomodo Dei praecepta impleat. 410. 455. equo animo ignorat, si quid cum Deo ignorare voluerit. 455.

Qualis erga Proximum.

Charitas Augustini erga proximum ac sibi commissos prompta ac sollicita. 417. 464. absque eà fuisset, in deserto sibi soli vixisset. 87. 464. Ordine charitatis infirmiores dignioribus praeponit. 417. inhiat animarum luctu. 55. 279. eius obuia benignitas. 349.

à Veritate aberrantes conatur reducere summà lenitate ac patientià. 261. Pelagij ac Celestij errores oppugnās, eorum nomina cur diu presserit? 403. preces Legatorum contra Donatistas mitigar. 311.

P p p 2

314.

I N D E X

314. Iudicibus lenitatem & clementiam commendat. 399.

Angitur animi in correptione fraternâ, ne quid peccet contra Dominicum praeceptum. 84. ab Episcopo quem scribendo offenderat, summâ humilitate sibi ignosci postulat. 416.

Inimicos diligit ac pro eis orat. Pro Donatistis (à quibus non semel ad mortem quaesitus) apud Marcellinum aliosq; Iudices intercedit. 397.

Scandalosos corripit, atque ab Ecclesiasticis muniis demouet, imprimis Abundantium Presbyterum. 294. Antonium Episcopum Fussalensem. 545. 546. Paullum Cataquensem. 548.

In docendo & admonendo populū suum quā assiduus, 88. V. suprà Aug. Episcop. quā Oratione singulos Sermones finire solitus. 105.

AUGUSTINVS Vitæ Monasticae
auctor ac promotor.

Vitam Monasticam iam ante Baptismum meditatatur. 28. ac cum Baptismo suscipit. 46. ad idem vitæ genus alios hortatur. 47. 56.

Monachismum primus in Africā intulit. 116. Monasterium ab eo institutum Tagasta ante Presbyteratum. 54. item aliud Hippone post Presbyt. 56. 57. Monachismi huius propagatio per Africam viuentē Augustino. 117. 271. Scribit de Opere Monachorum, & quā occasione ibid.

Factus Episcopus Monasterium Clericorum instituit, in quo vitam cum eis com-

munem agit. 113. Episcopi ex Monasteriis ab Aug. institutis assumti, idem vitæ genus in Ecclesiis suis propagant. 115. 116. Clerus per Africam Augustini operâ quantum auctus. 628. 629.

Sanctimonialium Monasterium instituit, earumq; curam gessit. 122. Soror eius ibidem Praeposita. ibid.

AUGUSTINI modestia &
humilitas.

Laudes sibi à summis viris tributas modestissimè reuocat, ac primum à Volusiano. 406. ab Audace. 407. Macedonio. 408. Ianuario. 409.

Pelagij laudibus quid responderit. 405. item Vincentij Victoris. 410. 411. Feliciani, Ariani. 586.

Darium Comitem in laudes eius exuberantem mittit ad Libros Confessionum suarum, si Augustinum noscere velit. 408.

Catholicorum contra Pelagianos dux ac Princeps à Iuliano agnitus, vnum se è multis appellat. 503. aliàs etiam è turbâ reliquorum hominum non se eximit. 274. Multa à se ignorari affirmat, atque in his Anima originem. 410. Vincentium iuuenem & laicum, ob id sibi insultantem quā lenitate ac mansuetudine tractat. ibid. super eā Hieronymum consulit iam senex, nullam aetatem seram ad discendum existimans. 452.

Doceri senex à iuvene cupit. 411. pugnis etiam cedi paratus, veritatis assequenda causâ. ibid. mauult discere, quam docere. 412. 413. 434.

Existimat

Existimat multa sicut in moribus, ita in scriptis suis culpam posse. 414. Viraque ipse detegit, ac castigat: mores, libris Confessionum. 135. scripta, libris Retractionum: summo ubique in se rigore ac penitentie. 557. 558. Libros de Origine anima cur ante Hieronymi mortem non ediderit? 456. Libros de Trinitate cur distulerit? 564. alios ante se Scriptores citat & sequitur. 419. eius in aliorum scriptis refutanda moderatio. 74. Lectorem suum cupit esse liberum, & veritati magis, quam auctoritati scribebat additum. 413. 414. 415.

In dubiis consultus, neque aliorum sententiam facile damnat, neque suam præfatione tueretur. 600.

Omnia bona sua Deo auctori & donatori libenter attribuit. V. supra: Qualis in Deum.

Non se Doctorem, sed sub magistro Christo aliorum condiscipulum appellat. 586.

Calumnias Hereticorum quam patienter ac libenter pro Dei causa tulerit. 325. conscientia testimonio contra eas intrepidus, Dei tamen misericordiam magis expectat quam iudicium. ibid.

aliorum Oracionibus se assidue ac studere commendat 405. 408. 448.

Ad Presbyterium abripitur inuitus ac fletus, eum se gradu indignum reputat. 56. Episcopatum a se amoliri conatur. 77. in Episcopali dignitate nihil agnoscit præter seruientem charitatem 288. 588. paratissimus eam pro Christi pace deponere. 361. Vocatus ad Concilium Numidia, cur ire recusaret? 587.

Diuitiarum contemptus, & amor Christianæ paupertatis.

AVGVSTINVS iam inde ab anno ætat. XIX. Lecto Hortensio Ciceronis, diuitiarum contemptum induit. 13. magis autem postea Christi exemplo. 47.

In Episcopatu pauper non inopiâ, sed proposito voluntatu. 121. Proventus Ecclesiæ Hipponensis, ibid. Opum affluentiam etiam oblatam reiecit. 346. non heredi petita. 347. in pauperes & captiuos beneficium. 351.

Non habuit unde testamentum faceret. 628.

S. Scripturæ studium & erga eas reuerentia.

Sævis litteris omne tempus à suis aut aliorum necessitatibus vacuum impendit. 87. quanta sinceritate ac reuerentiâ ad eas accesserit. ibid. quam non temere quidquam de illis pronuntiare ausus. 87. 415. eius profunditatem, & ingenij sui exilitatem depredicat. 407. 409. Sententiam suam ad S. Scripturas ubique alligat. 456. intellectum suum in obsequium fidei libenter captinat. 586. 587.

Miracula tam in vita, quam post eam patrata.

Curatio fistule Innocentij. 53. Ægrotum manûs impositione illud sanat. 626.

Plures energumenos à damonio liberat. 627.

Pppp 3

Ad

INDEX AVGVSTINIANVS.

Ad Reliquias eius plurimi sanitatem recuperant. 636.

Miraculum in earum translatione per Luitprandum regem. 636.

Augustini mira & miraculosa apparitio. 638.

Doctrinæ & Sanctitatis Elogia Augustino à variis tributa.

A Magistru. 10. à matre. 138. ab Vniuerso Orbe. 138. à Hieronymo. 439. 455. 495. Paullino. 70. 77. Alipio. 522. Licentia. ibid. Possidio. 62.

463. 521. Quod-vult-Deo. 613. Orosio. 432. Prospero. 489. 540. 541. à Volusiano V. Cl. 406. Audace. 407. Macadonio. 408. 465. Dario Comite. 63. Consentio. 537. Cassiodoro. 520. 568. Liberato. 631. Claudiano Mamerto. 568. Angelo Politiano. 569. Ludouico Viro. 63. V. supra Ingenij præstantia.

Doctrina Augustini à variis Pontificibus & Conciliis probata & laudata. A Celestino Papa. 615. 619. Ioanne Papa II. 617. Gregorio Papâ. ibid. Adriano I. 618. Clemente VIII. 620. Concilio Toletano VIII. ibid. Florentino. ibid.

FINIS INDICIS PRIMI.

INDEX

INDEX SECVNDVS,

S I V E

GENERALIS.

A.

Adeodatus.

Adeodatus filius Augustini, eiusque ingenium & prematura mors. 6. Augustinus ob eius baptismum securior. ibid. in eiusdem gratiam *Categorias* Aristotelis e Græco vertit. 64.

Adimantus.

Adimantus Manichæi discipulus, scribit adversus Legem & Prophetas. 69. cum refellit Augustinus. ibid.

Adrumetini.

Adrumetum ciuitas Africa: unde Adrumetini monachi. 117. 550. ex Augustini Epistolâ malè intellecta in Pelagianismum labuntur. 551. à quo illos liberat Augustinus Libro De Natura & Gratia. 551. 552. Sed à priorè errore curati, mox in alium labuntur, cui medetur Augustinus Libro De Corrupt. & Gratia. 554. 555.

Afri, & Africa.

Afrorum periti mores. 594. 595. Afri, ebrietati addicti. 90. ad mensuram sine mensurâ bibunt. 91. item ad nomina amicorum, Angelorum & Sanctorum. ibid. bibendi certamina ineunt. ibid. ad bibendum cogunt. 92.

Paganismi apud eos reliquie viuentis Augustino. Commestationes ad sepulcra. 332. Aruspices & sortilegi. ibid. balationes & saltationes. ibid. clamores in Luna obscuratione. 333. certorum dierum superstitiosa observatio. ibid. Floralia. 277. Herculis cultus. 280. 281. templum Cælestis idoli, Carthagine dirutum. V. Carthago.

Afer panis bonitate excellens. 613.

Africam quatuor præcipue hæreses infestant viuentis Augustino, Manichæismus, Donatismus, Pelagianismus, & Arianismus: omnes ab ipso oppugnata, ac Elata. 438. V. Ind. August.

Africana Ecclesiæ quanta passè, persecutione Maximiani & Diocli. 140. 141. item à Circumcellionibus Donatistis. V. Circumcell. Donatistæ. Martyr. à Vandalis, aliisque Barbaris. 623. 624.

In Africanis Ecclesiis Episcopi à Schismaticis

INDEX

maticis geminati, ut unus Donatistarum esset, alter Catholicorum. 153. 154. ita Calama Possidius & Crispinus. 268. Hippone Augustinus & Proculianus. 291. Carthagine Aurelius & Primianus. 306. Cōstantina Fortunatus & Petilianus. 266. Casarea Deuterius & Emeritus. 499.

Africanorum Patrum studium contra Donatistas & Pelagianos. V. Donatistae. Pelagius. Concilium.

Africani excidij per Barbaros initia. 575. 576. Ariani in Africam illapsi cum Bonifacio Comite. 537. uem alij cum Sigisualdo. 583. Malorum Africa causa, peccatis ascribenda. 591. 596.

Africa excidium, victo Bonifacio. 602. 622. 624. V. Gothi. Vandali.

Alaricus.

Alaricus Gothorum rex, Romam capit. 394. ad loca sacra confugientibus parci. ibid. Alarici irruptio opus Diuine misericordia. ibid. eius properus discessus pietati Honorij ascribendus. 355. Nolam in Campania inuadit: moritur apud Cōsentiam, & sepelitur in medio profluentis alueo. 355. 356.

Alarici metu Romā in Africam fugiunt Pinianus, Albina, & Melania. 344. item Proba, Iuliana, & Demetrias. 429. Pelagius quoq; & Calestius. 400.

Alipius.

Alipius, Augustini popularis & discipulus, amatus ab eo propter virtutis indo-

lem. 6. paruum corpore, ingenio magnus. ibid. abducitur ab Augustino à Circensium Ludorum studio. 7. Manichaeismo infectus. ibid. Roma ius discit, & fit Assessor Comitum Largition. ibid. inde cum Augustino abis Mediolanum, ibiq; Assessor, de iure responder. ib. eius utrobique integritas. ibid. incidit in errorem Apollinaristarum, eumq; deserit. ibid.

Alipius deliberat cum Augustino de Vita statu. 27. coniugium Augustino dissuadet. 28. cum Augustino conuertitur, & secedit in Villam Cassificum. 36. 37. 40. inde nudis pedibus per glaciem incedit, Mediolanum properans ad Baptismum. 121. cum Augustino baptizatur, & monachismum suscipit. 45. 46. quem in Africa continuat. 57.

Alipius profectus Hierosolymam Hieronymo innotescit: Paullinum Nola inuisit & in Augustini amicitiam insinuat. 8. prior Augustino frater Episcopus. 7.

Alipius Episc. interest Concilio Carthagin. contra Donatistas. 299. contra eosdem electus ad disputandum cum aliis sex in Collatione Carthagin. 366.

Alipius plurimum cum Augustino laborauit pro damnatione Pelagij. 495. Legatus ad Honorium Imp. contra Pelagianos, abis Rauennam. 505. inde Romam, ad Bonifacium Papam, à quo benigne habitus. 506. ab eodem accipit binas Iuliani Epistolas, Augustino perferendas. ibi. redit in Africam. 548. iterum profectus in Italiam, defert secum librum secundum Augustini De Nupt. & Concupisc. 569. cui cum Iulianus octo libros opposuisset; quinque

GENERALIS.

quinque ex illis Alipius Româ mittit Augustino refutandos. 611. Iuliani calumnie in Alipium. 6. 569.

Ambrosius.

Ambrosius diligit Monicam ob eius pietatem, & apud Augustinum dilaudat. 3. prohibet conuiuia ad Martyrum sepulchra. ibid. intra Ecclesiam à plebe suâ custoditur contra Arianos. ibid.

Ambrosium diligit Augustinus ob benignitatem. 24. & in dicendo suauitatem. 25. eum audit omni die Dominico, & ad Catholicam fidem disponitur. 26. eum consulit de Libris sacris. 43. ab eodem baptizatur. 45.

Ambrosij responsum de ieiunio Sabbati Augustino datum. 45. Ambrosij sententiam de vasis Domini conflagrandis, Augustinus sequitur. 351. eiusdem aliud dictum imitatur. 466.

Ambrosius post obitum apparet Maxentio & de Gildone victoriam tribuit. 250. Ambrosij vitam rogatu Augustini conscribit Paulinus Mediolanensis. 482.

Anabaptismus.

Anabaptismum suum tuentur Donatistæ auctoritate Concilij Carthaginensis sub Cypriano. 201. Sed nihil sic contra eos facere quam Litteras & factum Cypriani, ostendit Augustinus. 267. 268.

Anabaptismum inter Donatistas primus inchoat Donatus Casensis. 158.

Ariani quoque rebaptizare soliti. 201.

Anabaptismus omni tempore in horrore fuit. 336. 337. Augustino sapius refutatus. 262. 266. 338. 339. à Valentiniano vetitus. 232. eum à se amouere comatur Petilianus. 339.

Anastasius Papa.

Anastasius hortatur Africanos Patres ut Donatistis ad Ecclesiam reducendis incumbant. 286. in hunc finem Africani ab eo petunt, ut ad Ecclesiam redire volentes sine ullâ honoris imminutione recipi possint. ibid. eorum petitioni annuit Anastasius. 287.

Anima.

Anime immortalitatem semper credidit Augustinus. 8. de eadem scribit ante Baptismum. 44.

Anima originem ignorare se fatetur Augustinus. 410. eam studiosè inquiris. 433. 434. Hieronymum super eadem consulit. 434. 453. Vincentij Victoris de eâ nugamenta, ab Augustino refutata. 411. 525. 526.

De Animâ, Origenis errores. 433. Manichæorum figmenta. 65. 66.

Antonius Erem.

Antonij vitâ à Politiano lectâ excitatur Augustinus ad relinquendam spem huius sæculi. 36. eadem lecta apud Treueros duo è comitatu Imperatoris sæculo renuntians. ibid.

Anton. Fussalensis.

Antonius ab Augustini disciplina ad
2999
Episco-

I N D E X

Episcopatum promotus: ob scandalosam vitam eodem satagente deponitur. 545. 546. appellat ad sedem Apostolicam. ibid. Augustinus ad Caelestinum Papam scribens, eius restitutionem impedit. 547.

Anulinus.

Anulinus Proconsul Africa persecutione Dioclet. & Maxim. 140. martyres aliquot sub eo passi. 157. idem Proconsul Africa sub Constantino. 161. Schismaticis quam Catholicis aequior. 164.

Arius, & Ariani.

Ariana Haeresis, eiusq; origo. 199. 120. contra eam Constantinus Synodum Nicanam conuocat. 200. damnatur. 201.

Ariani rebaptizatores. 201. coniuncti Donatistis, quando? 202. Sardicensis Concilij titulum suo conciliabulo vindicant. ibid. eorum fraus in Ariminensi Synodo. 586.

Arianismus in Africam illapsus cum Gothis Bonifacio militantibus. 537. eodem adducti per Sigisvultum Comitem Passentius, Maximinus, & Felicianus: quos Augustinus disputationibus ac scriptis exagitauit. 583. 585. 586. Collatio Orthodoxorum cum Arianis in Africa, mortuo Augustino. 590.

Aurelius.

Aurelius Episcopus Carthagin. Augusti-

no Presbytero per litteras gratulatur. 57. ad eum scribit Augustinus de Opere Monachorum, & qua occasione? 271. item librum de Gestis Palaestinis. 481.

Aurelius indicit Concilium Carthagin. in causa Donatistarum. 255. item Mileuitanum in eadem causa. 289. item aliud Carthaginense in eadem causa. 299. Unus ex septem Episcopis in Collatione ad disputandum electis contra totidem Donatistas. 366.

Aurelius praesidet Concilio Carthaginensi contra Pelagianos. 489. prabet insigne exemplum contemptus diuitiarum. 348. Aurelij in Episcopatu successor Cyprianus. 631.

Aurelius Augustini praenomen, primum ab Orosio, quod sciam, proditum. 454.

B.

Baptismus.

Baptismum cur olim multi in proeclatam aetatem differrent? 48. cum eo saepe monachismum suscipiebant. ibidem. Augustinus improbat, quod sibi puero eum flagitanti datus non fuerit. 10.

De Baptismo extra Ecclesia communio-

nem collato, Cypriani sententia. V. Cyprianus.

in Baptizatorum tunicis Crucis signum diuinitus expressum. 507.

Baptizatus absque recitatione Symboli,

paralyti corripitur: à qua sanatur Symbolo per Scripturam reddito. 105. V. Ana-

baptismus. Donatistarum errores.

Benena-

G E N E R A L I S.

Benenatus.

Benenatus Episcop. Legatus ab Africanis Patribus ad Honorium contra Donatistas. 355. Augustini olim discipulus & contubernalis. 116.

Bonifacius Comes.

Bonifacius Comes Castini Magistri Milit. moribus offensus, cum Gothis in Africam secedit. 537. Augustino ibidem familiarissime usus. 539. Castinum postea in Africam profugientem, Augustini interuentu. excipit. ibid.

Bonifacius amissa prima vxore, Augustino & Alipio aperit animi sui propositum de suscipiendo Monachismo. 577. 578. id assuadet Augustinus, eius arma plus Ecclesia profutura existimans. 466.

Bonifacius in Hispaniam missus ab Imp. affinem ibi Vandalorum regib. vxorem ducit. 575. 578. hinc in suspensionem incidit affectata tyrannide. 575. bello petitis, Vandales ex Hispania in Africā euocat. 576. Augustini ad eum paranesis. 577.

Bonifacius Imperio Rom. reconciliatus, Vandales per Africam effusos bello aggressus, ab eis funditur, atque Hippone obsidetur. 602. eius obitus. ibid.

Bonifacius Episc.

Bonifacius Episcopus Cataquensis, ex Augustini disciplinā ac contubernio. 427. 548.

Bonifacius Papa.

Bonifacius Roma Alipium benigne suscipit, eiq. tradit binas Iuliani Litteras, Augustino ad resurandum perferendas. 506. is respondet Augustinus quatuor Libris, quos Bonifacio dedicat. 540.

Bonifacius doctissimus Pontifex. ibid. in Pelagianos imperatoris edictu vincitur. 528.

C.

Cæcilianus.

Cæcilianus Episcopus Carthagin. post Mensurium: Ordinatur à Felice Ap-tungitano. 147. thesaurum Ecclesia à Senioribus (quibus illum Mensurius commiserat) repetit. 147. 148. hinc facta in eum conspiratio: cui se plures admiscunt priuatis ex causis. ibid.

Cæcilianus ad Carthaginense contra se concilium venire detrectans, tanquam à Traditoribus ordinatus esset, à vero Traditoribus damnatur, & Episcopatu deicitur. 148. Crimina in eum conficta, quibus Schismatis causam imputabant Donatistarum posteris. 150. 157. 369.

Cæcilianus à Schismaticis apud Constantinum Imp. accusatus, ad Melchadium Papa tribunal mittitur. 166. ibiq. in Concilio Romano absoluitur. 167. Absoluitur iterum in Concilio Arelatensi. 176. 177. absoluitur tertio ab ipso Constantino. 180.

Cæcilianus triplici iudicio absolutus destinetur in Italiā, pacis causa: & Brixiam abis.

INDEX

abit. 190. 386. redit in Africam. 198.
interest Concilio Nicano contra Arianos.
201. V. Donatistæ.

Ceciliani causa post mortem eius in
Collatione Carthagin. tanquam Schisma-
tis Donatistici origo, agitata, atque à Ca-
tholicis purgata. 369. 382. 383. 384. &
sequent.

Cælestinus Papa.

Cælestinus Cælestium audientiam ro-
gans, ut de priorum Pontificum ac Con-
ciliorum contra se iudicio quereretur, totâ
Italiâ proseribit. 544. contra Cælestij ac
Pelagij venena, in Scotiam Episcopum mit-
tis. ibid.

ad Cælestinum scribit Augustinus con-
tra Antonium Fussalensem, qui ad Aposto-
licam Sedem appellauerat. 546.

Cælestini Epistola ad Galliarum Epif-
copus de fide S. Augustini. 619. eiusdem
de Augustini scriptis testimonium. 615.
617. indicit Concilium Ephesinum con-
tra Nestorium. 630.

Cælicolæ.

Calicole Hæretici: an iidem cum Rog-
atistis? 342.

Calama.

Calama Numidia ciuitas: in qua eo-
dem tempore Catholicorum Episcopus
Posidius, Donatistarum Crispinus. 266.

Calamensis Ecclesia Augustini visita-
tioni subiecta. ibid. paganorum Calama
insolentiam compefcit Augustinus. 278.

Capraria.

Capraria insula Monachorum habita-
tionibus referta. 118. eos laudat S. Au-
gustinus, scribitq; ad Eudoxium abbatem.
ibidem. ex his aliquos in Africam ducit
Mazcezil, eorumque orationibus Gildo-
nem superat. 250.

Capreolus.

Capreolus Episcopus Carthagin. Aurelij
successor, Imperatori per litteras significat
mortem Augustini. 631. Vessulam Diaco-
num suum mittit Ephesum ad Concilium
contra Nestorium. ibid.

Carthago.

Carthagine Basilicarum aliquot nomi-
na, in quibus Sermones habuit Augustinus.
109. Basilica Restituta vnde nomen ac-
ceperit? 529. Templum Cælestis idoli,
atque reperta ibidem inscriptio. 276.
Therma Gargiliana, in quibus habita Col-
latio celebris cum Donatistis. 359.

Catholici.

Catholici appellantur à Donatistis
Macariani, vnde? 209. item Traditores
& Progenies Traditorum. 206. 369. Iu-
lianus Pelagianus, ob peccati Origin. con-
fessionem, eosdem appellat Manicheos, &
Traducianos. 541. 549. 611.

Catholica quenam & vnde dicatur Ec-
clesia? 230. 231. 284. Catholicos se esse
volunt

GENERALIS.

volunt Donatista. ibidem.

Catholicorum Episcoporum studium, ut Donatistas ad pacis & unitatis communionem adducerent. 285. 287. & sequ. 299. & sequ. Catholicorum in Collatione Carthaginiensi admiranda moderatio. 360. 361. & sequ. V. Donatistae, Persecutio.

Celestius.

Celestius Pelagij discipulus, natione Britannus. 305. corpore vastus, ingenio acutus. 307. Pelagio magis apertus & liber. 401. Romam in Africam fugiens, haeresin suam spargere incipit Carthagine. 400. 401. aspirat ibidem ad Presbyterium: sed detectus à Paullino desertur ad Episcoporum iudicium, ab iisque damnatus fugit in Siciliam. 401. 402. quam erroribus suis inficit. 404. aliquid ibi conscribit. 405.

Celestius Carthagine coactus confiteri ex Baptismo paruulorum quoddam & ipsis redemptio sit necessaria, multum sibi praescripsit. 404. Episcopali contra Celestium iudicii gesta Augustinus Carthaginem veniens recenset: eiusque errores habito Sermone, cum Libris oppugnat. 401. 402. 403.

Celestij nefaria dogmata. 401. 403. Celestius in Asia ad Presbyterium euadit. 239. studio Africanorum damnatur una cum Pelagio, ab Innocentio. 458. Romam abit, ut apud Zozymum Innocentij successorem se purget. 481. auditur à Zozymo: qui ab eo deceptus Africanos leuitate arguit, & Celestij accusatores Romam citat.

487. eius fraude ab Africanis detecta; primum ab ipsis, mox à Zozymo damnatur. 488. 489. 490. citatus ad probanda, quae contra Paullinum libello suo inseruerat, examini se subducit. 490.

Celestius Honorij edicto Vrbe pellitur. 493. atque iterum regressus sub Bonifacio Papa, iterum exigitur. 529. à Celestino Papa audientiam postulans, totam Italiam proscritur, & cum Pelagio in Britanniam fugit. 544.

Christiani.

Christiani prohibiti docere Litteraturam sub Iuliano Apost. 35. idem Christianorum in Africa Schisma nutrit, & quo sine? 217.

in Christianos persecutionem instituunt Diocletianus & Maximian. 139. 140. cur eam Deus permiserit? ibidem. in eam Christiani iussi tradere Codices sacros. 139. 141. qui id faciebant, dicti inde Traditores, Thurificati, Sacrificati. 141. 142.

in Christianorum Ecclesias impetum factus à Pagano Calama. 277.

Christianis quam obsecerint Pagani? V. Pagani.

Christianorum de tempore nouissimo vana coniectura, 173.

Christus.

Christus gratia mortuus est, si Lex naturae ad salutem sufficiat. 508.

Christi in fine mundi aduentus, sciri prohibitus. 274. quam ante illum imple-

2999 3

INDEX

implenda? 507. 508.

Circa Christi personam error Apollinaristarum. 7. Photinianorum. 32. Ariannorum. 589. Nestorij. 632.

in Christi personâ euidenter Dei gratia commendatur. 516. 632.

Circumcelliones.

Circumcelliones Donatistarum facinorosissimi, dicti & Circelliones, ac Circuito-
res: unde? 211. Donatistis dicti Agonistici,
Sancti, & Duces sanctorum. ibid. in mor-
tibus alienis crudelissimi, vilissimi in suis.
ibid. Duces eorum Maxido & Fafer: de-
inde Marculus & Donatus. ibid. Paulo
& Macario insidias ac vim parant. 208.

Circumcellionum arma. 211. eorum
audacia & latrocinia. 212. eorum metu
absterrentur plurimi ne ad Catholicos re-
deant. 215. 298. falsi Martyrij desiderio
mortem ab obuiis extorquent aut sibi infe-
runt. 186. 187. Triplex mortis genus eli-
gunt: à laqueo abstinere, cur? ibid.

Circumcellionum in Catholicos crudeli-
tas. 215. 216. 248. 259. panem Catho-
licis coqui prohibent. 317. acetum &
calcem in oculos Catholicorum infundunt.
353. Viuunt ut latrones, mori se iactant
ut Martyres. 261. eorum insidias quomo-
do euaserit Augustinus. 297. femina bac-
chantes iis permixta. 213.

Circa.

Circa Italia, Numidia ciuitas. 263. ea-
dem qua Constantina. ibid. Cirtenfes per

Augustinum à schismate conuersi. 426.

Cirtensis Traditorum Synodus, eiusq;
Acta. 143. 144. eius mysteria à Nundi-
nario prodita. 192.

Cirtense Catholicorum Concilium con-
tra Donatistas post Collationem. 425.

Cyprianus.

Cyprianus ante Nicani definitionem
cessit, extra Ecclesia communionem bap-
tizatos ubi ad eam redirent, iterum bap-
tizandos. 201. 267. non ideo tamen à
contrarium sentientibus se separauit, aut
schisma faciendum duxit. 268. hunc er-
rorem postea à Cypriano fuisse correctum
existimat Augustinus. ibid.

S. Cypriani Epistolam manu tenens
Augustinus, eiusdem verbis Pelagianis-
mum oppugnat. 402.

Collatio.

Collationem siue conferentiam publi-
cam Donatistis persuadere conantur Epif-
copi Catholici. 286. 299. & sequ. eam
Augustinus offert Crispino. 262. item
Proculiano, & quibus legibus? 292. 363.

Collatio Possidij cum Crispino. 300.
302.

Collatio Augustini Presbyteri cum For-
tunato Manicheo. 66.

Collatio Augustini cum Felice Mani-
cheo. 315.

Collatio Augustini cum Emerito Do-
natistarum Episcopo. 497.

Collatio August. cum Pascenio, Maxi-
mino

GENERALIS.

mino & Feliciano Arianū. 383. 385. 386.

Collatio Carthagenſis celeberrima inter Donatiſtas & Catholicos. V. Donatiſtæ.

Collatio Orthodoxorum cum Arianis in Africâ, mortuo Auguſtino: eiusq. ſucceſſus. 390.

Comes.

Comitiū nomen, & officium ſub Imp. Romanū. 249.

Comitatū dicta Curia Imperatoriū. 24. 28. 165. 173.

Concilium.

Concilia poſteriora prioribus præſeruntur, & Oecumenica Prouincialibus. 201.

à Concilio ad ſe appellantes exhorret Conſtantinus Imp. 178. multâ pecuniâ caſtigat Valentinianus. 179.

Concilium Sardicenſe verum: & emenſum Arianorum. 202.

Concilium Nicanum contra Arianos. 200. 201. Nicani canon, Ne in vna Eccleſia duo præſint Episcopī, ignotus Valerio in Auguſtini ordinatione. 77. 561.

Concilium Cirtenſe Traditorum. 143. 144. in eo Episcopī Traditionis rei inuicem ſibi diſſimulanter ignoſcunt. 192. 383. Concilium Cirtenſe Catholic. contra Donatiſtas. 425.

Concilium Carthagenſe Schismaticorum contra Cecilianum. 148. eius Acta. 151. eius vitia. ibidem, aliud eorundem

Concilium. 158.

Concilium Carthagenſe Prouinciale ſub Cypriano. 201.

Concilium Carthagenſe Catholicorum in cauſa Donatiſtarum ſub Anaſtaſio PP. 285. 286. & ſequentib. aliud in eadem cauſa ſub Innocentio Papa. 310. 312. aliud in eadem cauſa ſub eodem. 299.

Concilium Carthagin. Catholicorum in cauſa Pelagij ſub Innocentio. 456. aliud in eadem cauſa ſub Zoſymo PP. 488.

Concilium Mileuitanum. Vide: Mileuiſ.

Concilium Arelatenſe Cathol. in cauſa Cecilian & Donati. 174. eiſdem Canones circa conuictos Traditionis, falſos accuſatores, & à Schismaticis Ordinatoſ aut baptizatoſ. 177.

Concilium Hipponenſe, in quo Auguſtinus Presbyter illuſtre ſui ſpecimen dedit. 67. 76.

Concilium Numidiz, ad quod vocatus Auguſtinus ire remittit, & cur? 587.

Concilium Dioſpolitanum. V. Palæſtina.

Coniugium.

Coniugium an Sapienti coueniat, Ali-
pij & Auguſtini certamen. 28. Vxor
ducenda cupiditas vltima ab Auguſtino
exuſatur. 35. 39. Ita dare operam liberū,
ut nulla inde voluptas ametur; etiam
Sapienti diſſicillimum exiſtimat Auguſti-
nus. 39.

Coniugatos Auguſtinus Episc. quid mo-
nuerit

INDEX

nuerit 296. 97. quid censuerit de coniugatarum ornatu 125. coniugium raro suadet, 467.

De Bono coniugali Liber Augustini contra Iovinianistas. 272. item de Nupt. & Concupisc. quâ occasione scriptus 500. 501. item De Adulterinis coniugiis ad Pollentium. 532.

Constans Imp.

Constans Imp. Legatos cum muneribus in Africam mittit, ad Episcopos tam Donatistas quàm Catholicos. 207. 208. renouat Leges Constantini contra Donatistas. 216.

Constantinus Imp.

Constantinus fit Imperator, & Basilicas Christianis restitui iubet. 145. 146. Maxentium superat. 159. Basilicas Christianis exstruit, & immunitatem Clericis donat. 160. 162. 182. pecunias in Ecclesia & pauperum usum mittit Caeliano Episc. Carthagin. & eidem contra Schismaticos perfugium prabet. 161. 162. 163.

Constantinus Caeliani Episc. causam non ausus ipse iudicare, ad Melchiam Papam & Episcoporum Concilium remittit. 165. 166. Felicis tamen Episcopi causam recipit, ut Schismaticos placaret. 171. conuocat Arelatense Concilium, eumq; in finem Episcopis Tractorias mittit. 174. 176. Donatistas à Concilio ad se appellantes exhorret. 178. bono

tamen pacis appellationem admittit, & Caeliano ac Donato ad se vocatis eorum causam ipse cognoscit. 179.

Constantinus edit Leges contra Donatistas. 184. eorumdem motibus componendis in Africam cogitat. 188. Caeliano & Donato in Italia detentis, Legatos in Africam mittit. 190. 191. post nouem annos Donatistarum moribus sedandis impensos, eos tandem moribus suis ac Deo vindici permittit, atque exilium relaxat. 195. 196. 387. improbat Constanini erga Donatistas indulgentia. 197.

Constantinus conuocat Nicanam Synodum contra Arianos. 200. moritur. 206. filiorum eius erga Ecclesiam pietas & munificentia. 207.

Continentia.

Continentia donum, esse à Deo. 79. triplicem concupiscentiam refrenat. 80. cum motibus carnis per omnem vitam quomodo Sanctis pugnandum? ibid. auxilium diuinum in eis crebro inuocandum, Augustini exemplo. 81.

Contra Incontinentiâ remedia ab Augustino praescripta. 100. 101. 107. scribit De Sancta Virginitate. 273. item De Bono viduitatis, ad Iulianam. 124.

Cresconius.

Cresconius Grammaticus Donatista, inuidia crescentis indies Vnitatis Ecclesiae scribit contra Epistolam Augustini. 319. 320. laudat Donatistas, quod respondere Augu-

GENERALIS.

Augustino detrectent, eiusq; eloquentiam carpi: utrumque telum suis retorquet Augustinus. 221. 322.

Cresconij argutia Grammaticales ab Augustino reclusa. 322. 323. eiusdem calumnias Augustinus partim refellit, partim consenuit. 324. 325. 326.

Crispinus.

Crispinus Calamensis Donatist. Episcopus, Octoginta colonos suos coactos & inuitos rebaptizat. 266. ad certamen coram aut per litteras ab Augustino prouocatus, pedem struit. 262. 266.

Crispinus ad collationem inuitatus a Possidio, ei insidias parat. 300. 301. disputatione publica a Possidio victus, heresis condemnatur, & a Proconsule multatur: multa tamen, deprecante Possidio, non exiguit. 302.

Crispinus a Proconsulis sententiâ appellat ad Imperatorem, a quo tam ipse quam Proconsul multa subiiciuntur: que deprecantibus Catholicis uerum remittuntur. 302. 310. 314.

D.

Darius.

Darius Comes, quantum delectatus Augustini scriptis. 63. cum in laudes suas effusum remittit Augustinus ad Confessionum suarum libros. 408. Darius mittit Augustino egrotanti medicamentum. 501.

Demetrias.

Demetrias ex nobiliss. Aniciorum familiâ, una cum matre & auâ Carthaginem venit. 429. ibidem hortatu Augustini Virginitatem vouet, & velatur. ibid. ad eam e Palestinâ Pelagius pestiferam Epistolam mittit: quam refutat Augustinus Epistolâ ad Iulianam Demetriadu matrem. 125. 429.

Deo-gratias.

Vox Augustino & Augustinianis familiaris. 119. nomen Diaconi seu Presbyteri Carthaginensis ex Augustini consuburnio. 119. 330. 552.

Deus.

Dei infinitatem & per omnia praesentiam qualiter imaginatus sit Augustinus ante conversionem. 29. 30. eiusdem pueri prime de Deo notiones. 10. apud Platonicos quam de Deo repererit doctrinam Christianae consonantia. 31. 33.

Deum non esse auctorem mali. 39. 32. 133.

Deum Manichei incorporeum concipere non possunt: atque hic fons erroris 24. V. Manichæi.

Deum non videri oculo corporeo, probat Augustinus libro siue Epistolâ de Videndo Deo. 416.

Dei dona omnia gratuita esse. 480 515. 516. V. Gratia.

R I T

Deus

INDEX

Deus miseretur cuius vult, magnâ bonitate; obdurat nullâ iniquitate. 518.

Deus vult omnes homines saluos fieri, 518. 519. 556. 574.

Deus ideo iubet aliqua quæ non possumus, vt nouerimus quæ ab illo petere debeamus. 552.

Diospolis.

Diospolis ciuitas Palaestina: in quâ habitata Synodus Diospolitana contra Pelagium. V. Palaestina.

DONATISMVS.

Donatista ex Traditoribus facti Schismatici, ex Schismaticis Hæretici.

1. Donatistici Schismatis Origo.

Mensurius Carthaginensis Episcopus. Romanam profecturus ad Maxentium, thesaurum Ecclesiæ quibusdam Senioribus commisit, & in reditu moritur. 146. Sufficitur illi Cacilianus. 147. is thesaurum à Mensurio depositum reposcit, quem inter se partiti Seniores in Cacilianum conspirant. ibid. hi se adiungunt Botrus & Celestius Episcopatum ambientes, ac Lucilla femina opulenta: Caciliani Ordinationem velut illegitimam criminantes. 147. 148.

Ab his inuocatus Secundus Numidie primas, plures Episcopos (è quibus plerique Traditionis crimen alter alteri in Cirrensi Synodo ignouerant. 144. 149.) contra

Cacilianum Carthaginem euocat. 148. adfuit inter alios Donatus Casis-nigris in Numidia Episcopus. 149.

Secundus Cacilianum Carthagine ad causam dicendam citari iubet: quo non parente, absens & inauditus, tamquam à Traditoribus ordinatus esset, à veris Traditoribus damnatur: & vnâ cum Felice Aptungitano aliisque Ordinatoribus suis Episcopatu deiicitur, in eius locum suffecto Maiorino Lucilla domestico: & sic Altare contra altare erigitur. 149. 150. 151. 152. V. Lucilla. Nundinarius.

Cognitis per Africam quæ Carthagine gesta erant, fit Schisma: aliis Maiorini, aliis Caciliani causam & communionem sequentibus. 153. hinc in singulis penè urbibus geminati Episcopi: nomina partibus indita: separata Oratoria: discreta Basilica. 154.

Donatus à Casis-nigris (qui & Causensis) exsculptum Schisma polit ac perficit. ac primò Caciliani Ordinationem conuellere studet criminibus in eum confectis, falsatis etiam Litteris, & corruptis Martyrum gestis. 157. mox Hæresin Schismati iungens, Baptismi, Chrismatris atque Ordinationis Sacramenta iterare incipit. 158. quod deinde secuti Schismaticorum posterì. 159.

Cacilianus se contra Schismaticos tuetur, missis Litteris ad Africa Ecclesias, tum vicinas Hispanias & Pontificem Romanum. 155. accipit Litteras à Constantino Imp. quibus ei contra aduersarios apud suos in Africa iudices perfugium aperit. 162. eâ re frendentes Schismatici Libellos

GENERALIS.

Libellos accusationum aduersus Cecilianum offerunt Anulino Proconsuli, & Imperatoris iudicium postulant. 164. Imperator Melchiali Papa cum tribus à Gallia Episcopis causse totius iudicium permittit: Cecilianum & Donatum assumptis utrimque decem Episcopis Romam abire iubet. 166. 167. Accusatus Cecilianum Donatus, sed in probatione deficientem, Melchiales Schismatis atque heresis damnatum Episcopatu deiecit: acta Concilij Carthagenensis contra Cecilianum rescindit: in Donati affectus mitissima sententia vitatur. 167. 168. 169.

Melchialis iudicio non acquiescunt Schismatici: iudices corruptos fuisse, in vulgus spargunt: ad Imperatorem profecti, Felicem Aptungitanum (à quo fuerat Ordinatus Cecilianus) Traditionis labe aspergunt: plura futilia allegant: alios pluresq; iudices postulant. 169. 170. 171.

Imperator Felici Aptung. causam Æliano Procons. committit. is Felicem absoluit, & Ingentium scribam falsarium in carcerem coniecit: quem paulo post Imperator ad se mitti mandat. 171. 172. Schismatici hoc etiam iudicium atque ipsum Proconsulem traducunt. 173. 174. Imperator tum hanc tum alius ob causas Arelatense concilium congregat: in quo denuo absoluitur Cecilianus, Donatus condemnatur. 174. 175. 176.

Arelatensis Concilij auctoritate plurimis ad Cecilianum communionem redeuntibus, persistit in perniciosa Donatus cum aliis nonnullis, & Imperatorem

appellat. 177. 178. Imperator partibus aduocatis & auditis, Cecilianum & ipse absoluit, ac Donatistas condemnat. 179. 180.

Schismatici tribunalibus omnib. consumitis ad calumnias confugiunt: Imperatorem & Osium præcipue Cordubensem variis commentis onerant. 181. atque interea in Africa Catholicos Basilicis suis exiunt. 182. quare coercendos ducens Imperator, Schismaticis Basilicas eripi, & respiscere nolentes in exilium eici iubet: Donatum Schismatis auctorem capitis damnat. 184. atque illi tum demum suerere: mortem sibi, velut indictam Persecutione, inferre, aut ab aliis extorquere: martyrii hoc modo gloriam affectare. 186. 187. V. Circumcelliones.

Donatus oblato Libello cum Imperatore de persecutione in suos instituta exposulat: additq; morituros potius quotquot erant, quam Ceciliano communicaturos: & potestatem in Africam reuertendi postulat. 189. 190. Imperator tam illum quam Cecilianum in Italia detinens, Eunomium & Olympium Legatos in Africam mittit, ad conciliandos Schismaticorum animos: quibus re infecta reuersis; Imperator illos furori suo ac Deo Vindici relinquendos statuens, exilij penam relaxat. 190. 191. 195. ita redit in Africam Donatus: eiusq; sequaces, veluti permissa erroris licentia, Schisma suum latissime propagant. 198. 199.

Rrrr 2 2. Dona-

I N D E X

2. Donatismi progressus.

Donatus Magnus (alius à Casensi) Maiorini in Episcopatu Carthag. successor, Donatistum enixè promouet. 204. 206. Paulum & Macarium Legatos cum muneribus à Constante Imp. ad Episcopos Africanos, respuit, atque à suis recipi prohibet. 207. 208. iisdem vim & insidias parat: contra quas dum se defendit Macarij miles, Donatista aliquot occiduntur. 207. 208. hinc clamare illicò Schismatici, Catholicos sanguinarios esse, & Macarianos appellare: cæcos deinde è suis inter Martyres colere. 209. 210.

His sceleribus insensus Constans Imp. patris in eos Leges renouat: Basilicis exiit, exilio multat. 216. Atque ita Africana Ecclesia quatuordecim annorum pace ac tranquillitate gaudet. ibid.

Sed resurgunt mox Donatistæ sub Iuliano Imper. à quo Basilicas & exilij relaxationem impetrant. 216. 217. atque in Africam redeuntes omnia cadibus, flammis, libidine ac sacrilegijs miscent. 218. 219.

3. Donatismi inclinatio.

Donatista inter se diuidi incipiunt, iusto Dei iudicio. 226. Ecclesiam & Baptismum partes certatim sibi vindicant. 227. 241. Ea res Donatistum labefactat. 226. Primus secessionem facit Rogatus, à quo Rogatista. 227. eum mox secutus Vincentius. 230. utrique ianuam patefecisse videtur Tichonius. 221.

Hinc Maximianistarum & Primianistarum schisma suscitatur, variis magnisq; tumultibus. 234. & sequi 244. 245.

Maximianista ab Optato Gildoniano coguntur redire ad Primianistas: ab iis recipiuntur absque vllâ Baptismi aut Ordinationis reiteratione. 254. quo facto Donatista causam suam peremerunt. 256. 257. 286. 287. 340. quod dum eis à Catholicis obicitur, ad veterem furorem & seuitiam redeunt. 256. 257. 258. 298.

Ad hæc accessit hostilis aries Augustinus, qui illos tam disputatione & sermonibus, quam Libris conscriptis planè impulit ac prostrauit. 260. & sequi V. Augustinus.

4. Donatistæ ab Africanis Patribus ad vnitatem Catholicam variis modis inuitati.

Carthaginense Catholicorum Concilium ad reducendos Donatistas indictum; auctore Augustino discernit solâ lenitate cum iis agendum: petitq; ab Anastasio PP. vt redire volentibus dignitates sue saluæ sint. 285. 286. 287. petitioni Afrorum annuit Anastasius. 287. 288.

Alio Carthagine Concilio decernitur, vt Episcopi Catholici Donatistas Episcopos regionis quisq; sue ad pacificam Collationem inuuent. 299. confort cum Crispino Possidius. 202. idem teneant Augustinus, aliq; Episcopi: sed defugiunt Donatista;

GENERALIS.

tista; recusantes, ut iactabant, cum peccatoribus loqui. 303. 304. quem eorum pretextum refutat, atq; irridet Augustinus. ibid. & 300. 367.

Catholici Legatos ad Honorium Imperatorem: quorum preces mitigat Augustinus, ad lenitatem inclinans. 310. 311. Donatista iterum sanguinary. 312. in quos Honorius Leges penales renouat. 313. atq; ita redditâ Africa tranquillitate, multisq; ad Ecclesiam redeuntibus sententiam suam de panis Hereticorum mutat Augustinus. 315. 316. 317.

Donatista morte Stiliconis (cui Imperatoris contra se vigorem imputabant) ad libertatem asperant; sed frustra: scribente ad Olympium Augustino, & Honorio rescribente ex animi sententiâ se fecisse, ratumq; haberi velle quidquid contra eos statueret. 341. 342.

5. Donatarum & Catholicorum COLLATIO.

Actu tyrannide relaxati tantisper in Africa Honorij Legibus, surunt ac saeuunt iterum Donatista 354. 355. Catholici huius malo semel exspirando auctore Augustino, generalem ac publicam vtriusq; partem Collationem Imperatoris auctoritate per Legatos induci possulant. 355. 356. Annus Imperatoris: ac Collatione inditi, Marcellinum Tribunum eidem praeficit. 356. Maximinianista ad Collationem admittens possulantes, reuocantur. ibid.

Marcellinus vtriusq; partis Episcopus ad eam Lege praescriptum Carthagine adesse

iuber. 357. ad sunt: ac locus futura Collationis legesq; proponuntur. 358. 359.

Ante Collationem omnia modestia & humanitatis signa exhibent Catholici: etiam iniquas sibi condiciones, pacis studio, Donatistis offerunt. 360. 362. totius deinde controuersiae capitula scripto proponunt. 363. ad haec Donatistis tergiversari ac cauillari volentibus, has eis declinationes incidit Cognitor Marcellinus. 363. 364.

Acta primo die. Initur praesentium Episcopi. numerus. Septeni vtriusq; ad conferendum delicti. 365. 366. deinde Septeni vtriusq; ad consulendum: quaterni vtriusq; ad Acta custodienda, & totidem Notarij, ex legibus Collationis iam ante propositis. 359.

Acta secundae diei. Post varias truas & futes scrupulos, sex dierum dilationem Donatista impetrant. 367. 368.

Acta tertiae diei. Post moras & effugia à Donatistis frustra quaesita, ingressus ad causam. 369. 370. Refutati errores Donatarum circa Ecclesiam & Sacramentorum communionem. 371. & sequ. Hinc prima Schismatis causa discutitur: in qua prius Donatista suis se telis induunt. 382. 383. ac causam peremptam erigere tentantes, iterum iterumq; concidunt. 384. 385. deinde lapsi, tandem condemnantur, reuocantq; Marcellini sententia. 387. 387.

Acta Collationis scripto tradita, quotannis apud celebriores Ecclesias de superiori loco recitari solita. 388. 389. eorum Breuiolum Augustinus conficit, summo labore. ibid. Collationis fructus. 390.

INDEX

6. Donatistæ quid post Collationem?

A sententiâ Cognitoris ad Imperator. Donatistæ appellant. 390. at is de Collationis successu à Marcellino edoctus, Leges pœnales contra eos condit ac publicat. 395. ad quas Donatistæ solemniter insistentes, occiso Restituto ac truncato Innocentio cum legibus plectendi essent, deprecatores reperiunt Augustinum. 396. 397. non cessantes interim tam sententiam, quam ludicris personam calumniis impetere, ab Augustino refutantur. 422. 424. 425.

Morte Marcellini per Donatistas procuratâ, Honorius iterum eius acta confirmat: vim Legum renouat & intēdit: Dulcitium Tribunum iis exequendis in Africam mittit. 428. 429. Ibi denud furere Donatistæ: Basilicas incendere: voluntariam mortem exilio preferre. 430. 529.

Emeritum Donatistarum Episcopum multa contra Collationis acta garrientem, Augustinus ad ea populo presente iterum excutienda prouocat, ac conuincit. 496. 497. 498.

Dulcitius interea contra Donatistas munus suum impigrè obit: & Gaudentium fanaticorum tubam Litteris admonet. 528. 529. respondentis Gaudentij Litteras Augustinus à Dulcitio consultus refutat. 530. 531.

Donatistæ.

Donatistæ sic dicti à Donato Magno sine Carthaginensi. item Donatiani. 203.

prius dicti Maioristæ, & Pars Maiorini. 154. 164. Roma dicti Montenses, Campates, Rupitani, vnde? 156. Circumcelliones qui & vnde dicti? 211.

Donatistæ in Schismata varia diuifurmutis odiis inter se pugnant ac pereunt. 226. 227. 229. 244. & sequ. Rogatistæ alios appellant Firmianos. 229. maior Donatistarum pars Primianistæ dicti. 227.

Donatistæ Catholicos appellant Traditores & Persecutores. 206. 355. item Macarianos. 209. peccatores. 300. 304. Apostolicam sedem, pestilentia cathedram appellant. 170. Melchiadem Papam Traditionis labe aspergunt. 170. 171. 385. item Syluestrum Papam. 178. Osium Cordubensem calumniis impetunt. 181. 184. Imperatores & saculares potestates spernunt. 185. 204. 208. à Catholicis fratres appellari recusant. 368.

Donatistæ Catholicorum nomen sibi vindicant. 191. 370. ceteris meliores videri volunt. 228. 300. 367. homines se calistes atque Angelis similes iactitant: plebem pro se orare nolunt. 264. Filios martyrum se appellant. 355. Donatum Carthagin. pro Christo habent, vtpotè peccati expertem: iurant per eius nomen: carmina in eius laudem decantant: Natalem eius celebrant. 204. 205. De paucitate sua gloriantur. 227. 373. homines fanaticos & latrocinij infames pro Martyribus colunt. V. Circumcelliones.

Donatistæ se iungunt Arianis. 202. Iuliano apostata impiè adulantur. 216. item Optato Gildon. homini scelestissimo. 263.

Dona-

GENERALIS.

Donatistæ damnati, iudices licet æquissimos, etiam à populo, accusare & criminari soliti. 169. 170. 174. 185. 422. aut cauillari iudicium fuisse præcipitatum: duere non permissi, aut loqui non ausos qua sentirent. 170. 131. 497. impudentia diabolo superiores. 181.

Scelerum apud Donatistas impunitas. 253. 280. 293. 298. cum in suorum scelera obuiuntur, negant ad se fuisse peritiam. 290. 297.

Donatistæ Gesta martyrum, atque Operati Libros corrumpunt. 157. 221. coarctos atque inuitos quos poterant rebaptizant. 266. 277. Legem coercionem, persecutionem appellant. 186.

Donatistæ pacis & concordia æquissimas conditiones ab Imp. oblatas respiciunt. 191. Omnem cum Catholicis collationem recusant. 300. 303. 304. 355. eorum vox: Disputare volumus, & rebaptizare volumus. 374.

Donatistarum in Catholicos sauitia: item incestus, & sacrilegia. 212. 216. 218. 219. 297. 312. 313. 373. V. Circumcelliones: eorum fraudulentis suggestionibus Marcellinus Cognitor interficitur. 428.

Donatistarum errores, ab Augustino refutati.

1. Dicebant: Ecclesiam solis constare bonis; malos omnes extra eam esse, nisi si occulti essent. 371. 381. Refutatur hic error. 371. 381.

2. Externa societate & communi Sacramentorum vsu pollui a malis bonos,

ideoque corporalem & omnimodam à malis secessionem faciendam. 253. 372. 374.

Refutatur hic error. 222. 253. 261. 372. 374. 383. 384.

3. Christi Ecclesiam in sola remansisse Africa, & apud solam Donati partem: reliquum terrarum orbem, quia Cæciliano communicasset, eius criminibus esse pollutum, atque ideo in eo Ecclesiam defecisse. 253. 284. 373.

Refutatur hic error. 222. 226. 253. 254. 284. 373.

4. Ecclesiam non dici Catholicam à temporum, locorum & gentium vniuersitate. 230. 374.

Refutatur 230. 369. 380. 381. 426.

5. Vera Sacramenta in solâ Donati parte reperiri: in aliis, etiam ritè prius accepta, perire ac deperdi: à manifestè malis verè ac valide conferri non posse, ideoque in eis qui ad Ecclesiam redirent reperenda. 375.

Refutatur hic error. 258. 259. 262. 267. 339. 375.

6. Neminem cogendum esse ad eam Religionem quam non probet: verissimamque esse Christi Ecclesiam, qua persecutionem (ita Legum coercionem vocabant) pateretur. 186. 378.

Refutatur. 256. 257. 378. 411. 530. 531. 518. 319.

7. Ad euadendas persequentium manus, fas esse sibi mortem consciscere: quique sic oppetissent pro Martyribus colere. 379. Vide: Circumcelliones.

Refutatur. 141. 379.

Donat-

INDEX

Donatus.

Donatus Episcopus in Africa Catholicus. 183.

Donatus Casensis.

Donatus Casensis siue Casis-nigris in Africâ Episcopus, homo inquietus: interest Concilio Traditorum contra Cæcilianum. 149. 168. *Schisma paulo pòst enatum maximè polit & perficit.* 157. *hæresin Schismati iungit.* 158. *Cæcilianum Romæ apud Melchiadem accusans in probatione deficit, ac iudicio se subducit.* 168. *damnatur à Melchiade & Episcopatu deiciitur.* 169. *iterum damnatur in Concilio Arelatensi.* 177. *damnatur tertio ab ipso Constantino.* 180. *Capitalis sententia in eum lata, Osij intercessione mitigatur.* 184. *V. suprà Donatismus. Num. I.*

Donatus Carthagin.

Donatus Magnus siue Carthaginensis, Maiorini in Episcopatu successor; à quo Schismatici dicti Donatistæ & Donatiani. 203. *portentosa superbia, & callidus impostor: populum cum Deo diuidere ausus.* 204. 205. *Donatistarum erga illum cultus & obseruantia V. suprà Donatistæ.*

Scripta eius Arianiſmo infecta. 202. *eius Epistolam refutat Augustinus.* 206.

Sedæ Carthagine cum Grato Catholicorum ibidem Episcopo. 207. *manera vtrique mittit Constans Imp. qua Donatus superbè repellit.* 208. *Legatus Imperatoris*

insidias ac vim parat per Circumcelliones. ibid. Carthagine pellitur, atque à Donatistis Martyrialis gloria vir appellatur. 216.

Donatus Bagaitanus.

Donatus Bagait. Episcopus & Marcus, Circumcellionum duces, Legatis ab Imp. vim & insidias parant. 208. *qua morte perierint?* 209. 210. *Donatistarum protomartyres: & quanto ab iis honore culti.* 210. *in Catholicorum aliquando Martyrologia irrepserunt. ibid.*

Dulcitius Tribun.

Dulcitius Tribunus-Notarius in Africâ succedit Marcellino. 428. *Vnus, an plures Dulcitij?* 429. *mandata Honorij contra Donatistas exequitur.* 528. *Gaudenium ad vnitatem Ecclesiæ hortatur.* 529. *respondentis Gaudenij litteras Augustino mittit, ab eoq. consilium petit.* 530.

E.

Ebagnius.

Ebagnius Magistrianus Legatus à Theodosio Imp. ad Augustinum, vt eum ad Concilium Ephesin. contra Nestorium inuiter. 631. *Littera Theodosij per Ebagnium allata. ibid.*

Ebrietas.

Ebrietati addicti Africani. 91. *eorum mores*

G E N E R A L I S.

mores & bibendi certamina Augustinus increpat. ibid. Ebricis paludibus comparati. 95. remedia contra ebriositatem prescripta. 93.

Ecclesia.

Ecclesia in Christo an in Petro fundata. 69. eius nota Augustinum perueniens. 127. 128.

Ecclesiam non fundatam super homines, ut in labentibus ipsa corruat, etiam videt Tubonius Donatista. 222.

Ecclesiam sanctam esse debere regent Donatista: Catholicam & Sanctam & Catholicam. 371. 381. Catholica unde dicitur? 230. 231. 284. Una sola inter tot Haereticos hoc nomen obinet. 127. Domino gubernante secura. 129.

Ecclesia e mala & bona constat. 214. 381.

Ecclesia causam a personarum causis separandam sedulo monent Opiatus & Augustinus. 209. 381. & sequi.

pro Ecclesia pace Episcopatu cedere, gloriosum ducit Augustinus. 289. neque ipse recusat opere complere. 351. pro eadem pace multa tolerantur quae Unitati compensatione sanantur. 361. 362. 1. Donatist.

Emeritus.

Emeritus Casariensis in Mauritan. Episcopus: auctor sententiae disertissima contra Maximianistas in Concilio Bagaiensi. 244. 498. Unus e Septemviris Donatistarum in Collatione Carthagen-

si. 366. 496. eius ingenium ab Ecclesia unitate discerptum dolet Augustinus. 261.

Emeritus cum apud suos iactaret, se in Collatione Carthagin. potestate prohibitum plura dicere; prouocatus ab Augustino ad priuatam Collationem obmutuit. 497. 499. Sedet cum Deuterio cognato suo Catholice Caesaris Episcopo, ibidem.

Episcopus.

Episcopi non propter nos sumus. 288. pro pace Christi debent esse, aut non esse. 361.

Episcopatus nomen est operis, non honoris. 588.

Episcopatum ambiendo haereticus factus Arius. 199. item Schismatici, Botrus & Celcius. 147.

Episcoporum morte saepe turbata Ecclesia. 553. 560. idem viri adhuc successorum designabant, ac populo proponebant. ibid. quod peius propter abusus ab Ecclesia sublatum.

Episcopi duo simul ne vni praesint Ecclesiae, Nicaeni Concilij Canon. 77. 561. eum ignorans Valerius Augustinum se viuo ordinari curat, ibidem. quod ne amplius contingat, prouocat Augustinus in Concilio Carthagin. 77.

Episcopi tempore Schismatis per totam Africam geminati V. Africa.

Episcopatum Donatistis, si respicere velint, saluum atque integrum mansurum offerunt Catholici. 361. quod aliis prohibitum, pacis compensatione sanabatur,

S s s s

& iam

INDEX

& iam Melchhiades aliq, permiserant. 361. 362. etiam Anastasius Papa. 286. 287. 288.

Episcopatum pro pace Ecclesia deponere gloriosum esse ostendit Augustinus. 289. neque eum sic perdi, sed tutius Deo commendari. 361. id facere parati sunt Episcopi Catholici in collatione Carthagin. ibidem.

Episcopi olim causas suorum audiebant ac dirimebant. 461. 463.

Episcopi soliti supplicare pro damnatis. 399. 340. an iis parere debeant iudices consultus Augustinus, quid responderit ibid. De fuga Episcoporum tempore belli aut persecutionis, Augustini consilium. 599. 600.

Episcopi Traditores in Africa. 141. 144. eorum conciliabulum contra Cacialianum. 148. 382.

Episcopales causas Donatista ad Imperatores trahunt. 164. 178. 382. ad Pontificum iudicium remittit Constantinus. 165. 174.

Episcopis munera in Ecclesia & pauperum usum mittunt Imperatores. 161. 162. 207. item Traitorias, euntibus ad Concilium. 175. 176.

Eradius.

Eradius Presbyter ex Augustini contubernio. 527. eum Augustinus in Episcopatu muneris coadiutorem assumit, & successorem designat. 559. 560.

Eucharistia.

Eucharistia an quotidie sumenda, questio olim agitata; & Augustini sententia. 601. Sumenda à ieiuniis. 511. preparatio ante illam necessaria. ibid.

Eulogiæ.

Eulogia quid? 479. Unitatis indicium: ibidem.

Eulogias inter se frequentant Augustinus, Alipius, alique. ibid.

Eulogiæ etiam Catechumenis datæ. 480.

Eulogias facere cum suis dedignatur Donatus Carthagin. 205.

Eulogius.

Eulogius Rhetor Carthagin. Augustini discipulus: ab Augustino per somnium edoctus. 27.

Eulogius Episc.

Eulogius Episc. primas Palestina, indicit Synodum Diospolitam contra Pelagium. 441. & sequ.

Euodius.

Euodius Tagastensis, ante Augustinum conuersus & baptizatus. 46. Mediolani cum Augustino vitam communem & Monasticam agitat. ibid. præstantis ingenij & doctrina. 46. 47. 50. In funere Monica

G E N E R A L I S.

nica inchoat Psalmum: Misericordiam
& iudicium. 52. cum Augustino in
Africam proficitur. 51. eadem conuincit
in Monasterio Hipponensi. 57. Episcopus
deinde Vsalensis, mittitur à Concilio Car-
thaginensi Legatus ad Honorium Imp. con-
tra Donatistas. 52. 310. à Donatistis ca-
sus. 52. 341.

Excitat Vsalè oratorium reliquias S.
Stephani ab Orosio allatis. 468.

Miracula S. Stephani an ab eo conscri-
pta? ibid.

F.

Faustus.

Fausus Manichæorum Episc. magnus
laqueus diaboli. 22. per nouem annos
Augustino promittitur, eius dubiis satisfac-
turus, ibid. facundia præditus, cetera im-
peritus. 23. Augustino non satisfacit. ibid.
domo Miletitanus. 131. vitâ delicatus.
21. 132. Scribit contra Legem & Pro-
phetas, ac Christi incarnationem: eumq;
Augustinus refellit. 131. Manichæismus
conuictus, deprecantibus Christianis in in-
sulam relegatur. 132. gloriantis se perse-
cutionem propter iustitiam pati, quid res-
ponderit Augustinus. ibid.

Felicianus.

Felicianus Mustitanus Episc. Maximia-
nilla: damnatus à Primianistis in Baga-
ienfi Synodo. 343. contra eos se ac Basi-
licam suam defendit. 247. 248. ad Pri-
mianistas redit, ac recipitur. 255.

Felicianus Arianus.

Felicianus cum Augustino publicè disputat.
586. Collationis acta Augustinus in Li-
bellum confert. ibidem. Vide infra: Fi-
des.

Felicitas.

Felicitas, Præposita Monasterij Sancti-
monialis ab Augustino instituti. 122.
successit eius sorori germanæ. ibid.

Felix.

Felix Aptungitanus Episcopus Ordina-
tor Cæciliani: à Schismaticis accusatur
Traditionis in Concilio Carthaginensi.
150. Proconsulari sententiâ innocens de-
claratur. 171. eius causa repetita in
Collatione Carthagin. 387.

Fides.

Fidem sic esse à nobis, ut non sit à
Deo, censuit Tichonius Donatista. 224.

Fidei initium esse ex nobis etiam cense-
bat Vitalis Carthagin. 573. & ante
Episcopatum Augustinus. 71. 609. quem
errorem Augustinus Episcopus statim re-
tractat, atque oppugnat. 72. 126. 552.
572. 609.

Fide absente nullam esse posse veram
virtutem, constanter docuit Augustinus.
110. 112. 508.

Fidem sine operibus mortuam saluare
non posse. 421. neque contrà, opera sine
Fide. 508.

S f f f 2

anse

INDEX

ante Fidem, rationem veri à Catholice exigebant Manichæi. 15. 65. à quibus non multum abluat Iulianus Pelagianus. 615.

Fidei præcepta non tam rationis quam Scripturarum pondere muniri, in aliis Catholicis tolerat Felicianus, in Augustino ferre non potest. 586. cui reponit Augustinus, Non se amare sapientiam verbi, nè euacuetur crux Christi. 587.

Firmus.

Firmus Africe tyrannus, Mauritaniam occupat. 229. Vincitur a Valentiniano. ibid. eius operâ Donatistæ Rogatistæ persequuntur, & ab his appellantur Firmiani. ibidem.

Florus.

Florus Episcopus Pelagianus: cui Iulianus dedicat Octo libros contra Augustini secundum de Nupt. & Concupisc. 570. è cathedrâ deiectus excipitur Constantino-poli à Nestorio. 632.

FOLLIS siue Follis.

Follis quæ & Follis certa pecunia mensura aut modus. 162. triplicis generis Follis. 163.

Fortunatus.

Fortunatus ad Episcopatum ex Augustini Monasterio assumptus. 116. sedis

cum Petiliano Donatistâ. 264. vnus è septem in Collatione Carthagin. ad disputandum electis. 367.

Fortunatus Manich.

Fortunatus Manicheorum Presbyter Hippone multos seducit. 66. rogatus non solum à Catholicis, sed etiam Donatistis Augustinus eum publicè conuenit, ac conuincit. 67.

G.

Gaudentius.

Gaudentius Thamugadensis Donatistarum Episc. vnus è septemuiris in Collatione Carthagin. 366. minatur se ac suos ignibus absumenturum prius, quam edictis Imperat. pareat. 529. 530. eius litteras ad Dulcitium Tribun. refutat Augustinus, ac respondentem iterum refellit. 530. 531.

Gaudentius olim à Catholicis pressus, Catholicam Ecclesiam aiebat humanum esse figmentum. 374.

Gentiles.

Gentilium scripta quid boni habeant, & quomodo in usum nostrum vindicandum. 61. V. Pagani.

Gildo.

Gildo Africa Comes tyrannidem inuasit.

GENERALIS.

dir. 249. perduellionis Gildonianæ histo-
ria. 249. 250. eius mores & ingenium.
252. Procurator Gildoni, & Comes Gil-
doniani patrimonij, qui? 251. Gildonis
satellites, ibidem.

Gloriæ & Laudis cupido.

Gloria & laudis tentatio quàm laten-
ter actionibus bonis subrepat. 84. 85. lau-
des hominum quomodo in Deum referen-
da. ibid. 408. Gloria in Augustina fuga ac
contemptus. V. Indic. Augustin.

Gothi.

Gothi sub rege Rhadagaiso victi à Ro-
manis. 394. ne Romam inuaderent à Deo
prohibiti, cur? ibidem.

Gothi sub rege Alarico capiunt Ro-
mam. 354. 391. in eius depredatione
multa modestia atque reuerentia erga Ba-
silicæ Sanctorum signa edunt. 392. 394.
V. Alaricus.

Gothi Ariana hæresi infelli quomodo,
& quando? 337. Ariamum in Afri-
cam inuadunt sub Benifatio Comite. ibid.
item sub Sigisualdo Comite. 383.

Græca lingua.

A Græcâ, ut peregrinâ Augustinus
puer abhorret. 10. tam postea assuequitur.
64. 920. antiqua eius pronuntiatio Au-
gustini quo perditur. 64.

Gratus.

Gratus Carthagenensis Episcop. sedis
cum Donato Magno. 207. interest Con-
cilio Sardinensi. 202. Synodum Cartha-
gine agit, qua prima Carthagenensis. 215.

Gratia.

Gratia non datur meritis nostris, sed
gratuitè. 480. 515. 542. 551. non tol-
lit arbitrij libertatem. 420. 542. 551.
552. Liberi arbitrij infirmitas absq; gra-
tia adiutorio. III. 517.

Gratia necessitatem ad quoslibet actus
bonos iam inde ante conuersionem ex Apo-
stolo obseruat Augustinus. 33. 34. 110.
eam defendit contra Pelagianos. 416. 516.
552. 553. virtutum adipiscendarum
unicum medium esse, ubique inculcat.
110. 112.

Gratia commendatione non induci Fa-
tum. 541. neque impediri Correptionem.
553.

Gratiam & Prædestinationem euiden-
ter commendari in persona Christi. 516.
632. etiam Fidem præueniri gratia.
V. Fides.

Gratia diuina perpetuus atque acerrimus
affectus extitit Augustinus. 535. 621.
627. 618. 619.

Ssss 3 H. Hæ-

INDEX

H.

Hæresis & Hæretici.

Hæreses multas ambitio genuit. 147. 148. 199. earum obstetrices femina. 147. 149. 233.

Hæretici promptissimi ad calumnias, in probando deficientes iudicio se subtrahunt. 168. 490. damnati sapius, alios semper iudices appellant. 169. 178. 481. 504. libros anonymos in vulgus spargunt. 534. 535. falsarii ac librorum corruptores. 157. 221. in Catholicos crudeles. V. Circumcell. & 451. de paucitate suâ gloriari solent. 227. 373. Legum coercitionem, persecutionem vocant. 185. 210.

Hæreticos Augustinus aliquando censuit solo Dei verbo vincendos: quam sententiam postea mutavit, & quare. 230. 316. 317. 318. 530.

Hæreticis Schismaticis ad Ecclesiam unitatem redeuntibus ut dignitates suæ saluæ essent permisit Melchisedes Papa. 169. Anastasius. 287. 288. V. Donatistæ. Pelagiani.

Heros & Lazarus.

Heros & Lazarus Gallicani Episcopi, Pelagium ac Celestium detegunt, ac deferunt. 441. libellum accusatorium mittunt in Palaestinam ad Eulogium: qui mox Synodum indicit Diospoli. ibid. proficiscuntur eò Heros & Lazarus, sed ad diem Synodi adesse non possunt. ibid. eorum

absentiâ Pelagius à Synodo absoluitur. 442. Scribunt ad Patres Africanos Carthagine congregatos, litteras perferente Orosio. 457.

Herotem & Lazarum Celestius Rome apud Zozymum accusat, & calumniis multis aspergit. 482. 483. in eos Zozymus a Pelagianis deceptus iuuehitur. 487.

Hierius.

Hierius, Romana Urbis Orator, Augustino ob doctrinam famam amatus. 20. ei dedicat Augustinus Librum De Aptò & Pulchro. ibid.

Hieronymus.

Hieronymo quando primum innotuerit Augustinus. 73. cum eo per litteras disputat Augustinus super Legalibus & Mendacio, eumq; manus dare compellit. ibid.

Hieronymus de Origine Anima consultus à Marcellino, eum mittit ad Augustinum. 434. Augustinus super eadem questione consultus ab Orosio, eum remittit ad Hieronymum. 433. 452.

Hieronymus excitat Augustinum ad extinguendum communi opera Pelagianismum. 451. gratulatur eiusdem progressibus contra Donatistas. 138. item de damnatis Celestio & Pelagio. 404. Lectis Augustini libris, desistit ab oppugnando Pelagio, & Augustino in hoc cursu lampadem tradit. 439.

Hieronymus Pelagius odiosus. 451. eius mona-

GENERALIS.

monasterium Pelagiani violant ac diripiunt. *ibid.*

Hilarius.

Hilarius Augustini disciplinâ imbutus. 526. paupertatem monasticam coluit. 121. Episcopus Arelatensis. *ibid.* Semi-pelagianos Augustino detegit, eumq. contra illos opem implorat. 508.

Hippo & Hipponenses.

Hippo-Regius Africa ciuitas. 602. ciues Hipponenses Regi dicti. 625. *ibidem* Balnea Sosis. 67.

Hipponem se recipit Bonifacius à Vandali victus. 602. Vandali Hipponem circumgunt. 625. ac post quatuordecim mensium obsidionem concremant. 624. 629.

Hipponenses Augustinum ad Presbyterium abripiunt. 56. idem tentant in Piniano, eiq. Augustinus exultat. 345. colunt S. Stephanum. 468. 471.

Hipponensis Ecclesia monachis & Episcopos suppeditat aliis Ecclesiis. 114. 115. 116.

Hipponense Concilium, in quo presbyter Augustinus, de Fide & Symbolo disputat. 67. 76.

Honoratus.

Honoratus amicus Augustini, à Manicheis deceptus 65. Scriptis Augustini ad Catholicam fidem adducitur. *ibid.* iam Catechumenus quinque questiones Augu-

stino proponis. *ibid.* postmodum presbyter factus. *ibid.*

Honoratus Donatist.

Honoratus Episcopus partis Donati, ab Augustino admonitus. 261.

Honorius Imp.

Honorius edictum Iuliani à Donatistis impetratum publicè proponi iubet in eorum ignominiam. 285. Capitale supplicium sancit contra Ecclesia perturbatores. 265. Donatistas & Manicheos coercendos ac tollendos statuit: atque vnam Catholicam fidem per Africam retineri. 313. 314. Theodosij Aurariam legem renouat. *ibid.* Attalo tyrannidem in Africâ occupante Leges relaxat, suasu Heracliani. 354.

Honorius mortuo Stilicone mentem suam de Legibus antè latis aperit, & Africanis Patribus rescribit. 341. 342. Collationem Carthagine indicit, eiq. Marcellinum praeficit. 355. 356. in eâ victis Donatistis, leges contra eos condit. 375. 376. quas deinde renouat, usq. exequendis Dulcetium in Africam mittit. 428. 430.

Honorius Pelagium ac Celestium eorumq. affectat exilio multat. 493. eius Edictum contra Pelagianorum fautores & occultatores. 505. 506.

I. Inno-

I N D E X

I.

Innocentius Papa.

Innoentio mittit Augustinus librum de Nat. & Gratiâ, ac Pelagij dogmata detegit. 438. Innocentij de usdem censura. ibid.

Innocentius corripit Ioannem Hierosolymit. in Pelagianorum facinoribus conniventem. 451. Pelagium ac Celestium damnat. 459. Pelagij ad Innocent. littera traduntur Zozymo successori. 484.

Innocentio Augustinus mittit Epistolam suam contra Pelagij purgationis charitatem. 457. Scribit eidem nomine quinque Episcoporum Carthagine. 458.

Ioannes Hierosolymit.

Ioann. Hierosolymitanus Episcopus interest Synodo Palaestina in qua absolutus Pelagius. 441. Pelagium non dubie amasse colligitur. 451. 452. admonetur ab Augustino de Pelagij doctrinâ, & quomodo eum diligere debeat. ibid. in eum finem litteris suis Augustinus adiungit Librum de Nat. & Gratiâ. 439. increpatur ab Innocentio Papa. 451. ei in Episcopatu succedit Praxillus. 487.

Iuliana.

Iuliana mater Demetriadis Augustino Carthagine nota, qua occasione? 429. ad eam scribit Augustinus Librum De Bono

viduitatis. 124. item Contra pestiferam Pelagij Epistolâ Demetriadi missam. 429.

Iulianus Imp.

Iulianus Apostata ad Imperium enebitur. 216. a quibus impietatem haurit. ibid. ad eum Donatistarum Legatio. ibid. Donatistis libertatem & Basilicas restituit, Schismata nutrit, quo fine? 217. Catholicorum contra Donatistas querelas respicit. 219. moritur. 220.

Iulianus Pelagian.

Iulianus, Memorij Episcopi filius: ingenio & eloquentiâ praeclatus. 502. primum coniugatus: deinde Diaconus, ac mox Episcopus, & cuius loci? ibid. ei mittit Augustinus librum sextum De Musica, petente Memorio: ac Iuliani praesentiam optat. 502. 523. varia ab eo conscripta. 505.

Iulianus primas sibi partes tribuit inter Pelagianos, vti Augustino inter Catholicos: quod Augustinus tamen non accipit. 503. Catholicos omnes vilipendit. 504. 505. eosdem ob peccatum Originale appellat Manichaeos & Traducianos. 541. 549. 611. Augustinum, eiusque matrem licet mortuam contumeliosius incescit. 381. 549. 611. 612. in Theologia plus deservit humanis rationibus, quam auctoritati divinae: ob id ab Augustino acriter perstrictus. 615.

Iulianus queritur de gestis contra Pelagium ac Celestium: eaq. nouo & Oecumenico examini subdi exoptat. 504. Scribit

GENERALIS.

Scribit contra Augustini librum primum de Nupt. & Concupisc. 502. item duas Epistolas heresis & calumniarum plenas. 504. quas Bonifacius Papa misit Augustino refutandas. 506. Iohannes Iuliani in duabus epistolis. 513. eas refellit Augustinus Libris quatuor. 540.

Iulianus librum secundum Augustini de Nupt. & Concupisc. oppugnat Octo libris. 569. 570. Ex his quinque ab Alipio transmissos Augustinus refutat: quorum duo nuper reperti, reliqua dicuntur Opus imperfectum. 611. 614.

Iulianus Episcopatus decessus excipitur Constantinopoli a Nestorio: cum quo una damnatur in Concilio Ephesino. 632.

L.

Lactidius.

Lactidius Augustini consobrinus. 6. Cum eo secedit Mediolani in Cassiciacum. 40.

Leporius.

Leporius presbyter Augustini contubernans. 559. cum non ante in domum suam ac Clerum recepit Augustinus, quam erogatis omnibus bonis pauperem vidit. 345.

Leporius Monachus natione Gallus, Augustini opera respicit à Pelagianismo atque erroribus, & editi Emendationis sue libellum. 570 571. an idem cum priore? 346. 571.

Lex.

Leges Imperatorie Hereticis coercendae latae: A Constantino. 184.

A Constante. 216.

A Valentiniano. 232.

A Theodosio. 232. 304. 310. 311.

Honorio. 132. 265. 285. 313 314. 395. 493. 458.

Legum coercionem Donatistae persecutionem appellant. 185. in exequendis in Africam missus Dulcitius Tribunus. 428. 528. 529. Legum penarum contra Hereticos fructus. 316 317. 493. de his Augustini sententia. 230. 316. 318.

Liber. arbitrium. V. Gratia.

Licentius.

Licentius, Augustini concivis & discipulus, filius Romanus. 9. magna ex parte consiliarius Philosophiae per Hortensium Ciceronis. ibid. Poesi versibusque deditus, & in eis excellens. ibid. Secedit cum Augustino in villam Cassiciacum, cumque eo disputat de Vita Beata. 40. 42.

Licentium Romae agentem hortatur Augustinus ad aulam militumque contemptum. 9. idem facit Paulinus proposito alipii & Augustini exemplo. 522.

Lucilla.

Lucilla femina Hispana, Ceciliano insensa, cum 147. in eum conspirans Sibi-mati occasionem praebeat. 148. Episcopos contra Cecilianum convocatos hispano excipit.

T T T

cipit.

I N D E X

*capit, & corrumpit: ut deposito Cecilia-
no Maiorinus domesticus eius sufficiatur.*
149. 194. 233.

M.

Macarius.

Macarius & Paulus ab Imp. cum
muneribus ad Africanas Ecclesias
vniendas missi, à Donatistis repelluntur,
ac penè occiduntur. 208.

Macarij miles se defendere coactus, ali-
quot è Donatistis sauciat ac perimit.
idib. Hinc Donatistæ Catholicos appellant
Macarianos. quod nomen veluti omen
accipit, atque interpretatur Augustinus.
209. Petiliani ac Donatistarum contra
Macarium calumnia, ab Augustino refel-
luntur. 210.

Macedonius.

Macedonius index Casareus in Africâ
consultat Augustinum, Quantum tribuen-
dum sit precibus Episcoporum pro reis de-
precantium? 399. eius lenitas erga Do-
natistas ab Augustino laudata. 400. 401.

Macedonius Augustini scriptis delectatur,
eag, pulcherrimo elogio prosequitur. 408.

Maiorinus.

Maiorinus à Schismaticis ordinatur
Episcopus Carthaginensis contra Cecilia-
num. 152. V. Lucilla. ab eo Schis-
matici dicti Maiorista, & Pars Maio-
rini. 154. 164.

Malum.

Mali originem inquirendo torquetur
Augustinus ante conuersionem. 15. 30.
Malum non esse à Deo, neque substantiam
esse. Sed à summâ substantia detortam
creaturæ voluntatem, 30. 32. malum, ex
libero voluntatis arbitrio. 49. 517.

Manichæi.

Manes, qui & Manicheus auctor sectæ,
Persa natione. 69. Manichea hæresis quan-
do cœperit? 69. 70. contra eam qui olim
scripserunt tam Græci, quàm Latini. ibid.
fons erroris eorum, quod Dei naturam à
corporeâ mole intellectu separare non pose-
rant. 24. 133.

Manichæi superbè delirantes: hypocritæ:
linguâ & vitâ discrepantes. 14. 21. 48.
apud eos alij Electi, alij Auditores. 15.
132. 133. Promittunt se ratione, non au-
ditoriate homines ad Deum introducturos,
hisque artib. Augustinum capiunt. 15. 133.
irrident Catholicorum credulitatem. 65.
cùm ipsi interim Manichæi fabulis fidem
adhiberent, & ab alijs postularent. 22. 26.
Augustini questionibus, dum inter eos ver-
satur, satisfacere non possunt. 22. 23.

Manichæorum deliramenta de pugnâ
Dei & Gentis tenebrarum. 29. 128. 129.
item circa SS. Trinitatem. 15. tria illo-
rum signacula. 48. error de duabus ani-
mabus. 65. 66. Solem nauem esse dice-
bant, ac figurâ triangulum: toto calo non
errantes solum, sed & natantes. 14. Lu-
cem

GENERALIS.

cem quibuscumque viuentibus praeferbant. 16. etiam inter diuina colebant. 22. Non se peccare, sed Gentem tenebrarum, volebant: ac Deum potius mala pati, quam hominem mala facere. 29. 30. in Galliam peruadunt. 133. Honorij Legibus exagitantur. 132. 315. V. Indicem Augustin.

Manlius Theodorus.

Manl. Theodorus idem cum Manilio scriptore Aethiomatici. 42. religione Christianus: & Augustino Mediolani familiaris. ibid. et Augustinus dednas librum de Una Beatâ. ibid.

Marcellinus.

Fl. Marcellinus ab Honorio mittitur in Africam Tribuni-Notarius, Collationis inter Catholicos & Donatistas Cognitor futurus. 356. 357. Tribuni-Notarius quæ. 429.

Marcellinus Donatistas ad Collationem indillam omni benignitate inuitat. 357. Donatistarum Episcopi confidere recusantibus, stando cognoscit. 367. 368. & sequ. sententiam contra Donatistas pronuntiat. 390. de Collationis successu Imperatorem instruit. 395. in Donatistas homicidas quæstionem exercet, sed planè moderatam. 397.

Marcellinus Augustino commendat Volusianum à paganismo abducendum. 406. eundem rogat, ut quæstioni respondeat: Cur sub Christianis principibus tot tantâ-

que mala Romanum imperium inuaserrint? ibid. ad illum scribit Augustinus libros de Civitate Dei. 391. 406.

Marcellinus mittit Augustino Quæstiones Carthagine agitatae occasione Celestij & Pelagij. 402. 403. eundem consulit super loco quodam ex libro ad se misso De Peccatorum meritis & Remissione. 418.

Marcellinus instinctu Donatistarum casus: inter martyres relatus. 428. Marcellini elogium. 402.

Maria Virgo.

Virginis partum, naturalib. exemplis probare nititur Euodius. 49. 50. Oratio Augustini ad Deiparam: Ora pro populo, interueni pro Clero, intercede pro deuoto femineo sexu. 125.

Martyres & Martyrium.

Martyrium in Africa multitudo, in persecutione Dioclet. & Maximian. 140. 141. increpati Christiani qui temerè se persecutoribus offerrent. 141. Sexaginta Christiani occisi à Paganis in Colonia Suffetanâ. 280. Non à pugnantibus sed morientib. Christianis domita huius sæculi potestates. 282.

Martyres à Christianis non adorari, licetè nihilominus inuocari. 328. 329.

Catholici à Donatistis occisi, aut male tractati. Primus, & Donatus. 218. Marcus, Restitutus, aliq. 297. Seruus Episcopus eiusq. patens. 312. Maximia-

T I I I 2

nue

INDEX

nus Episcopus. *ibid.* Seuerus & Macarius. 341. Euodius, Theasius & Victor, Episcopi. *ibid.* Possidius. 301. Augustinus à Circumcellionib. ad mortem quaesitus. 296.

Ad Martyrum sepulchra Demones torquentur, & de corporib. humanis eiciuntur. 328. Comessiones ad Martyrum sepulchra inhibet Ambrosius. 3. Augustinus increpat. 328.

Martyrum Memoria. 468.

Martyrium affectantes Donatista mortem ab obutis quibuscumque extorquent, aut sibi ipsis inferunt. 186. 187. 379. 380. eorum falsum Martyrium detestatur Constantinus. 189. damnatur à Concilio Carthaginensi. 215. V. Circumcelliones. Persecutio.

Maximianus & Maximianistæ.

Maximianus Diaconus Carthagin. noui inter Donatistas schismatis auctor. 233. 234. Primianum Episcopum suum accusat in Synodo Carthagin. 234. Ordinatur ibidem Episcopus contra Primianum. 238. eius sequaces dicti Maximianistæ. 227.

Maximianistæ illi incipiunt rebaptizare. 241. damnantur vna cum Maximine à Primianistis in Synodo Bagaiensi. 142. ab Optato Gildoniano coguntur redire ad Primianistas: à quibus recipiuntur absque vllâ Baptismi aut Ordinationis repetitione. 255. quo facto Donatistæ causam suam peremerunt. 256. 258. 259. 262. 287. 340.

Maximianistæ ad Collationem Carthaginensem admitti postulantes, à Catholicis repelluntur. 356. 357.

Maximianus Vagiensis.

Maximianus à Donatismo conuersus, 289. Episcopatum Vagiensem pro Ecclesiæ pace deponit. *ibid.*

Maximianus Bagaiensis.

Maximianus Bagaiensis Catholicorum Episc. Basilicam à Donatistis occupatam apud iudicem euincit 312. stantem ad altare Donatistæ inuadunt, ac pugione percutiunt. *ibid.* quo casu à morte seruatus. *ibid.*

Mediolanum.

Mediolanenses mittunt Romam ad Praefectum Urbis, ut sibi de Magistro Rhetorices prouideatur. 25. mittitur eis Augustinus. *ibid.*

Curia imperatoria sub Valentiniano iun. Mediolani constituta. 24. 28.

Monasterium extra urbis moenia, sub Ambrosio nutritore. 36.

Mediolanensis Ecclesia Clericos in Africam mittit. 482.

Megalius.

Megalius Calamensis Episcopus, Numidia primas: falsi criminis Augustinum arguit, ad eius impediendum Episcopatum,

GENERALIS.

patum. 76. 324. cuius rei mox pœ-
nitentiâ ductus à frequenti Concilio
veniam petit. *ibid.* Augustinum ordi-
nat. 77. 371.

Melchiades Papa.

Cæciliani causam ab Imperatore ad se
debatam pluribus adhibitis Episcopis cog-
noscit. 167. Cæcilianum absolvit, Dona-
tum Cæsensem condemnat, in ceteros
Schiismaticos mitissima sententia viri-
tur. 169. Donatistarum calumnias impe-
ditur. 170. 171. 381. permittit ut ad Ec-
clesiam redeuntes, nulla honoris immu-
tatione recipiantur. 169. 286.

Mensurius.

Mensurius, Carthagenensis ante Cæci-
lianum Episcopus, Romam ad Maxen-
tium mittitur, quare? 146. thesaurum
Ecclesie quibusdam senioribus commit-
tit, atque inde rediens in itinere mori-
tur. *ibid.*

Mensuriam Donatistæ Traditionis reum
facere conantur. 157. 385.

Mileuis.

Milevis Numidia civitas. 289.

Milevitanum Concilium in causa Do-
natistarum sub Innocentio. 289. qua-
dam ei perperam tributa videri. 290.
Non spectare ad hoc Concilium causam
Abundantij presbyteri. 294. neque discip-
tationem inter Xanthippum & Victorinum.
295.

Milevitanum Concilium contra Pela-
gium. 458.

Militia.

Militia Duces quantum & quomodo
Deo placere possint. 466. pulchra in hanc
rem Augustini ad Bonifacium admonitio.
577.

Mira & Miracula.

Miracula in Africa ad Memorias S. Ste-
phani Reliquis erectas. 468. 469. & se-
quent. de Miraculis quid senserit Augusti-
nus? 475. Miracula ab Augustino in vitâ
ac post eam patrata. V. Ind. Augustin.

Mira Christi apparitio in Palaestina.
507. Crucis signum in vestibus baptiza-
torum apparens. *ibid.*

Mira de Dioscuro Medici baptismo. 105.
de Eulogij Rhetoris somnio. 27. de Templo
Cælesti Carthagine. 276. de clade Rha-
dagasi Gethorum Regu. 394. in Romana
urbis direptione, Barbarica continentie
exemplum. 393.

Historia aliquot memorabiles ex Augu-
stini Libri desumptæ. 476. 478.

MISSA.

Missa Sacrificium pro mortuis oblatum.
510. etiam vivis propitiatur. 511. Alta-
ria in Martyrum memoris: qua & Men-
sæ dicta. 512. in Missarum auditione
abusus populi Augustinus increpat. 104.
sui memoriam post mortem fieri ad Altare
rogat Monica mortis vicina. 5.

TIT 3 Mona-

INDEX

Monachi & Monasterium.

Monachi dicti, Serui Dei. 47. 578. eos admonet Augustinus, Ne Vitam solitariam & contemplatiuam actiua preferant, vbi eorum operam Ecclesia desiderat. 118. vtriusque Vita temperamentum ab Augustino propositum. 588.

Monachus quo discrimine opera maium prescribantur. 271. eadem & Clericus prescribit, cur? 272.

Monachismum primus in Africam intulit Augustinus. 116. 326. Monachos illos castitatem & paupertatem Deo vouisse. 117. 467.

Monachismum vnà cum Baptismo multi olim suscipiebant. 47. 48.

Monachi in insula Capraria ab Augustino laudati. 118. 119. Monachi Adrumetini in Africa. V. Adrumet.

Monasterium Bethlehemiticum Paula & Eustochij, cuius curam gessit S. Hieronymus. 451.

Monasterium Mediolani extra Urbis mania sub Ambrosio nutritore. 36.

Monica.

Monica, Augustini mater. 2. eius erga maritum obseruantia. ibid. singulari dono praeclara pacificandi discordes animas. ibid. pro filiorum salute, Augustini potissimum, sollicita. 2. 17. 18. pietate fortis. 3. eius in Deo fiducia. 3. 26. Serua Seruorum Dei. 4. in Ecclesiâ frequens: Legum Ecclesiasticarum obseruans. 3. 45. Augustino Ambrosius de tali matre gratulatur.

3. Monica precibus tribuit Augustinus, quod vnus veritatis amore trahatur. 5.

Monica visio de filij conuersione. 18. responsum ab Episcopo quodam eidem datum. 3. 18. nauis felicem appulsum ex visione per Deum immissa polluetur. 3. Augustinum Romam abeuntem comitari volens, ab eo decipitur. 23. terrâ mariq; secuta, Mediolani tandem assequitur. 26. Augustini amores coniugali vinculo alligare studet. 28. eius gaudium in filij conuersione. 39. cum eo secedit in villam Cassiacum. 40.

Monica ingenium admirabile. 4. artem Philosophia tenet. ibid. infra se fortuita ac mortis metum videt. ibid. Grammatica naturam penitus cognoscit. ibid.

Monica post filij baptismum ac religiosam vitam, nihil inuenit cur ultra viuere desideret. 47. ad Ostia Tiberina cum filio loquitur de gloria caelesti summâ dulcedine. 52. in morbum incidit. 5. Sepulchri secuta. ibid. vltima eius mandata, & de Augustino testimonium. 52. Mors eius ac sepultura. 5. 53.

N.

Natura.

Natura vires extollentis Salustij sententiam exaggerat Pelagius. 437. Si per naturam iustitia, ergo gratis Christus mortuus est. 508.

Nauigius.

Nauigius, frater Augustini. 6. secedit cum Augustino in villam Cassiacum. 40. Nebris.

GENERALIS.

Nebridius.

Nebridius inter primos Augustini amicos, cum Carthagine dehortatur ab Astrologia studio. 19. eidem Manichaei dogmatis vanitatem ostendit. 30. ex Africa Mediolanum venit ut Augustino conuiuaret. 8. ibidem ab amico rogatus subdocti Verecundo Grammatico 8. acer veritatis scrutator. ibid. cum Augustino super variis questionibus per litteras disputat. 44. error eius de Christi corpore. 8. Baptizatus, atque in Africam redux totam domum suam ad Christianam fidem adducit, ibidem.

Nestorius.

Nestorius Episcopus Constantinopolis. haeresin suam e Pelagianismi fontibus hausit. 630. 632. Florum, Iulianum, aliosque Pelagianis profectos recipit. 632. contra eum Synodus Ephesina indicitur. 630. ab eadem una cum Pelagianis damnatur. 632. Nestorianismi & Pelagianismi commune Epithaphium. ibid.

Nestorianismus ab Augustino iugulatus, prius quam oriretur. 516. 632.

Nox.

Noctu prolata sententia, an valida? 424. Nocturnum, Paganorum sacrum. 598.

Nundinarius.

Nundinarius Diaconus Cirtensis, Syluano Episcopo suo odiosus ab eo excommunic-

catur. 192. Nundinarius Syluanum Traditonu, Simonia, ac Schismatis reum peragis, atque ita Schismaticorum causam producit. 193. 194.

O.

Olympius.

Olympius Stiliconis fraudem detegit, & ab Honorio premiatur. 341. Augustino amicus, qui ad illum scribit contra Donatistas, & Legum Imperialium renouationem impetrat. 341. 342.

Optatus.

Optatus Mileuitanus Episcopus. scribit contra Parmenianum, qua de causa & quando? 221. eius Opus a Donatistis varie interpolatum. ibid. Optatum Donatista pro se adferunt ac legi iubent in Collat. Carthagenensi, ac suis se telis induunt. 385. 386.

Optatus Gildonianus.

Optatus Thamugadensis Donatist. Episcopus, unde Gildonianus & Gildonus satellites dictus? 251. eius mores ac detestanda facinora. 252. decennalis Africa gemitus Augustino dictus. 253. eum Donatista maiorem Ioanne Bapt. faciunt: & in carcere extincti Natalitia quotannis celebrant. ibid. Optatus Maximianistas ad Primum redire compellit. 254. 255.

Orige-

INDEX

Origenista.

Origenis errores. 433. 434. à Philo-
sophis hausti. ibidem. Origenis pernicioſa
dogmata in Hispanias illata à duobus Aui-
tis. 432.

Contra Origenistas & Priscillianistas
ſcribit Auguſtinus. ibid.

Orosius.

Orosius Presbyter Hispanus profectus in
Africam ad S. Auguſt. cōtra Hæſes Hīſpa-
niam infeſtantes. 431. 434. quanto tēpore
apud Auguſtinum commoratus? ibid. Au-
guſtini de illo elogium. 432. conſultat
cum Auguſtino de Anima origine: multi-
turg, ab eodem in Palæſtinam ad S. Hie-
ronymum ad eius ſententiam exquiren-
dam. 353. 354. Liſſera Auguſtini ad
Hieronymum. 452.

Orosius rediens ex Palæſtina deſert ſe-
cum in Africam reliquias S. Sæphani. 456.
468. Patribus Concilij Carth. porrigit Li-
teras Herotis & Lazari de ſucceſſu Synodi
Dioſpolitane, & abſoluto Pelagio. 457.
Suasu Auguſtini ſcribit libros Hiſtoriarum:
quos Auguſtino cum prænominæ Aurelij
inſcribit. 454. 455.

Orosij ſententia de numero Perſecutio-
num, Auguſtino non probatur. 274.

Osius.

Osius Episcopus Cordubensis Ceciliano
adhæret contra Schismaticos. 154. 161.
Donatiſtarum calumniis impetitus. 181.

184. capitalem ſententiam à Conſtanti-
no contra Schismaticos latam interceſſio-
ne ſuâ mitigat. 184.

P.

Pagani.

Pagani unde dicti? 435. eorum con-
iectura de tempore duratura Chriſti
Religionis, proprium exitium prænuſtia-
runt. 273. 276. 328.

Chriſtiani obiciunt, Martyres ab his
Deorum loco haberi: contrarium mon-
ſtrante Auguſtino. 328. 329. mala im-
perium Rom. ſub Alarico affligentia Chri-
ſti Religionis imputant: quem errorem de-
ſtruunt Auguſtinus & Oroſius. 391. 392.
394. 434. 435. An licitum, Pagani
Idola tollere? 281.

Paganismi ſive Idololatriæ origo, ab
ignorantia Creatoris. 334.

Paganismi reliquia in Africa tempore
Auguſtini. 277. 280. 331. 332. 598. V.
Auguſtinus. Gentil.

Palæstina Synodus.

Palæſtina Synodus, quæ & Dioſpolita-
na, contra Pelagium. 441. Episcoporum
qui illi adſuerunt nomina. ibid. in ea ci-
tatus Pelagius & ſe ſiſtens, quomodo abſo-
lutionem abſtulerit. 442. Liber Augu-
ſtini de Geſtu Palæſtini. 449. 481. quan-
do & ubi repertus? ibid. Acta Synodi ex-
hibita abſque Auguſtini commentario.
443. Pelagius in Synodo Auguſtini ad ſe
luteris

GENERALIS.

litteras promittit, se vendit. 405. 408. Plura, quae deinde hanc Synodum subsecuta sunt. 449. V. Pelagius.

Parmenianus.

Parmenianus tertius Donatistarum Carthagine Episcopus; cur Optato dictus peregrinus? 220. Scriptorum eius scopus. ibid. plures eius errores. 222. impugnatur ab Optato Mileuitano. 221.

Tichonius Donatismi fundamenta conuellentem litteris admonet: quas Augustinus refellit. 225. 267.

Patricius.

Patricius Pater Augustini, de numero Carthagini Tagaste. 2. animosus, sed opibus tenuis; ira feruidus, alias benivolus. ibid. magis saeculares litteras in filio, quam virtutem spectat. 11. 12. primum infidelis. 10. sub vita finem uxoris operâ ad Christum conuersus moritur, Augustino agente annum aetatis decimum septimum. 13.

Patricius

Nepos S. Augustini, subdiaconus. 6.

Paullinus.

Paullinus vnâ cum Baptismo Monachismum amplectitur. 48. 121. Episcopus deinde Nolanus inuaditur ab Alipio. 8. Africanis Ecclesiis de Augustini Episcopatu gratulatur. 77.

Paullinus acceptis Augustini libris contra Manicheos, in eius laudes exclamat. 51. 70. Augustino, Alipio, Romaniano ac Licentio mittit Eulogias siue Panem benedictum. 479. ab Augustino per Litteras informatur de Pelagij erroribus, & Gestis Palaestinis. 480. 481. Augustinum consulens materiam praebeat Libro de Curâ pro mortuis. 509. ab Alarico vinculis oneratus, quid oraueris? 355.

Paullinus Diaconus.

Paullinus à Venerio Mediolan. Episcopo in Africam missus, Diaconus ibi Carthaginensis Celestium detegit, atque ad Episcoporum iudicium deferri. 401. 482. rogatu Augustini scribit vitam S. Ambrosij. 482. citatur à Zozyimo Papâ ob accusatam Celestium. 483.

Paullus Cataqu.

Paullus Cataquensis in Africâ Episc. ex Augustini disciplina profectus. 527. acriter increpatus ab Augustino adulari nescio. 548.

Peccata.

Peccatis hominum castigandis, Deus saepe Barbarorum moribus vitatur. 591. 596. an recte querantur Boni, se vnâ cum Malis affligi? 598.

Neminem in hac vita peccati omnis expertem esse. 403. 418. 419. 444. quamquam id Donato suo tribuant Donatistae. 404. V. Donatistarum errores.

V P V V

Pela-

INDEX

Pelagiani.

Pelagiani etiam dicti Celestiani. 305. fraudulentis, simulators, versipelles. 345. 447. 450. 483. 484. Catholicis satum affingunt. 541.

Pelagij & Celestij errores Capitales. 508. 401. 403. 437. 450. impietatis Pelagij exemplum. 492.

Pelagianismus Christiana fidei fundamenta evertit. 457. 458. ex eo genitus Nestorianismus. 632. utriusque epitaphium. ibidem.

Pelagianismum nondum natum statim à Baptismo Augustinus oppugnat. 51. eius libro de Duabus animabus ante exortum Pelagianismum scripto, Pelagiani se tueri conantur; sed frustra. 66.

Pelagiana heresis damnata in Synodo Diospolitana, quamvis eius seminator Pelagius fraudulenter exierit absolutus. 447. eadem damnata in Synodo Milevitana & Carthagenensi eodem tempore habitis, & mox ab Innocentio Papa. 457. 458. 459. item à Zozymo Papa. 489. ac deinde in Synodo Ephesina. 632.

Pelagius.

Pelagius natione Britannus. 305. professione Monachus, sed nullo Ecclesiastico Ordine insignitus. ibid. è quo Monasterio prodierit? 306. ingenium eius deprimis Hieronymus, Augustinus non contemnit. 307. Vita ac moribus diu spectatus: in speciem tantum bonus. 307. 345. 403. 404. eius lapsum deplorat Chrysostomus.

343. Circumspectus cur Augustino dicus? 404.

Pelagius astutus in disseminanda clanculo heresi sua. 343. Roma aliquot annis versatur: inde scribit ad Paullinum Nolanum. ibid. ad Augustini Verba: Da quod iubes, & iube quod vis, ab Episcopo quodam relata, excandescit. ibid. Salustij historici natura vires extollentis sententiam exaggerat. 437.

Pelagius cum Celestio suo Roma in Africam venit. 402. Scribit expositiones brevissimas Epistolarum D. Pauli. 403. Ex Africa pulso Celestio, ipse in Palaestina abijt. 402. inde datis litteris adulatione plenis Augustinum sibi conciliare studet. 405. scribit & Demetriadi Epistolam multis heresibus refertam. 427. iuvene, ut iactabat, matre Demetriadis Iuliana. 428.

Pelagius in Palaestina existens accusatur de heresi ab Herote & Lazaro: & ad Synodum Diospolitana[m] citatur. 441. Synodo se sistens, atque ad interrogata subdole respondens, ab incautis Patribus absolvitur. 442. 443. & sequi profert in iudicio Augustini ad se litteras, iisq[ue] se venditat. 445. 405. deinde absolutionem suam quaqua[modo] deprecatur. 449. chartulam defensionis sue ad Augustinum transmittit. 450. Scribit quatuor Libros de Libero arbitrio, heresis ac fraudum plenos. 450. 451. in Hieronymum atque eius monasterium igne ac cadibus debacchatur. 451.

Africani Patres per Herotis & Lazari litteras de successu Synodi Diospolitana instructi

GENERALIS.

struelli, Mileni & Carthagine habitis Concilio Pelagium damnant, deq. eius doctrina ac fraudibus Innocentium Papam instruunt. 457. 458. Augustino contra Pelagium scribendi curam committunt. 460. Innocentius acceptis Africanorum Litteris, eorum zelum laudat, Pelagium ac Celestium damnat. 458. 459.

Pelagius ut apud Innocent. se purget, mittit ei cum Litteris suis Fidei libellum: sed Innocentio interea defuncto, traduntur Zozymo successori. 484. Litterarum fragmenta. ibid. Sicut Littera Pelagii, ita Fidei libellus erroribus artificose concinnatus videtur. 126. Celestius Romam abiens de Innocentii sententiâ apud Zozyum conqueritur. 481. 482.

Zozymus Pelagii ac Celestii fraudibus circumuentus, scribit pro Celestio ad Africanos Episcopos, corq. perstringit. 483. idem facit pro Pelagio, eiusq. Litteras & Libellum unâ transmittit. 486. 487. Africani indicto Carthagine C C X I V. Episcopos in Concilio Pelagium ac Celestium damnant, & viriusq. fraudes Zozymo per Litteras detegunt: qui & ipse mox virumque condemnat. 488. 489. 490. ac primas Romæ anathema Pelagio dicit Sixius Presbyter postmodum Papa. 491.

Pelagius novis fraudibus Pinianum & Albionam circumuent: quas detegit ac destruit Augustinus. 494.

Pelagius ac Celestius eorumq. ossula, Honorij Legibus exagitantur, ac Prouincis pene omnibus exiguntur. 493. pugnat pro eis Iulianus, atque ut ad Occidentem

cum Concilio venientur contra illos gestis. satagit. 504. 543. idem tentat pauld post Celestius apud Celestinum Papam: sed a quo totâ Italiâ abesse iussus, una cum Pelagio in Britanniam discedit. 544.

Petilianus.

Petilianus Donatistarum Cirtensis Episcopus, idem cum Constantinensi. 263. caussidicus olim, Paracleti sibi nomen assumpserat. ibid. stylo disertus. 264. calumniator ac vituperator. 264. 265. 325. vnus è septemviri disputatoribus in Collet. Carthaginensi. 366. in quâ ad rannum vsque declamat. 386.

Petiliani scripta ab Augustino refutata. V. Inducem Augustin.

Persecutio.

Persecutiones Christianorum sub decem Imperatoribus. 275. anis impletis nulla alia restet præter vndecimam Antichristi: ibidem.

Persecutio Dioclet. & Maximiani: ac plures eorum per Africâ Iudices. 139. 140.

Persecutio Donatistarum in Catholicos. V. Martyres. Circumcellion. Persecutio Donatistarum in socios Rogatistas. 229. in Maximianistas. 247. 246.

Persecutionem se pati volunt Donatista, cum iustis pœnis coercentur. 186. 378. 379. vi & Faustus Manicheus. 132.

Persecutionis tempore an ministris Ecclesia fugere permissum? 599. 560. an tyrannum vltro se offerre? 141.

V V V V 2

Pinia-

INDEX

Pinianus.

Pinianus una cum Melania & Albina in Africam fugiens, ab Alipio excipitur Tagasta. 344. eius munificentia in Ecclesiam Tagastensem. 345.

Hipponem veniens ad inuisendum Augustinum, ibi tantum non violenter à populo in presbyterum deposcitur. 345. hinc sinistrè quiddam de Augustino suspicantibus Alipio & Albina, apud eos Augustinus sollicitè se purgat. ibid.

Pinianus & Albina Hierosolymis ad Augustinum scribunt de Pelagij emendatione: quibus Augustinus Pelagij fraudes detegit, ac destruit. 494.

Platonici.

Platonis Libris proficit Augustinus ante conuersionem ad Diuinorum intelligentiam: multaq; in iis repetit consentanea doctrina Christiana. 31. 33. ea quomodo in vsum nostrum vindicanda. 59. 61. De Platoniorum lectione Augustino gratulatur Simplicianus. 34.

Posidius.

Posidius Augustino presbytero in Monasterio Hipponensi se associat: ab eoque Litteris sacris imbuitur. 57. Episcopus deinde Calamensis sedit cum Crispino Donatistarum ibidem Episcopo. 266. in Episcopatu vitam Monasticam Augustini exemplo propagat. 116.

Posidius Crispinum ad publicam Collationem inuitat. 300. Crispini in Posidium violentia. 301. pro Crispino publicà disputatione superato, ac condemnato apud Proconsulem intercedit. 302. Posidij modestia. ibid.

Posidius proficiscitur ad Honorium Imper. contra Gentiles. 279. 285. ad eundem Legatus ab Africanis Patribus contra Donatistas. 355. interest Concilio Carth. 290. Vnus ex septem Episcopis in Collatione ad disputandum delectus. 366. componit indiculum Scriptorum Augustini. 567. Bello Vandalico Hipponem confugit, atque Augustino morienti adest. 625. 626. 627.

Prætextatus.

Prætextatus Assuritanus Episcopus Maximianista, damnatur à Primianistis. 343. contra eos se defendit. 247. ab iisdem recipitur. 255. 257. 375.

Primianus & Primianistæ.

Primianus, quartus Donatistarum Carthagine Episcopus. 233. accusatur à Maximiano Diacono in Synodo Carthagine. 234. damnatur ibidem, nisi resipisceret. 235. damnatur rursus Cebarsusi, & absens atque inauditus deponitur, creato in eius locum Maximiano. 238.

Primianus damnatus cogit Bagaiensensem Synodum: in qua damnatur Maximianus nullo seruato iurii ordine. 241. 242. Primianus

GENERALIS.

manus in sedem suā restituitur. 244. omnem cum Catholicis Collationem dedignatur. 355. Vnus ē septemvirs disputatoribus in Collatione Carthagen. 366.

Primitianista maior Donatistarum pars. 217. Maximianistas hostiliter persequuntur. 244. 245. 247. Mezentio crudeliores. 246. Maximianistas ad se redeuntes recipiunt absq. vlla Baptismi aut Ordinationis repetitione. 255. quo facto Donatista causam suam peremerunt. 255. 256. 259. 375.

Priscillianista.

Priscilliani dogmata Manichaei affinia, Hispaniam conturbant. 432. super iis consultus ab Orosio Augustinus, scribit contra Priscillianistas. ibid.

Priscillianistarum mysteria turpissima. 536. ad ea in lucem proferenda, visum quibusdam Catholicis se Priscillianistas simulare: quod dissuadet Augustinus. ibid.

Proba.

Proba Faltonia, cuius Demetriadis, nobiliss. ac doctissima femina. 123. ad eam scripsit Augustinus De Orando Deum. ibi. Augustino Carthagine nota, qua occasione & quando? 429.

Proculianus.

Proculianus Donatistarum Hippone Episcopus, Augustini Epistolas recipere recusat. 291. cum Augustinus per alios mo-

neri iubet de scelere apud Proculiani subditos licentia & impunitate. 291. 292. iacet se paratum cum Augustino conferre: sed acceptante Augustino, pedem struit. 291. iterumq. disputationem ab Augustino oblata defugit. 303.

Profuturus.

Profuturus Augustini presbyteri in Hipponensi monasterio discipulus ac contubernalis. 73. 527. litteras Augustini ad Hieronymum perferit. 73. postmodum Episcopus Cirtensis, an Braccarensis? 73. 74.

Prosper.

Prosper Aquitanus Augustini olim discipulus. 527. Augustinum per litteras docet de Semipelagianismo in Gallia exorto, atque ad eum oppugnandum hortatur. 605. 608. scribit de Libero arbitrio contra Rufinum. 608. Augustini doctrinam contra obsecratores strenue defendit. 616. 617. 619. Pelagianismo & Nestorianismo in Synodo Ephesina damnatis epitaphium ponit. 632.

Psalmi & Psalmodia.

Psalmorum recitatione ante Baptism. deletatur ac mouetur Augustinus, praecipue Psalmo quarto. 41. Componit Psalterium in gratiam Matris. ibid. Psalmorum poenitentialium meditatione ad mortem se parat. 626. Psalmus, Misericordiam & iudicium, in fune-

V P P V 3

76

I N D E X

re Monica decantatus. 52.

Psalmorum cantus in Ecclesia Occidentali quando coeperit? 3. de illo Augustini iudicium. 81.

Psalmorum Enarrationes non continuo opere Augustinus composuit. 395.

Q.

Quodvult-Deus.

Quodvult-Deus Augustini discipulus & contubernalis, Diaconus Carthaginensis, rogat Augustinum ut de Hæresibus aliquid conscribere velit. 613. eius nomine excitatur Augustinus ad faciendum quod poscebat. 621.

R.

Renatus.

Renatus Casariensis monachismum ab Augustino in Africa institutum amplexus. 11. mittit Augustino libros *Vincentij Victoris*. ibid. ad eum scribit Augustinus librum primum de *Animæ origine contra Vincentium*. 525.

Rogatista.

Rogatus Donatista, Schismatis Rogatistarum auctor. 227. eius ingenium. 228.

Rogatista exigui numero. 227. ceteris Donatistis mitiores videri volunt. 228. etiã meliores. ib. an idem cum Calicolis? 342.

Rogatistas alij Donatista per Firmum tyrannum persequuntur. 229.

Rogatus Assuritan.

Rogatus Assuritanus Episc. Maximianista: ad Catholicos conuersus linguã ac manu truncatur à Circumcellionibus. 248.

Romanianus.

Romanianus municeps Tagastensis, pater Licentiij, Augustini studiorum mœcenas. 9. 12. 17. 19. nobilis & opulentus. 41. sectã primũ Manichæus: sed operã post Augustini Catholicus, ac Paullino Nolano amicitia iunctus. 41. 479. Mediolani deliberat cum Augustino de una communi & otio Philosophandi. 28. Romano Augustinus dedicat libros *Contra Academicos*. 40. item librum *De Vera religione*. 41. 55.

Ruffinus.

Ruffinus Celestiani dogmatis delineator. 402. ubi & quando obierit? ibid.

Rusticus.

Rusticus, Augustini consobrinus. 6. secedit cum illo in villam Cassisacum. 40.

S.

Sacrificium.

Sacrificium Missæ eiusq. materia. 510. propitiatorium non vnius solum, sed & defunctis. 510 511. Altare etiam Mensa olim dictum. 512.

Sacrum.

GENERALIS.

Sacrum.

Sacrum olim dictum, quidquid erat
Primatum, 363. Sacra id est Latera vel
edicta Imperatorum. ibid.

Salvius Membresitan.

Salvius Membresitanus Episcopus Maxi-
mianus a Primato in Conci-
liabulo Pagani. 343. In bello et Re-
fuge. 245. in praesentia paupera iudicio
habuit. 246.

Schisma.

Schisma Donatistarum ex tribus per-
sonis totidemq. causis originem habuit.
148. eius incrementum & mox inclina-
tio ac tandem ruina. V. Donatistinus.

Ob sententia diversitatem non statim
Sibyma fuit Cyprianus. 248. 376.

Sibymata Donatistarum inter se. 227.
Regatistarum. ibid. Maximianistarum.
233. & sequ.

Scriptura Sacra.

Scriptura Sacra iuvine fassit Au-
gustinus ob fidei simplicitatem. 14. sed
postea videt eò dignius fidem illis adhiberi,
quo laqueantur simplici. 27. plures ra-
tionis, quibus ut ea crederet indutus fuit.
26. 27. dolet serbo se ad eorum studium ac-
cepisse. 38. earum profunditatem ac Sapien-
tia altitudinem admiratur. ibid. quanta

reuerentia & quasi horrore ad eas acce-
rit. 87. orat ne falli in eis, ne fallere ex
eis. ibid. V. Fides.

In Scriptura SS. quadam proposita, ut
tantum scirentur; quadam, ut observa-
rentur: hinc Speculum ab Augustino com-
positum. 565. 566. quid inter Litteras
Sacras & profanas intersit. 110. regu-
las septem ad intell. Sacrae Script. com-
posuit Tichonius Donatista, quas ex toto
non contemnit Augustinus. 223. 224. Sa-
cri codices iussi comburi persecutione Dio-
clet. 139. 141.

Secundinus.

Secundinus Manichaeus Augustinum
appellat, Deum eloquentia. Exhortans
eundem ne Manichaeos infelle tur, scribit
vna contra fidem Catholicam: quem Au-
gustinus refutat. 135.

Secundus.

Secundus Tigistanus Episc. Numidia
Primus, a Traditionis crimine haud in-
noxius: constantiam tamen suam tempo-
re persecutionis magnae predicat. 141.
142. cogit Synodum Cirtensem. 143. 144.
& Episcopos Traditionis reos in confessum
recepit. 145. 383. Cogit Synodum Car-
thaginensem contra Caecilium, eumq.
damnat. 148. 150. hinc natum Donati-
starum Schisma. ibid.

Semi-

INDEX

Semipelagiani.

Semipelagianismi ortus, eiusq; auctores.
603. *Semipelagiani unde dicti?* 604.
eorum dogmata fuscè ad Augustinum per-
scribunt ex Gallia Propper & Hilarius.
605. 608. quæ refutat Augustinus Li-
bris de Prædestin. Sanctorum, & Dono
perseuerantia. 608. 610.

*Semipelagianis præfuit Tichonius Do-
natista.* 224. Augustinus ante Episcopa-
tum adhasit dogmati, quod postea *Semipe-
lagiani* amplexi sunt. 71. quem errorem
Episcopus agnoscit humillimè, ac pluribus
locis retractat. 72. 126. 552. 609. *Se-
mipelagianismum* nondum natum iugu-
lat. 518. 519.

Seuerus.

*Seuerus ex Augustini contubernio Epi-
scopus Mileuitanus* monasticam vitam in
Ecclesia suâ propagat. 116. Augustino
inprimis charus virtutis & doctrinæ caus-
sâ. *ibid.* eo mortuo Augustinus proficisci-
tur Mileuim, datque ei successorem quem
vix designauerat. 559. 560.

Simplicianus.

Eius laudes. 34. eum de vite statu an-
te conuersionem consulit Augustinus. *ibid.*
excitat Augustinum ad Christi humilita-
tem amplectandâ exemplo Victorini Rhe-
toris. 34. 35. Ambrosij in Episcopatu
successor, Augustinum consulit super va-

riis Scriptura locis. 125. quanti eum Au-
gustinus fecerit. 126.

Sylvanus.

Sylvanus fit Episcopus Cirtensis, in
Cirtensi Traditorum Concilio. 145. ad-
hæret Schismati contra Cæcilianum. 151.
à Nundinario Diacono reus Traditionis,
Schismatis & Simonie peragitur. 192.
193. 194. in hæresi & Schismate persi-
stens agitur in exilium. 195.

Symmachus.

Symmachus Præfectus Urbis, Augusti-
num Româ Mediolanum mittit ad docen-
dâ Rhetoricam. 24. Deorum cultû post-
liminio reuocare studet. 436.

Sixtus.

Sixtus Presbyter Roman. (postmodum
Pontifex) Pelagianismi sub Zozymo dam-
nationem publicat Romæ. 491. falso cre-
ditus fauere Pelagianis: quam notam di-
luens Litteris ad Aurelium Carthagin.
tum aliis scriptis, ingenti gaudio Africa-
nos perfudit. *ibid.* ei respondit Augusti-
nus, atque Epistole argumentum. *ibid.*
ex hac Epistolâ malè intellecta Adrumeri-
ni in errorem labuntur. 551.

S. Stephanus.

S. Stephani Reliquias ex Palestinâ in
Africam defert Orosius. 456. Augusti-
nus eas honorat Hippone, & ad alias Ec-
clesias

GENERALIS.

clefias mittit. 468. miracula Vſali, Calama, Hippone & alibi patrata. 469. & ſequ. ea deſcribunt Auguſtinus & Euodius. 456.

T.

Theaſius.

Theaſius. Epiſc. Legatus ex Concilio Africano ad Honorium contra Donatiſtas. 310. a Donatiſta caſus. 341.

Theodoſius Imp.

Theodoſij ſenioris pietas in Eccleſiâ Catholica contra eius hoſtes defendenda. 355. euſdem Lex Auraria decem Librarum in Hæreticos. 232. 314.

Tichonius.

Tichonius primus è Donatiſta ſecta ſua ac Schiſmatiſ fundamenta conuellit. 222. ianuam aperuit pluribus inter Donatiſtas Schiſmatibus. 223. Eccleſiam toto Orbe diffundi debere animaduertit. 222. quare admonetur litteris à Parmeniano: quas Auguſtinus reſutat. 225.

Tichonius Semipelagianismo praluſit. 224. Scribit Librum Regularum ad intelligendum Scripturas SS. quas examinat Auguſtinus, atque ex parte laudat. 223. 224.

Timafius.

Timafius & Iacobus religioſi adoleſcen-

tes à Pelagio ſeducti, Auguſtini prædicatione reſipiſcunt. 437. Librum eius Auguſtino offerunt vt illi reſpondeat. 437. eum reſellit Auguſtinus Libro De Natura & Gratia. ibid.

Timafius & Iacobus de Libro contra Pelagium ad ſe tranſmiſſo gratias agunt. 438. 439.

Traditio & Traditores.

Perſecutione Dioclet. & Maximiani iuſſum vt Sacri Coarices igni abſumerentur. 139. qui eos Ethnicis tradebant, inde Traditores dicti. 141. Epiſcopi in Concilio Cirtenſi Traditionis accuſati ſibi inuicem ignoſcunt. 144. 145. Canon Concilij Arelatenſis contra Traditionis conuiſſos. 177. V. Donatiſta.

Traſtoria.

Traſtoria quid? 176. ea Conſtanti-
nus dat Epiſcopis vocati ad Concilium. 175. 176.

Tribunus.

Tribuni-Notarij qui? 429. Marcellinus Tribunus Notarius in Africa. 356. item Dulcitius. 428.

Tribulatio.

Tribulatio cur etiam bonis obueniat? 352. 598. prouidentia Diuina aſſcribenda. 354. multum intereſt, non qualia

X x x x

ſed

I N D E X

sed qualis quisq; patiat. *ibid.* in Tribulatione beneficentia in pauperes commendata. 352. 599. V. Persecutio.

Trigetius.

Trigetius Tagastensis, Augustini discipulus summo loco natus. 9. secedit cum illo in villam Cassiciacum. 40.

Turbantius.

Turbantius Episcop. Pelagianus; cui Iulianus dedicavit quatuor libros contra primum Augustini de Nupt. & Concupisc. 504. post ab eo errore conversus. *ibid.*

V.

Valentinus.

Valentinus Abbas Adrumetensis, significat Augustino per Litteras eius Libro curatos esse quosdam à suis ab errore in quem imprudentes inciderant. 554. V. Adrumetini.

Valerius Comes.

Valerium Africa Comitem Pelagiani ab Augustino & Catholicis auertere conantur. 500. eorum litteras Valerius mittit ad Augustinum: qui pro sua ac Catholicorum defensione respondet, Libro de Nupt. & concupisc. ad Valerium misso. 501. Valerius Augustino gratias agit: & novum ad se Pelagianorum scriptum Ro-

mam mittit Alipio, Augustino transmittendum. 506.

Valerius Episcopus.

Valerius Episcopus Hipponensis, Augustinum à populo arreptum ac sibi presertatum Presbyterum creat. 55. 56. eidem in Monastica vita persistere cupienti hortum suum donat ubi Monasterium edificet. *ibid.* Græcus natione, & minus Latine litteris instructus. 62. primus in Africa Presbytero potestatem facit in Ecclesia prædicandi. 62. Timens ne Augustinus sibi ab aliis Ecclesiis præriperetur, impetrat ut se viro eiusdem Ecclesie Episcopus ordinetur. 76. contra Nicanos vique Canones, quos tam ille quàm Augustinus cum ignorabant 77. 561. quot annis Augustinus cum Valerio fuderis? 562.

Vandali.

Vandalos Bonifacius Comes ex Hispania in Africam evocat. 576. transeunt in Africam duce Gensericò: eorum numerus. *ibid.* illis vitur Deus ad castiganda Hispania & Africa peccata. 591. Bonifacius Vandalos, quos prius evocauerat, bello aggredditur: atque ab eis victus Hipponem fugit. 602. Vandali Africam devastant. 576. 623. ex innumerabilibus Ecclesiis vix tres superstites relinquunt. 644. Hipponem obsident. 625. tertio obsidionis mense in morbum incidit Augustinus, &c. 726. Vandalorum mores. 602. 603. impietatis sue penas tandem persolvunt. 602.

Vere-

G E N E R A L I S.

Verecundus.

Verecundus Grammaticus Mediolanensis, Augustino familiaris. 8. Concedit Augustino rus suum Cassiacum. 40.

Victorinus.

Victorinus Rhetor Romæ diu docuit: statua in foro Traiani ibidem donatus. 35. Libros aliquos Platonios Latine vertit. 31. iam senex Christianismum amplectitur. 35. scripsit contra Manichæos. 62. 70.

Vincentius.

Vincentius Carthagensis Episcopus. Rogatus in Schismate successor. 227. ex osulat cum Augustino super Legibus penæbus contra Donatistas. 231. Ecclesiam Catholicam dicit unde relit? 230.

Vincentius Victor.

Vincentius Victor itidem Rogatista, quamvis ad Catholicos reuersus, aliquid prioru erga illos affectus retinuit. 221. delusus falsis visionibus. ibid. eius ridicula figmenta circa Animæ naturam. 326. 411. sibi insulantem quâ lenitate ac mansue-

tudine tractarit Augustinus? 411. 525.

Vitalis.

Vitalem Carthaginensem Augustinus à Pelagianismo liberare nititur. 527. eius dogmata. ibid. epistola ad Vitalem Augustinus Sempelagianismum iugulat. 573.

Volusianus.

Volusianus Auunculus S. Melania, Marcellino Tribuno Carthagine familiaris; Philosophie Paganice addictus. 406. Augustino commendatur per Marcellinum, instante matre. ibid. Augustini opera redditur Christianus. ibid. Præfatus vrbis sub Honorio Imperat. 525.

Z.

Zozymus Papa.

Zozymus accipit Pelagij Litteras cum Formula fidei ad præcessorem suum Innocentium missas. 480. à Pelagio ac Celestio circumuentus scribit ad Africanos Patres. 483. 487. à quibus mox de vtriusque fraudibus edoctus, Pelagianos damnat. 490. V. Celestius. Pelagius. & Indicem Augustinianum.

F I N I S.

ERRATA.

Pag. 14. lin. 28. ferebantur. lege flebantur. p. 19. lin. 19. dele respondit. p. 26. l. 23. nam. l. cum. p. 73. l. 17. communita. l. comminuta. p. 98. l. 24. iustum. l. istum. p. 116. l. vlt. Augustinus. l. Augustino. p. 119. l. 14. fructibus. l. fluctibus. p. 136. lin. 6. fames. l. fanies. p. 140. l. 24. Damasc. l. Damas. p. 170. lin. 1. litigantibus. l. iudicantibus. p. 174. l. 28. ab. l. ob. p. 177. l. 5. illicò. l. illic à. p. ead. l. 23. Sacerdos. l. Sacerdotes. p. 225. lin. 20. proponentes. l. proponens. p. 238. l. 7. & 26. Olepzantariæ. l. Elephantariæ. p. 253. l. 17. prelatum. l. perlatum. p. 289. l. 5. habitâque Synodo. l. habitaque Synodus. pag. 307. lin. 21. celeberrima. leg. celerrima. pag. 389. l. 14. secundi. leg. quinti. pag. 405. lin. 18. explorare. l. exhilarare. pag. 413. lin. vlt. debitum. lin. de- ditum. p. 451. l. 20. 140. l. 400. p. 451. l. 12. cum eo. l. cuneo. p. 454. l. 21. villâ. l. illâ. p. 485. l. 25. quæ. l. qui. p. 568. l. 33. visa. l. nisa. p. 576. l. 12. dele: excidium. p. 585. l. 27. Retractionum. l. Retractionum. p. 618. l. 18. Florentium. l. Florentinum.

Cetera condonabit ac per se corriget benignus lector.

